

中華律藏

中華律藏 第三十卷

歷代大藏經律部文獻・中國撰述（二十一）

國家圖書館出版社

佛說梵網經菩薩心地品玄義

明 菩薩沙彌古吳 智旭 述
菩薩比丘溫陵 道昉 訂

夫道窮覺海必稱性以垂慈教被羣機必攝末而歸本是以界內界外混之弗齊行布圓融類之不同梵網經心地品者其衆生之本源諸佛之慧命乎本源自性清淨故稱爲梵慧命偏傳廢利故稱爲網萬法之所集起故稱爲心凡聖之所依持故稱爲地約身則舍那爲本釋迦爲迹約土則華嚴爲本此界爲迹本迹雖殊皆不離於梵網約法則九處所說爲別四禪今說爲總約義則次第行位爲別初心本又爲總總別雖殊皆不出於心地故機緣初熟乃接衆以親本源地既敷仍秉法而傳異界示成正覺卽廣演總中之別還至菩提爰先敷別內之總至說斯教尤返迷歸悟之要津行菩薩道之根本也拈一品而知一部指歸卽一部而通一代儀法觀一佛而徧知十方三世橫模迺紹先哲之芳規補前聖之未備將釋經文先陳五

義一釋名二顯體三明宗四辨用五教相
釋名爲二初釋佛說梵網經名次釋菩薩心地品名 初中爲三初釋佛說次釋梵網第三釋經初言佛說者乃大聖慈尊四辯宣揚也梵語具云佛陀此翻覺者自覺覺他覺行圓滿故名爲佛原始要終具六卽義謂一切衆生本具覺性名爲理佛聞此理性圓解初開是名字佛念念觀心伏五住惑名觀行佛功深垢落淨於六根名相似佛分破無明分見法性名分證佛無明斷盡理性圓顯名究竟佛佛有三身謂法報化法卽本覺性體報乃始覺智圓化則慈悲應現有處云法身名毗盧遮那此翻光明徧照報身名盧舍那此翻淨滿化身名釋迦牟尼此翻能仁寂默然晉譯華嚴皆稱爲盧舍那唐譯皆稱毗盧遮那只是梵音楚夏未必專以此分法報又華嚴或名釋迦或名遮那本無異體惟此經舍那自坐華臺釋迦據百億界當知三身非一非異機緣不同見一異耳又三身皆具單複二義法身單者惟指本來清淨理體親身

單者惟指無上功德智慧化身單者惟指應現如水中月法身複者一本性清淨法身即眾生本源自性天真佛也二離垢妙極法身即諸佛所證究竟法界理也報身複者一自受用報身即諸佛智斷二德究竟實果二他受用報身即地上菩薩隨其心量所見剎闍相好一一相好皆無分劑者也化身複者一應現身示成八相二變化身無而倏有又化身亦名應身應物示現如月印水故也示八相者復有三種一勝應身謂地上大士所見相好無量及一類大根眾生雖未登地緣善根力亦能見之比亦名爲他受用報二帶劣勝應身即通教三乘所見接入別圓故勝猶依事識故劣三劣應身即界內鈍根所見丈六老比丘相惟依事識不達相海無邊之致故名爲劣此三應身復須約橫豎以辨其相約橫辨者只一丈六境界本定身界內鈍根見其在木樹下坐生草座以老比丘身轉生滅四諦法輪界內利根即見在寶樹下坐天衣座以帶劣勝應身轉無生四諦法輪界外鈍根又

即見其在華藏界坐華王座以圓滿報身轉無量四諦法輪乃至界外利根又即見其所寂光土坐虛空座以清淨法身轉無作四諦法輪此則佛身不動機見自殊故名橫辨也約豎辨者如此經中千百億釋迦自坐菩提樹下義當劣應應藏教機千華上佛自居四禪宮中義當帶劣勝應應通教機故起信論云菩薩功德成滿於色究竟處示一切世間最高大身謂以一念相應慧無明頓盡名一切種智自然而有不思議業能現十方利益衆生即其證也盧舍那佛自據蓮華臺藏世界義當他受用報亦名勝應應別教機此則佛身不同處所亦異若藏教機轉而爲通則離於樹下得見四禪中佛若通教機接入別教則從於四禪還至華藏世界惟圓人根利於一切身若橫若豎了知皆即法身影現故不別明身相處所此名豎辨也問起信爲圓頓大乘胡得判作通教佛相答文中既言示世間最高大身知是應化非指法報而通教爲大乘初門前通三藏令不滯於化城後通別圓

令同歸於寶所。故功德圓滿。善隨示現。此身最切機宜。兼與今經。宛合以三千大千世界。統一色究竟天。故亦統一佛身。即所謂周匝千華上之千釋迦也。於同居土中。最高大故名勝應。對方便土中。猶屬分段。故名帶劣。言一念相應慧者。明是應通教機。言無明頓盡者。一切種智者。約權則斷盡色心。無知習氣。亦稱佛眼。一切種智。約實則是從法報而垂應化。言不思議業能現十方者。即所謂一華百億國。一國一釋迦。千百億釋迦。是千釋迦化身也。無而後有。又有二種。一示現佛相。二示九界相。如妙音觀音等。隨類現身。來時不知。去時不覺。佛道同總。以慈悲感應成。茲妙用也。如此三身。義意無量。總非異體。法身如珠。體圓報身如珠光。淨化身如珠影。互涉離體無光。離光無影。影知光。顯光見體。三身理明。梵網義顯矣。又此三身。即是三德。法身即法身德。除中道外。無別體。故報身即般若德。證理緣實智。故化身即解脫德。處處應現。往故三德秘藏。諸佛非增。衆生非減。三身亦

爾但迷時爲理。即三身乃至成佛時爲究竟三身耳。說者悅其所懷。謂諸佛久修久證一體三身了知一切衆生同具此德。大悲熏心。每思濟度。今機緣初熟。適接歸本源。世界親觀本尊。秉受心地法門。次復示成樹下。普爲凡夫結重輕戒。傳受者願入佛位。成眞佛子。度生本懷於茲暢悅。據文則上卷是舍那所說下卷是釋迦所說。然經傳此界必釋迦之所覆述。題稱佛說。當指釋迦亦以三身不異故也。問三身既是不異。何故釋迦擊接大衆。還至蓮華臺。藏世界同禮舍那。答三身不異。亦非定一以不異而異。故約豎辨如此。經中釋迦僞國舍那華臺以不一而一。故約橫辨如華嚴中不動寂場。偏於塵刹。又以一而不一。故華嚴明或見釋迦或無量壽。或復阿閼或寶首等。令人不作定一之見。以異而不異。故此經云如是千百億盧舍那本身令人不作定異之見。佛身一異既不可思議。說法傳受亦不可思議。謂初一番舍那傳法。千釋迦受之。次一番千釋迦傳法。千百億釋迦受之。第

三番千百億釋迦傳法一切衆生受之乃至現在衆生展轉傳法後世衆生次第受之以言其異則同者亦異舍那尙非千佛千佛尙非百億況千百億豈卽一切衆生是名爲迹是隨情說以言其同則異者亦同千百億既卽千佛化身千佛又卽舍那化身彼一切衆生何獨非舍那同體故曰若人受佛戒卽入諸佛位汝是當成佛我是已成佛是名爲本是隨智說爲本施迹顯本此緊接大衆還蓮華藏意也舍那爲本千釋迦爲迹千佛又爲本千百億釋迦爲迹千百億又爲本一切衆生爲迹乃至展轉傳法者復爲本受法者復爲迹本迹重重不可思議而離本無迹迹是本來之迹故云諸佛心內衆生離迹無本本是迹家之本故云衆生心內諸佛法華本迹豈約塵劫此經本迹機約億界豈則古今不離當念橫則自他不隔毫端爲本施迹妙智隨情開迹顯本融情歸智豈不巧哉又此經不惟橫開本迹知自他之隔亦復豎開本迹顯今古之常然如下卷初云吾今來此世

界八千返爲此娑婆世界坐金剛華光王座乃至摩薩首羅天王宮爲是中一切大衆略開心地法門竟豈非開顯數數示成正覺之事故法華經云我實成佛已來久遠若斯但以方便教化衆生令入佛道作如是說也若謂概論受生行菩薩道則觀此大地無有一微塵許非是菩薩捨身命處又何止八千返耶固開近顯遠惟在法華餘部之所不共今方初示成道胡得便約發本爲解若此經旣已發本又何須法華更開答法華兩番開顯皆點示界內權機令歸佛道今經與華嚴同部自被界外兩機縱令二乘在座猶然若啞如墜況未與法席那知絕唱故須直至法華方得開會不可謂根已熟者亦至法華方開會也問佛三身中的是何身說法答三身旣非一異自不容偏執何身說法但爲對治有異故使諸經所說不同或云報化非眞佛亦非說法者此則恐人執相迷理故惟示法性本覺以爲眞佛也或云法佛者自覺聖境無言無說說法現儀皆化佛耳此則恐人以法身墮

在情量故。惟指化佛示三輪也。實則說法度生。非法身亦不離法身。非報化身亦不離報化身。若得四悉意。謂惟法身說法亦可。如云報化非說法。若謂惟報化說法亦可。如云法身無言無說。謂三身合乃說法亦可。如云功德和法身處處應現。往謂三身各各說法亦可。法報佛爲地上菩薩說法。勝應佛爲地前及聲聞緣覺說法。劣應佛爲一切凡夫說法。謂三身總無所說亦可。如云四十九年不說一字。若不解四悉因緣。隨執一句。皆名謗佛也。次釋梵網爲二。初約喻次約法。初約喻者。經云時佛觀諸大梵天王。網羅幢因爲說無量世界。猶如網孔。一一世界各各不同。別異無量。佛教門亦復如是。故知以喻爲名也。能喻惟一。謂梵王殊幢所喻有二。謂世界及佛教門。世界即所被之機。教門即能被之法。法性平等。理非種種。緣機異故。教門亦殊。初明所被之機。不言衆生。而言世界者。舉依報以該正報。所謂佛世界乃至地獄世界。以此種種世界皆是衆生。同別二妄所成。同中有別。別中

有同。同別互緣。安立剎網淨穢。差別非言可窮。略而明之。有四種土。一常寂光土。二實報無障礙土。三方便有餘土。四凡聖同居土。以四土攝十界者。寂光是佛世界。實報是菩薩世界。方便是聲聞緣覺世界。同居是六凡世界也。於此四土。又各分淨穢。及其橫論豎論二義。今先明四土。初常寂光土者。常即法身寂即解脫。光即般若。若又三德皆常性無遷故。三德皆寂離塵勞故。三德皆光極明淨故。如此三法。不縱不橫。名祕密藏。乃清淨法身所遊居處。約智名身約理名土。身土一如。非二相也。此無各各別異之致。而實徧周別異界中。以別異世界。離此別無安立。處故實報無障礙土者。緣於全性起修。稱性所感。眞實果報。色心自在。剎利互含。地上大士之所遊居。身能現土。土亦現身。不違法性。勝妙莊嚴。具如華嚴所明法界安立海也。方便有餘土者。出三界外。三乘聖衆修方便道之所遊居。但離分段未免變易。但盡見思未除別惑。故名有餘。謂有九人生於此土。藏教二人聲聞緣覺通

教三人聲聞緣覺及六地以上菩薩別教三人十住十行及十回向圓教一人即是十信也凡聖同居土者三界九地二十五有本是凡天有漏善不善不動業之所招感而聖人亦復同居其同居者有二種聖一實二權實者謂此聖人始是凡夫本經夙業牽生此界後因修道力證三乘果權者謂此聖人或是寂光實報方便土人緣大悲願力哀愍衆生示生此界非是業牽以此二種聖人與凡雜處故名凡聖同居土也問同居土中聖有權實上三土中惟聖無凡亦各有權實否答方便土中二權一實若非同居士中斷見思惑盡分段生乃於方便土中受法性身如前所明九人總名一實若寂光實報佛及菩薩爲誘定性二乘及地前菩薩令入正位示居方便是名二權實報土中一權一實若別地圓住分段無明而得生者名之爲實若寂光法佛現他受用報身教諸菩薩令盡無明源者名之爲權寂光土中惟實無權以是諸佛所遊居故次明四土各分淨穢者同居土中

五濁輕者則淨如極樂世界妙喜世界等五濁重者則穢如今娑婆世界等又或純淨無穢或純穢無淨或淨兼穢或穢兼淨或淨輕穢或穢輕淨各各不同別異無量皆緣衆生業感致斯差降具如諸經廣明方便土中析空拙度者穢體空巧度者淨細論則九人所見後轉時亦得展轉論於淨穢實報土中次第三觀證入者穢一心三觀證入者淨寂光土中分證名穢究竟名淨問同居極樂所牽可分淨穢上之三土皆是聖居那復有穢答譬如孫陀利色比於天女不啻瞿猴上味酥醃禪天視之不啻膿血色界妙身四空視之逾於麤毒小乘三昧法眼觀之猶如癡醉以此爲例淨穢何窮未登妙覺穢終未盡淨終未極故曰一一世界各各不同別異無量也次明橫論豎論者豎則出於同居乃入方便出於方便乃入實報出於實報乃入寂光斷惑既淺深不同住處亦高下迥別橫則不移當處所見自殊於同居土橫超三土謂見思斷盡即見方便塵沙斷盡分破無明即見實報

亦得分見寂光無明斷盡即得了了見於寂光於方便土橫超二土。謂實報寂光於實報土橫超一土。謂常寂光常寂光土無復可超亦無橫豎又約諸佛菩薩三乘聖人隨於已土橫豎自在。謂常寂光土能爲衆生現下三土。實報土中能爲衆生現下二土。方便土中能爲衆生現同居土。又同居土中能爲衆生示上三土。方便土中能爲衆生示上二土。實報土中能爲衆生示寂光土。故曰無量世界猶如網孔互相涉入也。次明能破之法。法貴當機。機既萬殊法亦千變。概而爲語有四種教。良以衆生流轉二死止因迷真迷中二種無明迷真故有分段生死。須設界內教以度之。迷中故有變易生死。須設界外教以度之。而真中二迷復各有輕重不同。故界內外人又各有利鈍根異。迷真重者爲界內鈍根。非析空觀。真生其解故有藏教法起迷真輕者爲界內利根。非體空觀不還其宜故有通教法起迷中重者爲界外鈍根。非次第三觀莫治其惑。故有別教法起迷中輕者爲界外利根。

非一心三觀。莫開其悟。故有圓教法起。就此四教復各四門。謂有門空門亦有亦空門非有非空門。凡四四一十六門。就十六門又各具四種悉檀。謂諸衆生聞一一門或得歡喜。益是世界悉檀。或得生善益。是爲人悉檀。或得滅惡益。是對治悉檀。或得入理益。是第一義悉檀。故曰佛教門亦復如是。猶如世界各各不同。別異無量也。又說此四教更有四種化儀不同。或頓說或漸說或秘密說或不定說。頓說者。顯示圓宗。或雖兼別總。被大機如華嚴及此經等。漸說者。曲爲小機。引權入實。如阿含爲漸初。但說藏教。方等爲漸中。並談四教。而二乘經得漸益。般若爲漸末。帶通別正。談圓教。而二乘祇得別益。秘密說者。爲此說顯爲彼說。漸一座一音各自異。解互不相知。不定說者。頓說中得漸益。漸說中得頓益。以小助大。以大助小。如此儀法融攝難思。故曰佛教門亦復如是。猶如無量世界。喻以網孔互相涉入也。約四教對四土三佛者。寂光法佛說圓教。實報報佛說別教。方便勝應佛說通

教同居劣應佛說藏教又法佛能具說四教報佛能說三教謂藏通別勝應能說二教謂藏與通劣應能說一教謂惟三藏又同居中樹下劣應須具說四教衆生根性雜故色究竟天帶劣勝應惟說三教藏教之機不能見故方便土中勝應身佛止說別圖二教令見中道界內二機皆絕分故實報土中他受用報惟說圓教令諸菩薩永證無明源故自受用報冥於法性惟受具樂等覺以下所不能見無所說法其諸菩薩所可見者皆即他受用報耳寂光法身惟是諸佛自覺聖智境界無復可說又報智冥法性身離一切相領一切身非說非不說雙焰說與不說謂自受用報冥法身而寂然是不說義種種應身依法報而起用即是說義又不惟法身非說非雙焰說之與默即報化等身亦各具說默二用四辯宣揚名之爲說三昧正受名之爲默有云說法則利益衆生默然則自受法樂一往語耳自有衆生聞佛說法而得歡喜生善滅惡入理者復有衆生見佛默然而得歡喜生善

滅惡入理者是故如來一說一默皆關四悉因緣又說能詮表四教一十六門門門令得四益默亦能顯示四教一十六門門門亦得四益若從說法薦取者一往判是信行若從默然薦取者一往判是法行又自有從說法而起隨法行者自有從默然而起隨信行者事非一概又從默然處薦取者一往判是利根從說法處薦取者一往判是鈍根又自有利根則一聞便悟鈍根乃須入定示相者亦非一概今更約機感總述其意樹下千百億名應正爲應藏教機而博地凡夫有夙具通別圓根者即於此劣應而聞後之三教色究竟天帶劣勝應身正爲應通教機而諸天世人有夙具別圓根者即於此帶劣勝應身而聞後之二教方便勝應身正爲接通入於別圓故鈍者但聞別教利者兼聞圓法實報土中華臺報身正應別圓二機故華嚴圓而兼別此經別而兼圓蓋諸佛現身說法本爲一實而施三權必引三權而歸一實既以說法而引亦以示相而引說法而引復有二義一豎引

二橫引豎引者。先說阿會以除凡情。次說方等以
解大說般若以會其法。後說法華以會其人。
如前所明於三漸中。僅得三益。直至法華方得圓
益。此約最鈍根人。必須備歷五味而豎入也。橫引
者。卽秘密不定二種化儀。隨其根性。或於阿含便
悟圓常。或於方等。或於般若。便悟圓常。不必歷盡
諸味。隨於何味。皆得超入所謂置毒乳中。乳卽被
人酪及二酥。乃至醍醐。隨其毒發。皆卽殺人也。示
相而引。亦有二義。一豎引。二橫引。豎引者。樹下機
熟。得見色究竟身。四天機熟。接歸華藏世界。華藏
機熟。證入平等法性也。橫引者。只此丈六劣應生
身。通教機熟。卽見其爲高大勝應。別教機熟。卽見
其爲利應。相海圓教機熟。卽見其爲淨妙法身也。
此橫豎二引。復各二意。若彼衆生。未曾伏斷見思
塵沙無明。而得見勝應。他報及法身者。卽是夙因
將熟。故佛以神力加被。令見見已。方得悉斷理影。
若彼衆生。既已伏斷三惑。而得見三身者。卽是現
在功熟。故佛隨機應之。如水清則月自現。然佛力

亦因自力。自力亦緣佛力。感應道交。機法相稱。尤
見別異無量。而互相涉入也。約喻釋竟。次約法
者。梵網卽是衆生心性。乃諸佛之本源。行菩薩道
之根本。是大衆諸佛子之根本也。自性本淨。名梵
塵。介含攝名網。緣此心性。建立無量世界衆生之
法。及設無量教門。諸佛之法。故曰心佛及衆生。是
三無差別。而此心性。體絕染淨。偏能出生染淨。諸
法正染淨時。仍非染淨。染亦法界。淨亦法界。染淨
俱不思議。乃名爲梵。所謂佛界清淨。乃至地獄清
淨。卽此心性。體非同異。偏能示現同異。諸相正同
異時。仍非同異。異亦法界。同亦法界。同異俱不思
議。乃名爲網。所謂佛爲法界。一切法趣佛。乃至地
獄爲法界。一切法趣地獄。略而言之。夫心者不起
而已。介爾有心。三千具足。謂一念心中。必具十界。
於一一界。必各互含。便成百界。如此百界。各具相
性。乃至本末究竟等十如。共有千如。復次實法一
千假名。一千國土。一千則成三千實法者。地獄五
陰。乃至佛界五陰假名者。地獄假名。乃至佛界假

名國土者地獄依報乃至佛界依報隨指一法隨舉一名隨拈一塵無非法界理事頓足無欠無餘如一切諸法亦復如是如一切諸名亦復如是如一切諸塵亦復如是而但云介爾有心三千具足者以衆生太廣佛法太高故且令觀心庶易悟入只此介爾極微劣心三千性相炳然頓具非前非後不減不增何以故一念體圓名為理具隨起念時即名事造良緣介爾所起之心於十界中必落一界一界既現九界同彰故地獄現時一切法趣地獄十界無非獄界又獄界亦能徧起十界乃至佛界現時一切法咸趣佛界十界無非佛界又佛界亦能徧起十界法性自爾非關強造只因此介爾一念之心必全覆法界以爲其體而此法界從來無有分劑不可割裂安得謂此介爾之心止是少許法界理耶又此介爾之心既全具法界之理必全具法界之事以此法界從來攝一切事歸無不攝並無一事如微塵許能出法界外者倘謂介爾心中但具法界全理不具法界

全事不幾有理外之事耶所以念體念用同名爲心念體則冥乎理具而理具還包事造念用則成乎事造而事造還合理具故此事理兩重三千皆即一念心中圓具如帝網珠光光融攝重重無盡難思議昏迷倒惑此理常如梵網理也迷此理心紛然五住妄受二死不契妙心是成世界種種差別諸佛惑之隨機設教爲圓爲別爲通爲藏教設四門門衆四悉或頓或漸或秘或顯廣化衆生令歸本際梵網教也背塵離覺棄教修行小大隨其夙稟鈍利仍其慣習或轉或接或借或會從無量門通一實境梵網行也攝理起教因教發行漸行契理理非心外教行亦然理即法身教即般若行即解脫迷成三障悟顯三身自悟名佛悟他名說自他不二名爲梵網約法釋竟

第三釋經者先正釋次示通別三明具義互含光正釋者梵語修多羅此翻契經上契妙理下契羣機故名爲契爲法爲則今古常然故名爲經從來譯師皆略去契字直解爲經經乃此方之言謂法

訓常法者。執持義軌。生物解。任持自性。常者不變。不壞。義軌。持即契機。常即契理。字雖從略。義亦無減。而此經法。具有教行。理三言。教經者。大聖垂慈。隨類開示。所有訓誥。法界同遵。故名爲經。言行經者。一行五行。萬行微塵。數行三乘聖衆之所共緣。決無異趣。故名爲經。言理經者。有佛無佛。性相常住。魔外不能令其壞。大聖不能有所作。豈獨橫偏。體極真如。故名爲經。又文字即教。經契機。即成行。經契理。即是理經。又此方以文字爲教體。故指卷帙爲經。於卷帙中。具足三經。能令衆生解其所證。即是教依此生善滅惡。即是行依此證入法性。即是理。當知卷帙只是色法。於色塵中。既具三經。餘塵亦爾。如佛在世時。以音聲爲教體。或隨聞歡喜。隨聞生善滅惡。隨聞入證。於一音中。三經圓具。或從善知識。及說法人。邊聞言得。益亦復如是。隨法行人。歷法觀察。以法塵爲教體。香積佛國。以香飯作佛事。是味爲教體。或有佛國。以天衣作佛事。是觸爲教體。以要言之。六塵體是法界。故一一無非。

教經亦無非行。經亦無非理。經但隨根有利鈍。致使迷悟不同耳。次示通別者。梵網是別名。別餘經。故經是通名。同名經。故教行理三皆論通。則具如合宗廣明。有釋經爲能證。佛說梵網爲所證者。茲所不用。以佛等五字。皆是能證字下之義。皆是所證。若以能所判釋。豈佛說梵網四字。便非文字。而經之一字。便無義耶。故惟得論通別也。三明具義互含者。先明具義。謂佛等五字。各具教行理三義。佛即是教。生物解。故亦即是行。是心作。故又即是理。究竟性。故說即是教。四辯宣。故亦即是行。如說行。故又即是理。如理說。故梵即是教。顯淨法。故亦即是行。具梵行。故又即是理。清淨性。故顯即是教。示差別。故亦即是行。徧布列。故又即是理。相常住。故經即是教。善證顯。故亦即是行。共運徧。故又即是理。不可壞。故大明互含。謂佛等五字。各含諸字之義。佛即是說。令他悟。故亦即是梵。極清淨。故亦即是網。三輪普覆。法界海。故亦即是經。爲天人師。極眞常。故說即是佛。覺悟他。故亦即是梵。

言音淨故亦即是網具足四悉一十六門。諸衆生出生死故亦即是經。堪受故梵即是佛。清淨覺故亦即是說。顯示理故亦即是經。互照無窮故亦即是經。清淨之性不可壞故。網即是佛。覆護衆生故亦即是說。昭示衆生故亦即是梵。莊嚴清淨故亦即是經。覺窮橫偏故。經即是佛法。身舍利故亦即是說。永傳慧命故亦即是梵。離過絕非故亦即是網。義門無量故。更約品名互顯者。佛即菩薩。不捨衆生故。菩薩即佛。不違法界故。佛即是心。心外無佛故。心即是佛。佛性之外無別心故。佛即是地。荷負衆生故。地即是佛。平等持載故。梵網即菩薩。自覺覺他故。菩薩即梵。網差別莊嚴故。梵網即心地。緣心所現故。心地即梵。網王所相應故。人即是法。實法所成故。法即是人。假名所顯故。乃至人法即喻。假施設故。喻即人法。依理智故。經即是品。離別無總故。品即是經。離總無別故。一一互含義理無際盡。一品又盡一部。教盡一代。法盡十方。三世諸佛所說。隨拈一經。隨拈一品。隨拈一句。隨拈

一字亦各互含無限無刺。故云一即是多。多即是一。文隨於義。義隨於文。又云一中解無量。無量中解一字。法門海墨書而不盡。若不作此解釋者。安竟梵網法喻之旨耶。

次釋菩薩心地品名者。爲四初釋菩薩人名。次釋心地法名。三就人法對釋四釋品字。先釋菩薩者。梵語具云摩訶菩提賢帝薩埵。此翻大道心成就衆生。或翻覺有情。或云大士。或云開士。以其依四諦境發四弘誓。攝大甲冑。能爲難事。上弘佛法。下化衆生。慈智雙運。故獲此名。今略去六字。但稱菩薩。明此行位。須約四教。一明藏教菩薩。創聞生滅四諦及事六度法。惑已。感他大悲。增上發菩提心。誓度一切。歷三阿僧祇劫。熾然修行六波羅蜜。初僧祇中。離三惡道及邊地。根缺女身。亦能常識宿命。但心猶未知作佛。與不作佛。二僧祇中心知作佛。口未能言。第三僧祇功德漸備。了知作佛。口亦能言。三僧祇滿。更住百劫。修相好。因積百福。成一相。治大千盲人。悉瘳爲一國等。如經廣明。至

最後生住兜率天宮待衆生緣熟示現降神母胎。乃至出家坐菩提樹降伏魔軍。齊此以前總名菩薩發真無漏三十四心。願斷見思習氣。乃名爲佛。此藏教中說菩薩於三阿僧祇劫久受生死。求大菩提。但自專精修行六度。而見思二惑伏而不斷。以見思苦斷。卽證聲聞辟支佛地。永入涅槃。不復能行菩薩道。故何以須作此說。謂此教門本爲界內鈍根。而設正化二乘。傍化菩薩。正化二乘者。惑其久在火宅。了無出意。自非權不生滅四諦法門。尙不免被三界火燒。何繇得解佛之智慧。故須爲說斷見思。恐出分段。若且入化城以懸息之。旣爲二乘說此法門。何得更說菩薩斷惡利生。所以三祇止言伏惑。直至樹下方乃頓發無漏三十四心也。然使見思果在則二生三生尙難保其不迷不退。況歷三祇。故知此說權中之權。已爲通教所破。經云。安有毒器堪貯醍醐。此之謂也。二明通教菩薩有九地第十名佛。一乾慧地。體陰界入如幻如化。總破見愛八倒。名身念處。受心法。亦如是住。

此觀中修正勤如意。根力覺道。雖未得相似理水。而總相智慧深利。故稱乾慧。第二性地。從乾慧增進。得成煖法。乃至頂法。忍法。世第一法。相似得無漏性水。故言性地。三八人地。人者忍也。體見假發。眞斷惑在無間三昧中。八忍具足。智少一分。名八人地。四見地者。見第一義。無生四諦之理。斷見惑。八十八使皆盡。五薄地者。體愛假發。眞斷欲界思惑。前六品盡。除三品在煩惱薄也。六離欲地。體愛假卽眞斷欲界思惑。盡故名離欲。七已辦地。體色無色愛。卽眞發無漏。斷上八地思惑。七十二品俱盡。故言已辦。此前七地與聲聞人共。八辟支佛地。旣斷正使。兼發習氣。此地與緣覺人共。九菩薩地。從空入假。道觀雙流。深觀二諦。進斷習氣。色心無知。遊戲神通。淨佛國土。成就衆生。學佛十力。四無所畏也。第十地名爲佛者。大功德力以資智慧。一念相應。慧觀具諦。究竟習亦無餘。如劫火燒木。無復灰炭。香象渡河。到於邊底也。此教亦名三乘共十地。以七地之前與二乘共。八地之前與支佛共。

又此教名爲通者三人雖各不同通觀無生體法同證無學同出分段同到化城故稱爲通又通前藏教通後別圓故稱爲通也。三明別教菩薩此教事被界外之機機不一故說亦不同華嚴明十住十行十迴向爲三賢十地爲聖此經明三十心十地義意頗同而名字迥異至後釋文中當辨金光明但出十地佛果勝天王明十地涅槃明五行如是增減不同皆不出四悉檀意而瓔珞明五十二位位次最爲周足至若明識明資糧加行二位頗似藏教而通達位後明修習十地乃是開教地名楞伽於十信前更加乾慧十迴向後明四加行并取最初三漸次行以爲能歷五十七位是其所歷能所合稱共名六十聖位若單約所歷復除乾慧非真妙覺非終則名五十五位真菩提路若據乾慧名同通教四種加行復攝藏名而義理迥別此意多途未易卒畢今且約瓔珞明其階次一外凡十信位一信一念三精進四慧五定六不退七迴向八護法九戒十願此十位伏三界見思煩惱

次內凡十住位一發心二治地三修行四生實五方便具足六正心七不退八童真九法王子十灌頂初住斷見惑七住斷思惑證位不退與藏通二佛齊八住以上斷界內塵沙伏界外塵沙此十住名習種性用從假入空觀見眞諦理開慧眼成一切智行三百由旬三內凡十行位一歡喜二饒益三無違逆四無屈撓五無癡亂六善現七無著八難得九善法十真實此十行斷界外塵沙名性種性用從空入假觀見俗諦理開法眼成道種智四內凡十迴向位一救護衆生離衆生相二不壞三等一切佛四至一切處五無盡功德藏六隨順一切平等善根七等隨順一切衆生八眞如相九無縛無著解脫十入法界無量此十迴向伏無明習中觀名道種性行四百由旬從八住至此名行不退又比二十位亦名三賢也五明十地聖位一歡喜二離垢三發光四離慧五難勝六現前七遠行八不動九善慧十法雲初地用中道觀破一分無明顯一分三德證念不退開佛眼成一切種智

行五百由旬。初到寶所。百界作佛。八相成道。利益衆生。二地以上。地地各斷一品。無明證一分。中道六明等覺位。從法雲地更斷一品。無明入一生補處。此十一位。俱名聖種性。齊此名爲菩薩更破一品。無明入第七妙覺位。了了見性。證大菩提。名之爲佛。四明圓教菩薩。圓教位次。名與別同。但別教次第漸修。圓教一心圓具。別教位次。各不相收。圓教位次。互相融攝。是爲不同。今亦用璣珞五十二位。復依法華於十信前。更明五品。觀位一。隨喜品。若人夙植深厚。或從善知識。或從經卷。圓聞妙理。謂心佛衆生。三無差別。此心即空。即假。即中。全體法界。頓具百界。千如。種種性相。聞已信解。慶已慶人。欲開此心。而修圓行。圓行者。一行一切行。略言爲十一者。識知一念平等。具足不可思議。二者惑已昏迷。慈及一切三者。又知此心常寂常照。四善用寂。初心破一切法。即空。即假。即中。五者善識一心。諸心若通若塞。六者能於此心。具足道品。向菩提路。七者又解此心。正助之法。八者善識已心。

及凡聖心。九者安心不動不墮不退不散。十者雖識一心。無量功德。不生染著。十心成就。就其心念念悉與諸波羅蜜相應。名隨喜品。二讀誦品。內則勤修理。觀外則讀誦大乘。聞有助觀之力。如膏助火。十心轉明。三說法品。內解轉勝。弘誓熏心。導利前人。化功歸己。隨說法淨。則智慧淨。十心倍明。也。四兼行六度品。正觀增明。傍兼利物。能以少施與虛空等。使一切法。趣檀檀爲法界事。相雖少。運懷甚大。戒等亦爾。理觀爲正。事行爲傍。故言兼行。事福資理。十心彌盛。也。五正行六度品。圓觀淳熟。事理欲融。事不妨理。理不隔事。權實二智。究了通達。治世語言。實生產業。皆與實相不相違背。十心光猛。如火益薪。也。此五品。位用圓三觀。圓伏五住煩惱。名爲外凡。次入內凡。十信。修圓行善巧。增益五倍。深明得入圓位。善修平等法界。即人信心。善修慈愍。即入念心。善修寂照。入精進心。善修破法。即入慧心。善修通塞。即入定心。善修道品。入不退心。善修正助。入迴向心。善修凡聖位次。即入護心。善

修安忍即入戒心善修離著即入願心此是六根清淨位初心任運先斷見惑證位不退七心任運思惑斷盡八心九心十心任運斷盡界內界外塵沙證行不退與別教十迴向齊大明聖位初住以圓觀力分破一品無明三心圓發謂緣因善心發即解脫總了因慧心發即般若德正因理心發即法身總如此三德不縱不橫圓在一心發得本有故名初發心住從二住去乃至等覺凡四十位位位各破一品無明各顯一分三德乃至妙覺永別無明父母究竟登中道山頂成大菩提證大涅槃一切大聖大智斷大偏知大道大用大權實大利益大無住即是十觀成乘圓極竟在於佛盧舍那名淨滿一切皆滿也然圓教行人亦名菩薩亦名爲佛以創開圓理能生圓解是名字即佛外凡五品是觀行即佛內凡十信是相似即佛住行向地乃至等覺皆名分證即佛妙覺極果究竟即佛而等覺以下五品以上已背塵緣未極覺海亦名菩薩又佛既有六即菩薩亦然乃至

十界皆明六即妙覺即是究竟菩薩亦是究竟緣覺證開究竟天人修羅究竟地獄鬼畜生也次釋心地法名者據天台師但疏下卷戒品則云亦是譬名以品內所明大士要用如人身之有心能總萬事能生勝果爲大士所依義之如地今據上品具明菩薩二十心地法門當是指法之稱然三十心無非菩薩之所遊履一一皆能生勝妙果何獨非地而體性十地一一皆能總攝諸法一一何非菩薩妙心但以相似位中未證真實故地亦名心分證位中堪任荷持故心亦名地則知心地二字似別還通約法約喻皆無不可且下卷重輕戒品若云初發心中常所誦一戒似向發心一位別別結此塵許法門若云乃至十發趣十長養十金剛十地諸菩薩亦誦我今亦如是誦是誠一切菩薩之要用一切大士之所依喻以心地愈覺融通矣三就人法對釋者問菩薩階位既有四教不同今此心地屬何教答正屬別圓二教非屬藏通緣通菩薩法門雖亦從此心地流出而機

漸陳而一地中非不具足一切諸地功德雖位位
圓攝而分證法身亦自宛然成其高下若不位位
具總則圓頓之義不成若不宛然高下則四十二
位徒設如月雖漸圓月體非漸月雖不異光必漸
增可以悟性修交成義矣 次就下卷十重四十
八輕戒對釋者藏教在家菩薩但秉優婆塞戒或
兼秉善生經中六重二十八輕出家菩薩但秉沙
彌比丘二種律儀若急於自度唯持遮戒卽名二
乘若爲衆生故善識開遮卽名菩薩不則秉此重
輕戒也通教菩薩與藏教同別闢二教菩薩正秉
此戒名子位中從師受得或千里無師像前求受
若善修五悔者不惟發得攝律儀戒亦能發得定
共道共乃至證入五品十心及登正位覺此戒已
極至佛身於其中間戒體常在設隔世不憶數數
重受亦非新得惟退失大心及毀犯十重便失戒
體失此戒者如人壞心如地崩陷不復堪能修習
善法增長善提故知此戒卽心地也此心地戒從
名字菩薩直至等覺位位修習堅固成就入妙覺

位戒體圓極諸惡永淨萬善悉滿是故名爲盧舍那佛。若戒教菩薩轉入別圓者未得定道須從師受已得定道隨發律儀通教初心亦復如是。若通教被別圓接者既入具似二位隨應發得勝妙律儀不須受得或爲物作則示現兼受亦彌善也。問下卷經云一切有心者皆應攝佛戒又云國王王子乃至畜生變化人等但解法師語盡受得戒今明藏通菩薩不兼此戒。義云何通答此經不又云衆生受佛戒即入諸佛位乎國王乃至畜生但兼此戒即屬別圓不得名藏通也。且據即入佛位位同大聖之言則別教初心尙非其分何說藏通。次更合釋會經者夫以本源心地出生一切菩薩行位各各不同於此菩薩位中位位修行心地法門亦復無量非依心地之法執成菩薩之名非因菩薩之人執秉心地之法人即是法法即是人。緣人故有大菩提經法故有大涅槃經。菩提是智涅槃是理無理外之智能智於理無智外之理爲智所紹理智雙絕理智圓彰智無量故理亦無量。理難

思故智亦難思交融互攝橫豎窮信如帝網明珠光相映一珠中現一切珠一切珠中一珠影一切珠中一切珠一珠各住一珠位題稱梵網妙緣於斯又本源心地不惟出生一切菩薩行位亦復備出一切諸法所謂地獄心乃至佛心地獄地乃至佛地而茲但云菩薩心地者以菩薩上同慈力下同悲仰偏攝十界之義尤爲明顯且菩薩既論六即六即便包十界十界無非心地法門又菩薩位中不惟修此三十心十地亦復備修一切心地所謂修於地獄心地獄地知即法界乃至修於佛心佛地知即法界而茲但云菩薩者以界界既各明六即則十名即一切名一義即一切義也如此義理無量無邊自非梵網孰爲其喻故名梵網經菩薩心地也。四釋品字者梵語跋渠此翻爲品品者類也義類相從故名爲品此經有一百一十二卷六十二品今惟第十菩薩心地品上下兩卷什師請出然上卷明三十心十地爲入佛果之根源下卷明十重四十八輕戒又爲行菩薩道之

根本性修因果義理皆周。飲一滴而知大海。燒一丸而具衆香。惟實精修不俟多也。

二顯體者。略爲三義。初明須顯體。二正出體。三會異。初明須顯體者。體是主質。乃名下之所詮。種種名言。意欲令人尋名得體。如因登得魚。因指得月。若逐名迷體。如捉蛇尾。反遭其螫。世尊所以常爲此斥。說後喻也。卽如此經。從梵網題名心地品。名乃至上下二卷全文。一一無非能詮之名。就茲名下。一一皆顯所詮之體。得此體已。方能全性起修。以修合性。又釋名總詮三法體章。別在法身。宗章別在般若。用章別在解脫。教相分別。總別故釋名之後。須先顯體。雖法身必具二德。雖具二德。還屬法身。具二德故。非縱屬法身。故非橫不縱不橫。故成妙體。妙體貴極諸法中尊。一切萬行之所歸。趣無量功德之所。莊嚴種種善辯之所。說顯如衆星拱宸。衆流歸海。故以顯釋體明是貴極之法。法身德也。悟此體者。窮法界源到實相底。故以底釋體明是透徹之宗。般若德也。得此體者。會萬殊

而不二。徧衆法而無遺。故以建釋體明是無礙之用。解脫德也。如此三義。爲一妙體。迷之則歷劫長淪。悟之則當下具足。經云。大衆心誦信汝。是常成佛。我是已成佛。又盧舍那佛。先現虚空。光體性本源。成佛常住法身。三昧示諸大衆。後開心地法品。意在於斯。二正出體者。此經以諸佛本源地。爲體言心地。則當體卽是。更無他求。言本源則法爾性。非關修證。言諸佛。則出障顯明。非同在塵。以盧舍那佛及一切世尊。所證最極清淨常住法身。全是衆生心性之理。更無少許別法。可得此理。卽名爲體。亦爲一切教體。亦爲一切行體。此卽眞正魔外所不能壞。權小所不能蓋也。三會異又二。先會諸經。次會義疏。無作戒體。先會諸經者。此經與華嚴同一部味。當以法界爲體。法界與諸佛本源心地同體。異名更無別體。又諸大乘經皆以實相。卽爲經正體。實相亦卽諸佛本源心地。異名以其離一切相。卽一切法。超諸戲論。不可破壞。無相不相。故名實相。以其萬法之所從出。萬法

之所歸趣故各法界以其在凡不滅在聖不增迷悟宛然體性常住故名諸佛本源地乃至或名法住或名法位或名一切種智或名一實境界或名中道第一義諦等無量異名無量異義究竟總無別體也。次言義疏無作戒體者問此品既以諸佛本源地為體何故智者大師義疏三重玄義之中第二出體乃明無作戒體答大師但疏重輕戒相以便行持故僅列三重玄義謂第一釋名第二出體第三料簡蓋戒法惟實專修故理體貼置不辨若辨理體則自性清淨無犯無持亦無得失於弘揚戒法似非所急故獨明無作戒體用彰修證之門能如實修自能合性又大部教觀既已廣開稱性圓解今正示乘戒成修何須復談理體所以於三重中雖名出體乃是戒之當體非是所依理體以理體屬性戒體屬修理體於五重中屬體戒體於五重中屬宗旨無作者只是一作之後不俟再作所謂慈師秉受直至未來任運止惡任運行善故名無作與無作四諦之義不同以此無

作戒體乃是無漏色法受之則得不受則無持之則堅毀之則失故屬事不屬理屬修不屬性屬察不屬證然事理非二性修交成宗體不隔故起信論云以知法性無染離五欲過故隨順修行尸波羅蜜此經云光非青黃赤白黑非色非心非有非無非因果法而戒光從口出又云計我著相者不能生是法滅壽取證者亦非下種處菩薩戒羯磨文云先發菩提願乃堪受此戒是則無作戒體全依理體而發而本淨理體全賴戒法而顯故義疏中出體一章始則重在以修合性指宗為體大明止行二善又屬力用中事而料簡一章宛同教相雖曰三重五義自足略五威三急在修證四依利物豈不巧哉茲復曲為末世鈍根寡於聞見既不能向大部教觀開圓解門又不能知三十心十地是何法義徒受菩薩戒之虛名何關修證故略述教觀大綱以成合註俾稍知性修不二之旨既通釋一品經文須用五重玄義無作自歸於宗心地乃成正體古今異趣意在於斯

三。明宗者。體顯於性。宗顯於修。全性起修。故不二而二。全修在性。故二而不二。如梁柱是屋之綱維。屋空是梁柱所取。今以屋空喻體。梁柱喻宗。緣有梁柱。方得受用屋空。故次體之後。須明宗也。此經以佛性因果爲宗。佛性非因非果。偏能出生一切因果。經云。一切衆生。皆有佛性。此佛性者。卽是諸佛本源心地。以此不生不滅爲本修因。然後圓成果地。修證則因亦佛性。果亦佛性。據經文中。有三重因果。一者三十心十地。爲因。成等正覺。爲果。二者初發心。常所誦戒。爲因。分滿法身。爲果。三者諦信成佛。爲因。波羅提木叉。爲果。又三十心十地。亦得傳傳論於因果。正覺惟果。誦信惟因。本源自性。清淨爲因。因常住法身。爲果。果如此重。重因果會入非因非果。是此經宗致。文云。應當靜觀觀察諸法。眞實相不生。亦不滅。不常復不斷。一亦不異。不來亦不去。如是一心中。方便勤莊嚴。夫不生不滅等。卽眞常佛性。非因果法。亦名諸法實相。亦名一心正顯經體。而方便莊嚴。卽是稱性圓修。成妙因。

果明此經宗也。方便莊嚴。復有二義。一者智慧莊嚴。二者功德莊嚴。上卷三十心十地。深明觀慧。屬於慧行。下卷十重四十八輕。備顯止行。二善屬於行行。此亦一往爲語。若備論者。心地法門。具勝功德。無作妙戒。全緣慧明。故曰緣慧淨故戒淨。緣戒淨故慈淨。如兩手互洗。不容前後。而此無作妙戒。及發趣長養金剛等心。體性平等。諸地同以本源清淨佛性爲所依體。以宗契體。體非宗外。悟體成宗。宗原屬體。修證要門。孰過於此。

四。辨用者。用是力用。亦名功德。此經以捨凡入聖爲用上卷云。我已百阿僧祇。勤修行心地。以之爲因。初捨凡夫成等正覺。下卷云。若人受佛戒。卽入諸佛位。又云。但解法師語。盡受得戒。皆名第一清淨者。今總釋其意。須知傳傳捨凡傳傳入聖。則傳傳清淨。若云初捨凡夫成等正覺。則惟佛名聖。惟佛第一清淨。若云受佛戒。卽入佛位。則但能解語。便已入聖。便成清淨。故佛頂從三漸。次直至妙覺。通名六十聖位。若約教道而論。則別教三十心名。

賢十地名聖。圖教十信爲賢。初住以去名聖。賢是相似清淨。聖是分證清淨。今更約六卽義釋。謂本源自性清淨。是理卽佛。亦理卽聖。理卽清淨。此全是凡。因此經力用而捨持解語受戒。卽入佛位。是名字佛。亦名字聖。名字清淨。因此經力用最初而入。若常作諦信靜觀實相。是觀行佛。亦觀行聖。觀行清淨。若三十心向果。是相似佛。亦相似聖。相似清淨。若登體性十地。是分證佛。亦分證聖。分證清淨。若法身智身滿足。是究竟佛。亦究竟聖。究竟清淨。因此經力用次第而入。從前望後。一一爲聖。從後望前。一一爲凡。理卽惟凡。正覺惟聖。捨凡須盡。入聖須極。又理卽聖。亦理卽凡。究竟聖。亦究竟凡。中間四卽亦復如是。凡無可捨。聖無可入。無捨無入。而論捨入。是名無作大功德力也。

五教相者。此經於五時中。是第一時。日過高山。於五味中。卽是乳味。於化儀中。卽屬頓教。於化法中。卽是別圓。然與華嚴同而不同。略有三義。一者華嚴遮那卽是釋迦。偏坐塵刹。此經舍那自坐華臺。

釋迦自振千葉。二者華嚴諸會說法。不動而周。此經復從塵起。乃至餘處。三者華嚴十住多明圓義。而兼於別十地多明別義。而兼於圓。此經三十心多明別義。亦復兼圓。十地多明圓義。亦仍兼別。一往爲論。似較華嚴爲劣。細尋厥旨。各有所歸。良以如來平等大慈。方便應現。巧具四悉。勝劣隨機。或勝法中得劣益。或劣法中得勝益。事非一致。那容定判。且如遮那卽是釋迦。則三身一體之義。固爲易彰。而釋迦接見舍那。儼然有開迹顯本之致。利根者亦堪取悟。又三十心名遍與住。行向異。或一心別對一位。或位位圓修。此心兩經參合。逾彰法門之妙。今但粗定其相。則華嚴圖象別。此經別兼圓。又釋迦但云千百億者。周而千華。迴就二地。菩薩所見。戒波羅蜜增上故也。只此二地所見法門。亦復全具一切事理因果。無量中。一一中無量。題稱梵網。良有以也。又周而千華。何必不表一念千法。既念念具足。千法亦法法互具。無盡聊示千百億界。以表心地法門耳。五重義竟。

玄義終

梵網合註緣起

大哉梵網經心地品之爲教也。指點眞性淵源。確示妙修終始。戒與乘而並重。漸而同收。約本述則。橫豎俱開。兼華嚴法華之奧旨。約觀行則事理俱備。攬五時八教之大綱。文雖僅傳一品。義實統貫全經。緬惟智者大師之時。人根尙利。故既廣宣教觀法門。乃僅疏此下卷戒法。而大師精諳律藏。文約義廣。點示當年之明律者。則易開悟。今時之昧律者。則難干有餘年。久成秘典。我蓮池和尚始從而爲之發隱。此其救時苦心。誠爲不可思議。特以專弘淨土律學。稍疎故于義疏。仍多闕疑之處。又下卷雖獲流通。而上卷猶未開闢。嗚呼。四依大士。于法豈有吝心。直是衆生緣薄。罕能造于希有法門耳。智旭幼崇理學。卽以千古聖賢遺脉爲已任。但恨障深慧劣。往往執東魯而謗西乾。後因閱自知錄序并閱長知寂感之談。始發信心。嗣又聞地藏本願并聽大佛頂經。豁出出世。于是矢志參禪。逃家行脚。雖亦數發悟解。奈何尅證無期。賴有一點慚愧正因。斷不敢錯下承當。生增上

慢以踏還來大妄語之覆轍。爰念夙因。力薄應須兼戒兼教。以自熏修。先從開裂古德法師遺學。戒之法于蓮老遺規。次探法華玄義。摩訶止觀等書。私淑台家教觀。而毗尼一藏。細閱三番。梵網一經。奉爲日課。遂於發隱所闕之疑。渙然氷釋。卽上卷文古義幽。昔人所稱不能句讀者。亦復妙旨泠然現前。因擬一爲合註。以補前人之缺。而此志雖發。緣障多端。六七年來。悠悠未遂。客歲藉大病爲良藥。方遂入山。本志適如是。助公遠從閩地携杖來尋。爲其令師肖滿全公。謂此經以資冥福。復有二三同志。歡喜樂聞。予緣是力疾敷演。不覺心華開發。義泉湧湧。急秉筆而隨記之。共成玄義一卷。合註七卷。註旣成。叙厥本末。以告來哲。蓋雖不敢謂凡夫心力。實能超越前賢。而夙有微因。今復久誦半生。淹浹自不無千慮之一得。故于理觀事用。不惜一一指陳。誠可動開解篤行者之半臂也。後之覽者。尙勿以繁瑣而厭忽之。俟解行雙圓。題詞諸後。噫。可耳。

前丁丑歲後安居第一張。龍陀日菩薩戒弟子智旭

撰于九子別峯之梵網室中

康熙丙辰歲四月八日千華菩薩戒弟子沈壽準重刻

凡例

一古人經疏必各別行一則不敢以疏混經二則經疏文義各有血脉不宜間斷夾雜故也後代根鈍對閱爲難於是爲師匠者每每從而會之雖巧被初機慈心殷厚而割裂紛繆亦覺不少今欲仍古式恐後人復加割會乃曲徇時機合經成註但經文頂格書之註與科低一字卽卷首緣起亦低一字所以表示尊重佛語弗敢混也

一古人既不以疏雜經故甚至有字字句句而爲科者以科卽是疏卽能表詮經旨故不厭其繁也會之者亦字字句句而科之幾使經文不成句讀亦可慨矣且末法根鈍多畏繁科今乃止設大科其餘子科悉皆從略設有一二不能免者卽於疏中出之使經文不至支離割截

一古人著述每多破立如玄義懸談等必先出舊解方事折衷今此經上卷雖有一二家解不足流通下卷則惟義疏發隱一書其中缺略雖多紕繆則少縱有一二出入亦不復辨別是非長短但自據理直釋而已若欲委知古今同異請以義疏發隱對閱自當知之

一戒相結罪重輕一一本於大小經律深思細擇融會貫通方敢組織成文使其言簡意盡並無片言隻字敢任私臆但不復如毗尼集要逐節標其出某處耳倘不相信請閱大藏極其精通然後料簡予所不及期以教正予深望焉

一大乘律法雖是一切律之所朝宗然既通於七衆故於比丘五篇七聚名義仍須隱而不說蓋菩薩比丘及比丘尼自應習學毗尼集要及律藏全書卽於彼中通曉篇聚名義此中不必更宣若菩薩沙彌菩薩優婆塞等只須依此修學而篇聚名義尙非分內之所應知萬萬勿求先知致成盜法重難高明之士信之慎之

佛說梵網經菩薩心地品合註卷第一

姚秦 三藏法師 鳩摩羅什 譯

明 菩薩沙彌古吳 智旭 註
菩薩比丘溫陵 道昉 訂

△入文爲三。從品初至光爲何等。相有九行。經爲放光發起分。從爾時釋迦摩接大衆。至下卷心心頂戴歡喜受持。爲正示法門分。從爾時釋迦牟尼佛說上蓮華臺。藏至卷終。有八行。經十四行。偈爲流通。益世分。雖是六十二品中之一品。序及流通。自在全經。而就茲一品三分。宛然。初放光發起。爲二。初總標法會時處。二釋迦放光警衆。三菩薩放光集問。初總標法會時處。又二。初明時處。主伴二指所說法門。今初。

爾時釋迦牟尼佛在第四禪地中。摩醯首羅天王宮。與無數大梵天王。不可說不可說菩薩衆。

諸釋通序皆具六種成就。此是一品別行略無信聞。以信聞二義。文在初品。理質全經故也。今但出四種。爾時二字。標時成就。釋迦牟尼。標主成就。第

四禪地。標處成就。梵王菩薩摩訶薩。伴成就。既主伴同時同處。必聞妙法。既聞妙法。必如理信解。文雖標四義。乃具六言。爾時者。時無實法。長短惟心。但據師資道合。機教相符。總名爾時。言釋迦牟尼佛者。乃我本師。萬德嘉號。佛有無量德應。有無量名。今且就此土示生之姓及父王所立之字。人共稱之。梵語釋迦。此翻能仁。亦翻能儒。亦翻直林。此即是姓。梵語牟尼。此翻寂默。蘇菩薩。爲太子時。射臨釋種大會。釋衆咸皆默然。父王爲立此字。姓字合稱。立茲嘉號。約義釋者。寂默故不生。生死能仁。故不住涅槃。悲智雙運。乃稱大覺。任第四禪地者。法身無在無不在。爲衆生故。示現住處。有云暫時名在。久居名住。此偏舉耳。久亦名在。暫亦名住。在之與住。字別義同。今約住釋。義佛有四住。一者天住。二者梵住。三者聖住。四者佛住。五戒十善名爲天住。四禪八定慈悲喜捨名爲梵住。戒定慧脫名爲聖住。住首楞三昧十力無畏不共等法名爲佛住。行住坐臥四威儀中。恒不離此一切法門。以天住應欲

界機以梵住應色無色機以聖住應三乘機以佛住應一乘機佛為能住四法為所住又四法為能住天王宮為所住以此四法攝衆生故示有住處住本無住非似凡夫於無住中隨業住也第四禪名為地者於三界九地中即捨念清淨地佛既在此應同梵住而意在微心地門接衆見本則是住於佛住也摩醯首羅此翻大自在居於色究竟天為大千世界尊主亦名大梵天王大千界內惟有一王今言無量則他方雲集衆也菩薩義見玄義不可說不可說者大數極名大梵為異生衆菩薩為同生衆若異若同總是夙聞大教成就大根應聞此大法者通與此大會耳觀心釋者介爾有心名爾時此心與一切衆生同體名釋迦此心本性空寂名牟尼此心本自靈覺名佛此心本自平等清淨名四禪地此心本來自在無所係屬名摩薩首羅宮此心具一切清淨差別功德名無量大梵天王此心具一切無差別智慧不可窮盡名不可說不可說菩薩衆

△二指所說法門

說蓮華藏世界盧舍那佛所說心地法門品海衆雲讚歎聞大法隨機演示意在歸源如此心地法門乃盧舍那佛所說而淨滿本尊乃居蓮華臺藏世界今為衆宣說俾知厥本以為下文華接禮觀之先容也此華藏雖名報土而稱法垂報體即寂光寂光理性藉報乃彰如此指點正欲令人自悟耳觀心釋者此心體無染汙具妙因果名為蓮華此心堅實高顯一切法之中道名臺此心廣含諸法名藏此心豎窮名世橫偏名界此心離過絕非名淨具摩沙德名滿一心徧喻諸心名說此心衆法之所集起名心此心衆法之所依持名地此心堪作軌持名法此心徧通諸法名門略釋梗概如此下文不復委出可以意知

△三釋迦放光警衆

是時釋迦身放慧光所照從此天王宮乃至蓮華臺藏世界其中一切世界一切衆生各各相視歡喜快樂而未能知此光光何因何緣皆生疑念無量天人

亦生疑念

前已說示華臺世界舍那本尊所說法門。恐人不信。故又放光。微照其境。得悟本源也。慧光者。色心不二。故身光即是慧光。說智及智處。皆名為般若。若也所照。乃至華藏等者。本迹不二。故能照窮法界海也。相視快樂者。以生佛體同。故不覺受熏之易。未知何因何緣者。未知本源地之因。開迹顯本之緣也。皆生疑念者。衆生則久在沉迷。天人則但乘權迹。故一時開悟爲難也。

△三菩薩放光集問

爾時衆中。玄通華光主菩薩。從大莊嚴華光明三昧起。以佛神力。放金剛白雲色光。光照一切世界。是一切菩薩皆來集會。與其同心。異口同聲。此光爲何等相。

衆既生疑。理須發情。非藉當機。執爲請主。而發迹顯本。乃是不思議大事。因緣故。必放光。警集海衆同致問也。菩薩名玄通華光主者。玄微通徹。即該因徹果之稱。華表於行光表於智。此行此智。成佛

本源故名爲主。玄則華光皆玄。智行之性甚微妙。故通則華光皆通。智行之法徧因果。故梵語三昧。此翻正定。所住三昧名大莊嚴華光明者。此智行乃稱性所起。還莊嚴性故名大也。以佛神力者。本住三昧。觸佛光而起定。隨承佛力而放光。召衆也。所放光名金剛白雲色者。究竟堅固。故名金剛。表法身德淨無瑕。玷名之爲白。表般若德萬德叢集。名之爲雲。表解脫德。又三德皆堅固。三德皆無瑕。三德皆集。法如此光明。全是三德秘藏。一切世界菩薩之所同修。同證。故蒙照皆來集會也。同心異口。同此光者。還問前來佛所放光。因緣相也。

△次正示法門。二初舍那說心地法。次釋迦宣菩薩戒。初中三初問答。標名。次正說。義趣。三付囑弘傳。初又二初釋迦騰問。二舍那垂答。初復

二初攝衆見本。二爲衆請法。今初

是時釋迦即擎接此世界大衆。還至蓮華臺藏世界。百萬億紫金剛光明宮中。見盧舍那佛。坐百萬億蓮華赫赫光明座上。時釋迦及諸大衆一時禮敬盧舍

那佛足下已

華藏是本源世界。猶如故鄉。故言還也。前雖放光。照徹斯境。而大眾但承光遠見。未嘗親履。今始面奉本尊。知本迹之非隔一時。禮敬正表以適合本也。

△二爲衆請法

釋迦佛言。此世界中地及虛空一切衆生。爲何因緣。得成菩薩。十地道。當成佛果。爲何等相。如佛性本源。品中廣問一切菩薩種子。

前既兩番放光。勸其疑念。令其發問。故今代衆啓請。重問因緣深義。俾各從本佛親聞。也。地及虛空。一切衆生。者。五趣及四王初利二天。爲地居衆生。餘四欲天及色無色界。爲空居衆生。是諸衆生。皆悉當成佛果。但未知緣何因緣耳。十地。爲分果。佛爲滿果。成之必藉因緣。而若因果。必有其相。今直略問而已。若廣問者。具如佛性本源品也。此卽結案。諸懸指彼處。全經後皆倣此。

△二舍那垂答。二初以定示答。次誠聽言答。今

初

爾時。舍那佛。卽大歡喜。現虛空光。體性本源。成佛常住法身三昧。示諸大眾。

將演法門。先以定示者。略有三義。一者。爲顯法體。以此法門。非語言文字之所能宣。惟是聖智所行境界。然佛既親說此法。則當時在定。那有出入。當體卽是。亦何隱現。但衆生久沉迷網。惟同體大慈。能以不思議稱性。方便而開曉之。故名爲現也。二者。爲順悉檀。因緣自有衆生。聞說法而得四益。亦自有衆生。見入定而得四益。故須以定示之。三者。爲顯如來一語。一默。無非妙道。所作佛事。皆悉不虛。先以定示了知。此法不滯言詮。復以語言了知。此法不墮暗證。相貌音聲。皆爲教體。而此三昧名虛空光。體性等者。虛空則蕩無纖塵。光則遍照法界。體性則實相眞源。亦三德秘藏之異名耳。此秘密藏。一切衆生。本來具足。爲成佛之眞因。諸佛如來。究竟圓證。成常住之極果。今和盤托出。直使大眾當下見其若因果之相。亦可謂直捷痛快者。

矣

△次誠聽言答二初誠修三慧次委答所問 今

初

是諸佛子諦聽善思修行

佛法雖妙非慧莫悟妙悟雖多三慧收盡聽不諦審則聞慧不生思不如理則思慧不生行不努力則修慧不生聞慧在名字思慧在觀行修慧在相似緣聞慧故得伏五住緣思慧故得淨六根緣修慧故得開秘藏此猶次第爲語若稱性者三慧並在一心之中

△次委答所問二初總答因果本迹二廣示心地名相 初中又四初明因二明果三從本垂迹四攝迹歸本 今初

我已百阿僧祇劫修心地以之爲因

以身爲證明是自行真實法門也梵語阿僧祇此云無數不言三阿僧祇而言百阿僧祇者被界外機須知因地如斯遙曠也

△二明果

初捨凡夫成等正覺號爲盧舍那住蓮華臺藏世界海

生相無明永盡名爲初捨凡夫果德究竟圓極名爲成等正覺等則雙照二邊正則契會中道於十號中即是正偏知號也盧舍那者此云淨滿如璽夜之月黑相都淨光體圓滿從德立號報智冥法之極稱也住蓮華臺藏世界海者實報無障礙土諸佛所感稱實果報色心不二依正重重又此世界緣於衆生心性顯現還依衆生心性安住衆生心性名爲蓮華在汙不染因果同時緣此心性妙蓮華故乃使世界亦如蓮華即此心性爲萬法之宗極故名臺含無邊之剎網故名藏豎無終始故名世橫絕方隅故名界深廣難思故名海究竟契合故名住也

△三從本垂迹

其臺周徧有千葉一葉一世界爲千世界我化爲千釋迦據千世界後就一葉世界復有百億須彌山百億日月百億四天下百億南閼浮提百億菩薩釋迦

坐百億菩提樹下各說汝所問菩提薩埵心地其餘
九百九十九釋迦各各現千百億釋迦亦復如是

周徧千乘者。圓表千法。別應二地。略如立義所明
也。千釋迦者。正起信論所明於色究竟天。示現世
間最高大身。乃帶劣勝。應通機所見者也。際者統
攝化導之義。百億者千萬爲億。共是十萬萬數。乃
大千世界之區域也。須彌此云妙高四寶所成。居
四洲大海之中。腹細上廣。頂爲切利。所居腰爲日
月所遶。如起世經廣明。閻浮提者四洲之一。在須
彌南。爲諸佛示生之處。此洲有一大樹名閻浮提
餘洲所無。故以爲名。亦名瞻部洲也。菩薩釋迦者
初坐菩提樹下。未成佛。猶名菩薩。化復現化。徧
千百億界者。廣攝羣機。曲垂方便。正起信論所明
自然而有。不思議業。能現十萬利益衆生。乃人間
劣應藏機所見者也。各各現千百億釋迦。千字疑
衍以合計。乃成千百億故。

△四攝迹歸本

千乘上佛是吾化身千百億釋迦是千釋迦化身吾

以爲本源名爲盧舍那佛

從本垂迹則不異而異攝迹歸本則異而不異指
兩重化歸於一眞正欲人各悟本源覺性元自清

淨圓滿耳

△次廣示心地名相二初正列四十法門次結示
得入果相 今初

爾時蓮華臺藏世界盧舍那佛廣答告千釋迦千百
億釋迦所問心地法品諸佛當知堅信忍中十發趣
心向果一捨心二戒心三忍心四進心五定心六慧
心七願心八護心九喜心十頂心諸佛當知從是十
發趣人堅法忍中十長養心向果一慈心二悲心三
喜心四捨心五施心六好語心七益心八同心九定
心十慧心諸佛當知從是十長養心入堅修忍中十
金剛心向果一信心二念心三迴向心四達心五直
心六不退心七大乘心八無相心九慧心十不壞心
諸佛當知從是十金剛心入堅聖忍中十地向果一
體性平等地二體性善慧地三體性光明地四體性
爾該地五體性慧照地六體性華光地七體性滿足

地八體性佛吼地九體性華嚴地十體性入佛界地。堅信忍著從外凡位仰信中道佛性之理修習堅固得成於忍乃證發趣位也發趣心者從假入空開發趣向登菩提路向果者一一心皆向佛果又一一心中各具向果二義趣入名向住位名果如四果四向等此十心即是十波羅蜜亦即十住法門深達空法而修十度十度皆是無相法門護即力度喜即方便頂即智度次第與通途稍別者各有取義不可定執也又十波羅蜜皆有長養善法金剛堅固義皆亦體性法門而但云發趣者且就似解位中即生心而本無住言之耳堅法忍著從發趣法修習堅固得成於忍乃證長養位也長養心者出空入假以如幻三昧長養善法此即四等四攝定總於等慧總於攝亦即十行法門又四等妙定四攝妙慧皆有開發趣向金剛堅固義皆亦體性法門而但云長養者且就似解位中即無住而常生心言之耳堅修忍著修長養心堅固成忍乃證金剛位也金剛心者智中觀伏無明猶如金

剛不可沮壞此心名義大似國家十信亦即十迴向法門又信等亦皆有發趣長養義亦皆是體性法門而但云金剛者且就似解位中無住即生心生心即無住言之耳堅聖忍著金剛心中以中道觀修習聖法發真智斷成堅固忍乃證十地位也斷十重障證十真如猶如大地荷負一切拾凡入聖頓同佛體灼見佛性故一一皆名體性地也此與通途十地義意頗同名字迥別至後方釋又十地皆有發趣長養金剛之義而直云體性地者前約相似解行故地地皆名爲心此約證真履實故心心皆名爲地耳

△二結示得入果相又二初以自身證二轉授衆生今初

是四十法門品我先爲菩薩時修入佛果之根源

正覺如果此法如根正覺如海此法如源佛所先修決定非謬也

△二轉授衆生

如是一切衆生入發趣長養金剛十地證當成果無

爲無相大滿常住十力十八不共行法身智身滿足入發趣等四十法門方能證當成果正顯理雖性具心緒修成不可高談理性而生邪慢也無爲無相者諸漏永盡大滿者萬德圓極常住者不變不遷力不共滿足故大滿法身滿足故常住智身滿足故無爲無相又無爲即自在我德無相即淨德大滿即樂德常住即常德力不共亦無爲無相大滿常住法身亦無爲無相大滿常住智身亦無爲無相大滿常住三德各具四德也

△二正說義趣二初菩薩問義二舍那詳答 今初

爾時蓮華臺藏世界虛舍那佛赫赫大光明座上千華上佛千百億佛一切世界佛是座中有一菩薩名華光王大智明菩薩從坐而立白虛舍那佛言世尊佛上略開十發趣十長養十金剛十地名相其一義中未可解了唯願說之唯願說之妙極金剛寶藏一切智門如來百觀品中已明

於諸佛大會中而菩薩啓問者正屬所教之機故

也華光王即華光主義大智明即玄通義前文廣光集衆表示緣本智而起妙行故名玄通華光主此文問義乘修表示資妙行而趣大覺故名華光王大智明

△二舍那詳答四初明十發趣二明十長養三明十金剛四明十地 初中三初總徵二別釋三結指 今初

爾時虛舍那佛言千佛諦聽汝先言云何義者發趣中

但告千佛者此是如來本所修行無上法門故令千佛轉相傳授也發趣義略如前釋此以十波羅蜜心心開發趣向真道名十發趣則則一心分對一住圓則住住修行此心乃至妙覺圓滿此心今就義便且約從假入空爲解若利根者既見於空亦見不空見不空故開發趣向證妙真諦此真即中亦復即俗三諦圓融不可思議一心一切心一切心一心十段文中每露此旨讀者須善悟之
△二別釋十初捨心至十頂心 今初

若佛子。一切捨國土城邑田宅金銀明珠男女已身。有爲諸物。一切捨無爲無相我人知見假會合成主者。造作我見十二因緣。無合無散無受者。十二入十八界五陰一切一合相。無我我所相假成諸法。若內一切法外一切法。不捨不受。菩薩爾時名如假會觀現前。故捨心入空三昧。

若佛子。若紹佛家業當護佛位。故名佛子。一切捨者。總標修捨。謂捨內外物。乃主捨我法執。謂但觀下。先明捨內外物。無爲下次。明捨我法執。謂但觀無爲無相之理。了知一切我人知見皆是假會合成。彼外道妄計有主者。造作者。及神我見。乃至二乘妄計有十二因緣實法。其實緣起亦無有合緣滅亦無有散亦無有受合受散者。畢凡十二入十八界五陰等法。一切凡夫所計一合之相本無我及我所之相。不過是假成諸法耳。是以若內一切法外一切法。本無故不須捨。本無故不可受。此則從假入空。名爲如假會觀此觀現前。任運入空三昧矣。此亦可別對發心住者。棄妄故名捨心發真。

故名發心住也。又發真卽是別義發中卽是圓義。一切法不受是遮俗焰真一切法不捨是遮真焰。俗又不受卽雙遮不捨卽雙照。雙遮雙照中道宛然。

△二戒心

若佛子。戒非非戒無受者。十善戒無師說法欺盜乃至邪見無集者。慈良清直正實正見捨喜等。是十戒體性制止八倒一切性離一道清淨。

戒之一字。標無作體。此無作戒。永離二邊契中道。非非戒下。先明離有慈良。下次明離空制止下結。明離用非戒者。外道邪戒及凡夫取相持戒。雖善惡不同。咸非入道正門。故名非戒。今菩薩戒體非同凡外之非戒。以其了達無受者故也。此十善戒法。雖師師相授而實無師能說此法。所謂和尚是戒耶。阿闍梨是戒耶。乃至白四羯磨是戒耶。卽所對治欺盜等十惡法。亦本無集者。以此惡法不自生不他生不共生不無因生。又未生無藏處欲生無來處正生無住處生已無去處。則法性本無染。

汗也。但法性中本自具足慈良等一切性德。即是十戒體性。謂慈即不殺體性。良即不盜體性。清即不淫體性。直即不兩舌體性。正即不惡口體性。實即不妄言不綺語體性。正見即不癡體性。捨即不貪體性。喜即不瞋體性。也。制止八倒者。一切性雖即無受乃至無集。能制止。凡外四倒。一道清淨。即慈良等體性。能制止。二乘四倒。蓋凡夫及外道。不論惡戒善戒。成生取著。無常計常。苦計是樂。無我執。我不淨計淨。故成有漏。因果二乘。雖證無漏。不達性體。常謂無常樂。謂是苦。我謂無我。淨謂不淨。故入涅槃時。戒善隨廢。大乘從性起修。全修在性。以性德為所依體。以無作色為當體。始從初受。極至佛身不壞不失。任運止惡行善性。德即法身。無作色即報身。所謂諸佛究竟色也。於律儀上。法爾有攝衆生。或即應化身。此戒心亦可別對治地住者。地是所治。戒是能治也。

△三忍心

若佛子。忍有無相慧體性。一切空忍。一切處忍。名

無生行忍。一切處得名。如苦忍。無量行。一名忍。無受無打。無刀杖。瞋心皆如無。一諦一相。無無相。有無有相。非非心相。緣無緣相。立住動止。我人縛解。一切法如忍相不可得。

有無相慧體性者。謂菩薩三忍。咸以無相慧為體性也。下別釋三忍。即約三苦境界之觀。一切壞苦。皆知本空。故名空忍。觀一切處行苦。皆本無生。名無生行忍。觀一切處苦苦。得其實相。知即法身。名如苦忍。若非三忍之力。一切行門皆不成就。故無量行。一名忍。此總結上文也。下重明三忍觀慧。以諦觀壞苦境界內。無能受之。我外無能打之人。中間無所用之刀杖。故瞋心皆如彼。真如之理。而不動搖。所以名空忍也。以諦觀行苦境界。了知無苦集等。一一差別之諦。惟是一真實相。雖無一一諦。而并無無相。雖有一真實相。而亦無有相。亦非心。與非心之相。亦無緣與無緣之相。是名無生行忍也。以諦觀苦苦境界。了知若立若住。若動若止。若我若人。若縛若解。一切法當體皆如。若一切皆

如則忍相亦不可得。是名如苦忍也。一切法如即上文所謂一切處得耳。此三苦緣於三受。若別對者。樂受是壞苦。苦受是苦苦。不苦不樂受是行苦。若通論者。三受皆壞苦。必變壞故。三受皆行苦。遷流造作性故。三受皆苦苦。生死惡法故。此亦可別對修行住者。以三忍力修無量行也。

△四進心

若佛子。若四威儀。一切時行。伏空。假會法性。登無生山。而見一切有無。如有無。天地青黃赤白。一切入。乃至三寶智性。一切信進道。空無生。無作。無起。空入世諦法。亦無二相。續空心。通達進分善根。

無相。精進。常時無間。不拘行坐。故云一切時行。行何等法。謂當伏習空觀。假會觀法性觀也。以三觀力。故能登無生山。而見一切有無之法。有亦真如。無亦真如。總不肯於法性。故於天地等世間法。乃至三寶等出世法。一切信其皆是真如。即於此世出世法中。修習進道。皆與空無生。無作。三解脫門相應。亦并無三脫之慧可得。乃至起真空觀入世。

諸法亦與空法無二。惟以相續真空觀。通達進分善根。是名無相真精進也。此亦可別對生貴住者。登無生山。即是入如來種。

△五定心

若佛子。寂滅無相。無相無量。行無量心。三昧。凡夫聖人。無不入三昧。體性相應。一切以定力。故我人作者受者。一切縛見性。是障因緣。散風動心。不寂而滅。空。空入。倒無緣假靜。慧觀一切假會。念念寂滅。一切三界果罪性。皆由定滅而生。一切善。

寂滅。無相。標定體也。無相下。先明定能生善。一切下次。明定能滅罪。無緣下。結示觀惡功能。先明生善者。言此定雖則無相。而能具無量行。所謂四無量心。三昧。一切凡夫聖人。無不入此三昧。相應以大慈。故與一切聖樂。以大悲。故拔一切凡苦。以大喜。故於一切凡聖等生。慶悅。以大捨。故於一切凡聖等心。無二。又此四無量定。三乘聖人。固所共修。一切凡夫。亦皆曾證。以劫盡時。火水風災。將起。一切有情。法爾成就此定。乃生四禪處。故大明滅罪。

者言一切我人等緣著邪見之性。凡屬障道因緣。散風動心。以定力故。皆不須作意求寂而自永滅。滅故空。凡大四倒不寂而滅。故空。二乘四倒也。次結示功能者。言用此無緣假靜觀。一切假會之法。皆即念念寂滅。所以三界苦果。及其罪性。皆緣定力而滅。而罪性既滅。法爾生得慈悲等一切善也。靜慧即是靜慮。梵名禪。那無緣假者。謂一切假名諸法。當體全空。本無可緣。今達假法性空。故名無緣假靜慧。此定心亦可別對方便具足住者。三昧體性。凡聖無不相應。如胎已成。人和不缺也。

△六慧心

若佛子。空慧非無緣知假名心。分別一切法假名主者。與道通同。取果行。因入聖捨。凡滅罪起。福縛解。盡是體性功用。一切見常樂我淨煩惱。慧性不明。故以慧為首修。不可說觀慧入中道一諦。其無明障慧。非相非來。非緣非罪。非八倒無生滅。慧光明。隱為照。樂虛方便。轉變神通。以智體性所為慧用。故

空慧者。標第一義空真慧之體也。此之妙慧。非同

二乘斷空。一無所緣而已。當知即是慧知之體。亦名真心。外道迷此真體。故分別一切法假名主者。然即此外道惡慧。亦本與覺道通同。二乘不了此體。故但取果行。因入聖捨。凡滅罪起。福一切縛著。皆悉解盡。然即此二乘偏慧。亦是此體性之功用。但彼外道及二乘人。於一切知見常樂我淨煩惱等法。慧性不明。是以或生執著。或欲捨離耳。故今以慧為首修。不可說觀慧雙破二執。雙照二理。入於中道一諦。中道既顯。方知其無明之障慧者。本非有相。非有來處。非有住緣。非有罪累。本非八倒。原無生滅。是以慧光明。顯為照。而隨其意樂。虛融無礙。起諸方便。以種種轉變神通。化導含藏。此皆以真智體性所為。而慧即其用。故也。此亦可別對正心住者。入中道一諦。則容統如佛樂虛。方便則心相亦同。

△七願心

若佛子。願願大求一切求。以果行。因故。願心連願心。連相續百劫。得佛滅罪。求求至心。無生空。一願觀觀

入定照無量見縛以求心故解脫無量妙行以求心成菩提無量功德以求爲本初發求心中間修道行滿願故佛果便成觀一諦中道非陰非界非沒生見見非解慧是願體性一切行本源

願願者隨所發願數數無盡不止一發也。大求者惟爲菩提不向二乘不向三有也。一切求者心無限制不捨一法也。以果行因故願心速者先達心佛衆生三無差別之理稱果覺之性而行妙因故所發大願相連不絕永無退悔至於百劫之久猶如舍那本所修行則覺道必得究竟滅罪必得無遺矣。人謂願求之心屬於散動而不知求求至心者却與無生空一所謂取捨若極與不取捨亦非異轍故修此願時觀觀智入正定昭明佛法也。次重明得佛滅罪謂無量見縛皆以求心故得解脫無量妙行皆以求心乃成菩提無量功德皆以求心而爲其本是以初發求心中間修道以行填願但令行滿願故佛果便得成也。若無求心如擔麻葉金豈脫見縛紫光劣願豈成無漏但念三脫豈

樂神通耶。次更明觀觀入定謂觀於一諦中道非陰非界非沒生見之見非二乘之解慧。當知是願卽是中道體性乃一切行之本源也。沒生見者沒卽無見生卽有見此亦可別對不退住者願願相連故身心日益增長也。

△八護心

若佛子護三寶護一切行功德使外道八倒惡邪見不燒正信滅我縛見縛無生照達二諦觀心現前以護根本無相護護空無作無相以心慧連慧連入無生空道智道皆明光明光護觀入空假分分幻化幻化所起如無如無法體集散不可護觀法亦爾。

此卽力波羅蜜也。護二寶者不爲外道邪見四倒所燒護一切行功德者不爲二乘偏空四倒所燒。故於佛道具足正信能滅我法二執而無生觀慧昭達真俗二諦使觀心常現前也。此妙護心名爲根本無相之護卽以此護根本無相之護護於空無作無相三解脫門觀此心中智慧相連不絕則能證入無生空道令其能觀之智及所觀之無生

空道皆悉明光。又以此明光智道護持觀智入於空假二境。分分幻化法中。悉知一切幻化所起。如無謂。皆即第一義空。而此如無法體集。亦非集散。亦非散。若集若散。皆不可得。而護所護之境。既不可得。則能護之觀法。亦隨不可得也。能護所護。皆不可得。乃名根本無相。若有少法可得。則為八倒之所燒矣。此亦可別對童真住者。以善護。故離一切過難。相具足。

△九喜心

若佛子。見他人得樂。常生喜悅。及一切物。假空。顯寂。而不入。有為。不無寂然。大樂。無合有受。而化有法。而見云。假法性平等。一觀心。心行多聞。一切佛行功德。無相喜智。心心生念。而靜照樂心。緣一切法。

此即方便波羅蜜也。緣善知同體巧方便。故不但自修功德。以益衆生。但見他人。得於世出世樂。常生隨喜之心。而即以此隨喜功德。又能普悅。及一切物。蓋以即假即空。即寂即寂。而雖不入於有為之法。不無寂然法性大樂也。以不入有為故。無合。

以不無大樂。故有受。以無合故。而化有法。令其忘相。以有受故。而見云。假令互得益。此正以心佛衆生。法性本來平等一體之觀。故成此善巧方便也。此修巧便。善薩心心行於多聞。使觀智增益明了。乃至三世一切佛行功德。皆以無相隨喜之智慧。方便於念念中。攝取現前法。隨喜念。而恒以此靜。樂樂心。徧緣法界。一切諸法。使其互為莊嚴。重重無盡。此則以法界中樂。還復普施法界衆生。所謂惠而不費者也。亦可別對法王子住者。方便最巧妙故。

△十頂心

若佛子。是人最上智。滅無我輪見。疑身一切。瞋等。如頂觀。速觀。速如頂法界中因果。如如一道。最勝上如頂。如人頂。非非身。見六十二見五陰生滅。神我主人。動轉屈伸。無受無行。可捉縛者。是人爾時入內空。值道心心。衆生不見。緣不見。非緣住頂三昧寂滅。定發行。趣道性。實我人常。見八倒生緣。不二法門。不受八難。幻化果。畢竟不受。唯一衆生去來坐立。修行滅罪。

除十惡生十善入道正人正智正行菩薩遠觀現前
不受六道果必不退佛種性中生生入佛家不離正

此即智波羅蜜也以差別智偏知諸法善達法界
如如頂法名最上智此智偏能滅無利鈍諸使所
謂我輪見疑身一切瞋等能令如頂觀智相連不
斷緣此觀智相連觀於如頂法故了知法界中若
因若果皆即如如一道更無二如故此名為最勝
上如頂法猶如人之頂相也然雖喻以人頂實乃
非非身見亦非六十二見可見亦非五陰生滅之
法亦非外道所計神我主人能動轉屈伸者亦自
不受諸法亦無行相可得既是第一正受心行處
滅又安可捉縛哉非非身見者上非字是遮拂之
辭下非字連身字為義謂凡外非身計身故名為
非身見或疑衍一非字亦通也是人爾時既證頂
法滅於身見乃至無受無行便入內空三昧親值
於道名為見道是時離心心以度衆生為事而不
見有緣相亦不見有非緣相住是頂三昧中從寂

滅定發起妙行進趣佛道一切外道所執性實我
人常見及八倒生緣等皆入不二法門所謂行於
非道通達佛道故不受邪見八難之報及三界中
一切幻化果報亦皆畢竟不受然既無我人亦無
果受將誰修行而成佛道耶惟有一種八識心心
所之法聚假名衆生去來坐立非斷非常法爾展
轉相續修行滅罪除惡生善入於正道證於正忍
正智之法發起正行爾時菩薩通達觀智常得現
前既不受六道有漏之果亦復不退佛種性中而
墮二乘之地生生入於佛家不復離正信矣此亦
可別對灌頂住者以住頂三昧故

△三結指

上十天光品廣說

△一明十長養三初總徵二別釋三結指 今初
盧舍那佛言千佛諦聽汝先問長養十心者
四無量定四攝法慧最能增長佛道養育衆生名
十長養別則一心分對一行圓則位具修此心
乃至妙覺滿足此心今就義便且約從空入假為

解既二斷平等則中道自圓彰矣又四等非無觀
慧四攝非無定力今以定慧分攝亦一往語耳

△二別釋十初慈心至十慧心 今初

若佛子常生慈心生樂因已於無我智中樂相應觀
入法受想行識色等大法中無生無住無滅如幻如
化如如無二故一切修行成法輪化被一切能生正
信不由魔教亦能使一切衆生得慈樂果非實非善
惡果解空體性三昧

慈以與樂爲善故常生慈心能生樂因然或不與
無我智相應便屬情愛故必於無我智中以樂相
應之觀而入一切諸法所謂觀於受想等大法中
一切卽空卽假卽中無生住滅卽空也如幻化卽
假也如如無二卽中也如此一切修行滿足成就
法輪化被一切能使一切衆生感生正信不由魔
教此則成於樂因亦能使一切衆生得於究竟慈
樂之果而此慈樂果非二乘所證實滅亦非世間
善惡果報乃是解空體性三昧諸佛菩薩大法樂
耳此亦可別對歡喜行者化被一切卽十方隨順

之義

△二悲心

若佛子以悲空空無相悲緣行道自滅一切苦於一
切衆生無量苦中生智不殺生緣不殺法緣不著我
緣故常行不殺不盜不婬而一切衆生不憐發善提
心者於空見一切法如實相種種性行中生道智心於
六親六怨親怨三品中與上樂智上怨緣中九品得
樂果空現時自身他一切衆生平等一樂起大悲

以悲空空無相者了知大悲之體本自空空無相
今欲證此體故以悲緣而行菩薩之道先自滅一
切苦因隨於一切衆生無量苦中生拔濟智設自
身未免苦輪則安能廣度一切也無量苦者因則
見思爲苦塵沙爲苦無明爲苦果則惡道爲苦有
漏爲苦沉寂爲苦迷中爲苦生智者生眞諦智拔
見思苦因拔惡道有漏二種分段苦果生俗諦智
拔塵沙苦因拔沉寂苦果生中諦智拔無明苦因
拔迷中變易苦果以要言之卽是一念圓修三種
大悲緣修生緣大悲故拔惡道之苦亦拔沉寂之

若俗諦三昧。或名不殺生。緣觀一切衆生。皆我父母等也。緣修法緣大慈。故拔有漏分段之苦。眞諦三昧。或名不殺法。緣觀一切地水是我前身。一切火風是我本體也。緣修無緣大慈。故拔迷中變易之苦。中諦三昧。或名不著我。緣觀心佛衆生三無差別。不緣假名。不緣實法。惟緣中道佛性。無緣而無不緣也。若約次第釋者。藏教持性重戒。是不殺生。緣通教體色入空。是不殺法。緣別教修行中道。是不著我。緣圓教三悲一念中修。故能圓拔無量衆苦。然悲觀雖深。總以事戒爲所依。淺若無事境。理觀不發。故常行不殺不盜不淫。而一切衆生。不惱發菩提心者。我不以殺盜淫事惱人。人亦自不惱我。互不相惱。斯即永拔苦因而此。顯悲不惟拔苦。隨卽與樂。良緣菩薩不但見空。亦卽於空見一切法如實之相。故於種性行中。隨生道種智心於親怨三品。一一皆與上樂智果。乃至上緣緣中。亦令其九品得於樂果。如是修習。乃至空空無相之體。現在前時。則自身及他一切衆生。皆平

等使歸一樂。而還起佛地之大悲矣。此亦可刪對。饒益行者。善能利益一切衆生。故也。

△三喜心

若佛子。悅喜無生心時。種性體相道智。空空喜心。不著我所。出沒三世。因果無集。一切有人。空觀行成。等喜一切衆生。起空入道。捨惡知識。求善知識。示我正道。使諸衆生入佛法家。法中常起歡喜。入佛位中。復是諸衆生入正信。捨邪見。背六道苦。故喜。

悅者。暢適喜者。歡欣。此總標無量三昧之體相也。無生下別出四喜。謂此悅喜。不同世情欲樂所起。特以自悟無生心時。則一切種性體相。以道智照之。無不皆空。故於空法而生歡喜。此卽以自解空。理不受生縛。故喜也。既達空法。心不著於我所。而但求自度。惟爲化度衆生。示現出沒三世。而非徒業牽。故一切因果悉皆無集。恒於一切二十五有之中。隨處令其入空觀行。成就故得平等歡喜。此卽以善解無著遊戲度生。故喜也。於一切衆生起眞空智入慈悲。道各各捨惡知識。求善知識。還示

我以好道互相得益。使諸衆生入佛法家。故於法中常起歡喜。此即以慶他行。因展轉度脫。故喜也。既入佛位之中。復使是諸衆生。皆入正信。捨邪背苦。此即以度他。得果。廣化衆生。故喜也。此亦可別對無礙。恨行者。即是自覺。覺他。得無違拒。義故。此與發趣中喜心。差別者。發趣是隨喜。方便。此是無量三昧也。

△四捨心

若佛子。常生捨心。無造無相空法中。如虛空。於善惡有見無見。罪福二。中平等。一。照非人。非我所心。而自他體性。不可得。爲大捨。及自身。肉手足。男女。國城。如幻化。水流。燈燄。一切捨。而無生心。常修其捨。

無分別。無執著。其心平等。名之爲捨。無造。下。明離。一切分別。故爲大捨。及自身。下。明離。一切執著。名一切捨。而無生下。結明常生捨心。即是無住生心之義也。無造。即無作。於此三解脫門法中。觀一切法如虛空等。若善若惡。若有若無。若罪若福。無不平等。一。昭知其體性。本不可得。故於內身外物了。

達如幻化。非實。如流。隨無住。脫然放下。永無悵惜。也。此亦可別對無盡行者。平等。一。昭即所謂三。世平等。十方通達。

△五施心

若佛子。能以施心。被一切衆生。身。施口。施意。施財。施法。施教。導一切衆生。內身。外身。國城。男女。田宅。皆如如相。乃至無念財物。受者。施者。亦內。亦外。無合。無散。無心。行化。達理。達施。一切相。現在行。

此四攝法中之布施攝也。發趣施度。以到彼岸。爲義。此中施攝。以化衆生。爲旨。故云。被一切衆生也。菩薩所有身口意業。無不攝取衆生。而攝取之方。不過財法二施。三業爲能。施財法爲所。施能所並列。以此五施教導衆生。又觀內外身等。皆如真如之相。乃至無有一念分別財物受者。施者。如此了達。三輪體空。亦內修理。觀亦外行。布施理。觀亦無合。布施亦無散。終日無心。終日行化。達即事之理。達即理之施。以此一切種種相。統而現在行。施即佛頂所謂種種法門。得無差悞者也。故亦可別對。

摩癡亂行

△六好語心

若佛子入體性愛語三昧第一義諦法語義一切實語皆順一語調和一切衆生心無瞋無諍一切法空智無緣常生愛心行順佛意亦順一切他人以聖法語教諸衆生常行如心發起善根

欲明好語先言入體性愛語三昧者以說法度生最爲難事。自非悟入妙法體性則不能以四悉因緣巧作隨智隨情等說。惟入此體性三昧了知一切法性皆不可說而有因緣故亦可得說其所說法善返羣機能使衆生愛樂歡喜故名體性愛語三昧也。既入三昧則或說第一義諦法之語義或說一切種種真實語。究竟皆順入於一乘真語矣。第一語義者隨自意語隨智語也。一切實語言者隨他意語隨情語也。雖善巧隨情種種權說毫無欺誑譬如長者等與諸子白牛大車終無虛妄之咎故名一切實語也。隨智固順一乘隨情亦方便漸令人實故云皆順一語以此一語調和衆

生不恪眞法故無瞋常隨物機故無諍蓋緣一切法空之智雖無緣而常於衆生慈悲愛心是以隨所說語上則行順佛意而契理下亦隨順一切他人而契機恒以聖人法語教諸衆生常行如心而不離第一義諦發起善根而不捨方便說法是謂菩薩愛語攝也。自他二語一往分釋者隨智爲上契佛理隨情爲下契羣機具足釋者二語卽佛權實二智故皆上合佛心二語徧接利鈍衆生故皆下順他人此亦可別對善現行者於一法性作二種說卽是同中顯現羣異雖二種說皆順一語卽是一一異相各各見同也

△七益心

若佛子利益心時以實智體性廣行智道集一切明藏法門集總行七財商人得利益故受身命而入利益三昧現一切身一切口一切意而震動大世界一切所爲所作他人入法種空願道種中得益得樂現形六道無最苦惱之事不以爲患但益人爲利此卽利行攝也此之攝法全用權智而權智全以

實智爲體故即以實智體性而廣行權智之道集一切智慧光明集一切功德法財福慧莊嚴乃使前人得益故自雖久離生緣爲衆生故示受身命而入利益三昧以三昧力現三輪不思議化震動大千舉足動步無非佛事皆使他人悟三觀門得現在益得究竟樂又復現形六道廣應羣機雖六道中有無量苦惱不以爲患但以益人爲利耳七財者一信二進三戒四慚愧五聞六捨七定慧三觀者法種爲中觀空種爲空觀道種爲假觀也此亦可別對無著行者現身口意震動世界即所謂現量現界不相留礙也

△八同心

若佛子以道性智同空無生法中以無我智同生無二空同源境諸法如相常生常住常滅世法相續流轉無量而能現無量形身色心等衆入諸六道一切事同空同無生我同無物而分身散形故入同法三昧

此卽同事攝也前之利行雖亦現形六道猶爲一

切導首今則異類中行行於非道通達佛道善權化物尤爲不可思議良以了達道種性智同於真空所謂卽俗而眞故證入於無生法中而以二種無我妙智同一切衆生無二在天而天在人而人不知其爲菩薩所化也蓋既悟此畢竟空寂萬法同源之境一切諸法眞如實相故能於無生無住無滅性中示現常生常住常滅隨彼世法相續流轉無量而能現無量形身色心等衆入諸六道一切善惡事業皆與其同所以畢竟空故雖示生而同無生豈無生故雖現我自同無物而分身散形與其同事導歸佛乘故入同法三昧此亦可別對尊重行者種種示現咸導歸于第一波羅蜜多故也

△九定心

若佛子復從定心觀慧證空心心靜緣於我所法識界色界中而不動轉逆順出沒故常入百三昧十禪支以一念智作是見一切我人若內若外衆生種子皆無合散集成起作而不可得

復從定心者。善修慈悲喜捨三昧成就。奮迅超越等殊勝妙用也。前發趣中第五定心。以寂滅無相爲體。此則以逆順出沒而爲功能。蓋緣觀慧證入空理。故心心寂靜而常能徧緣一切三昧境界。不爲我所法。識界色界之所動轉。於九次第定。隨意自在。逆順出沒。遂入百三昧及十禪支。以一念相應智慧。見一切根身器界。現行種子。因緣和合。虛妄有生。而無合因緣。則離虛妄名滅。而非散惟是妄心之所集成。名爲現行妄心之所起。作名爲種子。而當體了不可得也。蓋四禪八定。凡外亦能修習。但緣未證空理。故每爲禪法所用。而不能巧用。禪法既爲禪法所用。則未免隨禪受生。是彼我所法。識界色界所動轉也。識界即四空天。但有四蘊而無色蘊。故名識界。雖滅受想定二乘亦能證得。但未達妙空。便取滅證。不復能現諸威儀。今言逆順出沒者。起定爲出入定爲沒。從滅受想定起入非非想定。乃至從二禪起入於初禪名逆出沒。從初禪起入二禪乃至從非非想定起入滅受想定。

名順出沒。若大第順逆出沒名。師子奮迅三昧。若間隔出沒名。超越三昧。乃至百大三昧。總依九次第定爲本。而九次第定。又總依十禪支。所成十禪支者。支是分義。謂緣分心。心所法。成於禪定。初禪有五支。一覺。二觀。三喜。四樂。五一心。二禪有四支。一喜。二樂。三一心。四內淨。三禪有五支。一樂。二一心。三捨。四念。五慧。四禪有四支。一舍。二捨。三念。四不苦不樂。今案。復存單總名十支。此亦可別對善法行者。逆順出沒三昧。禪支能成十方諸佛軌則也。

△十慧心

若佛子。作慧見心。觀諸邪見結思等縛。無決定體性。順忍空同。故非陰非界非入非衆生。非一我非因果。非三世法。慧性起。光光一箇明明見。虛無受。其慧方便生長。養心是心入起空空道。發無生心。

慧見心者。卽是四攝巧慧作者起也。前發趣中第六慧心。明於空慧心體。此明起空方便。方便不肯眞空也。邪見是利使結思。是鈍使本無決定體性。

菩薩於願忍中既證空理觀利鈍便咸與空同非陰界入及三世法從真慧體起光焰相用一智緣體照真法無不明了見其本皆虛寂無有受者而此慧方便不惟是四攝之本亦是十長益心之本智慧方便使生長益心習長益心入於起空空道便能發中道無生心入於一金剛矣慧方便者慧即實慧方便即權慧權實二慧非二體也起空空道者從空出假假不礙空也此亦可別對實實行者所謂觀一切法一一皆是清淨無漏一真無爲

△三結指

上千海眼王品已說心百法明門

佛說梵網經菩薩心地品合註卷第一

佛說梵網經菩薩心地品合註卷第二

姚秦 三藏法師 鳩摩羅什 譯

明 菩薩沙彌古吳 智旭 註

菩薩比丘溫陵 道昉 訂

△三明十金剛心三初總徵二別釋三結指 今初

盧舍那佛言千佛滿聽汝先言金剛種子有十心金剛種子者修習中觀能爲金剛十地而作種子又三十心皆是種子惟此十心倍爲堅固故名金剛則則一心分對一向圓則位位具修此心乃至妙覺究竟此心今就義便且約次第中觀爲解又復大似圓家十信一信二念第六不退名義皆同深心迴向即精進義達即慧義直即定義大乘不異護心無相還同迴向慧心與戒不壞與願取義稍殊亦不甚遠良緣界外機宜不同或接或借致成異趣同人稱性修觀總皆攬入一念心中無違妨也

△二別釋十初信心至十不壞心 今初

若佛子。信者一切行以信爲首。衆德根本。不起外道邪見心。諸見名著。結有造業。必不受入空。無爲法中。三相無無生。無生無住。無滅。滅無有一切法空。世諦第一義諦。智盡滅異空。色空細心。心空細心。心空故。信信寂滅。無體性和合。亦無依然主者。我人名用三界假我。我無得集。相故名無相信。

信爲道源功德母。長養一切諸善根。以信力故。不起外道邪見心。及一切世間種種妄見名字計著。能結三有果報。能造善惡諸業者。亦不必受入於真空。無爲法中。生住滅相。當體皆無。亦并無無相可得。所謂生即無生。無生即生。無住而住。住即無住。無滅而滅。滅即無滅。不惟無一切法。亦無一切法空。惟以超了世諦第一義諦之權實妙智盡滅。凡外所計異色之空。及色界空界之微細心想。二乘心空之微細心智。如是心心皆空。故方生中道實信。信於中道寂滅之理。了知諸法不自生。故無體性不共生。故無和合。不無因。故無依然。依然即是自然。不他生。故無主者。我人名但用三界假名。

之我。而此我實無得集之相。故名無相信也。此亦可別對救護衆生。離衆生相。迴向者入空。無爲法中。即純潔精真。義不起邪見。不受結業等。即還諸留患。義用三界假我。我無得集。相即當度衆生。滅除度相。義心心空。故信信寂滅。即迴無爲心向涅槃路義。

△二念心

若佛子。作念六念。常覺乃至常施第一義諦空。無著無解。生住滅相。不動不到。去來而於諸業受者。一合相。迴向入法界。智慧慧相。乘乘寂滅。隨隨無常。光光無無。生住不起。轉易空道。變前轉後。變轉變化。轉轉變。同時同住。該一相生滅。時已變。未變。變變化。亦得一受。亦如是。

作念者。能念之觀慧。六念者。所念之境。也能念無非一心三觀。所念無非一境三諦。當覺下。先釋所念。迴向下次。釋能念。常覺者。心外無佛。佛即是心。乃至若略指法僧戒。天心外無法。法即是心。名常法。心外無僧。僧即覺法。和合名常僧。無作妙戒。

究竟色相名常戒第一緣天法爾性德名捨天三輪體寂究竟大施名常施名雖有六實惟第一義諦此總明三諦圓融之境也空字別名真諦無著無解別明俗諦生住滅相現在不動不到過去未來別明中諦既所念之境三諦一諦不可思議推一合相則於六念諸業及受用此法者當知亦皆是法界一合相也迦勒入法界智者若念佛時佛爲法界一切法總攝乃至若念施時施爲法界一切法總攝此總明三觀圓融之念也無慧相乘等則明即空妙觀緣喻於慧無常即相乘義光喻於乘無無即寂滅義生生不起等別明即假妙觀雖雖是生生不起而復轉易空道所謂變前轉後變轉化化轉轉家無盡重重不可思議也變者指能念之慧化者指所念之境因佛法等境生於能念之慧故名爲變因於念慧復成佛法等境故名爲化同時同住等別明即中妙觀雖變化轉易而復同時同住猶如燈炷雖滅一相生滅一時所謂過去已變未來未變現在變變無不同時同住

也言同時者如生住滅三相一住謂是三世然生相生時滅相則滅住相生時生相則滅滅相生時住相則滅住相滅故住亦名滅滅相生故滅亦名生生相滅故生亦名滅住相生故住亦名生又正生時生亦名住正滅時滅亦名住則一相中皆具三義皆具三名故同時也。同住者義無實性名無實體生不自生亦不他生亦不共生不無因生住不自住亦不他住亦不共住不無因住滅不自滅亦不他滅亦不共滅不無因滅四性推檢求於生住滅之異相了不可得惟一無生無住無滅之法性故同住也。緣喻一相喻於同住生滅一時還喻同時既能念之慧三觀一觀不可思議惟是一相一時則所念化境亦得一相一時而受用此法者亦復如是一相一時矣此亦可別對不壞迴向者若非一境三諦一心三觀皆爲可壞之法以離凡言俗離俗言真離真俗而言中總非法界究竟了義今悉離此諸離故名不壞也

△三迴向心

題稱迴向文名深心者迴二邊向中道理極淵微故也此深心者固是第一義空謂於眞實法空智中雙照有實二諦咸歸一實有卽世諦實卽眞諦何謂眞諦卽是業道相續十二因緣中之道理是也業從感起必招苦果舉一該二成大緣起其中道理所謂菩提涅槃元清淨體能生諸緣緣所遣者雖是所遣不在緣外也何謂世諦卽假名諸法我人主者是也本無實法惟依世俗假設凡外不了乃成二執耳此二諦者實諦情無理有世諦理無情有故同名有諦深深入於第一義空而無去來者所謂性眞常中求於去來迷悟生死了無所得也幻化受果而無受者所歸因緣和合塵妄有生因緣別離虛妄名滅皆處出生隨處滅盡也此亦可明對等一切佛迴向者本覺湛然覺齊佛覺

精真發明名爲達照以此菩薩所證忍法順於一切實性知彼性性皆本無結縛亦無解脫故能發生四無礙辯所謂法達能知種種法相義達能知所詮義還辯達能知名句文身教化達能作種種莊嚴樂說惟其心輪通達所以口輪無礙蓋既了知三世因果及衆生根性業行皆悉如於真如不合不散本無實法故能用於無以爲用而作隨智說亦本無名故能用於用以爲用而作隨情說如是若實若名一切皆空能空之智亦空迢達此第一義空之理名爲通達一切法空彼空空之智如如之理其相皆不可得也此亦可別對至一切處通向者達迢卽是真精發明地如佛地之義

△五直心

若佛子。直者。直照取緣神我。入無生智。無明神我。空中空。空空。理心在。有在無而不壞。道種子。無漏中。道一觀。而教化一切十方衆生。轉一切衆生。皆薩婆。若空直。直性。直行於空。三界生者。結縛而不受。

正念。真如名爲直心。真如徧一切法。無所不在。故以直心。忍了彼取緣神我。入無生智也。無明即指取緣。取緣神我。本空中。亦空。即是雙遮。而此空。空理心在。有在無而不壞。中道種子。即是雙照。以此無漏中。這一觀教化衆生。令其皆入薩婆。若海梵語。薩婆。若此翻一切智智。三智一心中得名。一切智智。即究竟果覺也。緣達無明神我。本空。而證中道一實之理。故內直。性外行。直行內外一如。則於空華幻夢之三。界所有生者。結縛離意。遊戲出沒。而不受其煩。倒矣。此亦可別對無盡功德。藏迴向者。教化衆生。皆薩婆。若即所謂世界如來。互相涉入。得無罣礙也。

△六不退心

若佛子。不退心者。不入一切凡夫地。不起新長養諸見。亦復不起集因。相似我人。入三界業。亦行空而不住。退解脫於第一中道。一合行。故不行退。本際無二。故而不念。退空生。親智如如。相續乘。乘心入不二常空。生心一道。一淨爲不退一道。一照。

三不退位。緣於三不退智。而成初句總標。不入下別釋。三不退位。空生下。別明三不退智。常空下。總結三智。一心中修。三位一心中證。也不入凡夫地。是位不退。果不起新長養諸見。我人等。是位不退。因新者。謂行人已伏惑。而入禪那。若於禪那中。不善觀察。發起愛見。宿習名之爲新。今善修不退心。故惑消滅。新惑不生。見愛二習。皆悉寂滅。雖示現入三界業。亦常行於空理。故得證位不退。言不住。退即是位不退也。此位不退。雖似與二乘共。然二乘豈能入三界業。故知同位殊勝。空非但空。只須明此一種不退。已非權小境界。況具明三不退耶。次明所證解脫。乃於第一中道。一合而行。不同二乘解脫。故不行退。次明了知生死本際。即涅

樂本際煩惱本際即菩提本際更無二際念念恒與薩婆若智相應而不念退止三不退理趣甚深。良緣三智所證空生觀智如如是位不退智相續乘於大乘即是行不退智心入不二本際即是念不退智如此三智一心中修名為常空生心即是無住生心之義善契心體名為一道不染二邊名為一淨是為不退一道一忍乃理智一如之極致也此亦可別對隨順平等善根迴向者謂於同佛地中各各生清淨因取涅槃道故能圓證三不退理然三不退若分屬者別教位不退在第七住行不退在十迴向念不退在歡喜地圓教位不退在初信心行不退在第十心念不退在發心住今合明之正顯隨順平等善根義故

△七大乘心

若佛子獨大乘心者解解一空故一切行心名一乘。乘一空智智乘行乘乘智心心任職任用任職任一切眾生度三界河結縛河生滅河行者坐乘任用載用智乘趣入佛海故一切眾生未得空智任用不名

為大乘但名乘得度苦海

惟一佛乘無二無三自成佛道轉化一切皆令成佛故名獨大乘心所謂若二乘解若菩薩解究竟皆歸第一義空達此畢竟第一義空所以一切行心皆名一乘謂乘於一空之一切種智也而此獨大乘心者亦名智乘亦名行乘以乘此一切種智之心此心堪任載諸眾生堪任用趣佛海故得名為智乘及行乘也何謂任載謂任荷眾生令度三界苦果之河惡業結縛之河無明生滅之河而此行者不居此彼二岸不住中流常坐是乘而行濟度所以名行乘也何謂任用謂所載眾生皆用智乘令其悉得趣入佛海不令一人墮二乘地所以名智乘也故使一切眾生設有一人未得此空智任用者則不名為大乘但名為乘得度苦海面已此即反顯獨大乘心必能等觀一切眾生皆以如來滅度而滅度之也空智任用者即是中道應本亦即無住生心之義若不令眾生同得此道不名大乘蓋不惟聲聞緣覺缺此大心即藏通二佛究

竟止歸灰斷亦不得名為獨大乘心此亦可別對隨順等觀一切衆生還向也

△八無相心

若佛子無相心者妄想解脫照般若波羅蜜無二一切結業三世法如如一諦而行於無生空自知得成佛一切佛是我等師一切賢聖是我同學皆同無生空故名無相心

無生死相無涅槃相無煩惱相無菩提相無十界差別相無十界平等相名無相心所以若妄想若解脫相之以般若波羅蜜而皆無二一切結業三世法皆即如如一諦結者煩惱惑即般若者善不善不動有漏業即解脫三世法者去來現在三界苦果皆即法身三德秘藏惟一實理如理妙智名為無生空智行於此智了了自知作佛佛即我師賢聖即我同學以諸佛菩薩同修同證此無生空故此亦可別對真如相迥向者想脫無二所謂即一切法如如一諦所謂離一切相行無生空所謂惟即與離二無所著也

△九慧心

若佛子知如慧者無量法界無集無受生不生煩惱而不縛一切法門一切賢所行道一切聖所觀法所有亦如是一切佛教化方便法我皆集在心目中道一切論邪定功用幻化魔說佛說皆分別入二斷處非一非二非有陰界入是慧光明光明照性入一切法

發趣中慧雖明知體名心而入空義強故標空慧長養中慧雖亦發無生心而出假義強故云作慧見心今則正顯契合中道之慧故云知如慧也此慧不落凡情不著聖解何謂不落凡情謂達無量法界無有集者亦無有受生者雖似有生不生之煩惱而實不縛也何謂不著聖解謂一切法門賢所行聖所觀所有諸法亦復如是不縛著也凡聖二法永無執著則能善用凡聖諸法故一切諸佛教化方便皆集心中乃至外論邪定等皆悉分別入二斷處謂佛法是真諦魔外是俗諦又魔佛差別是俗諦魔佛一如是真諦真不違俗故非

一俗不違真故非二既達斯致則五陰亦非陰十八界亦非界十二入亦非入清淨本然惟是真慧光明而此光明照性普入一切法中即所謂真得所如十方無礙故亦可別對無縛解脫迴向也

△十不壞心

若佛子不壞心者入聖地智近解脫位得道正門明菩提心伏忍順空入魔不壞衆聖摩頂諸佛勸發入摩頂三昧放身光光照十方國土入佛威神出沒自在動大千界與平等地心無二無別而非中觀知道以三昧力故光中見佛無量國土現爲說法爾時即得頂三昧證虛空平等地總持法門聖行滿足心心行空空空惡中道無相照故一切相滅得金剛三昧法門入一切行門入虛空平等地

十金剛心皆以不壞爲義此居最後獨膺不壞之名此心乃是能入聖地之智已近解脫之位得中道之正門也入聖地智是般若德近解脫位是解脫德得道正門是法身德入聖地智即明實智菩提近解脫位即明方便菩提得道正門即明真性

菩提又入聖地智即明了因慧心近解脫位即明緣因善心得道正門即明正因理心故曰明菩提心也此爲地前伏忍位順於第一義空之理第一義空不住生死故界內陰魔煩惱魔死魔天魔所不能壞不住涅槃故界外苦無常無我不淨四魔所不能壞分滿衆聖一時摩頂十方諸佛咸皆勸發遂入摩頂三昧放光普照亦能入佛威神出沒自在動大千界儼然與等地者無別而猶不名爲初地者以其尚在伏忍猶屬相似中觀非以真實中觀知道故也但以摩頂三昧力故光中見佛聞法即得入頂三昧此於凡位之中最爲尊上猶藏教所謂世第一位人此位已無間即證虛空平等地門總一切法持一切義知一切法即心自性具功德任運現前無作妙行當下滿足矣然菩薩所以能捨凡入聖者良緣三十心法門心皆行於空理以此空空之慧中道無相照故所以一切諸相皆悉寂滅乃能得是金剛三昧門入一切行門入虛空平等地也此亦可別對法界無量迴

向者性德圓成法界量滅是真不壞義故

△三結指

如佛華經中廣說

△四明十地二初總徵二別釋 今初

盧舍那佛言千佛諸聽汝先問地者有何義

上荷佛法下荷衆生功德智慧之所歸超慈悲巧便之所從生故名爲地別則平等慧即歡喜地乃至入佛界即法雲地圓則歡喜乃至法雲十地地地皆悉具平等義具善慧義具光明義具爾微義具慧照義具華光義具滿足義具佛吼義具華嚴義具佛界義又理即平等乃至究竟平等理即佛界乃至究竟佛界中間例知今就義便且約分證法身爲解至於一地一切地一切地一地行布圖融雙照無礙入斯地者當自知之

△二別釋十初平等地至十入佛界地 今初

若佛子菩提薩埵入平等慧體性地眞實法化一切行華光滿足四天果乘用任化無方理化神通十力十號十八不共法住佛淨土無量大願辯才無畏一

切論一切行我皆得入生出佛家坐佛性地一切障礙凡夫因果畢竟不受大樂歡喜從一佛土入無量佛土從一劫入無量劫不可說法爲可說法反照見一切法逆順見一切法常入二諦而在第一義中以一智知十地次第一一事示衆生而常心心中道以一智知一切佛土殊品及佛所說法而身心不變以智知十二因緣十惡種性而常住善道以一切智見有無二相以一智知入十禪支行三十七道而現一切色身六道以一智知十方色色分分了起入受色報而心無縛光光照一切是故無生信忍空慧常現在前從一地二地乃至佛界其中間一切法門一時而行故略出平等地功德海藏行願如海一掃毛頭許事

前標名中稱體性平等地者乃是依理立位亦顯全性起修今此名爲入平等慧體性地者乃是攝位歸體亦顯全修在性也此地從眞實性中出生法化故一切行華光皆悉滿足華表解脫即是行行光表般若即是慧行三十心中雖亦具有二行

但是相似解行。今乃真實法化。所謂直法身非法身。法身必具二德。乃稱性滿足也。既證三德三身。即能隨意示現於第四天。而成就果。乘此平等大慧之用。任運教化。無有方隅。所有神通變化。非關作意。惟是理性所起。名為理化。神通即所謂無記化化通也。言四天者。或指欲界第四兜率天。宮如千百億釋迦等。或指第四禪色究竟天。如千釋迦等。此初地菩薩。已得中道應本。故皆能示現。乃至十力十號十八不共。一時具足。安住實報無障礙土。亦復分證常寂光土。舉凡大願辯才等佛地功德。我皆得入。捨凡夫性。入如來性。大樂歡喜。故亦名為歡喜地。也。知利七平等無性。一即無量。故能橫遍十方。知時劫亦平等無性。無量即一。故能豎窮三世。微證不可說之法。任而以四悉檀。因緣善巧方便。為衆生說。不背法性。知一切法。即是中道性。德名反。知一切法皆空。名通見。知一切法皆假。名順見。地前即修中道。猶謂通出二邊。今知中道。偏一切法。故當入二諦。而印在第一義中。了知

即事即理。故以十地事示衆生。而心中道了知。差別即無差別。故知佛土說法。殊品而身心不變。深達性惡。即是性善。故知因緣十惡。而常住善道。雙焰有無二相。名一切智。故非偏空。雖行出世道。而不住涅槃。故現一切色身六道。善能分別諸法。相於第一義。而不助放於色色支分。離了其起處。入處及受報處。而心心無縛。光光焰焰。一切此則證於念不退。位入於無功用道。故無生信。忍空慧常。現在前於一地中。通達一切諸地法門。故能一時而行。良緣教道。雖別證道同圓。故功德海藏。非言所罄也。

△二善慧地

若佛子。善提薩。薩。善慧體性。地。清淨明達。一切善根。所謂慈悲喜捨慧。一切功德本。從觀入大空慧。方便道智中。見諸衆生。無非苦諦。皆有識心。三惡道刀仗。一切苦惱。緣中生。識名為苦。諸三苦相者。如者。如身初覺。從刀仗身色陰。二緣中生。覺為行。苦緣。次。意地覺。緣身覺。所緣得刀仗及身。瘡腫等法。故覺苦。苦緣。

重故苦。苦又受行。受三心緣。向身色陰。壞道中生。苦覺故名。爲壞苦緣。是以三受次第生。三心故爲苦。苦若一切有心衆生。見是三苦。起無量苦惱。內緣故我。於是中人教化。通三昧現。一切色身於六道中。十種辯才說諸法門。謂苦識苦緣。刀仗緣。具苦識行。身苦。種發壞內外觸中。或具不具。具二緣中生。識識作識。受觸識名爲苦。觀行二緣故。心心緣色。心觸觸覺受。煩毒時爲苦。苦心緣識初在根覺。緣名爲苦。覺心作心。受觸識覺。觸未受煩毒時。是名行苦。逼迫生。覺如斷石。火於身心念生。滅身散壞。轉變化。識入壞緣。緣集散。心苦心惱。受念後緣染著。心心不捨。是爲壞苦。三界一切苦。諸復觀無明集。無量心作一切業相。續相連集。因集。因名爲集。諸正見解脫。空智道。心心名以智道。道諦盡有果報。盡有因清淨。一照體性。妙智寂滅。一諸慧品。具足名根。一切慧性起。空人觀。是初善根。第二觀捨一切貪著行。一切平等空。捨無緣而觀諸法。空際一相。我觀一切十方地土。皆吾昔身所用。故土四大海水。是吾故水。一切劫火。是吾昔

身故所用火。一切風輪。是吾故所用氣。我今入此地。中法身。滿足。捨吾故身。畢竟不受四大分段不淨故。身是爲捨品。具足第三次觀。於一切所化衆生。與人天樂。十地樂。離十惡畏。樂得妙華三昧樂。乃至佛樂。如是觀者。慧品具足。善薩爾時住。是地中。無礙無貪。無瞋入平等一諦智。一切行本。遊佛一切世界。現化無數法身。如一切衆生。天華品說。

此中子科分三。初善提下總標德。本大從觀下釋三品觀。三善薩爾時下結顯德。用初中言善慧者。此地亦名離垢垢。是所離慧。是能離又垢。是所治。善是能治也。以善慧而離垢穢垢。離故善根清淨。慧明故善根明。遠言一切者。即指十善之法。乃是五乘根本。具如華嚴二地所明。而十善又不出慈悲等五品觀也。次釋三品觀者。對治療貪瞋三毒根本。良以三毒爲十惡之源。故須三品妙觀治之。慈品具足。則慈喜在其中。次復分爲三。初釋慈品。次釋捨品。後釋慧品。初中又三從觀入大空慧。方便道智。中句爲總標。見諸衆生下。爲詳釋慧品具

足下爲總結標中總明觀察行力入大空慧起方便道智差別之用。具足觀於三界四諦次詳釋復四初觀苦諦。二觀集諦。三觀道諦。四觀滅諦。初觀苦諦者。謂一切衆生皆有識心。彼於三惡道及諸刀仗乃至人天一切苦惱緣中。生於受苦之識。名爲苦諦。而此苦諦具有三相。所謂三苦相者。三界皆悉有之。今就眼前易見之事而爲指點。故云如者。且如於身未觸境時。本初有覺知之性。卽是第五身識。從彼刀杖及身色陰之二緣中。生於覺知未受煩毒爲行苦緣。次意地覺卽是同時身識緣。此身覺所緣乃得刀杖及身疥腫等法。具受煩毒。故覺苦緣以苦惱重。故名爲苦。苦次從受苦覺及行苦覺二心緣於向來身色陰壞瘡中復生苦覺。名壞苦緣。受苦覺卽同時意識之所引生。行苦覺卽五身識之所引生也。是以後身覺意地覺受行覺之三覺次第生行苦苦壞苦之三心。故總名爲苦苦。此於一受之中。且但約苦受以明三苦於苦受中。又且約生時名行苦。住時名苦苦。

滅時名壞苦。卽則三苦偏於三時。亦復偏於三受。亦復偏於三界也。一切衆生。凡在三苦境界。不達其因。不知其緣。展轉迷亂。更起無量苦惱。因緣可悲。可憫。故意輸入教化道。三昧身輪。普現一切色身口輪。以十無盡辯才。說諸法門。說何等法。謂一切衆生。苦識爲本。生於苦緣。彼刀杖緣。具屬於苦識行相所緣之身。而輪胎發壞。雖意家內觸及五根外觸。或時有具不具。但令具根塵二緣中。生分別識。本從識作識。還自受卽此覺觸之識。名爲苦識。緣行於根塵二緣。故心心緣色。彼心相應之觸心。所觸於觸害境界。受煩毒時。爲苦。彼心中緣慮之識。初在根門。覺於塵緣。名爲苦覺。本從心作心。還自受卽彼觸識。覺於觸塵。尙未受煩毒時。是名行苦。因於境緣。進復生覺。觀如新石火。念念生滅。不稍停住。身既有散壞轉變。其識入於壞緣之中。隨此緣之若集苦散。心心苦惱而領受之念。仍於後緣染著。心心不捨。是爲壞苦。此名三界一切苦諦也。二觀集諦者。無明卽是集諦。謂以無量

無知染汙之心作一切有漏善惡不動受業爲六道相續相連之集因。卽此集因眞是苦因。更無異因。是名爲集諦也。相續者前後不斷。謂無始至今。常如輪轉相連者。卽一切謂六道因果更互牽連。三觀道諦者。以正見破無明惑。則諸業解脫。果報空。惟存智道。心心現前。名以智道。道諦道諦雖多。智慧爲首。智道心心猶言心心智道。四觀滅諦者。盡諸有之果報盡。諸有之生因。惟是清淨一智之體性。妙智名爲寂滅一諦。言體性妙智者。本來具足之不動智也。清淨是解脫。德一智是般若。德體性是法身。德妙智者契如之智。不言如而言智者。無如外智。無智外如。故也。三總結者。謂如是觀於四諦。則慧品具足。名爲慧根。於一切慧性起空體而入觀用。是名初善根也。次釋捨品捨四大而證法身。乃名具足捨品。後釋慈品隨衆生根性次第與樂。必以佛樂爲要。歸乃名具足慈品。言離十惡畏者。愚夫癡狂不畏惡業。初心菩薩深長十惡未能究竟遠離二地。以無作妙戒願無染性。

永離違犯得無怖畏。故成大樂妙華三昧者。上上品十善業道爲第一最妙莊嚴三結顯德用者。慧品具足故無礙捨品具足故無貪。慈品具足故無瞋。樂即般若。德無貪卽法身。德無瞋卽解脫。德三德卽是三諦。三諦卽是平等一諦。平等一諦卽是一心三智。又無礙卽入一切空行。無貪卽入一切中道行。無瞋卽入一切有行。三行爲萬行。本以此智行二種莊嚴。便能徧遊佛界。徧現化身。一化身卽報卽法三身一體不可思議。如一切衆生天華品說結略指廣也。

△三光明地

若佛子。菩提薩埵。光明體性地。以三昧解了智知三世一切佛法門十二法品名。味句重頌。別直語。偏不謂說律戒譬喻佛界。昔事方正。未曾有談。說是法體性名。一切義別。是名味句中說一切有爲法分分受生。初入識胎四大增長。色心名六住於根中。起實覺水別苦樂名。觸識又覺苦樂識名。三受連連覺著受無窮。以欲我見戒取善惡有識初名生。識終名死。

是十品現在昔因緣果觀是行相中者我久已離故無自體性入光明神通總持辯才心心行空而十方佛土中現劫化轉化百劫千劫國土中養神通禮敬佛前諮受法言復現六道身一音中說無量法品而衆生各自分得聞心所欲之法皆空無常無我一諦之音國土不同身心別化是妙華光明地中略開一毛頭許如法品解觀法門千三昧品說

以三昧解了智者從三昧所起之智所謂靜極明生名發光也名味句亦稱名句文味即文也名證自性句詮差別文即是字爲名句之所依十二法品者一重頌即是祇夜二記別即是授記三直語即修多羅四偈即孤起頌亦名伽陀五不誦說即無問自說六律或亦名因緣因有犯緣方制戒故七譬喻八伽陀亦名本生九昔事亦名本事十方亦名方廣十一未曾有十二談說即是議論是法體性名切義別者體即當體謂文字經卷又他方六應皆得爲體如玄義所明性即所依理體謂小乘三印無常無我印於生死寂滅印於涅槃

大乘一實相印生死涅槃無二際故名即通別二名一切義即宗用教相等如此名味句中雖觀無量法門要不出於十品因果謂有爲受生之法雖分分差別無不皆具十支初入識胎爲識支四大增長名六住爲名色六入兩支實覺未別苦樂名觸識即觸支三受即受支連連覺著受無窮即愛支以愛欲心起我見而生戒取即取支感善惡有即有支於後有識初名生即生支識終名死即老死支除無明行二支爲過去因此即是十品現在苦因緣果而此十品遷流造作之相既不自生復不他生亦不共生不無因生當體即空畢體即假全體即中有佛無佛性相常住非天人修羅梵魔外道所作亦非羅漢辟支菩薩諸佛所作名爲法界亦名法位亦名法性亦名法住亦名甚深中道第一義諦觀是中道則能永離生緣故了知十品皆悉無自體性入於光明神通總持辯才何謂光明神通謂離心心行空而於十方佛土中現劫化轉化百劫千劫中長養神通也劫化者誕促自在

轉化者淨穢隨心何謂總持辯才謂即徧十方界盡百千劫上諸法言下詔含識說法不同身心別化也是妙華下結路指廣

△四爾微地

若佛子菩提薩埵性地中爾真微俗不斷不常即生即住即滅一世一時一有種異異現異故因緣中道非一非二非善非惡非凡非佛故佛界凡界一是名為世諦其智道觀無一無二玄道定品所謂脫佛心行初覺定因信覺思覺靜覺上覺念覺慧覺觀覺荷覺樂覺捨覺是品方便道心心入定果是人住定中酸醎見法行空若起念定人生心定生愛順道法化生名法樂忍住忍證忍寂滅忍故諸佛於入光光華三昧中現無量佛以手摩頂一音說法百千起發而不出定住定味樂定著定貪定一劫千劫中住定見佛蓮華坐說百法門是人供養聽法一劫住定時諸佛光中摩頂發起定品出相進相去相相故不沒不退不墮不住頂三昧法上樂忍永盡無餘即入一切佛土中修行無量功德品行行皆光明入善

權方便教化一切衆生能使得見佛隨性常樂我淨是人生住是地中行化法門漸漸深妙空華觀智入體性中道一切法門品滿足猶如金剛上日月道品

已明前

爾真微俗者爾即真諦微俗即俗諦俗即真故不斷性無斷故真即俗故不常相無常故又真即俗故不斷非斷空故俗即真故不常性空寂故爾一切法即生即住即滅同在一世同在一時同在介爾一念有心是故不常然而種子各異異於現行之各異故又即不斷如是因緣法之中道當知非一以雙焰故亦復非二以雙派故乃至善惡凡聖性不可得故佛界凡界一皆是假名建立總名世諦其智道觀了知無一無二乃是玄妙中道定品所謂諸佛往昔心中行道初始覺悟之定因凡有十品是十品覺支方便之道心心入於定果故名爲定因也然十覺止是七覺支法開出信覺慧覺觀覺總攝擇法一支思覺念覺總攝念支靜覺即是定支上覺即精進支荷覺即輕安支亦名除覺

樂覺即是喜支捨覺即捨支也是人既住定中
該召見諸法而行於空若於定中善能起念便定
入於無住生心境界然初起此定者必定生於愛
順也彼於此中道法中變化生起是名眞法樂忍
亦名住忍亦名忍忍亦名忍忍忍忍之忍偷終生
愛順境界便爲永失故諸佛於此菩薩正入光光
華三昧時必皆現無量佛以手摩頂一音說法百
千方便而起發之光光華三昧即所謂發見法
行空而此菩薩生愛順故猶不出定亦住亦昧亦
著亦食乃至一劫千劫住定然蘇本願善根力故
雖久住定亦不畢竟入於涅槃仍能見佛聞佛法
門是人即於定中供養聽法又更一劫住定是故
諸佛再於光中摩頂令其發起定品善知出相進
相去相向相知出相故不沒知進相故不退知去
相故不墮知向相故不住便於頂三昧法上樂忍
永盡無餘不爲所障菩薩即入一切佛土乃至行
化法門漸漸深妙空中觀智同入體性中道一切
法門皆得滿足猶如金剛無有缺少矣學者其諦

諸者俗語也日月道品結語最然明八地
菩薩深證無生諸佛爲設三橋七勸今四地即云
兩者界外微緣不可思議惟願仰信而已

△五慧照地

若佛子善提薩攝慧照地性法有十種力生品起
一切功德行以一慧方便知善惡二差別行處力品
善作惡作業智力品一切欲求知六道生果欲力
品六道性分別不同智力品一切善惡根一一不同
根力品邪定正定不定是名定力品一切因果乘是
因乘是果至果處乘因道是道力品五眼知一切法
見一切受生故天眼力品百劫事一一知宿世力品
於一切生煩惱滅一切受無明滅解脫力品是十力
品智知自修因果亦知一切衆生因果分別而身心
口別用以淨國土爲惡國土以惡國土爲妙樂土能
轉善作惡轉惡作善色爲非色非色爲色以男爲女
以女爲男以六道爲非六道非六道爲六道乃至地
水火風非地水火風是八爾時以大方便力從一切
衆生而見不可思議下地所不能知覺畢足下足事

是人大明智漸漸進分。智光無量無量不可說不可說法門現在前行。

慧思者十力妙慧。知一切法悉皆通達。世出世道無與等者。亦名難勝。此十種力。緣善修習之所生成。故名生品。此能偏起一切功德之行。云何爲十。一者以一聲方便了知善惡。若別行所謂作善得善報。斯有是處。若得惡報。無有是處。作惡得惡報。斯有是處。若得善報。無有是處。是名爲處力品。二者於一切衆生善作惡作。業緣果報。皆悉偏知。是名業智力品。三者於一切衆生所有欲求。謂喜願六道生。生果等名。爲欲解力品。四者知六道種性分別不同。名性力品。五者知六道一切善惡根上中下。一一不同。名根力品。六者知衆生邪定正定不定。是名定力品。七者知一切世出世因果之法。乘是因。乘是果。如人乘爲因。還以人乘爲果。乃至佛乘爲因。還以佛乘爲果。其得至果處者。正緣乘此因道。是名道力品。八者以五眼知一切法。見一切衆生受生差別。故名天眼力品。九者於百劫

事。一皆知名宿世力品。言百劫者。謂百劫修行是心。地實非止於百劫而已。十者於一切分段生死之煩惱。滅一切受變易生死之無明。亦滅名解脫力品。卽是漏盡。智力是十力品。智能知自修因果。亦知一切衆生因果。分別而身心口能各各別用。了達淨穢平等。故應折伏。則以淨國土爲惡國土。應攝受。則以惡國土爲妙樂土。知善惡性空。敬重誠則轉善作惡。垂勸則轉惡作善。知色空不二。故爲善有者。令見色爲非色。爲善空者。令見非色爲色。知男女無真實相。故應以女身得度。則以男爲女。應以男身得度。則以女爲男。乃至隨意轉現。如維摩室中天女等。知凡聖平等。故應從聖解得度。則以六道爲非六道。應就凡情解脫。則以非六道爲六道。知四大無性本如來藏。故乃至地水火風。非地水火風。是人爾時以大方便力。觀一切衆生。界卽是佛界。隨舉一法。皆見其不可思議。舉足下足。下地莫知。乃至不可說不可說法門現在前行。所以亦名難勝。亦名慧思。

△六華光地

若佛子。菩提薩埵體性華光地。能於一切世界中。十神通明智品。以示一切衆生。種種變化。以天眼明。智知三世國土中微塵等。一切色分。分成六道衆生身。一一身微塵細色。成大色分。分知以天耳。智知十方三世六道衆生。苦樂音聲。非非音。非非聲。一切法聲。以天身。智知一切色。色非色。非男非女。形於一念中。徧十方三世國土。劫量大小。國土中微塵身。以天他心智。知三世衆生心中所行。十方六道中一切衆生。心心所念。苦樂善惡等事。以天人智。知十方三世國土中一切衆生。宿世苦樂受命。一一知命。續百劫。以天解脫智。知十方三世衆生。解脫斷除一切煩惱。若多若少。從一地乃至十地。咸皆盡。以天定心。智知十方三世國土中衆生。心定不定。非不定。起定方法。有所攝受。三昧百三昧。以天覺智。知一切衆生。已成佛。未成佛。乃至一切六道人心。心亦知。十方佛心中所說法。以天念智。知百劫千劫大小劫中一切衆生受命。命久近。以天願智。知一切衆生。實聖十地。

三十心中。一一行願。若求苦樂。若法非法。一切求十願。百千大願。品具足。是人住地中。十神通明中。現無最身心口。別用。說地功德。百千萬劫。不可窮盡。而爾所釋。迦路開神。通明品。如觀十二因緣品中說。

十通智品。起種種用。故名華光。無爲真如。性淨明。靈故名現。前緣真性。現前遂得。十通成就。妙華光明。以自莊嚴也。非非音。非非聲者。指無情聲。一切法聲者。指出世音。滅滅皆盡者。位位斷惑。究竟智盡。非定非不定者。所謂不起滅定。現諸威儀。有所攝受。三昧者。謂三昧各有種種功用。六道人心。心者。謂人心中具有佛心。若求苦樂。若法非法者。凡夫求苦。聖人求樂。凡求非法。聖人求法。又願生濁世。是求苦。願生淨土。是求樂。願現善道。是求法。願現惡趣。是非法也。此十通亦止。是六通。開出天身智。還屬天眼。眼見色相。分分差別。身知色相。無差別也。天人智。天念智。同屬宿命。天人智。知衆生宿命。差別。天念智。知劫數增減。差別也。天解脫智。即漏盡通。天定心。智。天覺智。天願智。並屬他心。皆如。

文可知

△七滿足地

若佛子。菩提薩埵。滿足性。地。人是法中。十八聖人。智品。下地。所不共。所謂。身無漏。過口無誦。罪念無失。念離八法。一切法中。捨常在。一味。是人地六品具足。復從是智生。六足。智三。界結習事。竟不受。故欲具足。一切功德。一切法門。所求滿。故進心。足一切法事。一切功。事。一切衆生。事。以一心。中一時。知。故念心。足。是二諦相。六道衆生。一切法。故智。慧。足。知十發趣人。乃至一切佛。無結無習。故解脫。足。見一切衆生。知他人自我。弟子。無漏。無諸煩惱。習。故以智。知。他身六通。足。是人入六滿足。明智中。便起智。身。隨六道衆生。心。行。口。辯。說。無量法門。品。示一切衆生。或隨一切衆生。心。行。常入三昧。而十方大地。動。震。空。化。華。故能令衆生。心。行。以大明。具足。見。過去一切劫中。佛。出。世。亦是示一切衆生。心。以無著。智。見。現在十方一切國土。中一切佛。一切衆生。心。心。所。行。以神通。道。智。見。未來中一切劫。一切佛。出。世。一切衆生。從。是。佛。受。道。聽。法。故。住。

是十八聖人中心心三昧觀三界微塵等色是我故身一切衆生是我父母而今人是地中一切功德一切神光一切佛所行法乃至八地九地中一切法門品我皆已入故於一切佛國土中示現作佛成道轉法輪示入滅度轉化他方過去來今一切國土中具足十八不共之法盡真如際故名滿足亦名遠行地也八法者利衰苦樂稱讚毀譽亦名八風一切法中捨者亦名無不知已捨此須四句分別謂不知不捨知而不捨不知而捨知已而捨凡夫於一切法不了元緣妄想執著是不知不捨解行菩薩雖知諸法真實之相惑種未斷未能脫然永離是知而不捨二乘無差別智不知諸法種種體性但能永無貪著是不知而捨惟佛究竟諸法實相如圓鏡引物了了現前永無粘著是無不知已捨也常在三昧者即四威儀中無不定心欲具足亦名大無滅結習都盡而常欲度生也悲心是亦名慈悲無滅任運度衆生也念心是即念無滅智慧是即慧結開化。心總不出。二諦依於二

隨作隨智隨情等說具足一切法品開化六道也。解脫足卽解脫無減。智知他身六通足卽解脫知見無礙。謂佛於一切解脫中知見明了分別無礙也。便起智身等是一切身業。隨智慧行口辯說等。是一切口業。隨智慧行隨衆生心行等是一切意業。隨智慧行能令衆生心行者。令是轉化之義。以大明具足等。是智慧知過去世無礙。以無著智等。是智慧知現在世無礙。以神通道智等。是智慧知未來世無礙。過去名大明。無昏昧忘失。故現在名無著。如鏡普照。故未來名神通。不可思議。故實則三世皆大明。皆無著。皆是神通道力也。從此數數示成八相轉化十方三世無所不徧。名為滿足亦名遠行不亦宜乎。

△八佛吼地

若佛子。菩提薩埵佛吼體性地。入法王位三昧。其智如佛。佛吼三昧。故十品大明空門。常現在前。華光音入心三昧。其空慧者。謂內空慧門。外空慧門。有爲空慧門。無爲空慧門。性空慧門。無始空慧門。第一義空

慧門。空空慧門。空空復空空慧門。空空復空空慧門。如是十空門。下地各所不知。虛空平等地不可說不可說。神通道智。以一念智。知一切法。分別異而入無量佛國土中。一一佛前。諸受法轉法度與一切衆生。而以法藥施一切衆生。爲大法師。爲大導師。破魔四魔法身具足。化入佛界。是諸佛數。是諸九地十地。數中長養法身。百千陀羅尼門。百千三昧門。百千金剛門。百千神通門。百千解脫門。如是百千虛空平等門中。而大自在。一念一時。行劫說非劫。說劫說非道。說道道說非道。非六道衆生說六道衆生。六道衆生說非六道衆生。非佛說佛。佛說非佛。而入出諸佛體性三昧中。反照順照逆照。前照後照。因照果照。空照有照。第一中道義諦。照是智。惟八地所證。下地所不及。不動不到。不入不生。不滅是地法門品。無量無量不可說不可說。今以略開地中百千分一毛頭許事。羅漢品中已明。

一眞如心。故名不動。與佛同體。從勝定出。復名佛吼。證於平等法性。眞無生忍。故名入法王位三昧。

華光者諸佛七勸之音具如華嚴第八地中所明本從七勸起定而言入心三昧者既受諸佛加被方證一心妙用出入無非三昧也空慧者慧即大明之體緣真實慧證法性空故名大明空門內空者觀內色淨相不可得外空者觀外色淨相不可得有爲空者五陰法中我我所不可得無爲空者對有爲說無爲有爲既空則無爲亦不可得性空者有爲無爲皆無自性無始空者世間衆生無有始相第一義空者諸法中最上第一名爲涅槃而亦無相空者第一義雖空能空之理猶在今能空亦空空復空者空理雖空空理之智猶在今空空之智亦空空復空空者理智皆空空空之空猶在今空空復空空是諸佛數者已證法身證在佛位九地十地不過任運長養其法身耳陀羅尼此翻總持總一切法持一切義依此能發無礙辯才反照者內照身心順照者觀流轉門逆照者觀還滅門前照者觀於過去後照者觀於未來因照者照諸法因果照者照諸法果空照者照

於眞諦有照者照於俗諦第一中道義顯照者照於中諦不動者攀緣永息不到者言思路絕不出者無不照時不入者非入定照者生者照性無生不滅者照性無滅羅漢品者結略指廣此地永捨藏識之名亦名阿羅漢位而界內界外義類不同若欲委知須閱四教儀集註

△九華嚴地

若佛子菩薩摩訶薩佛華嚴體性地以佛威儀如來三昧自在王王定出入無時於十方三千世界百億日月百億四天下一時成佛轉法輪乃至滅度一切佛事以一心中心一時示現一切衆生一切色身八十種好三十二相自在樂虛空同無量大悲光明相好莊嚴非天非人非六道一切法外而常行六道現無量身無量口無量意說無量法門而能轉魔界入佛界佛界入魔界復轉一切見入佛見佛身入一切見佛性入衆生性衆生性入佛性其地光光光顯慧照明發明徹無畏無量十力十八不共法解脫涅槃無爲一道清淨而以一切衆生作父母兄弟爲其說法

盡一切劫得道果。又現一切國土。爲一切衆生相視。如父如母。天魔外道相視。如父如母。住是地中。從生死際起。至金剛際。以一念心中。現如是事。而能轉入無量衆生界。如是無量略說如海一滴。

以佛莊嚴。而自莊嚴。名佛華嚴。發見如用善能說。法故。又名善慧地也。自在王王定者。此自在王三昧。爲一切三昧中王也。卽出卽入。卽入卽出。乃至東方入定。西方起等。故名出入無時。一切佛事。以一心。中一時示現者。謂不惟次第示成。八相。又相相之中。互具八相。所謂或見住胎。或見初生。或見出家。乃至或見已涅槃等。其地光者。指其光明之體。光光昭慧。慧照者。明其無盡無盡。明徹明徹者。顯其互徹互融。一念心中。現如是事者。所謂始終不出利那際三昧。轉入無量衆生界者。謂普於一切世界。現凡現聖也。餘悉如文可知。

△十入佛界地

若佛子。菩提薩埵。入佛界。般性地。其大慧。空空復空空。復空空。如虛空。性平等。智有如來。性十功德。品具足。

空同一相。體性無爲。神虎體二法。同法性。故名如來。應順四諦二諦。盡生死輪際。法養法身。無二名。應供。徧覆一切世界中。一切事。正智聖解脫。智知一切法。有無一切衆生根。故是正徧知。明明修行。佛果時足。故是明行足。善逝三世佛法。法同先佛法。佛去時善。善來時善。善是名善。善是人行。是上德。入世間中教化衆生。使衆生解脫一切結縛。故名世間解脫。是人一切法上。入佛威神。儀形如佛。大士行處。爲世間解脫。調順一切衆生。名爲丈夫。於天人中。教化一切衆生。諸受法言。故是天人師。妙本無二佛性。玄覺常大。滿一切衆生。禮拜故。尊敬故。是佛世尊。一切世人。諸受奉教。故是佛地。是地中一切聖人之所入處。故名佛界地。爾時坐寶蓮華上。一切與授記歡喜法。身手摩其頂。同見同學。菩薩異口同音。讚歎無二。又有百千億世界中。一切佛一切菩薩。一切雲集。請轉不可說法。輪虛空。藏化導法門。是地有不可說奇妙法門。品奇妙三昧。三昧門。陀羅尼門。非下地。凡夫心識所知。惟佛佛無量身口心意。可盡其源。如光音天。

品中說十無畏與佛道同

受佛職位。墮在佛數。故名。人佛界地。慈陰妙雲。覆
涅槃海。故亦名法雲。地。前八地中。第十空門。名為
空空。復空空。懸門。今并此大慧。而復空之。證如虛
空。性平等。智故。得十號功德。皆悉具足也。空同一
相等者。真空之智。與實相之理。無二。其體性。即是
無為。其神慮。通其體一。實此三句。明於如義。所有
一切諸法。無不皆同法性。此句。明於來義。應順四
種四諦。及真俗二諦。盡二種生死之輪。際法養之
智。與法身之理。無二。此則恒受第一法供。養樂名
應供也。正智者。即根本智。聖解脫智者。即差別智。
根本即正義。樂差別偏義。明明者。上明字。是始覺。
下明字。是本覺。始覺合本。故曰明明。修者。稱性力
用行者。性具功德。從性起修。以修顯性。故曰修行。
初地分證。今歸究竟。故稱為足善逝。三世佛法者。
逝是入義。法同先佛法。佛者。謂離塵化無方。而其
儀軌軌式。皆同先佛法。身無二。或示入涅槃。為去
或示生人世。為來無不契理。契機是故善而又善。

問理無來去來去隨機。但可契機。那云契理。答理
無來去亦無不來不去。但令契機。即是契理。又示
來不去。故契機來無來。相去無去。相故契理也。若
藏教菩薩。惟能來度衆生。不能去至涅槃。縱令契
機終不契理。若二乘之人。惟能去至涅槃。不能來
度衆生。縱令契理終不契機。若奪而言之。既不契
理亦不契機。不能接界外機。故既不契機亦不契
理。以未達無住涅槃。惟證偏空。不盡理性。故又權
教大士。雖偏能示去示來。但出假須起空。入空須
還假。亦不得名善善。今不起滅定。現諸威儀。四威
儀中心常在。定如明月之在天。水清影現而非來。
水濁影亡而非去。乃名去來皆善善也。大士行處。
為世間解脫。應云為無上士。又錯誤耳。妙本無二
者。謂始覺妙合本覺。而無有二。常常大滿者。所謂
究竟滿足。一切世人。諸受奉教。故是佛地者。謂此
地自下地視之。亦名為佛。是一切聖人之所入處。
故名佛界地者。謂此地乃是成佛近因。亦復名菩
薩也。爾時坐寶蓮華等。是初登此地。正受佛職事。

又有百千億等是既受佛職後事是地有不可說等是結顯德業如光音天品下結略指廣

△三件囑弘傳二初舍那付囑二釋迦弘傳 初

中二初結示付囑二放光付囑 今初

爾時盧舍那佛爲此大衆略開百千恒河沙不可說法門中心地如毛頭許是過去一切佛已說未來佛當說現在佛今說三世菩薩已學當學今學我已百劫修行是心地號吾爲盧舍那汝諸佛轉我所說與一切衆生開心地道

本源心地一切衆生之所共有但無明障蔽久成閉塞今轉此法門令得開發故云開心地道也

△二放光付囑

爾時蓮華臺藏世界赫赫天光師子座上盧舍那佛放光光告千華上佛持我心地法門品而去復轉爲千百億釋迦及一切衆生次第說我上心地法門品汝等受持讀誦一心而行

既結示付囑復放光普告者正顯心地法門若本若迹若因若果無不以智爲前導也故始則釋迦

放光發起表本覺之性明能熏始覺次則菩薩放光集衆表始覺之智德能尋本覺今則舍那放光囑授表於從果起因妙彰理本後復釋迦放光誦戒表於即因成果善修事迹光光互映了知始本不二修性同源矣

△三釋迦弘傳三初受法將辭二旋歸本界三還勸利生 今初

爾時千華上佛千百億釋迦從蓮華臺藏世界赫赫師子座起各各辭退舉身放不可思議光光皆化無量佛一時以無量青黃赤白華供養盧舍那佛受持上說心地法門品竟

舉身放不可思議光者迹光與本光無異同是三德秘藏微妙智明也光皆化無量佛者此智是諸佛之母諸佛緣此而出生也無量華供養者華表妙因妙因從果起起還用莊嚴果德也

△二旋歸本界

各各從此蓮華臺藏世界而沒沒已入體性虛空華光三昧還本源世界闍浮提菩提樹下從體性虛空

華光三昧出

三昧名體性虛空華光者謂微證本來如虛空之體性則華光任運自現體性即法身德華即表解脫德光即表般若德也。還本源世界闔浮提菩提樹下者若據下卷初文應云還起四禪摩醯首羅天王宮先說魔受化經方乃下生人間示現出家詣菩提樹今徑明菩提樹下從三昧出正顯八相成道始終皆不離此三昧也。又前接至華藏既稱爲還今復至南洲亦名還本源世界者前表理爲事本今表事爲理本故皆得稱還稱本源也何謂理爲事本謂本惟圖教一實之理而衆生迷有深淺悟有難易故更設別教通教藏教以開示之又本惟一行是如來行而衆生根有利鈍修有巧拙故更立五行萬行等以收羅之又本惟眞常法身而衆生久在輪轉不能自見故更現勝應劣應等身以覺悟之又本惟寂光淨土而衆生違背日久證入無緣故更垂實報方便同居等土以攝受之是名理爲事本也何謂事爲理本謂只此因緣生

法此法即空即假即中總不得離此正因緣境而別談理性又只此施戒等行或達其三輪體空或知其莊嚴無盡或了其體是法界總不得廢此六度事行而高談理觀又只此丈六常身名爲境本定身界內利根即見其坐天衣座轉無生四諦法輪界外鈍根即見其相好無量徧坐道場界外利根即見其一一色相當體無非眞實法身故法華經云微妙淨法身具相三十二何處別有四佛爲四人說四教耶又只此同居一土斷見思者便能橫見方便破無明者便能橫見實報無明盡者便能橫見寂光方便一土猶可云別在界外實報寂光則未有隔於此土者是名事爲理本也

△三還勅利生又二初且明一界佛二例結餘界佛今初

出已方坐金剛千光王座及妙光堂說十世界海復從座起至帝釋宮說十住復從座起至忉利天中說十行復從座起至第四天說十迴向復從座起至化樂大說十禪定復從座起至他化天說十地復至一禪

中說十金剛復至二禪中說十忍復至三禪中說十願復至四禪中摩醯首羅天王宮說我本源蓮華臺藏世界盧舍那佛所說心地法門品

方便正也。安住正法。故云方坐也。金剛千光王座。下卷名華光王座。千字即華字之誤。金剛表法身。總華表解脫光表般若。全以三德秘藏正法而爲其座也。妙光臺即普光明殿。華嚴七處九會多云不起本處。此云復從座起。機宜不同。所見各別。略如玄義中辨帝釋宮即忉利天宮。在須彌山之頂。此云三十三天。以四方各八天。并中間天主爲三十三。微天亦云夜摩天。此云時分不假日月光明。但以蓮華開合分晝夜。故第四天即兜率陀天。此云知足生。此天者於五欲皆知足。故中有內院。即一生補處所居。復至四禪乃說此心地法門者。本從四禪中放光發起。接至華藏世界。求受此法。故今仍於四禪說之。又帝釋宮等分說此心地法。四禪宮中合說此心地法。分說表於行布。合說表於圓融。又顯此心地法。雖位位差別。總趣極果也。

△二例結除佛界

其餘千百億釋迦亦復如是。無二無別。如賢劫品中

佛說梵網經菩薩心地品合註卷第二

佛說梵網經菩薩心地品合註卷第三下卷初

姚秦 三藏法師 鳩摩羅什 譯

菩薩沙彌古吳 智旭 註

明 菩薩比丘溫陵 道昉 訂

△次釋迦宣菩薩戒三初敘說戒厚緣二例重輕

戒相三勸大衆奉行 初中二初覆叙垂迹傳法

二正明樹下勸發 初中又二初長行次偈頌

初中復二初正述迹佛弘法二方明以戒攝生

今初

爾時釋迦牟尼佛從初現蓮華臺藏世界東方來入天王宮中說廣受化經已下生南閼浮提迦夷羅國母名摩耶父字白淨吾名悉達七歲出家三十成道

號喜爲釋迦牟尼佛於寂滅道場坐金剛華光王座。乃至摩醯首羅天王宮。其中次第十住處所說時。佛觀諸大梵天王。網羅極因爲說無量世界猶如網孔。一一世界各各不同。別異無量。佛教門亦復如是。吾今來此世界八千返。爲此娑婆世界坐金剛華光王座。乃至摩醯首羅天王宮。爲是一切大衆略開心地法門竟。

從初現蓮華臺藏世界者。指上卷初於四禪天中放光徹照。乃至攀接遶闍事也。東方來入天王宮者。謂既秉受心地法門入體性虛空華光三昧。卽於三昧之中。還來此土摩醯首羅天王宮中。此土在華藏之東。故云東方來入也。說魔受化經者。別爲通教利根。示現於第四禪天降魔已竟。方更下生。如玄義中所明不同三藏所見。直至樹下方降魔也。迦夷羅亦云迦維羅衛具云迦毗羅。摩都翻爲黃色所依處。上古有黃頭仙人依此修道。西域記云劫比羅伐窣堵此翻亦澤。或名婆兜釋迦。或名釋迦。此翻能仁住處。摩耶具云摩訶摩。

耶此翻大術。或翻大幻。謂以大願智幻法門爲如來母也。白淨或云淨飯。或云眞淨梵稱首圖。馱那或稱閼頭檀也。悉達具云薩婆悉達。此翻順吉。以太子生時諸吉祥瑞皆悉具。故大論翻爲成利。西域記云薩婆曷刺他悉陀。唐言一切義成。舊稱悉達訛略也。七歲出家。猶言出家七歲。謂初出家時先學不用處定。不久得證。知非究竟。次學非非想定。又不久得證。知其亦非究竟。次復遊行諸國。凡經一年。次更苦行六年。至年三十。乃成正覺。齊此以前皆是體性虛空華光三昧中事。示成佛已名爲從三昧出。卽坐金剛華光王座及妙光堂。說十世界海。次復徧歷切利夜摩兜率化樂他化初禪二禪三禪及摩醯宮。共有十個住處。說於十種法門。說法已周。更爲說喻。令知所被之機能。被之教皆如梵網。皆不出於心地法門也。寂滅道場卽菩提道場。菩提是智寂滅是理。緣坐此處以菩提智證寂滅理。故名爲菩提道場。亦名寂滅道場。來此世界八千返者。特指示成正覺之事。非謂其餘化。

身如玄義中已明略開心地法門竟者結指上文

△二方明以戒攝生

復從天王宮下至閻浮提菩提樹下爲此地上一切衆生凡夫癡暗之人說我本處舍那佛心地中初發心中常所誦一戒光明金剛寶戒是一切佛本源一切菩薩本源佛性種子一切衆生皆有佛性一切意識色心是情是心皆入佛性戒中當當常有因故當當常住法身如是十波羅提木叉出於世界是法戒是三世一切衆生頂戴奉持吾今當爲此大衆重說無盡藏戒品是一切衆生戒本源自性清淨

十會既畢隨說戒品者以此住行向地等一切微妙法門雖入人性具而沉迷日久方坐癡暗之地何緣得入然雖癡暗凡夫亦自有入門方便只恐不發心耳只如盧舍那佛本亦曾爲癡暗凡夫但初始發心便受戒品受戒之後便當誦習所以克證心地法門直至成佛皆以此一戒爲最勝因緣此戒是古先諸佛展轉相傳非是創立即是第一最上微妙之戒破諸黑暗名爲光明摧諸煩惱喻

若金剛廣具一切功德法財目之爲寶又知一切法名爲光明攝善戒也體是無漏名爲金剛律儀戒也淨物利用名之爲寶攝生戒也蓋不惟舍那緣此成佛舉凡一切諸佛無不以此戒爲本源一切菩薩亦無不以此戒爲本源以離此戒則三十心十地法門皆不成就乃至佛地一切功德亦不成就故也佛性種子者此戒本以正因佛性爲種子起信所謂以知法性無染汙故隨順修行尸波羅蜜而緣了佛性又以此戒爲種子涅槃所謂一切衆生雖有佛性要因持戒然後乃見因見佛性乃成阿耨多羅三藐三菩提也一切衆生既皆有佛性佛性偏一切法則若意若識若色若心但凡有情是心無不入於佛性戒中此戒的的有真有因此戒的的有常住法身妙果如是十波羅提木叉出於世界普被羣機故此法戒乃三世一切衆生皆應頂戴受持者也思量名意別指第七了別名識別指前六集起名心別指第八五根四大名色是情者揀非無情是心者揀非無心謂除非

木石無心不堪受戒。但有心者。皆有佛性。有佛性者。卽入佛性戒中。以此妙戒。全依佛性理體所起。還復開顯佛性莊嚴佛性。故名佛性戒也。當當猶言的的確確。既是全性所起。的是常有。因既緣此開顯莊嚴佛性的。是常住法身妙果。所謂十無盡戒。一切戒之根本。保任行人到解脫岸。故名波羅提木叉。此戒卽是無盡之藏。緣於本源自性清淨。爲所依體。麁成無作妙戒體故。出此無作戒體。復爲三意。初正出無作律儀。二兼明定道。二戒三更明三聚戒法。初正出無作律儀者。天台師云。戒體者不起而已。起卽性無作假色。譬公釋云。謂此戒體不起。則已起則全性而性修交成。必有無作假色。假色者。性必假色法。以爲表見也。無作一發任運止惡任運行善。不俟再作。故名無作。此菩薩無作律儀。應以七句勝義而詮顯之一者。本源清淨。以爲其性。二者。增上善心。以爲其因。三者。三種勝境。以爲其緣。四者。三番羯磨。以爲其體。五者。無漏妙色。以顯其相。六者。極至佛果。以爲其期。

七者。妙極法身。以爲其果。一清淨爲性者。所謂諸法眞實之相不生不滅不常不斷等。乃此戒所依之理體也。二增上因心者。所謂發菩提心。被四弘鉤上求下化。情期極果。又須知圓二教初心。乃感此戒。若藏通二教之心。不能發此無上戒也。三勝境爲緣者。瓔珞經云。諸佛菩薩現在前受名上品戒。菩薩法師前受名中品戒。千里無師。於經像前自誓而受。名下品戒。自誓受戒。復有不同。此經卽須得見好相。瓔珞地持皆惟實發菩提心。或重內因。或重外緣。各有所以。須自審量耳。四從羯磨得者。譬公云。初番羯磨時。十方世界妙善戒法。緣心業力。悉皆震動。二番羯磨時。十方世界妙善戒法。如雲如蓋。覆行人頂。三番羯磨時。十方世界妙善戒法。從行人頂門流入身心。充滿正報。盡未來際。永爲佛種。義疏云。大乘所明戒。是色聚。憑師一受。遠至菩提。隨定隨道。習修諸善。誓度含識。以情期極果。此心力大。則發戒善爲行者。所緣止息諸惡。涅槃經念戒中云。雖無形色。而可護持。雖無觸對。

善修方便可令具足。故知別有此無作。雖從漏磨得。若自誓受者。亦從三白時得。或從見好相時得也。五無漏色相者。謂初受戒竟。卽於法界有情邊得不殺色。於法界有情邊得不盜色。於法界有情邊得不淫色。於法界有情邊得不妄語色。乃至於法界有情邊得不瞋色。於法界三寶邊得不謗色。又衆輕戒中。於法界師友邊得不慢色。於法界酒得不飲色。於法界肉得不食色。乃至於法界法門得不破壞色。此不殺不盜等法。雖無形相可見。而借色表顯。所謂非眼處色。是法處色。又殺盜等是有漏法。不殺等卽無漏法。故名無漏色。法是以衆受戒時。雖殺盜等事。未必念念偏造。而十方世界。無非我殺盜淫妄之場。十方有情。無非我殺盜淫妄所行之境。甫受戒已。則十方世界。無非我慈夏清直之地。十方有情。無非我慈夏清直所被之機。故一念中成就無漏微妙善色。一一偏於法界一切諸念。亦復如是。名為無盡戒品。不亦宜乎。六佛果爲期者。瓔珞經云。從今身至佛身於其中間。

不得故殺生。乃至不得故謗三寶。藏菩薩戒攝磨文云。若諸菩薩。雖復轉身徧十方界。在在生處。不捨善薩淨戒律儀。設轉受餘生。忘失本念。值遇善友。爲欲覺悟菩薩戒念。雖數重受。而非新受。亦不新得。不同其餘戒法。惟以盡壽爲期也。七妙極法身果者。據義疏論。與廢中謂方便求受。其體則與至佛乃廢。以佛果位中。諸惡永淨。更無可止。而善圓極。更無可行。持犯兩忘。故名爲廢。然此無作戒體。既是全性起。修事不全。修在性。既全在性。那可論廢。又既是無漏色法。卽是諸佛究竟常色。又安可廢。若戒體可廢。定慧解脫解脫知見。亦應可廢。又處舍那名淨滿。惡無不淨。善無不滿。正是究竟戒體。故曰。惟佛一人持淨戒。其餘皆名破戒者。又豈有廢然此戒體。雖至佛地。乃稱究竟。而初心所受。更無異體。故曰。若人受佛戒。卽入諸佛位。以與三世諸佛同一戒體故也。如太子初生。卽入王位。位同於王。真是王子。雖治國平天下事。尚未諸錄。不得言其非是王種。菩薩受戒亦復如是。願同諸

備戒體名員。佛子。雖定慧解脫力無畏。不共法等。尚未修習。不得言其非是。佛種如太子。長成紹繼王位。止是父母所生之身。更無異身。菩薩戒。佛亦復如是。功德滿足。坐於道場。止是初發心時所得戒體。更無異體。如此妙體。那得論廢如太子生後。若壽命盡。盡若九橫因緣。其身則死。不復堪離。繼王位菩薩受戒。亦復如是。若退失大菩提心。若毀犯十重禁法。其戒則失。不復堪能成就菩提。防此二緣。善巧修習。直至菩提。究竟戒故。言妙極法。身以爲果也。二。兼明定道二戒者。大小乘中。皆有定共戒及道共戒。謂緣定力自然止息。諸惡名定共戒。緣於道力自然永離諸惡名道共戒。定道與律儀並起。故稱爲共前明律儀從師受得。今則藉定道力。自能發得。無作律儀。還以無作爲其體也。此定道二戒。若先已受律儀戒者。止因定道倍增明淨。更無異體。若先未受律儀戒者。隨定道力。即發律儀。又定共亦名禪戒。道共亦名爲無漏戒。或定共通於欲界。地定禪戒。惟指初禪已上道。

共通於方便道中。無漏惟指發見已上。若發見無漏。則永無退失。若方便道及諸禪定。容有進否也。三。更明三聚戒法者。瓔珞經云。律儀戒。謂十波羅夷。攝善。謂八萬四千法門。攝生。謂慈悲喜捨化及衆生。令得安樂。今明此三。並是菩薩戒法。亦並以無作爲體。律儀備列重輕。諸相而止。言十波羅夷者。以四十八輕皆是十重戒之等流。眷屬十重戒法。攝一切戒。離無不盡。是故名爲十無盡戒也。八萬四千法門。即無作體。所具衆善。慈悲喜捨。即無作戒。妙用功能。所以同名爲戒。又菩薩戒法。弘誓無盡。若不攝善。攝生。即是戒體有缺。故八萬四千法體。慈悲喜捨。定體。總皆攝之以爲戒體。戒爲法界一切法。離戒也。律儀戒。是法身德。攝善戒。是般若德。攝生戒。是解脫德。攝律儀戒。成法身。攝善法。能成報身。攝衆生。能成化身。又緣律儀戒。成於斷德。緣攝善戒。成於智德。緣攝生戒。成於恩德。小乘心。希自度。見苦斷集。故但有律儀。不慕佛地。轉作功德。故無攝善法戒。不思濟度一切衆生。故無

攝衆生戒菩薩初發心時便以上求下化爲懷上求攝善下化攝生三聚淨戒一時圓發更非先後也

△次偈頌三初頌舍那始授二頌釋迦轉授三勸信受奉持義疏云三序悉是此土釋迦所說難有經家之辭 初頌舍那始授

我今盧舍那 方坐蓮華臺 周匝千華上

復現千釋迦 一華百億國 一國一釋迦

各坐菩提樹 一時成佛道 如是千百億

盧舍那本身 千百億釋迦 各接微塵衆

俱來至我所 聽我誦佛戒 甘露門即開

甘露者不死之藥除持戒者能得涅槃常樂我淨永無老死也門爲能通教能通理緣教戒力通至

大涅槃城

△二頌釋迦轉授

是時千百億 還至本道場 各坐菩提樹

誦我本師戒 十重四十八 戒如明日月

亦如瓔珞珠 微塵菩薩衆 由是成正覺

是盧舍那誦 我亦如是誦 汝新學菩薩 頂戴受持戒 受持是戒已 轉授諸衆生

本師指舍那也如明日月瓔珞珠者日消罪累月照夜幽珠療貧窮律儀義也日長善法月得清涼珠富法財攝善義也日月滿天無不瞻仰瓔珞在身觀者愛敬攝持義也既勸受持即勸轉授使燈燈相續化化無盡

△三勸信受奉持

諦聽我正誦 佛法中戒藏 波羅提木叉

大衆心諦信 汝是當成佛 我是已成佛

常作如是信 戒品已具足 一切有心者

皆應攝佛戒 衆生受佛戒 卽入諸佛位

位同大覺已 眞是諸佛子 大衆皆恭敬

至心聽我誦

佛法中戒藏者一乘無上戒法不但揀異外道凡夫等戒亦復揀異聲聞緣覺戒也此戒卽是諸戒之藏以一切八戒五戒十戒二百五十戒等無不從此大戒流出又一切八戒及具戒等無不攝入

此大戒中故清淨毗尼方廣經云菩薩毗尼猶如大海所有毗尼無不納受也。大眾心誦信者佛法大海。惟信能入。若不信自身。決得成佛。則有所戒。品不能牢固。誦信自身有成。佛分誦信舍那緣戒成佛。自然念念護持。妙戒不使毀缺也。餘如前釋可知。

△二正明樹下勸發二初經家敘事二釋迦自說
初中三初佛欲結戒二放光表瑞二大眾願聞
今初

爾時釋迦牟尼佛初坐菩提樹下。成無上正覺。已初結菩薩波羅提木叉。孝順父母。世世三寶。孝順至道之法。孝名為戒。亦名制止。

上文言示成佛道十處說法。已竟復至菩提樹下。說戒。今言初坐等者。意顯成道不久。即宣此戒。非待他時。所謂先務之為急也。初結木叉。頓制五十八事。不同聲聞隨犯隨結者。理論關機。宜事論凡有三義。一者大士深信。頓聞不逆。二者大士不恆侍左右。不得隨事隨白。三者舍那為妙海王子。授

菩薩戒。即頓說此五十八條古制。應爾也。又聲聞隨事隨結。皆悉與十句義。今頓制諸戒。亦應戒戒具足。十條經雖不出理。必應然略出名。相俾知利益。一攝取於僧。謂制此重輕諸戒。攝受眾生。令歸大乘。僧寶數中。令取大乘僧寶果位。二令僧歡喜。謂緣攝取力。故能令大地菩薩歡喜。暢悅。三令僧安樂。謂緣禁戒力。故能令善薩種族利益增長。得安樂住。四未信者。令生信。謂緣禁戒力。故性遇清淨。發起一切眾生正信之心。五已信者。令增長。謂緣清淨律儀。能令久淹佛法者。益其堅固不退悔。故六難調者。令調順。謂有一類假名菩薩。及一類雖發大心。煩惱習強者。今以重輕諸戒調之。懺悔訶責。令不敢違法律。故七慚愧者。得安樂。謂緣調順諸難調者。則慚愧。無擾亂。故八斷現。在有漏。謂制止三業十支。令不漏落。業煩惱。故九斷未來。有漏。謂永斷漏種。不以染汙心受生死。故十正法。得久住。謂緣大乘僧寶。種性不斷。建立弘通正法輪。故孝順父母等者。戒相雖多。孝順攝盡。故總提

孝順二字以爲其宗。父母生我。色身依之修道。師僧生我。戒身。緣之成佛。三寶生我。慧命成就。菩提故。一一須孝順也。爾雅釋善事父母爲孝。大史叔明以順釋孝。孝卽是順。孝順父母有三差別。一者冬溫夏清。昏定晨省。奉養無方。服勞靡間。二者立身行道。不辱所生。三者善巧方便。瞻親於道。孝順師僧。亦應准此。師僧者。獨指授戒之師。其餘僧衆。自屬三寶中。攝孝順三寶。亦有二義。一者供養承事。不厭疲勞。二者如說修行。不汙法化。三者革弊防非。弘通建立。若約法門解者。方便爲父。智度爲母。不離深義。以爲和尚。自心覺悟。名佛。自心理體。名法。理智一如。名僧。如理作意。觀察名孝。如理證入。無背名順也。緣斯事理。二種孝順。決至無上太苦。提道故云。至道之法。孝卽名之。爲戒亦卽名爲。制止以孝。則自不作惡故也。

△二放光表瑞

佛卽口放無量光明

瑞者信也。欲說大事。故放勝光。廣召有緣。同來聽。

也。口放者一表此戒。金口敷揚。二表受者從佛口生。

△三大衆願聞

是時百萬億大衆諸菩薩。十八梵天。六欲天子。十六大國王。合掌至心。聽佛誦一切諸佛大乘戒。

百萬億者。總叙有緣同集衆也。諸菩薩。則指三十三地。位人十八梵天。別指色界一梵衆。二梵輔。三大梵。此三總名初禪。四少光。五無量光。六光音。此三名第二禪。七少淨。八無量淨。九徧淨。此三名第三禪。十福生。十一福愛。十二廣果。此三屬第四禪。凡夫所居十三無想。亦屬四禪外。道所居十四無煩。十五無熱。十六善見。十七善現。十八色究竟天。此五亦屬四禪。三果聖人所居。此十八天。雖凡聖不同。皆離欲穢。得清淨定。故名梵天。六欲天子。別指欲界。一四王天。二忉利天。三夜摩天。四兜率天。五化樂天。六他化自在天。此六欲天。雖尚有男女五欲。而果報自然。不假營求。故皆名天。十六大國王者。西域諸國最多。舉其甚大有十六國。一史

佛二摩竭提三迦尸四拘薩羅五跋祇六末羅七
支提八跋沙九尼羅十槃圖羅十一阿濕波十二
跋祇十三蘇羅十四乾陀羅十五劍浮沙十六阿
槃提合掌者身業肅恭至心者意業專精聽者口
業寂靜無耳諦聽也

△二釋迦自說三初舉自誦勸人二明放光因緣
三勸大眾習學 今初

佛告諸菩薩言我今半月半月自誦諸佛法戒汝等
一切心發菩薩乃至十發趣十長養十金剛十地諸

菩薩亦爾

半月半月者望日爲白月十五晦日爲黑月十五
白表智慧漸漸黑表斷德漸漸盡故於此日誦此戒
法名爲布薩正呼爲表觀陀表觀是長養義陀是
淨義言長養善法淨除不善也佛自誦何況餘
人佛既自誦益知至佛乃廢之說非盡理矣

△二明放光因緣

是故戒光從口出有緣非無因故光光非青黃赤白
黑非色非心非有非無非因果法是諸佛之本源行

菩薩道之根本是大衆諸佛子之根本

初句直說放光之緣此光即表無作戒體此無作
戒余以性德爲其本因故非無因既是全性所起
卽復全體是性是故非青非黃乃至非因果法非
青黃等色非分別識心不墮凡愚妄情妄境界也
非有非無不墮邪見斷常果也非因果法不墮權
小行修有證果也不墮此等諸果乃是法身妙果
既是法身妙果亦卽成佛正因故諸佛菩薩大衆
佛子皆以此爲本源

△三勸大眾習學

是故大眾諸佛子應受持應讀誦應善學佛子諦聽
若受佛戒者國王王子百官宰相比丘比丘尼十八
梵天六欲天子庶民黃門姪男姪女奴婢八部鬼神
金剛神畜生乃至變化人但解法師語盡受得戒皆
名第一清淨者

領納名受堅執名持口演其文爲讀誦躬行其事
爲善學黃門此云不男凡有五種謂生健變如半
八部二解或云一天二龍三夜叉四乾闥婆五阿

修羅六迦樓羅七緊那羅八摩睺羅伽或云四天
王各領二部東方持國天王領乾闥婆及毗舍闍
南方增長天王領鳩槃荼及薜荔多西方廣目天
王領羅及富樓那多北方多聞天王領夜叉及羅
刹金剛神亦名執金剛神亦名金剛力士持金剛
杵隨侍諸佛者也變化人謂天龍等變作人形解
法師語揀去不解語者不解則不能發菩提心以
爲勝因故須揀之不揀種類以其同具佛性故也
解則盡受得戒揀不解者雖受亦不得也未受戒
前容有淨穢差別不等一受此戒成最上法器
故皆名第一清淨也

△次列重輕戒法二初十重二十四十八輕 初中

三初總標二別解三總結 今初

佛告諸佛子。有十重波羅提木叉。若受菩薩戒不
誦此戒者。非菩薩。非佛種子。我亦如是。誦一切菩薩
已學一切菩薩當學一切菩薩。今學已略說菩薩波
羅提木叉相貌。應當學敬心奉持。

十重名波羅提木叉者。犯之則永棄佛海持之則

保取解脫也。既受須誦誦則知持知犯知輕知重。
知善護持不誦則日就遺忘。現在失菩薩之位。將
來失成佛之種。甚明其不可不誦也。相貌者。戒雖
無形。懸持犯而表示。廣即十重四十八輕。略說即
是孝順若不敬心奉持。便非孝順矣。

△二別解十第一殺戒至第十謗三寶戒

○第一殺戒此等皆是殺人得文
不宜誦人經文讀誦

佛言。若佛子。若自殺。教人殺。方便殺。讚歎殺。見作隨
喜。乃至呪殺。殺因殺緣。殺法殺業。乃至一切有命者。
不得故殺。是菩薩應起常住慈悲心。孝順心。方便救
護一切衆生。而反自恣心。快意殺生者。是菩薩波羅
夷罪。

釋此重輕戒法。須用十門明義。一隨文釋義。二性
遮重輕。三七衆料簡。四大小同異。五善議開遮。六
異熟果報。七觀心理。解八懺悔行法。九修證差別。
十性惡法門。諸條悉具十門。可以意得不復委陳。
惟今初戒總出其意。

初隨文釋。若佛子者。發菩提心。受菩薩戒。紹佛

家業住佛律儀不狂不亂不病壞心不隔他陰自知我已受菩薩戒也若理即佛子未承此戒無罪可結止得性罪若相似分證究竟佛子煩惱已斷永不犯戒但有消淨戒體當在今所指者即是名字觀行二種佛子耳自殺者或用內色謂手足等或用外色謂刀杖木石等或雙用內外色謂手執刀杖等令前人命斷名之爲殺教人殺者或面教或遣使或作書等方便殺者即殺前方便束縛捉繫等或指示道路令前人捕獲亦名方便讚歎殺者前人本無殺心讚譽令起殺心隨喜殺者前人先有殺心獎勵令其成就乃至呪殺者作起屍呪及伏弩火坑等種種惡事具如五戒相經廣明殺因者心欲前人命斷殺緣者方便助成其事殺法者刀劍坑窖毒藥呪術等殺業者前人命根不得相續乃至一切有命者下及微細有情如朝飛蠅動等不得故殺者揀非誤傷常住者了知心佛衆生三無差別其性常住慈悲心者同體大哀若保赤子惟思拔苦與樂孝順心者尊重佛性視同父

母不敢輕於一切方便救護者慈悲孝順之實事反者明其不應恣心者因貪起殺不知制止快意者因瞋起殺洩其怨恨是菩薩者緣本受戒故有此名波羅夷罪者此云棄罪犯此戒者永棄佛海邊外永失妙因妙果亦云墮罪犯此戒者墮落三塗亦云他勝處法受菩薩戒本欲破獲煩惱摧伏魔軍今犯此戒反被煩惱所勝又被魔軍所勝亦是極惡法亦云是斷頭法亦云如斷多羅樹心如針鼻缺如大石破二分等夫律中明一人受比丘戒地神空神展轉傳告頃刻聲徹初禪魔則震恐若一人破比丘戒護身神出大歡喜之聲亦復展轉傳告徧於初禪魔則歡喜今菩薩戒羯磨文明一人受戒則十方佛菩薩前法爾相現緣是諸佛菩薩憶念憐愍倘一人破戒事不徧令法界聖賢咨嗟悲悼耶持戒者審思之

二性過重輕此戒具二業成第一性業二過業性業者雖不受佛戒世間法爾有罪如輪王十善亦制殺生國制殺人會須償命過業者佛制之所違

止犯者得破戒罪此之殺業不受戒人但得性罪
已受戒者兼得性遮二罪也問同一殺盜姦妄等
事未受戒人止得一罪已受戒人反得二罪則受
戒乃招罪之途有損無益答受佛戒即入佛位皆
名第一清淨功德豈可思議惟其持者功德力大
所以破者罪業倍深功德力大必宜兼受罪業倍
深必宜莫犯也此戒備四緣成重一是衆生二衆
生想三有殺心四前人命斷一是衆生者略爲三
品上品謂諸佛聖人父母師僧佛不受害但令惡
心出其身血即犯逆罪害羅漢犯逆害三果以下
但犯重菩薩取發趣以上害者犯逆害外凡位未
入畢定性者但犯重殺父殺母殺和尚殺阿闍梨
同犯逆罪中品謂一切人天害皆犯重下品謂四
趣衆生修羅鬼神畜生等此有兩解一云同重大
士防殺嚴故文云一切有命者不得殺殺即其證
也二云但輕垢在重戒中兼制以非道器故文云
有命者舉輕況重耳今更推詳其致比丘戒法局
在人倫故謂餘趣非器殺天亦止結輕今菩薩戒

法全收五道則鬼神畜生咸堪戒道害心斷命那
得結輕然使故殺一蚊蚋等便成重罪便失菩薩
無上律儀則害及人天者又將以何罪判之若以
護持畜生等解謂受戒者害則犯重不解謂者
害則犯輕又菩薩重戒有二分別一失戒二不失
戒害人天等犯重失戒害蚊蚋等但犯重罪不失
戒體或數數故傷都無慚愧煩惱增上不知厭捨
亦可失戒也二衆生想者有當有疑有解共成六
句謂實是衆生實衆生想實非衆生非衆生想二
句爲當實是衆生心中疑爲是衆生耶非衆生耶
實非衆生心中疑爲是衆生耶非衆生耶二句爲
疑實是衆生心中決謂非衆生想實非衆生心中
決謂是衆生想二句爲斷若衆生衆生想衆生疑
殺者犯重若衆生非衆生想如見蛇誤以爲龍見
蟲誤以爲土羅斫之捨之本無殺心無犯戒罪若
非衆生作衆生想及疑如見繩誤以爲蛇見土誤
以爲蟲斫之捨之雖無所害具有殺心犯輕垢罪
若非衆生非衆生想此全無罪又聖人聖人想此

母父母想而僧師想人天天想等各有六句。結判通與非逆若重若輕可以例知三殺心者謂傷害前境願其命斷正是業主起此惡心或自身行殺或教他遣使等殺心後一一通心二隔心通心者如浸作坑野浸為燒所隨有死者皆悉犯罪都無死者犯方便罪亦名不遂輕垢隔心者本為此入作殺方便誤傷彼人於彼人都無殺心故不結罪仍於此人邊結方便罪四前人命斷者色心連持相續不斷名為命根今便不得相續故成殺業此有兩時一著於現生中見彼命斷二者作殺方便已先自捨命彼方命斷現生見彼命斷復有二句一者自身有戒二者自身捨戒若有戒時前人命斷結重若捨戒後前人命斷止於捨戒之前結方便罪後命斷時不復結罪但有世間性罪也。先自捨命彼方命斷復有兩種一者後生自憶宿命二者不憶若自憶宿命者彼人或任勢命斷或更加方便令斷皆結重罪若不憶宿命者彼人任勢命斷結重以菩薩死後戒體不失故或更加方

便令斷當知不因前方便死但結輕垢後加方便。緣夙業率不自憶知譬如比丘癡狂心亂及病癡心故不犯也又菩薩未登不退或深業報因緣得癡狂心亂等病當知有五因緣令狂病生一親里死盡故狂二財物失盡故狂三田業人民失盡故狂四或四大錯亂故狂五或先世業報故狂有五因緣令心散亂一為非人所打故心散亂二或非人令心散亂三或非人食心精氣故心散亂四或四大錯故心散亂五或先世業故心散亂有五因緣令心病癡或風發故病癡心或熱發故病癡心或冷發故病癡心或三俱發故病癡心或時節氣發故病癡心雖有如是狂亂等病若自覺是受菩薩戒者殺心害命仍犯重罪若見火而捉如金無畏見屎而捉如栴檀無畏如是狂亂都不自憶有菩薩戒犯戒無罪若菩薩未狂亂時作殺方便狂亂之後彼人命斷犯重若菩薩狂亂時作殺方便得本心後彼人命斷無犯若得本心後更加方便令命斷者犯重又菩薩本所受戒極至佛身捨身

他世戒體不失若憶知宿命作殺生者犯重若不憶宿命雖作殺生不名犯戒與狂亂心墮同科
三七衆料簡七衆者一比丘衆二比丘尼衆三式叉摩那衆四沙彌衆五沙彌尼衆六優婆塞七優婆夷前五是出家弟子發二是在家弟子此戒七衆同制犯者皆得重罪

四大小同異大者大乘七衆小者聲聞七衆也此戒與聲聞不全同同者同不得殺異者大士見機得殺如下所明又大士害二師成逆聲聞但結重罪大士殺天犯重聲聞非重大士殺四趣如上料簡聲聞殺鬼神與殺天同殺傍生又略輕大士捨身不失戒結罪如上說聲聞捨身戒亦隨斷不復結罪也

五菩薩開遮唐譯菩薩戒本云若諸菩薩安住菩薩淨戒律儀善權方便爲利他故於諸性罪少分現行緣是因緣於菩薩戒無所違犯生多功德謂如是菩薩見劫盜賊爲貪財故欲殺多生或復欲害大德聲聞獨覺菩薩或復欲造多無間業見是

事已發心思惟我若斷彼惡衆生命墮那落迦如其不斷無間業成當受大苦我寧殺彼墮那落迦終不令其受無間苦如是菩薩意樂思惟於彼衆生爲當來故深生憐愧以憐愍心而斷彼命緣是因緣於菩薩戒無所違犯生多功德總解曰此則大聖增上純以代苦之心而行殺業也殊生慚愧明其不自以爲功能以憐愍心明其實無一念瞋忿故雖甘受犯戒之罪而究竟無違犯耳倘私忿未忘或貪圖功德駕言於大士弘規豈能免性違二衆哉

六異熟果報異熟者異時而熟異性而熟異處而熟異時者今生造業或現生受報或來生受報或無量生後受報異性者造業通於三性謂善不善無記受報惟屬無記之性異處者人中造業六道酬償也此殺生罪果報如何華嚴二地品云殺生之罪能令衆生墮於地獄畜生餓鬼若生人中得二種果報一者短命二者多病解曰三塗是正報人中是餘報也上殺墮地獄中殺墮畜生下殺墮

餓鬼成約前文三品衆生分上中下或約殺心猛弱分上中下或雖造上罪殷勤悔過轉成中下雖造下罪謾過備非不知慚愧轉成中上三業五成事非一致故業性差別惟情窮盡耳持不殺戒復得何報十善業道經云若離殺生即得成就十離惱法一於諸衆生普施無畏二常於衆生起大慈心三永斷一切瞋恚習氣四身常無病五壽命長遠六恒爲非人之所守護七常無惡夢寢覺快樂八滅除怨結衆怨自解九無惡道怖十命終生天若能迴向阿耨多羅三藐三菩提者後成佛時得佛隨心自在壽命解曰十離惱法是花報自在壽命是果報也又大乘理趣六波羅蜜經淨戒品云此十善業一一皆感四種果報一現在安樂二煩惱怨賊勢力羸弱三於當來世常得尊貴無所乏少四精勤修習當得無上正等菩提離殺四者一善薩於諸衆生不起害心能施無畏亦不恐怖以無怖故一切衆生親近供養尊重讚歎善薩於彼生憐愍心憐愍心故過去所有一切怨恨自然心

息二瞋恚害心悉皆羸劣以慈甘露用塗其心而能銷除瞋等熱惱睡眠安隱恒無惡夢以慈心故藥又諸鬼食血肉者捨離害心及諸惡獸常相守護三者於未來世獲三果報一壽命長遠常無中夭二所生之處常無困苦三大富饒財恒得自在四者以不殺故得佛法分於五趣中所生之處於世自在隨意能住乃至坐於菩提樹下諸魔鬼神不能爲障成等正覺無量聖衆之所圍遶解曰此四果報二屬現在二屬當來約之即是轉三障義除惡生善即是先轉業障因業障轉能令報障亦轉衆能進轉煩惱蓋業報或造報經業感不了業因復從報法起惡惡業現行亦熏煩惱種子故三法展轉不離如惡又衆今先斷其業不復熏於惡種又既今後報不起亦令先報漸薄此中初種即轉現報第二是轉煩惱第三是轉生報第四是轉後報也夫以殺業苦報其劇如彼不殺善報其大如此金口誠言纖毫無謬奈之何不信受奉行哉七觀心理解有事殺有理殺事殺如上所明理殺

者凡夫外道執常執斷被害真諦藏教析色觀空
被害俗諦通教雖達無生終歸灰斷不知常住真
心是殺中諦別教仰信中道謂是過出二邊修中
觀時復叙二諦惟闡人了達一心三觀全體法界
不動法界始從名字終於究竟皆不犯理殺也
八橫悔行法犯此理事二殺既各有輕重則欲令
罪滅須知三種懺法不同先明事理二殺輕重差
別事殺有三差別一逆二重三輕重復分二一失
戒二不失戒一失戒者又分爲二一須見好相如
此經云若有犯十戒者應教懺悔要見好相便得
滅罪若無好相雖懺無益也二堪任更受如羯磨
文云若諸菩薩毀棄淨戒於現法中堪任更受又
云若上品緣違犯他勝處法失律儀戒應當更受
不云須見好相也今會通其意此經雖一往偏指
十重而還須闡歸前四以善生經中無後四戒地
持經中無第五第六戒故羯磨文雖似獨指後四
兩前六等流亦可例通以殺盜等必有上中下別
非可一槩論故失戒重罪須通途作此二類也

一不失戒者如羯磨文云非諸菩薩暫一現行他
勝處法便捨菩薩淨戒律儀也輕戒復二一染汗
起或稱重垢二非染汗起或稱輕垢今經總名輕
垢直對十重言之實則輕戒之中復有重輕差別
兼有方便等流之不同故今合而明之共有六案
一逆二失戒重不任更受欲受須見好相三失戒
重堪任更受四不失戒重五染汗犯及方便重垢
六非染汗犯及方便輕垢也此戒於六案中殺上
品是逆殺中品是失戒重須見好相殺下品是失
戒重堪任更受或是不失戒重又方便罪者三品
殺因殺緣皆輕垢或上品緣即屬重垢三品殺法
皆重垢或上品殺法應問不失戒重也理殺有四
差別一殺真諦二殺俗諦三殺中諦四雙殺二諦
也次明三種懺法一作法懺二取相懺三無生懺
此三種懺前不兼後後必具前作法懺又有三種
一向一人悔過二向三人悔過三向衆僧悔過非
染汗犯及方便輕垢但向一人悔過罪便得滅染
汗犯及方便重垢須向三人悔過或無三人止向

二人一人亦可得滅不失戒重須向衆僧悔過或無衆僧向三二人亦得設總無清淨大小乘衆堪向悔過但殷重自誓終不復犯罪亦得滅若有人可向悔過不得自誓滅也失戒重罪堪任更受者須向衆僧悔過重受失戒重罪不堪更受者即須用取相懺法取相懺者所謂日夜六時誦重輕戒苦到禮三世千佛二七三七乃至一年以見好相爲期此須十科行道備極精誠仍復內責理觀外假壞儀凡法華方等大悲占察等一切行法皆屬取相懺懺能滅根本重罪令淨戒復生亦能滅七逆罪使重報輕受但不云便得戒耳無生懺者正滅理殺之罪亦除七逆重愆此復四種一析觀無生謂觀此身六分所成所謂地水火風空識微細推求實無有我及以我所二體觀無生謂觀此身如幻如化如鏡中像夢中物等當體不實彼六分法尚自不有云何復有我及我所三次第無生謂雖知中道佛性含靈本具緣迷強故不能頓觀先觀一切假名諸法從因緣生無有實性從假入空

得見眞諦既見眞空不住於空從空出假徧觀俗諦二諦既明遮焰和融方歸中道四一心無生謂了知中道佛性徧一切法如心佛亦爾如佛衆生然心佛及衆生是三無差別此心即空假中三諦既是天然性德三觀亦非造作修爲一心之中法爾具足如此觀智全即諦理深達罪福徧徧於十方是名實相懺悔以迷則全實相徧徧爲罪相悟則全罪相而即實相故是中析觀無生能除凡外殺眞諦罪亦除七逆令得無根信墮獄即出不復受一劫苦如阿含經中阿闍世王是也但不能令現身證初果耳體觀無生能除藏教殺俗諦罪亦除七逆例同阿含次第無生能除通教殺中諦罪亦除七逆如阿闍世王轉重受輕身生惡瘡焰以月愛三昧光明令免痛苦得無根信但不云得菩薩戒耳一心無生能除別教雙殺二諦之罪亦除七逆如阿闍世王悟無生忍發逆願本卽是不可思議大菩薩也

九修證差別則圓觀行位人善伏煩惱能防放殺

相似初心。先斷見惑。與藏通初果。齊得道共力。能斷故。誤二殺。如釋種寧死不戰。是斷殺初果。耕。地。蟲。雖四寸。是斷誤殺也。華嚴二地云。性不殺生者。此約教道。二地戒波羅蜜增上。或約理殺。二地。即是界外。須陀洹果故也。藏教外。內二凡。能防殺。眞諦罪初果以上。永斷殺眞之罪。通教乾慧性地。能防殺俗諦罪。八人以去。亦復永斷別教初心。仰信中道。能防殺中諦罪。十住十行。猶未永伏十向。永伏初地。永斷兼斷雙殺二諦之罪。以證道同圓。故圓教初心。了知法界不壞一法。能防雙殺二諦之罪。故名第一清淨。亦復論於名字清淨。觀行清淨。乃至究竟清淨。

十性惡法門。善惡之法。皆是性具。違其性。則能用善。用惡。而不被善惡所用。不違其性。則被善惡所用。不知稱性功能。以被善惡所用。故全性德而成逆順。二修。感於苦樂。二報。以能巧用善惡。故卽二修感合平等一性。成於折攝二門。今明性惡復約二義。一用事殺。如古昔聖王殺仙。像婆羅門等五。

百人。乃是與其無量壽命。此亦可稱爲普濟開導。又如無厭足王。幻作惡人。而行治罰。沙彌吞食外道度。令出家證果等。皆巧用事殺也。二用理殺。所謂默無明。受害愛母。護生。須是殺殺盡始安居也。前明不殺。必至佛果。方得究竟清淨。此文明殺。亦至佛果。方得究竟盡耳。

○第二盜戒

若佛子。自盜教人。盜方便。盜呪盜盜。因盜緣盜。盜盜業。乃至鬼神有主劫賊物。一切財物。一針一草。不得故盜。而菩薩應生佛性。孝順心。慈悲心。常助一切人。生福生樂。而反更盜人財物者。是菩薩波羅夷罪。不與而取他物。名之爲盜。自盜有八種。或灼然劫取。或潛行竊取。或詐術騙取。或勢力強取。或詞訟取。或抵毀取。或受寄託而不還。或應輸稅而不納。是名八種教人盜。教人爲我劫取。乃至爲我偷稅也。若但教人作八種盜。和入己。不結重罪。是此戒兼制耳。方便盜者。彼物自來。方便藏舉。如攘羊之類。呪盜者。以種種呪術。取他物。或遣役鬼神。

等盜因者與心故取他物或以口心或以曲心或瞋恚心或恐怖心是名盜。因盜緣者穿窬窺闕等緣盜法者發鑰揀取等事盜案者舉他物離本處乃至等者舉輕沉重佛性者一切眾生皆有當果之性性是不改爲義。即前戒中常住之意盜人財物者意顯從人邊結重也。

此戒亦具性遮二業以侵他依報奪他外命令他憂苦王法亦治罪故五緣成重一是有主物二有主想三盜心取四直五錢五舉離本處主有三品若佛物主物現前僧物四方僧物父母師長物名上品若人天物名中品若鬼神畜生物名下品盜上品及中品中人物則重盜中品中人物及下品物結輕或雖重不失戒二有主想亦具當疑僻六句有主有主想二句結重無主有主想有主疑二句結輕有主無主想無主無主想二句無犯又人物人物想人物疑二句重人物非人物想及非人物非人物想非人物人物想四句輕三盜心者非與想非已物想非棄捨想非暫用想

非親厚想正是業主四直五錢者西國一大錢直十六小銅錢若取五錢若取直五錢物結重四錢以下結輕或雖重不失戒若二番三番共取五錢物有意相續者數滿結重無相續意者逐次結輕若所取物此處不直五錢取處直五錢者結重若此處直過五錢取處不直五錢結輕五舉離本處者他物置在此處移動令出本界或自移或教他移或方便移或呪移從此時結成盜罪詳如五戒相經中說若抵償不還前人決作失想時結罪若受寄不還亦於前人決作失想時結罪若偷稅已過關津不復受詰時結罪若教人盜前人受教取離本處時結罪若教人取某處某物彼人於異處取或取異物彼人結重教者結方便罪若教者是盜心受教者無盜心謂是取彼所應取物取離處時教者犯重受教者無犯若教者非盜心受教者謂是盜心取離處時受教者犯重教者無犯若教令盜五錢物受教者取得四錢以下二俱結輕若教盜四錢以下受教者取得五錢以上受教者結

重數者結經若本意不論多少隨取離處時二人同其輕重若二人共盜取物離本處直五錢雖分時各得減五錢然各犯重者但教人盜本無心欲取其分離處時不結重後受其分知是所盜物者結罪不知者無罪此生有戒無戒後生憶不憶等具如殺戒中辨不犯者與想已物想糞掃想暫用想親厚想若癡狂若心亂若病壞心若醉生不自憶知

七衆同犯

大小乘不全共同者同不得盜異者大士見獲得盜如下所明舊云堅聞於佛滅後盜佛物輕菩薩恒重今據僧祇律中寺主用塔物供僧直五錢即結重況自用耶又畢陵伽婆蹉於賊舟上取檀越二子還其父母以無盜心不名犯戒亦是見機得作之意未必一向與大乘異也

開遮者菩薩戒本云又如菩薩見有增上增上學官上品暴惡於諸有情無有慈悲專行逼惱菩薩見已起憐愍心發生利益安樂意樂隨力所能若

廢若黜增上等位由是因緣於菩薩戒無所違犯生多功德又如菩薩見劫盜賊奪他財物若僧伽物穿堵波物取多物已執爲已有縱情受用菩薩見已起憐愍心發生利益安樂意樂隨力所能遍而奪取勿令受用如是財物當受長夜無義無利由此因緣所奪財寶若僧伽物還復僧伽穿堵波物還穿堵波若有情物還復有情又見衆生或園林主取僧伽物穿堵波物言自己有意情受用菩薩見已思擇彼惡起憐愍心勿令因此邪受用業當受長夜無義無利隨力所能廢其所主菩薩如是雖不與取而無違犯生多功德解曰前條是奪他名位後條是奪他財寶以憐愍心能生功德然僧伽物還復僧伽乃至有情之物還諸有情故無犯也倘分毫沾染是名賊復劫賊矣

果報者華嚴二地品云偷盜之罪亦令衆生墮三惡道若生人中得二種果報一者貧窮二者共財不得自在解曰盜亦三種三品華嚴三塗例如殺戒所明共財者世間財物五家所共謂王賊水火



不肖子孫。惟功德法財。乃不共他有也。十善業道經云。若離偷盜。即得十種可保信法。一資財盈積。王賊水火。及非愛子。不能散滅。二多人愛念。三人不欺負。四十方讚歎。五不憂損害。六善名流布。七處衆無畏。八財命色力安樂。辯才具足。無缺九常懷施意。十命終生天。若能迴向菩提。後成佛時。得證清淨大菩提智淨戒品云。離不與取。亦四果報。一者於現生中。得離貪嫉。身心安樂。二者以離貪嫉。一切衆生之所信向。委任用無復疑惑。與諸有情而作伏藏。三者於未來世。得大富饒。豪貴自在。所有珍財。王賊水火。無能侵奪。四者能與梵伽沙等一切諸佛。主功德藏。所謂十八不共法等。清淨法財。二乘之人。耳尚不聞。何況得見。

觀解者。有事盜有理盜。理盜者。未達性具法門。心外取法。取非其有。故名爲盜。凡夫盜有外道盜。空二乘盜。眞菩薩盜。俗別教盜。取中道惟圓人了達性徧性具。不於心外別取。一法不犯理盜。懺悔者。若盜三寶父母師長物。失戒先須償還。方

行取相懺。法盜人遺物。失戒償與不償。隨時斟酌。懺須取相。盜天及鬼神畜生物。須向衆僧悔過。或向三人悔過。又三品盜。因盜緣向一人悔上中二品盜法。向三人悔。或向衆僧下品盜法。向一人悔。或向三人盜有盜空。懺以析觀無生盜。眞盜俗盜。中皆悉懺。以一心無生。又一心三觀妙無生懺。通滅一切事盜理盜也。

修證者。則圓觀行位。人能防放盜。相似初心位。齊初果。永斷放盜。華嚴二地中。義如殺戒。辨藏教內。凡外。凡伏於空。有二盜。初果永斷盜。空四果永斷盜。有圓教觀行。圓伏盜。眞盜俗盜中之罪。初住分斷。妙覺究竟斷。盡別教登地證道同圓。亦能分斷。

三

性惡者。事盜如開遮所明。理盜則菩提無與者。然我取菩提三世諸佛。乃稱究竟大盜耳。

佛說梵網經菩薩心地品合註卷第三

佛說梵網經菩薩心地品合註卷第四

姚秦 三藏法師 鳩摩羅什 譯

菩薩沙彌古吳 智旭 註

明

菩薩比丘溫陵 道昉 訂

○第三淫戒

若佛子。自淫教人淫。乃至一切女人。不得故淫。淫因淫緣。淫法。淫業。乃至畜生。女。諸天。鬼神。女。及非道行淫。而菩薩應生。孝順心。救度一切衆生。淨法與人。而反更起一切人淫。不擇畜生。乃至母女姊妹六親行淫。無慈悲心者。是菩薩波羅夷罪。

淫者。汙穢交。遺鄙陋。堪耻名。非梵行。亦名爲不淨行。正是生死根本。自淫者。自作汙行。教人者。勸他作汙染行。如媒嫁等事。自無迷染。但結輕垢。是此戒兼制。不同殺盜。一概結重。或有一種別異。煩惱教人於自身行淫。此則結重。淫因者。染汙之心。淫緣者。瞻視隨逐等事。淫法者。摩觸稱歎等事。淫業者。二根交接。入如胡麻。許出成好罪。不論精之出與未出。乃至畜生女等。舉劣結過。非道者。如善生

經云。若於非時。非處。非女。處女。他婦。若屬自身。是名邪淫。釋曰。此六皆不順世間道理。故名非道也。非時者。或在日中。或月六齋日。年三。齋月。或八王日。或自妻。娘。姪。產後等。非處者。除小便道。或於大便道。及口中。非女者。或是男子。或黃門。二根處。女者。未嘗嫁人。又非已所攝受。他婦者。屬他所攝自身者。令他人於自身。或大便道。或口中。作不淨行。淨法與人者。應教人。精持梵行。永離生死苦本也。此戒舊云。非性。惟遮以男女。居室。世法所不禁。故今言正淫。可爾。若邪淫事。國制。強奸者。斬。和奸者。苦淫男者。杖。安得無罪。又前朝古制。和奸者。男女皆坐官刑罪。亦不輕況出家人。既不娶。婦。觸境皆邪。故知亦具性遮。二業若在家。菩薩受八關齋。一日一夜。斷於正淫。可云。惟遮業耳。三緣或重。一是道。二淫心。三事遂。一是道者。小便道。大便道。口道。若於人女。天女。修羅女。鬼神女。畜生女。三道中行淫。欲皆波羅夷。若於人男。天男。修羅男。鬼神男。畜生男。大便道。及口中。二道行淫。皆波羅夷。若於人

● 戒律部

黃門乃至畜生黃門二道中姪皆波羅夷若於人二根乃至畜生二根二道中姪皆波羅夷乃主一切已死者但令三道未壞於中行姪皆波羅夷若令一切男子於自身二道行姪皆波羅夷二姪心者心生喜樂如饑得食如渴得飲非如熱鐵刺身三事遂者於三道中男根得人如胡麻許據此時結重罪失戒體未入而中止結方便罪不犯者爲怨家所執如熱鐵刺身惟苦無樂或熟睡不知或狂亂壞心或轉生不自憶

七衆者出家五衆全斷淫欲在家二衆惟制邪姪就已妻妾復制非時非處又月六齋日年三齋月等若受八關戒時無復邪正一切俱制犯者皆結重罪

大小乘略不同小乘夢中失精不犯或云但自實心大乘若夢行姪應生悔訶責煩懣倍於聲聞也

開遮者菩薩戒本云又如菩薩處在居家見有女色現無係屬習姪欲法纖心苦斷求非梵行菩薩

見已作意思惟勿令心悲多生非福若隨其欲便得自在方便安處今種善根亦當令其捨不善業住慈惠心行非梵行雖習如是穢染之法而無所犯生多功德出家菩薩爲彰聲聞聖所教誡令不壞滅一切不應行非梵行解曰處在居家則斷非出家人事現無係屬則斷非他所守護纖心來求則斷非自起染心方便安處則斷是以禮攝受故無犯而有功也出家菩薩護聖教誡豈容稍藉口哉

果報者華嚴二地品云邪姪之罪亦令衆生墮三惡道若生人中得二種果報一者妻不貞良二者得不隨意得屬解曰邪姪亦三品分別母女姊妹六親行姪名上品餘一切邪姪名中品已妻非時非處等爲下品又約心猛弱論三品又約悔不悔論三品致感三塗也十善業道經云若離邪行即得四種智所謂法一諸根調順二永離喧掉三世所稱歡四妻莫能侵若能迴向菩提後成佛時得佛丈夫四寶藏相淨戒品云離欲邪行亦四種報

一者於現生中一切人天之所稱讚亦無疑阻人所敬重遠離惡名二者六根調順令染欲火勢力微劣三者未來生處父母宗親妻子眷屬孝友貞順純一無雜離於女人所有過失令諸衆生無復染愛四者爲離邪淫而得屬王陰藏之相乃至成就無上菩提

觀解者淫名耽染有事淫有理淫色界凡外耽著味禪無色凡外耽著空定二乘耽著涅槃寂滅菩薩耽著遊戲神通別教棄於二邊耽著中道惟圖人了達一心三觀性修不二理智一如亡能所絕對待不犯理淫

懺悔者淫因向一人悔或自責心淫緣向三人悔或向一人淫法向衆僧懺悔或向三人淫業失戒須取相懺又弄陰失精觸女身向女人作惡惡語或讚身案供或爲媒嫁事比丘自依僧法出罪除衆向衆僧悔過若弄未出精而中止若觸黃門二根男子身若向黃門二根男子作惡惡語讚身案供若媒嫁事未成等向三人悔或向一人若耽著色

無色定用析觀無生微治之亦可用後三無生微若耽著涅槃用體觀無生治之亦可用後二無生微若耽著遊戲神通用次第無生微之中觀治之亦可用一心無生妙微若耽著中諦惟用一心無生妙微治之

修證者初果永斷邪淫三果永斷正淫乃至夢中不復失精別教初住同初果五住同三果國教初信同初果五信同三果理淫者藏四果通已辨別七住國七信永斷色無色愛通教菩薩分三根上根三地四地出假中根五地六地出假下根七地八地出假永斷涅槃法愛別教十向習中觀永斷神通法愛國教五品善知法界伏中道愛初住分斷妙覺究竟斷盡

性惡者用事淫如釋迦以化人度淫女菩薩以分身應魔女令發菩提心要須密多以淫女身令人證解脫門等用理淫則法喜爲妻佛得第一無上法喜之樂名爲究竟受五欲人

○第四妄語戒

若佛子。自妄語教人妄語。方便妄語。妄語因妄語緣。妄語法。妄語業。乃至不見言見見言不見身心妄語。而菩薩常生正語。正見亦生一切衆生正語。正見而反更起一切衆生邪語。邪見邪業者。是菩薩波羅夷罪。

虛而不實。欺凡罔聖。迴惑人心。名為妄語。此有四別。一妄言。謂見言不見。見言見。聞覺知等。亦爾。共稱八種。妄語。眼根名見耳根名聞鼻舌身三。名覺亦名為觸。鼻亦可名為聞。意根名知。又實有言無實無言。有乃至法說非法。非法說法等。但令違心而語。皆名妄言。二綺語。謂一切華靡浮辭。無義無利。及一切世間王論。賊論。飲食論等。三兩舌。謂向此說彼。向彼說此。互相離間。令成乖諍。四惡口。謂嚴重罵詈。忿怒呪咀。令他不堪。此戒正制大妄語。其餘一切妄言綺語。是此戒兼制。若兩舌惡口。重者自罵說過毀他。二戒輕者自屬。三十九戒制也。大妄語者。自言我得十地。辟支。四果。四向。四禪。四空。成不淨觀。成安般念。六通。八解。天來龍來。

修護鬼神。悉來問答。或言已斷。結使。或言永離。三途如是等。虛而不實。圖致名利。名大妄語。教人妄語者。教人爲我。傳揚美德。以致名利。同重。若教人自言是聖。名利自屬彼人。但結輕垢。此戒兼制。方便妄語者。作種種顯異。方便。或借鬼神。仙。凡。咒。術。令人得夢境等。妄語因者。起心欲誑他人。以取名利。妄語緣者。行來勸止。語默威儀。種種方便。以顯聖德。妄語法者。卽十地。四果等法。妄語業者。了了出口。前人領解。乃至等者。舉輕況重。兼制小妄言也。身心妄語者。身業表相。亦名妄語。如面其得果點。首示相問。清淨不默然。不答等。緣欺誑心。表示身相。令人領解。口雖不言。亦名妄語也。正語者。如實而語。正見者。爲生死爲菩提。爲衆生。不爲名利。邪語邪見。反此可知。邪業者。依於邪語。邪見。必成邪命惡業也。

此亦性遮二業。五緣成重。一是衆生。二衆生想。三欺誑心。四說重具。五前人領解。一衆生者。上中下三品。如前說。上品境中。向父母師僧。妄語犯重向。

諸聖人妄語。此人不惑。又能以神力遮餘人。令不聞。但結方便罪。若聖人中。未證他心智者。尚說仍重。向中品境。天人等同。重正是迴惑之境。或諸天有他心通。不受其惑。亦止結方便罪。向下品境。或云同重。義疏結經。今言下境。既有解語受戒之機。尚說亦應犯重。以鼓惑鬼畜。尤堪作名利媒。故或可失戒。猶許重受。或可結不失戒重耳。二衆生想。亦當疑辭六句。二重二輕。二無犯如前可例。又聖人聖人想。聖人疑爲說妄語。結輕罪。人非聖人想。爲說妄語。稍重。非聖人非聖人想。非聖人疑爲說妄語。結重。非聖人聖人想。爲說妄語。稍輕。又人人想。人疑爲說妄語。結重。人非人想。稍輕。非人人想。人疑爲說妄語。結重。非人非人想。輕。上文衆生想。六句約無情。爲非衆生。與有情相對。故有二句無犯。此指鬼畜爲非人相對。故但論重。輕無不犯者。三欺誑心。謂希圖名利。非增上慢。亦非戲笑。假說正是業主。此仍分通心隔。心若通欲。一切人間。隨有聞者。結重。若本惟欲此人聞。此人不聞。而彼人聞。於彼無欺。

欺心。總不結罪。還於此人。結方便罪。若增上慢。亦犯輕垢。戒本經云。菩薩見味禪。以爲功德。是染汙犯也。四說重。具謂十地。辟支等。雖四禪四空。凡外亦能修證。而是世間勝法。故亦同重。不淨安般二觀。乃佛法。二甘露門。今言成就。即是有證。有得天龍等來。正是彰其聖德。斷結使離。三塗皆屬果證中事故。皆犯重。若欲說初果。誤說二果。欲說二果。誤說初果等。既不遂妄語本懷。止結方便罪。若言成就。總別相念。煖頂等法。乾慧性地。則十信。圓五品。既是凡夫法。似不結重。或雖重。亦不失戒。若言旋風土鬼來至。我所若言。持戒清淨。善通三藏。能醫諸鬼等。虛而不實。皆犯輕垢。五前人領解。或自說。或教人說。或作書說。但令彼人領知信解。據此時。結重。若對面不解。且結方便。後追思前言。忽解時。結重。若人間汝得果。得道否。若點首自肯者。結重。默然不言。非若結輕。其餘小妄言等。隨一一語。結一一輕垢。隨多人領解。結多多輕垢。若增上煩惱。數數違犯。無慚愧心。失菩薩戒。失戒後更說止。

得性罪若深生慚愧永斷相續亦許更受未必須見相也不犯者狂亂病壞心後生不自憶及戲笑說謔說獨說或向人說十地四果等法不言自證又綺語亦此戒兼制戒本經中別有綺語戒云若菩薩掉動心不樂靜高聲嬉戲令他喜樂是犯染汙起若忘誤犯非染汙起不犯者爲斷彼故起欲方便攝受對治性利煩惱更數數起又不犯者他起嫌恨欲令止故若他熱憂欲令息故若他性好戲爲攝彼故欲斷彼故爲將設故若他疑菩薩嫌恨違背和顏戲笑現心淨故又有世論戒云若菩薩以染汙心論說世事經時者是犯染汙起若忘誤經時犯非染汙起不犯者見他聚語談彼意故須臾暫聽若暫答他問未曾聞事

七衆同犯 大小乘俱制

開遮者戒本云又如菩薩爲多有情解脫命難罔開縛難則手足難制鼻刺耳刺眼等難雖諸菩薩爲自命難亦不妄語然爲救脫彼有情故知而思擇故作妄語自無染心唯爲饒益諸有情故於菩

薩戒無所違犯生多功德又如菩薩見諸有情信樂倡妓吟咏歌謠或有信樂王賊飲食淫蕩街衢無義之論菩薩於中皆悉善巧於彼有情起憐愍心發生利益安樂惡樂現前爲作倡妓吟咏歌謠王賊飲食淫蕩等論令彼有情觀喜引攝自在隨順方便攝導出不善處安立善處菩薩如是現行綺語無所違犯生多功德又大般涅槃經云一切衆生雖有佛性要因持戒然後乃見因見佛性得成阿耨多羅三藐三菩提若有說言佛說一切衆生悉有佛性煩惱覆故不知不見是故應當勤修方便斷壞煩惱作是說者當知不犯四重若有說言我已成就阿耨多羅三藐三菩提何以故以有佛性故有佛性者必定當成阿耨多羅三藐三菩提以是因緣我今已得成就菩提當知是人犯波羅夷何以故雖有佛性以未修習諸善方便是故未見以未見故不能得脫阿耨多羅三藐三菩提果報者二地品云妄語之罪亦令衆生墮三惡道若生人中得二種果報一者多被誹謗二者爲他

所誑綺語之罪亦令衆生墮三惡道若生人中得二種果報一者言無人受二者語不明了解曰大妄語亦分三品對父母師僧人天爲上品對鬼畜等爲中品對佛菩薩聖人爲下品以不受惡故也又欺誑心強弱分三品又悔不悔分三品以此牽墮三途小妄語及綺語則對上境爲上品罪在欺侮故對中境爲中品對下境爲下品又亦約心約悔論三品牽三途也十善業道經云若離妄語即得八種天所讚法一口常清淨優鉢羅香二爲諸世間之所信伏三發言誠證人天敬重四常以愛語安慰衆生五得勝意樂三業清淨六言無誤失心常歡喜七發言尊重人天奉行八智慧殊勝無能制伏若能迴向菩提後成佛時即得如來真實語若離綺語即得成就三種決定一定爲智人所愛二定能以智如實答問三定於人天威德最勝無有虛妄若能迴向菩提後成佛時得如來諸所授記皆不唐捐淨戒品云離虛誑語亦四種報一者現行實語諸天憐念常共守護二者既無虛誑

衆生信受若說法時人皆信信無勞功力乃至斷妄語者不復造作惡業何以故以他問時如實答故若在閑靜不起妄念何以故若人問我汝開居時生妄念否若言無者是虛誑語若言有者羞愧他人以是因緣能令妄心漸漸微薄三者所生之處口中常出青蓮華香蘇曼那香一切有情之所愛敬不疑他人有虛誑語亦令他人信已實語能令衆生永斷疑網四者所有言辭人皆信受能令衆生聞法歡喜乃至當得無上菩提離無義語亦四種報一者現在世中智人讚歎心無不喜而得安樂二者所出言教人皆信受惡惡微薄三者未來生處恒聞種種如意音聲四者漸次能得無上菩提獲無礙辯設彼大千世界一切天龍人非人等來詣佛所同於一時各各別問自所疑事時佛於一刹那以一言音悉能酬對皆契本心斷除疑網

理解者遠如實理有所言說皆名妄語凡夫說有違於本空外道說無違於緣起二乘說真違俗善

薩說俗達中別教說中雙達二諦惟圓人了達法界如理而說名不妄語亦名非無義語

懺悔者大妄語成失戒須取相懺小妄語綺語等增上類犯失戒應須更受餘一切等流及方便罪隨其輕重用三種作法除之復有法說非法等一切妄語或破法輪僧或破羯磨僧若破法輪事成犯逆罪不可悔懺得用無生懺轉重令輕耳不成犯方便重垢須向一切僧悔過若破羯磨事成據聲聞律乃犯逆罪今觀此經云破羯磨轉法輪僧均名七逆似非專指破法輪僧以大士紹隆義勝故破羯磨亦成逆也不成亦方便重垢向一切僧悔過若違理妄語凡外用真諦無生懺二乘用從空出假懺菩薩用中道無生懺別教用一心無生懺又一心無生懺除一切事理妄語罪無有不盡修證者藏通初果別住圓信永斷事妄藏通初果斷達空達緣起妄出假菩薩斷達俗妄則十迴向伏達中妄登地永斷迴五品位伏達二諦之妄初住永斷

性惡者用事妄如開遮所明用理妄則生生不可說作生生說生不生不可說作生不生說不生生不可說作不生生說不生不生不可說作不生不生說法非言說言說皆妄法非默然默然亦妄以四悉檀因緣用妄言說及妄默然巧誘衆生出魔入佛名大妄語亦最綺語

○第五酤酒戒

若佛子自酤酒教人酤酒酤酒因酤酒緣酤酒法酤酒衆一切酒不得酤是酒起罪因緣而菩薩應生一切衆生明達之慧而反更生一切衆生顛倒之心者是菩薩波羅夷罪

酤者貨賣求利酒者飲之醉人是無明藥自酤者身行貨賣教人者令他爲我賣酒同重若教他自酤利不入已結經乃此戒兼制因者求利之心緣者種種器具法者斤兩價直出納取與等事業者運手賣酒授與前人一切酒者西域酒有多種或華或果皆可造酒但令飲之醉人皆不得酤起罪因緣者四分律明飲酒十失一顯色惡二少力三

眼視不明四現瞋恚相五壞田業賣生法六增致疾病七益鬪訟八無名稱惡名流布九智慧減少十身壞命終墮三惡道大論復明三十五失等此惟遮業以王法所不殺故然是惡律儀所攝雖不受戒人作此業者亦招苦報故特爲大士設此厲禁倘總無罪報又何須結戒令大士掣肘哉五緣成重一是衆生二衆生想三希利貨賣四是眞酒五授與前人衆生三品如上說上品者賣與無醉亂人則輕賣與有醉亂人則重中品人天正是所制犯重下品舊云結輕以亂道義弱故今云酤與受戒鬼畜等亦重衆生想者有醉亂醉亂想疑犯重餘四句輕又中品中品想疑二句則重中品下品想及下品三句皆輕又下品有戒有戒想疑二句則重餘四句輕希利貨賣者正是業主出家菩薩一切販賣求利都制在家菩薩止許如法求財不許作此惡律儀也是眞酒者酒色酒香酒味飲之醉人犯重雖無酒色酒香而有酒味醉人亦重雖似酒色酒香而無酒味飲不醉人無罪藥酒

雖亦希利不能亂人在家菩薩酤者無罪又在家菩薩或在姪舍或賣淨肉皆犯輕垢以招呼引召不能如酒故也授與前人者從授受時結實七衆同犯

大乘小不全同小乘作酒止結不應酤者同於販賣大乘作時結方便罪酤犯重也

偏觀律論惟遮不開

果報者過酒器與人飲酒尙云五百世無手況復酤酒

理解者有三毒酒散亂酒釀定酒如知酒無明酒三毒散亂迷醉欲界中人禪定迷醉色無色界中人無知迷醉二乘無明迷醉菩薩自醉結輕招呼同伴結重也

懺悔者酤酒業成失戒據此經中例須取相若約地持爲例或向衆僧殷重悔過堪任更受以是遮業故也若未成酤業及賣淨肉在姪坊等或向衆僧向三人一人等例得悔除若三毒酒散亂酒釀定酒治以析觀體觀本第一心四種無生無知酒

治以次第一心二種無生無明酒惟以一心無生治之

修證者初果得道共力永斷事酤凡外酤三毒散亂禪定等酒初果亦永不酤未免自飲四果永不復飲若無知酒二乘但飲不酤出假位中更不復飲若無明酒地前菩薩亦酤亦飲發地但飲不酤妙覺永不復飲也

性惡者事惡惟用飲不用酤用飲如末利夫人事理惡亦酤亦飲謂法性理水陶然真樂名為真酒諸佛菩薩自既醉飽亦廣飲人又中諦酒俗諦酒真諦酒三味酒十善酒以中諦酒酤與別圓菩薩以俗諦酒酤與藏通菩薩以真諦酒酤與藏通二乘以三味酒酤與色無色界以十善酒酤與天人各令醉飽又中諦藥酒治菩薩病俗諦藥酒治二乘病真諦藥酒治凡夫病三味藥酒治散亂病十善藥酒治十惡病既酤與人亦示自飲又一切眾生醉三毒酒與其同事亦復示飲又如婆數仙人示酤三毒酒為衆作減

○第六說四衆過戒

若佛子口自說出家在家菩薩比丘比丘尼罪過教人說罪過罪過因罪過緣罪過法罪過業而菩薩聞外道惡人及二乘惡人說佛法中非法非律常生起心教化是惡人輩令生大乘善信而菩薩反更自說佛法中罪過者是菩薩波羅夷罪

說者向未受菩薩戒人說大乘七衆罪過向未受具戒人說比丘比丘尼二衆罪過也出家在家居菩薩即通指大乘七衆比丘比丘尼即別指小乘二衆以住持僧寶關係法門故亦同重罪過因等應云說因說緣說法說案內者說罪之心緣者欲說時莊嚴方便法者輕重罪相案者了了出口前人領解二乘名惡人者執一定之規繩疑大人之作略不知大乘妙用故斥之為惡人佛法中罪過者揀非外道罪過亦揀非犯邊罪已失戒人罪過也此亦性惡二衆六緣成重一衆生二衆生想三說罪心四所說過五所向人六前人領解衆生者上中二境有菩薩戒有比丘比丘尼戒者重無戒者

輕下境舊云有戒無戒皆輕今云有菩薩戒者宜重但未失戒耳若前人實犯重罪已失戒者說但犯輕或雖犯重而未失戒或雖失戒如法重受說皆犯重衆生想者有戒無戒六句二重四輕說罪心者有兩一陷沒心欲令前人失名利等二治罰心欲令前人被繫縛等此二心正是業主不論是實是虛皆犯重若獎勵心說及僧差說罪皆不犯所說過者或說罪事或說罪名各有當疑條六句罪事者殺盜淫妄飲酒食肉等事罪名者大則七逆十重輕垢小則五篇七聚等名若罪名重事作重想重疑而說犯重作輕想說犯輕若輕名輕事作輕想輕疑而說犯輕作重想說犯重所向人者上中二境無善薩戒爲說菩薩七衆罪過犯重無比丘比丘尼戒爲說二衆罪過犯重若向有大乘戒有具戒者如法說實舉過令其懺悔不犯若所說不實自屬謗毀戒也下境不論有戒無戒向說皆輕毀損不深故前人留解者口業事遂據此時結罪隨語結隨人人結若未解時止結方便

七衆同

大小異小乘說第一篇犯第二說第二篇犯第三說第三篇以下悉犯第七聚大士宜掩惡揚善故說重同重說輕同輕

開遮者惟除僧差及獎勵因緣餘悉不開

果報者若所說是實卽上品兩舌亦兼惡口若所說不實復是妄語華嚴二地品云兩舌之罪亦令衆生墮三惡道若生人中得二種果報一者眷屬乖離二者親族弊惡惡口之罪亦令衆生墮三惡道若生人中得二種果報一者常聞惡聲二者言多諍訟解曰兩舌惡口約境約心約悔不悔亦各三品牽墮三塗也十善業道經云若離兩舌卽得五種不可壞法一得不壞身無能害故二得不壞眷屬無能破故三得不壞信賴本業故四得不壞法行所修堅固故五得不壞善知識不誑惑故若能迴向善提後成佛時得正眷屬諸魔外道不能沮壞若離惡口卽得成就八種淨業一言不乖度二言皆利益三言必契理四言辭美妙五言可承

願六言則信用七言無可識八言善愛樂若能迴向菩提後成佛時具足如來梵音聲相淨戒品云不離間語亦四種報一者現在能令自他無諍所在安樂二者以和合故眾人愛敬過去所有離間語罪悉得銷滅於三惡趣心無憂懼三者於未來世得五種果一能獲金剛不壞之身世間刀杖無能損壞二於所生處得善眷屬無諸乖諍不相捨離三於所生處設不遭遇善友知識爲說法者自然覺悟無二法門於佛法僧深信向無有退轉四令諸有情一心一事歡喜相向速能證得慈三摩地五能勸發一切有情修習大乘令不退轉四者由遠離間常和合語得善眷屬隨順調伏乃至涅槃不相捨離離惡語亦四種報一者現在世中心常清淨與大悲雲降慈心雨滅妄貪欲止盡風塵令得清淨二者輒語之人一切愛敬讚歎隨順令惡者漸得調伏六根清淨三業無染三者於當來世永離三塗常生善處四者漸次能得無上菩提具梵音聲說法之時隨類各解而生念言

今薄伽梵爲我說法不爲餘人所說妙法皆契我心除我身心煩惱習氣

理解者如大涅槃經云佛禁無常故猶說者即破佛禁又云我等皆應善覆無常說於常住以此爲例即是隱揚揚善之義若隱覆常住說於無常是說佛過亦是說四衆過

懺悔者犯重失戒應須更受或復取相彌善犯輕作法隨事斟酌犯於理說作用一心無生

修證者初果以去無事說闢人初心無理說性惡者說佛菩薩爲究竟五逆究竟大盜究竟五

欲究竟大妄誣人

○第七白讀毀他戒

若佛子自讚毀他亦教人自讚毀他毀他因毀他緣毀他法毀他業而菩薩應代一切衆生受加毀辱惡事向自己好事與他人若自揚已德隱他人好事令他人受毀者是菩薩波羅夷罪

自讚者稱己功德毀他者謾人過惡彼此互形顯已德而彰人短使名利歸於自身故犯重也若但

以貪心自讚。但以瞋心毀他。各各結染。汙犯戒本。經中別有此條。今經亦此戒兼制也。教人者。或教人讚我。毀他。則重。或教彼自讚。毀人。則輕。因者。貪利之心。緣者。作諸方便。法者。陳其善惡。業者。前人領解。

此亦性過二業五緣成。重一衆生二衆生想三讚毀心四說讚毀具五前人領解衆生者。上中二境。重下境。輕衆生想者。上中上中想疑二重餘四句。輕或下境作上中想亦重也。讚毀心者。欲彰彼短。使名利悉歸於己。非爲祈伏。非爲利益也。說讚毀具者。一種姓或尊或卑二行業或貴或賤三伎術工巧或上或下四過犯或有或無五結使或輕或重六形相或好或醜七評法或具不具前人領解者。口業事遂隨語諸結重。羯磨文云。若以上品經犯失菩薩戒。應須更受中品。輕犯應向三人。或過三人悔過除滅。下品。輕犯向一人悔。以下三戒並同。又不隨喜他善。亦應此戒兼制。戒本經云。知他衆生有實功德。以嫌恨心。不向人說。亦不讚歎。有

讚歎者。不唱善說。是犯染汙起。若瞋情憊怠放逸。犯非染汙起。不犯者。知彼少欲。護彼意。故若病若無力。若以方便令彼調伏。若護僧制。若令彼人起煩惱。起溢喜。起侵越。非義。除此諸患。故若實功德。似非功德。若實善說。似非善說。若爲摧伏。外道邪見。若待說竟。

七衆同

大小異。大士利安爲本。故重。小乘自讚犯第七聚。毀他犯第三。篇不合結也。

開遮者。戒本經云。若輕毀外道。稱揚佛法。若以方便令彼調伏。捨離不善。修習善法。又令不信者信。信者增廣。

果報者。自讚若實。卽如姪女爲一錢故而現戲笑。若復不實。自得大妄語報。毀他若實。名爲惡口。不實復兼妄語。所有果報。悉如上說。

理解者。菩提爲自煩惱。爲他涅槃。爲自生死。爲他菩提。是道諦煩惱。是集諦涅槃。是滅諦生死。是苦諦若生滅。四諦卽具讚毀。無生四諦卽無讚毀。若

無礙四諦即具讚毀無作四諦即無讚毀又二乘以真爲自以俗爲他菩薩以俗爲自以真爲他別教以中爲自二諦爲他皆具讚毀隨無自他故無讚毀又對待妙即具讚毀絕對待妙即無讚毀懺悔者事中讚毀如羯磨文所云理中讚毀即用體觀一心二種無生

修證者初果以上永斷事惡八人見地永斷界內理惡別地圓住永斷界外理惡

性惡者用事讚毀則摧邪顯正彈偏斥小歎大發顯用理讚毀則法性爲自無明爲他無明之性卽是法性無可讚毀而熾然讚毀

○第八慳惜加毀戒

若佛子自慳教人慳慳因慳緣慳法慳業而菩薩見一切貧窮人來乞者隨前人所須一切給與而菩薩以惡心瞋心乃至不施一錢一針一草有求法者不爲說一句一偈一微塵許法而反更罵辱者是菩薩波羅夷罪

慳惜所有名之爲慳或倍財或倍法皆所不應教

人者或使人爲我拒毀則重或教人自行慳毀則輕因者鄙倍之心緣者在毀方便法者示秘倍打罵等相案者前人領納貧窮人者或貧於財或窮於法又空乏名貧空乏則手足無措名窮財法皆有貧窮二苦也隨前人所須者財則若多若少法則若大若小皆應與之惡心者慳惜鄙倍瞋心者不喜其人明非見機折伏也決定毗尼經云在家菩薩應行二施一財二法出家菩薩應行四施一紙二墨三筆四法得忍菩薩行三施一王位二妻子三頭目皮骨糞尿云當知凡夫菩薩隨宜惠施都杜絕故犯也

此亦性遮二業五緣成重一衆生二衆生想三慳毀心四示慳毀相五前人領納衆生者上中二境及下境有戒者悉重餘輕衆生想六句三重三輕如上說慳毀心者謂惡瞋倍倍財法欲以打罵拒絕是犯若彼不宜聞法得財宜見阿辱皆不犯示慳毀相者或隱避不與財法或言都無或手執羅斥或惡言加罵或自作或使人打罵皆重前人領

納者知我憐惜之相。受我打罵之辱。隨事隨語結重。若彼遣使求財。請法。對使人慳惜。造作訶罵。既非對面損惱。稍輕。皆不結重。或雖重不失戒。也不犯者。戒本經曰。若自無若求非法物。若不替彼物。若以方便令彼調伏。若彼犯王法。護王意。故若護僧制。此明不與財不犯也。又云。若外道求短。若重病。若狂。若知不說。令彼調伏。若所修法未善。通利。若知前人不能敬順。威儀不整。若彼誦振聞深妙法。生怖畏心。若知聞已增長邪見。若知聞已毀些。退沒。若彼聞已向惡人說。此明不與法不犯也。又菩薩善戒經云。求者三。若不施者。是名犯重。不犯者。若以方便善語慰喻。令彼求者不生恨心。求者二種。一者貧窮。二者邪見。不施貧者。則使得罪。不施邪見。則不名犯。又菩薩攝受徒衆。即應以二事將護。所謂法及衣食。亦應此戒。兼制戒本經云。若菩薩攝受徒衆。以瞋恨心。不如法教授。不能隨時。從婆羅門居士。所求衣食臥具。醫藥房舍。隨時供給。是犯染汙起。若嫌情懈怠。犯非染汙起。不犯。

者。若以方便令彼調伏。若護僧制。若病若無力。若使有力者。說若彼有力。多知識大德。自求衆具。若曾受教。自己知法。若外道竊法。不能調伏。七衆同。

大小異。大乘不揀親疎。求者皆施。不與加憂。悉犯。以本誓衆物。故小乘惟弟子不教法犯。第七衆不與財。不制加毀。隨事各結。不合爲重。

開遮者。戒本經云。觀衆生應以善切之言。方便利登。恐其憂惱。而不爲者。是犯非染汙起。不犯者。觀彼現在少所利益。多起憂惱。

果報者。慳毀之罪。亦在三塗。又慳財。餘報生生貧窮。慳法。餘報世世愚鈍。當知不慳。即是無貪善根。所攝十善業道。經云。若離貪欲。即得成就五種自在。一三業自在。諸根具足。故二財物自在。一切怨賊不奪。故三歸德自在。隨心所欲。物皆備故。四王位自在。珍奇妙物。皆奉獻故。五所獲之物。過本所求。百倍殊勝。由於昔時不慳。嫉故。若能迴向菩提。後成佛時。三界特尊。皆共敬養。淨戒品云。離貪嫉。

者亦四種報一者現在世中於他富貴起隨喜心
不捨毫釐。二者一切愛敬身心安樂。威
德自在。能淨心中貪欲。雲霧猶如夜月。眾星圍遶。
三者所生之處。六根圓滿。財寶豐足。眾人愛敬。常
行惠施。無礙辯才。處眾無畏。四者乃至證得無上
菩提。眾聖隨逐。功德最上一切眾生。同受教命。
理解者。秘真妙法。名慳令。初。爾果名。毀法華經云。
若以小乘化。乃至於一人。我則墮慳貪。是事為不
可。

懺悔者。事慳悔過。例前可知。理慳須用一心。無生
法華云。惟以如來滅度而滅度之。

修證者。初果斷事慳。亦斷真諦。慳善。薩不慳俗諦。
別人不慳中諦。因人不慳法性。名字不慳。乃至究竟
不慳。

性惡者。不捨一法。名慳。破相歸性。名毀。

○第九願心不受悔戒

若佛子。自願教人。願願因願。緣願。法願。業而善。薩應
生一切眾生。善根無訛之事。常生慈悲心。孝順心。而

反更於一切眾生中。乃至於非眾生中。以惡口罵辱。
加以手打。及以刀杖。意猶不息。前人求悔。善言懺謝。
猶願不解者。是菩薩波羅夷罪。

因者。忿恨。隔絕之心。緣者。願隔方便。法者。示相發
口。業者。前人領解。非眾生者。變化幻人等。彼雖無
情。作有情想。而行願辱。亦犯輕也。

此亦性遮二業。五緣成。一眾生。二眾生想。三願
隔心。四示不受相。五前人領解。眾生者。上中二境。
重下境。輕或有戒者。亦重。但不失戒也。眾生想。六
句如上。願隔心者。心懷忿恨。不欲和解。正是業主。
示不受相者。或關閉斷。隔發口。不受前人領解者。
知彼不受。隨身口業多少。結重不犯者。戒本經云。
若以方便。令彼調伏。若彼不如法。悔其心不平。不
受其懺。無罪。又云。若不懂恨性。不受懺。是犯非染。
汗起。又云。若菩薩侵犯他人。或雖不犯。令他疑者。
即應懺謝。悔恨輕慢。不如法懺謝。是犯染汗起。若
願情懈怠。忌犯非染汗起。不犯者。若以方便。令彼調
伏。若彼欲令作不淨業。然後受者。不謝無罪。若知

彼人性好團。認若悔謝者。增其威怒。若知彼和忍。無懷恨心。恐彼慚恥。不謝無罪。解曰。此輕垢罪。亦應戒。戒禁制也。

七衆同

大士接取衆生爲務。以乖化他之道。故重小衆自利。瞋他犯第七衆。

開遮者。戒本經云。見有衆生。應訶責者。應折伏者。應調馴者。以染汙心。不訶責。若訶責。不折伏。若折伏。不調馴。是犯染汙起。若懶惰懈怠。犯非染汙起。不犯者。彼不可證。不可與語。難可教誨。多起懷恨。若親睦若怨。因彼起。瞋諍相違。若相言訟。若僧諍。若壞僧。若彼不諂曲。有慚愧心。漸自改悔。又云。若苦薩成就種種神力。應恐怖者。而恐怖之。應引接者。而引接之。欲令衆生消信。施故。不以神力恐怖。引接者。是犯非染汙起。不犯者。若彼衆生。更起染著。外道誘墮。成就邪見。若彼發狂。若增苦受。一切不犯。又唐譯戒本云。又如菩薩見諸有情。爲行越路。非理而行。出惡惡語。猛利訶擯。方便令其出不。

善處。安立善處。菩薩知是以饒益心。於諸有情。出惡惡語。無所違犯。生多功德。解曰。以饒益心。則非瞋隔心。明矣。

果報者。二地品云。瞋恚之罪。亦令衆生墮三惡道。若生人中。得二種果報。一者。常被他人求其長短。二者。恒被於他之所惱害。十善業道經云。若離瞋。志即得八種喜悅心法。一無損惱心。二無瞋恚心。三無諍訟心。四柔和質直心。五得樂者慈心。六常作利益安衆生心。七身相莊嚴。衆共尊敬。八以和忍。放速生梵世。若能迴向菩提。後成佛時。得佛無礙心。觀者無厭淨戒品云。離瞋恚者。亦四種報。一者。現世六根聰利。儀容可觀。人所親附。二者。心無瞋恚。一切惱害。打罵訶責。盡皆不起。譬如有人持迦嚕羅呪。一切諸毒。無能害之。以無恚怒。增長慈心。以慈真言。令三十六俱。厭天魔鬼神。悉皆摧伏。來惡真言。無所損害。三者。於未來世。以慈心。梯上生梵世。一劫安樂。令諸衆生。斷惡修善。四者。漸次能得無上菩提。具足莊嚴。三十二相八十種好。顯。

然炳著無量功德。集其身。

理解者。凡外隔。二乘隔。俗出假隔。中但中隔。於二諦。

機悔者。事賦作法。例前可知。隔真用析體等四種。無生隨一。皆得隔。俗於體觀等三。隨用其一。隔中。於次第一心二。機亦隨用一。隔二諦者。惟用一心。無生。

修證者。三果斷事。賦初果不隔。真出假不隔。俗。別向不隔。中別地。隔住不隔。二諦又。圖信圖觀。皆。伏一切理。廣。

性惡者。現忿怒。大明王相。是用事。賦一法不取名。為理。廣。

○第十謗三寶戒

若佛子。自謗三寶。教人謗三寶。謗因謗緣。謗法謗業。而菩薩見外道。及以惡人。一言謗佛。音聲如三百矛。刺心。況口自謗。不生信心。孝順心。而反更助惡人。邪見人。謗者是菩薩。渡難夷罪。

此戒亦名謗菩薩。藏說相似法。藏云。邪見邪說戒。

謗者。乖背之稱。凡解不調。理言不審。實異解異說。皆名為謗。因者。邪見之心。雖著邪說。方便法。著言。說善。違等事。業者。前人領解。

此亦性遮二業。邪見為本。復加口過也。五緣。藏重。一衆生。二衆生。想。三欲說心。四正吐說。五前人領解。衆生者。向上中二境。謗則重。向下境。輕。衆生想。六句如前可知。欲說心者。謂邪見推畫。惟此是實。餘皆虛妄。既心存謬。解喜。向人說也。邪見雖多。大端有四。一上邪見。二中三下。四難上者。撥無因果。如蘭提等中者。謂三寶不及外道。若心中計。成失戒。若心知三寶。勝口說不如。既未翻歸。不失戒體。語語結重。下者。棄大取小。計成失菩薩。戒計若未成。犯輕。屬下文。心背大乘。戒抵難者。或偏執。或離信。或繫念小乘。或思義僻。離偏執。又二一執大謗。小如戒本經云。若菩薩如是見。如是說。言菩薩不應聽。聲聞經法。不應受。不應學。菩薩何用聲聞法。為是犯染。汙起也。二偏謗。一部於方等中。偏言某部非佛說。亦犯輕。垢如戒本經云。若菩薩聞菩薩。

法藏甚深義。真實諸佛菩薩無量神力。誹謗不受。言非利益。非如來說。是亦不能安樂衆生。是犯染汙起也。難信者。不肯因果。及三寶大乘。但言外道鬼神。亦有威力。奏軍解神。或復勸他。悉犯輕垢。緊念小乘者。知大乘高勝。且欲先取小果。後更修大。此名念退犯輕垢。亦下文暫違菩提心戒。攝思義。憐憫者。如今人義淺。三五家釋。是智力不及。此應非罪。若輕顧去。取復有知他爲。是強欲立異。皆犯輕垢。又有說相似法。如戒本經云。若菩薩如是見。如是說言。菩薩不應樂淫。樂背淫。樂不應怖畏。煩惱不應一向耽離。何以故。菩薩應於三阿僧祇劫久受生死。求大菩提。作是說者。是犯染汙起。何以故。聲聞深樂涅槃。畏厭煩惱。百千萬倍不及菩薩。彼習不染汙心。勝阿羅漢也。正吐說者。若自說若令人傳說。若作書著述等。前人領解者。納受邪言。隨語語結罪。披書發解。亦語語結罪。

七衆同

大小異。大士化人爲任。故重小乘說殺無果報經。

不障道。世界有邊無邊等。均名惡見。語語犯第七聚三諫。不捨結第三。離更或不捨作惡見。不捨事羯磨。雖非滅損。而治法最嚴。莫令永捨惡見。故終不結重也。

惟遮不開

果報者。二地品云。邪見之罪。亦令衆生墮三惡道。若生人中。得二種果報。一者生邪見家。二者其心詭曲。十善業道經云。若離邪見。即得成就十功德。法一得真善。意樂真善等。名二深信因果。事廣身命。終不作惡。三惟歸依佛。非餘天等。四直心正見。永離一切吉凶疑網。五常生人天。不更惡道。六無量福。無轉轉增勝。七永離邪道。行於惡道。八不起身見。捨諸惡業。九往無礙見。十不墮諸難。若能迴向菩提。後成佛時。速證一切佛法。成就自在神通。淨戒品云。離邪見者。亦四種報。一者於現世中。離惡知識。親近善友。聞法信受。未生不善。令永不生。已生不善。令盡除斷。未生善法。修習令生。已生善法。修令增長。此正見者。一切善法之根本也。二者



能閉不善行門於大眾中名稱普聞心無疑悔三者未來生遇過善知識得善伴侶順於正見歸佛法僧更無異向於善行無退轉心除滅罪惡增長福聚有漏無漏生死涅槃過患利益能善分別了達諸法無我我所無有執著正見力能究竟清淨四者所有三乘勝妙功德人不能測正見之力皆悉圓滿能為衆生作歸依處度脫有情出生死苦悉皆安置無上大乘乃至處於法王之位

理解者凡外誘二乘誘俗出假誘中但中誘於二諦

懺悔各事誘作法例前可知誘真於四無生隨用一機誘俗於體觀等三亦隨用一誘中於大第一心亦隨用一誘二諦者惟用一心無生

修證者藏不誘真通不誘俗則不誘中則不誘二各於外內二凡永伏分證永斷

性惡者用事誘如婆數仙人用理誘四句印為四門門門皆入道

○三總結

善學諸仁者是菩薩十波羅提木又應當學於中不應一一犯如微塵許何況具足犯十戒若有犯者不得現身發菩提心亦失國王位轉輪王位亦失比丘比丘尼位亦失十發願十長養十金剛十地佛性常住妙果一切皆失墮三惡道中二劫三劫不聞父母三寶名字以是不應一一犯汝等一切菩薩今學當學已學如是十戒應當學敬心奉持八萬威儀品當廣明

此十重戒與環珞經同若善生經單明在家六重則無後四若地持經單明出家八重則無酤酒說過二戒又地持經磨文中明受戒法亦通在家今此經及環珞去後存單合成十重然善生經意被界內不制後四猶之可也地持被界外機胡不制酤說二戒耶若謂出家不妨酤酒說過此決不然若謂在家不妨酤酒乃至邪說此尤不可蓋或各就僧俗易起過邊制之實則十戒皆通僧俗也不得現身發菩提心若直指此生為壽亦失國王位等者現在既失其義未來必并失其名也問犯前

四戒則一切戒體俱失犯後六戒止是失菩薩法何云亦失比丘比丘尼位答此是一往乘勢之辭又或如從高處墜法爾至底理無中止所以身子六心中退仍向五道輪迴亦其驗也

佛說梵網經菩薩心地品合註卷第四

佛說梵網經菩薩心地品合註卷第五

姚秦 三藏法師 鳩摩羅什 譯

明 菩薩沙彌古吳 智旭 註

菩薩比丘溫陵 道昉 訂

△二明四十八輕戒三初總標二別釋三總結

今初

佛告諸菩薩言已說十波羅提木又竟四十八輕今當說

初句結前次句示後也

△二別釋四十八第一不敬師友戒至第四十八

破法戒

○第一不敬師友戒

若佛子欲受國王位時受轉輪王位時百官受位時應先受菩薩戒一切鬼神救護王身百官之身諸佛歡喜既得戒已生孝順心恭敬心見上座和尚阿闍梨大德同學同見同行者應起承迎禮拜問訊而菩薩反生憍心慢心瞋心不起承迎禮拜一二不如法供養以自賣身國城男女七寶百物而供給之若不爾者犯輕垢罪

一切受佛戒人皆應敬重師友以有爵位者易生憍慢故偏舉王及百官爲誡也受戒則福底幽明所以鬼神救護又能弘護法化故諸佛歡喜上座有三一生年上座戒臘在先二福智上座衆所推敬三法性上座證入聖位和尚或云鄒波摩那此翻親教師或翻力生緣此人力生我無漏妙戒身故阿闍梨或云阿遮梨耶此翻軌範師講教授儀示我軌式即下文所稱教誡法師也大德者總歎具大功德同學者宗同一師同見者心同一解同行者身同一業備者九已慢者忽人棄者不知

賢聖者心懷慈愍以自賣身等者舉重況輕請
尚應如此供養況迎拜之儀而不爲耶此四十八
輕戒准十重法亦應有不敬因不敬緣不敬法不
敬業飲因飲緣飲法飲業乃至破法因破法緣破
法破法業等但以衆輕垢成與未成同稱惡作
故不復委明耳

此亦性過二業四緣成罪一師友請上座及同行
等二師友想六句二重二輕二無犯三不敬心戒
本經云若憍慢威恨不起迎拜等是染汙犯若癡
情懈怠或無記心或忘誤犯非染汙起不犯者若
重病若亂心若睡眠不知若聽法若說法若在說
法衆中護說者心若以方便令彼調伏若護僧制
若護多人意四應迎不迎應供不供等事成隨事
結罪

七衆同 大小共

權遮不開或方便令調伏亦得名開

果報者師友知識是得道大因緣是全梵行不敬
則永失法利魔所攝持敬則常遇善緣成就佛法

理解者外道不敬具諸二衆不敬俗諸藏通不敬
中諸別教不敬二諸之友

懺悔者慢人作法懺慢法如次用四種無生

修證者初果得不壞淨及淨心地菩薩永斷事慢
四教分證人如次斷四種理慢

性惡者喻伽法中作觀音慢是觀行慢十地品云
我當於一切衆生中爲首爲勝等是分證慢天上
天下惟吾獨尊是究竟慢

○第二飲酒戒

若佛子故飲酒而酒生過失無量若自身手過酒罇
與人有酒者五百世無手何況自飲亦不得教一切
人飲及一切衆生飲酒況自飲酒一切酒不得飲若
故自飲教人飲者犯輕垢罪

故飲者明非不知誤飲一切衆生指鼻頰也餘如
隨戒中釋

此是過衆四緣成罪一是酒謂飲之醉人二酒想
六句二咽咽結罪二輕垢二無犯三有飲心四入
口咽咽結罪若教他飲咽咽二俱結罪不犯者病

非酒不瘵

七衆同犯 大小乘俱制 開者如末利夫人事

果報者飲酒之罪有五百果第一五百世在鹹

糟地獄二五百在沸屎三五百在曲蛆蟲四五百

在蠅蚋五五百在癩熱無知蟲又云五百世無手

或但舉最後五百也

理解如酤酒中說

懺悔者事飲作法理飲無生

修證者得法自在人飲無迷亂

性惡者用事飲如濟賴等用理飲卽法性眞酒耽

荒無厭

○第三食肉戒

若佛子故食肉一切衆生肉不得食夫食肉者斷大

慈悲佛性種子一切衆生見而捨去是故一切菩薩

不得食一切衆生肉食肉得無量罪若故食者犯輕

垢罪

放食者明非不知誤食一切衆生肉者不論水陸

空行但是有情身分悉遮止也一切衆生皆有佛

性與我同體而今食噉其肉殘慘之甚故云斷大

慈悲佛性種子准此則蠶口獸毛亦所不忍是以

耑揭經云若絲綿絹帛展轉傳來離殺者手施於

比丘亦不應受受者非慈悲也

此是通業四緣成罪一是肉謂有情身分二肉想

二重二輕二無犯三有食心正是業主四入口咽

咽結罪

七衆同

大小不全共小乘初聽三種淨肉一不見殺二不

聞殺三不疑爲已殺又有九種十種不淨肉等禁

食餘非所制大士懷慈一切悉斷又知水有蟲或

疑有蟲不看漚飯飲飯用大小俱制又蠶綿大

小俱制大乘爲衆生故得畜鬻奢耶等而非自用

獸毛小乘不制大乘亦無特制而佛頂經中亦兼

及之不用鬻善

開遮者或鹿角虎骨等製入藥中此應非犯若爲

藥故傷生命同得殺罪

果報者楞伽經云爲利殺衆生以財網諸肉二俱

是惡業死墮呼呼吸若無教想求則無三淨肉彼非無因有是故不應食。佛頂經云死死生生互來相瞰惡業俱半窮未來際又云殺彼身命或食其肉如是乃至經微塵劫相食相誅猶如轉輪互為高下無有休息又云服其身分皆為彼緣必使身心於諸衆生若身身分身心二途不服不食我說是人真解脫者

理解者凡外食斷常瘡肉二乘食偏真枯肉菩薩食出穢脂肉別教食但中頑肉

懺悔者事食作法理食用四種無生

修證者別初住圓初信永斷事食四教分證斷四連食

性惡者用事食如釋迦本生現惡羅刹形怖人令受歸戒用理食則中道法性名為第一美味恣意

○第四食五辛戒

若佛子不得食五辛大蘇荳蔥蒜蘭蔥麤菜是五辛一切食中不得食若故食者犯輕垢罪

客意卽非慈惠卽慈惠卽小慈與聚此方所無一切食中雖有此辛亦不得食非但戒單食也此是過業臭穢妨於淨法故制四緣成罪一是辛二有辛想二重二輕二無犯三有食心四入口咽咽結罪

七衆同

大小共大衆防過義深較小略重

開遮者病非蒜等不愈須處靜別室食之不得入佛塔僧堂不得入僧浴室不得上都園內俟斷食更七日後臭氣都盡沐浴浣衣香熏入衆具如

釋明

果報者佛頂經云是五種辛熟食發煙生嗔增恚縱能宣說十二部經十方天仙嫌其臭穢咸皆遠離諸餓鬼等祇其脣吻福德日消長無利益修三摩地善神不護魔王得便命終自爲魔王眷屬受魔福盡墮無間獄

理解者見思辛塵沙辛無明辛

懺悔者事食作法理食無生

修證者事辛爲修行第一漸次最初應斷初果斷見辛四果斷思辛出假斷塵沙辛別地圓住分斷無明之辛

性惡者辛是重染爲或以法界辛偏染法界如鹽塗鼓置毒乳中等喻既以毒喻則理亦可以辛喻也

○第五不教悔罪戒

若佛子見一切衆生犯八戒五戒十戒毀禁七逆八難一切犯戒罪應教懺悔而善說不教懺悔同住同僧利養而共布薩一衆說戒而不舉其罪不教悔過者犯輕垢罪

八戒者八關齋法又地持八重五戒者清信士女所受十戒者十善戒沙彌十戒又此經十重毀禁者總明犯一切戒即毀三世諸佛明禁七逆現在下文八難乃犯戒果報地獄二畜生三餓鬼四盲聾瘡癰諸根不具五生邪見家世智辯聰六佛前佛後七北洲八無想天一切犯戒罪者若大若小若重若輕若因若果皆教懺悔教懺悔者以見

聞疑三根舉事令收往修來恰過惡善也此語懺摩是此方謂忍請恕之意即表除於往愆悔乃此方之語義稱懺作謂追責前來所作是惡決志改途易轍即表修於來善同住同利是其食味布薩說戒是其法味理應如法舉罪故不舉不教者犯也

此是通案四緣成一有罪二有罪想若實謂無罪者非犯三不教心戒本經云瞋心不舉是染汗犯癡懈懈意非染汗犯四默然同住不教悔是一罪同食味復一罪同法味又一罪隨事各結不犯者戒本經云若狂若知不說令彼調伏若護他心若護僧制又云見衆生造今世後世惡業以憐恨心不爲正說是染汗犯不犯者若自無智若無力若使有力者說若彼自有力皆彼自持善知識若以方便令彼調伏若爲正說於我憤恨若出惡言若顛倒爲若無愛敬若復彼人性弊慳戾又自不悔過亦應此戒兼制戒本經云若菩薩不護不信之而不護護毀亦不除滅若實有過惡不除滅者

是染汗犯實無過惡而不除滅非染汗犯不犯者
若外道誹謗及除惡人若出家乞食修善因緣生
他處毀若前人瞋狂而生譏毀解曰不教人悔惟
是遮采自過不悔兼得性業也又善生經云若優
婆塞見他四衆毀所受戒心生憍慢言我勝彼彼
不如我得失意罪解曰斯亦此戒攝攝亦具性遮
二業亦通七衆同犯也

七衆不全同比丘應舉七衆罪比丘尼得舉六衆
罪不得舉比丘罪若與比丘羯里知識私相勸諫
無罪式又摩那得舉五衆罪不得舉比丘比丘尼
罪沙彌得舉四衆罪不得舉上三衆罪沙彌尼得
舉三衆罪不得舉上四衆罪在家二衆得舉自類
罪不得舉出家五衆罪若親厚知識私相勸諫皆
悉無罪又在家二衆無同利養事惟有不舉及同
布薩二過

大小乘俱制

開遮者僧祇律云若彼人犯暴若依王力大臣力
兇惡人力或起壽命因緣傷梵行者應作是念彼

畢行業必自有報彼自應知爾時但護根相應無
罪又四分律云內有五法應舉他以時不以非時
眞實不以不實有益不以減損柔軟不以瞋恚
心不以瞋恚

果報者大涅槃云若善比丘見毀法者置不問責
舉遣舉處是人佛法中怨若能實道當知得福無
量不可勝計菩薩善戒經云施陀羅等及以瞋兒
雖行惡業不能破壞如來正法不心定意三惡道
中爲師不能教誨弟子則破佛法必墮地獄受
寒戒經云寧受惡戒一日中斷無量命根終不養
畜惡弟子不能調伏何以故是惡律儀殃齊自
身畜惡弟子不能教誨乃令無量衆生作惡隨勝
無量善妙之法壞和合僧令多衆生作五無間是
故闍於惡律儀罪

理解者前人破於理戒應教理儀又觀心解者前
念起惡爲罪後念覺觀察名爲教悔

懺悔者事不教用作法理不教用無生

修證者他人犯戒於四靜中即是犯靜若舉過不

服即是覺。靜若復有人不知戒相不決重輕。即是言靜。若於三靜事發。又即事靜。此之四靜。具十法者。乃能滅之一持戒。二多聞。三斷此。四極利。四廣解其義。五言辭了。堪任問答。六靜起能滅。七不愛八不恚九不怖十不癡。又僧祇明成就十四法。名為第五持律。所謂善能滅靜。大約是無疑解脫。阿羅漢也。教悔罪位在園住。通教見地亦滅界內理諍。

性惡者。維摩經云。外道六師是汝之師。汝師所墮。汝亦隨墮。則非惟不教令悔。又從而和之矣。此亦具有事理二墮也。

○第六不供給諸法戒

若佛子。見大乘法師。大乘同學。同見同行。來入僧坊舍宅城邑。若百里千里來者。仰起迎來。送。去。禮拜。供養。日日三時供養。日食三兩金。百味飲食。牀座香藥。供事法師一切所須。悉給與之。常請法師三時說法。日日三時禮拜。不生瞋心。患惱之心。為法滅身。請法不懈。若不爾者。犯輕垢罪。

日食三兩金者。極勢之語。三時者。中前中後初夜。瞋心者。恚彼法師。患惱者。恐已修善。為法滅身者。舉重況輕。

此是遮棄。喪寶。神之益。故制也。因緣成罪。一是法師。二法師想。若不知者。非犯三。不請心。若瞋若惱。是染汙犯。懈怠忘誤。非染汙犯。四漠然空過。隨事結罪。又不受師教。亦應比戒。象制。通本經云。欲求定心。惟恨懶慢。不受師教。是染汙犯。若懶惰懈怠。非染汙犯。不犯者。若病若無力。若知彼人作瞋。倒說若自多聞有力。若先已受法。

七衆同

大小不全。共小乘未滿五夏。未請律師。見有持律人來。應請。餘非所制。大乘求法。無歷一切。應請。開遮者。若知不請。令彼調伏。

果報者。不請則失聞。真益。障智慧。種種則當。違不離正法。

應解者。觀慧不現。前名不供給諸法。懷悔者。事不請作法。理不請無生。

修護者入淨心地。善惡常法供養一切三寶事。請
理請俱無犯。

性惡者事惡則如國王之女。見大婆聞而不迎。迎
禮敬。惡則親於絕待。法性不得能供。所供能請
所謂

○第七不往聽法戒

若佛子。一切處有講法。毗尼經律。大宅舍中有講法
處。是新學菩薩。應持經律。卷至法師。所聽受諸問。若
山林樹下。僧地房中。一切說法處。悉至聽受。若不至
彼聽受。諸問者。犯輕罪。

一切處者。通指僧坊俗地。大宅舍別指俗地。山林
等別指僧地也。法毗尼經律者。法名軌持。毗尼名
滅。意指所詮經律二字。意指能詮謂經詮。法律詮
毗尼。然毗尼正翻為律。經亦謂法。訓常文言。似複
義理。須明謂經律二種世間共有。而世間之經未
必詮於正法世間之律未必詮於毗尼。惟佛經佛
律中明五種遠離行相應名之為法。亦名毗尼。亦
名佛所教誡。所謂是出離非世法是超度非有愛

是無欲。非有欲是無結。非有結是不親近生死。非
親近又五種出要行相應名之為律。亦名為法。亦
名佛所教誡。所謂令少欲不多欲。令知足不無厭。
令易護不難護。令易養不難養。令智惠不愚癡。是
故名為法。毗尼經律。此法毗尼。大小齊奉。七衆同
修。非局在聲聞也。

此是過業四緣成罪。一是講法律。講法律。經三
不往心。若瞋慢是染。汙犯若懈怠。非染汙犯。四不
往聽。日日結罪。善生經中。問四十里內須往。此亦
應爾。不犯者。若不解若病。若無力。若彼顛倒。若
護說者。心若數數聞已受持。已知。若多聞。若
持若如說行。若修祿定。不欲暫廢。若錯悞。若
受難持。不往者。皆不犯。

七衆同 大小略異如前說

開遮者。佛藏經云。若比丘說法。離外道義。有善比
丘。勤求道者。應從座去。若不去者。非善比丘。亦復
不名隨佛教者。

果報者。地持經云。菩薩隨於善知識。聽受經法。於說

法人有五處不應憶念。淨心專聽一者。不念破戒。謂不念言此犯律儀。不應從彼聽受經法。二者。不念下性。謂不念言我不從彼下性之人聽受經法。三者。不念醜陋。謂不念言我不從此醜陋之人聽受經法。四者。不念褻味。謂不念言我不從彼不正語人聽受經法。但依於義。不依於味。五者。不念壞美。謂不念言我不從彼惡言說人聽受經法。如是五處不憶念者。是菩薩動攝正法於說法人不起嫌想。若下根菩薩起人過心。退不樂聽法。當知是菩薩不能自度。智慧退減。解曰。智慧退減。不聽之失。也能至心聽。則如沙彌戲謔。堪證四果。況實說正法耶。

理解者。不歷法觀心。即是不往聽法。

懺悔者。事不往作法理。不往無生。

修證者。事往。應如常隨善財。理往。如石室觀空。又

菩薩成就遊戲神通。能徧至十方聽法。成就念不

退法。能念念永不離法。

性惡者。不應以法更聽於法。

○第八心背大乘戒

若佛子。心背大乘。常住經律。言非佛說。而受持二乘。聲聞外道。惡見一切。禁戒邪見。經律者。犯輕垢罪。心背者。明非口說。言非佛說者。意言分別計度。受持者。攝欲受持也。

此具性遮二業。計二乘。惟遮業。計外道。兼性業。以是邪見故也。直制猶豫未決。是中下二邪見之方。便以其計尚未成。故且結經。若計成。則失菩薩戒矣。

七衆同

大小不全。共小是本。習故非犯。計外得實。心畢竟心欲往。步步結應懺罪。聞外道說法。不入其心。悔還。尚許懺除。共住。若片語入心。奉行其法。乃至拔一髮等失。比丘戒成。重難現身。不復許入僧數。惟遮不開。

果報者。計外成邪。見墮三塗。計小障大善。提理解者。除一乘圓理。其餘皆名邪小。懺悔者。事作法理。皆須一心。無生。

修證者位不退人永不計外行不退人永不計小
念不退人永不背理

性惡者用外用小接外小機示同其計

○第九不看病戒

若佛子見一切疾病人常應供養如佛無異八福田
中看病福田是第一福田若父母師僧弟子病諸根
不具百種病若惱害供養令差而菩薩以瞋恨心不
看乃至僧坊城邑曠野山林道路中見病不救濟者
犯輕垢罪

八福田者一佛二聖人三和尚四阿闍梨五僧六
父七母八病人七是敬田病兼恭敬故名第一
此是遮業四緣成罪一有病二有病想三不看心
瞋恨是染汗犯懈怠非染汗犯四應看不看隨事
結罪不犯者若自病若無力若教有力隨順病者
若知彼人自有眷屬若彼有力自能經理若病數
數發若長病若修勝業不欲暫廢若聞鈍難悟難
受難持難緣中伴若先看他病如病病苦亦爾又
云見諸衆生有親屬難財物難以憐恨心不爲開

解除其憂惱是染汗犯若瞋情懈怠非染汗犯亦
應此戒兼攝

七衆同犯

大小不全共小乘惟師友同活共房及僧尼須看
此外不制大士弘誓衆物一切應看

開遮如不犯中說又復應知看病法則四分律云
有五法能看病人一知病人可食不可食可食難
與二不惡賤病人大小便吐唾三有慈悲心不爲
衣食四能經理湯藥乃至差若死五能爲病人說
法令歡喜根本律云不應令無智人爲看病者必
有他緣須自出外於不善解看病之人當可教示
勿令病者非理損害置水火食諸違持刀并墮塵
塗或陞高樹食所忌食皆應遮止律云若病人
貧無藥直者師主知識等應爲辦之或施主尋求
或用僧伽物或塔物或幡蓋等莊嚴之具依價賣
之以供藥直若後病差應償若無力者不還無罪
大師之子是父財故若看病差供供給病者除性
罪已餘皆應作

果報者不看失慈心。發失悲敬。二田自有痛苦。亦無人看。能看則成就第一福田。

理解者。衆生具有見思塵沙無明等病。不以四教法藥治之名不看病。

懺悔者。事不看作法理。不看無生自於四種無生善通達。已乃能以法藥療他。

修證者。生緣慈能看身病。法緣慈能看見思病。無緣慈能看無明病。

性惡者。常與捨心相應。名不看病。又復示現病行。○第十畜殺具戒。

若佛子。不得畜一切刀杖弓箭。才斧鬪戰之具。及惡網羅。殺生之器。一切不得畜。而菩薩乃至殺父母。尚不加報。況殺一切衆生。不得畜殺衆生具。若故畜者。犯輕垢罪。

牙者。長鎗。鬪者。所以鬪禽獸。足殺父母。尚不加報。舉重況輕。

此是性遮。二業殺之方便。且結輕指。隨害物時。更結殺罪。

七衆同犯鬪戰具。舊開國王王子。餘殺生器。道俗皆制。

大小共

開遮者。或勸人戒殺。若買若化其器。而藏舉之。殺

果報如殺戒中說。

理解者。前三教起行。皆是殺理之具。

懺悔者。畜事具作法。畜理具須一心無生。

修證者。初果以上。承捨事。器。圖住承捨理。器

性惡者。正以圖。頓止觀。爲究竟殺具。

如是十戒。應當學。敬心奉持。下六品中廣明。

此總結第一段十戒。懸指廣文也。

○第十一國使戒。

若佛子。不得爲利養惡心。故通國使。命軍陣。合會。與師相伐。殺無量衆生。而菩薩尚不得入軍中。往來。況故作國賊。若故作者。犯輕垢罪。

利養惡心。明非和合。息諍。因緣也。尚不得入軍中。往來者。軍中喧雜。非佛子所行之處。舉輕以況重。

也。國賊者。孟子云。今之所謂長。臣古之所謂民賊。是害義。與師相伐。必害於民。民爲國本。害民卽是害國也。

此是性遮二業。正制爲利養。故作此相害。因緣隨事。隨爾結經。若瞋怒。因緣自屬殺戒。若貪奪寶物。因緣自屬盜戒。

七衆同犯 大小俱制

開遮者。如隱家飛錫。止兵圖澄。占歸息難等。

果報者。交屬失。欺得上品。兩舌惡口。報殺戮取利。得上品殺盜報。

理解者。無明國。不可交通。煩惱軍往來得罪。

懺悔者。事使作法。理使無生。

修證者。初果以上。不爲事使。四教分證。不爲理使。

性惡者。或爲事使。卽如圖澄等。或爲理使。則方便。

破無明國。善巧摧煩惱軍。又於無明國裏。出入煩惱軍中。往來以度衆生。

○第十二販賣戒

若佛子。故販賣良人。奴婢六畜。市易棺材板木。盛死

之具。尙不應自作。況教人作。若故自作。教人作者。犯輕垢罪。

販賣良人。奴婢。則有眷屬分離之苦。販賣六畜。則爲殺害之緣。市易棺材板木。則必利人之死。教人作者。或爲我作。或令自作。皆得罪也。

此亦性遮二業。希利損物。乖於慈心。事事結罪。若偷販生口。賣畜令殺。呪人令死。以售棺材。則犯盜罪。殺罪。

七衆不全同。在家畜耕牛等。非犯然。據善生經。須先作淨施。然後受戒。否則得失意罪。

大小俱制

開遮者。賣畜放生。施棺給食。

果報者。眷屬分張。多病短命。

理解者。取果行。因名販賣。偏眞涅槃名死具。又不達性具之理。別圖積功累德。別求中道。皆名販賣。

懺悔者。事販作法。理販須一心無生。

修證者。初果以上。無事販。國人無理販。

性惡者。分隨無明眷屬。斷絕十二生。因盡法界衆。

生市以無縫棺材所謂皆以如來滅度而滅度之

○第十三誘毀戒

若佛子以惡心故無事誘他良人善人法師師僧國王貴人言犯七逆十重於父母兄弟六親中應生孝順心慈悲心而反更加於逆害墮不如意處者犯輕垢罪

惡心者瞋惱之心欲前人陷沒也無事者無見聞疑三根父母兄弟六親者大士親一切人皆如父母兄弟六親也

此是性遮二業六緣成罪一無罪二無罪想六句四犯二非犯三誘毀心正是業主四所說過七逆十重等五所向人向同法誘同法或向外人誘外人故輕若向外人誘同法自屬重戒中攝六前人領解隨語隨人結罪若說實非犯以惡心說亦犯輕垢

七衆同 大小共 惟遮不開

果報如妄言惡口中說

理解亦如重戒中說

懺悔者事誘作法運誘無生

修證者初果無不實誘三果無惡心說實國人無理誘

性惡者方便說此性惡法門謂佛是究竟大貪等

○第十四放火焚燒戒

若佛子以惡心故放火燒山林曠野四月乃至九月放火若燒他人家屋宅城邑僧坊田木及鬼神官物一切有生物不得放燒若放燒者犯輕垢罪

惡心者恣情任意不知慎重也四月至九月一往約多寒國土言之若少寒國土尤須審察時宜也燒他屋宅等者謂因不慎放火而誤及之若爲損他故燒自屬盜戒等流罪攝一切有生物不得放燒者放火非爲燒生有必傷生之勢故專制四月乃至九月遠防殺緣若爲殺放燒自屬殺戒中攝今結云若放燒者明非慎重而偶誤也

此是遮業四緣成罪一非時二非時想三不懷心四正放火燒

七衆同 大小共

開遮者在家爲耕種等業出家爲除妨害擇時慎燒無犯

果報者不慎則有誤殺之業

理解者放見思火燒具諦理智放無明火燒中道理智

懺悔者事燒作法見思燒四種無生無明燒須次第一心二種無生

修證者初果斷事燒四果斷見思燒佛斷無明燒性惡者放三智火燒盡法界三惑窟宅

○第十五條教戒

若佛子自佛弟子及外道惡人六親一切善知識應一一教受持大衆經律應教解義理使發菩提心十發趣心十長養心十金剛心於三心中一一解其次第法用而菩薩以惡心瞋心廣教二衆聲聞經律外道邪見論等犯輕垢罪

佛弟子單指內衆外道惡人單指外衆六親通內外衆一切善知識謂交遊往還素相親善者也應教解義理使發菩提心者深解義理始堪發心不

同直修暗煉也又解義不發心增長狂慧發心不解義增長無明教之使之令知真解真修也惡心者概欲令人入於偏邪瞋心者偏情比人不以正教廣者枉其根性不稱機宜明非應病與藥也教以外道性遮二衆教以二衆惟是遮衆惡心瞋心是染汙犯無知根智非染汙犯

七衆同

大小不全共同者同不得教以外道要者小衆本舊小非犯

開遮者用隨情說逗彼機宜乃至示同外道等

果報者以外教得邪見報以小教障大菩提以大衆教自他俱利

理解者除一乘妙法皆名邪小故曰自此以前我等皆名邪見人也

懺悔者教事邪小作法教理邪小須一心無生悟一心無生法已爲實施權開權顯實以正入邪引邪歸正無所不可

修證者初果無邪教出假無小教圓人無理內邪

小

性惡者。備用一切邪小法門。攝一切機。又究竟邪小。卽究竟一乘。

○第十六爲利倒說戒

若佛子。應好心先學大乘威儀經律。廣開解義。味見後新學菩薩。有從百里千里來求大乘經律。應如法爲說一切苦行。若燒身燒臂燒指。若不燒身。臂指供養諸佛。非出家菩薩。乃至餓虎狼師子。一切餓鬼。悉應捨身肉手足而供養之。然後一一次第爲說正法。使心開意解。而菩薩爲利養。故應答不答。倒說經律文字。無前後。後三寶說者。犯輕垢罪。

好心者。上求下化之心。先學者。自利利他之本。威儀者。化導之軌範。經律者。進修之門戶。廣開解義。味者。致廣大而盡精微。明非淺近粗疎而已。燒身臂指。供養諸佛。與衆生同悲仰。而上求佛道之極致也。捨身肉手足。供餓鬼虎狼等。與如來同慈力。而下化衆生之極致也。先爲說此如法苦行。以大其心志。堅其誓願。然後一一次第爲說正法。謂隨

問而說。不煩倒說。不邪謬說。故能使其心開意解。此誠先學菩薩之職任也。應答不答。則不一一說。倒說。則不次第。訪三寶。則非正法。又倒說。卽名爲謗。所謂說法不當。機所說爲非量也。

此是遮業。不先學。是一過。不正說。又一過。爲利是染汙。犯無知。機智非染汙。犯七衆同。

七衆同。

大小共小乘。依小法教人。亦不得隱沒義理。開遮者。知機故不說。或爲斷邪命。而誦苦行。破惡執。而談運行。

果報者。爲利則邪命所攝。倒說。則謗法等流。理解者。不知四悉檀。因緣皆名倒說。

懺悔者。事倒作法。理倒無生。

修證者。初果無爲利心。出假具知根智。圓觀曉了四悉。

性惡者。一切法倒。一切法正。以正相入。倒相以倒相入。正相。

○第十七持勢乞求戒

若佛子。自爲飲食錢財利養名譽。故親近國王王子大臣百官。特作形勢乞索。打拍牽挽。橫取錢物。一切求利名爲。惡求多求。教他人求。都無慈心。無孝順心。者。輕犯垢罪。

自爲者。明非爲三寶等。爲飲食乃至名譽。明非爲道也。惡求者。威逼故。非善多求者。無厭故。非少教他者。教人爲我求。如違便作書之類。

此具性通二乘盜戒之等流也。或將本覓利。或爲害強化。皆屬此戒。若非分發奪自。屬盜戒。又戒本經云。多欲知足。食善財物。是染汙犯。亦此戒攝。七衆同犯。大小俱制。

開遮者。爲三寶爲病人。爲衆生。如法營求。非犯。果報者。乞求則妨道。惜他不乞。則正命清淨。自他俱利。

理解者。二乘橫取。眞藏通善。薩橫取。俗別教。橫取中。

懺悔者。事取作法。理取一心。無生。

修證者。初果斷事。取圓觀伏理。取圓住。斷理取。

性惡者。橫於九界。逼取佛界善根。橫於二十五有。逼取眞常我性。

○第十八無解作師戒

若佛子。應學十二部經。誦戒者。日日六時持菩薩戒。解其義。理佛性之性。而菩薩不解一句一偈。及戒律因緣。詐言能解者。卽爲自欺誑。亦欺誑他人。一不解一切法。不知而爲他人作師。授戒者。犯輕垢罪。

大士以傳法度生爲正務。故應學十二部經。以爲度生之本。而戒經尤大士之根本。故應日日六時誦持。令其精熟。然不但誦文而已。又必解其義。理佛性之性。謂先悟本源。自性清淨。爲無作戒。所依體性。卽依此無作戒。還爲成佛種子。是知自性清淨者。正因佛性也。菩薩戒者。緣了佛性。也。全一性以起二修。全二修而成一性。故名佛性之性。謂云諸佛本源。佛性種子。也不解一句等。舉輕況重。蓋凡夫淺智。雖能法法全通。但知之爲知。之不知爲不知。斯無過咎。設但不解一句一偈。及戒律少分。因緣而不肯開。誑詐言能解。卽爲內染已心。而自

欺外誤前人而誑他。何況一一戒律皆不解一切佛法。皆不知則自且從師求學之不暇。豈可爲他人作師授戒哉。

此是遮業受戒不學是一過。妄欲作師又一過。隨事結罪。

七衆者。舊云比丘比丘尼犯餘五衆無作師事。未制今按。善生經中在家菩薩亦得爲在家弟子。似亦同制。然在家雖畜弟子無授戒事故云不犯耳。大小乘俱制。義疏曰。大乘爲師必是出家菩薩。具足五德。一持戒二十臘。三解律藏。四通解思。五慧藏。窮玄什師所傳。融師筆受流傳至今。此其正說。大地持云。必須戒德嚴明。善解三藏。堪能發彼敬心。方可從受。不爾得罪也。四分律曰。五法不成。就不得授人具足戒。不得與人作依止。師不得畜沙彌。一戒二定三慧四解脫五解脫知見。又不能教人堅住此五。又成就五非法不得授人具足戒。與依止畜沙彌一無信二無慚三無愧四懶惰五多忘。又五破增上戒。破增上見。破增上威儀。少聞無

智慧。又五不瞻視。病不方便住。處不能破。疑不教捨。惡見滅。十歲又五不知犯不犯。若輕若重。滅十歲又五不知教授弟子。增上威儀。增上淨行。增上波羅提木叉。白羯磨。又五不知增戒增心。增智慧。不知白不知羯磨。一一反上者。得與人授具足戒。得與依止。得畜沙彌。僧祇律曰。十法成就。聽度人出家受具。一持戒二多聞阿毗曇三多聞毗尼四學戒五學定六學慧。七能出罪。能使人出罪。八能看病。能使人看病。九弟子有難。能送脫難。能使人送。十滿十歲。是名十事。聽度人出家受具。足下至滿十歲。知二部律。亦得受依止者。亦爾。薩婆多律攝曰。滿足十夏。方住師位。復須成就五法。一知有犯二知無犯三知輕四知重。五於別解脫經廣能開解。於諸學處。則結隨開。若遇難緣。善知通塞。常誦戒本。能決他疑。戒見多聞。自他俱利。威儀行法。無有虧犯。具如是德。名親教師。孫其親能教出離法。故若雖近。關於諸學處。不識重輕。設六十夏。仍須伏託明德。依止而住。若師小者。惟除禮足自餘。



威作此即名為老小慈弱不得與他出家及受近
 圍也。智旭曰：傳法度生乃名報佛恩德。此戒不是
 禁人作師，只是責人無解耳。堪嘆末世，顛倒多端，
 或駕言度生，謬為師範，不解而詐稱能解，門庭高
 設，我相熾然，或懶學律法，退不為師，或宗教自負，
 藐視律門，豈我慢幢則訶毀戒學，食收徒衆，則仍
 授戒名，昧心厚顏，莫此為甚。又或謬謂大乘融通，
 不須小律，詎知小不兼大，大必兼小。如河不納海，
 海必納河，皆不大小並學。那名菩薩比丘，故今略
 引聲聞師德，用裨大士，方規觀者，幸勿厭其繁瑣。
 開遮者，為白衣授終身五戒及六齋日授八戒法。
 皆悉無犯，然亦須知五戒八戒義趣，又八戒法若
 無比丘比丘尼則式又摩那沙彌沙彌尼亦得授之。
 之五戒法設無出家五衆則在家二衆亦得授之。
 果報者，佛藏經云：身未證法而在高座，身自不知
 而教人者，法墮地獄。

理解者未真見諦總名無解

懺悔者無教門解須作法并濟學無入理解須無

生

修證者觀行相似位人有教門正解分證位人有
 入理真解

性惡者一切法本不可解忘情絕解乃為法界之
 師

○第十九兩舌戒

若佛子以惡心故見持戒比丘手捉香爐行菩薩行
 而闕遺兩頭謗欺賢人無惡不造者犯輕垢罪

惡心者瞋彼前人欲令闕諍或嫉彼賢善欲為妨
 惱也手捉香爐聊舉善行之一事闕遺兩頭謂交
 扇令造諍端此雖說實猶犯況謗欺耶

此具性遮。案六緣成罪一衆生二衆生想應以
 持戒不持戒六句分別二稍重四稍輕也三兩舌
 心正是業主四說過無論實與不實五所向人若
 向無戒人自屬重戒若泛向同法非彼親友自屬
 第十三謗毀戒今正闕以違為念的向彼之親厚
 故實與不實皆犯若欲向此人誤向彼人結方便
 罪六前人領解語語結罪

七衆同 大小共

開遮者。菩薩戒本云。又如菩薩見諸有情爲惡友。朋之所攝受。親愛不捨。菩薩見已起憐愍心。發生利益安樂意。樂隨力隨。能說離間語。令離惡友。捨相親愛。勿令當受長夜無義無利。如是以饒益心。說離間語。乖離他愛。無所違犯。生多功德。

果報如第六重戒中說。

理解者。說有說無爲兩舌。說眞說俗爲兩舌。說邊說中爲兩舌。

懺悔者。事中兩舌。須作法有無兩舌。四無生眞俗。

兩舌。後二無生邊中兩舌。惟用一心無生。

修證者。初果無事。兩舌聞人無理。兩舌。

性惡者。隨情隨智爲兩舌。一切實一切不實等亦。

是兩舌。

○第二十不行放救戒

若佛子。以慈心故。行放生業。一切男子是我父。一切女人是我母。我生生無不從之受生。故六道衆生。皆是我父母。而殺而食者。即殺我父母。亦殺我故身。一。

切地水是我先身一切火風是我本體。故常行放生。

生生受生。常住之法。教人放生。若見世人殺畜生時。

應方便救護。解其苦難。當教化講說菩薩戒。救度衆。

生。若父母兄弟死亡之日。應請法師講菩薩戒經。律。

網。資亡者得見諸佛。生人天上。若不爾者。犯輕垢罪。

以慈心故。總修三種慈心也。一生緣慈。即觀六道。

皆我父母。二法緣慈。即觀地水火風是我身體。三。

無緣慈。即於生生受生之中。而悟不生不滅常住。

之法。教人放生者。以此三慈開示於人。救護則解。

其現在苦難。教化講說。則拔其未來苦。因令不受。

未來苦難。又救是拔苦度是與樂也。得見諸佛。生。

人天上者。見佛聞法。恆於人天類中。修道永離畜。

生難處。方名究竟放救也。

此是遮禁四緣成罪。一苦衆生。二苦衆生。想三無。

慈心。若欲救而力不逮者。至心爲稱佛名。或爲說。

法。以作救難命之緣。因不犯四坐視不救。隨事結。

罪。不救身命是一過。不救慧命又一過。

七衆同犯

大小不全。其小乘不救。眷屬有罪。餘非所制。大士弘慈。一切悉救。

惟遮不開

果報者。不救則失三慈法。利救則成。就三慈法門。理解者。見外凡殺。豈諦一乘。殺俗諦權教。殺中諦而不放。救。

懺悔者。不救事殺。須作法。不救理殺。須無生。

修證者。慈心三昧。成常行。事理二救。

性惡者。或不救事殺。如古人謂。諸子云。正兩脚時。不掙。今既四脚。掙向何處。或不救理殺。殺盡安居。自作教他事。惟不救。又從而助之。

如是十戒。應當學。敬心奉持。如滅罪品中。廣明一一戒。

此總結第二段十戒。亦懸指廣文也。

佛說梵網經菩薩心地品合註卷第五

佛說梵網經菩薩心地品合註卷第六

姚秦 三藏法師 鳩摩羅什 譯

菩薩沙彌古吳 智旭 註

菩薩比丘溫陵 道昉 訂

○第二十一噴打報讐戒

若佛子。不得以瞋報。瞋以打報。打若殺父母兄弟六親。不得加報。若國主為他人殺者。亦不得加報。殺生報生。不順孝道。尚不畜奴婢。打拍罵辱。日日起三聚口罪。無量。況故作七逆之罪。而出家菩薩。無慈心報讐。乃至六親中。故報者。犯輕垢罪。

不順孝道者。被他殺害。必有夙因。快意報讐。重增未來怨結。非所以愛死者也。尚不畜奴婢者。舉輕況重。然出家人。總不得畜在家得畜。但不應非理打罵耳。七逆罪者。如孟柯云。殺人之父。人亦殺其父。殺人之兄。人亦殺其兄。去自殺。惟是一問。今我為父親讐。彼復結讐於我。父又種將來害父之因。故報讐即可名七逆也。結云。出家菩薩者。意願在家菩薩。猶得兼用王法。以直報怨。出家斷不可矣。

此是性過二業既傷慈忍復結來怨故也。五緣成罪。一是警二警想有六句。初二句輕誦警作警想。警疑而行。或報二句稍重。謂非警而作警想。警疑二句更重。謂非警非警想。警非警想而行。或打即第九重戒攝也。三有報復心。四行報事。五前人價納。謂受其打罵。結輕若害命。結歸第一殺戒。在家菩薩以直報怨。憑斷事宜。依律決判。無有私情。若打若殺皆不犯。或私行報復。或賄賂求託官府。過分治罰。一一刑辱。結輕害命。結重又戒本經云。若菩薩於他起憍慢心。執持不捨。是染汙犯。亦可此戒兼制。又菩薩怨不宜報。恩則宜報。故戒本經云。受他恩惠。以憍慢心。不以若等若增。酬答彼者。是染汙犯。若嫌情懈怠。非染汙犯。不犯者。若作方便而無力。若以方便令彼調伏。若欲報恩而彼不受。七衆同犯。大小俱制。惟遮不開。果報者。報則相警相害。更無休息。不報則解怨釋結。永無對。理解者。見恩塵沙無明爲。警以空假中觀破之。爲

或報若了達煩惱即菩提。則無瞋報亦名以直報。

懺悔者。事報作法。理報一心。無生。

修證者。初果無事。報圓住。無理報。

性惡者。破煩惱。怨殺無明賊。

○第二十二懺慢不請法戒。

若佛子。初始出家。未有所解。而自恃聰明。有智。或恃高貴。年宿。或恃大姓。高門。大解。大福。大富。饒財。七寶。以此憍慢。而不諮受。先學法師。經律。其法師者。或小姓。年少。卑門。貧窮。下賤。諸根不具。而實有德。一切經律。盡解。而新學菩薩。不得觀法師。種姓。而不來諮受。法師第一義諦者。犯輕垢罪。

初始出家者。明其染法未深。未有所解者。無佛法。中正解。既染法未深。未開正解。則更不宜憍慢。而惟其染法未深。未開正解。往往易生憍慢。也。自恃凡有七事。一特世間總智。二特位高。三特年尊。四特門族。五特大解。六特大福。七特富財。其法師者。小姓。則非大姓。年少。則非年宿。卑門。則非高門。貧。

窮則非富。財下賤則非有位。諸根不具則非聰明。

大解而實有德是有真修。經律盡解是有正解。解行俱美何得更論種姓。今不來諮受其過何如。

此是性遮二業。慢如高山。法水不住。失傳化之益。乖參學之方。四緣成罪。一法師二法師想六句二重。二輕二無犯三憍慢心。正是業主與前第六瞋患爲異。四不諮受隨所應諮不諮結罪。又戒本經云。輕說法者不生恭敬。嗤笑毀謗。但善文字不依實義。是染汙犯。亦此戒兼制。

七衆同。

大小不全共小乘於應請者而憍慢不請則犯餘。惟不得憍慢不制悉謂大乘求法爲務。一切應請。一切不應憍慢。

惟遮不開。

果報若憍慢則失正法。種種愚陋劣重法則智慧。開明菩提增長。

理解者一切諸法中悉有安樂性。不善用觀橫於其中。取一捨一就所捨處不能於中如實觀其法。

性名憍慢不諱。

懺悔者事憍作法理憍一心無生。修證者初果無事憍。圖住無理憍。

性惡者天上天下惟吾獨尊。不見世間諸天及人。堪受如來迎接禮拜者。假使佛爲起迎。令彼即時頭破七分。

○第二十三憍慢斷說戒

若佛子。佛滅度後。欲以好心受菩薩戒時。於佛菩薩形像前自誓受戒。當以七日佛前懺悔得見好相。便得戒。若不得好相應二七三七乃至一年。要得好相。得好相已。便得佛菩薩形像前受戒。若不得好相。雖佛像前受戒。不名得戒。若先受菩薩戒。法師前受戒時。不須要見好相。何以故。是法師師師相授。故不須好相。是以法師前受戒時。即得戒。以生至重心。故便得戒。若千里內無能授戒師。得佛菩薩形像前自誓受戒。而要見好相。若法師自倚解經律大乘學戒。與國王太子百官以爲善友。而新學菩薩來問若經義律義。輕心惡心慢心。不一一好答問者。犯輕垢罪。

師師相授不須好相者以其展轉傳來即是如來嫡胤亦是法身常住故律藏云持律之人是人補佛處也生至重心者謂視師如佛也不得好相不得戒明自誓受戒如此之難生至重心便乃得戒明從師受戒亦復不易既受得已請問先達先達豈可忽之而不好答乎輕心者忽彼來人惡心者怪怪嫉妬慢心者自恃福慧也

此亦性遮二乘乖接引教訓之道四緣成罪一求法人二求法想三憍慢心四僻說出口語結罪七衆同犯皆得說法故

大小乘共小乘亦不許僻說故惟遮不開

果報者恪法則惡癡憍慢則陋劣不恪不憍則功德智慧以自莊嚴

理解者有修有證皆名憍慢不知四悉因緣皆名僻說

懺悔者事慢僻作法理慢僻一心無生

修證者初果斷事中慢僻圓住斷理中慢僻

性惡者我爲法王於法自在隨智隨情種種僻說
○第二十四不習佛戒

若佛子有佛經律大乘法正見正性正法身而不能勤學修習而捨七寶反學邪見二乘外道俗典阿毘曇雜論一切書記是斷佛性障道因緣非行菩薩道者若故作者犯輕垢罪

經律大乘法者通指菩薩藏也正見者萬行之解正性者正因之性正法身者正果之性邪見者指下文諸法二乘墮於偏空外道執其離計俗典僅談世務阿毘曇即二乘論釋論即外道論一切書記即俗典世論也斷佛性者二乘焦菩提之芽外道制正覺之種障道因緣者內惑正解之因外亂正修之緣也

一向習小惟是遮業非染汙犯一向習外性遮二乘是染汙犯不犯者若上聰明能速受學若久學不忘若思惟知義若於佛法具足觀察得不動智若於日常以二分受學佛經一分外典又菩薩比丘比丘尼不學聲聞毗尼亦犯輕垢故戒本經

云若菩薩於如來波羅提木叉中毗尼建立違罪。護衆生故。令不信者信。信者增廣。同聲聞學。何以故。聲聞自度。乃至不離護他。何況菩薩第一義度。又復遮罪住。少利少作。少方便者。菩薩不同學此。戒謂一者。從非親乞衣。二者。受自恣與三者。多受鉢。四者。自乞。總令織五者。臥具。坐具。六者。金銀。惟此六戒。聲聞遮其自爲。菩薩開其爲他。則其餘二百四十四戒。皆須同學。明矣。設不學。不持。則既犯比丘戒。亦犯菩薩戒。歌罪比聲聞加一等。以是菩薩比丘不同菩薩沙彌等故。卽菩薩沙彌亦須同學十戒。并威儀法。以非菩薩優婆塞故。若不學。不持。比聲聞沙彌亦加一罪。蓋七衆受此菩薩戒時。卽舉五戒十戒六重六隨二百五十戒等一切轉爲無盡戒。隨皆爲菩薩之所應學。故經文但云學二衆阿毗曇者。犯罪不言學毗尼者。犯罪以毗尼乃大小通途。顯不單屬二衆故也。

七衆同制。各有所急。比正先習此經及二部律。尼先此經及尼具戒式。又先習此經及二六法沙彌。

男女先習比經及十戒威儀。在家先習比經及優婆塞戒。餘力方許徧習。

大小不全。共同者。同以本法爲急。亦同不得習外異者。大不學毗尼。犯小不學比經。非犯。

開遮者。示同邪小。以誘接之。

果報者。一向習小。障菩提。習外。墮愛見。

理解懺悔。修證。同第八戒。

性惡者。邪小。究竟卽大。

○第二十五不善知衆戒。

若佛子。佛滅度後。爲說法主。爲行法主。爲僧坊主。教化主。坐禪主。行來主。應生慈心。善和。調靜。善守三寶。物。莫無度用。如自己。有而反亂衆。調靜。慈心。用三寶物者。犯輕垢罪。

說法主。卽今法師。行法主。主清規者。亦可律師。僧坊主。知安居。房舍等事。卽今直院。教化主。勸人作福業者。坐禪主。知習禪事。如僧堂。首座之類。行來主。知乍到客情事者。今名知賓。慈心者。和靜守物。能與一切人樂也。

此是遮業不善滅諍隨事結過不善守物隨用結過若三寶互用自屬盜戒若發起諍事則得性罪比丘比丘尼全犯餘五衆未知僧事不犯設充職事亦犯

大小俱制 惟遮不開

果報者不善滅諍得破僧方便罪不善守物招貧窮困苦報善和善守則統理大眾一切無礙

觀解者不能和融事理不知善守法財

懺悔者不善知事作法不善知觀無生

修證者無疑解脫能和事諍能守事財圓初住能

和理諍能守理財

性惡者與般若杖與一切法戰是名亂衆闕諍

等賜諸子白牛大車是恣用三寶物

○第二十六獨受利養戒

若佛子先在僧坊中住後見客菩薩比丘來入僧坊舍宅城邑若國王宅舍中乃至夏坐安居處及大會中先住僧應迎來送去飲食供養房舍臥具繡牀木牀事事給與若無物應賣自身及男女身割自身肉

賣供給所須悉以與之若有檀越來請衆僧客僧有利養分僧坊主應次第差客僧受請而先住僧獨受請而不差客僧者僧坊主得無量罪畜生無異非沙門非釋種姓犯輕垢罪

菩薩謂大士衆比丘謂聲聞衆皆應有利養分也國王宅舍謂王所造立安僧宅舍也應賣自身等者舉重況輕謂賣身割肉尚應供給況本皆有分之和養耶

此具性遮二業以僧次請僧時凡在界內者皆應有利養分而今不差客僧乖施主心貪利獨受是盜戒之等流也四緣成罪一有客謂應得利養分者來在界內二有客想六句二重二輕二無犯三獨受心正是業主四差竟據義疏云若知僧次的主彼人而不差者且犯輕垢以臨差時界外或更有來者尚未專有分故若差竟而別與餘人餘人自知未應受請而受得施主家食銀五錢入手與差者同結重罪畜生無異又客來不與僧中物分不起迎接亦此戒兼制同犯輕垢

比丘比丘尼全犯餘五衆未知僧事不犯或有時受差分食若偏厚偏薄偏有偏無皆犯輕垢。善生經云僧中付食若偏爲師選擇美好過分與者是優婆塞得失意罪。

大小乘俱制 惟遮不開

果報如慈悲道場懺法廣明

理解者不以大乘法普化一切名獨受利養

懺悔者獨受事養有二若但犯方便輕垢須作法

懺若已得五錢入手結重失菩薩戒須取相懺獨

受利養須一心無生懺

修證者初果不獨受事利圍住不獨受利

性惡者盡十方是箇自己安有第二人同受供養

○第二十七受則請戒

若佛子一切不得受別請利養入已而此利養屬十

方僧而別受請即是取十方僧物入已及入福田中

諸佛聖人一一師僧父母病人物自己用故犯輕垢

罪

即是取十方僧物入已等者以施主修福法應普

偏平等一切利施本通十方僧衆緣汝別受令彼十方不得利養違有奪取十方之義又八福田並有應得僧次利養之義如佛或應迦爲僧餘可知也。

此是遮業令施主失平等心十方僧失常利施故制三緣成罪一是別請若有僧次一人同受不犯二則請想六句二重二輕二無犯又或請受戒說法或知此人非我則不營功德皆無犯三受竟結罪。

出家五衆同犯在家無受利養事善生經云若優婆塞受招提僧臥具牀座得失意罪亦應此戒衆

大小不同制小乘遮別衆食若四人中有一人是僧次者不犯不遮別受請

開遮者戒本經云檀越來請若至自舍若至寺內若至餘家若施衣食種種衆具菩薩以瞋慢心不受不往是染汙犯不犯者若病若無力若狂若遠處若道路恐怖難若知不受令彼闕伏若先受請

若修善法不欲暫廢爲欲得爾未曾有法饒益之義及決定論若知請者爲欺憒故若護多人嫌恨心故若護僧制解曰此乃率衆受供非別受也又云有檀越以金銀眞珠摩尼琉璃種種寶物奉施菩薩若瞋慢心違逆不受是染汙犯捨衆生故續情懈怠非染汙犯不犯者若知受已必生貪著或施主生悔或施主生惡或施主發惱若知是三寶物是劫盜物若知受已多得若憒所謂殺縛誑奪財訶責解曰此則受以爲衆非自享也果報者既遠有奪取十方之義亦是盜戒等流親解者受入空請是別於俗諦受出假請是別於真諦受但中請是別於二諦

懺悔者受事則請作法受理則請一心無生

修證者別初住圓初信不受事別請別初地圓初住不受理別請

性惡者法界妙供念念自受人飲水冷煖自知誰能共之

○第二十八別請僧戒

若佛子有出家菩薩在家菩薩及一切檀越請僧福田求願之時應入僧坊問知事人今欲請僧求願知事報言次第請者即得十方賢聖僧而世人別請五百羅漢菩薩僧不如僧次一凡夫僧若別請僧者是外道法七佛無別請法不順孝道若故別請僧者犯輕垢罪

次第請即得十方賢聖僧者以凡聖難測不應妄生分別故七佛者一毗婆尸佛或云維衛此翻勝觀二尸棄佛或云式棄此翻爲火三毗舍浮佛或云毗舍婆或云隨比或云隨棄此翻偏一切自在此三世尊皆在過去莊嚴劫出世四拘留孫佛或云拘樓秦此翻所應斷五拘那含牟尼佛此翻金寂或翻金仙六迦葉佛此翻飲光七釋迦牟尼佛或云釋迦文此翻能仁寂默亦翻能偏此四如來皆於賢劫出世經中處處每引七佛證義以其直在此土又近在百小劫內長壽天皆曾見也不順孝道者不遵佛訓輕慢衆僧此是遮業分別是田非田其心狹劣不順平等法

門故也。據聲聞律若僧次中請得一人餘別指名
請求非犯此或應同若一概於僧次請彌善

七衆同 大小共

開遮者如親師取友則善須簡擇如欲說法授戒
化導衆人擇其才德俱優者謂之非犯

果報者別請則違平等無相法門失廣大圓滿福
德不則請則一涵投海願同海體

理解者知對待妙不知絕待妙輕藏通別教之法
而別尚圓教是別請義

懺悔者事別請作法理別請須以一心融四無生
修證者初果無事別請圓信無理別請

性惡者於十法界中別令各得佛界之利

○第二十九邪命戒

若佛子以惡心故爲利養販賣男女色自手作食自
磨自舂占相男女解夢吉凶是男是女呪術工巧闕
魔方法和合百種毒藥千種毒藥蛇毒生金銀毒蟲
毒都無慈愍心無孝順心若故作者犯輕垢罪

惡心者明非見機益物之心爲利養共列七事一

販色二作食三占相解夢四呪術五工巧六調鷹
七毒藥

此是性遮二案然惟販色毒藥二事兼有性罪餘
俱違罪又今時養鷹多爲捕獵此亦性罪或鷹損
害衆生戒攝也毒藥且就和合時結經若害物時
隨結殺罪調鷹亦爾又出家人四邪五邪八微皆
此戒兼制四邪者一仰口食謂仰觀星宿推步盈
虛等二下口食謂種植田園等三方口食謂下屬
四方交結權貴等四維口食謂醫卜雜伎種種養
生等五邪者一現奇特相二自說功德三卜相吉
凶爲人說法四高聲現威令人敬畏五說得供養
以動人心八微者一田宅園林二種植生三種三貯
積穀帛四畜養人僕五養繫禽獸六錢寶貨物七
莊園並錢八衆金飾牀及諸重物

出家五衆全犯在家除販色調鷹毒藥三種其餘
如法自活不犯又善生經云若優婆塞須田作者
不求淨水及陸種處得失意罪亦可攝屬此戒淨
水者謂無蟲水陸種者陸生穀麥等不須用水致

傷蟲也

大小俱制

開遮者。出家人或偶用占相呪術。工巧。羅織。誘物。令入佛道。非希利心。亦復無犯呪術。是治病救難。所用。故大小兩乘亦通有之。

果報者。繇門警訓云。今時講學。專務利名。不恥五。邪多。竊入穢。但隨浮俗。豈念聖言。自下墮場。經多。夏臘。至於淨法。一未霑身。寧知日用所資。無非穢。物箱篋所積。皆是犯財慢法。欺心自貽伊戚。學律。者知而故犯。餘宗者固不足言。誰知報逐心成。豈。信果繇因結。現見袈裟離體。當來鐵葉。解身。為人。則生處貧窮。衣裳垢穢。為畜則墮於不淨。毛羽腥。臊。況大小兩乘。通明淨法。倘懷深信。豈憚奉行。理解者不知性具。而取果行。因積功累德。名為販。賣。不達無作道滅。名為作食。不證自心現量。名為。占相。不知開權顯實。名為呪術。未達無功用道。名為。工巧。有所取。獲名為調。屬偏真偏俗。恒中法門。名為毒藥。

懺悔者。事邪作法。理邪一心無生。

修證者。初果無事。邪圓住無理邪。

性惡者。如維摩經中三摩受食。是為究竟邪命。又。

置毒乳中等。

○第三十經理白衣戒

若佛子。以惡心。故自身。誘三寶。詐現親附。口便說空。行在有中。經理白衣。為白衣。通致男女。交會。淫色。作。諸。縛著於六齋日。年三長齋月。作殺生。劫盜。破齋。犯。戒者。犯輕垢罪。

六齋日者。每月六日。謂初八。十四。十五。二十二。二十九。三十。若遇月小。則二十八。二十九。也。此六日。者。初八。二十三。四天王使者。巡行世間。簡察善惡。十四。二十九。四天王太子。巡視世間。十五。二十四。天王。躬行世間。若見修善者。多則諸天。歡喜。保護。國界。若見修惡者。少則諸天。愁憂。不樂。國界。多災。故佛制在家男女。不論但三歸者。受五戒者。受菩薩戒者。遇此六日。悉應於一晝夜。受持八戒。齋法。以不非時食。正名為齋。以不殺等八戒。共助成之。

故名八關戒齋。謂以八戒及齋。關閉情欲。作出世正因也。八戒者。一不殺。二不盜。三不淫。無論邪正。悉斷。四不妄語。五不飲酒。六不著香華鬘。不香塗。身七不歌舞倡伎。不往觀聽。八不坐高廣大牀也。年三長齋月。者。毗沙門天王分鎮四洲。正月五月九月鎮此南洲。故佛制在家男女。盡此一月受持齋法如上也。此戒舊名不敬好時。義疏云。三齋六齋。並是鬼神得力之日。此日宜修善福。過餘日而今於好時虧慢。更犯隨所犯事。隨篇結罪。此時此日不應不知加一戒。一云七衆俱制。皆應敬時。二云但制在家年三月六本。爲在家出家盡壽持齋。不論時節。文今觀經文。語勢却似從出家人邊結過。故易科爲經理白衣大意。謂出家人法宜誘誨。白衣令得解脫。令持齋戒。而反說空行。有爲其經理。乃至於六齋三齋好時。不能使其作福修善。反令作殺盜等事。豈非以身謗三寶乎。

此是遮禁。但從經理白衣結罪。所云發生劫盜破齋犯戒。自是俗人之事。非出家人教其爲之。但既

有通致男女等事。未免爲殺盜等。而作違緣。故推極於此。而顯其不應耳。若實教其殺生劫盜。兼得性業。自屬殺盜戒攝。

出家五衆。全犯一切時中。不得經理白衣也。在家二衆。已受菩薩戒。不敬好時。亦犯。若生經云。若優婆塞一月之中。不能六日受持八戒。供養三寶。得失意罪也。餘時如俗法嫁娶等。不制若殺生劫盜破齋犯戒。自隨事別結。

大小俱制

惟遮不開

果報者。經理白衣亦屬邪命。如前說。又不敬好時。則諸夫愁憂。能招災異。敬好時。則諸天歡喜。護國降祥。

觀解者。於真諦外。別緣俗諦。名經理白衣。不知人命在呼吸間。名不敬好時。又不知十世古今。不離當念介爾一念。橫徧豎窮。名不敬好時。

懺悔者。事犯作法。理犯一心。無生修證者。初果無事。犯闕住無理犯。

性惡者同流九界名經理白衣坐斷三世名不教好時

如是十戒應當學教心奉持制戒品中廣明

此總結第三段十戒也

○第三十一不行救贖戒

佛言佛子佛滅度後於惡世中若見外道一切惡人劫賊賣佛菩薩父母形像及賣經律販賣比丘比丘尼亦賣發菩提心菩薩道人或爲官使與一切人作奴婢者而菩薩見是事已應生慈悲心方便救護處處教化取物贖佛菩薩形像及比丘比丘尼發心菩薩一切經律若不贖者犯輕垢罪

惡世者正士興慈運悲之時方便救護者盡其心力不得隱忍坐視也

此是遮染四緣成罪一應贖境謂尊像經律僧人等二應贖想六句二重二輕二無犯三無救贖心力不及者非犯四令彼衰辱隨事結過設力不及而漠不關心亦犯

七衆同

大小不全共小乘不贖父母得罪餘不見制大士弘護爲任一切應贖

惟遠不開或如法流通經典不犯

果報者不救則失於二利救則具足二贖

理解者不知性具名賣三寶方便開示令知性具名爲救贖

懺悔者事不救作法理不救須一心無生

修證者圓初信則初住通見地菩薩摩訶薩度菩薩皆能盡力行事救圓初住則初地皆能盡力行理

性惡者正欲以法界三寶攝管法界中人

○第三十二損害衆生戒

若佛子不得販賣刀杖弓箭毒輕秤小斗因官形勢取人財物害心繫縛破壞成功長養結怨諸狗若故養者犯輕垢罪

刀杖弓箭者損害之具輕秤小斗者欺誑之具短尺亦是其類又以重秤大斗長尺取入亦同此制然但約畜用故結輕耳若移換詐取令前人不覺



者自屬盜攝因官形勢者行於逼奪以威力傷惡結輕若取非其有亦是盜攝盜者損其肢體破壞成功者毀其成業猶能傷鼠類諸終歸殺已上諸事皆非慈心者所應爲也

此具性遮二業隨事結罪

七衆同犯善生經云若優婆塞爲於身命若作市易斗秤賣物一設價已不得前却捨賤賤賈斗秤量物任前平用如其不平應語令平若不如是得失意罪解曰在家倚爾況出家乎

大小俱制 推遮不開

果報是殺盜等流

理解者凡外損具二乘損俗藏通損中則損二諦懺悔者事損作法理損無生

修證者初果無事損亦不損具出假不損俗別向不損中別地國住不損二諦

性惡者損九界成佛界佛亦不立則具損十界

○第三十三邪業覺觀戒

若佛子以惡心故觀一切男女等鬪軍陣兵將劫賊

等鬪亦不得聽吹貝鼓角琴瑟箏笛鑼鼓歌呌鼓樂之聲不得博蒲團碁波羅塞戲彈碁六博拍毬擲石投壘牽道八道行城爪鏡著草楊枝鉢盂體體而作卜筮不得作盜賊使命一一不得作若故作者犯輕垢罪

惡心者明非見機益物直是邪思邪覺也其列五事一鬪諍二娛樂貝者磔也七弦爲琴二十五弦爲瑟箏者竹身十三弦篋篋者竹身二十四弦三雜戲博蒲即今博錢波羅塞戲即今象碁彈碁者漢宮人粧戲六博即今雙陸拍毬即今毬毬擲石投壘者古用石今用矢牽道八道行城者縱橫各八路以碁子行之西域戲也四卜筮爪鏡即鬪光法著草即是易卦楊枝印檀柳神鉢盂即掬水碗法觸體即耳報法五使命此五皆屬邪業盜賊使命性遮兩業餘惟遮罪隨事結經又戒本經云若菩薩憍情憍怠耽樂睡眠若非時不知量是染汙犯不犯者若病若無力若遠行疲極若爲斷彼故起欲方便攝受對治性利煩惱更數數起

亦可此戒兼攝

出家五衆全犯在家供養三寶得作妓樂出家不得自作亦聽使白衣作又投盡本於醴記書盡本於易書在家亦應無犯

大小俱制

開遮者或見機益物等又出家人欲決疑慮自有圖覺經拈取標記法占察經三輪相法及大灌頂經梵天神策百首可依用之

果報者觀則妨廢正道失二世利不觀則離諸掉悔定慧易生

觀解者除不思議妙觀皆名邪覺

懺悔者事邪作法理邪一心無生

修證者三果無事邪別地圓住無理邪

性惡者歷三性觀察偏覺一切邪業中實相

○第三十四智離菩提心戒

若佛子護持禁戒行住坐臥日夜六時讀誦是戒猶如金剛如帶持淨盡欲度大海如草繫比丘常生大乘善信自知我是未成之佛諸佛是已成之佛發善

提心念念不去心若起一念二乘外道心者犯輕垢罪

金剛者能壞一切不爲一切所壞淨盡者度海之具喻出大涅槃經草繫比丘者佛世有一比丘途中被賊劫奪衣物慮其鳴衆來追欲害命內有一賊知比丘法謂餘賊言不必殺之但以生草繫其手足彼戒不傷草木自弗動耳賊如言繫之比丘守戒寧死不移賊去已遠後有行路人來方解其繫今明大士護此菩提心戒亦應如聲聞之護律儀寧死莫犯也

起二乘心惟是遮業念念非染汙犯起外道心性遮二業念念是染汙犯

七衆同

大小不全共同不得起外道心二乘是其本智

開遮者若權入二乘外道爲化彼故

果報者一念二乘心亦障菩提一念外道心亦障

出世惟念念菩提心能離二種不退

理解者除一乘皆邪小如前說

悔亦如前說

修證者。圖初信。則初住。須見地。藏初果。永不起外道心。行不退位。永不起二乘心。則地。住。永不起理中邪小心。

性惡者。念念觀外道二乘境。即是不思議境。成就究竟外道。究竟二乘。

○第三十五不發願戒

若佛子。常應發一切願。孝順父母。師僧。願得好師。同學。善知識。常教我大乘經律。十發趣。十長養。十金剛。十地。使我開解。如法修行。堅持佛戒。事捨身。念念不去心。若一切菩薩。不發是願者。犯輕垢罪。

願者。緣心善境。希求勝事之謂。常應發者。所謂非是一發。惟應數發。令菩提心相續不斷也。一切願者。總指十願。一願孝順父母。師僧。二願得好師。三願得同學。勝友。四願教我大乘經律。五願解發。六願解長養。七願解金剛。八願解地。九願如法修行。十願堅持佛戒。盡心地法門。戒為其本。不持佛戒。何緣進趣。故結願持戒也。

此是遮業。若無大願。難就大果。應發不發。隨時結

七衆同

大小異小乘。若不願速出生死。希求人天後有。相續亦犯實心罪。

惟遮不開

果報者。不發則失決定勝益。相續而發。則能得佛滅罪。如發趣心中說。

理解者。未得行不退。容有間斷時。

懺悔者。數數發願。令菩提心不斷。即名為悔。

修證者。行不退。人不離大願。以自莊嚴。

性惡者。不著佛求。不著法求。不著僧求。不應法界更求法界。

○第三十六不發誓戒

若佛子。發是十大願。已持佛禁戒。作是誓言。寧以此身投熾然猛火。大坑刀山。終不毀犯三世諸佛經律。與一切女人。作不淨行。復作是願。寧以熱鐵。羅網。千重。周匝纏身。終不以此破戒之身。受於信心。檀越一

切衣服復作是願寧以此口吞熱鐵丸及大流猛火。經百千劫終不以此破戒之口食於信心檀越百味飲食。復作是願寧以此身臥大流猛火羅網熱鐵地上。終不以此破戒之身受於信心檀越百種牀座。復作是願寧以此身受三百矛刺身經一劫二劫終不以此破戒之身受於信心檀越百味醫藥。復作是願寧以此身投熱鐵鑊。經百千劫終不以此破戒之身受於信心檀越千種房舍屋宅園林田地。復作是願寧以鐵鎚打碎此身。從頭至足。令如微塵。終不以此破戒之身受於信心檀越恭敬禮拜。復作是願寧以百千熱鐵刀矛挑其兩目。終不以此破戒之心視他好色。復作是願寧以百千鐵錐刺耳根。經一劫二劫終不以此破戒之心聽好音聲。復作是願寧以百千刃刀割去其鼻。終不以此破戒之心貪嗅諸香。復作是願寧以百千刃刀割斷其舌。終不以此破戒之心食人百味淨食。復作是願寧以利斧斬破其身。終不以此破戒之心貪著好觸。復作是願願一切衆生悉得成佛。而菩薩若不發是願者。犯輕垢罪。

誓者必固之心。勇猛自矢。期於不退。願以導其前。誓以驅其後。又願以進德修善爲力。用誓以防非滅惡爲功能也。十大願者。指前戒中十願也。作誓有十三節。共爲五科。初一節爲欲染之誓。如律中云。猛火刀山。但傷一期身命。女人姪染。墮地獄中。受無量苦。兼傷法身慧命。故寧投刀火。不作非梵行也。夫男女居室。猶爲世間正法。尙儆此誓。況黃門男子。逆理亂常。又何必言有謂女色罪重男色罪輕者。誠爲惡見。大佛頂經云。先惡魔師與魔弟子。姪姪相傳。真地獄種子耳。又經云。劫初無男女。二相因食蠲穢。二相乃生。因有二相。展轉染愛。遂爲胎生之始。然初不聞有男姪也。滿至壽五百歲時。方有非法姪起。此姪一起。罪惡斯劇。願誠爲二百歲經此觀之。男色之罪。重於女色。明矣。故律及阿含之中。佛因野火熾然。爲諸比丘說此諸誓。其根熟者。願斷惡染。其未熟者。當戒佛不止之。誠不欲其壞法門也。乃至二果聖人見惑已斷。姪習現前。還俗娶妻。終不破戒。盡如法捨戒。將來尙

可出家倘根本一破則終非道品且何忍於聖賢
幢相之中而作此鄙穢哉此誓出家菩薩之所全
發在家菩薩惟於邪淫境發正淫非所斷也是故
今時出家菩薩大須自審倘此誓本輕或雖重而
善自調制便可安處僧會若煩惱習強不能自抑
快哉捨戒慎莫破戒以捨戒違俗則現在雖失此
丘沙彌之位倘爲菩薩優婆塞將來亦尙可爲沙
彌比丘倘一破戒體則菩薩戒比丘戒沙彌戒優
婆塞戒無不盡破乃至一日一夜八關齋戒皆悉
不任更受縱令菩薩戒法得有見相重受之科而
見相一事談何容易思之思之慎之慎之次五節
爲供養之誓信心檀越本爲供道人破戒受供
苦報必劇此乃誓不破戒非誓不受供也有謂信
施難消遂欲自營生業不思飲水踐土獨非國王
之供養乎既無救於破戒之罪又更犯邪命之愆
誠可悲乎次一節爲恭敬之誓此亦誓不破戒非
誓不受拜也有謂戒多虧遂乃低身答拜甚至
經天神敬白衣既無救於破戒之罪又更敗壞出

家儀式亦愚惑也次五節爲六根之誓約五根對
五塵皆以破戒之心爲主卽意根爲致也食人百
味淨食者前以破戒受人供養而言此以邪心貪
著滋味而言當知貪著滋味卽名破戒心也後一
節爲度生之誓

此是遮業爲防退心觸境不發隨事結過

出家五衆全犯在家無受供事但有六根度生之
誓

大小不全共同者同前四誓律及阿含皆廣明之
異者小乘不制第五度生誓也
惟遮不開

果報者不發則失決定不退之益隨發隨得堅固
進趣之益

理解者未證位不退前四誓或有間時未證行不

退第五誓或有間時

懺悔者數數發誓令正願不退卽名懺悔

修證者位不退人前四誓淨行不退人第五誓淨
性惡者不動法界何誓可發又誓染法喜妻誓披

忍辱衣。誓食禪悅法喜。食誓臥法空座。誓服四教藥。誓遊解脫園。誓受自性證。誓觀法界妙色。誓聽圓頓好音。誓嗅法身妙香。誓餐法食妙味。誓受人自在樂。誓令一切衆生得不般涅槃。解脫門。

○第三十七胃難遊行戒

若佛子。若應二時頭陀。冬夏坐禪。結夏安居。常用楊枝。澡豆。三衣。餅。鉢。坐具。錫杖。香爐。香爐水。囊。手巾。刀子。火。燧。鑊。子。繩。牀。經。律。佛。像。菩薩。形。像。而菩薩行頭陀時。及遊方時。行來百里千里。此十八種物常隨其身。頭陀者。從正月十五日至三月十五日。八月十五日。至十月十五日。是二時中。此十八種物常隨其身。如鳥二翼。若布薩日。新學菩薩。半月半月常布薩。誦十重四十八輕戒。若誦戒時。當於諸佛菩薩形像前。誦一人布薩。卽一人誦。若二人三人至百千人亦一人誦。誦者高座聽者下座。各各披九條七條五條袈裟。若結夏安居時。亦應一一如法。若行頭陀時。莫入難處。若惡國界。若惡國王土地。高下草木深遠。師子虎狼水火風難。及以劫賊道路毒蛇。一切難處。悉不

得入頭陀行道。乃至夏坐安居。是諸難處。皆不得入。若故入者。犯輕垢罪。

常應二時頭陀者。春秋調適遊行。化物無妨。損也。頭陀。或云杜多。此翻科。微有十二法。皆是遠離勝行。聖所稱歎。一在阿蘭若處。二常行乞食。三次第乞食。四受一食法。五節量食。六中後不飲果蜜等漿。七糞掃衣。八但三衣。九塚間住。十樹下止。十一露地坐。十二但坐不臥。冬夏坐禪者。大寒大熱。常應靜坐。結夏安居者。夏行尤爲妨道。故須結制。九旬。起場枝。所以淨口。澡豆。所以潔身。三衣者。一僧伽梨。名上衣。二鬱多羅僧。名中衣。三安陀會。名下衣。餅有三種。一淨餅。貯水供飲。二隨用餅。貯水洗手。三屬餅。貯水洗大小便處。鉢者。具云鉢多羅。此翻應器。謂體色量三皆應法。體用瓦鐵二物。不得用金銀銅木七寶等色。以油麻稊成。量則隨其腹量。分上下中最大。不過三升。最小。不過升半。坐具者。梵名尼師壇。此云隨坐衣。所以護身護衣。護臥具也。錫杖。豎賢聖之標。香爐。修清淨之供。流囊爲

救物之具。手巾爲除垢所需。刀子長不過三指闊。不過一指。所以使用。火燧爲防熱食兼爲除冥。錫子爲覆鼻。毛繩牀隨處棲息。皆百一所需中物也。經契一心律規三業。佛像標心極果。菩薩形像托志。真因既皆切於日用。亦可卽事表法。故以如鳥二翼喻之。彼不知法義。惟汲汲以十八物爲務者。固非大士弘規。倘竟高談名理。而脫略事相。恐亦非佛本意。必事理俱備。庶二翼無損耳。布薩但舉新學者。久學菩薩。自不待言也。披九條七條五條袈裟者。九條卽僧伽梨七條卽鬱多羅僧五條卽安陀會。此但指比丘比丘尼言之。若式叉摩那沙彌沙彌尼。止許用緩條衣。名爲無縫袈裟。在家二衆於誦戒及入壇時。亦得用無縫衣。餘時不得然。善生經云。若優婆塞不備音僧伽梨衣鉢錫杖。得失意罪。此特制令儲蓄。非制令日用。又僧伽梨等卽緩條之服。加以三種法號。所謂無縫三衣不同比丘之九條七條五條也。一一如法者。如法具十八物及如法誦戒等。

此是遮業正制。冒難遊行兼制備十八物。如法誦戒。盡冒難遊行。恐致天逝。在危生念。所喪事重大。士雖宜爲法忘身。豈應不慎招損譽。諸僧者。雖有殺身成仁之事。亦云知命者。不立巖牆下也。三緣成罪。一難處。謂惡國界等。二難處。想六句。二重二輕。二無犯。三正遊行。發足後步步結輕垢罪。或先非難處。正遊時難事忽起。此亦非犯餘十八種物。應備不備。隨事結過。半月誦戒。或不誦。或雖誦而不如法。亦隨事結過。

七衆同犯善生經云。若優婆塞險難之處。無伴獨行。得失意罪。准此。則設有事緣。多伴同往。非犯又云。優婆塞若犯國制。得失意罪。亦應此戒。兼攝也。大小不全。共同者。同不得冒難遊行。異者。大士制十八物。聲聞惟制六物。隨身謂三衣坐具鉢及濾囊。餘非所制。大士一人布薩。卽一人誦經。聞須有四人以上。方差一人高坐而誦。若三人二人卽相向布薩。若惟一人卽心念布薩。具如律中。未受具者。不宜先知。故不委明。然西域諸寺。大小異居。嚴

且國中大小經住則布薩儀式亦須略明今共出
六意一通列九衆二別論戒次三明誦戒人四明
所誦法五明所用界六明廣略儀一通列九衆者
若論半月誦戒通途軌式則應男女各別男以比
丘爲主沙彌優婆塞隨聽女以比丘尼爲主式又
摩那沙彌尼優婆塞隨聽此則僧尼各有界限不
容混雜若有他緣偶集如比丘尼等來請教誡優
婆塞等來供養正遇誦菩薩戒彼既曾受亦可
隨聽一切比丘坐竟次比丘尼比丘尼竟次式
又摩那次乃沙彌次沙彌尼次出家優婆塞優婆
塞次在家優婆塞優婆塞出家者名近住在家者
名近事此九衆位次斷不容紊又須男女有別不
起雜嫌也二別論戒次者即於九衆各自類中復
依受戒先後次第而坐然西域大小異居大乘即
依菩薩戒次而坐小乘即依比丘戒次而坐今大
小雜居則誦菩薩戒時方依大乘戒次誦比丘戒
時仍依僧臘不得以大奪小故釋云菩薩在小
乘衆還依小乘戒次而坐在大乘衆則依大乘戒

次而坐也又其人先受比丘戒後受菩薩戒者即
用比丘戒臘爲菩薩戒臘以受菩薩戒時則比丘
戒一切轉成無盡戒體故若其人先受菩薩戒後
受比丘戒者於大乘中則依菩薩戒次於小乘中
仍依比丘戒次不得以菩薩戒臘作比丘戒臘以
菩薩戒非關住持僧寶故故輔行云若先小後
大則開小夏以成大夏若先受大後受律儀在小
則依小在大則依大也比丘尼衆亦復如是若沙
彌沙彌尼等小乘惟論生年大乘須論菩薩戒次
近住近事亦復如是三明誦戒人者若九衆俱現
在前必須菩薩比丘高座而誦餘皆默聽若無比
丘惟有八衆必須菩薩比丘尼一人誦之若無比
丘比丘尼惟下七衆必須菩薩式又摩那一人誦
之若并無式又摩那必須菩薩沙彌一人誦之若
更無沙彌必須菩薩沙彌尼一人誦之若更無沙
彌尼必須菩薩近住男誦若近住男亦無則菩薩
近住女誦若近住女亦無則菩薩近事男誦若近
事男亦無則菩薩近事女一人高座而誦其餘菩

廣近事女下座默聽也。問設有比丘而不能誦尼
 反能誦乃至有近事男而不能誦女反能誦則如
 之何。答經云若受菩薩戒不誦此戒者非菩薩非
 佛種子安得受戒而不能誦耶。問初受戒人如何
 答既初受戒未能誦戒即不得遠離師友間設有
 因緣不得與師友相近如何。答平時許展轉反從
 下來學熟至誦戒時必須上衆登座。問平時展轉
 從下衆學時還得稱爲師否。答前戒比丘得稱後
 戒比丘爲阿闍梨亦得一切事以師禮唯除禮足
 從沙彌學亦復如是。若從三女衆學更須消息令
 勿生譏嫌。若從近住近事學者不得稱師如佛世
 輪孤長者恒爲新學比丘授法反禮比丘之足卽
 其例也。問比丘不得禮白衣者何故。維摩經中新
 學比丘禮居士足答此是古佛化現爲欲發發大
 教偶示彈斥且入三昧令諸宿命豁然還得本心
 故不得不破格禮足非可援爲常例又如蕭梁之
 時有傳大士乃是彌勒現身亦非餘諸凡聖所得
 藉口今但當以給孤爲式是故白衣說法此誠無

過亦非佛法衰兆倘稱白衣爲師則大成非法真
 衰相矣。四明所誦法者西域既大小異居小惟誦
 比丘戒大乃兼誦比丘菩薩二種戒法先誦比丘
 戒時菩薩沙彌菩薩優婆塞等俱不得聽後誦菩
 薩戒時則七衆俱應隨聽。今大小雜居應作三種
 分別一者此中若惟小衆自依律法不必更論二
 者若惟大衆或有比丘沙彌淨人同住者比丘或
 四人或過四人先作白誦比丘戒竟次喚沙彌淨
 人同聽誦菩薩戒比丘若三人二人先相向三說
 布薩竟次喚沙彌淨人同聽誦菩薩戒比丘若惟
 一人先自心念布薩竟次喚沙彌淨人聽菩薩戒
 若無比丘惟有沙彌淨人同住卽自誦菩薩戒此
 亦還如西域常式也三者若有大小衆比丘沙彌
 淨人雜住先遣沙彌等出但與小衆比丘和合布
 薩若四人以上作白若三人二人相向說竟次遣
 小衆比丘出喚菩薩沙彌菩薩淨人同聽誦菩薩
 戒次喚小衆沙彌爲說十戒次喚小衆淨人爲說
 五戒然沙彌十戒及優婆塞五戒律無誦法雲樓

誦戒式中乃先誦之於理無違於事有益今準律中自恣之法比丘比丘尼自恣竟方喚小衆自恣以此爲例則於誦具戒畢然後喚沙彌淨人爲說十戒五戒似更妥也又所誦戒法若依此經則先誦十重四十八輕戒若地持中別出菩薩戒本經一卷正是半月誦戒之本共列四重四十一輕戒相其根本四重及飲酒等自屬具戒十戒五戒中攝故不重出惟出菩薩增上律儀實與此經方爲表裏以彼四重即此經之後四重故以彼四十一輕但與此經開合次第稍殊而開遮持犯之致更明析故藏中先後共有六譯惟護師所譯最善故今轉在後集半月半月似應誦此戒本但必先作比丘布薩次喚沙彌爲說十戒次喚淨人爲說五戒然後遣出未受菩薩戒者而比丘沙彌淨人次第坐聽彌爲確當高明者幸酌行之五明所用界者菩薩比丘仍用比丘法中所結大界尼亦如是沙彌隨屬比丘無別界法聽比丘誦不得別誦除二女衆屬比丘尼亦復如是在家二衆若無事緣

宜至僧中聽誦若有事緣各於家中自誦亦得若至僧伽藍中即須隨僧聽誦亦不得別誦也設師是小衆比丘沙彌弟子是菩薩者師自行比丘事弟子亦自盡其沙彌之職至誦戒時先聽其師爲說十戒次聽師見聞之處自誦菩薩戒法或有近處誦菩薩戒者白師而往聽之六明廣略儀者比丘戒之廣略具如律中查不復論若但大衆衆者無難即須全誦比丘菩薩二種戒本設有難緣略說比丘戒廣說菩薩戒難事若迫二俱略說若大小難居者設有難緣應廣說比丘戒略說菩薩戒難迫亦俱略說若惟有菩薩沙彌淨人則惟誦菩薩戒法設遇難迫或但說重戒或但云今十五日說戒各各正身口意等隨時斟酌皆得若無難緣總不得略說也

開遮者或爲求法或爲度生冒難非犯果報者遇難多作退道因緣不避堪使身心進道觀解者見思塵沙無明爲惡國亦名說亦名水亦名火亦名師子毒蛇虎狼

懺悔者。冒事難及。不備物。不誦戒。不如法誦。皆作

法。冒理難須無生。

修證者。得五通人。無難事。得三智者。無三惑怖。

性惡者。偏入事理二難。以度衆生。

佛說梵網經菩薩心地品合註卷第六

佛說梵網經菩薩心地品合註卷第七

姚秦 三藏法師 鳩摩羅什 譯

菩薩沙彌古吳 智旭 註

明 菩薩比丘溫陵 道昉 訂

○第三十八乘世尊申次第戒

若佛子。應如法次第坐。先受戒者在前。坐後受戒者
在後。坐不問老少比丘。比丘尼。貴人國王王子。乃至
黃門奴婢。皆應先受戒者在前。坐後受戒者次第而
坐。莫如外道。癡人若老若少。無前無後。坐無次第。如
兵奴之法。我佛法中。先者先坐。後者後坐。而菩薩一
一不如法次第坐者。犯輕垢罪。

如法有二種。一通論七衆。二別論戒次。坐有二時。
一誦戒時。二平時。皆不得紊亂。也不問老少。亦二
義。一即通論七衆。義二即別論戒次。義一通論者。
謂百臘比丘尼。不得於初夏比丘前坐。設比丘尼
受菩薩戒。亦經百臘。猶故不得於初夏小乘比丘
前坐。況是菩薩比丘。以比丘是上衆。故式又摩那
雖生年百歲。或菩薩戒已經百臘。總不得於大小
乘比丘比丘尼前坐。以未是僧數。故沙彌雖生年
百歲。或菩薩戒已經百臘。乃至不得於小乘式又
摩那前坐。沙彌尼雖生年百歲。或菩薩戒亦經百
臘。乃至不得於小乘沙彌前坐。優婆塞雖生年百
歲。受菩薩戒。亦經百臘。乃至不得於小乘臘鳥沙
彌尼前坐。坐況復沙彌及比丘等。故善生經云。優
婆塞若在此比丘沙彌前行。得失意罪。當知彼約行
結坐。亦有罪。此約坐結行。亦有罪也。二別論者。如
比丘比丘尼衆。皆須衆論大小二種戒次。在大則
大。在小則小。萬萬不得以大奪小。故文殊應闍王
之請。尚須固過迦葉。然後暫居其先。則平時之不

亂戒次明矣。其餘五衆。惟各自論菩薩戒。次不論生年。斯易可知。言比丘比丘尼。貴人等者。謂先叙七衆。尊卑定分。後乃各就其類。自叙戒次也。比丘叙戒次。竟然後尼叙戒次。不言餘三衆者。省文耳。貴人。卽通指國王王子等。對黃門奴婢賤人言之。此等雖則同名在家二衆。又須各以類分。蓋天子雖受菩薩大戒。既未出家。仍不得居君父之先。故又自爲一類。乃至耆超略之辭。意顯長者宰官婆羅門居士等。別爲一類。以此輩人就世法中。或叙爵叙齒叙德。原無定局。故今惟當叙戒。然西域復有國王師事婆羅門者。又當別論。今則通約未出家人。固不得紊亂君臣名位也。其或此國王子與彼國之王相爲師友。或王子未登王位。亦與婆羅門長者居士等相爲師友。皆當別論耳。黃門奴婢。又必自爲一類。不得混在貴人類中。蓋黃門於出家法屬重難。攝斷不得入比丘沙彌之列。奴婢屬輕遮。攝若主人與姓得受比丘沙彌等戒。卽入比丘沙彌位中。便在國王前坐。今則雖受菩薩大戒。

仍未脫於奴婢。故須別爲一類。不得紊亂主僕貴賤之名分也。一者正結指通別二種。皆須如法。及二種時。皆須次第坐也。問君臣父子主僕既同受菩薩戒。猶須各爲一類。何故。律中臣先受具。王後受具。便爲下座。子先受具。父後受具。便爲下座。僕先受具。主後受具。亦便爲下座。耶答比丘戒法現出世相。非世法之所攝。故君若不聽。則臣不得出家。父母不聽。則子不得出家。主人不聽。則奴不得出家。既君父主人聽許出家。一出家時。便承捨臣子奴婢名位。故君父主人後設受具。卽以後爲上座。若君父主人在家。亦卽以後爲尊者。福田所以五天竺國出家人法。設見君主人均稱檀越。而君父主人見彼既出家之臣子奴婢。必皆頭面頂禮。彼出家者必直受之。無無答拜之儀。此不但佛世爲然。唐時玄奘義淨等師親至西乾。目觀其事。故父母反拜的的。無可疑怪。而蓮池和尚以答拜釋之。不過一時解謗之權巧。非確論也。若夫菩薩戒法。通於世出世間。不壞俗諦。故雖受菩薩戒。

君仍是君臣原是臣父子主僕亦復如是若欲亂其名位而統叙戒次則世法不成安立矣問若一出家時承捨臣子奴婢名位豈非無君無父正被儒者所譏答但捨虛名不捨恩義放律制比丘應盡心盡力孝養父母若不孝養則得重罪乃至佛母涅槃佛尚親手舉柩又比丘身處山林故無事君之禮倘受王供養與王親善亦須隨事納忠此即不廢世間忠孝而況如法修行弘通至教令天龍歡喜護國護民令過現父母同離苦海此更成就出世忠孝然則大忠大孝孰過出家有此大義必不容更論小小虛名虛位矣問菩薩戒法不壞俗諦此理誠然如前所云在大則大在小則小亦可例云在真則真在俗則俗今出家人既受菩薩戒法則見君父主人亦可還同俗法否答前云在大則大在小則小者以大小雖殊總稱比丘故也今欲例云在俗則俗者汝不復爲菩薩比丘沙彌竟爲菩薩優婆塞耶若汝實爲菩薩優婆塞者便不復入沙彌比丘之數云何又得偏同大小二衆

叙戒次耶若欲以優婆塞身雜入沙彌比丘之列則大壞出世之相既菩薩戒不壞世相豈可反壞出世相耶不知世出世相皆名俗諦建立皆不可壞故出家菩薩仍行出家儀則在家菩薩乃順在家儀則此即名爲通於世出世間謂之在真則真在俗則俗亦皆得矣問菩薩大戒受之盡於未來申之極於佛果可謂至尊至勝至妙至大何故受此戒者尚不許亂世間名位而出家戒法受之不過盡壽申之不過繼漢反可安受君父主人之禮拜耶答論廣大則莫若菩薩戒法論尊重則莫若出家律儀蓋是聖賢權相出世芳標僧輪所繫佛法所關不但堪受君父主人禮敬亦已堪受四王帝釋之禮亦已堪受梵王之禮亦已堪受大千界主摩羅首羅之禮又不但比丘比丘尼也雖沙彌等亦可受君父主人禮敬以君父等雖受五戒及菩薩戒猶故居家未斷正淫不若沙彌全斷淫欲永離生死苦因故以君父等雖於年三月六受人戒齋不如沙彌盡壽不非時食永離生死增上緣

故以君父等雖受五戒及菩薩戒。猶得善香華鬘。香油塗身。歌舞倡伎。作及觀聽。坐高廣牀。惟於晝日暫斷戒之。不如沙彌皆永捨。故以君父等雖受五戒及菩薩戒。并於年三月六受八戒。猶得畜金銀寶物。如法營利。仰事俯育。不如沙彌依僧而住。離妨道。法威儀正。命皆悉極清淨。故但令如法出家持戒。雖受君主父母天龍鬼神禮敬。誠無過咎。且令君父等增長福聚。功更難思。倘無出家實德。縱反禮君父天神。亦何救於破戒之罪。但壞亂佛法威儀。增其過惡耳。嗟嗟末世出家有名無義。若僧若俗。皆悉紐於見聞。安於陋習。爲說正法。誰當信者。聊述舊章。令人稍知出世遺軌也。又此出世軌式。卽是菩薩戒中所出。亦皆攝入菩薩戒中。故菩薩戒得稱廣大。兼具尊重之義。若欲廢此七衆定位。則既無尊重之儀。亦失廣大之義矣。問出家戒法。既爾尊重。何故法華經中常不輕比丘。通禮四衆。授記作佛。答此是因解初開慶而且慰。觀彼時機。應以大衆緣種而強毒之。故作此破格。

行門非是通途軌式也。倘實可通行。則世尊昔時既羅此得淨六根。便當以此法教示四衆。豈有惜之心。而大小律門。並制僧不拜俗。當知大有所關。且小律備云。不應反禮白衣。語約平易。至於大乘經律。則云菩薩生時。見王長者起者。得罪若先加跌見。王長者跪者。得罪若先衣不整。見王長者檢容整服者。得罪若王長者說惡語時。隨意稱讚者。得罪。觀其辭峻。冒嚴。比小律而更甚。倘亦懸見末世之中。白衣習氣。曰。微細門。隨應曰。中故設此厲禁。希挽回其萬一手。然則在家菩薩。好心受佛戒者。必應尊敬出家大小乘衆。縱令破戒無戒之僞。亦不可慢須如象王之於獮者。羅刹之於罪人。方名敬佛敬戒。而出家菩薩。必應善學善行。大小律儀。以膺人天禮敬。庶幾不辱僧體。堪爲福田。固不得徒事謙恭。尤不得但恃堂堂僧相。空腹高心。增長我慢。蓋叨賢聖之標。正恐人身未可長保。袈裟一失。歡苦方深。幸相與痛勉之。

此是遮禁三緣戒罪。一非大謂通別二種。二非大

想六句二重二輕二無犯三正坐坐者及使坐者

同犯隨一一坐結罪

七衆同 大小共

開遮者如文殊迦葉應闍王請又下座或沙彌等說法則登法座

果報者不敬戒律違離正法依戒相敬出生勝益如往昔雜猴及象因緣具載經律

理解者十衆觀法不次第現前名乘法次

懺悔者事畢作法理乘無生

修證者善持大小毗尼知事中大第善修四教觀

慧知理中次第

性惡者生佛平等有何次第故文殊爲然燈佛師仍侍釋迦一心一切心一觀一切觀復何次第故

佛頂云聖性無不通順逆皆方便

○第三十九不修福慧戒

若佛子當應教化一切衆生建立僧坊山林園田立作佛塔冬夏安居坐禪處所一切行道處皆應立之而菩薩應爲一切衆生講說大乘經律若疾病國難

賊難父母兄弟和尚阿闍梨亡滅之日及三七日四

五七日乃至七七七日亦應講說大乘經律一切齋會

求願行來治生大火所燒大水所漂黑風所吹難助

江湖大海難利之難亦讀誦講說此經律乃至一切

罪報三惡八難七逆五逆枷鎖繫縛其身多經多病

多惡疑多疾病皆應講此經律而新學菩薩若不爾

者犯輕垢罪

建立僧坊等制令修福講說大乘等制令修慧

此是遮業隨力應修遇緣當爲而不爲一一結罪

除力不及者無犯此即戒本經所謂住少利少作

少方便也若懷恨心是染汙犯懶惰懈怠非染汙

犯

七衆同

大小不全共堅聞夏安居時應修房舍餘時不制

大士一切時中應修福業

開遮者或常修禪誦等一切勝業無暇他營

果報者不修則失二種莊嚴修則善提資糧任運

增長

理解者不知性具緣因名不修福不知性具了因名不修慧

懺悔者修即是悔

修證者行不退人滿足事修念不退人滿足理修

性惡者無福慧法可修無人修於福慧

如是九戒應當學教心奉持梵壇品當廣明

此總結第四段九戒也

○第四十揀擇受戒戒

若佛子與人受戒時不得揀擇一切國王王子大臣百官比丘比丘尼信男信女姪男姪女十八梵天六欲天子無根二根黃門奴婢一切鬼神盡得受戒應教身所著袈裟皆使壞色與道相應皆染使青黃赤黑紫色一切染衣乃至臥具盡以壞色身所著衣一切染色若一切國土中國人所著衣服比丘皆應與其俗服有異若欲受戒時師應問言汝現身不作七逆罪不善薩法師不得與七逆人現身受戒七逆者出佛身血殺父殺母殺和尚殺阿闍梨破羯磨轉法輪僧殺聖人若具七逆即現身不得戒除一切人盡

得受戒出家人法不向國王禮拜不向父母禮拜六親不敬鬼神不禮但解法師語有百里千里來求法者而善薩法師以惡心瞋心而不即與授一切衆生戒者犯輕垢罪

不得揀擇者不應揀於品類謂國王乃至鬼神盡有佛性盡可隨類行菩薩道故盡得受戒也而亦有二事應揀一是形儀二是業障應教身所著袈裟等者教令揀形儀也梵語袈裟此云染衣亦云壞色亦云臥具乃出家衣服之都名青黃赤黑紫色者律制三種壞色謂青黑木蘭今制五種按彌沙塞部若青色衣以黑木蘭點作淨黑衣點以青及木蘭木蘭衣點以青黑是名壞色今亦應爾比丘皆應與俗服有異者正明比丘及比丘尼體是僧寶故特爲制三種田衣永異凡俗其式又摩那等五衆惟須壞色不得盡同比丘也應問現身不作七逆罪等者教令揀業障也七逆業成定墮無間所以正障戒品前生非復可知亦復不爲戒障故但問現身也父者此身是其遺體若義父等非

逆母者此身從彼而生若嫡庶等非逆和尚者比丘有二種一十戒和尚二具戒和尚比丘尼有三種一十戒和尚尼二式叉摩那受六法和尚尼三具戒和尚尼皆不得以比丘爲之式叉摩那有二種一十戒和尚尼二六法和尚尼沙彌沙彌尼皆一種卽授與十戒者也阿闍梨者比丘有五種一十戒闍梨二受具時教授闍梨三受具時羯磨闍梨四依止闍梨乃至依止僅一夜五教讀闍梨乃至從受一四句偈或說其義比丘尼有七種加受具時比丘僧中羯磨闍梨及六法闍梨尼式叉摩那有三種一十戒闍梨二六法闍梨三教讀闍梨沙彌沙彌尼各二種一十戒二教讀優婆塞優婆夷各三種一受五戒闍梨二受八關戒齋闍梨三教讀闍梨又兼并取受菩薩戒闍梨則七衆各加一種破羯磨僧者極少有八人同住皆是比丘四人四人各自爲黨於一大界之中別設戒別作種種羯磨破轉法輪僧者下至九人一人自稱佛誘彼四比丘別從其教餘四比丘守正不從分作

二部不論界內界外但令非法說法如提婆達多等名破法輪聖人者小乘四果大乘發趣以上也夫不拜父母國王不敬六親鬼神而但解法師之語則其待法師者何重百里千里而來則其求法之心何切此而不授辜負當機不太甚乎惡心瞋心者明非見機益物之心一切衆生戒者明此大戒本是一切衆生所應同受不似比丘及沙彌戒須擇品類授也

此是遮棄四緣成罪一是受戒器謂非七逆又形儀如法二堪受想六句三二重二輕三無犯三有揀擇心謂或惡其下賤賤其貧乏等正是業主四令不得受隨所拒人結罪若知不堪受者非犯菩薩戒羯磨文云若諸菩薩欲授菩薩戒時先應爲說菩薩法藏摩怛理迦菩薩學處及犯處相令其聽受以懸觀察自所意樂堪能思擇受菩薩戒非惟他勸非爲勝他當知是名堅固菩薩堪受菩薩淨戒律儀又云無淨信者不應從受謂於如是我所受淨戒初無信解不能趣入不善思惟有慳貪者慳

貪藏者有大欲者無喜足者不應從受毀淨戒者於諸學處無恭敬者於戒律儀有慢緩者不應從受有恚恨者多不忍者於他違犯不堪耐者不應從受有懶惰者有懈怠者多分耽著日夜睡眠樂倚樂臥樂好合徒侶樂嬉談者不應從受心散亂者下至不能繫牛乳頃善心一緣住修習者不應從受有闇昧者愚癡類者極劣心者誹謗菩薩素恒羅藏及摩但迦者不應從受解曰此皆揀非法器也豈可漫云無揀擇耶又前人本不欲受強令受戒亦犯輕垢

比丘比丘尼全犯除五衆無授戒事未制

大小不全共小乘先許後拒則犯不許無犯大乘接化爲本不授即犯

開遮者如沙門道進求學無識受菩薩戒議不許且命悔過七日七夜竟詣識求受識大怒不答遁自念業障未消復更謁識禮懺首尾三年乃夢釋迦文佛授以戒法明日詣識欲說所夢未至數步識即驚起口唱善哉已得戒矣我當爲汝作證次

第於佛像前更說戒相此則見機利益先不爲授雖示大怒非惡心瞋心也

果報者妄揀則得佛法之罪失於二利善揀則莊嚴眷屬光顯法門

觀解者不歷三性徧修覺意三昧是揀擇義

懺悔者事擇作法理擇一心無生

修證者別住以去無事揀圓信以上無理揀

性惡者法法皆揀則全非更無一法可受

○第四十一爲利作師戒

若佛子教化人起信心時菩薩與他人作教誡法師者見欲受戒人應教誡二師和尚阿闍梨二師應問言汝有七遮罪不若現身有七遮罪者師不應與受戒若無七遮者得與受戒若有犯十戒者應教懺悔在佛菩薩形像前日夜六時誦十重四十八輕戒苦到體三世千佛得見好相若一七日二三七日乃至一年要見好相好相者佛來摩頂見光見華種種異相便得滅罪若無好相雖懺無益是人現身亦不得戒而得增發受戒若犯四十八輕戒者對首懺悔罪

便得減不同七遮而教誡師於是法中一一好解若不解大乘經律若輕若重是非之相不解第一義諦習種性長養性性而性不可壞性道種性正法性其中多少觀行出入十師支一切行法一一不得比法中意而善誦為利養故為名聞故尋求多求貪利弟子而詐現一切絕律為供養故是自欺詐亦欺詐他人故與人授戒者犯輕垢罪

教誡法師即授阿闍梨也比丘戒法於僧中受故和尚及羯磨闍梨皆須現在比丘為之菩薩戒法於十方諸佛菩薩前受故現在法師但得為教授闍梨應教請二師者謂請本尊佛為和尚此土即是釋迦補處大士為阿闍梨此時即是彌勒是名為二師也又中以和尚阿闍梨二師為句應問言者即是教誡師應問此謂未請二師之前先應問其遮難知無七遮方教請二師耳故菩薩戒戒經云十方諸佛菩薩大德聽今某甲三說時已從十方諸佛及菩薩僧得菩薩戒說者我是受者某是我為某甲證人大師者謂十方無量諸佛菩

薩僧是小師者我身是也又受菩薩戒既以本佛為和尚補處為闍梨亦即以十方佛為同壇尊證十方菩薩為同學善友今不言請尊證同學者亦如比丘受戒但請二師也他經亦有備請五位聖師者隨機廣略故不同耳犯十戒者謂曾受此菩薩大戒而毀犯之或曾受比丘沙彌及五戒等而破於本根故須得見好相若本未受戒時作殺盜等業止有世間性罪不名犯戒亦不須問惟七逆須問耳現身亦不得戒者謂不許重受大戒而得增益受戒者謂作來生受戒勝因對首懺悔者謂對清淨大小乘眾自首其罪誓不更造即所謂作法懺也若輕若重是非之相者輕則易懺重則難懺是犯須懺非犯則不須懺倘輕罪說重重罪說輕犯謂非犯非犯謂犯不能使人決疑出罪也第一義諦者即是戒之體性亦即心地之正因常住之極果習種性長養性者謂研習空觀漸次增長即十發趣心性種性不可壞性者謂分別假性俗諦建立故不可壞即十長養心道種性者謂中道

能通卽十金剛心正法性者謂證入聖位卽十地及等妙二覺多少觀行出入者謂發趣則從假入空長養則出空入假金剛則週二邊入中道十地則從凡入聖又習種性則空觀尙少長養性則空觀乃多性種性則假觀尙少不可壞性則假觀乃多道種性則中觀尙少正法性則中觀乃多又三觀次第修習則少若一心中修習則多也十禪支者卽四禪所用喜樂等十支也不解輕重是非則昧於戒相不解第一義諦則昧於戒理不解習種性等則昧於道共定共種種差別昧戒相則不能決疑出罪昧戒理則不能啓迪眞信眞解味道定差別則不能令人修證趣入可謂一言引衆盲矣此是遮業而深壞法化二緣成罪一是爲利心二攝受徒竟戒本經云爲貪奉事畜養眷屬是染汙犯亦比兼制前之無解作師過在好名今則正在好利名利皆生死根本菩提大障其罪是均故舊結云自欺欺他而爲利者其心益陋劣矣此比丘丘尼全犯除五衆無授戒事但令爲利攝

受徒衆亦犯

大小俱制小乘師德如前說

惟遮不開

果報者破壞法門劇於惡律儀罪

理解者二乘爲眞諦利出假菩薩爲俗諦利別向爲但中利惟國人丁達法界無利可爲

機悔者爲事利作法爲理利須一心無生

修證者初果以上不爲事利別地圓住不爲理利

性惡者普利法界正是獨利自己從名字爲利乃

至究竟爲利

○第四十二爲惡人說戒戒

若佛子不得爲利養故於未受菩薩戒者前若外道惡人前說此千佛大戒邪見人前亦不得說除國王除一切不得說是惡人輩不受佛戒名爲畜生生之處不見三寶知本石無心名爲外道邪見人輩木頭無異而菩薩於是惡人前說七佛教戒者犯輕垢罪

說戒者半月半月誦戒也除國王若佛法付囑國

王故也。虎生溟死故名畜生。頭然罔覺故如木石。背覺合塵常居理外故名外道。

此是過業。預向人說則後受不能殷重。故半月說戒時必先還未受大戒者出也。四緣成罪一未受戒人。謂未受此菩薩戒者。二未受人想。六句二重。二輕二無犯。三有為說心。謂或為利養等。四前人得聞從此時結罪。

七衆同犯

大小不全。其小乘一切時中不得向沙彌等說五篇罪名。以彼若解五篇名義便成盜法重難故也。大乘惟半月滿戒時須還未受者出。餘時不論如前文云一切時中皆應誦此經律後文云見一切衆生應勸受三歸十戒等。故知不同。毗尼藏也。又菩薩比丘比丘尼一切時中亦不得以五篇罪名向未受具戒者說。而菩薩沙彌等亦不得預知五篇名義致成重難。永障此生受具戒也。

惟遮不開

果報者說則輕襲正法不說則屏翰正教

理解者常住佛性名為真戒。未悟圓宗皆名惡人。應以除法示教利喜不應但讀一乘反令衆生沒生苦。

懺悔者事說作法理說須於一心無生中善達四悉因緣。

修證者初果及別住不犯事說具知根智不犯理說。

性惡者如喜根強毒不輕授記。卽是向惡人說。

○第四十三故起犯戒心戒

若佛子。信心出家受佛正戒。故起心毀犯聖戒者。不得受一切檀越供養。亦不得國王地上行。不得飲國王水。五千大鬼常遮其前。鬼言大賊若入房舍城邑宅中。鬼復常掃其腳迹。一切世人皆罵言佛法中賊。一切衆生眼不欲見犯戒之人。畜生無異木頭無異。若故毀正戒者犯輕垢罪。

謂出家菩薩本以信心受戒。故堪受一切供養。堪受天人鬼神恭敬。若受而故毀。便不得受一切供養。便爲鬼及世人所賤。可見戒之不可毀犯如此。

奈何起心故欲毀之。惟尚未毀。先已從心結罪矣。此是性遮二業。輕視戒律。故三緣成罪。一是犯二犯想。三起心欲犯。念念輕垢。又戒本經云。起五蓋心不開覺者。是染汙犯。亦此意也。

七衆同犯。而出家人爲世福田。其實倍重。

大小俱制。小乘即所謂輕戒罪。也。隨所犯罪。更加一輕戒罪。大乘亦應例。此又大士執心。嚴於聲聞也。若本無故毀心者。但隨事結本罪。不如此罪若直起此心。未犯事者。小俱責心。大亦應懺。懺還不開。

果報者。任其故起。則障增上。戒障增上。心障增上。懺得輕戒罪。若隨開覺。則戒根堅固。定慧可莊。觀解者。起理外心。即名犯戒。

懺悔者。起心犯事。作法起心犯理。一心無生。修證者。位不退人。無犯事。心念不退人。無犯理。心性弱者。謗諸佛。毀於法。不入衆數。爲與衆魔共一手作諸勞侶。

○第四十四不供養經典戒

若佛子。常應一心受持。讀誦大乘經律。剝皮爲紙。刺血爲墨。以髓爲水。析骨爲筆。書寫佛戒。木皮。穀紙。絹素。竹帛。亦悉書持。常以七寶。無價香華。一切雜寶。爲香囊。盛經律卷。若不如法供養者。犯輕垢罪。

供養有五事。一受持。二讀。三誦。四書寫。五香華。寶供。養剝皮爲紙等。舉重況輕。

此是遮業。無敬法心。故得罪也。

七衆同

大小不全。共小乘不誦持。毗尼結罪。大乘應修五事。又不供養三寶。亦犯罪。戒本經云。於一日一夜中。若佛在世。若佛塔廟。若法若經。若菩薩像。多羅藏。摩得勒伽藏。若比丘。若十方世界大菩薩。衆若不少。多供養。乃至一體。乃至不以一偈讚歎。三寶功德。乃至不能一念淨心。若不恭敬。懺悔懈怠。是染汙犯。若忘誤。非染汙犯。不犯者。入淨心地。菩薩如得不壞淨。比丘常法供養一切三寶。善生經云。若得新穀果。蔬菜。茹。不先奉獻三寶。先自受者。是優婆塞得失意罪。若以殘食施於比丘。比丘

尼優婆塞優婆夷是優婆塞得失意罪

惟遮不聞

果報者。慢法則遠離正法。失智慧種。敬法則生生處處常遇妙法。

觀解者。一念不與眞淨大法相應。名不供養。

懺悔者。事不供作法理。不供無生。

修證者。初果及淨心地人。無事慢念不退人。無理。

區

性惡者。自心即法。即三寶。不應以心更供於心。

○第四十五不化眾生戒

若佛子。常起大悲心。若入一切城邑舍宅。見一初業。

生。應當唱言。汝等衆生。盡應受三歸。戒。若見牛馬。

猪羊。一切畜生。應心念口言。汝是畜生。發菩提心。而。

菩薩入一切處。山林川野。皆使一切衆生。發菩提心。

是菩薩若不發教化衆生心者。犯輕垢罪。

大悲心者。知一切衆生及三世諸佛。與我身心無。

二無別。欲拔其性德之苦。而與以性德之樂也。心。

念口言者。了達同體法性之力。實令感通開悟也。

此是遮棄乖於弘誓。故制四緣成罪。一衆生。二衆。

生想。三無教化心。四不行教化。遇可化而不化。隨。

事結過。然大士化度衆生。不出四攝。一者布施。即。

財法無畏。三種如慳瞋殺盜等戒所制。二者愛語。

即此戒制。三者利益。四者同事。戒本經中。別制此。

經亦屬此戒所攝。戒本經云。以懷恨心不隨他者。

是染汙犯。懷情懈怠。非染汙犯。不犯者。若彼欲爲。

不如法事。若病苦無力。若護僧制。若彼雖如法能。

令多人起非法事。若仗外道。故若以方便令彼調。

伏解。曰。此即利益攝也。又云。見衆生所作不與同。

事。所謂惡量諸事。若行路。若如法興利。若田業。若。

牧牛。若和諍。若吉會。若福業。不與同者。瞋恨心是。

染汙犯。懷情懈怠。非染汙犯。不犯者。若病若無力。

若彼自能辦。若彼自有多伴。若彼所作事非法。非。

義。若以方便令彼調伏。若先許他。若彼有怨。若自。

修善業。不欲暫隨。若性剛鈍。若護多人意。若護僧。

制解。曰。此即同事攝也。

七衆同犯

小乘無化他義不制

果報者不化則失二利化則二利增長

觀解者一心轉教餘心名化衆生一念不與妙觀相應名爲不化衆生

懺悔者事不化作法理不化無生

修證者行不退常行事化念不退常行理化

性惡者三世諸佛一口吞盡有何衆生可度

○第四十六說法不如法戒

若佛子常應教化起大悲心若入檀越貴人家一切衆中不得立爲白衣說法應在白衣衆前高座上坐法師比丘不得地立爲四衆說法若說法時法師高座香華供養四衆聽者下坐如孝順父母敬順師教如事火婆羅門其說法者若不如法說犯輕垢罪高座者以高卑言上坐者以上下言不如法說謂不順說法儀式非謂顛倒謬說也

此是遮業三緣成罪一不如法二不如法想三正說法若爲名利是染汙罪若忘誤非染汙犯又此且據坐言若違律中則人臥已坐不得爲說人坐

已立人在座已在非座人在高坐已在下坐人在前行已在後行人在高經行處已在下經行處人在道已在非道皆不得爲說又衣纏頸者覆頭者裹頭者又腰者臂革腰者著木屐者騎乘者持杖者持劍者持矛者持刀者持蓋者皆不得爲說惟除爲病人說法一切不犯

七衆同犯以沙彌等亦許登高座故以白衣說一句一偈義亦應如法故又善生經云僧若不聽說法讚歎輒自作者是優婆塞得失意罪亦此量制大小乘俱制

開遮者僧祇律云若比丘爲塔事僧事詣王及地主時彼言比丘爲我說法不得語令起恐生疑故若邊有立人者卽作意爲立人說王雖聽比丘無罪又比丘患眼前人捉杖牽前爲說無罪又比丘在怖畏險道時防衛人言尊者爲我說法雖持刀杖爲說無罪

果報者不如法則令彼此皆招慢法之罪如法則令彼此皆有敬法之益

觀解者坐法空座乃名如法

懺悔者事不如法用作法理不如法用無生

修證者初果以上事常如法別地園住理常如法

性惡者依正利屢俱說俱聽更何高下

○第四十七非法制限戒

若佛子。皆已信心受佛戒者。若國王太子百官四部弟子。自恃高貴。破滅佛法戒律。明作法法制。我四部弟子。不聽出家行道。亦復不聽造立形像。佛塔經律。立統官制。衆使安籍。記僧菩薩比丘地立白衣高座。廣行非法。如兵奴事主。而菩薩正應受一切人供養。而反爲官走使。非法非律。若國王百官。好心受佛戒者。莫作是破三寶之罪。若故作破法者。犯輕垢罪。四部者。居士居士婦童男童女也。不聽出家行道。則斷僧寶。不聽造形像佛塔。則斷佛寶。不聽造經律。則斷法寶。

此具性遮二業障善法故。四緣成罪。一是三寶事。二三寶事。想三有制限心。四制限得成。隨事結罪。在家二衆。全犯出家五衆。無自在權勢。設能隨力。

非法制限亦犯

大小俱制

開遮者。如彌勒昔爲國王。假設非法制限。以真正

法

果報者。制限則得斷滅三寶大罪。不制能招弘護

三寶功德

觀解者。不於一切法中顯出三寶體性。名非法制

限

懺悔者。事制限須殷勤建立三寶理制。限須善修

一心三觀

修證者。初果以上。無事制限。別地園住。無理制限。

性惡者。不聽於九界外。別別施設佛界。

○第四十八破法戒

若佛子。以好心出家。而爲名聞利養。於國王百官前。說佛戒者。橫與比丘比丘尼菩薩戒。弟子作露轉事。如獄囚法。如兵奴之法。如師子身中蟲。目食師子肉。非餘外蟲。如是佛子。自破佛法。非外道天魔能破。若受佛戒者。應護佛戒。如念一子。如事父母。不可毀破。

而菩薩聞外道惡人以惡言誘破佛戒之聲如三百矛刺心。千刀萬杖打拍其身等。無有異寧自入地獄。經於百劫而不一聞惡人以惡言誘破佛戒之聲。而況自破佛戒教人破法。因緣亦無孝順之心。若故作者。犯輕垢罪。

國王百官指已受佛戒者。雖是同法之人。得於彼前說菩薩戒。而不得於彼前橫作非法治罰也。弟子有過。但應如法治罰。不應作繫縛事。如獄囚兵奴以傷出家軌式。如念一子喻愛之極。如事父母喻敬之極。又念子即慈悲心。事親即孝順心也。此具性遇二業。以毀辱法門。故五緣成罪。一是佛弟子。謂大小乘七衆。不犯邊罪。不捨戒者。二佛弟子。想六句二重四輕。雖非佛弟子。亦不應作繫縛事故。但其事稍稀。故不特制。或復攝入瞋損戒中。三有治罰心。欲令人受辱。正是業主四所對人。謂國王百官等。同有戒者。故僞結輕。若向未受戒人治罰。自屬第六重戒。五正行治罰。隨事結過。出家五衆同犯在家二衆。若治罰佛之弟子。自屬

前戒兼制。厥罪彌甚。具如地藏十輪經中廣說大小乘俱制。

開遮者。惡濁世中。護持正法。比丘得藉王大臣力。兵杖自衛。如大涅槃所明。然不得非法治罰他人。果報者。作則有破壞法門。損辱僧侶之罪。不作則令衆僧增益安樂。

理解者。不如說修行即是破法。因緣又不知四悉檀。因緣即是破法。因緣。

懺悔者。事破作法。理破須行解雙進。

修證者。初果以上。無事破。別地圓住。無理破。

性惡者。破一切法。無不徧。

如是九戒。應當學敬心奉持。

此總結第五段九戒也。別釋四十八輕竟。

△三總結

若佛子是。四十八輕戒。汝等受持過去諸菩薩已誦未來諸菩薩當誦。現在諸菩薩今誦。

此總結四十八輕戒也。第二列重輕戒相。大科竟。△三勸大衆奉行五初舉所誦法。二勸流通人三。

明流通益四重勸奉行五時衆歡喜 今初

諸佛子聽十重四十八輕戒三世諸佛已誦當誦今誦我今亦如是誦

△二觸流通人

汝等一切大衆若國王王子百官比丘比丘尼信男信女受持菩薩戒者應受持讀誦解說書寫佛性常住戒卷流通三世一切衆生化化不絕

前勸受中備列姪男姪女黃門鬼畜等今但言信男信女者正顯既受得戒皆名第一清淨也佛性常住戒卷者此戒卷在卅則佛性因緣之義不滅

△三明流通益

得見千佛爲千佛授手世世不墮惡道入難常生人道天中

略舉三益一見聖二離苦三得樂義疏云授手者明乘戒人與佛相隣次不遠也世世不墮常生人天所離所得豈止於此且舉凡情所欣厭以之爲勸耳

△四重勸奉行

我今在此樹下略開七佛法戒汝等大衆當一心學波羅提木叉歡喜奉行如無相天王品勸學中一一廣明

△五時衆歡喜

三千學士時生聽者聞佛自誦心心頂戴歡喜受持二千謂三千世界中同乘菩薩戒者以上大科第二正示法門分竟

△三流通益世分爲二初結示二偈讚 初中四初偈結說心地品二略舉總十處說三明所說之法四明大衆奉行 今初

爾時釋迦牟尼佛說上蓮華臺藏世界虛舍那佛所說心地法門品中十無盡戒法品竟千百億釋迦亦如是說

是中先結此釋迦說竟次結餘釋迦說竟也

△二略舉總十處說

從摩醯首羅天王宮至此道樹下十住處說法品爲一切菩薩不可說大衆受持讀誦解說其義亦如是千百億世界蓮華藏世界微塵世界

是中亦先結此釋迦十處說法竟。次結餘釋迦十處說法竟也。微塵世界下闕亦如是說四字。

△三明所說之法

一切佛心藏地藏戒藏無量行願藏因果佛性常住藏如是一切佛說無量一切法藏竟。

前五句爲別後一句爲總就五別中又各具通別二義。心藏者通則一切諸法皆屬於心。別則指三十二心地藏者通則一切諸法皆名爲地。別則指於十地戒藏者通則一切諸法皆名爲戒。別則指十重衆輕無量行願藏者通亦收一切法。別則指六度萬行。十大願王等因果佛性常住藏者佛性非因果而因果不離佛性。故曰大乘因者諸法實相大乘果者亦諸法實相。實相卽佛性異名。今因亦佛性果亦佛性。佛性常住則因果亦皆常住。通則一切諸法皆名因果佛性。常住之藏則則如佛性本源品等。

△四明大衆奉行

千百億世界中一切衆生受持歡喜奉行若廣開心

地相相如佛華光王七行品中說

相相者心地無相具一切相重重無盡總別難思

△二偈讚三初讚持法益二序學法事三發度生

願今初

明人忍慧強 能持如是法 未成佛道間

安獲五種利 一者十方佛 懷念常守護

二者命終時 正見心歡喜 三者生生處

爲諸善薩友 四者功德聚 戒度悉成就

五者今後世 性戒福慧滿 此是諸佛子

明人者能知如來秘密之藏雖是肉眼名爲佛眼也。忍是安忍卽指定力謂有慧無忍是名狂慧有忍無慧是名熾定又二乘定多慧少不見佛性權位菩薩慧多定少雖見佛性而不了故須忍慧俱強方爲明人方能持如是法也。諸佛護念者一切諸佛皆從此法出猶如佛母故持之者與佛氣分交接又不持此法則斷佛種性能持此法則續佛慧命故諸佛常自憫念守護持法人也。命終時正見歡喜者已具佛眼則假使鐵輪頂上旋定慧

圓明終不失也。生生爲菩薩友者。位同大覺。眞是佛子。一切菩薩皆我同學也。功德戒度悉成。就者戒爲一切功德之聚。如地悉能生養萬物。今常作如是信戒品。已具足戒品。既具則一切功德聚悉具足成就也。性戒福慧滿者。達此性戒。則全性起修。全修在性。全性起修。故福由慧滿。全修顯性。故慧由福滿。又性戒卽正。因理體當法身。德持性之戒。卽緣因福善。當解脫。德悟戒之性。卽了因智慧。當般若。德今後世滿者。從觀行滿。乃至究竟滿也。獲此五利。眞是佛子。當紹佛位。故云。此是諸佛子。△二序學法事。又二初觀察法體。二護持戒相。今初。

智者善思量	計我善相者	不能生是法
滅壽取證者	亦非下種處	欲長菩提苗
光明照世間	應當靜觀察	諸法眞實相
不生亦不滅	不常復不斷	不一亦不異
不來亦不去	如是一心中	方便動莊嚴
菩薩所應作	應當次第學	於學於無學

勿生分別想 是名第一道 亦名摩訶衍
一切戲論惡 悉從是處滅 諸佛薩婆若
悉由是處出

心地法門十無盡戒。皆如理而證稱性而修。所謂中道了義無戲論法。凡夫著有二乘證空。皆背眞因。故非釋子應當靜觀察者。靜是止之異名。察卽觀之審細止觀不二。方是真修。諸法眞實相者。諸法卽十界十如權實之法。觀相元妄。無可指陳。則幻惑非眞。虛假不實。觀性元眞。本如來藏。則無相不相。名眞實相。清淨本然。故不生。循業發現。故不滅。又循業發現。故生。卽不生。清淨本然。故滅。亦不滅。不變隨緣。故不常。隨緣不變。故不斷。理隨於事故。故不一。事隨於理。故不異。迷無所從。故不來。悟無所滅。故不去。如是諸法。卽是一心。如是一心。卽三十心。十地及重經諸戒之體性也。悟此體性。然後方便動莊嚴之一心。是正因理性。靜觀是了因慧性。方便是緣因善性也。又觀察及持戒。皆名方便。莊嚴觀察卽理方便。名爲智慧莊嚴。持戒卽事方

便名爲功德莊嚴。又戒品具足。全緣深信於理而心地增進。全緣精修於事故。曰緣戒淨故。慈淨緣慈淨故。戒淨如兩手互洗。決無前後。又動方便而不靜觀察。則有爲有漏。無所莊嚴。靜觀察而不動方便。則枯槁空寂。無能莊嚴。故須於一心中方便莊嚴。此是菩薩所應作事。應當次第學之。勿謂此是學事。豈在第二門頭。不知稱性之修學。卽無學於無學道中。而雖然。習學雖云次第。直如空中鳥迹。不同漸次。法門還與極圓極頓之理。毫無分別。故誠令勿生分別想也。無作妙修。全同理性名第一道。無學妙性。起於眞修名摩訶衍摩訶衍。此翻大乘。謂運轉自他。同入大涅槃城也。以是第一道。故能滅凡外二乘種種戲論。以是摩訶衍。故顯出諸佛薩婆若果。薩婆若此翻一切智。智乃一心三智。究竟極果之總名也。緣第一道堪運摩訶衍業。緣摩訶衍堪到薩婆若地。緣薩婆若妙合無戲論理。梵網心地果報。因該理。趣至此極矣。

△二護持戒相

是故諸佛子 宜發大勇猛 於諸佛淨戒
護持如明珠 過去諸菩薩 已於是中學
未來者當學 現在者今學 此是佛行處
聖主所稱歎

欲歸一心實相。修心地法門。欲修心地法門。須持諸佛淨戒。故結勸護持戒相。以爲入道進修之本也。護持如明珠者。發隱云。一潔淨義。護持弗使染汙。二圓滿義。護持弗使殘缺。三光明義。護持弗使昏暗。今更爲之釋。成潔淨是解脫。德圓滿是法身。德光明是般若。德然明淨圓滿皆是珠之相德耳。於相德中。宛具三義。若復廣爲表彰。卽明珠體是無上至寶。相乃圓滿明淨。用能雨物濟貧。體爲法身相。爲般若用。爲解脫。以配三乘妙戒法。喻冷然是以三世諸菩薩所學。卽是佛所行處。因果同符。安得不爲聖主所稱歎哉。聖主卽聖中之聖也。

△三發度生願

我已隨順說 福德無量聚 迴以施衆生
共向一切智 願聞是法者 悉得成佛道

諸佛自誦此戒。我今亦誦名之曰隨諸佛半月半月如法而說。我今亦如法說名之曰順如此隨順而說。則福聚自然無量。而不以自私。故皆迴施衆生。又不令衆生墮在二乘。三有。故共向一切智。又願聞是法者。一歷耳。根永爲道種。聞已能思。思已能修。悉成佛道。蓋本緣發菩提心。方受此戒。今誦此戒。仍迴向菩提。也。迴施衆生。卽下化之心。名之爲悲。向一切智。悉成佛道。卽上求之心。名之爲智。緣上求。故方能下化。緣下化。故方名上求。悲智雙運。名菩提心。緣達心。佛衆生三無差別。如心佛亦爾。故須上求如佛衆生。然故須下化。緣發此上求下化之心。故受得菩薩大戒。緣持此菩薩大戒。故能滿悲智兩願。古人所謂發覺那於始心。終大悲以起難。可謂從名字菩提而直達究竟菩提者矣。此偈讚共十四行。義疏之所不釋。或云是誦戒既畢。結攝施願之偈。今詳文義。似雖畢結戒法。亦可通結上品。以十重四十八輕戒。卽能懸心地位次之法。而三十心十地。卽持戒人從因至果所歷之

位故也。亦如大佛頂經三漸次。爲能歷五十五位。爲所歷。能所合。稱卽名六十聖位。今以能從所則戒卽心地。以所從能則心地。卽戒通結何疑。

佛說梵網經菩薩心地品合註卷第七終

合註跋語

夫本源心地含生共有無染性。戒日用不知目瞶而準輝大空。夢蟻而尋墮階下。晴虛之體依然。輪王之身如故。哀哉。妄惑在受幻輪。勢我慈尊現身同悲示。成不僂於八千垂化。無偏於塵刹一滴之心。地既敷。積劫之沈迷立醒。而琅函久緝。半珠僅呈。緊我懸蒙。得探全寶。竭思殫機。塵培泰嶽。思法緣之匪易。願淨泗以滌沲。願我同仁深思力學。解行同邁。自他俱利。庶得上報佛恩。不負已性矣。

寺

崇禎丁丑地祇大士誕日菩薩沙彌智旭闍黎故記

跋

梵網經合註者。靈峰素華法師所著也。行世久矣。板存金陵古林菴。遐邇請閱者一時門如市焉。東南縹緲不能咸得上首。堅密師感洛陽帝貴。擬翻本送嘉興楞嚴寺入藏。廣爲流通。余聞之慨然。獨任敬事。刻將成。僧有疑而問者曰。梵網經爲經流戒本。公刻此。雖曰闡揚法寶。殊非居士本色。將有說以處此乎。予起謝曰。唯唯否否。請略陳固陋。予昔待吳松。不辰遭遘。顛連憂患。乞骸無從。憶丘壑之怡情。望雲霞於縹緲。臨帆天際。何日是到岸時也。憶自癸巳年投華山。滇南老人座下。爲弟子法名書準奉。教清修。毗尼自律。體大悲爲日課。雖戈矛鏖戰之下。顛沛流離之中。毫不敢弛。將守之終其身。不意濁緣相纏。不欲遽放。迫余同事者再四。余不忍更貽孺婦之誚。已薙髮而誓修報恩大願。豈期終不可脫。隨復請命老人。捨戒出山。自是飄泊於風塵者又數年。則就中之破戒破齋。錯因錯果之事。大約有所不免。今全獲喘六旬。已過甲寅夏五死而復甦。得非聖力之所加。

被耶且梵網經云。大臣居士俱受淨戒。子持風念。復守毗尼。故捐貲重刻此書。庶可利濟弘通。亦將藉靈峰之法。力懺不佞之愆。尤願閱是經者。爲書準。觀南無佛陀。歡喜讚歎。或可冀消罪報於萬一耳。僧聞而稱善。請卽以此跋於卷後。因書之。

千華菩薩戒弟子歸舟道人沈豹書準敬跋於石城南郊西上園中

梵網經略疏序

佛說諸經取喻多方皆以發明本源心地而已。今梵網經一百十二卷分爲六十二品。此品當菩薩心地。仍分上下焉。品上則專明三賢十聖修證之階位。品下則特明三聚。戒以備菩薩六度萬行實乃定慧之基本。三賢十聖之踐履也。普天台智者著述疏以明其宗趣。標其大綱。雲棲大師復註發隱以發天台之所未發。今鼎湖在和尙綜理略疏又補發隱之未盡者。珠交映次第燦然。世見之者。遂事而明理。隨理而達旨。微於旨則自不迷宗。察於事則自不忘持。梵網之義既明。則吾人之心地未嘗與毗盧遮那徧照異也。然而末學之支離久矣。自禪律之分也。分則歧歧則兩傷。古人學道必從漸。漸以至徹。悟末有後先之分。蓋體不離用。用不離體。體用互融。故經是佛語。律是佛行。禪是佛心。又何禪律之分耶。夫四時寒暑日月度數。天行之律也。天且不違。而人可違之乎。則容旋止不失其正者。人之律也。守而行之謂之戒耳。然名從義起。味道者。執名遂成守株封滯也。余早

歲。歸依佛。乘待罪。粵東得聞鼎湖在和尙戒律精微。宗說兼通。心向已久。近讀和尙所註經律世慮頓消。名心盡息。故從之。受八關齋法師之道行。余固不得窺其高深。而師之教人言律則必兼於禪。言禪則必兼於經。律余見今之參禪者多略於經律。猶如儒者但談經義而不及躬行也。世運之昇降而人事應之亦氣數使然。和尙慈悲念切。思以古佛菩薩之行誘諸後學。而挽回末劫頹風。余每誦之不勝讚仰。今是經分科疏釋既詳。使梵網一珠而衆珠咸相照。余將返都門。因序而還之。

峇

康熙己未夏日南恩令八關戒弟子孫廷鐸撰

佛說梵網經菩薩心地品下略疏卷一

姚秦三藏法師 鳩摩羅什 譯

廣州寶象林沙門 弘贊 述

今釋此經大科分二初釋題目二釋經文

初釋題目二分 初正釋經題 二釋譯人名

◎初正釋經題

佛說梵網經

佛說者。先舍那後釋迦親宣也。梵網者。時佛在摩
醯首羅大梵天王宮中。親彼天宮殿上。因陀羅網
幢而說也。其網幢以無量百千萬億摩尼寶珠共
成。而一一寶珠光色各各別異。不同互相映射。互
相攝入。故每一珠俱含眾珠之色。文彩重重。不相
妨礙。佛因之爲說。無量世界猶如網孔。一一世界
各各不同。佛說教門亦復如是。由是引此以明十
方世界安立各各無量不同。十方諸佛教門施設
無量亦復不同。十方菩薩依教修證參差無量亦
各不同。故以梵網喻爲經名。此經大本共有一百
十二卷。如彼網之一孔。今此心地一品猶彼網之

菩薩心地品下

一珠耳。經者梵語修多羅。此云契經。契謂上契諸
佛之理。下契衆生之機。經謂貫穿攝化也。以貫穿
所應知義。攝持所化衆生也。又云經者常也。古今
雖殊。覺道不改。寂那不能沮。衆聖不能異。故曰常
也。按諸經律有以人法爲名。或以法喻爲目。或以
人法喻爲名。或以單人單法單喻爲目。今本經以
喻爲名。若衆品言之。則以人法喻爲目。梵網是喻
菩薩是人心地是法。經是能詮之教。梵網是所詮
之法。佛是能詮之人也。若論宗趣。體用教相權實
所攝。則本源心地正戒爲宗。克成舍那佛果爲趣。
實相心地爲體。止惡行善爲用。大乘毗尼爲教。相
三藏之中。毗尼藏攝大小二藏。中菩薩藏攝權實
教中權實所攝也。瓔珞經云一切凡夫戒盡以心
爲體。心無盡故戒亦無盡。是故以實相心地爲體
也。宗者體也。謂當經所崇仰也。趣者宗之所歸趣
究竟處也。因陀羅此云天帝。亦云天帝外合面
王。亦兼網幢也。

釋此云衆生。謂以佛道化諸衆生也。又云覺有情。菩薩是能覺義。薩埵是有情義。謂能令一切有情覺悟也。又上求下化。建立大事。名曰大士。亦云闍士。謂能開化一切衆生也。從初發心。終至等覺。皆名菩提薩埵。心地者。乃一切聖凡之本源也。在凡則迷此心。故流轉三界六道。四生在聖。則悟此心。而復本真。源截生死之流。漫菩薩欲還本源。故依此心地正戒。以爲勝因而證舍那之極果也。地乃從喻爲名。謂菩薩修行六度萬行。教化荷負一切衆生。情愛不起。殊因妙果。由之增長。譬如大地承載荷負一切淨穢無嫌。萬物因之生長。菩薩心之平等。亦復如是。梵語鉢里勿多。此云品。品者聚也。謂義類相從共爲一聚也。按本經別品。猶兼談世界。此品惟重教修。明本心地。而復分上下上品明菩薩以定慧力。修證三賢十聖之階位。今此下品。專令大士依本源心地戒法。爲定慧正因。故三賢十聖以至等覺。悉令誦持也。

○二釋譯人名

姚秦三藏法師鳩摩羅什譯

姚秦是姓。秦是國號。乃後秦國主。姓姚名叟也。三藏者。法師善譯經律論三藏之玄文也。鳩摩羅什。此云童壽。謂法師年在童稚時。而辯慧已過耆宿也。父天竺人。以聰慧見稱。龜茲國王聞遂以女妻之。師在胎日。母增辨慧七歲。出家日。誦千偈。九歲與外道論義。辯挫邪鋒。天竺諸王皆尊奉爲師。符堅聞師道德。非凡道將軍。呂光率兵七萬伐龜茲。請師師纔及中途。姚興續秦迎師歸國。弘始三年。方入長安。秦主興厚加禮待。延入西明閣及逍遙園。別館安置。敷譯經論五十餘部。此梵網一部是最後譯出者。時聰慧沙門八百人。各受師義。與三百發大心沙門。銳智者。授菩薩戒。此爲東夏受菩薩戒之始也。天人陸玄暢答宣律師云。什師位居三賢。從七佛已來。爲譯經師也。譯是翻譯。謂翻彼西天之梵語。而爲東夏之華言也。

○二釋經文分 初制序 二正宗 三流通

按諸經皆具序正流通三分。此心地一品出梵網

經梵網大本品有六十二此心地品當彼第十故

無全經如是我聞等之通序惟有別序如華嚴法

華等品品皆以爾時爲首今此亦爾即正宗流通

亦是明此一品之性相事理非彼全部之正宗流

通故華嚴鈔云夫聖人設教必有其漸將命微言

先彰由致由致既彰當機受法故授之以正宗正

宗既陳務於開濟非但爲於時會復令末葉傳芳

永耀法燈明明無盡故授之以流通非唯一部當

會當品等皆容有之是也今釋惟列大科不列子

科者恐初學反見爲難更增蒙昧其餘經悉立理

菩薩階位備載義疏及發隱自當檢閱

方始自晉道安法師後西域諸菩薩經至晉分三

分始知晉符西釋誠乃古今不易之通規也序謂序

通亦持也教也乃一經之由致而有通有別通序者

如一經初皆有如是我聞一時在某某處與諸大

衆俱是爲通序別序者蓋及經各有緣起不同故別

序一經或一品之由緒也正宗者宗即主也宗也謂

佛說法必於向當機所說之義爲正主斯即一經之

宗旨也流通者統謂本經通謂不棄以正義既陳經

而無盡利益衆生使正法之流通也

●初別序分

三一佛說法 四重頌 五叙結戒

○二三佛傳發分 初總頌 二別頌

三供本尊

○初總頌

三佛者盧舍那千華上佛千百億釋迦也釋迦傳

自千佛千佛傳自舍那舍那傳自先佛然一切諸

佛皆具三身所謂毗盧遮那正法爲身舍那行滿

報果爲身釋迦化迹赴感爲身法身無相顯明徧

照十方舍那萬德具八萬四千相好嚴身釋迦金

身丈六相具三十二好有八十種梵語毗盧遮那

此云遍一切處光明徧照一身光徧照盡空法界

二智光徧照重重法界亦云大日如世間日惟照

一邊不照一邊晝照夜不照照一世界不照餘世

界不得名大日今毗盧遮那色身法身普周法界

十方世界悉皆照曜心地觀經云法身體徧諸

衆生萬德礙然性常住不生不滅無來去不一不

異非斷常法界徧滿如虛空一切如來共修證有

爲無爲證功德依止法身常清淨法身本性如虛

空遠離六塵無所染法身無形離諸相能相所相

悉皆空如是諸佛妙法身說論言辭相寂滅遠離一切諸分別心行處滅體皆如爲欲修證知來身菩薩善修於萬行法身無相寄於報化二身故心論云初身聚二爲依止爾時盧舍那佛爲此大衆略開百千恒河沙不可說法門中心地如毛頭許

爾時者即盧舍那佛說法時也梵語盧舍那此云光明徧照一內以智光照眞法界此約自受用身二外以身光照應大機此約他受用身大機即大乘菩薩又翻爲淨滿謂諸惡都盡故云淨此是止惡果報也衆德悉圓故云滿此是行善果報也斯多從自受用得名其光明徧照多從他受用爲號按心地觀經法身亦名自性身無始無終離一切相絕諸戲論周圓無際礙然常住此名其受用身有二種法身相一自受用二他受用自受用身三阿僧祇劫所修萬行利益安樂諸衆生已十地滿心出過三界居淨妙國土坐大寶蓮華無量海會菩薩圍繞供養恭敬尊重讚歎如是名爲後報利益爾時菩薩入金剛定斷除一切微細所知諸煩惱障成無上

◆法界身

菩提如是妙果名現利益是真報身有始無終欲劫數無有限量窮未來際諸根相好遍周法界四智圓滿受用法樂具足八萬四千智門如是一切諸功德法名爲如來自受用身如來他受用身具足八萬四千相好居眞淨土說一乘法令諸菩薩受用大乘微妙法樂一切如來爲化十地諸菩薩衆現於十種他受用身第一佛身坐百葉蓮華爲初地菩薩說百法明門菩薩悟已起大神通變化滿於百佛世界利益安樂無數衆生第二佛身坐千葉蓮華爲二地菩薩說千法明門菩薩悟已起大神通變化滿於千佛世界利益安樂無數衆生第三佛身坐萬葉蓮華爲三地菩薩說萬法明門菩薩悟已起大神通變化滿萬佛國土利益安樂無數衆生如是如來漸漸增長乃至十地他受用身坐不可說妙寶蓮華爲十地菩薩說不可說諸法明門菩薩悟已起大神通變化滿於不可說佛微妙國土利益安樂不可宣說不可宣說無量無邊種類衆生如是十身皆坐七寶菩提樹王證

得無上菩提。此名一一華葉各各爲一三千世界。

各有百億須彌山及四大洲。一一諸瞻部洲有金

剛。應菩提樹王。其諸化佛各於樹下破魔軍。已一

時證得無上菩提。如是諸化佛身各各具足二十

二相八十種好。爲諸菩薩二乘凡夫。隨宜說三乘

妙法。是諸化佛皆悉名爲佛變化身。如是二種應

化身。佛雖現滅度。而此佛身相續常住。偈云。爲化

地上諸菩薩。一佛現於十種身。隨機應現各不同。

展轉倍增至無極。如是十佛成正覺。各坐七寶菩

提樹前。佛入滅後。佛成不同。化佛經劫現。應身即

身化身即千百億化身。皆倍增至無極。則止千百

億而已。故其文云。百千萬至不可說。大小化佛各坐

菩提樹。即本經流通分。爲此大衆者。指千華上佛

云。微顯世界佛是也。及千百億釋迦。按上品是時。釋迦摩訶接此世界大

衆。還蓮華臺。藏見盧舍那佛。佛乃廣開示三寶十

聖法門。爲入佛果之根源。是知非止千佛千百億

爲大衆也。恒河沙者。河在中天。竺滴四十里沙。細

如麤。一河之沙數。尚無窮。況百千河之沙數。豈可

能盡。故云不可說。不可說。亦十大數之第九數。以

喻法門廣大無窮無盡。今於無窮盡法門中略說

心地法門。如一毛頭許。猶百千河沙之一沙耳。法

門雖廣。不出心地。舉心地。即該盡萬法。是亦以少

攝廣也。涅槃經云。佛在林中。取少樹葉。告諸比丘。

我覺了一切諸法。如大地草木葉等。爲衆生說。如

手中葉耳。亦同此喻也。

是過去一切佛已說。未來佛當說。現在佛今說。三世

菩薩已學當學今學。

佛者梵語。具云佛陀。此云覺。覺具三義。一自覺。如

大夢覺。此揀凡夫二覺。他揀異二乘三覺。滿揀異

菩薩。由行滿果圓。故稱爲佛。即惑業俱盡。福智圓

滿之稱也。過去未來現在。是三世。今舍那所說。雖

云一毛頭許。而實三世如來同說。三世菩薩同學。

何也。心爲萬法之源。畢心則萬法俱盡。故諸佛同

說。大士同學。

我已百劫修行。是心地。號吾爲盧舍那。汝諸佛轉我

所說。與一切衆生。開心地道。

我者。乃如來八自在之真我。非凡夫執五蘊身心。

之妄我劫者梵語具云劫波羅訖此云大時分甚爲久遠非歲月可知如瓔珞本業經云譬如一里二里乃至十里石方廣亦然以天衣重三銖人中日月歲數三年一拂此石盡名一小劫若一里二里乃至四十里亦名小劫又八十里石方廣亦然以梵天衣重三銖即梵天中百寶光明珠爲日月歲數三年一拂此石盡名一中劫又八百里石方廣亦然以淨居天衣重三銖即淨居天中千寶光明鏡爲日月歲數三年一拂此石盡名一大阿僧祇劫若一里二里乃至十里石盡名一里劫二里劫五十里石盡名五十里劫百里石盡名百里劫千十里盡名千里劫萬里石盡名萬里劫一切賢聖入是數量修一切法門時節久近得佛果其數百劫乃得等覺若一切衆生入是數者得佛不久若不入者不名菩薩今言百劫修行而品上云百阿僧祇劫此或略文準餘經多云如來於三大阿僧祇劫修行或過三大劫已復於百劫中修相好因故云百劫天台引智度俱舍婆沙等論云如來

從古釋迦至尸棄佛值七萬五千佛名初阿僧祇非七佛中從尸棄佛至然燈佛值七萬六千佛名尸棄佛也第二阿僧祇得授記號釋迦又從然燈佛至毗婆尸佛值七萬七千佛名第三阿僧祇滿從初至此修六度竟更住百劫修三十二相八十種好因故賢愚經云佛言我三阿僧祇劫精勤苦行百劫修福初阿僧祇供養八萬八千諸佛中阿僧祇劫供養九萬九千諸佛後阿僧祇劫供養十萬諸佛世尊出家持戒具足尸波羅蜜乘六度車被忍辱鎧於菩提樹下坐金剛座降伏魔王得成佛道按瓔珞經云佛初發意志求緣覺乘閒居靜處四十四億劫無佛法聖衆其間七十劫後遇大通慧佛演暢大乘乃微信解建功德業復經十九劫爲大國王供養清衆周給貧乏捨位出家娶居寂念心漸疲倦往來生死受報無數由意無大誓欲免自身患復經六十劫值遇寶髻佛一乘無二道不聞小節名始從被發意弘誓心雖沮從彼至今日七億阿僧祇將護順正法今乃自覺悟須知七億

已前雖復勤苦修道而無堅誓終不能成等正覺。據此則百阿僧祇猶少斯亦隨機所說權實大小兩乘化儀不同今舍那以自己修證驗之成法而告之令他生信依此心地法門而做修證也汝諸佛轉我所說者而說法普為大眾今付心印非餘人所堪故特囑千釋迦傳我舍那佛語示諸衆生使上承而下布真法自有來也與一切衆生開心地道者然衆生心本虛通良由無始劫來爲妄情惑業塞閉故舍那囑千佛傳我開心地之大道法門令一切衆生豁通本來之自心也今此略叙下文次第詳示

○二別囑

爾時蓮華臺藏世界赫赫天光師子座上盧舍那佛放光光告千華上佛持我心地法門品而去復轉爲千百億釋迦及一切衆生次第說我上心地法門品汝等受持讀誦一心而行

蓮華臺藏世界者即華嚴海藏世界藏以包含爲義由十方法界悉在其中也餘如下重頌中釋赫

赫天光師子座者謂此座發光高明顯著熾盛猶如天光普照炳燦也如來說無畏之法外道魔王悉皆歸降猶師子之哮吼飛禽走獸盡皆潛伏是以凡佛所坐之座皆名師子座又名法空座亦表無畏謂如來得法空故故無所畏上品云舍那在百萬億紫金剛光明宮中坐百萬億蓮華赫赫光明座是也光告千華上佛者如來心地本絕名言聲色今欲顯心地正法還以心光而作佛事故不以言告而以光告也斯則舍那光告千佛千佛復轉爲千百億釋迦釋迦復爲諸衆生說也次第說我上心地法門品者謂說品上菩薩次第修證十發趣等心地諸法門以該此品下心地戒也在心爲受持在口爲讀誦心口進修無二故云一心而行

○三供養本尊

爾時千華上佛千百億釋迦從蓮華臺藏世界赫赫師子座起各辭退舉身放不可思議光光皆化無量佛一時以無量青黃赤白華供養盧舍那佛受持

上說心地法門品竟

舍那以法付千華上佛千佛復以法付千百億釋迦各各承受故各各辭退也舉身放不可思議光者諸佛之光有常光放光常光即本覺圓明偏照法界放光即所起神通變現非一然皆不離本源心地戒體而出既是本源戒體即言思路絕故云不可思議也光皆化無量佛者無量亦不離心地是則舍那心地化為千佛千佛化為千百億千億化為無量復化無量妙華還供本源心地佛此亦表菩薩依心地戒體福慧交修而成萬德還以萬德莊嚴自心也

○二二佛說法二分 初千華上佛說

一千百億釋迦說

○初千華上佛說

今先叙千華上佛現身於十處說法後叙千百億釋迦亦現身於十處說法十處者一金剛座及妙光堂二帝釋宮三跋摩天四兜率天五化樂天六他化天七初禪天八二禪天九三禪天十四禪天

此色界第四禪色究竟天頂上無復有天矣問色究竟天上有復有天其無色界四空天在何處答其四空天以受想行無四礙成身無有色彩入同體界若虛空故無處所但隨其人在於何處修四空定即名四空天由其定超過四禪故列於四禪之上耳各各從此蓮華毫藏世界而沒沒已入體性虛空華光三昧還本源世界闍浮提菩提樹下

體性無相故曰虛空即本源心地心地本具智用是故心體雖空而具足恒沙性德智光妙用故曰體性華光然如來三昧本非出入故云那伽常在定無有不定時又云不起滅定現諸威儀示十法界像導利衆生今言人出者以體用冥一故云人體用全彰故云出所謂百千定門同歸一寂無邊智海不離本源圭峯云息諸分別智與理冥名爲入是也三昧此云正定亦云正受然三昧名體甚多修證不一如一切禪定亦名定亦名三昧今言體性華光是揀除三昧也闍浮提此云勝金州謂此南州之北有大樹名闍浮樹下有河河有紫金沙故以爲名斯則樹因河爲名州從樹得名新云瞻部洲是也菩提此云道乃道之極者稱曰菩提

即大覺之道也。其樹本名畢鉢羅。因佛坐此樹下。成正覺。道故曰菩提。高數百尺。莖幹黃白。枝葉青翠。冬夏不凋。光鮮無變。每至二月十五。如來涅槃日。葉皆凋落。頃之復故。華嚴經云。菩提樹高顯殊特。金剛爲身。瑠璃爲幹。衆雜妙寶。以爲枝條。寶葉扶疎。垂蔭如雲。寶華雜色。分枝布影。復以摩尼而爲其果。此是舍那。他受用身。十地菩薩境界。非凡夫二乘所能見。然亦表佛三昧神通。智光影現。莊嚴心地。還同體性。華光也。釋迦由此修道。故曰還本源世界菩提樹下。

從體性虛空華光三昧出。出已。方坐金剛千光王座。及妙光堂。說十世界海復從座起。至帝釋宮。說十住復從座起。至忉利天。說十行復從座起。至第四天。說十迴向復從座起。至化樂天。說十禪定復從座起。至他化天。說十地復至一禪中。說十金剛復至二禪中。說十忍復至三禪中。說十願復至四禪中。摩訶首羅天王宮。說我本源蓮華臺藏世界。虛舍那佛所說心地法門品。

前明千釋迦與千百億釋迦。皆先於舍那前受菩薩戒。藏已。乃入三昧。還本源世界。今明出三昧。現身十處。說法千光王座。在中天竺摩竭陀國王舍城之西二百里。菩提樹下。普此世界初成。座與大地俱起。據三千大千界之中。下極金輪上侵地際。金剛所成。周百餘步。寶劫千佛皆坐此。而入金剛定。成無上覺。故曰金剛千光王座。是如來修證聖道之所。亦曰道場。華嚴經云。其地堅固。金剛所成。上妙寶輪。及衆寶華。清淨摩尼。以爲嚴飾。諸色相海。無邊顯現。乃至佛神力。故令此道場一切莊嚴。於中影現。如來所處宮殿樓閣。廣博嚴麗。充滿十方。衆色摩尼之所集成。種種寶華。以爲莊嚴。樹林樓閣。階砌戶牖。凡諸物象。備體莊嚴。其師子座高廣。妙好摩尼。爲臺。蓮華爲網。清淨妙寶。以爲其輪。斯非大概。菩薩莫能觀之。凡夫二乘。惟見本菩提樹座。周百餘步。金身丈六耳。妙光堂者。衆寶莊嚴。故曰妙寶輝互照。故曰光亦名普光堂。又名普光明殿。在菩提樹西不遠。乃如來初成正覺時。梵王

以七寶建立此堂帝釋建立七寶之座放異光明
照菩提樹佛坐座上七日放光今變爲石矣華
嚴經云於普光明殿坐蓮華藏師子之座是也十
世界海者詳見華嚴經總而言之世界海二衆
生海三法界安立海四佛海五佛波羅蜜海六佛
解脫海七佛變化海八佛演說海九佛名號海十
佛壽量海海以深廣爲義謂如來所說一切諸法
此十攝無不盡也瓔珞經云佛初得道在此樹下
說十世界海法門時有八萬無垢菩薩等現身
得佛又云有九十億人入六入明門復至普光法
堂說十佛國土有百萬億人入六入明門乃至至
第六天摩尼堂說十地有百萬恒河沙人入六入
明門○帝釋宮梵諸具云釋提桓因此云能天主
謂能爲三十三天主其宮名殊勝殿居須彌山頂
卽欲界第二切利天也華嚴經云爾時如來威神
力故十方一切世界一一四天下閻浮提中悉見
如來坐於樹下各有菩薩承佛神力而演說法摩
不自謂傾對於佛爾時世尊不離一切菩提樹下

而上升須彌山頂向帝釋殿其餘一一上升皆亦
如是疏云如來不動覺樹而昇釋天體用無方赴
於物欲其猶澄江一月三舟共觀一舟停住二舟
南北南者見月千里隨南北者見月千里隨北停
舟見月不移是謂此月不離中流而往南北如來
應現類此可知卽體之用無不普周去住在緣佛
無動靜不動而徧以赴彼機故經云佛身充滿於
法界普現一切衆生前隨緣赴感靡不周而恒處
此菩提座是故如來不起眞際而普利羣生也十
住者菩薩約位進修從淺至深以妙覺爲極果而
始必以十信十信如後出爲之先導故妙覺由信而入
入則能住也此下住行向地四位諸經列名略異
卽本經品上堅信忍中十發趣心一捨心二戒心
三忍心四進心五定心六慧心七願心八護心九
喜心十頂心依瓔珞本業經一發心住二治地心
住三修心住四生貴心住五具足方便心住六
正心住七不退心住八重真心住九法王子心住
十灌頂心住○饒天梵語饒摩或云夜摩此云時

分是欲界第三天其殿名曰寶堂十行者由前十住進修功滿自得已利而利他之行未成故廣行饒益隨順衆生令其歡喜即堅法忍中十長養心一慈心二悲心三喜心四捨心五施心六好心七益心八同心九定心十慧心瓔珞經云一歡喜心行二饒益心行三無瞋恨心行四無盡心行五無癡亂心行六善現心行七無著心行八尊重心行九善法心行十眞實心行○第四天是欲界兜率天梵語兜率此云喜足其殿名曰法光堂十迴向者十行功滿起大悲心救度衆生迴轉十行之善向於三處一向眞如實際是所證故二向無上菩提是所求故三向一切衆生是所度故復以能迴之心及所迴善行向彼萬類圓滿萬行等入法界即上品堅修忍中十金剛心一信心二念心三迴向心四達心五直心六不退心七大樂心八無想心九慧心十不壞心瓔珞經云一救一切衆生離衆生相迴向心二不壞迴向心三等一切佛迴向心四至一切處迴向心五無盡功德藏迴向心六

隨順平等善根迴向心七隨順等觀一切衆生迴向心八眞如相迴向心九無縛解脫迴向心十入法界無量迴向心○化樂天是欲界第五天也十禪定者亦名十大二昧諸大菩薩乃能善入入此三昧得法界力無有窮盡得法王位無量自在生如來家示現種種廣大神通一普光三昧二妙光三昧三次第遍往諸佛國土三昧四清淨深心行三昧五知過去莊嚴藏三昧六智光明藏三昧七了知一切世界佛莊嚴三昧八衆生差別身三昧九法界自在三昧十無礙輪三昧詳見華嚴十定品然華嚴在十地後出○他化天是欲界第六天其殿名摩尼寶藏十地者謂菩薩證此十地位猶如大地一切佛法依此發生瓔珞經云地名持一切百萬阿僧祇功德亦名生生一切因果故名地即上品堅忍中十地一體性平等地二體性善慧地三體性光明地四體性離炎地五體性慧照地六體性華光地七體性滿足地八體性佛吼地九體性華嚴地十體性入佛界地瓔珞經云一

歡喜地二離垢地三明地亦名發光地四焰地亦名熾慧地五難勝地六現前地七遠行地八不動地九妙慧地亦名善慧地十法雲地理路經中佛說住向地等聖妙覺六○一禪是色界初禪天也十金剛者按本經品上及此品下文卽十迴向然在第四天已說十迴向斯乃名同義別今依華嚴出十金剛心然本經與華嚴同時而說後結集者分爲二部謂菩薩願心堅固不動猶如金剛一覺了諸法心二化度衆生心三莊嚴世界心四善根迴向心五奉事大師心六實證諸法心七廣行忍辱心八長時修心九自行滿足心十令他願滿心○二禪是色界第二禪天也十忍著得此忍則得到於一切菩薩無礙忍地證一切佛法無礙無盡此乃等覺菩薩後心斷盡微細無明所證也一音聲忍二順忍三無生法忍四如幻忍五如鏡忍六如夢忍七如響忍八如影忍九如化忍十如空忍詳見華嚴○三禪是色界第三禪天也十願者華嚴經利兩十願前十願一願成熟衆生無有疲倦二願具行眾

善淨諸世界三願承事如來常生尊重四願護持正法不惜軀命五願以智觀察入諸佛土六願與諸菩薩同一體性七願入如來門了一切法八願見衆生常無不獲益九願神力住世盡未來劫十願具普賢行淨治一切種智之門後十願一體敬諸佛願二稱讚如來願三廣修供養願四懺悔業障願五隨喜功德願六請佛轉法輪願七請佛住世願八常隨佛學願九恒願衆生願十普皆迴向願○四禪是色界第四禪天也摩醯首羅比云大自在得人自在欲樂解脫光明勝一切居色界頂主領大千世界是十住菩薩字威靈帝佛前在四禪下說住行向等諸法門今最後在四禪說心地法門此第四禪是色界最極之頂此天王宮過五淨居上更無有天上於此者故三乘教中立此爲淨土是報身佛所居之處密部云過五淨居天有毗盧遮那宮殿是也亦表萬法總歸一心之至極最尊無上復無有法上於心者今此本源無爲無相之法非下地凡夫心識所測惟佛與佛乃能知

之

○二千百億釋迦說

其餘千百億釋迦亦復如是無二無別如賢劫品中說

上千佛如是覆述說舍那心地法門今千百億佛亦如是覆述說故云無二無別也賢劫品出大本中已上經文是結品上之末詞古疏著於品下之初以彰釋迦之本跡令人了如指掌故今仍其舊

佛說梵網經菩薩心地品下略疏卷一

音義

釋音亦傳也釋也交釋兩國言音而傳告之也周禮王制掌四方之語各有象胥通官東方官名曰寄能寄寓風俗之異於此南方曰象謂能倣象風俗之異於彼西方曰狄謂能別其服飾之異也北方曰譯謂能辯其言語之異而譯通之也時譯官兼善西語故不云狄緹而言譯也自漢至宋

翻譯三藏師若出家若在家共有三百餘人其往

來途中亡者或至彼終者不可紀也故唐義淨法

師題取經詩曰晉宋齊梁唐代間高僧求法離長

安去人成百歸無十後者安知前者難路遠碧天

唯冷結沙河遮日力疲殫後賢如未諳斯旨往往

將經容易看

天竺新云印度唐言月謂彼土聖賢繼軌導凡

御物如月照臨

龜茲亦云丘慈又云屈支在崑崙之西葱嶺之

東也

毗盧遮那或作吠囉者那此云徧照亦云大日

如來色身法身普周法界十方世界悉皆照曜若

人稱名歸命禮拜則得法界一切諸佛菩薩賢聖

乃至八部加持衛護

八自在我我是自在義即如來常樂我淨四德

之我由如來具大神力智慧隨機示現自在具此

人並故稱我德一能示一身以爲多身二示一塵

身滿大千界三大身輕舉遠到四現無量類常居

一土五諸根互用六得一切法而無法想七說一
偈義經無量劫八身徧諸處猶如虛空

阿僧祇 此云無央數乃天中能知算數者極
數不能知是名一阿僧祇此是華嚴經十大數之
首也十大數者一阿僧祇二無量三無邊四無等
五不可數六不可稱七不可思八不可量九不可
說十不可說不可說

尸素 華言寶髻

然燈 亦云錠光

毗婆尸 華言勝觀亦言徧見

修相好因 相謂三十二相好謂八十種好修百
福成一相福義多途難可定判有云如大千界有
盲人悉治瘡爲一福或云修行六度成百福德用
百福德成一相以爲三十二相之業因又云用三
千二百福修成三十二大人相也

五淨居天 一無煩二無熱三善見四喜現五色
究竟

禪 梵語禪那此云靜慮

百法明門 百法束爲五門謂色法十有一心法
八心所有法五十有一不相應行法二十有四無
爲法六共成一百也詳如大乘百法明門論

佛說梵網經菩薩心地品下略疏卷二

姚秦三藏法師 鳩摩羅什 譯

廣州寶象林沙門 弘贊 述

○三一佛說法四分 初十處說法 二教起因緣

三降生非一 四爲凡說戒

○初十處說法

爾時釋迦牟尼佛從初現蓮華臺藏世界東方來入
天王宮中說慶受化經已下生南閼浮提迦夷羅國
母名摩耶支字白淨吾名悉達七歲出家三十成道
號吾爲釋迦牟尼佛於寂滅道場坐金剛華光王座
乃至摩訶首羅天王宮其中次第第十住處所說

前叙千佛及千百億釋迦於千百億世界說法今
敘此一月月界中之一釋迦降生爾土父母姓字
出家修造成佛利生之大略是東方者謂此一日

月世界在華藏界中之東故瓔珞經云於一法界中有一界報於一切有爲法若凡若聖若見善若因果法不出法界唯佛一人在法界外然後爲復來入法界藏中爲無明衆生示一切善惡道果報差別無量是也。天王宮者凡佛出世皆先在兜率天宮教化諸天子已乃降生闍浮提言魔受化者而兜率無魔彼諸天子常修喜足定故摩醯首羅天王宮在四禪天上色界之頂四禪共有九天。上五天皆三果阿那含聖人所居色界頂有毗盧遮那宮殿諸大菩薩常集其中亦必無魔或在他化天上魔王宮中說法令魔受化已乃至兜率或魔自至兜率受化集註云兜率在六欲梵世七天之中以佛常居中道故是則魔宮包括其中矣釋尊在兜率時名護明菩薩迦夷經此云亦澤成云迦毗羅此云黃色謂上古有黃髮仙人依此修道故以爲名是中天竺境中天竺共有一十二國迦夷羅乃瞻部州地之中央也梵語具云摩訶摩耶此云大幻亦云大智母謂成就菩薩大願智幻解

脫門以大幻術常爲諸佛之母護明菩薩七月八日自兜率乘大白象王從母右脇入胎住於右脇大衆人見菩薩乘旛檀樓等住於胎中也梵語闍頭檀此云淨飯今云白淨二義一也悉達此云頓吉謂佛四月八日降誕時諸吉祥瑞顯然出現故亦翻一切義成是佛小時字也七歲出家者諸經或言十九或言二十四今言七歲或二十四出家初訪諸仙人知彼所得非正乃於自昔在王田闍浮樹下所修離欲寂靜之道一年已欲降伏諸外道故示修苦行六年共爲七年如是則應云出家七歲三十成道也有云十九二月十五日夜半乘天馬踰城出家六年苦行五歲遊歷三十成道此或如來隨機應化非凡所測抑或當時傳寫之誤古人慎重不敢輕改也釋迦此云能仁姓也牟尼此云寂默號也由古佛授記得斯聖號亦如來昔爲陶師時供養古釋迦自發誠願願同彼佛姓號也寂滅道場卽道樹下坐此而證大寂滅涅槃道之場或云寂五住煩惱滅二種生死得道之場也

華嚴云爾時世尊處於此座於一切法成最正覺然法身無成出障名成報身四智初成爲成化身八相坐菩提樹下爲成故云所應物謂成身隨宜立號是也

○二教起因緣

時佛觀諸大梵天王網羅幢因爲說無量世界猶如網孔一一世界各各不同別異無量佛教門亦復如是

諸大梵天王者謂此娑婆三千大千世界有萬億大梵天王也言大者非初禪天之大梵天王乃第四禪天之大自在梵天王按上品則有無量無數大梵天王此或總舉微塵世界中梵天王來集也網羅幢萬目重重各異無量而珠光交映不相妨礙因以喻無量世界重重各異無量互相交徹不相妨礙而諸佛隨機設教亦各異無量互相交徹不相妨礙也

○三降生非一

吾今來此世界八千返爲此娑婆世界坐金剛華光

王座乃至摩醯首羅天王宮爲是中一切大衆略開心地法門竟

如來法身體若湛虛本離能所生滅去來動靜之相故般若經云如來者無所從來亦無所去今云百千返者乃如來利生悲智之大用華嚴經云如來無身爲衆生故示現其身斯卽法身無生無所不生無相無所不相以化身法身無異體故亦由衆生緣感則見佛興世緣盡故見佛滅度如雲籠日愚蒙便謂日滅雲開日現謂復重來衆生亦爾障重不親佛日衆輕見佛出世實因衆生機感非佛而有來去出世滅度無非利益衆生故涅槃經云諸佛如來爲令衆生欣樂故出現於世欲令衆生戀慕故示現涅槃是也若據餘經百千猶是隨俗大數而言如涅槃經云我雖在闍浮提中數數示現入於涅槃然我實不涅槃而諸衆生皆謂如來實滅盡而如來性實不滅是故當知是常住法不變易法大涅槃者即是諸佛如來法界眾生皆謂我始成佛然我已於無量劫中所作已

辦隨順世間法。故復示現闍浮提出家。說道法。故華經云。我實成佛已來。無量無邊百千萬億那由他劫。我常在此娑婆說法教化。亦於餘處百千那由他阿僧祇國。導利衆生。我壽命無量阿僧祇劫。常住不滅。非實滅度。而便唱言。當取滅度。如來以方便教化衆生。故問曰。如來既成佛久遠。何不直現身說法。而假父母降生出家修道耶。答曰。若不如是。凡夫無智疑佛是化人。或謂無父母妻子。方能得道。不肯做修。此卽如來示現方便利生之妙用也。娑婆此云能忍。亦云堪忍。謂此世界衆生。能堪忍受貪瞋癡三毒及諸煩惱之苦。而不生厭離以求解脫也。乃至者。謂十處說法。今初舉金剛座。後舉天王宮。餘之八處。包括其中。故也。前云千光王座。今云華光王座者。由千佛悉皆出華光三昧而坐。此座大地震動。此座不變。是表實相心地戒體。猶如金剛。能摧諸煩惱。不爲煩惱所動也。爲是。中一切大衆者。爲十住處之大衆。略說百千恒河沙法門中心地。如毛頭許。已然後。乃爲地上凡夫。

說詳見下文

○四爲凡說戒

復從天王宮下至闍浮提菩提樹下。爲此地上一切衆生。凡夫癡暗之人。說我本處舍那佛心。地中初發心中。常所謂一戒。光明金剛寶戒。是一切佛本源一切菩薩本源。佛性種子。一切衆生皆有佛性。一切意識色心是情是心。皆入佛性戒中。當當當有因。當當當住法身。

先爲菩薩天衆說。今爲地上凡夫說。癡者不知正法。妄生邪見。暗者無明煩惱。閉自心地。如來啓此。故八千返傳說。舍那正戒。以三世諸佛皆先受此戒。爲成佛初因。故云初發心中常所謂一戒也。一戒卽光明金剛寶戒。是十重四十八輕之戒體也。光明謂此戒能燭破無始無明之暗宅。金剛之寶。其體最堅。能壞一切。不爲一切所壞。以喻此正戒。能摧壞諸煩惱。最難邪見之慢山。復能出生無量功德法財。故如寶也。一切諸佛菩薩無不以此戒爲本源。佛性種子也。一切衆生皆有佛性者。衆生。

本具佛性在凡不滅在聖不增故經云一切衆生本來成佛但因最初一念不覺而起無明成於凝時自爲閉障故令受此正戒而閉障自除佛性自現也意識心者本爲一眞法界之體以不守眞如故有心意識名名雖分三體本無二也意識乃心之大名謂凡夫妄念倏然集起名心大心思量名意識心了別名識也色是色質卽四大色身也是情是心皆入佛性戒中者情乃意識之別名正發明一切色心衆生俱有佛性除此心外無別有佛性可得故云阿賴耶識卽如來藏是也當當者決當也謂受此戒決當永作成佛之正因有此正因決當永住清淨法身之極果如金出礦不復還爲礦故云常也心地觀經偈云衆生本有菩提種悉在賴耶藏識中若遇善友發大心三種鍊磨修妙行永斷煩惱所知障證得如來常住身如是十波羅提木又出於世界是法戒是三世一切衆生頂戴受持

波羅提木又此云保解脫謂保任衆生決定得解

脫無明煩惱而獲證清淨法身也言十卽十重戒在因能持名波羅提在果所得名波羅提木又今先舉重總攝後輕也出於世界者謂此心地大戒世所難值如來出世故今出矣是法戒者揀非二乘木又乃成佛正法之心地大戒故當頂戴尊重受持不可暫時輕忽忘失也

吾今當爲此大衆重說無盡藏戒品是一切衆生戒本源自性清淨

重說者謂上已略說今復再宣或先爲菩薩天人今爲凡夫故言重也無盡藏戒品者謂此戒品雖云是十而包羅無盡菩薩戒法具足無量法門也是一切衆生戒本源自性清淨者謂此戒法上則千佛所傳下則普被羣機僧俗人天共尊神鬼畜生同受生佛同源性本清淨在諸佛則已還其源在衆生則要戒方便其本本源之性本清淨非源外別有自性亦無性外更有清淨可得也

○四重頌

上之經文是長行直說今此結而爲頌或云應頌

謂應上長行之文重宣其義諸經中或六句或四句二句隨句多少不定皆名為頌今此頌共有四十六句若以四句為一頌則有十一頌半按此頌義亦影略上品由上品經文未有結頌故也此中頌文大分八釋

一三佛依正本迹 二正化傳戒 三讚戒功能
四傳誦 五囑信 六勸受 七授記 八勸聽
我今盧舍那 方坐蓮華臺 周匝千華上
復現千釋迦 一華百億國 一國一釋迦
各坐菩提樹 一時成佛道 如是千百億
盧舍那本身

盧舍那身是戒果正報蓮華臺是戒德依報又千佛百億佛是正報千華百億國是依報一國即日月照臨之世界舍那是本千佛是迹又千佛為本百億為迹也方坐者方猶正也安住正法戒故云坐也蓮華臺者謂華藏世界形似蓮華臺在下華臺居正中表戒為中道之正因能起中道之佛果舍那身稱華臺亦是依正無差也舍那本佛坐

華臺為諸佛之主而表戒法是衆德之本也藏者包含十方法界亦表戒含萬法也周匝千華上復現千釋迦者周遍也市繞也千華謂華具千葉故有千釋迦葉寶也人間華祇有十餘瓣天上華有百瓣諸佛菩薩華有千瓣也一華百億國一國一釋迦者上明一華瓣為一世界故有千釋迦今明一瓣上復有百億國土故有百億釋迦千瓣故成千百億釋迦國土雖分而成佛同時以依正是一體用無二故也如是千百億盧舍那本身者謂用雖千百億而體本是一也言千百億者億之一數有四一以十萬為一億二以百萬為一億三以千萬為億四以萬萬為億然此娑婆三千大千世界共有萬億日月皆一佛化身所主故同時成道如上品云我百阿僧祇劫修行心地以之為因初捨凡夫成等正覺號吾為盧舍那住蓮華臺藏世界海其臺周遍有千葉一葉一世界為千世界我化為千釋迦樹千世界後就一葉世界復有百億須彌山百億日月百億四天下百億南閼浮提百億

菩薩釋迦坐百億菩提樹下其餘九百九十九釋迦各各現百億釋迦亦復如是千華上佛是吾化身千百億釋迦是千釋迦化身吾以爲本源名爲盧舍那佛是知千佛千百億佛不出一舍那本源本源卽心地實相戒體也

千百億釋迦	各接微塵衆	俱來主我所
聽我誦佛戒	甘露門卽開	是時千百億
還至本道場	各坐菩提樹	誦我本師戒
十重四十八		

按品上下千釋迦與千百億釋迦各接有緣皆至舍那前受菩薩戒藏然後各坐道場示成正覺傳誦舍那戒藏也言微塵者謂所來之衆不可數舉故喻如塵也各接者謂千百億佛各各接取千百億世界微塵總衆惟除無緣者由佛有三不能不能度無緣不能空衆生界不能除定業故也俱來至我所者我是舍那自稱是則能化所化俱會一處正表體用同歸本源心地也聽我誦佛戒者是誠所來聽衆以此心地大戒乃諸佛所傳非舍那

自稱故不云說而言誦佛戒也甘露門卽開者此戒能通至大涅槃故譬之爲門天上有甘露人得服之長生不死譬聽誦此戒如納服甘露煩惱因斯清涼卽得常住法身永離生死海也本道場者卽菩提樹下本修道之場也本師者千百億釋迦皆於舍那前受戒故稱舍那爲本師也十重四十八是總標戒相後乃別列

戒如明日月 亦如瓔珞珠 微塵菩薩衆
由是成正覺

此明戒功能也日能破千年之幽室以喻戒能滅衆生無始無明之癡暗月能使萬物清涼以喻戒能令煩惱衆生而得清涼又日月能長萬物以喻戒能生萬善也瓔珞珠能除貧醜以喻此戒能出生根力覺道三昧諸聖法財除諸薄德之貧苦及離破戒之醜陋舍那身體莊嚴悉由是戒之功也正覺者說法無差謬必初中後善故曰正出生死長夜大夢故曰覺一切菩薩悉因戒成佛故曰由是成正覺

是盧舍那誦

我亦如是誦

汝新學菩薩

頂戴受持戒

受持是戒已

轉授諸衆生

諦聽我正誦

佛法中戒藏

波羅提木叉

此明師資次第傳誦也。舍那是釋迦師釋迦是菩薩師菩薩是衆生師故令轉授衆生也。我者是釋迦自稱新學者是始聞戒之大士諸衆生者是大衆。凡夫意謂先聞者當轉授未聞使此戒光顯。隨相續法化無盡也。正誦即心地戒藏戒藏即波羅提木叉。斯乃揀異小乘事戒及外道邪戒等故言正也。

大衆心誦信

汝是當成佛

我是已成佛

常作如是信

戒品已具足

如來所以叮嚀囑信者以信爲入道之源功德之母。信諸佛已成衆生當成。一成無二成。惟分前後耳。心地大戒還從心得。若心確信無疑而戒體使已具足。續發是心便成正覺是也。義疏云。信有三種。一信自他心識皆有佛性。謂信此心本是佛也。二信勤行勝善必能得果。謂信勤行善因必得善

果也。三信所得果是常樂我淨。謂信由心是佛果。

必證佛荷無此正信戒品即失而果亦亡矣。

一切有心者

皆應攝佛戒

前既誦信今勸令受有心者簡惑疑無知及無信惡人如木石無心木頭無異故云。但解法師語皆得受戒言攝者納受也。謂要成佛當納受菩薩正戒正戒不出三聚淨戒。一攝律儀戒則無戒而不持終成法身然止即是持作便是犯。二攝善法戒則無善而不修終成報身然作即是持止便是犯。三攝衆生戒則無生而不度終成化身然作即是持止便是犯。此三淨戒包攝一切定共戒道共戒。禪無漏等種種諸戒乃至菩薩六度萬行無不統括故云聚也。

衆生受佛戒

卽入諸佛位

位同大覺已

眞是諸佛子

此如來授記有識衆生。緣受佛戒卽位同大覺。良由生佛同源心性無二。背覺合塵名爲衆生。背塵合覺名爲諸佛。今受心地正戒頓復本源豈不同

佛然既位同大覺。名佛子者。何也。以其空華之
惑未盡。性海之德未盈。是因佛非果。佛亦猶王子
已受灌頂。終紹王位。今但名王子。未名王也。

大眾皆恭敬。至心聽我誦。

上句結勸。下句囑聽。佛既親受親誦。是尊戒之極。
故再三囑勸。至聽。倘不至心。則妄念。墮閉心地。戒
法無由得入。不入則不能復其本源。外庸容儀。尊
仰聖戒。曰。恭內懷誠。謹專注諦。聽曰。敬。內外合敬。
是曰至心。

○五叙結戒

爾時釋迦牟尼佛。初坐菩提樹下。成無上正覺。已初
結菩薩波羅提木叉。

此是結集者。再叙如來初成道果。結戒爲先。以戒
是渡苦海之浮囊。復本源之寶筏也。無上正覺者。
謂更無有覺。加於佛之上。故名無上。如經開辟支
維覺。非正。以其但悟我空。未知法空。名爲偏覺。非
正覺。三賢十聖。及等覺菩薩。雖正。然猶有修有上。
不得言無上名。爲隨分覺。佛成妙覺。以明獨尊。故

曰。無上正覺。言菩薩木叉者。正揀非聲聞木叉也。
孝順父母。師僧三寶。孝順至道之法。孝名爲戒。亦名
制止。

佛雖已結菩薩戒法。而未示其極要。故今以孝順
爲戒之綱領也。善事奉養曰孝。承順無逆曰順。父
母生育色身。其恩罔極。師是得戒和尙。及阿闍梨。
乃出世父母。有訓誨善成之德。故經云。生長法身。
養智慧命。諸師之力。功莫大焉。此兼小乘三師。七
證言之。故云。師僧者。爲我受戒。而作尊證。雖非
師位。而有成就得戒之恩也。三寶者。佛法僧也。佛
是三界之慈父。法乃出世之雄規。僧是如來之弟
子。斯三者。衆生之良福田。人天之大導師。若能尊
敬供養。無違法訓。是曰孝順。孝順至道之法者。至
道謂至極之道。卽無上正法也。以孝順之心。正合
無上正覺之大道法也。孝名爲戒者。謂能行孝之
一事。則諸戒備足。故後五十八戒中。多言孝順。心
由不悖。十重四十八輕。卽是順本源地。故名孝
爲戒也。亦名制止者。如來說此五十八戒。用制勸

禁止身口意之不善復能防止妄念之不起故名
制止也言孝者是標戒之體制止者是出戒之用
即十重四十八輕之大用也

佛即口放無量光明

如來欲說大法故先放光表瑞令在會聽衆深生
敬信復顯此戒最勝有揚輝破暗之功具滅惡生
善之能昔舍那以光告戒今佛亦放光宣傳菩薩
聽受即從佛口親生是故名爲眞佛子也

是時百萬億大衆諸菩薩十八梵天六欲天子十六
大國王合掌至心聽佛誦一切諸佛大乘戒

如來出興於世俱是有緣機感故人天凡聖雲集
名曰大衆百萬億者是舉其大數而不出同生異
生二衆云何名同生異生此有二義一謂雜類作
諸異生種種形如下八部等是也菩薩得法性身
同人作一類菩薩形故曰同也二謂菩薩爲同者
通諸階位故餘類爲異者法界差別故也十八梵
天者總名色界分爲四禪初禪三天二禪三天三
禪三天四禪九天共一十八天梵者淨也謂其欲

塵已淨尙存色身故名色界也六欲天子者謂彼
諸天具受微妙五塵欲樂故名欲界共有六天第
一四天王天居須彌山半二忉利天居須彌山頂
此二名地居天三欲摩天乃至他化天此四名空
居天俱如上釋十六大國者一央伽二摩揭陀三
迦尸四憍薩羅五跋祇六末羅七支提八跋沙九
尼樓十槃闍羅十一阿濕波十二婆蹉十三蘇羅
十四乾陀維十五劍浮沙十六阿婆提元五天竺
境共有七十餘國今但舉其大者以該諸餘小也
問菩提樹下何能雲集百萬億大衆答如華嚴經
云樹下宮殿樓閣充滿十方又以諸佛神力所加
一念之間悉包法界是以涅槃會上法華雙樹間
於一針鋒上坐無邊衆豈可以凡情測識心思議
哉合掌者是身業恭也手本二邊合而爲一是表
身心恭敬也至心者乃心之誠極是意業敬也聽
者耳聰則心專而言自寂是口業敬也如是三業
嚴清則戒光自朗於心源矣

佛告諸菩薩言我今半月半月自誦諸佛法戒汝等

一切發心菩薩乃至十發趣十長養十金剛十地諸菩薩亦誦

菩薩爲人天之尊是以告菩薩則已該人天況大士爲當機之首故特而告之也半月半月者謂上半月下半月乃黑白二月即晦望二日也言黑是表惡業欲其惡盡而成斷德也言白是表善業欲其善圓而成智德也此是諸佛常式故今佛亦半月自誦以法現前大眾及未來受戒者之成規也發心菩薩者謂發大心之十信菩薩信謂隨順常住信之無疑爲三賢之先步十住之前階也一信心二念心三精進心四慧心五定心六不退心七護法心八迴向心九戒心十願心瓔珞經云從不識始凡夫地值佛菩薩於教法中起一念信便發菩提心是人爾時住前名想菩薩乃至亦名名字菩薩其人略行十心所謂信心乃願心也十發趣者謂此菩薩從初十信發心趣向佛果故名發趣卽十住位以信立之後慧住於理得位不退故名爲住十長養者謂此菩薩從入俗利生長養聖

胎故名長養卽十行位由前十住發真悟理從此進趣故名爲行十金剛者卽十迴向位謂此菩薩迴事向理迴因向果迴自功德向於衆生迴能修所修向於法界性如金剛不可壞故名金剛此上住行向三十心分爲初中後皆賢位菩薩也十地者地是荷負出生之義謂此菩薩住持佛智荷負衆生其猶大地又地地出生無量法門故名十地卽聖位菩薩也餘如前出及本經品上所明諸菩薩者指上從發心及四十位大士乃至等覺妙覺皆由是戒而生此戒乃心地法門人人本具是以從凡至聖皆當半月半月作布薩故云亦誦

是故戒光從口出有緣非無因故光光非青黃赤白黑非色非心非有非無非因果法是諸佛之本源行菩薩道之根本是大衆諸佛子之根本是故大眾諸佛子應受持應讀誦應善學

是故者承上佛口放無量光明而言也今口出光是緣緣必有因故光乃特顯此戒體性是本源心地不墮妄境故非青黃等色不墮妄情故非色心

不斷常一邊故非有無體自圓成不墮權乘修證之法故非因果諸佛以此心地戒為本源菩薩修行六度萬行自利利他亦以此心地戒為根本一切衆生當來成佛亦以此心地戒為根本是故再三勸受持誦學備約在心曰受執之不忘曰持口誦戒經曰讀誦熟玩戒文精微其義曰善學佛子諦聽若受佛戒者國王王子百官宰相比丘比丘尼十八梵天六欲天子庶民黃門姪男姪女奴婢八部鬼神金剛神畜生乃至變化人但解法師誦盡受得戒皆名第一清淨者

此正顯本源心地大戒一切衆生本具非染非淨故不擇貴賤人非人等但能領受授戒法師言語盡得受戒由此心地戒還從自心得不同比丘要具五緣方得成就倘一虧法無作不成復除十三難人不得受戒今此菩薩正戒惟揀七遮其餘皆名清淨法器然比丘真佛剃髮染衣是世間住持三寶之一般為世福田人天軌範苟其非器戒體不發故須揀擇菩薩以戒佛果為心或在家出家

隱顯無定故非住持是以但能發菩提心即得受戒也國王人主也王子貴官也百官衆臣也宰相百僚之長也比丘比丘尼此云除障男比丘尼此云除障女如來初成正覺未有出家二衆以預許二衆皆得受此正戒故也庶民百姓也黃門是閹人即內宦也黃者中也王使此人守內宮之中門以傳遞使命故云黃門今無論內宦非內宦但無男根者皆是也八部者一諸天上已言欲色二界天今八天及餘二龍衆三藥叉此云勇健鬼也四乾闥婆此云香天神也五阿修羅此云六迦樓羅此云金翅鳥七緊那羅此云疑神天八摩睺羅伽此云腹行金剛神手執帝仗神也并龍那摩畜生應云佛生其形佛行不能豎立浸正法者乃禽獸之總稱非局人所畜者變化人者或天龍鬼神變自身為人形而來受戒如昔有龍化作人身來受比丘戒佛知不聽令心地大戒一切衆生皆得受之是以如來秉舍那教盡勸一切有情悉令受戒如百川入海皆失本名同一鹹味是故一切衆生共歸本源無高下貴賤之分無優劣愚智之異同名一心地大戒之大士理

路經云。始行菩薩。若信男信女。乃至奴婢。變化人。盡得戒。皆有心向。故初發心出家。欲紹菩薩位者。當先受正法戒。此戒是一切行功德藏根本。正向佛道果。一切行本是戒能除一切大惡。正法明鏡。問曰。何不言無色界及地獄衆生。答曰。無色無身。地獄苦具。二皆非器故也。

佛說梵網經菩薩心地品下略疏卷二

音義

七天 一四天王天。二忉利天。三夜摩天。四兜率天。五化樂天。六他化天。七初禪梵世天。
講 音因釋外也。俗作訛非也。
正受 不受諸受名爲正受。卽三昧之別稱也。
五住煩惱 三界見惑爲一住。三界思惑分爲三住。根本無明爲一住。共成五住。由此五惑能令衆生住著生死故也。一切見住。二欲愛住。三色愛住。四有愛住。五無明住。

二種生死 一分段生死。謂六道衆生。隨業感報身之形段。有長有短。命之有限。有壽有天也。二變易生死。謂聲聞緣覺菩薩。雖無分段生死。而有因移果易之生。死如初位爲因。後位爲果。又後位爲因。後位爲果。故名變易也。
那由他 此云萬億。

眞如 眞如者。眞謂眞實。顯非虛妄。如謂如常。表無變易。謂此眞實於一切位。常如其性。故又眞者。體非僞妄。如者性無改異。論云。心眞如者。卽是一法界大總相法門體。所謂心性不生不滅。乃至竟無變壞。唯是一心。故名眞如。

阿賴耶 此云藏識。能含藏善惡諸種子。故卽第八識也。

那 音創。初造法界業也。俗作創非。

四天王下三天 須彌山下三層。級有三天。一堅

手天。二持提天。三憍勝天。

婆羅雙樹 婆羅此云堅固。冬夏不改。故云堅固。八樹共爲四雙。東西二雙。南北二雙。佛於八樹間。

寶牀上示大涅槃也

五緣成就。謂人僧界法衣鉢。又云一能受之人。是人道諸根具足。非破重戒。具出家相。先受沙彌戒。後方與受具。二結界成就。白四羯磨。僧數滿足。無別衆過衣鉢具足。三自稱名。誠心乞戒。及稱和尚名。四心境相應。五事成究竟。始從請師。終於受竟。前後無違。

青宮。太子宮也。神異記云。東方東明山有宮。青石爲牆。門有銀榜。以青石彫鏤。曰天地長男之宮。又曰東方屬震。震爲長子也。昔晉王爲王太子。帝曰。吾兒方位東宮。以官事相委也。

支那。或云至那。又云指難。義譯爲文物國。謂此方衣冠文物之地。又譯爲邊地。謂此方在贛部州之東邊。西域記云。摩訶至那。此云大唐國。又名震旦。謂東方屬震。是日出之方。樓炭經云。慈河以東。名爲震旦。由日初出。先曜於東隅故也。

央。亦作焉。央伽摩竭二國。皆執沙王所統。迦尸憍薩羅二國。皆波斯匿王所統。央誤作史。

佛說梵網經菩薩心地品下略疏卷三

姚秦三藏法師鳩摩羅什譯

廣州寶象林沙門弘贊述

●二正宗分 初十重 二四十八輕

○初十重分 初總標 二別列 三總結

○初總標

佛告諸佛子。我有十重。波羅提木叉。若受菩薩戒。不誦此戒者。非菩薩。非佛種子。我亦如是。誦一切菩薩已學。一切菩薩當學。一切菩薩今學。已略說菩薩波羅提木叉相貌。應當學。敬心奉持。

戒本無形。何有相貌。然持犯即是相貌。不誦名犯。學卽名持。若受而不誦。寧識戒相。不誦戒相。問誦開遮。不誦開遮。過犯由是而生。故首令誦學。苟不誦學。卽失現在大乘之名。故非菩薩。當來成佛之極果。亦失。故非佛種子。佛猶自誦。故過去一切菩薩。求大菩提。已於中學。未來菩薩。當學。今現在初學菩薩。應當尊敬。主心頂戴。奉持無令暫有所忘失也。

○二別列

○第一殺戒

聲聞厭怖生死以自利爲急故制姪戒居首由姪是輪迴之本生死之源菩薩不怖生死以利生爲要務故制殺戒在先況殺是斷佛性之種子違慈悲之本願以慈能與衆生之樂悲能拔有情之苦正大士度生之行成就法身之德也殺者一切有情皆以五蘊而爲身心若起瞋害壞彼五蘊故名爲殺

佛言若佛子若自殺教人殺方便殺讚歎殺見作隨喜乃至呪殺

若是殺況之詞一本無若字卽是的指一人非也。自殺者謂親身行殺教人殺者謂口教他人殺害方便殺者謂以種種機巧方便令其必死讚歎殺者謂於彼樂死人前稱其美德作如是言汝已作衆善功德生便受苦死當生天受無盡樂如是令其自死或口說或身現讚歎相或遣人說或遣人持書往令其自死見作隨喜者則殺屬身口二業

今隨喜是惡業謂見他人行殺時心便隨彼而生歡喜也乃至者未盡之辭謂其中殺事既多不能盡舉或作火坑穿陷令墮或作機撻使死或作竈作桁或作縶索或與毒藥或墮他胎等呪殺者亦屬口業謂以惡呪術呪令彼死外國有起屍鬼呪名毗陀縛取未指壞全屍以召鬼呪呪二十九日令屍起水洗著衣授與其刀載於車上教往殺人此方外道亦有惡呪能令人死律中自殺有三種一用內色謂以手或足或頭或餘身分而斷他命二用外色謂以木石刀稍弓箭等物遙擲彼人三用內外色謂以手捉木石刀等打他除此三色外有能令人死者卽坑穿機撻乃至惡呪等是也殺因殺緣殺法殺業

初起殺心爲因次殺心相續助成殺事爲緣思惟造作方便實具爲法命斷成業初萌一念殺心名煩惱障事成命斷名業障招感當來三惡道苦名報障是則三障皆由初起一念不善之心而有初心若滅次心不續則無思惟造作而殺業不成報

障無由得矣。下之九戒。舉此應知。言方便資具者。謂用內色外色。內外色坑陷機機等。義疏云。因親緣疎。正因殺心。爲因餘者。助成爲緣。親者。造作招感。當來果報。如影隨形。緣者。助成放疎。於因緣中。造作皆是業。義成業有四事。一是衆生。二衆生想。三殺害四命斷。若一有異。則業不成也。

乃至一切有命者。不得放殺。乃至者。承上害人下及微細物。命一切者。除人道。除鬼畜。蟲蟲等是。也有命者。一切衆生。以六根六識。連持相續。名爲壽命。此相續斷。名之曰死。故殺者。謂有心害命。非無心誤殺也。殺畜等雖可悔。而嬰兒好相。罪方除滅。善墮了達。業相等。觀衆生無大小高下之分。由善惡故。生人天。趣由惡業故。生地獄餓鬼畜生道中。俱具戒性。苦樂無殊。故殺悉皆得罪。又一切衆生。皆具佛性。同一本源。殺彼還是害已。及害未來諸佛也。

是菩薩應起常住慈悲心。孝順心。方便救護一切衆生。而反自恣心快意殺生者。是菩薩波羅夷罪。

常住即本源地。然心地無生。無滅。豈有起耶。此謂從體起用上。合諸佛同一慈力。下合衆生同一悲仰。故云起慈悲心也。若不孝順。即違本源地。況一切衆生。皆是我多生父母。故當孝順。豈復殺害。雖自不殺。見他殺時。猶須以種種方便救護。使得脫離。方順孝心。復不違大士利生本願。不作如上方便已。乖菩薩本心。而反恣心快意。爲此惡事。以惡業成。故即得波羅夷罪。波羅夷者是梵語。其義衆多。故無正翻。然是極惡重罪。如世死刑。或翻爲捐棄。一切功德盡皆捐棄。無道果分。故永棄清衆。不得共住。如大海不宿死屍。故也。或翻爲他勝。謂彼煩惱賊所摧勝。故又被他淨行者所欺勝也。或名墮不如意處。謂死即墮地獄諸惡道。故此非比丘波羅夷。故云是菩薩波羅夷。以菩薩重。重於比丘。故也。而曰極惡捐棄。則永失慈悲。孝順救護心矣。問出家遠離害心。殺戒易持。王臣辱主殺權有罪。不誅。何以安國。答。或殺一人而救一鄉。殺多人而救一邑。一國是菩薩善權。方便見機得作善。

薩戒本云。菩薩善權方便。爲利他故。見劫盜賊。爲貪財故。欲殺多人。或復欲害大德聲聞。獨覺菩薩。或復欲造多無間業。菩薩見是事。已發心。思惟我若斷彼惡人命。我當墮地獄。如其不斷。彼無間業。成當受大苦。寧自墮地獄。終不令其受無間苦。以善心以憐愍心。而斷彼命。於戒無所違犯。又陀羅尼經云。若見作五無間罪。謗大乘經。背逆君主。或亂正法。於是等人。起悲愍心。應作降伏法。涅槃經云。過去久遠劫時。有國王名有德。聞諸惡比丘。以瞋心。故執持刀杖。欲逼害覺德法師。王爲護正法。故即捨五戒。與諸惡比丘共戰。王時被創。舉身周徧。其王後時。命終生東方不動佛國。即阿彌陀佛爲彼佛作第一弟子。佛言。爾時王者。卽我身是。法師比丘者。迦葉佛是我。於今日得種種相好。以自莊嚴。成就法身。不可壞身。爲護正法。得如是等無量功德。果報。又往昔如來作大國王名曰仙。慈愛念敬重大乘經典。乃至二十年中。供事諸婆羅門。一切所須。已告言。斷等今應發無上菩提心。彼言。大王。菩

提之性。是無所有。大乘經典亦復如是。大王云何欲令人同於虛空。時王心重大乘。聞其誹謗大乘。方等。卽斷其命。而諸婆羅門。命終生阿鼻地獄。卽便自知。謗大乘經典。不信因緣。爲王所殺。而來生此。知已於大乘經典。生敬信心。尋時命終。生甘露鼓王如來世界。於彼壽命具足十劫。準如經說。大乘菩薩。以憐愍心。和利益衆生。無一念瞋害私意。倘有不達經旨。以自利故。瞋心害彼。不但無益於他。而且自墮阿鼻。無有出期。矣。然菩薩利生。亦有以善法化伏。如昔波斯匿王。有一大將。一歸依法。與比丘尼。習慈心觀。所有兵器。皆以竹木爲之。後時邊境反叛。王命往伐。至彼邊境。卽入慈心三昧。叛逆盡見。四天王。偈無量天兵。排空遂卽歸降。又昔中天竺。戒日王。令諸兵士。弓頭悉掛水囊。乃至馬飲盡。以囊澆而諸國悉皆歸降。如是逆順兩途。須得其意。錯謫卽殃。沉萬劫。不可不慎。

○第二盜戒

前戒害彼。正報內命。此戒害彼。依報外物。以財物

能資養色身故屬外命律云物屬於他所守護

不與而取是名曰盜不與者非他授與也

若佛子自盜教人盜方便盜呪盜盜因盜緣盜盜

律

律云盜事略有五種一對面強取二私竊取三調

弄取四寄付取五與更奪取此五種咸是賤收自

盜者親身盜取教人盜者口教他人或遣使取或

作相令知方便盜者以種種機巧詭曲欺他不知

至於圭合銖兩事事欺瞞移標占界等是也呪盜

者以外道邪術呪攝彼物自來或呪召鬼神使鬼

竊取也因緣法業者一念初起盜心爲因次盜心

相續多種助成盜事爲緣思惟盜物之方爲法物

離本處成業律云有主之物作有主想舉離本處

作屬已想初離處即得重罪若方便欲舉而未得

乃至觸著搖動轉側未離本處得輕垢罪若離本

處復生悔心或怖畏心還著本處亦得重罪

本處
有復
離差別詳載比丘律
及優婆塞五戒經

乃至鬼神有主劫賊物一切財物一針一草不得故

盜

鬼神有主劫賊物者是指其財物所屬主也論主

有大小上下之分論物有輕重之別上則佛法僧

君親師中則官民下則鬼神劫賊禽獸等但物有

主自心知是有主即是有主想盜即成罪一切財

物一針一草者是論物之重輕也財謂金銀錢七

寶等物謂衣服飲食銅鐵竹木器具等針草謂物

最輕小不與而取尙成盜業則其重物可知矣按

律結罪準物輕重云何成重一切諸國以中天竺

摩竭國法爲正盜五錢已上入死罪佛依國法總

制瞻部洲內有佛法處盜五錢得重罪若物則計

直成罪錢謂大錢一大銅錢直十六小銅錢據義

疏菩薩盜二錢已上便成重罪由大士戒重重於

聲聞謂大士修檀波羅蜜布施衆生而反損他故

重也佛物謂供佛塔像之物下至香華器具等或

施主供佛之餘資也法物謂供養經典物或造經

寶財律云盜經書計直結罪僧物謂供僧之物或

現前僧物或常住僧物若其感報如盲龍女之受

若高法眼之現報。觀佛三昧經云。盜常住物過於殺八萬四千父母之罪。方等經云。華聚菩薩言。五逆四重之罪。我亦能救。惟盜僧物。我不能救。要集問曰。何故盜用僧物罪偏重耶。答曰。施主本捨一毫一粒。擬供十方鐘鼓。一響遐邇同聞。聖凡受用。俱成道業。冥資施主得福無邊。招善既多。獲罪寧少耶。若物謂屬國王之物。下至偷稅冒渡。關津律云。持已物到稅處。使他越過得重罪。若口含衣裏。避路皆得罪。若爲三寶父母物。持過稅處。應爲稅官稱讚三寶功德。說父母恩重。彼不取稅。無犯猶索應與親物。謂父母之物。若父母慈用。量親知亦歡喜。無犯。唐龍朔元年。潯州李校尉至懷州市上。見一特猪。已縛四足。將欲殺之。猪見尉語云。汝是我女兒。我是汝外婆。本爲汝家貧。汝母教從我索糧食。我大兒不許。我憐汝母子。私避兒與五升。我今作猪償其盜債。汝何不救我。尉聞即從屠兒贖放猪。自走向近寺放生。所尉還本州報母。母後自來看猪母子相見。一時泣淚。麟德元年。猪尙現在。

由家物屬子。故母盜子物。得報如是。子盜親財。感報寧測。又隋冀州耿伏生母張氏。避夫將緝。正與女後母死。變作母猪。此二驗。詳藏法苑珠林。師物猶重於親物。以物是檀越信心所施。故也。官物謂九品官職之物。民物是百姓之物。鬼神物者。謂祠廟中供具有人守護。或山林鬼神自爲守護。劫賊物者。謂賊劫得物。物已屬賊也。若自物被賊盜去。已作捨心。物便屬賊。不得重奪。奪即成犯。是爲賊復劫賊。賊彼賊勇健。還奪去。雖自不得物。亦得重罪。若從乞回。無犯。若未作捨心。後見物取。還無犯。禽獸物者。下至六畜鳥鼠等所銜之物。不得奪取。按五戒相經云。有主鳥犯重。無主鳥犯輕。若盜四足獸。或舉或驅。過四雙步犯重。由離本處。故若過二雙步犯輕。若盜人過二步犯重。若著肩背上人兩足離地犯重。不得故盜者。故謂非無心錯誤也。而菩薩應生佛性。孝順心。慈悲心。常助一切人生福生樂。而反更盜人財物者。是菩薩波羅夷罪。佛性即本源心地。而性本孝慈。云應生者是從體。

起用故以財法二施常助人生福樂也。反更盜人財物者是逆本源。性不行二施而反令彼受貧苦。由造惡滅善。故得波羅夷罪。

○第三姪戒

此戒大小兩乘同名。非梵行梵者淨也。行既非淨。則汗自體性亦汗他心地。故違淨法。與人義疏云。出家五衆俱制在家二衆。但制邪姪。謂除自妻妾外。于犯一切男女悉名邪也。

若佛子。自姪教人姪。乃至一切女人不得故姪。因姪緣姪法姪業。

自作教他罪。同由大士常與淨法度人。不應教爲染汙業也。一切女人者。無論貴賤妍媸。老少親疎。故云乃至。也不得故姪者。姪豈有誤耶。或遇難緣。強逼或爲惡人強執。有受樂心。卽犯何名受樂。如饑得食。如渴得飲。何名不受樂。如噉糞穢。如熱鐵入身也。一念初起姪心。爲因。次姪念相續助成爲緣。作用方便爲法。事成爲業。

乃至畜生女諸天鬼神女及非道行姪。

乃至者。謂從人男女黃門二根下至畜生鬼神等女及非道也。非道者。大便及口。皆得重罪。其餘身分得輕垢。如優婆塞戒。自妻亦制。非時非處。非時者。有娠產後。乳兒月水等時。非處者。卽非道。皆得不淨有作罪。

而菩薩應生孝順心。救度一切衆生。淨法與人。而反更起一切人姪。不擇畜生乃至母女姊妹六親行姪。無慈悲心者。是菩薩波羅夷罪。

應生者。謂當於本源心。發起孝慈度生之大用。然度生須爲衆生說離染欣淨之法。方爲自利利他。豈可反生姪人之念。故得重罪也。六親經已出。四當以兄弟之妻足。六於六親中作非法事。世所希有。恐有邪見之人。謂於自親無有犯他之過。如背有子。欲於母身作非法。乃至床前地卽裂開。生陷地獄。母急救。捉得髮一把。而身已陷矣。受戒者可不懼哉。

○第四妄語戒

自知不實而誑惑前人心口相違。故曰妄語。

若佛子。自妄語教人妄語。方便妄語。妄語因。妄語緣。妄語法。妄語業。

自妄語者。自向人說。我得上人法。教人妄語者。教他向人說。我得上人法。或教他向人說。自得上人法。名利不入。已犯輕。何名上人法。謂聖賢所修所證之法。所修者。三十七品菩提分法。及諸禪三昧。所證者。三賢十聖之階位。以此法對一切凡夫有漏之法。最尊最上。故名上人法也。方便妄語者。欲作妄語。先假種種巧言。令他信受也。或遣使語。或遣書往。或作知相。前人領會者。皆得重罪。或借言讚他。而密自美。亦犯菩薩善戒經云。若菩薩為人所謂言。是十住若阿羅漢等。默然受者。得罪。若增上慢人。無有誑心。亦犯輕垢。以其少有所得。自謂實證。放於出世增上法中。起心生慢。非故心惑他。是以不得重罪。初起誑心。為因。誑念相續。助成誑事。為緣。以種種誑方巧言。為法。前人領解成案。乃至不見言見。見言不見。身心妄語。

乃至者。承上大妄語等。以至不見言見之小妄語。

也。然六歲皆能顯妄。今惟舉見身心三。是略也。律以六歲。束為四。謂見聞觸知也。見。屬眼識。聞。屬耳識。觸。屬鼻舌身三識。此三。鈍故。束為一。知。是意識。所以妄語。總有八種。謂不見言見。不見聞言聞。不觸言觸。不知言知。見言不見。聞言不聞。觸言不觸。知言不知。隨作其一。即名妄語。若為救衆生命。有益前人。權巧方便。是大士損己利他之心。無犯猶生多功德。

而菩薩常生正語。正見。亦生一切衆生正語。正見。而反更起一切衆生邪語。邪見。邪業者。是菩薩波羅夷罪。

常生者。不忘之謂也。謂菩薩於本源心。體常常發起正語。正見。不謬稱。凡為聖以邪為正。亦令一切有情生正語。正見之妙。因乃大士利生之本懷。而反令彼生邪語。邪見。造作邪業。生生不得樂報。苦果。無窮。大違菩薩利生行願。自損損他。故得重罪。

○第五點酒戒

酤是買賣。或自釀賣。或買回賣賣也。酒是迷人毒。

藥現則敗事危身後則喪失慧命大士專以利物
惟心令生智慧故自飲犯輕貨賣犯重也

若佛子自酤酒教人酤酒酤酒因酤酒緣酤酒法酤

酒

自酤是親爲教人是令他爲我賣以利歸已同犯
重若教他自賣罪輕然大士以度生爲本利雖歸
彼而傷身喪慧事同亦應犯重以顛倒衆生心結
罪非爲利故結也初起酤心爲因次心相續助成
酤事爲緣善巧造作爲法酤成爲業

一切酒不得酤是酒起罪因緣

一切酒者謂以五穀釀成或以根葉藥草百華諸
果釀造若生若熟凡有酒色酒香酒味或關一或
關二若麴若糟但能令人醉者俱不得酤義疏云
藥酒雖希利貨不亂人無犯以藥能除病身安況
藥不能多飲無醉亂思故不犯此謂在家菩薩治
生養家故開非謂出家者聽許是邪命自活故也
起罪因緣者一切罪惡過失皆由酒而生起故云
酒具三十六過是也

而菩薩應生一切衆生明達之慧而反更生一切衆
生顛倒之心者是菩薩波羅夷罪

明達之慧者以慧能破煩惱昏衢曰明直至本源
心地曰達大士當以種種善權方便啓發衆生令
生妙慧故曰應生邪正兩途不辨迷真逐妄故曰
顛倒不啓之以妙慧而授之以迷惑是曰反生使
衆生顛倒喪失慧命故得重罪也

○第六說四衆過戒

揚他過失大傷法門損前人之德絕衆生之望深
乖大士衛持佛法之本願大違菩薩利生之慈心
毀聞以自利故說分大小罪有輕重故隨說結之
菩薩利他但以惡心說之過無大小皆結重罪
若佛子口自說出家在家菩薩比丘比丘尼罪過教
人說罪過罪過因罪過緣罪過法罪過業

出家菩薩謂出家五衆受心地戒人在家菩薩謂
優婆塞優婆夷二衆受大士戒者比丘比丘尼謂
稟具足人而未受菩薩戒者此是法中四衆人也
罪過者是犯戒之過失也但有所說悉自傷慈憐

物虧已本源心地律儀云出家之人所有言說皆爲利益不應私忿道說於他。薩婆多論云寧破塔壞像不向人說比丘過惡若說過罪則壞佛法身教人說者或口教或現相教或遣使教或遣持書往教若大士見法衆有過卽當以慈心愍心護念心獎勵心殷勤諫諭令其悔改無以私心欲壞彼人名利則自免怨結萬世復無玷辱正法之過若三諫不改可白衆僧以慈悲護法心不犯若說前人不正見不犯猶多生功德何以故正大士利生之行邪正須辯無致誘引多人入於邪途故也若被僧差以公心說不以私心言不犯如提婆達多作逆罪佛令僧作羯磨差舍利弗往俗家說是也初起說心爲因次心助成說事爲緣以種種方便巧說爲法前人領解成業義疏云說過有兩一陷沒心欲令前人失名利等二治罰心欲令前人被繫縛等此二心皆是業主故犯至於結罪多少一云隨人二云隨口業隨人則隨向一人說結一重罪隨口則隨出一語結一重罪

而菩薩聞外道惡人及二乘惡人說佛法中非法非律常生慈心教化是惡人證令生大乘善信

外道者天竺九十五種之邪徒此方諸子百家之世教以其教止修身齊家治國故名爲外三乘聖教教靜心惑悟本心地故名爲內外道不信自心是佛本具性德遂迷真遂妄以邪爲正造不善業故名惡人二乘不知本源地厭惡五蘊身心斷見思惑證偏空理獨出三界無濟度心亦名惡人非法非律者大乘本源地法律不同外道撥無三世因果之邪教世間之法律而度棄自心自性妄謂氣生氣化之惡見不同二乘厭苦欣寂以修四諦之法五篇七聚之律故彼言非也此亦初學二乘法人非謂證二乘果人其證果人自知有大乘法律惟自力不能行故非彼說也令生大乘善信者令信自他本具心地大戒無惡不止無善不修無生不度諸佛是已成之佛汝是未成之佛方爲善信也

而善信反更自說佛法中罪過者是菩薩被羅夷罪



原書殘缺

願登得。以人我見勝。真論同日而語。說地持經云。爲毀咎外道。稱揚佛法。若以方便令彼調伏。令不信者信。信者增廣。不犯。

○第八慳惜加毀戒

乞財求法。不與。是曰慳惜。瞋惡罵辱。故曰加毀。大違慈悲之道。深乖利物之懷。

若佛子。自慳教人。慳慳。因慳緣慳法。慳業。

大士行檀波羅蜜。不揀親疎。求者悉與。寧分好惡。若不施而加毀。深違菩薩三聚淨戒。自慳者。或口說。或示慳相。或隱避。不與財法。或言無手。或驅斥。或惡言加罵。等教人慳者。或教他秘惜財法。不施。或教令加毀。或口教。或遣使持書教也。初起慳心。爲因。次心助成。其慳爲緣。種種巧言。憍惜之方。爲法。前人領解慳事成。就爲業。此四句。不言加毀者。先由慳。故然後加毀。若非慳。單毀。卽屬輕垢戒。慳波離問經云。於根本罪。何者復重。佛言。住大乘菩薩。如犯恒河沙數貪罪。與一瞋罪。較量。此二罪中。瞋唯屬重。所以者何。現瞋者。按礙衆生。現貪者。受

護衆生。則不爲煩惱。於菩薩所。無有災橫等怖。故學論云。瞋逆云。何謂本性爲大罪。故不生方便。惡行惡惡者。然非利益。則長養煩惱。滅失慈悲。爲大過失。此戒慳惜。故倍財而行。加毀若貪。而能施。則無加毀。瞋患等。過正法念處經云。若先少思惟。已後竟不施。墮餓鬼趣。語已不施。墮地獄趣。況復無上菩提具足。許施無餘。世間諸衆生。故。

而菩薩見一切貧窮人。求乞者。隨前人所須。一切給與。而菩薩以惡心。瞋心。乃至不施一錢一針一草。有求法者。不爲說一句一偈。一教。屢許法。而反更罵辱者。是菩薩波羅夷罪。

一切者。僧俗男女也。貧窮有二。一身貧。須財應施。與財二心貧。須法應施。與法。故云。隨所須。一切給與。決定毗尼經云。在家菩薩。應行二施。一財二法。出家菩薩。應行四施。一紙二墨。三筆。四法。由出家無財。故紙墨筆財。少易得。成就彼書經。故亦名法施也。得忍菩薩。行三種施。一王位。二妻子。三頭目皮骨。凡夫菩薩。當隨力隨宜。施與有不亢。施法者。

或被根性鈍劣。或非法器。或聞深法。反生誹謗。或女人求法。無男子親人在旁。則不宜。爲說不宜。施財者。或因財造惡。或由財得禍。以至害命等。卽不宜施。與地持經云云。何菩薩能以少善。根得無量。果是菩薩。教下劣衆生。以少財物。施下福田。乃至端髮施於畜生。施已。迴向無上菩提。以迴向力。故得無量果也。乃至者。論財則從多。以至極少。一針一草。此謂無財者。不能隨意施也。論法則從廣說。以至極少。一句一微塵許。此謂寡識無聞。不能廣說也。若實無法。不可妄自誇能。謬說誤人。獲罪非輕也。有而不給。與反加罵辱。則慳毀兩全。正是業主。故得重罪。不犯者。或見彼人。因訶辱。則悔過承折。伏則改惡。自無惡心。真心隨機利益。正大士之權宜妙用。故地持經云。若知不說。令彼調伏。若知前人不能敬重。若威儀不整。若彼鈍根。聞深妙法。生怖畏心。若知聞已。增長邪見。若聞已。毀皆退沒。或聞已。向惡人說。破壞正法。如是悉不犯。

○第九瞋心不受悔戒

或人獨犯於已。或已觸犯於人。彼人知過。誠心求懺。而菩薩內懷瞋心。外現不受之相。若佛子。自瞋教人瞋。瞋因瞋。緣瞋法。瞋業。自瞋者。內懷忿恚。外發身口也。教人如前戒釋。初起瞋心。爲因。次心相續助成。爲緣。種種打罵之方。爲法。作成爲業。華嚴經云。一念瞋心起。百萬障門開。足知初萌一念。尙爾。況緣相續。而不成業。業成則殃墮沉淪。怨結萬代。世世莫解。可不慎哉。而菩薩應生一切衆生善根。無諍之事。常生慈悲心。孝順心。

一切衆生心地本善。而被無明煩惱之所覆障。大士應以慈心。悲心。發起衆生慈悲。起捨之善根。則無有鬪諍之事。況自不受懺謝。發起彼諍耶。恒念一切衆生如已。赤子何忍毀辱。是爲慈悲心也。常觀一切衆生。猶已父母。奚敢忤逆。是爲孝順心也。而反更於一切衆生中。乃至於非衆生中。以惡口罵辱。加以手打。及以刀杖。意猶不息。前人求悔。善言懺謝。猶瞋不解者。是菩薩波羅夷罪。

大士既能生衆生善根復常慈孝則無有反更逼惱衆生矣。非衆生者三乘聖人及變化人也。罵辱是口業。手打是身業。不息是意業。以此三業加惱甚於狼虎。不息不解。故結重罪。不犯者。取前人追悔之心。不真懺謝之念。不切菩薩以慈愍心終欲令其深改。前非後更不作。乃示以嗔怒之相。或復折伏。狼戾衆生。無慚惡性。邪見之徒。外現威而心實慈。口訶斥而念致慈。正大士調伏剛強衆生之大用。豈與具三毒者而比也。地持經云。不犯者。若以方便令調伏。若彼不如法懺其心不平。不受其懺。無罪。

○第十謗三寶戒

自以邪見謗亂正法。非謂毀罵之謗。設其毀罵罪猶可悔。故戒本經名謗亂正法戒。亦云謗菩薩藏也。

若佛子。自謗三寶。教人謗三寶。謗因謗緣。謗法謗業。以邪爲正。以正爲邪。誹謗菩薩經律言。非佛說是謗世尊。非大乘經典是謗法。受持讀誦者。非佛弟

子是。謗僧。或自發邪解。建立邪言。自謂爲正。或從邪師。領納邪語。著作邪書。如以老莊之言。齊於佛教。治世之術。比於心地。法門惑亂人心。疑誤後學。永失正道。陷墮邪途。由此傳播。後代蔓延。不絕遺殃。萬劫斷滅佛性種子。而所獲罪。非一闕提無處可容也。初起邪解之心。爲因。邪心相續助成。謗事爲緣。巧說邪見之方。爲法前人。領解成業。若心欲說。而口未言。未結重罪。或自發言。向彼說。或令他傳說。前人領納邪言。隨一語結一重罪。若作邪書。隨彼覽解者。隨語語得重罪。

而菩薩見外道及以惡人一言謗佛音聲。如三百矛刺心。況口自謗。不生信心。孝順心而反更助惡人邪見。人謗者是菩薩波羅夷罪。

天竺此方異學之徒。乃至菩薩心外求法。悉名外道。不信大乘常住三寶。故棄捨心地大戒。而習學異道邪教。撥無善惡果報。是名惡人一言者。以其最少。尚如三百刺心。況其肆言謗毀外揚。而大士之心。安能忍乎。斯實惑彼邪見。自陷泥犁。復引無

最衆生誤墮皆津故如矛刺心非謂賊彼誘發三寶之念三寶體如日月非一指能窮其明猶擲斧斬天還自傷身大士本以信孝心受斯正戒當常敬順三寶而無違無逆豈可反更冀彼惡見邪徒樂爲外道永失菩薩心地大戒不復佛子之名耶若未歸正歸邪猶未失戒或思言三寶不及外道大乘不及二乘計度未成犯輕垢雖信因果三寶大乘而復信外道鬼神有威力靈感遂微彼符牒章醮奏解題題或復勸他信受悉犯輕垢或執大而謗小謂都無小乘惟有大乘四阿含及別解脫經非佛所說此是誘發聞藏亦得輕垢寧知三世諸佛出世隨機設教皆說三乘經聞四果乃出世聖賢人天福田胡可輕哉但彼無利生心故佛詞之今時初學衆未辨經教猶昏迷已淺識肆自謬言謂持戒爲執相遂棄而不受佛名之爲禿居士或受而不持律號爲苦海弊囊若度棄具戒謂不須受得輕垢罪比十重戒悉是性罪小乘以酒爲遮戒大士利益衆生爲本令他迷惑心地故酒

亦屬性罪如智度論云性戒者是尸羅身口等八種謂身三口四更加於酒以防意地令得淨命故即十善中後三意業而數雖不同其義無異言性罪者不由佛制其性自是惡故名性罪止觀云性戒者莫問受與不受犯即是罪受與不受持即是善若受戒持生福犯獲罪不受無福犯無虧戒罪惟有惡行及業道罪言受犯罪得罪者謂於性罪上更加虧戒罪也

○三總結

善學諸仁者是菩薩十波羅提木又應當學於中不應一一犯如微塵許何況具足犯十戒

不違本源地而修曰善學慈悲利濟之士曰仁者斯乃如來調學戒者之美稱勸令應學應持若犯之即得波羅夷極惡之重罪當招阿鼻地獄之苦報持之即是妙因當證木叉保解脫之極果以果勝故故不曰波羅夷而云波羅提木又正是果中說因因即般若智用果是眞如寂體由稱體起用除滅無明見本法身是爲果中說因圭峰云依

眞如故發智斷惑證體起用若不依之則取我我所相無由修證故知萬德萬行皆是眞如用也復能發起初學忻果之心切堅持禁戒之念爲是亦果中說因也於中者於十重戒之中也微塵許者舉少以況多也犯少尚不名菩薩況具足犯十戒而失其正因極果感於惡報無窮耶故下文示其得失

若有犯者不得現身發菩提心亦失國王位轉輪王位亦失比丘比丘尼位亦失十發趣十長養十金剛十地佛性常住妙果一切皆失墮三惡道中二劫三劫不聞父母三寶名字以是不應一一犯

犯戒如截樹頭菩提之芽已焦故今現身必不能發生也國王是一邦之主轉輪王是四三二一天下之主如此二王悉由多生持戒感斯勝報今若受而犯之則尊貴之德位日消後生之勝報便失矣比丘及尼本由戒得名若犯此本又不但無大士之目而本名亦失不惟失其名位即三賢十聖佛性常住妙果皆失妙果者妙覺佛果也非獨示

失如上大益而已此身沒後墮落地獄餓鬼畜生三惡道中墮此惡道非千生萬世可了故於二劫三劫不得聞世間父母名字名字尚不得聞何處得修敬順之孝道出世三寶名字既不得聞焉識修行證佛之妙果有斯大失故當一一堅持寧碎身骨不可一一輕犯如瓔珞經云若破十戒不可悔過入波羅夷十劫中一日受罪八萬四千滅八萬四千生故不可破三賢十聖位乃至覺地一切皆失是故此戒是一切佛一切菩薩行之根本若一切佛菩薩不由此十戒法門得賢聖果者無有是處

汝等一切菩薩今學當學已學如是十戒應當尊敬心奉持八萬威儀品當廣明

此戒是三世菩薩同學同持共成無上佛果是故如來再三叮囑勸學勸持也如要廣明持犯性相當知大本後分八萬威儀品中詳之今此所說是略出十無盡藏戒之大綱耳

佛說梵網經菩薩心地品下略疏卷三

音義

機撥 作機關致人物倚登即繫縛墮落也

駭拊 上音強去聲設誓於道路也下音抗以木

械夾脚扭手枷頸也

綱索 上音涓上聲皆也下音桑入聲繩索也

二大將 一名善劍二名善弓其善劍踰依法與

比丘尼兵器皆以竹木爲之時王命往征伐邊叛

至彼卽入慈心三昧復率諸兵衆通霄誦經以經

功德迴向諸天四大天王卽敕天兵八部龍神排

塞空中叛逆見疾出城投降

盲龍女 大集經云一盲龍女白佛言我本因地

曾往寺林盜取十菴羅果食之由此業因緣地獄

受苦惡業未盡今作餓龍身常爲諸蟲食噉膿血

苦不堪忍投佛解脫佛告龍言此業大重次五無

間何以故若四方常住僧物或現前僧物爲信施

物或華果樹園飯食湯藥牀座敷具一切所須私

自費用或持與知識親里白衣此罪重於阿鼻地

獄佛說偈曰寧吞大赤熱鐵丸而使口中光燄出

所有衆僧飲食具不應於外私自用寧以利刀自

屠膾身體皮膜而自噉其有在家諸俗人不應取

受僧糴食諸經要集云今見愚人苟貪福物將用

實身或食噉僧食或受用花果或以僧畜乘騎或

將僧奴隨逐或私借貸僧物不還或以官勢伺求

僧過如是等損俱列難盡靜思此咎豈不痛心今

護不與者非是慳惜不惠蓋慳白衣慮受來苦若

將與者非直損俗亦累知事人未來生處同其受

殃如福增比丘所見蟲噉大樹者可不懼哉

菴羅果 其果似桃非桃似梨非梨生熱難辨葉

似柳而長尺

妍煥 上音延美好也下音臨曉也癡也

醲醲 上音娘去聲造酒也下音蘊久醲也

三十六過 善惡所起經云飲酒三十六過一資

財散失二現多疾病三因與鬪諍四增長殺害五

增長瞋恚六多不滿意七智慧漸減八福德不增

九福德轉減十顯露秘密十一事業不成十二多

增憂苦十三諸根闇昧十四毀辱父母十五不敬

沙門十六不信婆羅門十七不尊敬佛十八不敬僧法十九親近惡友二十捨離善友二十一棄捨飲食二十二形不隱密二十三淫欲熾盛二十四衆人不悅二十五多增語笑二十六父母不喜二十七眷屬嫌棄二十八受持非法二十九遠離正法三十不敬賢善三十一違犯過非三十二遠離圓寂三十三顛狂轉增三十四身心散亂三十五作惡放逸三十六身謝命終墮大地獄受苦無窮搗斃上音團應作搏以手團之也下音炒米麥粉以糖蜜搏之也

四諦 苦集滅道也皆是苦果集是苦因滅是樂果道是樂因

四阿含 此云法歸增一阿含經中阿含經長阿含經雜阿含經四經共一百九十卷

轉輪王 有四一金輪王主領四大部州二銀輪王主領三州除北州三銅輪王主領東南二大部州四鐵輪王主領南州四皆有輪寶現於虛空隨輪飛行故名飛行皇帝也

泥犁 此云無有卽地獄謂墮地獄中無有喜樂義利故也

三十七品菩提分法 四念處四正勤四如意足五根五力七覺分八正道共爲三十七乃入道淺深之品類詳如餘處

訪三寶 唐雍州長安縣高法眼是隋代僕射高顯之玄孫至龍朔三年正月二十五日向中臺參選日午還家舍在義寧坊居南隅向街開門化度寺東卽是高家欲出子城西順義門城內逢兩騎馬逐後旣出城已漸近逼之出城門外道北是普光寺一人語騎馬人云汝走捉普光寺門勿令此人入寺恐難捉得此人依語馳走守門法眼怕不得入寺便向西走復至西街金城坊南門道西有會昌寺復加四馬騎便語前二乘馬人云急守會昌寺門此人依語走捉寺門法眼怕急便語乘馬人云汝是何人敢逼於我乘馬人云王遣我來取法眼問云何王遣來乘馬人云閻羅王遣來法眼旣聞閻羅王使來審知是鬼卽共相拒鬼使大怒

云急截頭髮却一鬼捉刀即截法眼兩脣附肉落地便至西街悶絕落馬暴死不覺既至大街要路踟躕之間看人逾千西街首卽是高宅便喚家人舉向舍至明始蘇便語家內人云吾入地獄見閻羅王昇大高座賦責吾云汝何因向化度寺明藏師房內食常住僧果子令吞四百顆熱鐵丸當吞之時咽喉閉縮身體焦卷變爲紅色吞盡乃蘇蘇已至二十六日惺了之時復有諸鬼來取法眼到王所王語言汝何因不敬三寶說偈過惡汝吞鐵丸盡已宜受鐵犁耕舌至正月二十九日既吞鐵丸了蘇惺到正月三十日平旦復死至地獄復受鐵犁耕舌自見其舌長數里傍人看見吐出一尺餘王復語獄卒此人以說三寶長短以大鐵斧截却舌根獄卒所之不斷王復語云以斧細割其舌將入鑊湯煮之煮復不爛王復怪問所由法眼啓王云臣曾讀法華經王復不信令檢功德部見案內有讀法華經一部王檢知實始放出獄其人現在觀者如市見者發心合門信敬勵志精勤誠誠

無僞京城道俗共知不須引證出法苑

佛說梵網經菩薩心地品下略疏卷四

姚秦三藏法師鳩摩羅什譯

廣州寶象林沙門弘贊述

○二四十八輕分 初總標 二別列 三總結

○初總標

佛告諸菩薩言已說十波羅提木叉竟四十八輕今

當說

輕垢者謂此罪雖輕於十重而能染污本源心地若不急求懺悔卽爲心地作障難成聖果然須識其罪相根本從生獨頭之別若依前十重中欲作而未成故未結重而有作前方便輕垢是名從生若所作不從十重中生而孤起者名爲獨頭輕垢今此根本輕垢中復有從生故誤等罪若於四十八戒根本中故作者犯應懺輕垢當作突吉羅惡作罪懺以故作故復犯作前方便非威儀惡作若誤作者但犯實心惡作故戒本經云是犯染污起

是犯非染汚起應作惡作罪。懺不懺隨菩薩戒。懺時須咨知法者。罪方除滅。故菩薩優婆塞五戒。戒儀經云。若有所犯。即如法懺。當作惡作罪。應問大小乘人。能解說能受悔者。如法懺悔。如丘比突吉羅罪。懺悔法說以下一一戒中。自須分辯不繁條出。冥吉冠此云惡作

○二別列

○第一不敬師友戒

師乃人天慈範。出世良模。生我戒身。長我慧命。皆師之力。故當敬順。無違而反。爲傲慢。得無罪深。巨海耶。友能品藻人物。補助修業。善由之而成。萬行因斯而造。如渡大海。要藉帆柁。相須忽之。即自取漂溺。是故如來教令敬重。如視世尊。

若佛子。欲受國王位時。受轉輪王位時。百官受位時。應先受菩薩戒。

此令受戒在先。受位在后。若傳先自立其德。以感天龍鬼神呵護。而王臣安則一國安。王臣福則一國福矣。然十重戒前勸受。以國王爲首。後總結亦

以國王爲先。今此輕垢。復以國王爲始終。良由王正則天下正。王善則士庶善。故王有教化之力。勸善之功。王若不受新戒。即自失救護之利。復恃高貴。則有破滅佛法之害。制諸弟子不聽出家修道。既受戒已。猶恐其憍傲不敬。有德故如來特偏勸之。出家五衆各遵律行。自知敬順之禮。故此略之一切鬼神救護王身百官之身諸佛歡喜。

由王臣崇敬三寶而受戒。則鬼神擁衛而身康國界安寧。三災漸息。風雨常調。萬民受益。故心地觀經云。昔有人王成就正見。如法化世。名爲天主。以天善法化世。問故諸天善神及四天王常來加護守王宮。故雖處人間。修行天業。實謂之心無偏黨。故如是聖主名正法王。大舍光明。經云。由諸天護持。亦得名天子。三十三天主。分力助人王衆星依位。行日月無乖度。和風常應。節甘雨順。時行一切諸天衆充滿於自宮。是故汝人王忘身弘正法。以法化衆生。恒令得安隱。令彼一切人修行於十善。學士常安樂。國界得安寧。言諸佛歡喜者。此心

地大戒乃千佛流傳本期授受不絕今王臣敬奉則率士儆持人人行善留留佛子寧不歡喜耶既得戒已生孝順心恭敬心見上座和尚阿闍黎大德同學同見同行者應起承迎禮拜問訊

上座有二一是衆僧中上座以上更無有人專於彼者故居我和尚阿闍黎之上二是在我前受戒乃至先一時一影者是爲上座瓶沙王稱佛弟子爲上人謂在王臣士庶之上般若經佛言菩薩一心行無上菩提心不散亂是名上人和尚如後釋阿闍黎此云軌範軌範即是師義謂能教弟子法則故也若出家五衆則有五箇阿闍黎一爲授十戒二受大戒時爲作羯磨三爲作教授四爲依止五爲授經大德是尊稱以其修行有德故也同學同一師學大乘佛法也同見心同一大乘正解也同行身同修一大乘行業也彼將至即應起承迎已禮拜禮者理也不廢也以恭敬謙遜進退有度爲大理也拜者服也俗禮兩拜取法兩儀四拜取法四象也釋禮三拜表三業恭敬而歸依三寶得離三毒

也訊者以言詢問也禮已當舒顏和色平視正念問訊云不審少病少惱起居安樂不地持經云道路清泰四大調適臥覺安不如是隨時應問事無一定新舊尊崇戒法奉行恭敬之道也

而菩薩反生憍心慢心憍心慢心不起承迎禮拜一不如法供養以自賣身國城男女七寶百物而供給之若不爾者犯輕垢罪

憍者放恣身心慢者特已輕人輕者不別尊卑瞋者忿戾於他如此四心若內懷其一欲外現不敬之相遂不起承迎接見禮拜也供養者進修財行名供有所攝買名養又下屬上爲供申資尊曰養自賣身者是敬人尊法之至竭誠盡供之極如昔常啼菩薩爲聞般若故自賣心肝骨髓以供養曼無竭大士釋迦如來因地中爲貧人時爲聽大涅槃經故日割身肉三兩賣與病者瘼疾滿足一月取錢供佛今人雖貧寧無少物亦未至賣身男女等由重財輕法放得罪也七寶者金銀琉璃珊瑚琥珀瑪瑙赤珍珠也百物者乃供身寶具之大數

也若不爾者謂若不如上恭敬供給即得輕垢罪。如菩薩優婆塞五戒威儀經云設有言語除談不聽若有所問不如實答者犯重垢罪若無慢瞋恚癡之意直以懶惰無記散心犯輕垢罪若到若聽法說法若先共他語乃至謾多人意是名不犯。

○第二飲酒戒

前戒制貨賣今戒制自飲

若佛子故飲酒而酒生過失無量若自身手過酒器與人飲酒者五百世無手何況自飲

酒生過失非止三十六事故曰無量若過瓶杯酒器與人飲尚獲五百世無手之報況自飲不感重報乎若墮畜生中則爲無知癡蛆乃至水蛭蚯蚓蜘蛛等無手之類也鬼問目連經云一鬼問言我一生來頑癡無知何罪所致目連答言汝爲人時以酒施人復強勸飲令其顛倒今受華報果在地獄正法念經云若以酒與會僧衆及受戒人寂靜人寂滅心人得禪定者以酒亂彼人故墮阿鼻地獄問曰論中謂菩薩行檀波羅蜜有乞酒者亦施

與之何也答曰大士修六度萬行施度將滿凡有乞者不違其意以欲滿足檀波羅蜜故如最上授所問經云菩薩行布施波羅蜜時若有人求乞所須物應言當依我作而給與之若樂酒者使生正念即與俱飲後復令斷如是菩薩清淨方便攝受衆生若其內心愛樂不捨菩薩即爲種種呵毀酒之過失如利刀劍決定遠離不令相續如是施者則無過咎此是菩薩見機得作與於空聞如菩薩五戒威儀經云菩薩爲他人故所受衣乃至百千從非親里居士盡力所求如衣鉢亦如是爲他人故及應乞緣教職師織音儀者耶衣受取金銀乃至百千如是之事與聲聞異故決定毗尼經云持聲聞戒是破菩薩戒持菩薩戒是破聲聞戒是也或以私心做大士行檀之多積乃自惜分文而不施擬學行檀將滿不逆他意而妄爲其猶獼猴效佩珠璣誠自取敗而況能免頑癡叫喚之報耶亦不得教一切人飲及一切衆生飲酒況自飲酒一切酒不得飲若故自飲教人飲者犯輕垢罪

一切人者男女老少在家出家他邦異國之人也。一切衆生者非人異類鬼神畜生等教人非人自飲三皆得輕垢一切酒如前重戒中律律云嗽嗽及糟能醉者隨咽咽得罪若有重病除藥裏治必須以酒調和方燒如來爲病故問如此比丘律及舍利弗問經等明也。問既生過失無量云何義疏言不爲過患悉許答既云生過無量而能免斯過者故許也。如青波斯國王夫人末利從佛受戒已遇王欲殺厨官夫人以酒譏王共相歡勸王喜夫人飲酒樂已忘殺其利遂寢夫人誦佛懺悔佛言如是飲者獲大善利不犯戒也。倘繞聞此語而無末利權行善用妄效其迹則果報難逃也。又如齊僧曇顯醉中與黃冠角法能使無量道士歸降佛法由此大興飲醢毒而遺尿石叢碎裂館酒肉而誤華嚴一夜已終六帙若能如此則不生過失苟無斯能爲害非小。今有狂肆誹律爲執相放恣身心食無晝夜不分凡畜獸殺爲小乘飲謂無過矣畏涕屎變蛆至使無智之徒倣效自瞞瞞人

獲罪感報如經所明寧不懼哉

菩薩藏經卷六
十善法爲六條

（第三食肉戒）

一切肉皆從斷命中來然菩薩以慈悲爲本利濟爲懷慈悲則捨苦與樂利濟則廣行饒益食肉則二行皆違更有何法名爲大士哉

若佛子故食肉一切衆生肉不得食夫食肉者斷大慈悲佛性種子一切衆生見而捨去

故食者非誤食也一切衆生肉者不出水陸空行之禽獸乃至螻蛄蚌蛤海蜃等凡有命者皆是也大慈悲者無上菩提心是斷此心即是斷佛性種子種子既斷則以何爲成無上正覺之根本耶衆生見而捨去者殺習未除生猶恐怖如鴿投鷂子之影戰慄不息況食其肉形色氣息見者聞者能無驚憊還識故楞伽經云殺師屠兒捕魚網鳥諸惡人等徇見驚吹獸見奔走空飛水陸一切衆生見之咸作是念此人氣息猶如羅刹今來至此必當殺我爲護命故悉皆走避故云見而捨去也是故一切菩薩不得食一切衆生肉食肉得無量罪

若故食者犯輕垢罪

一切菩薩者從初受戒至未得地其已登地菩薩自知持戒食肉之過楞嚴經云佛告阿難食肉之人縱得心開似三摩地假大羅刹報終必沉生死苦海云何是人得出三界楞伽經云佛告大慧一切眾生從無始來常爲六親眷屬易生而受禽獸等身云何取之而食菩薩見諸眾生皆是親屬乃至慈念如一子想一切諸肉皆是精血汚穢所成求清淨人云何取食若修慈心或持呪術或求解脫或離大衆以食肉故一切不得成就諸天遠離睡夢不安羅刹惡鬼奪其精神增長疾病生諸罪惡敗諸功德偈曰生死不解脫爲利殺衆生以財網取肉二俱是惡業死墮叫喚獄故云得無量罪也一鬼問目連云我一生來多有兒子皆端正可喜而皆早死念之斷絕痛不可言何罪所致目連答言汝爲人時見兒殺生助喜噉肉殺故短命喜故痛毒今受華報衆入地獄見作隨喜得報如是況自作乎

○第四食五辛戒

凡物有羶臭而非辛阿魏等是也有辛而非羶臭薤芥等是也有羶而復辛五辛是也

若佛子不得食五辛大羶羶慈慈蘭慈興渠是五辛一切食中不得食若故食者犯輕垢罪

五辛經律互出名種不同多云慈蒜韭薤興渠今本經以慈開三成五亦由万土名異古今呼別也大羶一名胡荽薤使大羶因持同今人常食者是有云卽胡荽謂由從胡地持來故本草云胡荽類食葱薤薑細微短如金燈似大羶而形小如此則非大羶也薤一名山葱生山澤中莖細葉大亦名茗山葱有云卽薤也慈冬夏衰春盛生蘭葱卽小羶一名野生有云卽韭也然葱之種類頗多故有木葱大官葱水蔥薤葱亦名薤用葱由其葉上有八角如龍角亦名龍爪葱冬葱卽凍葱冬夏常有漢葱葉實俱極冬則葉枯春末開花結實可種慈葱卽新葱有云糾是慈葱以其莖葉慈柔故也興渠是梵語亦云興宜此云少此方無有葉似



蕪苻根似蘿蔔冬則苗葉俱落出土辛臭凡是寧
辛臭者皆不得食道家以芸薹胡荽爲葷非也一
切食中不得食者謂以五辛雜於一切食中亦不
得食西域記謂西域家有食者驅令出郭若有重
病醫人殺服律開在外別居一室過七日後沐浴
更衣方聽入衆楞嚴經云食有五失一者熱食發
淫生痰增瞋二者縱能宜說十二部經十方天仙
嫌其臭穢咸皆遠離三者諸饑鬼等悉其唇吻常
與鬼住四者福德日消長無利益五者十方菩薩
諸天善神不來守護大力魔王得其方便現作佛
身來爲說法非毀禁戒讚經瞋慢命終自爲魔王
眷屬受魔羅盡墮無間獄今由其發淫增瞋染汚
心地賢聖遠離故結輕垢若其感報終阿鼻

○第五不教悔罪戒

匿藏他罪染汚佛法聲聞尙制況大士護持正法
過於聲聞百千萬倍又專以利生爲行豈見他過
姑而不舉不教悔令惡增長殃及自他實乘善
薩教化之道大士護法之心也

若佛子見一切衆生犯八戒五戒十戒毀禁七逆八
難一切犯戒罪應教悔

一切衆生者謂天龍八部人非人等但受佛大小
乘戒者是也縱不受戒而有作惡行行非法事能
誦誦者即當方便呵諫令止悔過也人戒者即入
闍維法及地持經中八重殺盜淫妄毀惱瞋謗也
五戒即近事男女五戒也十戒即沙彌十戒及身
三口四意三之十善戒也毀禁者毀謂毀犯禁謂
防禁如來制戒爲防禁衆生根門謹約身口故禁
即戒戒品雖多不出大小兩乘大乘即三聚正戒
小乘即白四羯磨戒也七逆如後出入難者一地
獄二畜生三餓鬼四長壽天五北俱盧州六盲瞽
瘖瘡七世智辯聰入生在佛前佛後此八皆爲障
道不得見佛聞法故名爲難然此人等或由前生
犯戒放致斯難應教悔以免再報或今生犯戒
作罪當來必感此八難之報故當教令懺悔如作
殺盜淫等必感地獄餓鬼畜生報修外道無想定
則感長壽天五百劫報不誑三寶作世間福則感

北州報心生邪見。聞法不喜。感育報不信。三寶毀謗。法師感瘡。靈報不信。有出世法。就味世教。故感邪智。辯聰報業。重緣薄。故不值佛。而生在佛前。佛後經云。誹謗三寶。輕毀聖道。論他好惡。求人長短。強誣良善。憎嫉賢人。得諸吃瘡。痘報問地獄經云。父母及師長。喚之不應。墮痘鬼地獄。常燒鐵。鑊。烙其舌。經二百歲。後生為人。痘是故應教懺悔。以免來報也。一切者。所犯若輕若重。若性若遮。悉教令懺悔。如法懺悔。無致罪惡。日增後。墮三途并辟法門。有違大士利生護法之弘願也。

而菩薩不教懺悔。同住同僧利養。而共布薩。一衆說戒。而不舉其罪。不教懺悔。過者犯輕垢罪。

同住謂同一大界內。住同利養。謂同僧一施利也。布薩具云。布薩陀布灑。是長養義。陀是淨除義。謂由半月半月集衆說戒。便能長養善法。清淨自心。除諸不善也。一衆說戒者。謂同一界內。衆僧半月半月共布薩誦戒也。或一大界內有二住處。同一說戒。而則利養。今非彼故。故云同利養。一衆說戒。

也不舉其罪者。但有見聞疑三根。即當舉其所犯。教令悔過。不舉不教。同僧利養。誦受信施。至令獲罪。彌深。復違慈心。慈心護心。故自得罪也。退髮經云。有持戒護正法比丘。見壞正法者。即能驅遣。訶責。微治。當知是人得福無量。不可稱計。若置而不訶責。驅遣。罪當知是人佛法中。想若能驅遣訶責。是我弟子。菩薩優婆塞。五戒威儀。經云。菩薩爲多人頭。首見諸眷屬。不如法事。應呵應擯。若瞋心惡心。捨不呵治者。犯重垢罪。若懶惰放逸。不教呵者。犯輕垢罪。優婆塞戒經云。事受惡戒。一日斷無。重衆生命。根終不畜養。養惡弟子。不能調伏。何以故。是惡律儀。殃齊自身。不能教誨。惡弟子。乃令無。世衆生作惡。能誘無量妙法。又善戒經云。旃陀羅等。及以屠兒。雖行惡業。不能破壞。如來正法。不必定墮三惡道中。爲師不能教誨。弟子則破佛法。必墮地獄。然舉他罪時。不得貪卒。須先向有德持戒人。前舉律中比丘。欲舉他罪。猶先從彼求聽。大士當以慈心。輕語教誨。令其慚愧。心伏。若非如此。超

向他說同前第六事故。僧祇律云：舉罪時不得趨向人，舉當向善比丘說。若彼罪比丘見舉，或依王臣力，兇惡人力，或起奪命，因緣傷自，自行者應作足念。彼罪行業必自有報，彼自應知，喻如火但自焚身，焉知餘事。爾時但護根相應，無罪地持經云：若菩薩見衆生，造今世後世惡業，以嫌恨心，不爲正說，是名爲犯。若自無智，若無力，若使有力者說，若方便令彼調伏，若爲正說於我嫌恨，若出惡言，顛倒受，若無愛敬，若彼人性懶慢，不犯。若見有應訶責者，應治罰者，應損者，而不訶責，不罰，不損，是名爲犯。若彼不可治，不可與語，不可教誨，多起嫌恨，若忍起諍事，若相言訟，若壞僧等，應觀時不犯。

○第六不供給誦法戒

初戒令敬師友，此中兼誦說法爲別也。

若佛子，見大乘法師、大乘同學、同行、來入僧坊、舍宅、城邑、若百里千里來者，即起迎來，送去，禮拜供養。日日三時供養，日食三兩，金百味飲食，牀座醫藥。

供事法師一切所須盡給與之。

先標大乘法師、大乘同學，見行三友，以揀小乘師友。是法師者，通達大乘經律性相，乃至能化導衆生，令入佛地者是也。百里千里，是言其遠，以攝其近。謂遠近當供，謂況其近者乎。三時供養者，謂日初出時、辰末、已初及日中時也。三兩金及百味者，言其敬事之極，而無慳惜怠慢之心。其受供者，應生慚愧，方消信施。宗鏡云：若學大乘法者，受施主食，如須彌山，受施主衣，可敷大地，如不學者，未墮僧數，十方無唾地處，永嘉云：若得不思議解脫力，妙用恒沙也。無極四事供養，敬辭勞萬兩黃金，亦消得粉骨碎身，未足酬一句了然超百億。雖然如是，猶當知足受用，始得無過也。盡給與之者，上是自發心供養，猶恐未足，今隨師友所須，勿違其念，當盡與之。此明供事殷勤，下明誦法，不懈。常誦法師三時說法，日日三時禮拜，不生瞋心，患惱之心，爲法滅身，誦法不懈，若不爾者，犯輕垢罪。常誦者，明非一日一時也。三時者，中、前、後及入。

夜時而請益也。三時禮拜是樂法服勤之不懈也。不可見師有小所失而生瞋心。復不應厭患費財而生憍心。身尚可捨。可滅。豈以憍勞供給而生退心。如來因地捨全身以求半偈。矧身于瘡然燈而請說法。施妻子與夜叉。食欲聞法。要故普賢菩薩告善財言。我此法海中無有一文一句。非是捨施轉輸王位及一切所有而求得者。況其身外之者乎。若情身惜財。非大士忘身為法之行。願復乖恭敬孝順之本心。故犯闍維經云。末世眾生欲修行者。應當壽命供養善友。事善知識。彼善知識欲來親近。應斷憍慢。若復遠離。應斷瞋恨。現逆順境。猶如虚空。了知自心畢竟平等。與諸眾生同體無異。如此修行。方入圓覺。疏云。夫善友度人種種方便。師徒心契法意。方傳是以俯物就機。相親相近。愚者無識。憍慢便生。慢既瞋心。卽不入道。故云應斷憍慢。或遇異緣。相去相離。便生瞋恨。乃云疎我親彼。說愛說憎。既一念瞋百萬障起。非論失道亦墮三途。故云應斷瞋恨。按譬喻等經。阿羅尊者過去

世時。曾爲賣香童子。見一沙彌行乞。口誦經偈。因問其故。沙彌答言。我師山中學道。令我日輸米一升。兼誦一偈。故耳。復問。若不輸米。日可誦得幾偈。答言。可誦十偈。童子曰。今後勿復行乞。善代輸米。沙彌歡喜。得靜坐學問。至代輸米九斛。試沙彌經。悉皆通利。由此福報。後生爲佛弟子。多聞第一。具足三明。大通傳佛心印。是知供給持經沙彌。尙感如是勝報。況供養大乘師友。能說法者。所得勝報。孰能思議哉。

○第七懈怠不應法戒

前戒彼來我當請益。今戒彼在他處。我應往聽。惟此爲異也。

若佛子。一切處有講法毗尼。經律大宅舍中有講法處。

講法者。說法論義之總稱也。梵語毗尼。此云戒。謂滅身口意惡也。亦云善治。謂善能自治。煙怒癡亦能治。衆生之惡。此皆從功能爲名。然非正譯。正譯爲律。律者法也。此從教爲名。謂處斷輕重。開遮持

犯非法不定也。又云：毗尼此言去尼，此言真謂去若干非而就真，真即本源心地也。經律並稱毗尼者，經即梵網戒，經律即心地法律及諸菩薩戒藏。又一切大乘經有滅惡生善義，故亦同稱毗尼也。是新學菩薩應持經律卷至法師所，聽受咨問。若山林樹下、僧地房中，一切說法處，悉至聽受。若不至彼聽受，咨問者犯輕垢罪。

新學者謂初受心地戒之大士，學業未成，不知重法，自生慢怠，失大法利，日無勝進，終退心地，故特此勉勵。若不往，則日日犯輕垢，按地持經，不說遠近優婆塞戒，經謂相去一由旬，不犯。以彼在家俗務拘身，不能遠聽出家無累，專以習法為事，畏遠不往，即是自怠慢法，故犯也。聽受咨問者，聽是以耳，聽事聞受，是以心納受，即聞思二慧也。咨是問問，謂問而深思，思而未達，復問所疑，疑釋即依之修進，悟入大乘心地法門也。上言一切處是泛舉僧俗處，所次言大宅舍中，專指王宮官宅俗舍檀越講說也。今言一切說法處，謂出家者所居山

林樹下寂靜處，若僧伽藍處也。如是諸處不往聽受，非慢人慢法，即懈怠憚勞，故得罪。不犯者，如菩薩戒本經云：若病若無氣力，若知彼人倒說，若知彼所說是數所常聞，若自多聞，若具聞持，若修禪定，不欲暫廢等，不往皆無犯。

○第八背大向小戒

心謂大乘教劣，故背也。言二乘外道法勝，故向也。一是背大欲向二乘，二是背大欲向外道。

若佛子，心背大乘，常住經律，言非佛說。

大乘經律從舍那心地流出，性本常住，不生不滅，不變不易，乃如來顯說一實之教，非方便權小隨事漸制之法。若凡夫初學菩薩，不辨大小，邪正故疑大乘經律，謂非佛說，言心者，蓋心欲背而念未決口欲言而辭未滿，尚懷猶豫，故犯輕垢。若背向已成，即失戒。若謗毀已出，言辭外彰，害及他人，即屬第十重戒。

而受持二乘聲聞外道，惡見一切禁戒，邪見經律者，犯輕垢罪。

二乘即聲聞緣覺由聞如來四諦聲教證無生果。故曰聲聞觀十二因緣法無師自悟是曰緣覺。即梵云辟支佛是也。問既從如來聲教得道何名惡見。答如來觀彼根劣未堪授與大法故暫示之。小教彼即厭苦斷集欣滅修道而證得人空偏理獨出三界無利人心遂失本源地正。脫非惡見。如何若不知大乘常住之法捨此心地大戒而受持聲聞禁戒道法亦不得圓滿具足。故涅槃經云阿羅漢不知三寶常住不變者所有禁戒亦不得具足。不能得聲聞之道是則背向乖旨大小俱失矣。大論云寧起惡癩野干心不生聲聞辟支佛意。心因為惡身病曰癩。乍起三途之心不生二乘之念。所謂寧墮惡道得聞佛名不願依老得長時生天是也。一切禁戒者或持牛馬雞狗等戒由外道見牛馬等生天不知彼前生已種生天之福便做喫水草甘食糞穢或事火服風或吸氣咽津或翹一足或五熱炙身或自焚燒或塗灰臥轉裸露身形等皆自口精進苦盡得樂至於末世服水齋自謂

漸除五濁或餓七日自謂空寂四大或隆冬赤脚盛夏繫髮自言寒暑不侵如斯邪見自禁非惡癩即誑惑他人復有起諸妄計造立種種典籍是曰邪見經律此中制意誠大士不得背心地正因失成佛之極果而反學二乘斷見思惑證灰身滅智之涅槃永無利他之大用故佛訶之為惡見惡人非訶聲聞戒不可持論心則大小須分故云若起一念二乘心者犯輕垢罪言戒則大小雙持故涅槃經謂五篇七聚並是出家菩薩律儀輔行云出家菩薩六和十利與聲聞同六度四弘異於小行若在家菩薩三歸五戒威儀善提況復梵網八萬威儀七聚並資五道通被豈容破戒稱為佛乘菩薩戒本經云若作如是言菩薩不應聽聲聞經法不應受不應學菩薩何用聲聞法為是名為犯何以故菩薩向學外道異論況復佛語不犯者專學菩薩戒未能周及地獄十輪經云三乘皆應修學不應憍慢妄號大乘誇毀聲聞緣覺乘法我先惟為大乘法器聲聞修行者說如是言惟修大乘能得

究竟。是故今昔說不相違。如經所說。爲策彼堅修行者。恐其棄大習小。復令一向習小。法者趣向大乘。非謂除聞戒可輕。可忽。有慚有愧者。惟恐持之不逮。是以五天竺國。凡出家者。皆先學小。然後習大。傳知罪福因果。則不撥有談空識其位次。始無妄修。謬證。茲恐初學淺識。無知不逮。如來秘密之意。纔聞此。即捨彼。取捨乖方。妄符經旨。悖佛言教。自取累於長劫。若屑聞戒不受。則不應剃髮染衣。作沙門之相。自當帶髮長髻。而爲俗士行菩薩道。未嘗不可苟欣其相。而棄其戒。冒入法門。與僧同事。編磨布。薩名爲賊住。罪與五逆同科。後永不復受。且戒爲害非小。切宜思之。摩訶迦葉。是佛經聞弟子。受持二百五十戒。復行十二頭陀行。自至終身不捨。如來以正法眼藏付之。而不付彌勒。文殊何也。正以善隨順。類利生化。現無定證。聞是世間住持。得獲佛法。二寶賴之弘揚。爲人天依仗。故知戒德任重。非輕若廢。聲聞戒不持。則僧寶失。而佛法二寶亦失。況戒有止惡生善之功。能持一

戒。則去一惡生無量善。是故二萬五千福。河常注。又復須知。心大則戒大。心小則戒小。故涅槃經及十住婆沙論。皆指歸聚云。菩薩摩訶薩。持是禁戒。當知戒無大小。由受者心。期唯除外道邪見。則世間無有一法。不是佛法。故云盡大地無非是。藥況如來金口親宣者。故國覺經云。一切衆生。皆證圓覺。達善知識。依彼所作。因地法行。爾時修習。便有頓漸。若遇如來。無上善提。正修行路。根無大小。皆成佛果。如經所說。即當疑惡永消矣。餘如二十四戒所明

○第九不看病戒

迷善惡慈悲利濟之心。故不看失大士恭敬孝順之行。故不供也。

若佛子。見一切疾病人。常應供養。如佛無異。八福田中。看病福田是第一福田。若父母師僧弟子。病諸根不具。百種病苦。惱皆供養。令差。

一切疾病人者。上則三乘賢聖師僧父母。中則兄弟朋友親屬。下則弟子俗衆老幼貧賤。他鄉異國人等。乃至禽獸畜生。悉皆供給調治也。如佛無異。

者如來本爲救度一切衆生。生老病死。苦故出現於世。今供病人。令安。卽稱佛本懷。況一切衆生。同一心源。當成正覺。故云如佛無異。如來在昔。躬自與病比丘洗滌垢穢。然後爲說法。要卽證道果。遂令凡諸寺院病堂中。盡如來躬自看病。像而受大士戒者。不供不看。實違菩薩慈心。慇懃也。八福田者。一諸佛。二聖人。田菩薩緣三衆僧。田是佛弟子修出世行。四和尚。田五阿闍黎。田六父母。田七母。田八病人。田諸佛聖人衆。僧三種名。故田和尚闍黎父母四種名。恩田供養病人。施諸衆生。名悲田。若於此八中。供施能生諸福。善如植嘉苗。秋獲成實。故名爲田。八田之中。諸佛最勝。供養卽獲世出世間諸福。善果滅除無量諸惡罪。案今以看病爲第一者。謂大士以利生爲首要。拔苦與樂爲先務。故不擇親疎貴賤。惟以救濟爲心。故云地獄未空。誓不成佛。又云如有一衆生。未成佛終不於此取泥洹。所以大士願事諸佛。求一切法門。皆爲利益一切衆生。是故菩薩以悲田爲第一也。諸根不具者。六根之

中。隨有一壞卽受苦惱。況其四大違和百病交煎之苦惱。百病者。四大爲身。共有四百四十種病。今言百者。是略舉四之一耳。然諸病苦。痛亂心神。不能暫安。故云苦惱也。供養令差者。指上受病之人。當隨自力。給與諸飲食衣服臥具醫藥。若自無力。應乞化供之。四分律云。看病得五功德。一知病人可食不可食。可食便與。二不惡賤病人。大小便利。唾吐。三有慈愍心。不爲衣食。故看四能經理湯藥。乃至差若命終。五能爲病人說法。歡喜彼身善法增長。差字去聲。病重也。

而菩薩以瞋恨心不看。乃至僧坊城邑曠野山林道路中。見病不救濟者。犯輕垢罪。

瞋恨心者。或日前與病人有讐隙。或病人嫌供給不如意。由此瞋恨。故不看。乖大士怨親平等之心。不捨衆生之念。故得罪也。不但上之父母師僧親人。不看得罪。卽城邑乃至道路中。疎人不看。亦犯若自身有病。或無力能脫。彼苦當起慈念。觀令安樂。或轉託餘人看。或勸化他人看。或彼自有親屬。

皆不犯。然明多病。命者皆由前生殺業。報來。失然亦有別緣。能招於病。如佛弟子中。多病無過舍利弗者。佛謂其多生輕慢師長。父母故。或折報。是知父母師僧。宜尊敬。供養。戰戰兢兢。云。若父母貧苦。應先受三歸五戒。子善然後施與。若不。受。雖受。不中施與。若施病者。及半欲。乘人。狂。出。家。凡。所有。物。皆。是。性。越。信。心。所。施。升。田。不。堪。受。在。家。若。隨。則。任。意。而。施。沙。論。云。若。有。孝。子。能。勤。父。母。於。三。寶。因。果。等。法。令。信。向。及。令。修。戒。施。禪。慧。以。自。調。伏。乃。名。具。實。報。父母。恩。

○第十畜殺衆生具戒

害物傷慈。乖心地之戒。體達利生之行願也。

若佛子。不得畜一切刀杖弓箭矛斧鬪戰之具。及惡網羅。置殺生之器。一切不得畜。

矛如箠。而有三廉也。骨才長二丈。夷才長二丈四尺。刀杖等皆兵器。故云鬪戰之具。網羅。或用繩線。作。或。以。絲。結。成。是。漁。獵。之。器。也。置。以。懸。絆。禽。獸。之。足。亦。害。也。鬪。戰。具。則。傷。人。殺。生。器。則。害。物。凡。是。傷。生。害。物。之。器。具。悉。不。應。藏。貯。故。云。一切不得畜。而善薩乃至殺父母。尚不加報。況殺一切衆生。不得畜殺衆生具。若故畜者。犯輕垢罪。

殺父之誓。不共戴天。而大士修出世行。行平等慈。

視一切衆生。猶已父母。而無有異。故不報復。若畜殺具。是殺生之漸。違孝順心也。網羅。鬪等。本為傷害禽獸。在家出家。皆制刀杖弓箭。等。是。衛。國。兵。器。舊。開。國。王。王。子。將。士。不。在。制。限。餘。人。無。國。故。不。聽。畜。故。畜。即。犯。

如是十戒。應當學敬心奉持。下六品中廣明。

此文總結上十戒。相令勤習。學敬心奉持。不得暫時有忘也。若欲其詳。當如大本下六品中廣發明之。今所說者是略耳。

○第十一國使戒

大士當作如來使。以普安羣生為願。而反為敵國使命。起窺伺長短之心。生奸偽謀策之計。邀合戰陣。殺伐衆生。大違慈心。善心安慰衆生心也。若佛子。不得為利養惡心。故通國使。命軍陣。合會。與師相伐。殺無量衆生。

善薩損已利他。慈念一切。而反為利養。起於惡心。作兩國之通使。為二君之命令。為害不淺也。陣者。兩軍行列也。師者。衆也。五旅為師。共二千五百人。

也。凡行軍多則謂之軍次。則謂之師。少則謂之旅。也。爲利惡心。會合二軍布陣。兩師相伐。損國非輕。傷殺無量生命。殃民不少。若夫說聽兩國罷兵。息爭安邦。恤衆正。大士之權。宜生多功德也。而菩薩尙不得入軍中往來。況故作國賊。若故作者。犯輕垢罪。

賊者害也。損國災民。非賊如何。軍中惟論攻伐殺法。大士聞之。何忍喧鬧。壞穢佛子。履之奚安。聲聞自利。猶制不聽。況大士慈悲利物爲心乎。若教他征伐。或喜彼相戰。悉屬初重。隨死結罪多寡。

○第十二販賣戒

貪財害物。失本慈心。深傷法門。非大士行。

若佛子。故販賣良人奴婢。六畜。市易棺材板木。盛死之具。

順世俗言。故云六畜。元總該一切禽獸也。作成者名棺材。未成者名板木。乃至函蓋瓦缸等。戰屍骨。器皆曰盛死之具。販者賤買貴賣也。市易者市井中貿易也。販人則有眷屬別離之苦。憐復受下賤。

驅役打罵鞭撻之楚痛。販畜便有湯火生割殺害之慘毒。賣棺遂生希望多死之惡心。故僧俗皆制。若尋常貿易。不損人害物。在家不遮。優婆塞戒經。謂如法得財。分作三分。一分供三寶。一分供給父母。已身妻子眷屬。一分作如法販轉。薩婆多論云。寧作屠兒。不爲販賣。何以故。屠兒正害畜生。販賣一切欺害。不問道俗。賢愚持戒。毀戒無往不欺。又常懷惡心。設若販穀。心恒希望。使世充饑。設若販鹽及貯積物。意常企望。四遠反亂。王路塞隔。販賣有如是惡心。雖不制俗。必無希望。欺僞公心。不犯律攝云。不依實說。或僞蓋斗秤。欺誑於他。得妄語罪。獲物之時犯盜。

尙不應自作。況教人作。若故自作。教人作者。犯輕垢罪。

教人有二。或教他代我作。或教他自爲。俱犯若賣畜生。令殺若速欲賣棺。呪人令死。皆犯初重。非輕垢也。若代人買賣私匿他直五錢。即犯殺盜二罪。若代買棺私匿五錢。及誘他奴婢賣。悉得盜罪。若

以棺材木施貧人獲福無量由慈濟他心無希望

故也

○第十三誘毀戒

與惡念辱他人無孝順心失慈悲行非菩薩利物之弘懷護持正法之大願也

若佛子以惡心故無事誘他良人善人法師師僧國王貴人言犯七逆十重

惡心者顯非善心有益前人本為貪瞋欲壞彼人名利功德故也無事者正謂前人無有犯戒之實事亦無見聞疑之三根而妄生誹謗也良人即賢良厚德有道之士善人是淳善慈愛萬物之者法師是宣揚如來三藏聖教之師師僧者師即自己和尚闍黎下至依止一宿或受一呪一偈闍黎法言皆名阿闍黎僧是衆僧也貴人是三公百寮也已上皆是曾受佛戒之人若向受戒法人誹謗故犯輕垢者尚未受大戒人誹謗則有根無根同說四衆過戒犯重經云天下善友莫過師長若能終身行道正可自利非報師恩父母難復生育訓誨

而不能使離三途師長誘進離生死苦得涅槃樂師或教誨不肯信受乃至惡言起於誹謗橫生是非使佛法衰落如是等人誘師毀師僧師嫉師法中大魔地獄種子善恭敬經云佛言若於師所不起恭敬說於師僧長短之者彼愚痴人應如法治師實有過尚不得說況當無也若於師邊不恭敬者別有一地獄名為推撲當墮是中一身四頭身體俱然狀如火聚出大猛焰熾然不息復有鈎臂毒蟲常啣舌根從地獄出生畜生中恒食屎尿捨彼身已雖生人間常生邊地皮不似人恒被輕賤誹謗凌辱離佛法僧無有智慧從彼死已還墮地獄更得無量無邊苦患之法神變經云佛告文殊師利設若有人於恒河沙等諸佛塔廟悉皆焚毀若於信解大衆菩薩起瞋恚心加諸罵辱或增誹謗是罪過前焚毀諸佛塔廟無量阿僧祇數菩薩學論云佛言若於菩薩起陵蔑者我說是人住於地獄不知限量所以者何若菩薩於說法師起誹謗者即是遠離諸佛毀謗正法及比丘僧又若輕

賤諸說法師不起尊重者。卽是於佛如來不生尊重。又按發覺淨心經有六十初發心菩薩來禮佛足。已悲涕雨淚。白佛言。我等業障。願世尊爲分別。說令我等輩勿復更造佛言。汝等過去去拘留孫。如來教中出家學道。於禁戒多聞頭陀功德放逸損減。時有二法師比丘。汝於彼所誹謗。經欲乃至於法師親友檀越。汝復破壞離散。兩舌毀辱。令生疑惑。不生信心。時所有敬信隨順法師之者。令彼斷諸善根。作諸障礙。汝等以此業障。放於六十五百千歲。墮阿鼻大地獄中。復於四萬歲。墮等活地獄。復於三萬歲。墮黑繩地獄。復於八百千歲。墮熱地獄。後得人身。於五百世中生。盲無目所生之處。一切暗鈍。忘失本心。善根閉塞。恒被欺陵。爲人憎惡。毀謗誹謗。常生邊地貧賤之處。汝等從此捨命。已於後百歲中正法滅時。還生於惡國惡人之處。貧窮下賤。被他誹謗。忘失本心。五百歲後一切業障。爾乃滅盡。云時六十菩薩聞已。門淚恐怖。毛豎。向佛懺悔。立大誓願。於一切所不起諸過。爾時

世尊而說偈言。莫於他邊見過失。勿說他人是與非。不著他家淨活命。諸所惡言當棄捨。棄捨衆闍極遠離。無法比丘勿親近。當修蘭若。佛所讚不著利。故得涅槃。

於父母兄弟六親中。應生孝順心。慈悲心。而反更加於逆害。墮不如意處者。犯輕垢罪。

六親有二。一是實已父母伯叔兄弟之六親。二謂大士常念一切衆生。如已六親。以孝順心。故無逆謗之事。以慈悲心。故無令墮不如意處之情。害不如意處者。彰揚前人之過失。令彼心生羞恥。晝夜不安。甚至自害。陷沒其人之名利。事不稱心。時懷懷惱。故云墮不如意處也。前自讚毀他及謗三寶。戒由其毀他。兼自讚。故犯重罪。今單毀他。乃犯輕垢罪。前兼謗佛法。故犯重罪。今止謗僧。乃犯輕垢罪。雖輕垢。感報實重。謗一比丘。尚得苦報。無窮沉謗。惡人德人。皆有七歲之女。輕笑一比丘。如烏當五百世受暗。身母聞佛說。諸佛求懺猶不能免。以此毀謗是性罪。故無問受。或不受戒。但謗皆招惡

報故經云守口如瓶防意如城報恩經云人生世間禍從口生甚於猛火猛火惟燒一世惡口能燒無數世猛火但燒世間財惡口能燒七聖財是故一切衆生常當護口口中之舌鑿身之斧滅身之禍是以古人謂唇如弓心如弦聲如箭長夜虛發何能傷人惟自加塗炭故聖渡離身身陷於地獄皆由出其惡言普告諸人若僧若俗時當猛省緩口慎心無致造殃長劫悔之不及也

○第十四放火焚燒戒

楞嚴經云清淨比丘及諸菩薩於岐路行不闢生草況復以火焚燒害及情與無情過非小也

若佛子以惡心故放大火燒山林曠野四月乃至九月放火

惡心者以不善心瞋嫉他人及與山林禽獸故放火焚燒也四月至九月蜚蟲鳥獸孽生多故元此爲北方之地而言也若東南溫土冬春之初蟲類不盛惟臘月嚴寒稍無蟲蠹耳

若燒他人家屋宅城邑僧坊田木及鬼神宮物一切

有生物不得放燒若故燒者犯輕垢罪

前言山林曠野明其總今言屋宅城邑等明其別由總而攝及於別謂其始無燒宅等之惡心因焚山林殃及人家等也田者生植百穀之所鬼神宮物一本作官物若論官物應有王物然城邑等已該王官物矣律名一切草木爲鬼神村以諸鬼神皆依之居住而爲宮殿舍宅故制比丘不得壞也或曠野山林中有鬼神祠廟及樹木供具之類皆鬼神物如那亭湖廟竹木若乞而未許輒斫舟即覆沒一切有生物者如樹壁籬棚生地屬新俱有蟲蠹依止也若爲除虎狼毒蛇之害奮開在家不禁由須觀時慎心細察無致傷生始得無過然亦有壞鬼神物之失執若不燒爲常此戒爲燒林木無心傷生故犯輕垢若以瞋心惡心害生而燒者隨物死一一結重經云焚燒山澤決撤陂池火炮雞子墮火域中燒燬齊心東西馳走不能得出爲火燒盡一鬼問目連言我一生已來恒患熱渴行見恒河冀入其中以除熱渴方入其中身體焦爛

肌肉離骨渴欲飲之一口入腹五臟焦爛痛不可言何罪所致目連答言汝爲人時喜焚燒山澤殘害衆生今受善報果在地獄過去劫時有一樵夫見火焚山救之令滅後身感報爲梵天王壽命住過一劫救火尙得如是勝報其焚燒者罪當如何

○第十五辭教戒

僻謂偏僻邪教二乘爲偏外道爲邪菩薩學大乘心地法門而不以自所受法教人反教以外道邪因二乘自利偏見永墮邪途棄捨利他之行非大士慈善心大乘心也

若佛子自佛弟子及外道惡人六親一切善知識應一一教受持大乘經律應教解義理使發菩提心十發趣心十長養心十金剛心於三十心中一一解其大第法用

自者從也佛弟子是內衆由學佛內教故外道是外衆以學習外教故六親知識兼於內外由彼有學內教外教故也惡人謂外道以不善法擾無因果之教教人致令誤墮三途及一闍提永無出期

故經云衆生無邪因師故邪是故因惡師而誤墮惡道也善知識是熟識良朋非法門師範也一一者指上內外等衆當教彼受持讀誦次教解義理後教發菩提心不受持焉知大乘之義味妙理不達義理而所發心非正不發菩提心而所解者虛解行解相應方有證悟此三十心是入聖位之始行故須先爲開示次第者始從發心乃至金剛心一一爲彼解說令知次第進修功用履踐三賢之果位也

而菩薩以惡心瞋心橫教二乘聲聞經律外道邪見論等犯輕垢罪

惡心者自立不善之念欲人入於偏邪也瞋心者或因其人有所觸惱而生瞋怒故教之令入偏邪也橫者非正直應教而不教不應教而教彼欲學大而反教之以小故名橫也由瞋惡心故不以正理開導而橫教與二乘四阿含等經五篇七聚之律外道妄計邪見俗法論等故大智度論云西域外道經論大者有十八種所謂弊迦闍那僧伽章

陀等是也。金剛菩提心論云。行人知一切有情皆含如來藏性。皆堪任安住無上菩提。是故不與二乘之法。而令得度。聲聞執四諦法。緣覺執十二因緣。知四入五陰畢。竟磨滅深趣。厭離破衆生執勤修本法。冠證其果。趣本涅槃。已爲究竟。二乘之人。雖破人執。猶有法執。但靜意識。不知其他。久久成。果。以灰身滅智。趣其涅槃。如太虛空。湛然常寂。有定性者。難可發生。要待劫限等滿。方可發生。不定性者。無論劫限。遇緣便遇。心向大。從化城起。爲以超三界。謂宿信。佛故。乃蒙諸佛菩薩。面以方便。遂發大心。從初十信。徧歷諸位。經三無數劫。難行苦行。乃得成佛。既知聲聞緣覺智慧。狹劣。亦不可樂。又諸外道等。戀其身命。或助藥物。得仙官住壽。或復生天。以爲究竟。行人應觀彼等。業力若盡。未離三界。煩惱尙存。宿殃未殄。惡念旋起。當彼之時。沉淪苦海。難可出離。當知外道之法。亦同幻夢陽燄。也是故非惡心。亦不應教以偏邪。也不犯者。以善心。就其所好。所欲。權誘入小。後令向大。或以外教。

令人內教。所謂先以欲鉤牽。後以智拔。故華嚴五地菩薩。學百工技藝。而誘入佛道。斯皆大士善權利物。以四攝法。而攝受衆生。非惡瞋心。橫教之也。瓔珞經云。菩薩亦以善權方便之力。入諸外道。異學之中。隨彼法。則順從。祠祀。觀其志趣。使得度脫。令諸外道。契福無量。若反生樂著。卽屬背大向小戒。

佛說梵網經菩薩心地品下略疏卷四

音義

儒者那 此云野意綿

波斯匿 此云勝軍舍衛國王

僧曇顯 一名佛僊。不知何許人。遊無定方。飲噉

同俗。時有放言。標悟宏遠。時齊高祖文帝。天保六年九月。下敕。召諸沙門。與道士陸修靜。學徒者十人。親目對較。時道士呪諸沙門衣鉢。或飛或轉。呪諸梁木。或橫或豎。沙門曾不學術。默無所對。士女

歡開寶勝心皆以靜徒爲勝諸道士等踴躍騰倚高談自矜誇街道術仍唱曰神通權設抑挫強禦沙門現一我當現二沙門現二我當現四今薄示小術並辭退屈事亦可見帝命上統法師與道士角試上曰方術小伎俗儒恥之況出家人也雖然天命難拒豈得無言可令最下座僧對之有司尋覓于時名僧盛集疊顯居于末座酣酒大醉昂兀而坐有司不敢召之以事告於上統上曰道士祭酒猶可與飲酒道人共言耳可扶登將來合衆皆憚而怯上統威權不敢有諫乃兩人扶顯令上高座顯便立而含笑曰我飲酒大醉耳中間云沙門現一我當現二此言虛實道士言是實顯卽翹一足而立云我已現一卿可現二道士各無對之顯曰向聞呪諸衣袈裟揚卽命取稠禪師衣鉢呪之諸道士一時奮發共呪一無動搖帝命取衣乃至十人率舉不動顯令以衣置於梁木又令呪之都無一驗相顧失色猶強言曰佛家自號爲內內則小也說吾道家爲外外則大也顯應聲曰然則

天子處內定小於百官耶靜等道家誠口無言帝目驗歲否便下詔曰法門不二真宗在一求之正路寂泊爲本祭酒道者世中假妄俗人未悟寧有只崇醺醺爲味清虛焉在瞿瞿斯甜慈悲承隔上異仁祠下乖祭典皆宜禁絕不復遯事煩敷遠近咸使知聞其道士歸伏者並付照玄大統上法師度令出家其未發心者可令染髮爾日斬首者非一自謂神仙者可上三爵臺令其投身飛逝諸道士等皆碎屍塗地僞妄斯絕致使齊境國無兩信矣道士舊自號爲鬼卒道又改號祭酒道後竊佛經沙門名道士故改爲道士

鮑酒肉風華嚴 京兆延興寺苑律師貞觀年初旅宿他舍忽有一僧後至主人別房安止命取淨醃良肉快意飲噉苑師惡之其僧食已乃歎以灰水閉戶而誦華嚴俄終一軸苑乃束身抱愧側聽立音未至五更便終六帙苑深自悔實悲泣交懷入房禮懺因而分袂不告名字莫知所之

飲醢毒 耽直禁切音鳩爲鳥毛羽有毒以羽毒



於酒中飲者即死。隋溫州等行寺僧重進昔周出家不拘禮度。唯樂飲酒。來去醉。遺尿臭穢。衆共非之。有識者曰。此賢愚難測。會周武東征。云須毒藥。救溫州營造監吏。使採藥。獲頭鐵狸。發根大蜂。野葛。鳩羽等數十種。釀以鐵。藥成人。畜著藥肉。穿便死。童進聞之。至監官所。官弄曰。能飲一盃。豈非酒士。進曰。得一升解醒。亦要官曰。任飲多少。何論一升。便取鐵杓於罇中。取一杓飲之。言罷。自若。都不爲患。道士等聞皆來看。進又舉一杓勸之。皆遠走避。進乃噫曰。今日得一醉。臥方石上。俄爾遺尿。所著石皆碎。良久醒覺。清爽如常。爾後飲酒更多。食亦逾倍。年九十餘。終於本寺。

獼猴效佩珠璣 波斯匿王宮中失寶珠璣。王苦責宮人。無有竊者。毗舍佉言。必獼猴所作。當令妃嬪盡著珠璣。於獼猴前戲舞。時獼猴即取所藏珠璣。著出同戲。由是自露喪命也。

三摩地 此云定慧等持也。

鷲投鷲子之影 梵語舍利弗。此云鷲子。昔佛在

祇洹經行。有鷲爲鷹所逐。投避於鷲子影。覆之。猶顛倒不已。趣向佛影。即安隱無怖。由鷲子殺習未盡故也。

韭薤 上音九下音械。韭者久也。一種永生。久刈不乏。故以韭名。字蓋因之。亦合九數也。薤似韭而葉潤。有赤白二種。春分時之至。冬葉枯。又一種山薤。與薤同。而根長。葉大。似鹿蔥。薤音薤。一名薤薤。上讀去聲。音叫。似食蔥。而葉長。有稜五辛。中凡中空皆屬蔥類。或作薤草。名出廬山。非薤也。有云。薤亦山薤之類。非也。薤蔥本草不載。以薤屬蔥收。故不別出。薤亦不載。由無功用故也。

北俱盧州 或云鬱單越。此云勝處。諸吃 上九聲切。音餐。口吃也。下激質切。音吉口。不能言也。

旃陀羅 此云屠者。即殺人首。

三明 一宿命。二天眼。三漏盡。此三超過六通。故云明。

六通 一天眼。二天耳。三知他心。四知宿命。五神

足六漏盡

六和 一戒和同修二見和同解三利和同均四身和同住五口和無諍六意和同悅

十利 受功德衣得十事和益一畜長衣得過十日二畜長衣得過一月三離衣宿四得上下衣隨處遊行五得多畜三衣六得別眾食七得數數食八不受請得自往食九得非時入村不觸授十得學家隨意受食

六度 布施持戒忍辱精進禪定智慧以此六波羅蜜自度度人也

四弘 一衆生無邊誓願度二煩惱無盡誓願斷三無量法門誓願學四佛道無上誓願成

髻 音咨口上毛也口下毛曰鬚也

捨身求偈 過去世如來爲菩薩時在雪山修道天帝欲試之化爲羅刹口說半偈云諸行無常是生滅法菩薩求說後半偈羅刹云我腹饑餓不暇爲說菩薩曰欲得何食答云欲食生人血肉菩薩曰願爲我說捨身供養菩薩即歎摩訶說羅刹云

生滅滅已寂滅爲樂菩薩遂以偈遍書於山石樹木之間即登樹投身而下羅刹即手接之時天帝釋還復本形讚歎禮足而去涅槃經云佛言爲半偈捨身因緣超十二劫在彌勒前成無上道

施妻子與夜叉食 佛往昔無數劫時作閻浮提大國王名修樓婆爲衆生求法故捨可愛妻子與夜叉鬼鬼盡取食之爲說一偈曰一切行無常生者皆有苦五陰空無相無有我我所

剗身然燈 世尊過去無數劫時作大國王爲聞法故剗身然千燈供養勞度差婆羅門彼乃爲說偈曰常者皆盡高者必墮合會有離生者有死王聞心大歡喜而立誓言我今求法爲成佛道當以智慧光明照悟衆生作是誓已天地大動

師長 爲人之長訓物之規名爲師長或云師父及矩也以規矩法則教弟子故也

三公 太尉司徒司空

百寮 衆臣也

七衆 比丘比丘尼式叉摩那沙彌沙彌尼優婆塞

塞優婆夷

五道 六道除地獄道不得戒

一闍提 此云不具信。焚燒善根。義罪重過阿鼻也。

七聖財 信戒聞捨慧慚愧

那亭湖廟 廟神前生出家與天竺安世高法師爲友。性多瞋怒。命終報爲那亭大蟒神。威靈異常。商旅祈禱。乃分風上下。各無留滯。曾有乞神竹者。未許輒伐。卽覆沒竹。還本處後。世高至廟。蟒於牀後出頭。與語悲泣。流淚不久。捨命當墮地獄。卽授絹百疋。與高爲修塔寺。高呪願受之。蟒遂死於山西澤中。頭尾相去數里。至暮有一少年上船。長跪高前。忽然不見。高謂舟人曰。那亭神得離惡形矣。

四攝法 一布施攝。謂大士以財法二種攝化衆生。令彼生親愛心。依附受道也。二愛語攝。謂大士以善言慰喻衆生。令彼樂聞善言。生親愛心。依附受道也。三利行攝。謂大士以身口意善行利益衆

生。令彼生親愛心。依附受道也。四同事攝。謂大士觀衆生根性。隨其所樂。卽分形示現。同其所作。令彼利益。因生親愛心。依附受道也。○頌音。福至毒蛇也。聲音尋醒音。呈酒未醒也。一日醉而覺也。諸音學戲也。那音恭。

瞎鳥 北丘大哥羅。常往屍林取祭屍食。有婦人與女。送夫屍至林。女見北丘。告母言。此北丘猶如瞎鳥守屍。而住諸北丘。白佛。佛言。此女惡言輕毀。於五百生中。常爲瞎鳥。母聞。將女詣佛。所自言。恕此小女無識。非毒害心。輒出此言。佛言。豈我爲惡。呪令彼苦耶。由此女子輕心。惡語。墮畜生中。若重惡心。當墮地獄泥洹。卽涅槃。

見聞疑三根 見謂實見。彼犯戒聞。謂聞彼犯戒。或從他邊聞疑。有二種。或從見生疑。或從聞生疑。若有此三。是爲有根。若無此三。是爲無根。

盤 力展切。連上聲。人步挽車也。
由旬 一由旬四十里。

和尚 尚或作上此云力生謂由師力生長我戒
身慧命也正梵音名邸波賦耶此云親教師

佛說梵網經菩薩心地品下略疏卷五

姚秦三藏法師 鳩摩羅什 譯

廣州寶象林沙門 弘贊 述

○第十六爲利倒說戒

無利養而倒說經文不私違而隱沒義理非訓授
之方失師範之道爲利惜法實乖弘化之行願
若佛子應好心先學大乘威儀經律廣開解義味
好心者非爲利養之惡念本發自利利他之大心
然欲利他首應自利故須先學威儀經律正是大
士修進之要道化他之軌轍由學經律故得內正
身心外具威儀所謂持淨戒則梵行具足堂堂僧
相衆德威嚴而令人可畏動靜合則願願可觀儀
端表正則令人可敬斯爲出家之道品人天之師
範內懷獅子之德外現象王之儀遂感人天讚仰
隨神欽伏也開解義味者開是通達無礙解是契

悟無疑由通達契悟經律宗趣義理之深味然後
利他方能感益不然則自誤誤人矣

見後新學菩薩有從百里千里來求大乘經律應如
法爲說一切苦行若燒身燒臂燒指若不燒身臂指
供養諸佛非出家菩薩乃至餓虎狼獅子一切饑鬼
悉應捨身肉手足而供養之然後一一次第爲說正
法使心開意解

應如法爲說者一切衆生從無始來由身口意業
造十惡五逆之罪今欲入大乘法門首當教令懺
悔先罪然罪既從二業而生還將三業而懺故使
燒身臂指以滅其罪罪滅則障消除法遂得心開
意解非是佛受斯供使衆生生大苦痛況懺罪心
不如作罪心猛若能燒身臂則罪滅無餘復由衆
生世世慳貪生死不能解脫今令捨身以飼鬼獸
損已利物正大士之本懷如摩訶薩埵王子以身
飼餓虎至成正覺故經云盡大地無針許處不是
釋迦如來捨身命處況此五蘊身心本自空寂無
我我所衆生不了妄執爲我今欲使達虛空捨之

如棄弊履是故先爲說諸苦行以廓其心堅其志固其願悟病空離我執以修初度檀波羅蜜上供諸佛下施群生成就悲敬二田則入道有門後乃一一天第爲說三十心之正法使心開明意獲解悟則登位證果無難是爲順正理說不煩倒說也今不言在家菩薩者王臣有國政士庶必供家家國未能免四大豈能忘初學凡夫縱未得性地無生慧解雖不能捨身而苦行事不可不知問既已捨身將何爲彼說法答此中制意正明身尚可捨況希利倒說亦謂先施食令生欣樂後聞說則法喜充心如舍利弗以飯饅餒狗使饑除心安然後爲說法要命終托生婆羅門家主成阿羅漢果或有先許其施彼聞法已然後捨身斯乃財法二施方稱大士本心豈爲財倍法大違菩薩之行願乎而菩薩爲利養故應答不答倒說經律文字無前後謗三寶說者犯輕垢罪

此文分三一爲利養故祕惜說有問而不順理正答別爲左答二爲利養故倒亂說擅改經律文義

前後失序三爲利養故誹謗說逆佛本源心地背經律義理乖大乘宗趣是謗三寶說前第十重戒由謗無三寶故結重罪今惟祕惜妄答倒說故犯輕垢感報如僧護經高座法師誡可鑒之

○第十七恃勢乞求戒

倚勢強索逼惱他人無慈孝心乖知足行

若佛子自爲飲食錢財利養名譽故親近國王王子大臣百官恃作形勢乞索打拍牽挽橫取錢物一切求利名爲惡求多求教他人求都無慈心無孝順心者犯輕垢罪

言自爲顯非爲衆爲飲食等明非爲道爲衆雖忘身而亦不得恃勢爲道雖忘利而亦不得邀譽大士慈心愍念貧乏常思惠施他人等視衆生如已父母恒應過已以修慈孝之道豈當倚恃王臣豪勢非理強求甚至打拍現威壓取財物復加牽挽撓拽苦逼橫索不順正理如此一切求利是不善取名爲惡求求索無厭非寡欲知足名爲多求或教他人倚勢而爲已乞或教他人恃勢而自索取

或假借善教或假傳委力一切皆犯

○第十八無解作師戒

自無慧解不達性相強授他戒令人發生戒不沾身既無心地之正因永失成佛之極果過非小也若佛子應學十二部經誦戒者日日六時持菩薩戒解其義理佛性之性

夫爲師範先當博學三藏聖教明了十二部經熟誦菩薩戒律依律行持解律義理深契本源中道佛性之性宗無令人誤墮聲聞偏空之性及外道斷常妄計之性涅槃經云佛性者卽第一義空第一義空者名爲中道中道者名爲佛性佛性者名大涅槃也六時者謂誦未通利必須蓋三夜三時勤熟習既得通利當深窮理趣探顯十二部經之義味經已通利日誦非過天誦八部聞之誠爲最益如窺基法師曰誦戒經上生經各一徧斯之謂也十二部經者一修多羅經云契經凡如來所說二祇夜此云重頌謂三受記佛爲三衆弟四伽陀此云重頌謂五優陀那此云無問自說謂長行之文專云攝持

說六尼陀那此云七本生說書薩行因入本事說開弟子前九方等亦云方廣經機善說曰方四教世等事並譯曰等又正理爲方也南名廣明大乘方等經典其十未曾有說三寶等十一譬喻論以曉示之十二論義廣明諸經中此十二部經三乘同學大小共持故律制此丘解通三藏十臘滿足方許爲師縱不能通經論二藏而律藏必須明了況菩薩藏文奧理幽權實兩宗率難窮其淵府如不達權實性相宗趣爲人作授戒師者危哉

而菩薩不解一句一偈及戒律因緣詐言能解者卽爲自欺誑亦欺誑他人一一不解一切法不知而爲他人作師授戒者犯輕垢罪

解謂解悟非爲讀文故不言誦而言解也知也一句一偈對上十二部經之多不能解悟以至最少之一句一偈亦不曉解會則以何法爲人作師範耶然如來所說一言一字盡無量義一句一偈包一切法如阿之一字海墨書之難窮故華嚴云無量無邊法門海一言演說盡無餘蘊云於無字中

一、慈憐或教或義或性或心故云良以一文之妙攝義無遺以一是其一之故稱性之一也又諸行無常偶能解一句則便能通達一切諸法而寂滅二字盡力亦不能道得況能知樂之一字受用乎如昔解脫和尚感諸佛現於空中曰偈曰：「佛寂滅甚深法廣劫修行今乃得若能開曉此法眼一切諸佛皆歡喜解即問曰寂滅之法若爲可說得教人耶諸佛即隱以聲告曰方便智爲燈照見心境界欲究竟實法一切無所見若能解悟此偈即便了達三藏十二部經故舍利弗問法身偈即證初果慈路三月受持半頌成阿羅漢爲諸尼衆略說法要皆證聖果曹溪問應無所住頓悟心宗善解法華涅槃諸經了達八識等論是以一句一偈其義難量初學無知不可輕視故增一經云一偈之中便出三十七品及諸法門迦葉問曰何者一偈阿難答云諸惡莫作衆善奉行自淨其意是諸佛教瓔珞經云以一句義演出無量諸佛法藏從劫至劫乃至百劫不能究盡一句之義故知

如來秘要之法不可思議非是小根所能測度律鈔云佛言善解一字名爲律師一字者律字也是知律之一字乃毗尼之宗旨宗旨若悟則無法不達故云律者萬法之所由出也戒律因緣者如舍那傳戒於千佛千佛傳於千百億釋迦初在菩提樹下及妙光堂說何法次第至天王宮說何法乃至佛口放光爲諸國王王子等授戒因緣等事是也味本心是曰自欺誑誤前人是曰欺誑他既爲人授戒而一一戒律不能解一切經法不能知實自惑而惑人故得罪罪雖輕垢而自誑誤人其過實重此戒下三衆及在家二衆不制以其無師範位非僧寶也尼略制由聲聞戒中許作三師而彼智淺寡聞菩薩戒則不許爲師賢雲經云具足十法名律師一善解毗尼所起二善解毗尼甚深處三善解毗尼細微事四善解毗尼此事得彼事不得五善解毗尼性重戒六善解毗尼制重戒七善解毗尼制起因緣八善解聲聞毗尼九善解辟支佛毗尼十善解菩薩毗尼能如此者爲人作授戒

師可謂無愧矣

○第十九兩舌戒

憎嫉賢良。遠屬二邊。傳此語。向彼說。傳彼言。向此語。壞他和合。令生鬪亂。故云兩舌戒。非慈心善心。若佛子。以惡心。故見持戒比丘。手捉香爐。行菩薩行。而鬪遠兩頭。謗欺賢人。無惡不造者。犯輕垢罪。

謗欺賢人。憎嫉賢良。善令生鬪亂。不得安修。是為惡心也。手捉香爐。乃略舉大士萬行之一法耳。亦表菩薩修行六度萬行。不忘敬佛及五分法身之香也。鬪遠兩頭者。鬪是鬪亂。遠是遠遇。謂遇此人。即說彼人之過。遇彼人。即說此人之失。令他鬪亂乖六和敬也。或作構。乃架也。造也。結也。架虛言造。是非令他彼此結恨也。兩頭。即彼此也。縱是實言。及不傳彼此語。但於二邊說。令離散。皆犯也。謗欺者。謗是毀謗。欺是欺陵。謂種種毀謗。欺陵。嫉賢良。故云無惡不造也。若向人說他過失。即屬說四衆過戒。若衆自讚。即屬自讚毀他戒。二俱犯重。此戒惟直令他彼此鬪亂。離間。故犯輕垢。言持戒比丘。

者。即出家菩薩。為七衆之首。故知言比丘。則已該七衆。乃至譏亂人之君臣。離間人之父子兄弟朋友。悉犯不犯者。惡人和集。欲作惡事。或惡知識。惡伴。儻及作非法。無義利事。破令離散。猶生多功德。故不犯也。

○第二十不行放救戒

見危難而不方便救濟。視死亡而不開揚。大捨實乖孝順之心。慈悲之道也。

若佛子。以慈心。故行放生。業一切男子是我父。一切女人是我母。我生生無不從之受生。故六道衆生。皆是我父母。而殺而食者。即殺我父母。亦殺我故身。一切地水是我先身。一切火風是我本體。故常行放生。生生受生。常住之法。教人放生。若見世人殺畜生時。應方便救護。解其苦難。常教化。講說菩薩戒。度衆生。

菩薩以無緣慈。度有情界。故行放生之事。業世人祇識現生父母。而迷多生遠親。妄認現前四大色身為自己。而迷天地同根。萬物同體之至理。故起

人我心衆生。見互相欺陵而殺。而食。惟知自安。不念他苦。由是不救危拯厄。解其患難。大士今悟。無始劫來。託胎受身。徧歷諸趣。故六道中。一切男子。女人。皆我父母。奚忍殺食。良由迷自清淨之法。身妄攬地水火風四大血肉暖息。爲自身相。六塵緣影。爲自心相。除此之外。終無有物。可爲身心。是故我與衆生。同稟四大。爲形。故曰。本體先身。既知本體先身。何當自陷。寧不傷心。彼安卽是我。安故當常行放生。一切衆生。身心未空。生死豈免。放於三界六道中。生生受生。不息。此是常住恒常不易之法。自既了達。亦當教人放生。俾知生死輪迴不息。而悟本源心地。不生不滅之體性也。應方便救護者。當以種種善巧方便。勸令放免。若自無財。可化他人。願脫苦難者。或被鞭撻繫縛殺戮等之痛。苦臨危之厄難也。教化講說善薩戒者。解其苦難。是利樂其身。今講說戒。是以法資其心。由法資心。則貪瞋疑諸煩惱解脫。得復自本源心地。誠大士救度衆生。不憚遠親而順同體之慈悲。不違行願。

而施有情之無畏也。倘不信六道衆生皆我父母者。如法句喻經云。舍衛城中有一長者。財富無數。爲人慳貪。不好布施。施夫妻二人同坐著一小兒中。夾共食鷄肉。數數取肉。著兒口中。佛知此長者應度。化作沙門。在前告言。多少布施。可得大福。長者卽罵言。汝爲道人。而無羞恥。室家坐食。何爲唐突沙門。曰。卿自愚癡。不知羞恥。長者曰。吾及室家自共娛樂。何故羞恥。沙門曰。卿殺父妻。母供養怨家。不知慚恥。案上鷄者是卿先世父。以慳貪故。常生鷄中。爲卿所食。此小兒者。往作羅刹。卿作買客。乘船入海。墮羅刹國中。爲羅刹所食。如是五百世壽盡來生。爲卿作子。以卿餘罪未畢。故來欲相害耳。今妻者是卿先世母。以恩愛深固。今還與卿作婦。生死輪轉。周旋五道。誰能知者。佛卽現神通令識宿命長者。尋卽懺悔。便受五戒。佛爲說法。得須陀洹道。五道者。六道除阿修羅。以修羅歸天。鬼畜道中。若父母兄弟死亡之日。應請法師講善薩戒經律。福資亡者。得見諸佛。生人天上。若不爾者。犯輕垢罪。

前自講說是教化救度衆生以及多生父母今請他講是救度已親現生父母眷屬以此大乘戒律是舍那所傳諸佛之本源衆生之根本涅槃之初門人天之徑路存者聞之一歷耳根永爲佛種亡者資其冥福往生諸佛淨土或托質天上人間福樂無盡是知講演戒法功莫大焉昔唐新羅國僧統律師於本國皇龍寺講菩薩戒七晝宵天降甘露祥雲密覆彼講堂四衆驚歎得未曾有以此證知存亡獲益豈可得而思議耶若不爾者是總結上文謂生不救其危難死不度其冥誠俱犯輕垢也第三十九戒亦令講說以救存亡大同此戒也

如是十戒應當學敬心奉持如滅罪品中廣明一戒

總結上之國使戒至此不行放教戒斯是略述十戒之綱要如欲詳明性相當閱大本滅罪品

○第二十一瞋打報讐戒

瞋打不報免怨憎會若有瞋不報息累劫冤愆况

大士以慈心忍心平等心觀諸衆生猶已親之無異乎

若佛子不得以瞋報瞋以打報打若殺父母兄弟六親不得加報若國主爲他人弑者亦不得加報殺生報生不順孝道

以冤報冤非大士之平等慈心以瞋打報瞋打乖菩薩之無生法忍殺彼生而報我生生奚益瞋彼怨而報我怨怨寧息豈惟六道衆生皆我父母亦是未來諸佛世尊若殺若報大違孝道誠非佛子若在家菩薩君父之讐自有世禮權法不預本源心地戒律然世間之讐亦有不報者如長生王子無忘父讐不報梵施王讐而梵施與女妻之還復其國倘會同根同體實相無相而彼生我生安在則世禮權法亦無處可施矣出家已悟眞如實際能所性空而心地無二同一本源則不執權教逆本源悖心地順生死流於長劫也

尙不畜奴婢打拍罵辱日日起三業口罪無量况故作七逆之罪

出家菩薩尚不多畜徒衆以妨修道業故團覺經教諸菩薩三月策修不繫徒衆是以羅漢薩徒猶有相似煩惱南嶽天台而有鐵輪五品之歎況畜奴婢長三惡業傷本慈心乖解脫道至彼譏嫌敗壞正法如同世俗釋子安在乎打拍是身業罵辱是口業身口未發瞋心先起是爲意業作成名罪問既言三業云何獨標口罪答由起瞋心故行打拍打拍必先罵辱罵辱時語語惡口獲罪不可勝計故云無量如來於聲聞戒經中亦以誡口業爲先是知三業口業是最故特首標如此之過悉由畜之咎也尚不畜奴婢打罵況故作七逆當知斯是喻辭舉重以誡輕耳在家須云聽畜然不得非理打罵長自罪業增彼怨結於心地戒實有虧違若以慈心折伏順理教誡乃大士化道之權宜攝受之方便也

而出家菩薩無慈心報讐乃至六親中故親者犯輕垢罪

此結上文明非在家大士乃出家菩薩無大小

親疎一切不得加報若菩薩惠惠於人人以怨報慈心勸化反被毀辱宜應自念由我宿業因緣所感正當喜受以滅前愆況我是行菩薩道人應受一切衆生種種罵辱若我起一念反報之心不但失我菩提行願而且墜落三途受諸劇苦又我此五蘊身心無我所誰受毀辱作是觀時心如須彌不爲八風所動亦如太虛五色所不能汙也大論云菩薩化生雖見衆生種種煩惱不肯受化反瞋菩薩菩薩爾時猶如大醫治人鬼病病者反罵醫於爾時不責病者同其瞋恚即知此人爲鬼所使菩薩亦爾知諸衆生爲煩惱鬼之所驅使海意經云佛言海意設復有人以惡心來瞋恚罵辱卽作是念是人懈怠遠離佛法我今發起精進勤求修習憶諸善本勿生厭足乃願是人先坐道場我當最後取成正覺乃至我依此法云何是瞋云何非瞋二中伺察俱不可得又是瞋非瞋若自若他瞋與瞋者皆不可得斯不可得尙離此見是卽名忍若能如是者是爲怨親等觀而瞋不可得矣

○第二十二憍慢不請法戒

懷憍恣傲慢故不敬人特聰明有智故不請法自失已利復闕化道之益也

若佛子。初始出家。未有所解。而自恃聰明有智。或恃高貴。年宿。或恃大姓。高門。大解。大福。大富。饒財。七寶。以此憍慢。而不咨受先學法師經律。

初始出家。故不識法。教人無正契悟。故未有所解也。按文。恃七事故。生憍慢。一恃世智。聰二恃高貴。位三恃年臘。尊四恃門族。大五恃見解。大六恃福德。大七恃富饒。大由恃此。而慢山高。緣自阻前進。故有先學知識。而寸步不移。致失咨受之大益。華嚴經云。善男子。菩薩由善知識。任持不墮。惡趣由善知識。教導。而得出離世間。由善知識。依止覺道。除業惑障。出生死城。至清淨處。乃至應於自身起病。苦想於善知識。起覺王想。隨所教令。作良藥想。所修正行。作除病想。大乘四法經云。諸苾芻。盡壽乃至逢遇壽命。因緣必定不得捨善知識。所言善知識者。善聞三藏了達心宗。知真識妄。知病識藥。

調治衆生種種身心之病故也。餘如華嚴經廣明

其法師者。或小姓。年少。卑門。貧窮。下賤。諸根不具。而實有德。一切經律。盡解。而新學菩薩。不得觀法師種姓。而不來咨受法師第一義諦者。犯輕垢罪。

所有一切大乘菩薩經律。皆是最上甚深中道之理。絕有絕無。無不一不異。審諦不虛。更無有法過於此者。褒美稱之曰第一義諦也。新學無知。輒自高舉。故於此七境。而生憍慢。小姓對上大姓。年少對上年宿。卑門對上高門。貧窮對上富饒。下賤對上高貴。諸根不具。對上聰明。智解而實有德。盡解對上未有所解。於此七境上。隨觀一事。而生憍慢。不來咨受。失大法利。故犯大般若經云。有餘菩薩。輕餘菩薩。經一念頃。經於一劫。遠於佛道。遠經一劫。更修佛道。故不自高。亦不下他。地持經云。菩薩於善知識。起受經法。於說法人有五處不憶念。淨心專聽。一者不念破戒。謂不念言此犯律儀。人不應從彼聽受經法。二者不念下姓。謂不念言我不從彼下姓之人聽受經法。三者不念醜陋。謂不念言

我不從彼隨順人聽受經法。四者不念壞味。謂不念言。我不從彼不正語人聽受經法。但依於義。不依於味。五者不念毀美語。謂不念言。我不從彼謠言。說人聽受經法。如是五處不憶念。已是菩薩勤攝正法。於說法人不起嫌想。若下根菩薩起見人過心。退不樂聽法。當知是菩薩不能自度智慧。退減。不正語者。謂言者不莊嚴。寶王經除蓋障菩薩。正而實。通達理義也。

白佛言。世尊。我今於何處。令我得六字大明陀羅尼。佛言。波羅奈大城有一法師。而常作意受持。誦六字大明陀羅尼。彼法師者。難可值遇。見彼同見如來無異。乃至不得輕慢。生疑慮心。退失汝菩薩之地。反受沉淪。彼之法師。戒行快犯。而有妻子。大小便利。觸汚袈裟。無有威儀。時除蓋障菩薩。受佛敕。已即與無數菩薩。持其天蓋種種供具。而往供養法師。求六字陀羅尼。是故求法。不應自恃。見過而生輕慢懈怠之心。自招不如意報。如覺經云。佛告普覺菩薩。言善男子。末世衆生。將發大心。求善知識。欲欲修行者。當求一切正知見人。心不住相。

不著聲聞緣覺境界。雖現殷勞。心恒清淨。示現諸過。讚歎梵行。不令衆生入不律儀。求如是人。即得成就阿耨多羅三藐三菩提。末世衆生。見如是人。應當供養。不惜身命。乃至示現種種過患。於彼善友。不起惡念。即能究竟成就正覺。心華發明。照十方利。疏云。菩薩化現權道。難測或爲利益。或有別緣。所作非儀。暫乖直教。祇得貶已。承非不得飾非。說理以誤。凡下此乃不同。邪人自造諸過。復說非梵行事。爲其真實。令無量人墮大險趣。但爲同事攝。故雖現諸過。而常讚歎真實梵行。故論云。壞見之人。雖不壞行。不堪與衆生爲其道眼。雖壞行而不壞見者。是則人天具勝福田。然爲師之難。爲徒不易。勿因此誡。誤敬。惡人已諳其道。當此遵承。又此藥治於徒。師勿錯服。服之增病。無藥可治。以縛解縛。無有是處。若誤敬惡人。何殊敬獼猴爲帝釋。妄服其法。無異認瓦礫爲黃金。未具慧眼。誰鑒是非。但當取其正言。勿受彼之非語。一念既差。千生塗錯。如經所說。當自警之。毋致後悔。難追也。前第

六不供給請法第七懈怠不聽此制憍慢不請若
慢怠不敬不迎懈怠見過不往咨問亦同此戒

○第二十三憍慢僻說戒

特解倚勢輕人而顛倒僻說法相隱沒經律義理
而深達大士訓導軌範

若佛子佛滅度後欲以好心受菩薩戒時於佛菩薩
形像前自誓受戒當以七日佛前懺悔得見好相便
得戒若不得好相應二七乃至一年要得好相
得好相已便得佛菩薩形像前受戒若不得好相雖
佛像前受戒不名得戒

如來生死大患永滅超度四流化盡有緣而歸真
際故曰滅度好心者上求諸佛無上妙道下教衆
生發大菩提心也自誓受戒者謂千里內無有智
有力能解能授曾受得菩薩戒之法師方許於佛
菩薩像前七日發弘誓願懺悔三世罪業得見好
相準法自受若不得好相增重慚愧深心起資悲
泣流淚復應二七乃至一年懺悔要得好相
爲期得好相已然後一一依法在佛菩薩像前受

若不知受法無由得戒也好相者或於懺悔時或
於禪定中或於夢中見華見光見佛菩薩摩頂如
眞表律師志求戒法誓要彌勒親授遂登山頂石
上晝夜苦到懺悔經於七日見地藏菩薩現身手
持金錫爲表作戒前策發表倍加勇猛至二七日
有大惡鬼推表墜於巖下魔相百端表重加精勵
至二七日見山川平滿成銀色世界彌勒菩薩儀
從圍繞垂手摩表頂曰善哉大丈夫求戒如是須
彌山可手攘却汝心終不退也乃躬付三衣瓦鉢
爲授戒法仍賜名曰眞表南嶽慧思禪師夢梵僧
四十二人更加羯磨受具足戒昔沙門道進求曇
無讖法師受菩薩戒識云且悔過彼竭誠七晝夜
懺已復往求受識大怒進自念正我業障未消耳
更竭誠禮懺首尾三年夢見釋迦如來與諸菩薩
授以戒法進次日詣識欲說所夢未至數十步識
驚起唱言善哉善哉已感戒矣吾當更爲汝作證
乃次第於佛像前爲說戒相後從進受者千有餘
人傳授此法迨至末代皆識之餘軌時河西王沮

渠蒙遜子景環奉進爲師後請進往高昌國值歲
荒餓進割身肉以救饑民因此捨命矣古人被呵
及魔相百端志無退屈由加精勵三年竭誠不生
一念疲厭之心故能感格如響之應望今人求戒
師若難之或一言以勉勵之卽頓悟煩惱拂袖千
里斯不但自失戒益而且獲罪非輕今時復有從
師受已則便長往無返豈復親師咨問有受無持
誠爲苦海弊靈也所言好相相有邪正魔事頗多
未易分辨當須善爲觀察不可率爾以爲好相得
地菩薩魔尙現作佛身與之授記而末世凡夫可
不慎哉

若先受菩薩戒法師前受戒時不須要見好相何以
故是法師師師相授故不須好相是以法師前受戒
時卽得戒以生至重心故便得戒若千里內無能授
戒師得佛菩薩形像前自誓受戒而要見好相
師師相授者謂舍那授與釋迦釋迦授與彌勒如
是二十餘菩薩次第授受相承傳來如燈燈續續
故不假別見於相雖戒由心發必藉師傳方得所

以無師自受實難猶鑽木求火功力稍歇則火不
可得有師爲受故易如燈接燈該該相續不假多
力是則師之關係誠非小也然時當末法知法之
師誠爲難遇設得遇者必須至誠生慙重心難遭
想視同如佛方能感發心地大戒若其師傳來不
真如燈絕該縱受亦不得戒反獲假名之愆授受
得罪不可不慎問雖不得戒而受者至誠寧無少
益答若其稍持無犯亦獲戒善如世行十善雖不
知受十善法而亦得其福但不得爲人作授戒師
如人認銀爲銀以鎗爲金愛護保持非全無益亦
能寶得一衣一食惟不可諄諄對人說是真金銀
耳若千里內有明經律戒師而輕忽怠慢不往求
受而自誓受者不得戒縱見好相亦是魔境無師
自受如去之堅心有師爲授如進之竭誠可謂萬
世司南千古立範況曇無讖自古疑其是伊波勒
菩薩應跡託化傳來此土既是菩薩應跡猶勉進
竭誠三載然有師尙令要見好相方感大益如其
無師自受豈易哉今人求受不辨是非得失不

擇明師夏專師既不知法律焉能開發道心教誨罪福兩途懺發惡德之法使身心清淨方堪納受淨戒故彌勒菩薩付百八種與具表教令來求戒者先使懺悔期滿然後以驗煩惱罪滅不滅之相是知懺勉進之三教法自有來先聖後賢同一軌轍政理昭經云若有欲來受戒者菩薩法師先爲解說讀誦使其人心開意解生樂著心然後爲受其受者入諸佛界菩薩數中超過三劫生死之苦是故應受又云其受者過度四魔越三界苦從生至生不失此戒常隨行人乃至成佛菩薩優婆塞五戒威儀經云有二事失菩薩戒一捨菩提願二增上惡心除是二事若捨此身戒終不失從是以後生生之處常有此戒若不憶念更遇善友受者不名新得如經所說故知菩薩大戒有受法而無捨法受須當自重聖塔經云法師能於一切國土中教化一人出家受菩薩戒者是法師其福勝造八萬四千塔況復二人三人乃至百千人福果不可稱量

若法師自倚解經律大乘學戒與國王太子百官以爲善友而新學菩薩來問若經義律義輕心惡心慢心不一一好答問者犯輕垢罪

上求師受戒者當生至重心敬師如佛如求摩尼大寶心無厭倦得之當珍重保持今爲人師者應以慈心悲心視求法者如同赤子凡有請問一一開示令生歡喜不可內倚能解能學以輕新學不爲好答外恃所交勢位以慢於人不答來問輕心者藐視他人惡心者無慈接物慢心者恃已陵他由此三心故不好答或於自徒則傾心懇懇未盡他衆則言有不了諛非師道有乖平等大心若知前人是惡見來覓過失不答則能調伏或不敬順大乘或根性闇鈍問深法反生邪見或聞已向惡人說破壞正法如是等不答無犯

○第二十四不習學佛戒

捨本求末而習二乘棄真取僞而學外道正所謂棄珍寶而拾瓦礫敬彌猴而爲帝釋敬獼猴是不識人拾瓦礫是不識法非大士之正見昧菩薩之

本行也

言佛子有佛經律大乘法正見正性正法身而不能勤學修習

佛經律者是總攝菩薩藏大乘法顯非小乘經律故云大乘法也。正見者大乘經律原具本源心地正見之立解。正性者由具心地之正解。欲契心地之立因。即舍邪之佛性也。正法身者由悟舍邪佛性。即我。自性而修六度萬行。行解相應。事理雙融。而證真常果德之妙體。是曰正法身。如是大乘經律心地之正因正果。而不勤修習。是大士自迷正行。反入邪途也。

而論七寶反學邪見二乘外道俗典阿毗婆雜論一切占記是斷佛性障道因緣。非行菩薩道者。若故作善正經垢罪。

金銀七寶世間以為最珍。能濟貧苦。令身安樂。今此心地大乘法於諸法中。最為珍勝。能除衆生無法慳乏。令獲功德法財莊嚴。舍那萬德之願。故喻之為寶也。邪見者二乘外道。乃至書記無心地

之正教。故曰邪見。二乘有偏空之邪。外道有妄執謬計之邪。俗典撥無三世因果之邪。阿毗婆此云無比法。是小乘論共有數百卷。雜論者一切小乘諸論及外道僧徒等論。白論云九十六道。並不能得諸法實相。故順聲聞道者皆悉是邪。九十五經教故成俗典書記者一切世間書籍傳記。天竺則悉垂章毗伽羅五明等論。記此方則經史子集等書也。斷佛性者二乘偏空而無心地。正因故失成佛之果德。外道謬計斷常而迷中道正教。是斷正覺之圓性也。障道因緣者心執邪解。為因。謬修邪行為緣。由此遮障大乘正道。永失本源心地也。非行菩薩道者二乘惟以自利外道邪途俗典治世。皆非大士上求下化所修六度萬行之大道。菩薩優婆塞五戒威儀經云菩薩有佛經藏不能動學。乃更動學外道俗典。犯重垢罪。菩薩戒本經云菩薩於世典外道邪論愛樂不捨。不作善想。是名為犯不犯者。若習小助大。為欲引化二乘。令入大乘。故學二乘之法。菩薩善戒經云為論義故。為破於

邪見故爲知外典處妄佛法真實故爲知世事故
不犯前背大向小戒以其志向乖違故制僻教戒
由其以瞋惡心教導偏僻故制今戒以其安然習
小不思學大故制後暫念戒由其已知習大則不
應起一念自度心故制如此四戒義則不可不知

○第二十五不善知衆戒

爲主不善安衆守物不知用度自損損他非大士
慈心和心也

若佛子佛滅度後爲說法主爲行法主爲僧坊主教
化主坐禪主行來主

如來在世則人人親承法化有漏之法不生佛滅
度後去聖時遙有漏之法日長不無訛謬也然其
所弊多係主者故今略舉六人說法主者代佛宣
揚爲衆演說十二部經也行法主者行解相應令
衆如說如行也僧坊主者梵語摩摩帝此云寺主
謂造寺比丘或云是知事人知理常住僧事今所
謂監院監寺也僧史略云詳其寺主起乎東漢白
馬寺也寺既愛處人必主之於時雖無寺主之名

而有知事之者東晉以來此職方廢故梁武造光
宅寺召法雲爲主擬立僧綱此乃東土之規非關
西國本式元西國以上座爲尊造寺名主若有事
至共衆評議衆許方爲不允即止並無獨任之私
方并大聖之弘化也教化主者教人作福化人爲
善令識三寶是良福田信向歸依興供養也坐
禪主者領衆修習諸禪三昧也行來主者知衆僧
出入往來事如昔尊者香婆摩羅子是也今之所
謂知衆知客也

應生慈心善和調諍善守三寶物莫無度用如自己
有而反亂衆鬧諍恣心用三寶物者犯輕垢罪

此中二事皆以慈心爲主故首標之一以慈心故
善和調諍令衆得安樂住然諍有四種謂言諍覺
諍記諍事諍應與現前毗尼等七法除滅如律藏
廣明二應以慈心故善守三寶物令衆得如法受
用然善守者則佛物僧物各有所屬無互相混濫
用有節度無恣情肆意如用已物也若佛物不得
作法用僧用法物不得作佛用僧用僧物不得作

佛用。法用此佛。不作彼佛。用此殿。不作彼殿。此塔不作彼塔。此經法。不作彼經法。此處僧。不作彼處僧。常住僧。物現前僧。物不得互相差用。分文升合。一釐一米一針一草一紙一藥。不得私用。今時易過將來果報難盡。餘如經律詳明。若作佛殿。有餘得作佛像。佛像有餘。當作佛前供具。不得作殿用。佛殿有餘。不得作菩薩殿。佛像菩薩像。不得互相差用。若法物有餘。應寫佛經。并揀理法座。僧物有餘。應貯庫中。供十方僧。飯僧錢。不得作食堂。鹽火。枷地獄。可鑿之磚錢。不作瓦瓦錢。不作磚寶印。經云。佛法二物。不得互用。由無與佛法物作。主復無可容。白不同僧物。常住招提互有所寄。佛塔有物。乃至一錢已上。以施主重心。故捨諸天及人於此物中。而生佛想。塔想。乃至風吹烟壞。不得買賣。供養。以如來塔物。無人作價也。發積經云。佛言。營事比丘。不應於所有物起自在想。設有少辦事衆。許方作勿自許用。乃至現前僧物。四方僧物。不相混聚。及佛塔物。更互積聚。應善遮防。如是顛倒僧。

祇律云。比丘作寺主。佛塔無物。便作是念。人所以供養僧者。皆蒙佛恩。供佛便爲供僧。即持僧物修治塔者。寺主得棄罪。持塔物供僧亦爾。若如法貸用。即得。但要疏記分明。某時貸用。某時得當還交。貸時。應僧中讀疏分明。付授。得有明誨。不可師心。罪累千生。難逃也。不以慈心安護。故反亂衆。不以慈心善守。故用無節度。致令衆譁。乃犯輕垢。若差互用。即犯重罪。

○第二十六獨受利養戒

垂施主平等之心。失大士利他之行。不差僧次。正欲以利歸私。故云獨受。

若佛子。先在僧坊中住。後見客菩薩比丘來入僧坊。舍宅城邑。若國王宅舍中。乃至夏坐安居處。及大會中。先住僧應迎來送去。飲食供養。房舍臥具。繩床木床。事事給與。若無物應賣。自身及男女身。割自身肉。賣供給所須。悉以與之。

僧坊。即僧所住寺也。梵語僧伽藍。此云衆園。謂生植佛子道芽聖果處也。或云毗訶羅。此云遊行處。

即僧所建。若云僧伽羅摩此云衆院。謂衆僧所住之院。昔摩騰初至明帝。敕於鳩摩寺安置。後雖別建。住處不忘本名。故復名爲寺。國王宅舍者是國王親造。堂房以安僧也。夏坐安居處者。或王臣檀越。請僧夏三月於彼處安居也。大會者。或無過會。或佛涅槃會。或佛降誕成道會。或僧自恣會等。先住者爲主人。後到者爲客。主當迎客。乃至事事給與之。資身割肉者。甚言其供客心重。肉尙可割。況於錢財身外之物。而復獨受利養乎。男女者。亦兼制在家菩薩。當不惜身命眷屬。以供客僧也。文中雖云菩薩比丘。而釋闍僧亦預分主。揀在家及沙彌沙彌尼。式叉摩那。以其非知僧事人。惟比丘能任其職也。此令禮接供給。下當依次差往赴請。若有檀越來請衆僧。客僧有利養。分僧坊主應次第差客僧受請。而先住僧獨受請。而不差客僧者。僧坊主得無最罪。畜生無異。非沙門。非釋種。姓犯輕垢罪。檀越者。愧是梵語。此云施越。是超越。謂人能行布施。即便超越貧窮苦海也。客僧者。兼大小乘十方。

外來一切僧衆是也。有利養分者。檀越所施或食。或衣。或繒。或普請。或限請。能通十方。凡聖無間。主客悉皆平等。故云有分也。次第差者。謂檀越不能普請大衆。限請五人十人。乃至三十五十。當隨上座依次第差。赴若先日別施主。請已差往。赴今應輪次。續差未赴者。受請不得。越次差者。知僧大的至此人。而不差往。赴舊主。但犯輕垢。以臨差時。心疑大界外。或有僧來入是。的至人上座。便應讓彼赴請。故的至人未有事。分舊主。但犯不差得輕垢也。若知界外無僧來。既差已竟。應差的至。而不差。乃故差餘人。差者受者。明知二俱犯盜。前方便若食若續計直五錢成重。故云得無最罪。但知有食而不知次第。故不異畜生。違僧常法。故非沙門。犯盜結重。故非釋迦種姓。先不迎接供給。後不與僧物。分皆同得罪。若檀越非爲飯僧。而有別緣。請僧住人。住者無犯。若檀越意必欲兼請。而舊住故作留難得罪。若知其人檀越見則不喜。或妨礙彼事。不共住者。無犯。一鬼問目連言。我一生已來。恒患。

饑渴欲至則取糞噉之則有大力鬼以杖打我不
得近何罪所致目連答言汝爲人時作佛寺主有
客僧來慳惜不與食待客去後乃與舊僧慳惜僧
物故今受華報果入地獄又一鬼問言我一生已
來肩上一銅瓶盛滿洋銅灌我頭上痛不可言
何罪所致目連答言汝爲人時作僧維那知僧事
有一瓶盛藏舊餘處不行與客僧待客去後乃行
與舊僧此瓶是招提僧物一切有分慳惜僧物故
今受華報果入地獄佛告僧護汝見第四寺者非
是僧寺亦非比丘是地獄人迦葉佛時出家人常
住寺中有諸檀越送美食來應現前分時有客僧
來僞住比丘以慳心故待客出去後乃欲分未及
得分蟲食臭爛捐棄於外以是因緣入地獄中噉
糞食屎提迦葉佛涅槃已來受苦不息又汝見第
六寺者非是僧寺亦非比丘是地獄人迦葉佛時
出家人不打髻椎默然共飲衆僧甜漿恐外僧來
慳因緣故墮地獄中飲噉窮餓受苦至今不息又
汝見第二大肉臺實非是臺是地獄人迦葉佛時

是出家人爲僧寺主選好房舍而自受用及與知
議不依律教隨次分房不平等故以是因緣入於
地獄作大肉臺受苦萬端至今不息餘如僧護經
等廣明

（第二十七受別請戒）

失十方六和之義利乖大士孝順之等心也

若佛子一切不得受別請利養入已而此利養屬十
方僧而別受請即是取十方僧物入已及入福田中
諸佛聖人一一師僧父母病人物自已用故犯輕垢

一切者謂王臣士庶出家五衆在家二衆欲揀擇
別請若干人而所謂之人不得受以施利皆屬十
方衆僧之所共有若受請即是取僧物歸已不但
取僧物歸已亦是奪取入福田中物歸已自用以
僧得利養觀施則上供敬田中奉恩田下修悲田
故也不犯者若請說法受戒或見機宜或知彼施
主無我則不營功德或所請下至四人之內有一
是僧次者皆不犯僧者和合衆也一二三人不名

僧四人以去乃至百千万名僧也

佛說梵網經菩薩心地品下略疏卷五

音義

高座法師 佛告僧護汝見第二高座實非法師是地獄人迦葉佛時爲大法師邪命說法得利養處如理而說無利養時說法說非法非法說法以是因緣入於地獄處鐵高座火燒受苦至今不息要道 要謂以一總衆道爲衆理之要故名要道宗旨 旨是意旨謂經之所崇所尊意旨也

鐵輪五品 圖教外凡五品位一隨喜心二隨誦

三說法四兼行六度五正行六度鐵輪是則教十

信位隨聞隨信而修圓行由前外凡增進倍信深

明得入圓十信也十信如前釋音南獄慧思禪師

得六根清淨臨終衆疑師證十地師曰吾一生望

入銅輪以領徒太早損已益他惟居鐵輪耳天台

智者大師法嗣南獄臨終門人問曰不審師入何

位師曰汝懶種善根問他功德如盲問乳實告何益吾今爲破除汝疑吾不領徒必淨六根爲他損已祇五品位耳

須彌山 此云妙高山金銀琉璃玻瓈四寶所成

故云妙出衆山之上故云高

八風 一利二衰三毀四譽五稱六譏七苦八樂

此八能扇動人心生於愛憎故名風

四流 欲流有流見流無明流

疊無識 此云法豐中天竺人日誦萬言善解呪

術五明諸論於北涼沮渠玄始元年至姑臧曆涅

槃前分十卷并菩薩戒本經來蒙遜聞識名厚遇

請譯之

鐵 音拉錫鐵也

鍤 音倫鍤石銅似金

四魔 煩惱魔五陰魔死魔天子魔

三界 欲界色界無色界

僧徒 此云鳩鵲是外道名其人在佛前八百年

出世得五通其所造論名衛世師此云無勝有十

萬偈卽術數論也

悉曇章 悉曇此云成就所生本是婆羅門天所作悉曇章是生字之根本說之爲半餘章文字具足說名爲滿又十二章皆名爲半自餘經書記論爲滿類如此方由三十六字母而生諸字也毗伽羅 毗伽羅亦名毗耶羯刺補此云聲名記論以其廣紀諸法能詮故名聲名記成劫初梵天王說百萬頌住劫初天帝釋略爲十萬頌河西云是世間文字之根本典籍音聲之論宣通四辨河實世法讀出家法言詞清雅義理深邃雖是外論而無邪法將非善權大士之所爲也縱是善權所爲而助是外道況多紀世事非關出世言詞清雅是屬世名言非大士心地大衆之學故亦不聽習五明 一聲明釋詁訓字詮目流別二工巧明依術機關陰陽曆數三醫方明藥石針艾四呪術明禁呪閉邪五因明考定邪正研覈眞僞外道言論也西域凡關蒙誘進先學十二章七歲之後漸授五明也

經史子集 經史子集之書經謂五經史謂諸國史籍子謂諸子百家集謂古今賢良所抄如御覽之流故以此四類攝一切書籍盡

傳記 傳謂公羊穀梁左傳記謂周禮儀禮禮記并前五經中之三經而成九經也

招提 此云四方僧

牐 音僧切也

寺主 求法高僧傳云梵語毗訶羅莎呬此云寺主謂造寺之人言摩摩帝者是胡音若作番直與掌寺門及和僧白事者名毗訶羅波羅譯爲護寺若鳴撻稚及監食者名爲羯磨陀那譯爲授事言維那者略也陀那是授羯磨是事意道以衆雜事指授於人舊云維那者非也維是華言意道綱維那是梵音略去羯磨字也僧史略譯爲知事亦云悅衆謂知其事悅其衆也南山聖論以維那翻爲次第謂知僧事之次第也

佛說梵網經菩薩心地品下略疏卷六

姚秦三藏法師 鳩摩羅什 譯

廣州寶象林沙門 弘贊 述

○第二十八別請僧戒

遠無相心失平等。福三輪不空。非大士行檀波羅密也。

若佛子。有出家菩薩。在家菩薩。及一切檀越。請僧福田求願之時。應入僧坊。問知事人。今欲請僧求願。知事報言。次第請者。即得十方賢聖僧。而世人別請五百羅漢。菩薩僧。不如僧次。一凡夫僧。

賢聖有權有實。實者已證四果三賢十聖。權者雖是凡夫。而已受本源心地大戒。修學賢聖之正道。亦名賢聖。故僧通凡聖。施普十方心行平等。福等空界心。生揀擇果報有限。況聖凡難辨。優劣寧測。是以賢頭。隨被打沙彌。不得衣施。故知不擇。即得賢聖。況如來已教十六大阿羅漢。各領徒衆百千。皆證四果。示跡同凡人。莫能識。以應施者之福田。按十誦律戒因緣經。毗舍佉母別請五百羅漢。佛

言毗舍佉母無智不善。不得大福。若於僧中大請一人者。得大功德果報利益最勝。問然則五百聖僧不及一凡僧耶。答須知論田則百千萬倍不及於聖。故阿那律昔以一飯施獨覺。從是已來九十一劫。天上人間受福不滅。如四十二章經。從飯惡人乃至如來。其福明矣。論心則平等。福大是以如來命舍利弗。以飯施狗。然理當隨時取重。勿泥一法。即得不相妨礙也。此論施心平等。非論求法求法須具擇法之眼。不可邪正不分。賢愚不辨。迷夫大道事非小也。此經如來初坐菩提樹下時。說此如來說過去世先佛時事。現前記後。毗舍佉母必有如是事也。

若別請僧者是外道法。七佛無別請法。不順孝道。若故別請僧者。犯輕垢罪。

隨外道教。不遵佛制。是逆佛違法。復恃等視。凡聖心地。故曰不順孝道。七佛者。皆在此娑婆世界。應化跡在百劫之內。長壽天悉所曾見。故處處多引七佛為證。使人易明。如過去九十一劫。有一佛出世。名毗舍尸。亦名維衛。中間諸劫。無佛至三十一



劫有兩佛出世一名尸棄名毗舍浮第九十一劫名為寶劫有千佛出世一拘留孫佛二拘那含牟尼佛三迦葉佛四釋迦牟尼佛乃至最後第一千尊名樓至佛前獨受利養戒是不差客僧赴請得罪次受別請戒是自受他別請獲罪今戒是自擇請僧而結罪也不犯者非求福餽僧或知識親朋有所言論故別請也

○第二十九邪命自活戒

邪法得利養活身命害物潤己非大士慈悲心清淨心也

若佛子以惡心故為利養販賣男女色自手作食自磨自舂占相男女解夢吉凶是男是女呪術工巧調應方法和合百種毒藥千種毒藥蛇毒生金銀毒蟲毒都無慈愍心無孝順心若故作者犯輕垢罪

以惡心明非善心也為利養明非益物也販賣男女色謂買年少男女賣與人為欲事也自手作食是弱自炊爨也自磨自舂是磨舂五穀也占相男女者占是占卜相是察形觀氣皆妄判男女壽夭

窮通也解夢謂原夢以斷吉凶禍福所報是男是女也呪術是外道邪呪符籙等也工巧是百工技藝也調應是教鷹犬以收獵也百種千種毒藥謂用世間一切毒藥和合湯膏丸散以害物也蛇毒者然蛇之毒在頭在尾或取其腦或取精液以傷人也生金銀服食即斷命也蠱者和合毒藥食則腹脹成蠱也都無慈愍心者大士當以慈愛哀愍衆生猶已赤子損已利他為念而反為自活害人猶食子肉是無慈愍心也菩薩視衆生如已父母而反以自利傷親怙逆之甚是无孝順心也故作邪法非誤為此以邪求活命故犯輕垢罪若物死即犯重罪若在家以呪術工巧醫藥如法自活不傷物者不犯出家以正呪術救危拯厄無求利心亦開問磨舂作食在家事免答此有二義一為自活非大人所作故二為五穀藥米中多有蟲蟲故若不損生非邪求活命出家下二衆亦開按經論中邪求活命有五種四種與今戒互出一為利養故詐現奇特二為利養故自說功德三為利養故占

相吉。四爲利養故高聲現威。令人畏敬。五爲利養故自說所得供養。以動人心。出家復有四種邪食。活命一下口食。謂醫藥。地理種植田園。二仰口食。謂觀天文日月五星等。三万口食。謂曲媚豪勢。通使四方。巧言多求。四離口食。謂學種種呪術卜算吉凶。若以上相違名淨命食。淨命食復有四種。一深山果菜。二常行乞食。三檀越送食。四僧中淨食。以此活命不汚心地故名淨命也。地理俗稱堪輿

○第三十不敬好時戒

好時不知恭敬。非信心。信心言行相違。非正心。真心六齋十齋。三長齋現大神通。日乃至佛誕成道涅槃自恣等皆好時也。

若佛子。以惡心故。自身謗三寶。詐現親附。口便說空行。在有中。經理白衣。爲白衣通。致男女交會淫色。作諸縛著。於六齋日。年三長齋月。作殺生劫盜破齋犯戒者。犯輕垢罪。

惡心謂於三寶中不生敬心。承奉善誘於人而虛詐假現親近三寶。令他信敬。出言則口口談空履

行則心心在有言行相違乖返正真。故曰謗三寶也。經理者。謂經營料理白衣家事。甚致爲白衣私通男女。或與作媒嫁等。穢惡鄙陋事也。作諸縛著者。謂作如上不淨諸事。皆是自他纏縛。於三惡道中流轉生死不得解脫也。六齋日者。四天王經云。諸天喜日。伺人善惡。四天王各鎮一方。常以月初八日二十三日遣使者。下按行人間考察善惡。十四二十九日遣太子。下十五三十日四王自下命日月五星二十八宿。觀察衆生善惡。俱奏天帝釋。施行吉凶也。三長齋月者。正五九月。天帝釋以大寶鏡正照南瞻部洲。察其罪福。亦四天王各分鎮四大部洲。月今此三月是北方多聞天王分鎮南洲。察人善惡之月。如此日此月盡是鬼神得力之日。月天王還相巡狩之好時。正宜避惡修善。如此好時不知而反更虧慢犯戒。不生慚愧恐懼。正所謂惡心也。殺生劫盜者是於十重戒中略舉初二。以該諸重。隨作隨結。波羅夷更於重罪上加一輕垢。如犯死刑更加鞭撻也。若於四十八輕戒有犯

亦加一不敬好時罪也。破齋者在家於六齋日長齋月受持八關戒齋過中不食爲齋。若犯非時食故云破齋。出家則終身非時不食。如於此齋日犯非時食罪亦加一等。瓔珞經云若有菩薩摩訶薩修習六度清淨之法。兼修八關諸佛禁法。此善男子善女人於六度法具足清淨之行。準如經說豈可輕齋戒棄八關而不受持。甘爲破齋犯戒人耶。如是十戒應當學敬心奉持。戒品中廣明。

從眼打報。譬戒至此不敬好時戒。如是十戒應勤。持學尊敬奉持勿便忘也。餘如大本制戒品中詳明。第三十一不行救贖戒。

見苦不救無慈悲心知賣不贖違孝順道。

佛言佛子。佛滅度後於惡世中若見外道一切惡人劫賊賣佛菩薩父母形像及寶經律販賣比丘比丘尼亦賣發菩提心菩薩道人或爲官使與一切人作奴婢者。

佛滅度後正明末法惡世佛在世時人皆知善故無是事也。形像者或彫塑或繪畫若被惡人強奪。

或劫賊盜賣也。今舉比丘二衆則已。該七衆發菩提心是初發大心。人道人是行菩薩大道之人。智論云得道者名爲道人。餘出家人雖未得道以修出世道故亦名道人。官使者爲官差遣役使也。一切人者士農工商等。

而菩薩見是事已應生慈悲心方便救護處處教化取物贖佛菩薩形像及比丘比丘尼發心菩薩一切經律若不贖者犯輕垢罪。

佛像是佛寶經律是法寶發心道人及菩薩形像是大乘僧寶比丘是小乘僧寶父母是恩田子之天地也大士正當於此末劫惡世之中護持佛法紹隆三寶廣行善事化導衆生豈當坐視如此毀辱之事是故應爲救贖若自無力無財卽種種方便勸化他人贖脫若心懈怠或故意不贖俱犯。

第三十二損害衆生戒。

遠防損害之因離結殺盜之業始不違大士慈心悲心利益心也。

若佛子不得販賣刀杖弓箭箭鏃輕秤小斗因官形勢。

取人財物害心繫縛破壞成功長養諸理諸狗若故養者犯輕垢罪

刀杖弓箭繫縛諸理諸狗是損害衆生正報身命餘秤斗等皆損害衆生依報受用用輕小而用則必用重大而入丈尺長短何此可知也形勢者或用自官勢或倚他官勢繫縛謂以惡毒私心繫縛損害衆生肢體非公心繫縛罪人雖是罪人亦須生慈悲心念彼愚癡無知當方便勸喻令其發起善心改過前非也破壞成功者謂他人欲成已就之事業而以惡心還使廢壞也長養者蓄養也諸貓皆是捕鼠之獸諸狗爲貪財害命賣時輕垢殺卽犯初重其秤斗及因勢取物破壞他業皆犯第二重名欺取強取也故養者是結後一事以攝前五事皆有損害故犯也優婆塞戒經亦不聽畜養乃至畜羊雞等律中爲防守故開畜狗子雞藏經云一鬼白目連言我陰九極大如墮行時擔著肩上住卽坐上進止思苦何因緣故目連答言汝前世時常以輕秤小斗而與重秤大斗而取欲得大

利於已侵蝕餘人故受斯罪此是華報地獄苦果在後

○第三十三邪業覺觀戒

初心緣起乍思名覺細心分別沉思名觀若思惟出世之法名爲正業思惟世間雜事故云邪業有亂正道而違心地戒體也此戒文與

若佛子以惡心故觀一切男女等關軍陣兵將劫賊等關

惡心者非爲見機方便和解及權示同彼邪業勝隨正道之善心也男女身口等關二軍陣戰關三劫賊相顧共關上等字謂象馬牛犬等關大經云乃至雞雉鸚鵡等關亦不得觀下等字謂咒酒無賴之徒等關觀看必有傷損亦令人不善心生自失威儀致俗譏議此是第一戒觀關也

亦不得聽吹貝鼓角琴瑟等樂聲伎樂之聲貝是海螺琴七弦或五弦瑟二十五弦箏十三弦篳篥二十四弦笛長一尺四寸七孔上八事皆假物成聲歌叫男女自音唱咏也妓樂者貝鼓乃至

笙簧蕭管琵琶三弦二弦得妓等悉屬妓樂古人多使婦女作之故字從女斯皆放逸之門妨修道行但增欲樂無益衆生尙不得放往觀聽況自身作耶義疏開供養三寶得作自娛不許亦非許僧自爲乃使俗作也此第二戒娛樂也

不得標滿園基波羅塞戲彈基六博拍毬擲石投壺牽道人道行城

標滿乃博弈之總名博物志謂老子入胡作老子此方稱聖豈作博戲以亂人心志乎如下孔子答哀公自明矣國基古有三百六十路今權直止十九路波羅塞戲者波羅是梵語塞戲是華言塞音賽即博塞謂以采相勝曰塞苑說云行基相塞謂之塞也彈基按此方漢官人以棋爲戲或以基子相擊亦曰彈基也六博是雙陸戲也拍毬是擊毬戲也擲石投壺者古以石擲今用矢投也牽道八道行城者此是天竺基戲縱橫各人路以基子行之如此方象基等已上諸戲事涅槃經及律藏俱出名目家語云哀公問孔子曰吾聞君子不博

有之孔子曰有之爲其兼行惡道也噫世儒尙恥爲之況大士修習人空法空大道而懷勝負之心以欺衆生可乎此第三戒雜戲也

爪鏡善草楊枝鉢孟觸腹而作卜筮

爪鏡者或以藥塗指甲或用呪術呪指使明如鏡以現吉凶等事也如密部中呪指甲及佛圖澄指上能現吉凶等事無求利心爲益衆生者不犯善草一生百莖長必一丈昔出義文之墓上覆雲氣下守靈龜用之以四十九策分二掛一據四歸奇三變成爻十八變成卦以占吉凶此方雖云出義文墓而天竺亦以此草爲策也楊枝者或無善草卽以楊枝爲策又如此方巫師呪祭樟柳成神以報禍福之類是也鉢孟者以鉢孟盛水呪之而現吉凶也觸腹者以邪術呪祭觸腹卽能從人耳邊報種種事也卜筮者龜曰卜書曰筮然總談上五事以占吉凶皆名卜筮斯等悉妨正道起人邪見故此第四戒卜筮也

不得作盜賊使命

上作國使稽察此與賊匪使爲害非小若賊殺人得財即是教他殺盜隨殺多少盜物輕重而結重罪此第五戒惡使命也

一不得作若故作者犯輕垢罪

此總結上五事謂靜閑能起克惡心娛樂使發疑決念雜戲令心散亂卜筮邪惡見生使命心懷奸詭如此悉妨戒亂定障慧故禁之其餘一切技藝詩書等但於出世正道有違者當永絕之如昔慧全禪師雖坐禪積業外學未絕不免生發羅門家故爲害非小也賢愚經云佛言過去世有一國王名法增有慈悲心政治治國無事閑暇共人博戲時有一人犯法諸臣白王外有一人犯於王法云何治罪王時嘉戲便失答言臣即按律殺之王博戲已問諸臣言向者罪人今何所在臣白言隨國法治已殺竟王聞悶絕躑躅地良久乃甦即發國入山自守時王命終生大海中作摩竭魚身長七百由旬多有諸蟲噬食其身身瘡瘡故揩撻摩山碎殺諸蟲血流汚海百里皆赤以此罪緣命終墮大

地獄有如是過可不戒哉

○第三十四暫念小乘戒

心欲背大向小意猶未決即犯前第八若心決定失戒即犯第十重今戒言其心不欲背大而謂小乘易修且先斷見思惑取證涅槃然後化生未晚而暫興此念即廢大願終墮聲聞寧知大士帶惑而能廣利羣生故止觀云退大取小衆聖所呵菩薩不爾見衆生苦同於已苦起大慈悲愛同一子如母得食常憶其兒若住於空即有棄他之過亦不能淨佛國土教化衆生具足佛法皆不能辦雖入世間生死煩惱不能損其智慧雖佛道長遠不以爲遠雖衆生數多而意有勇心堅無退精進發起初無疲怠故云菩薩於生死而有勇於涅槃而不昧勇於生死無生而生不爲生死所染如華在泥不爲泥之所汚轉行云經說高原陸地不生蓮華卑濕淤泥乃生蓮華故知涅槃高原不生菩薩大慈之華生死泥中乃有菩薩利生勝用雖在生死而生死不染蓋大士誓堅志勇故也況小乘

戒不離菩薩戒菩薩戒力能成就之是以大能攝

小小無大用何云化生末晚耶

若佛子護持禁戒行住坐臥日夜六時讀誦是戒猶如金剛如帶持淨盡欲渡大海如草繫比丘

此五十八戒悉是舍那親制故曰禁戒如王禁赦無敢故違是故大士當於四威儀中護持勿犯晝夜勤學讀誦通利使無忘失也金剛喻戒能破諸煩惱結賊亦喻大士心堅護持如金剛也浮囊者天竺渡海之人或以鳥翎毛袋作或牛羊皮作或持牛野常帶隨身海船若壞即吹氣浮身以渡大海今喻大士欲渡生死大海非戒莫能濟於彼岸散涅槃經云如一羅刹隨渡海者總乞浮囊渡者答言寧殺身命浮囊不可得羅刹復言不肯全施見惠其半彼人亦不施與如是展轉乞微塵許彼人亦不施與喻菩薩護持禁戒時煩惱羅刹教菩薩令犯十重護除輕者菩薩不隨如是展轉勸犯餘篇乃至輕垢惡作之罪菩薩亦不肯隨何以故菩薩持十重禁及除輕垢惡作敬重堅固等無差

別也草繫比丘者如來制戒比丘不得損壞草木昔有諸比丘在曠野中行爲賊劫掠剝脫衣裳賊懼比丘往告聚落主知欲盡殺諸比丘賊中一人知比丘不傷草即以草繫縛之而去諸比丘爲日所炙及蚊虻蚤虱咬啖從旦至夜惡獸交橫甚可怖畏還相教告惟當護戒寧死不犯各正其身不動不搖次日國王出獵見諸比丘護戒寧死不犯王心生歡喜即爲解草詳出因緣經及大莊嚴論今此戒經如來初坐菩提樹下頓說時未有比丘何得草繫此或如來預記或是過去佛時比丘事引以爲證如迦葉佛時坐禪比丘折伊羅樹葉墮在龍中頭生臭樹風吹搖動塵汚大海百千萬歲受諸苦痛至彌勒佛出世時方脫龍身故三藏中處處引此爲證今時狂禪謂宗門解脫持戒執著斬草掘地復何所傷而未具歸宗斬蛇之手初果耕地蟲離四寸之德可觀此龍是解脫乎是執著乎損一樹葉感報如是可不令人心寒膽喪哉常生大乘善信自知我是未成之佛諸佛是已成之

佛發菩提心。念念不去。心若起一念二乘外道心者。犯輕垢罪。

上雖能堅護禁戒。而無大乘正信。猶恐墮於二乘。終失成佛之極果。而度生之大願。隨失。故須常生善信。信我及衆生。是當成之佛。諸佛是已成之佛。雖具此信。不發菩提心。其信即無所依。故當發此大心。以堅其信。知我心即諸佛心。故上求佛道。知我心即衆生心。故下化衆生。而於此心。此念。須臾不可離。故云念念不去。心若念須臾離。即起二乘自度之心。言下化者。非爲化一世界衆生。乃至百千恒河沙世界衆生。言上求者。非爲承事一世界諸佛。乃至百千恒河沙世界諸佛。求於無上道。故華嚴經云。菩薩不爲教化一世界衆生。故發菩提心。乃至不爲教化不可說不可說轉三千大千世界。微塵數世界衆生。故發菩提心。不爲供養一世界中次第出興世諸如來。故發菩提心。乃至不爲供養不可說不可說轉佛刹微塵數世界中次第興世諸如來。故發菩提心。欲教化調伏一切衆生。

悉無餘。故發菩提心。欲承事供養一切諸佛。悉無餘。故發菩提心。問大菩提心從何而出。生耶。答從大悲生。如無盡意經云。爲欲救度一切有情。故起悲願。等力。趣求無上菩提。若不爲度衆生。我即不發是菩提心。華嚴云。從初地乃至十地。於地地中。皆以大悲爲主。菩提心論云。從悲發生大菩提心。所有最勝一切佛法。皆由悲心而爲根本。無差別論云。因時即是菩提心。果滿德圓名正覺。菩提心法不思議。諸佛如來皆稱讚。無畏上授問經云。發菩提心所生諸福。如虛空界。廣大勝上。無有窮盡。正使有人以恒河沙數佛刹。諸中珍寶。供養世尊。若有人合掌至誠一發無上正等菩提心者。而此福德勝前福德。不可校計。成佛經云。諸法無相。爲虛空。相作是觀。已名勝義菩提心。當知一切法空。以悟法本無生。心體自如。不見身心。住於寂滅。平等究竟實之智。令無退失。妄心若起。知而勿隨。妄若息時。心源空寂。萬德斯具。妙用無窮。所以十方諸佛。以勝義行願爲戒。但具此心者。能轉法輪。

自他俱利餘如華嚴六十四卷及發菩提心品明
○第三十五不發願戒

願者希求欲樂之義一切殊因妙果無量善法而
無希求欲樂之心何由得遂故當常發大願也

若佛子常應發一切願孝順父母師僧願得好師同
學善知識常教我大乘經律十發趣十長養十金剛
十地使我開解如法修行堅持佛戒寧捨身命念念
不去心若一切菩薩不發是願者犯輕垢罪

一切願者該下十願初願孝順四人即持戒願以
孝名為戒故孝為十願之根本根本若虧九即隨
失二願得好師好師者行解雙備若有解無行何
能誘我前進若有行無解何以開我心地是以願
報二親紹隆三寶皆賴師教誨力成故十願中師
為最要縱具信心而無良師訓導不成法界今時
當末法行解兼備誠為難得且從有解依解而修
自當加功勉進終悟無生直至寶所有行無解其
行非正切忌依之如以盲人為導即誤墮邪途永
無出期今求正見正解亦不易遇況其行解雙全

乎先言師僧者是當孝順於師也後言好師者是
須擇其明導也三願得同學善知識是同一大乘
宗學善解心地法門之良朋遇雖明師而無賢友
即缺輔德夾修切磋之益四願善教謂願上師友
常教我大乘經律義理發正信心修進十發趣等
位免墮二乘偏空外道邪執之見也五願修十住
故云十發趣六願修十行故云十長養七願修十
迴向故云十金剛八願修證十聖故云十地也九
總願如法修行謂如上乘法要皆資真於師友
願隨所稟之法使我心開勝解隨解修行證入三
賢十聖也十願堅固持戒初以孝順為戒今此第
十退以持戒而結故始終皆以心地正戒為大
乘宗趣是以無量法門百千勝定無漏妙慧莫不
由戒出生三賢十聖以至妙覺極果悉因戒得故
此戒法特宜加尊重寧捨身命念念不去心者謂
於前十願發堅固心念念不忘縱遇失命難緣誓
不貪惜四大而捨去此心違犯於戒也一切菩薩
不發是願者謂從初得戒以至十地不發此十大

願則志不堅牢。加行進修。猶恐爲魔所障。中途成滯。而妙覺果海。無由得至。故云莊嚴佛界事。大獨行功德不能成。故須願力相持。譬如牛力雖能挽車。要須御者能有所至。是知志不可不堅。願不可不發。故圓覺經云。當發菩薩清淨大願。應作是言。願我今者。住佛國覺。求善知識。莫值外道。及與二乘。依願修行。漸斷諸障。障礙盡。願滿。便登解脫清淨法殿。證大圓覺。妙莊嚴。威是也。

○第三十六不發誓戒

誓是十願中決斷之心。勇烈之志。由以誓壞。願無使生一念退怯之想。乃成就大士所修所求如意。滿願也。此戒文解。經義理同。

若佛子。發是十大願。已持佛禁戒。作如是誓言。

大士持佛禁戒。首以十願爲之先導。後以五誓堅固其願。使無畏怯。越彼終修也。一離欲染誓。二受供養誓。三受恭敬誓。四淨六根誓。五度衆生誓。寧以此身投熾然猛火。大坑刀山。終不毀犯三世諸佛經律與一切女人作不淨行。

寧以者是發堅誓之詞。謂寧可如此。誓不爲彼。卽較量之切語也。流轉生死根本。欲爲第一染污本源心地。不淨行爲先。故當首發大誓。曰寧以身投入猛火。餓中受焚燒。紅爛之苦。大坑。葬中受顛墜。陷沒之苦。刀劍山上。受割刺肢節。腸臟之苦。千種楚毒。萬苦交逼。終不違犯諸佛經律。共諸女人作不淨事。何以故。如上猛火刀山。暫壞色身。於一時作不淨行。終喪慧命。於萬劫故。一切衆生。無始以來。沉淪苦海。不能得出。皆由女色。繫縛盲無慧目。不見生死大坑。致使陷墜不少。大涅槃經云。若有菩薩。雖不與女和合。而共言語。嘲調戲笑。或壁外聞環釧聲。乃至見男女相逐。如是菩薩。毀破淨戒。汚辱梵行。令戒難成。不得名爲淨戒。具足聞聲見色。尙致難成。況當菩薩起不淨念。而得戒具足耶。復作是願。寧以熱鐵。纏千重周而纏身。終不以此破戒之身。受於信心。越一切衣服。復作是願。寧以此口吞熱鐵丸。及大流猛火。經百千劫。終不以此破戒之口。食於信心。越百味飲食。復作是願。寧以此

身臥大流猛火羅網熱鐵地上終不以此破戒之身受於信心檀越百種床座復作是願寧以此身受三百矛刺身經一劫二劫終不以此破戒之身受於信心檀越百味醫藥復作是願寧以此身投熱鐵經百千劫終不以此破戒之身受於信心檀越千種房舍屋宅園林田地

前文云作是誓言今文云復作是願故知誓是願中決斷勇烈之志也一切衣服飲食臥具醫藥舍宅田園皆信心檀越為求福故供養於我我戒若全猶須深生慚愧儉用以施悲敬二田展轉令生福善如戒有防粒米難消何能酬彼所求故預設此重誓以自警防也

復作是願寧以鐵鎚打碎此身從頭至足令如微塵終不以此破戒之身受於信心檀越恭敬禮拜

禮拜雖不費財而信心慙重故有人於三寶所以恭敬心一瞻一禮罪滅無量福生無邊瓔珞經云菩薩初生時行七步次舉左足徧滿三千虛空境界不燒衆生無覺知者其有衆生視足輪相皆覺

無上正眞道意斯由如來養者禮敬之報是知得福既多獲罪寧少今以破戒之身受他禮敬尚自損福不復何能令彼益善有慚愧者可深忍之

復作是願寧以百千熱鐵刀矛挑其兩目終不以此破戒之心視他好色復作是願寧以百千鐵錐劍刺耳根經一劫二劫終不以此破戒之心聽好音聲復作是願寧以百千刃刀割去其鼻終不以此破戒之心食藥諸香復作是願寧以百千刃刀割斷其舌終不以此破戒之心食人百味淨食復作是願寧以利斧斬破其身終不以此破戒之心貪著好觸

前誓身口不堪受他四事等供今誓六根不應恣染五塵而不言意根者五根皆云破戒之心心即意也況意根無形法塵非像不可同五根為喻然意根緣於五塵境中分別美惡即是法塵故不可更別立法塵如此六根染於六塵如蠅著唾猶難膠五今喪戒身永失慧命是須發重誓以防之立重難以制之故事受百千刀刃矛錐之楚痛不視好色乃至貪著好觸好觸即輕衣上服臥具等今

以此誓心。截其惡源。方能生諸善根。故遺教經云。五根賊。禍殃及累世。爲害甚重。不可不慎。是故智者。制而不隨。持之如賊。假令經之。皆亦不久。見其磨滅。智度論云。如佛偈言。寧以熱鐵宛轉眼中。不以染心邪視女色。有智之人。所不應視。若欲觀之。當如母姊。諦視觀之。不淨填積。經火不除。爲之燒滅。色過既爾。餘聲香味觸。例可知矣。

復作是願。願一切衆生悉得成佛。

前四誓雖云自度。然亦兼他何也。菩薩修行本爲衆生。苟不自度。爲能度人。非同二乘之獨利。故今此誓願生成佛。正顯大士之本懷。自利利他。共成佛道之大誓也。

而菩薩若不發是願者。犯輕垢罪。

不發是願者。不立前之五誓也。若不發十願五誓。縱有修持。非墮二乘。則感人天福報而已耳。

○第三十七習難遊行戒。

業既結於多生。果報受於未定。遇緣卽如響應。未就則且俟餘時。閑遊行如蛾投火。況人身難得。

如盲龜值孔。倒蓬懸絲。稍忘慧照。卽生大痛惱。由此而墜墜三途。現失受道之良器。永遊長劫之苦。津又復大小諸煩。誰能定之。自取夭折。誠可感也。若佛子。常應二時頭陀。冬夏坐禪。

二時者。春秋二季。氣序和暢。寒暑不侵。大士行化。

無所傷損也。梵語頭陀。亦云杜多。華言抖擻。謂抖擻三界貪瞋癡諸煩惱。而解脫生死之愛縛也。其

行則有十二。如大般若經。出一住阿蘭若。此云寂靜處。離

村邑五二常乞食。三納衣。即舊四一坐食。日食五

六里是節量食。六中後不飲漿。果汗七塚間坐。八樹下住

九露地住。十常坐不臥。十一次第乞食。不揀十二

但三衣。不畜餘斯於飲食衣服住處。無所貪著。是

離蓋障。速獲解脫也。大論云。佛所結戒。弟子受持。

十二頭陀。不名爲戒。能行則戒莊嚴。不能行不犯。

戒譬如布。施能行則得福。不能行亦無罪。冬夏坐

禪者。冬則寒。夏則暑。熱復多。蟬蟲蟻蟻遊行。則

捏觸寒熱。傷身復損。害物命。故宜坐禪安居也。

結夏安居。常用楊枝澡豆。三衣瓶鉢。坐具。錫杖。香爐。

猛瀉水。手中刀子。火燒餅子。繩牀經律。佛像菩薩形像。而菩薩行頭陀時。及遊方時。行來百里千里。此十八種物。常隨其身。頭陀者。從正月十五日至三月十五日。八月十五日。至十月十五日。是二時中。此十八種物。常隨其身。如鳥二翼。

十八物隨身。如鳥之有兩翅。任意去來。遊行百里千里。受用無乏。操事如是。然理皆有所表。楊枝用淨口業。澡豆以淨身業。瓶水以蘇意業。一鉢知足。以離邪命。三衣以除三毒。而披弘誓之甲冑。坐具以安五分法身。錫杖以暨賢聖之標幟。香表戒德。氣馥爐表持戒堅固。奩是香盒。其底平。正表菩薩心地平等。迦盞是救生之慈行。手巾以除無慚無愧之垢膩。刀用降伏四魔。火燵表慧光。以破無明。繩子用拔煩惱之根株。繩牀表坐法空之座。經律以闡明本源。大乘心宗。佛像表如來之極果。菩薩像表大士之妙因。欲得極果。要由妙因。欲階妙因。先明心地。如是十八種物。事備理足。瞬息不可離身。離則非行菩薩之大道也。結夏安居者。從

四月十六日。結至七月十五日。解乃九旬。禁足三月。策修之要期也。

若布薩日。新學菩薩。半月半月。常布薩。誦十重四十八輕戒。若誦戒時。當於諸佛菩薩形像前。誦一人布薩。即一人誦。若二人三人至百千人。亦一人誦。誦者高聲。聽者下聲。各各披九條七條五條袈裟。若結夏安居時。亦應一一如法。

常布薩者。謂一歲中。每於黑白半月。恒誦戒經。不可有一缺也。今但舉新學者言。舊學已知諸佛半月半月誦戒之恒規。惟恐新學未諳。半月布薩之定式。非謂舊學不在。誦故前文云。是盧舍那誦我亦如是。誦三世諸佛菩薩亦如是。誦是知非獨新學誦也。今在佛菩薩像前。誦者以明大士不異諸佛菩薩誦也。一人布薩。是獨住之人。乃至百千人亦一人誦者。是不闕於衆。聽各各得兼一心也。誦者高聲。而誦。亦顯戒法是當尊崇也。聽者下聲。而普聞。亦明謙卑以敬戒也。袈裟梵語具云加沙。野華言壞色。亦云赤色。用青黑木蘭染為縹衣。如

熱桑椹以別五大色。若其所表功能名義非一。群如餘處五條名安陀會。此云下善衣七條名鬱多羅僧。此云上善衣九條名僧伽梨。此云重衣。斯有九品。自九條至二十五條。今略舉初品亦表半月誦戒。出九有利九界之初門也。一一如法者。謂不但餘時半月半月誦即結夏安居亦當一一如法。半月半月誦不得有缺也。若當安居而不安居。冒寒暑而遊行亦名冒難遊行也。今若去聖時遠。正像已過。屆當末法。布薩久廢。正教罕聞。諸方叢席。十有九而不行。或於晦望昇座。示衆名為布薩。甚至提茶夜話。號為羯磨。嗚呼。法將滅矣。誰爲正哉。特賴有力大人紹隆聖蹟。繼軌木叉者。救頤綱於斯時。張教網於末季。雖復去聖遙遠。同覺世無異。棄布薩以充豎義。遂被師而訶損。羅漢目惟清淨。世尊猶親往。召以赴集。我等何人敢爲輕忽。今略舉其一二。以自慚懲。昔齊鄒東大覺寺僧範戒德清高。守禁無虧。曾宿他寺。意欲閒戒。至十五夜衆議停誦。可爲豎義。令一僧昇座。叙曰。豎論法相深。

會聖意何勞。布薩僧常聞耳。忽見一神形高丈餘。勇健驚人。問豎義者。今是何日。答言布薩日。神即打之。拽下座。委頓垂死。次問二三上座。答皆同前。神一一陵害。打亦將死。神乃掉臂而出。道俗共視。非一範師。由是自勵一生恭敬說戒。又鄒下雙明寺僧雲標。領大衆於四月十五日衆集。欲說戒。雲居上首乃白衆曰。戒本防非。人人誦得。何煩數舉。可令一僧豎義。使後生開悟。雲乃氣格當時無敢抗者。迄於夏末。常廢說戒。至七月十五日將衆集。欲自恣。忽失雲所在。四出追覓。去寺側三里許。古塚內得之。徧體血流如割。問之。雲曰。有一丈夫執三尺大刀。四徑噴我。何得改變。布薩妄充豎義。刀膽我身痛毒難忍。衆接還寺。竭情懺悔。經於十載。說戒布薩以爲常業。臨終之日。異香迎焉。若行頭陀時。莫入難處。若惡國界。若惡國王土地。高下草木深遠。獅子虎狼水火風難。及以劫賊道路毒蛇一切難處。悉不得入。頭陀行道乃至夏坐安居。是諸難處皆不得入。若故入者。犯輕垢罪。

惡國界乃人境俱不善惡國王則不信三寶必有輕毀沙門土地高下則山陵磽确地多卑濕處身不安林木深窳則毒獸惡鬼多聚師子虎狼乃害人惡獸水災漂沒火災焚燒風災崩折劫賊抄掠毒蛇傷人一切難者略舉前八其餘諸難非一故云一切凡有妨命難梵行難悉不得入若知而故入即犯戒曰大士尚以身飼虎何得捨之遠避斯言可謂未達正理也捨身飼虎以濟饑亡將軀代舖而救彼命冒犯惡國水火投身劫賊毒蛇既無利於彼等又何益於法門況始行菩薩忍力未備徒喪軀形我見未忘正念斯失且待蘊空神通迅發或入鑊湯爐炭而代苦或變肉山大身而濟饑此正大士廣行六度之妙用豈與冒難遊行而爲此哉問曰除上諸難不入設偶遇之若爲措置菩薩學論云或以因緣遇諸難事正念對治不生驚怖故般若經佛告舍利子若菩薩設於惡獸難中不生驚怖亦無恐怖何以故即作是念我當利益諸衆生一切皆捨若諸惡獸欲瞰我者我當施

與速得圓滿施波羅蜜願我當成無上正覺時國土清淨不聞諸惡蟲獸之名設於怨賊難中不生驚怖亦無怖畏何以故是菩薩若已所有皆悉能捐即作是念若諸怨賊來欲所須我當與之乃至劫取斷我命損身語意業亦無嗔恨速得圓滿戒波羅蜜及得具足忍波羅蜜願我當成無上正覺時國土清淨不聞如是怨賊之名如經所說則離驚怖恐怖無失正念猶能成就諸功德也

佛說梵網經菩薩心地品下略疏卷六

音義

寶頭盧被打 寶頭盧此云不動普西國有長者財寶頭盧羅漢受佛教教爲末世人作福田即設大會請僧三會不見至長者向一年者上座懺悔上座曰我三會皆受汝誦汝自使奴門中見懺見我年老衣服弊壞謂是濕掃沙門以杖打我右額破第二會來復打我中額破不得進第三會來打

我左額破言訖不見乃知是寶頭盧也

沙彌不得衣施 末沙門慧全有一弟子得阿那

含果候全疾因曰闍黎過世當生婆羅門家全曰

我坐禪積業豈方生彼弟子曰闍黎信道不篤衆

外學未絕難有福業不能超詣若作一勝會得飯

一聖人可成道果當以僧伽黎布施若有須者勿

擇長幼全於是設會至施衣時有一沙彌就全求

衣全謂是自己弟子云吾欲讓奉聖僧那得與汝

迴憶前言不得擇人便喜施與別日見此沙彌問

云先與汝衣善不大耶沙彌曰徒不得衣亦有緣

事愧不預會全方悟先沙彌者聖所化也

毗舍佉 此云氏宿謂氏宿直此月生故即正月

十六日至二月十五日是也

泥洹 即涅槃也

堪輿 謂地能載萬物如輿故稱擇地人爲堪輿

也

五星 熒惑星鎮星歲星太白星辰星

經 經有多種今制不畜者是鼠狸小者如鼠大

者如貓善捕鼠

猿猴膠五 背有獵人於猿猴行處以網塗其草

上有智猿猴遠避而去愚猿猴以手小觸即膠

其手以兩手欲解求脫即膠兩手以足求解復膠

兩足以口咬草輒復膠口五處同膠臥地獵人以

杖貫挑而去愚癡凡夫不善護身五根染著五欲

破五縛已隨魔所欲持去也

箏 音爭樂器也

簫篴 上音空下音侯樂器也

呬 音拋勝脫也

九有 欲界六道爲一地色界四禪天爲四地無

色界四空天爲四地共爲九地皆有生有死故云

九有

九界 一地獄二餓鬼三畜生四修羅五人六天

七聲聞八緣覺九菩薩

羅漢自惟清淨 時大迦葉尊者者在仙人山心

自思惟今布薩日我若往不往常清淨佛知其心

念即飛至其所告言汝不恭敬布薩薩當恭敬應

當先往不得乘神通往應步往迦賓窻此云房宿
父母禱此宿而生也

膾 音僧細切肉也

代鵠 釋迦如來往昔爲大國王名曰尸毗布施
不違衆生意天帝釋欲試之乃令餘天化作鵠帝
自化爲鷹逐鵠鵠怖投王足下王曰莫怖吾今救
汝鷹曰王言鵠足我食願王相還王曰鵠以投我
鷹曰惟欲得鵠不希餘肉若王慈惠可割王身肉
令與鵠等我歡受之王即自割臂膊之鵠身逾重
割身肉盡猶未與鵠等王遂連筋骨拔上秤稱之
天帝即復本形讚歎稽首而去王身平復如故
肉山大身 釋迦如來往昔爲轉輪王名曰無勝
發菩提心出家修道時值大饑饉欲以身肉施衆
生食即立大誓願上彰水山上便自投身以本願
故即成肉山高廣一由旬人民鳥獸來食血肉血
肉晝夜生長漸漸高廣至一千由旬皆具頭目四
肢身分乃至十千年中以身血肉充滿一切閻浮
提人夜又鳥獸食無一念生悔心也

十齋日 初一初八十四十五十八二十二二十
四二十八二十九三十

如來現大神通日 十二月初一日至十五日

不可說不可說轉 謂十大數中從第十數不可
說不可說爲一不可說轉不可說轉不可說轉爲
一不可說不可說也十大數如初卷出

三輪不空 若達我能施者彼受施者及所施之
物三皆本空即能摧破執著之相也

蠟 音疑蠟膠以黏鳥獸也

澡豆 以小豆大豆豌豆胡豆豌豆等爲屑皆堪
洗沐但不得雜香作若用木槌皂莢洗時應在無
蟲地無致水入地蟲即闕死

四教 謂釋尊一代所說法門天台智者大師準
義推尋具明四教曰藏通別圓也若勤修六度萬
行三阿僧祇劫銖積寸累而成佛者藏教菩薩也
此藏教中具有聲聞菩薩二門而今經屬菩薩戒
故獨表菩薩然藏教菩薩偏而未全亦名偏菩薩
也若前通藏後通別圓或鈍但見偏空理或利則

發心與種智相應。徹上徹下者。通教菩薩也。若下別藏通上。別於圓離此二。而別爲一教者。末圓是別教菩薩也。若發心時。便能成佛度生者。圓教菩薩也。別教菩薩階位有五十二。明次第修行。一外凡。十信。二十住。三十行。四十迴向。此三十爲內凡。賢位也。十地等覺。妙覺爲聖位也。圓教者。圓聞圓修。一心具萬行。異於次第行也。然圓教位次名與別同。但別教次第漸修。圓教一心圓具。別教位位各不相收。圓教位位互相融攝。是爲不同。初外凡五品。一隨喜。二讚誦。三說法。四兼行。六度。五正行。六度內凡。十信。圓聞圓信。修於圓行。此五品位也。由此善巧增進。五倍深明。得入圓位。十信相似解。生得六根清淨也。次明聖位。十住。十行。十迴向。十地等覺。妙覺皆聖位也。詳如義疏。

無盡藏戒。謂未受戒時。而十方世界無非我殺盜淫妄之場。十方世界無非我殺盜淫妄之所行之境。既受戒已。則十方世界無非我慈良清直之地。十方有情無非我慈良清直所被之機。故一念中。

成就無漏微妙善色。一一徧於法界。一切諸念亦復如是。是名爲無盡藏戒品。一切諸念者。謂不殺而感慈良。不盜乃至於法界三寶邊。得不謗無漏妙色相。又衆輕戒中。於法界師友邊。得不慢色。乃至於法界法門。得不破壞色。此不殺等戒法。雖無形相可見。而借色表顯。故名無漏色法也。

無作。無作是戒體。小乘從白四羯磨時。得大乘從三番羯磨得。然此戒體不起。則已起卽全。性性修交成。故有無作。亦云無教。又云無表色。謂不殺盜等法。雖無形相可見。而性必假借色法。以爲表現也。所謂非眼處色。是法處色。又云無漏色法。謂殺盜等是有漏法。不殺盜等是無漏法。故名無漏色法。言此戒體。惡師一受而發。直至菩提。於其中間。任運止惡。任運行善。不俟再作。故云無作。受之則得。不受則無持之則堅。功德自然增長。毀之則失。自然墮落惡道。三番羯磨得者。師對佛像。前初番白時。十方世界妙善戒法。由心業力。悉皆震動。二番白時。十方世界妙善戒法。如雲如霞。覆行人。

頂三番白時十方世界妙善戒法從行人頂門流入身心充滿正報盡未來際永爲佛種自誓受者亦從三番白時得也

佛說梵網經菩薩心地品下略疏卷七

姚秦三藏法師鳩摩羅什譯

廣州寶象林沙門弘贊述

○第三十八乖尊卑次序戒

我慢未除何能敬尊如佛不依正教故乖禮失序非大士之孝順心釋子之謙遜道也

若佛子應如法次第坐先受戒者在前坐後受戒者在後坐不問老少比丘比丘尼貴人國王王子乃至黃門奴婢皆應先受戒者在前坐後受戒者次第而坐莫如外道癡人若老若少無前後坐無次第如兵奴之法

重法故論戒德次第貴賤分不問生年老少惟計戒臘尊卑寧同外道癡人不重先德而坐無前後兵奴無識焉知禮法故坐失次第朝廷猶論爵

之高下佛教豈無德之後先況其稟受木叉之時卽是生長戒身命慧之日何得不依戒臘而論生年哉問戒臘宜之至若君臣父子僧尼男女無分寧無混淆乎答今當僧尼自分先後男女各爲次序若重法臣自尊戒而居前君執世體臣當避席而在後免與佛法而作留難果若重道而忘人忘我則梵王頂禮於天女側論法而無貴無賤則帝釋接足於野干又奚老少貴賤之可得哉

我佛法中先者先坐後者後坐而菩薩一一不如法次第坐者犯輕垢罪

不依戒次讓彼令坐讓者坐者俱犯昔阿闍世王誦文殊文殊讓迦葉前行謂其久爲沙門居衆難漢之首迦葉復讓文殊稱文殊神智聖達辯才乃可爲尊文殊於是前行由闍王從文殊得無損信故特請之意在文殊不在迦葉而文殊始讓迦葉不敢違古佛之恒規迦葉終遜文殊所以順諸主之本意如南山神讚華嚴法師而證歷五百羅漢之上卽其類也準此則見機得坐反常合道應變

隨宜正。大士善權妙用。故知先戒。先坐。是崇戒臘。神智聖遠。順請者之意。尊法。尚人見機。從宜。惟恐末世無知。有狹才高。而藐視耆德。或恃臘尊。而輕忽智達。心懷我慢。妄謂見機。損福喪德之愆。誰當代受。請自思之。

○第三十九不修福慧戒

福慧雙修。乃大士利生之本。行二嚴功備。是菩薩成佛之極果。缺一不修。猶鳥之隻翅。何能翱翔於霄漢哉。

若佛子。常應教化一切衆生。建立僧坊。山林園田。立作佛塔。冬夏安居。坐禪處。所一切行道處。皆應立之。此明教化衆生。修福略舉七事。一僧坊。以聚衆安修。二山林。以隱衆行坐。三園。以供衆蔬果。四田。以充僧糧食。五立塔。衆得瞻依。與人天而作勝福。六坐禪處。以備二時策修。七一切行道處。修行道業之所。非一故云。一切如上七事。皆應建立。若教化彼自作。若勸化彼。使作。皆令生人天之福。出世之善。建立如是。諸處皆須。遠離神墾里社。煙坊酒肆。

屠兒屠膾之家。始無觸燒。繼嫌之過。衆得靜修道業。比丘作屋。向制離難處。妨處。況菩薩自利利他。乎難處者。有諸惡獸。下至蟻子。所惱妨處者。近屋四邊一尋之內。有衆人井及路。或近懸崖深坑。或近塔他官地。外道地。比丘尼地等。既無此諸難妨處。猶須先爲說法。勸彼自生喜捨之心。不可強求多索。致彼退失信。向之念。聞施如避債。見僧猶逢。譬如昔天竺曠野城中。諸比丘爲作房舍。乞求過繁。時諸居士遙見比丘。即各自閉門。逃避。迦葉白佛。佛河實諸比丘。已因爲說。昔恒河邊有梵志修道。常被一龍出水邊。身憂愁。致病。佛教彼從龍乞頸下寶珠。自此龍不復來。還又有林中諸比丘。患鳥夜鳴。亂於禪定。佛教比丘從鳥乞兩翅。鳥即出林。更不復還。佛告諸比丘。汝等當知。乃至鳥獸尚不喜乞索。況復於人多所求索。而不惜惡耶。今時或有假公濟私。託事募化。誣因味果。千劫難。以瞞債。浪用信施。萬世不復人。身自損損他。冒名教化。作福。誠爲法門中大賊。

而菩薩應爲一切衆生講說大乘經律。若疾病、國難、賊難、父母兄弟和尙阿闍梨亡滅之日及三七日、四
五七日乃至七七、日亦應講說大乘經律。一切齋會
求願行來治生大火所燒、大水所漂、黑風所吹、船
江河大海難剎之難、亦讀誦講說此經律。乃至一切
罪報三惡八難七逆、枷鎖繫縛其身、多姪多瞋
多愚癡多疾病、皆應講此經律。而新學菩薩若不爾
者、犯輕垢罪。

應爲一切衆生講說大乘經律者、是總舉修慧之
大綱。後文別明修慧之緣境、疾病者、由此經律能
療衆生煩惱惡業罪報、故國難者、由此經律能守
護心王、滅諸怨敵種種災患、故賊難者、由此經律
能摧六賊及諸劫掠、故父母等亡滅者、由此經律
利益存亡、故能資中陰冥誠往生淨土、或受人天
樂報而終趣菩提、故齋會求願者、由此經律本具
行願、是以能滿一切衆生所求、故行來治生者、由
此經律具諸法財、是以能成就衆生珍寶義利、故
大火者、由此經律能滅衆生煩惱熾火、故況諸草

木、陵平大水者、由此經律能竭衆生愛欲生死大
河、故況於漂溺之患乎。黑風所吹者、由此經律能
於苦海作大慈航、渡諸衆生直至彼岸、故況諸世
間難利眾國之難、而不超越乎。一切罪報者、罪報
非一、故略舉下之數種。三惡八難七逆者、謂此經
律是斷惡生善之源、故能令衆生出三惡道、而生
三善道。又此經律殊勝轉禍爲福、故能超八難而
獲諸勝報。又此經律是孝順之本、故能除於七逆
罪報也。枷鎖枷鎖者、由此經律具解脫之妙用、故
能除衆生內外纏縛之苦也。多姪瞋癡者、由此經
律出生清淨心慈悲心智慧心、故能滅諸衆生三
毒之害也。多疾病者、前云疾病是一疾之苦、今言
多者、略則四大乖常、種種痛惱、廣則四百四病、八
萬四千塵勞煩惱、交遍今此經律本具常樂我淨
四德、出生八萬四千諸善法門、故能療諸衆生千
苦萬疾也。若不爾者、謂不如上一一廣修福慧、即
犯力不逮者、不犯。

如是九戒應當學、敬心奉持、梵壇品當廣明。

從不行救贖戒至此不修福慧之九戒當勤學習
恭敬奉持也如欲廣知當如大本梵壇品所明
○第四十揀擇受戒戒

大士以普度爲任慈悲爲懷有求不拒無往不濟
故無所揀擇也

若佛子與人受戒時不得揀擇一切國王王子大臣
百官比丘比丘尼信男信女婦男姪女十八梵天六
欲天子無根二根黃門奴婢一切鬼神盡得受戒

蓋由本源平等故不墮人天貴賤幽顯之數量心
地具足萬法故普攝高下僧俗淨穢之苦心況大
士等視衆生猶如一子寧有揀擇分別者哉

應教身所著袈裟皆優壞色與道相應皆染使青黃
赤黑紫色一切染色乃至臥具盡以壞色身所著衣
一切染色若一切國土中國人所著衣服比丘皆應
與其俗服有異

世俗所尚者五大色出家不類俗法故云皆使壞
色與道相應也青者非深青及純青乃泥青也黃
者非大黃淺黃乃黃兼赤染即木阿色也黑者非

全烏皂如外道服乃兼紫染如熟桑椹名爲緇衣
故就此五種色中皆使壞色以別世俗青黃赤黑
紫五種色也舍利弗問經以此五色表五部所
能非實令著者著即同世之五彩何名壞色與其
俗服有異事免末法袈裟變爲五彩之責也一切
國土人所著衣服者謂諸國所製衣服各有不同
然不出二種一形不同二色不同即此方所製是
袖衣所尚是五大色天竺所製同於梵天方服色
同五大而多尙白出家所著方服皆悉割絰染使
壞色故云比丘皆應與俗服有異骨末言及在家
受戒者著今有阿師不諳經律之旨不分僧俗之
制授在家男女五戒令著比丘五條袈裟授在家
菩薩大戒使著二十五條僧伽黎僧俗混亂大乖
聖制得罪彌重末慈雲懺主三衣辯惑篇已辯悉
可自計明優婆塞戒經聽畜三衣謂令其供養知
是福田衣離染服時念解脫以求出離非謂使其
披著義淨三藏觀遊西域目視沙彌曾未見有披
著比丘五條七條衣其所著者惟是鉢吒以其未

入僧資之數未堪著漏出之衣著即得罪而其俗士事堪爲人天福田乎然在家菩薩當隨國所製惟可染使壞色或可隨宜所著但不特爲莊嚴不染無犯如王臣之服各自有制男女亦別豈得皂白不分漫爲繫論耶乃至臥具盡以壞色者謂比丘除三衣外所有一切衣服下至臥具盡皆染作壞色臥具即被帳氈褥等

若欲受戒時師應問言汝現身不作七逆罪不善薩法師不得與七逆人現身受戒七逆者出佛身血弑父弑母弑和尚弑阿闍黎破羯磨轉法輪僧弑聖人若具七逆即現身不得戒餘一切人盡得受戒

如來行滿圓果宿障久寂非人天魔王所能得便今言出佛身血者如提婆達多推石壓佛由碎石迸傷佛足指是爲出佛身血也今雖無佛依法亦須問之父母有生育之大恩和尚闍黎有生戒身慧命之重德破羯磨僧者梵語羯磨此三作法辦事僧是三寶之一數也破謂同在一大界內極少下至八比丘分爲二部一部四人別作布薩羯磨

假事是名爲破比丘尼衆別作羯磨亦爾破轉法輪僧者輪名八正道下至九比丘一人自稱作佛除四黨之倒說經律令人捨正見而入邪見無論界內界外盡破惟尼不能破由其五漏之體無人信彼作佛故是二皆名破和合僧也聖人者有大小乘小乘即阿羅漢涅槃經明三種殺殺三果人但入中殺不在上殺故非逆大乘即菩薩有三或取解行以上或取七心以上或但不作二業者即不退轉菩薩是殺此皆犯逆逆者謂於波羅夷更增以下害上名爲大逆是不道罪也如此七逆隨作其一即不得戒然本源心地雖復平等無凡聖善惡之分而此等人自逆本源沉生死海壞其心地焦菩提芽不發戒體戒善不生故云不得戒也出家人法不向國王禮拜不向父母禮拜六親不敬鬼神不禮但解法師請有百里千里來求法者而若誣法師以惡心瞋心而不即與授一切衆生戒者犯輕垢罪

如有臣子奴婢等出家不知出家之法復行臣子

奴婢之俗。禮索亂出世之大道。若已知出世正法。則不應修世間之禮。若尊重恭敬心地大戒。則無論貴賤親疏之分。但解法師語。即當與授菩薩正戒。也不遠千里而來求法。則其誠心懇意可知。即應令其如法懺悔。已然後授之。若不即與授。或以惡心瞋心而拒彼。或希利養而賣戒。故犯也。若其根器未堪。或非發上求下化之心。惟邀名利自高之念。或其心未誠。志未堅。而不生難遭之想。如墨無識之龜。道遠不即與授。正大士善權觀機化導。彼此多生功德。豈可與惡心瞋心等視者哉。不禮君親者。謂出家不存家人之禮。出俗無家處俗之儀。出家爲佛之子。處外之賓。雖未得道。已是三寶中之人。天魔惡魔。而釋師依設。若反敬捨。喪失尊三寶。既缺人天無依出家。祇當精勤行道。以報君親。代君親禮敬三寶。以報康寧。是爲出家盡忠盡孝。敬君愛親之大禮。豈同世間以攀奉屈膝小節。而爲忠孝乎。順正理論云。國王君主於諸比丘。定無希求禮敬事者。懼指其德及壽命。故如昔優陀

延王。於依臣。請賓頭盧王。每至問訊。而不起迎。遂生惡念。今往不起。當奪其命。時賓頭盧王惡念而來。即自思惟。我若起迎。彼便失位。若不起迎。彼奪我命。即墮地獄。寧令失位。不令墮地獄。便起。還迎。其後七日。失於王位。被惡。憐閼王。擒捉。鎖足。七年。南山云。自教法。東漸。歷涉。依隆。三被屏除。五遭拜伏。此非休明之代。乃是暴虐之君。故使布令。非經國之誤。乖常致良史之誦。事理難反。還習舊津。是以初東。晉成帝六年。庾冰輔政。帝在幼冲。爲帝出。詔令僧致拜。時僧書令何充。謝廣等。建議。不合。拜往。反三議。遂廢。又安帝元初中。大尉桓玄上書。令拜僧。書令桓謙。中書王璠等。抗諫曰。今沙門雖意深於敬。不以形屈。爲禮。迹无率土。而超超方內。是以外國之君。莫不降禮。良以道在則貴。不以人爲輕。重玄又致書。還法師。還書沙門不敬王者。論五篇。其事因息。安帝復政。還崇信。奉魏太武七年。道士寇謙司徒。崔浩。譏於佛法。帝然之。遂滅佛法。逃僧泉。斬後延。始沙門頂禮。悔過。帝感痛疾。

遂誅崔氏還興佛法自晉失御中原離國分十六而各信法不虧唯赫連教教據於夏州克暴無厭以殺爲樂佩像背上令僧禮之後爲天震而死及葬又旋出之其子昌襲位破長安滅佛法逢僧皆戮沙門疊始破刀不傷因爾改心尋爲北朝後魏所滅周武帝初信佛法後納道士張寶及衛元嵩之說將除佛教道安法師著二教論抗之遂釋道二教雙除不滿五年身及隨大地獄唐祖太武沙汰佛道制拜君親勅威秀道宣等上表及臣僚書國議不行武宗會昌五年道士劉玄靜趙歸真非毀釋氏沙汰佛寺六年帝崩宣帝立復佛寺誅劉玄靜毀寺之罪斯等備說廣弘明集及不禮俗事書中今略錄此以曉僧俗吾恐其末法出家者貪名利而爲自輕甘下流而不顧恥屈膝於王侯之庭致禮於公卿之舍深辱法門大傷正教也鬼神不禮者順正理論云諸天神衆於優婆塞邊無敢希求禮敬昔北方多國天王謂目連舍利弗尊者五百聖僧至自宮中設供養已復啓尊者曰從

今後諸出家在家受佛戒者至我廟中皆應施我偈頌我等眷屬專誠護持正法令出家在家佛弟子於一切時恒無惱害若樂禮敬天神便與外道等無差別天王尚不禮況除鬼神故禮拜天尊而像顛倒方等經云不得祭祀鬼神亦不得輕於鬼神誑妄老戒經云若優婆塞爲諸舍宅及身命祠祀鬼神者不失戒若至心禮外道鬼神者失戒若祠祀時不得殺害生命

○第四十一爲利作師戒

自無實解爲惡名譽自誤誤人不少雖有實解而圖供養自敗敗他非輕滅非化導之儀深乖財法之施故虛空藏經云名聞利養是諸罪本是也若佛子教化人起信心時菩薩與他人作教誡法師者見欲受戒人應教誡二師和尚阿闍黎二師應問言汝有七遮罪不若現身有七遮罪者師不應與受戒若無七遮者得與受戒若有犯十重者應教懺悔在佛菩薩形像前日夜六時誦十重四十八輕戒苦到禮三世千佛得見好相若一七日二三七日乃至

一年要見好相好相者佛來摩頂見光見華種種異相便得滅罪若無好相雖懺無益是人現身亦不得戒而得增益受戒若犯四十八輕戒者對首懺悔罪便得滅不同七遮而教誡師於是法中一一好解

大士教化人發起自心還信自心作佛時欲求受心地大戒應教彼請二師二師應問汝有七遮罪不七遮即是七遮謂此罪能遮障聖道道於本源心地故不得戒若未曾受戒人即無犯二師逆若已曾受心地戒犯七遮不通懺悔或聲聞人今發大心求受正戒而聲聞祇有五遮無犯師逆亦當以教師逆問按本經前文權請一師今言二師以成七遮而二義皆得但未見請師之文地持璅略止請一師應在佛菩薩像前受師當在傍不得背像坐凡爲師範須一一明解經論中受法然本經受法久已失傳可依地持璅略詳目討明不可自師已心難免違教無知之罪復令他終身不得戒近素花旭師律儀輯要後集受法簡明其餘開導策發當諒彼機宜若有犯十重者此謂曾已受

心地戒而於十波羅夷中隨犯一重也三世千佛者過去未來現在各有千佛如千佛名經出若苦到禮佛懺悔則犯戒黑業已除戒體離諸障蔽無作重明如雲消月朗故見光菩薩心地復得開敷故見華諸罪消滅而當體即空轉爲河沙性德故見種種異相空即真空實相實相無有別相即此罪相是達此相本空則無罪不滅無德不顯違同大覺是真佛子故佛來摩頂也若心不懇切苦到故無如上好相雖懺而罪不滅戒體不復戒善不生故云無益也得增益受戒者非永無益今雖不得戒由懺悔力故亦增長向後得戒之益以向後懺心不厭慙慙苦到如泰山崩二年三年得見好相即得戒也既見好相知是罪滅因緣勿生取著取著即爲魔得便故經云若作驕解即墮羶邪是也對首者謂犯輕垢即對一菩薩比丘前發露懺悔罪便消滅不須好相也不同七遮者上雖教七遮人悔罪而現身不得戒今犯十重見相罪滅輕垢對首便除故云不同也一一好解者於此許懺

不許懺得戒不得戒一一善能解知方堪爲人師。然懺法有其三種。謂作法取相無生也。作法者。晝夜六時清淨三業。在佛菩薩像前披陳發露。苦到懺悔是也。取相者。定心還想取相現爲期於道場中。見佛摩頂。或見光見華。或於夢中見種種瑞相。於此諸相隨見其一。罪便得滅是也。無生者。一切罪業皆從虛妄顛倒心起。若了我心不生罪福。無主觀業實相見罪本源。法界圓融。眞如清淨。故經云。若欲懺悔者。端坐念實相。衆罪如霜露。慧日能消除。卽其義也。問實相無相當云。何念答以無念之念。念無相之相。以無相之相。相無念之念。若於念外別有實相。實相之外別有於念。卽非念實相也。其作法懺能滅違戒罪。取相懺能滅性罪。無生懺能滅無明煩惱罪。懺法雖三。不出事理二途。前二屬事後一屬理止觀云事懺懺苦道業道理懺懺無明煩惱道金光明記云三種懺法同時而修。無生是正二爲助緣。斯乃正助合行如膏益明。證理彌速。本經雖不言無生而第一義諦卽無生。

也。或有單修前二助道如南嶽立有相安樂行不入三昧但誦持故亦得見上妙色相卽本經六時禮懺苦到懺悔佛來摩頂等是也。如是懺法甚爲微細須咨明師學懺悔處及懺悔法方可入於道場行其事。儀此三種懺法經論疏記廣陳斯不繁述。戒體還生是懺業道眼耳諸根清淨是懺苦道。若不解大乘經律若輕若重是非之相不解第一義諦習種性長養性性種性不可壞性道種性正法性。其中多少觀行出入十神支一切行法一一不得此法中意。

輕重是非之相者。謂此心地正戒犯小卽汚心源。對首懺悔便淨名輕犯大卽失戒要見好相方除名重於此輕重二途明了辯析如何是犯如何非犯是爲善解戒之名相也。第一義諦者此心地戒共體清寂非重非輕而輕重宛然其性虛明無是非非而是非灼爾迥出二邊而雙泯雙照顯中道理而絕議絕思故名第一義諦是爲善解戒之義理故智度論名爲具足戒謂菩薩持中道第一義。

薩戒用中道慧偏入諸法無戒不備是名具足戒也。相不解則持犯昧然理不解則不識本源心地也。此六種性中智種性者是十住位名銅寶輪菩薩。即上之十發起心謂此菩薩初從十信趣入研習真諦以修空觀開慧眼成一切智得位不退故名爲住長養性性種性。此二通對十行位名銀寶輪菩薩。即上之十長養心謂此菩薩從真入俗利生進修假觀分別十界差別種性長養聖胎見俗諦理開法眼成道種智由前十住發真悟理從此進趣故名爲行不可壞性道種性。此二通對十迴向位名金寶輪菩薩。即上之十金剛心謂此菩薩修中道觀任運施設無功用道行願事理悉皆和融流入法界迴事向理乃至迴能修所修同於法界性如金剛故不可壞由始正修中故名道望後能生佛果故名種性。正法性者亦名聖種性。此通屬十地等覺妙覺位從初地至十地用中道觀以智斷惑深而又深。地地各破一分無明顯一分三德證入十地開佛眼成一切種智皆名瓊瑤寶輪菩薩。

薩按瓊瑤經則出等覺性妙覺性復由深入中道觀達無始無明窮盡源底智極邊際斯最後一品微細無明惑盡中道山頂與無明父母別是有惑可斷名有上士是摩尼寶輪菩薩。即等覺位也。究竟脫離然大覺妙智窮源無明盡然無累故無惑可斷寂而常照聖中之聖名無上士是水晶寶輪菩薩。即妙覺極果佛位也。其中多少觀行出入者謂從上經歷三寶十聖位中隨人根性利鈍所用禪觀功行之不同斷惑證真有巧拙之差別利則巧用功少鈍則拙用功多出入諸禪三昧故云觀行也。十禪支者於四禪中除其重出支正有十支一覺二觀三喜四樂五一心六內淨七捨八念九慧十不苦不樂。此十雖是世禪而能入賢聖階位也。一切行法者總結上進修功行一切法門如此觀行諸法瓊瑤本業經詳明一一不得此法中意者如上進修之法甚深微妙若一一不解其中意旨非貪利則愚癡而爲人作役戒師譬如庸醫療病必致令人夭折亦如以盲瞽爲導終使



墮坑落壑。取一時之名利。致他毒藥。戒不沾身。輕舉罔爲。候他法身慧命。事實非小。故此兼制。不解。即犯本經四教並廣而論。

而菩薩爲利養。故爲名聞。故惡求多求。貪利弟子。而詐現解一切經律。爲供養。故是自欺。詐亦欺。詐他人。故與人授戒者。犯輕垢罪。

爲利養名聞。故云惡求貪利。無厭是名多求。學在師後。名弟解從師生。名子內不諳經律之旨。無慚無愧。是爲自欺。詐外詐現能解之相。是爲欺。詐他人。前第十八戒。專以無解作師。故制此戒。兼爲利養。故犯。據此則禪觀教理。兼通無貪利。邀名之心。方許爲師。不犯非解一句。一偏一律。都便可爲人授戒。而得無罪。故義疏云。言師必論德業成就。是出家菩薩。具足五德。一持戒二十臘。三解律藏。四通禪思。五慧藏。窮玄言持戒。則如十願五誓之堅。貞言十臘。則受具已經十夏。言解律藏。則律有大。小兩乘。罪有性遮止。作持犯戒。有道有定。有世間。有出世間。有解脫。有別解脫。有三有。五有。八有。十有。

十有在家出家。有男有女。有二百五十。有三百四十八。乃至五百三千八百。誠哉戒藏之廣大。雖曰無盡。而爲師者。無所不通也。言通禪思。是諸禪定三昧之總名。悉由持戒攝心。妄念凝寂。虛明返照。善曉出入。巧達沉浮。離諸昏散。是爲通達禪思也。言慧藏。則包含萬法。洞徹其源。貫攝其義。若心若境。若事若理。窮微得妙。隨機演說。而無滯無滯。是曰慧藏。窮玄也。發隱云。此之五德。實乎兼備。亦或末世五德難全。有戒臘中德。亦可師。猶勝徒。老無知不能證人。也有慧無定。解亦可師。猶勝枯禪。啞羊不能說法也。若不爾者。傳揚戒法。畀任匪輕。無知罔行。授者受者。均不免罪愆之重之。

○第四十二爲惡人說戒戒

不識機宜。是無慧目。根力未堪。反令頓墜。頂爲陳說。後受心輕。未發大心。聞生謗毀。凡不納受大乘。木叉。非執世見。即泥小教。皆名惡人。

若佛子。不得爲利養。放於未受菩薩戒者。前若外道惡人。前說此千佛大戒。邪見人前。亦不得說。除國王。

餘一切不得說

在外道惡人那見人前說戒非獨爲利自害實焦
彼菩提芽也說者或誦說或解說或爲授戒或聽
彼布薩時聞說也然此千佛所傳大戒非未發菩
提心及外道惡人之所堪聞以其非器故如師子
乳非玻璃盞不能容納倘後捨邪歸正發廣大心
乃可爲說國王是一國所尊如來付囑令外護三
寶故大小乘戒佛悉聽說自餘一切無信人及未
受千佛大戒人不得說也涅槃經云昔十五日僧
布薩時有一童子。在隱屏處盜聽說戒金剛力士
以杵碎之身如微塵是知爲師者不可不慎也
是惡人豈不受佛戒名爲畜生生之處不見三寶
如木石無心名爲外道邪見人豈木頭無異而善隨
於是惡人前說七佛教戒者犯輕垢罪

不別善惡賢愚故如畜生不受千佛大戒失菩提
種子故於生生之處不見三寶難處人倫不知歸
向出世大道故如木石無心從迷至迷六根昏塞
故如木頭無異此心地戒雖三世諸佛同說而近

從七佛授受傳來正所以見其親切不可不揀擇
自重而輕爲外道未受戒人說至令自損陷他過
非小也前戒制揀擇此戒制爲惡人正不揀擇中
而揀擇顯前不揀擇是普心慈心今須揀擇具
智眼慧眼慎不可泥不揀擇妄授惡人惡人大戒
而反自謂慈悲令種善根縱彼不生毀謗而無心
習學不識開遮持犯持犯既昧必墮三途是則令
種善根而反成惡果如此授戒非惡癡卽爲名利
故也若果欲令種善根可教歸信三寶於五戒中
觀其能受幾分乃爲授之或授與八戒教令發願
追向以求無上菩提豈不深益前人者哉

○第四十三無慚受施戒

自身負罪豈顧他人不求懺悔是無慚愧蓋受信
施自損損他過當如何

若佛子信心出家受佛正戒故起心毀犯聖戒者不
得受一切檀越供養亦不得國王地上行不得飲國

王水

既具信心出俗豈當故犯千聖所傳之正戒耶國

王本以地水給施善人。苟有毀犯。則戒德匪存。故地雖大而無礙。容足水滿江河而一滴難消。何況檀信四事供養十方常住僧物。堪能受用乎。倘犯輕垢。即當如法懺悔。方消信施也。

五千大鬼常遮其前。鬼言大賊。若入房舍城邑宅中。鬼復常搖其腳迹。一切世人皆罵言佛法中賊。一切衆生。眼不欲見犯戒之人。畜生無異木頭。無異若故毀正戒者。犯輕垢罪。

大論云。菩薩具足五百戒法。是知今五十八戒。乃戒之根本。持之則有五千善神擁護。犯之則有五千大鬼隨身。如世貴位車馬僕從。時隨擁衛。一犯王法。械梟卒常隨防禁。斯乃善惡途分。理本自然也。過其前正不許行國王地。言大賊。謂其虧害千佛大戒。掃其迹。者毀戒不能上昇。如龜披尾。緣其穢汚房舍道路也。佛法中賊者。盜披佛衣。偷餐佛食。在佛法中反害佛法。故名爲賊。持戒威儀。人皆瞻仰。犯戒衰相。衆生惡見。不識持犯。何異畜生。身無戒體。木頭何別。是則生無吉利。福德日消。死

墮阿鼻。窮劫難出。此戒謂其所犯已依犯結罪。不肯如法懺悔。無慚無愧。冒受施利。故復犯輕垢也。言五千善神擁護者。一戒天帝遣十神護持。戒行者五百戒。故有五千善神也。然人身兩肩自有神守護。與身同名。與身同生。雖常護人。必假心固神守。則強戒若不堅守者。惶怯而所遣神寧不還歸天上。五千大鬼豈不適其前耶。

○第四十四不供養經典戒

三寶等說。二嚴齊修。正大士之本行。不供則失上求之心。不書便乖下化之道也。

若佛子。常應一心受持。讀誦大乘經律。剝皮爲紙。刺血爲墨。以髓爲水。析骨爲筆。書寫佛戒。木皮。數紙。絹素。竹帛。亦悉書持。常以七寶。無價香華。一切雜寶。爲箱。盛盛經律。卷若不如法供養者。犯輕垢罪。

念無間斷。曰常。心離散亂。曰一。乃顯精勤篤志之至極。皮血骨髓。書寫以顯爲法忘身之無惜。無價雜寶。爲箱。蓋是重法以輕財也。此中總列五種。一心受持不忘。二閱讀通利。三誦誦令聞。四書寫。

流通五恭敬供養此五經論互出或五或六皆名
法師然開合略異如法華文句一受持二讀文三
熟誦四解說五書寫而缺供養本經缺解說然三
十九戒已出講說及四十一戒謂一一好解是也
據智度論一信力名受二念力名持三看文爲讀
四不忘爲誦五宣傳爲說六難曉須解此亦缺供
養也一切諸佛由學大乘經律而成等正覺故知
經律是諸佛之母若不如法至誠供養是輕三世
佛母名爲不孝故得罪也木皮如樺皮等穀是楮
樹皮可以造紙絹帛皆業織成素亦白練也此方
上古未識造紙多用竹簡木牘然各國所用今古
不同宜隨時方用之如五夫竺用樺皮貝多羅葉
及以白氈此方造紙紙始自前漢至後漢和帝
時蔡敬仲用樹膚及帶布魚網造紙今多用竹及
楮皮作以此書寫流通是爲財法二施廣布無盡
矣心地觀經云法寶有四種一教法二理法三行
法四果法一切無漏能破無明煩惱業障聲名句
文名爲教法有無諸法名爲理法戒定慧行名爲

行法無爲妙果名爲果法如是四種引導衆生出
生死海到於彼岸諸佛所師卽是法寶所以者何
三世諸佛依法修行斷一切障得成菩提盡未來
際利益衆生以是因緣三世如來常能供養諸波
羅蜜微妙法寶何況三界一切衆生未得解脫而
不能敬微妙法寶我昔曾爲求法人王入大火坑
而求正法永斷生死得大菩提是故法寶能破一
切生死牢獄猶如金剛能照擬暗衆生如日臨世
間乃至猶如險路導師善誘衆生達寶所故三世
如來所說妙法有如是等難思議事也

○第四十五不化衆生戒

上求下化始名菩薩與此相違名實俱乖焉稱大
士行願乎

若佛子常起大悲心若入一切城邑舍宅見一切眾
生應當唱言汝等衆生盡應受三歸十戒

大士以化度爲懷拔苦念急故常起大悲心此心
須臾不可忘故曰常也一切衆生者本該六道而
菩薩未得天眼於城邑舍宅憫闕之處未易得見

天神修羅地獄餓鬼所可見者。惟人及畜耳。今此文。中是令人發心。以人有尊卑貴賤。故云一切。次令畜生發心。後入山林川野寂寞之處。乃象鬼神等。應先以種種方便。教令發大信心。後授與三歸十戒。若不先教發心。便與說戒。即是與惡人授戒。故令反邪歸正。先受三歸。由三寶護持力。故三惡八難罪滅。次授波羅提木叉。十種正戒。為菩薩道之根本。若依文殊問經。令菩薩受十善法。與沙彌十戒文同。按大集經。令受十善道戒。一不殺生。乃至十不邪見。以此善根。迴向無上菩提。是人速滿六波羅蜜。於淨土而成正覺。據此則當隨機所堪授與。亦得環珞經云。法師先為解說。使其樂著。然後授與。地持經云。菩薩見有衆生。修邪法。磨而求解脫。即為彼說賢聖八齋。斷彼邪見。若身求度。不究竟。法授少方便。得大果。齋是為菩薩。以少方便起無量善根。八齋即八關野成

若見牛馬猪羊一切畜生。應心念口言。汝是畜生。發菩提心。

大士見一切畜生。應起大悲心。念其無始劫來。迷失真性。妄造惡業。枉受輪迴。苦報作是念已。乃口告言。汝是畜生。當求出離。勿枉受此苦。無有休息。如是令知名識。苦心求解。脫歸向大士。然後教發菩提心。此心即諸佛圓明覺體。衆生本源自性。迷此心而不發。則輪迴六道三惡。熾然窮劫不已。若能發起此心。即罕露本源心地。戒體而三歸十戒。便已現前。大士斯時。方為作證明。更授與三歸十戒相也。

而菩薩入一切處。山林川野。皆使一切衆生發菩提心。是菩薩若不發教化衆生心者。犯輕垢罪。

先令人畜發心。今隨方隨見。而令發心。足見大士普化之心。無往不利。救度之念。無時不切也。一切衆生。若人天鬼神。邊獨地獄。乃至禽獸魚鼈。地蟲等類。勿謂蠢動。無知捨而不化。然含靈覺性。多有不迷。如鸚鵡聞四諦生天。至成辟支佛。果獼猴獻桀次生出家。成道為驢。經而生。切利。馬聞法而生。三十三天。池魚鼈。傷而為天子。海鯨聞名而舟免。

難如斯之類不可勝舉。縱迷不覺。由法力加持。亦令獲益。如舍利弗爲患。拘及毒蛇。說三法印。俱生富家。後成聖果。地獄聞經。題而盡出。火坑又如眞言呪語。人那解知受持。則從心所願。乃至呪枯樹。還使生華。無情尙爾。況有情而不獲益。如來金口所宣一言一字。凡情豈能思測。故律制比丘。凡至神廟。或樹下水邊等處。皆誦伽陀。今大士知一切衆生具足覺性。故教化普度。心無間斷。如不發是心。卽違菩薩大願。故得輕垢。

○第四十六說法不如法戒

法是佛母。而大士不爲自重。焉能令他致敬。野干猶知自尊。盜果亦知非法。而菩薩法師可乖常式乎。

若佛子。常應教化起大悲心。若入檀越貴人家。一切衆中不得立。爲白衣說法。應在白衣衆前高座上坐。以具大悲心。故常爲在家出家說法。然說時須要如法。若不如法。說者聽者俱招慢法之愆。貴人卽士宜一切卽庶民白衣者。俗好素服。故此爲稱也。

應在衆前者。謂不得在彼背後也。高座謂昇高座而坐。上坐謂在彼衆首上坐。斯皆尊法之儀。非自爲高慢之相。或暫時開示彼此俱立。無過律本云。人在高坐。已在下坐。人坐。已立。人臥。已坐。皆不得爲說法。除病不犯。

法師比丘不得地立。爲四衆說法。若說法時。法師高座香華供養。四衆聽者下坐。如孝順父母敬順師教。如事火婆羅門。其說法者若不如法。說犯輕垢罪。

上爲白衣未受戒者。普說今爲在家出家四衆別說。高座香華是四衆重法。尊人也。聽者下坐是自爲謙卑而敬上之禮也。如孝順父母者是執弟子禮而尊敬於師也。如事火婆羅門者是天竺邪見外道。昔此世界劫初之時。忉利天子欲觀閻浮提閼林流泉等。從天來下觀。已復還天上。身光如火。林中外道遙見。妄謂世人供養火。故得生天道。故彼每於日將欲沒時。遂通夜燃大火。衆向之跪拜。盡誠致敬。而禮事之。今借爲喻。敬順正法。如彼敬事火之至誠也。若不如法說者。謂乖說法之儀。非

謂不善說法也。若法說非法，非法說法，即屬第十六及前倒說，僻說戒也。

佛說梵網經菩薩心地品下略疏卷七

音義

梵王頂禮天女。時大梵天王，聞如意寶光曜天女說善提行，即與諸天衆從座而起，恭敬頂禮如意天足。

帝釋接足野干。野干似狐而小，色青黃如狗屎，於絕巖高木上，著一野干爲師子，逐墮一野干中，安心分死，說無常偈。天帝釋聞之，與諸天衆到其井側，曰：「不聞聖教久，處幽冥向說，非凡願更宣說。」野干曰：「天帝無訓，不識時宜。」法師在下，自處其上，初不修敬，而問法要。天帝於是接出，叩頭懺悔，以天寶衣，稍爲高座，請說法要，復從受十善戒法。山神請華嚴法師。隋禪定寺僧慧悟，京兆人，曾與一僧同隱終南，悟受持華嚴，彼誦涅槃，木食嚴。

樓各事其業，忽一人來，謂就宅赴齋，二僧相推，請者云：「請華嚴法師，悟因隨往，乃山神也。」復請五百羅漢，皆推悟于上座。

鉢吒。此云縵條，即是大氈，與袈裟世同，總爲一幅，出家沙彌，令染使藍，色披著百一羯磨，云：「求寂之徒，縵條是服，而有輒披五條，深爲罪惡。」神州之地，久屬斯風，此成非法，勿令披著也。

案音問亂也。

窟音蛙，污下也。

周武入地獄。周武帝滅佛教，未滿一年，瘴氣內蒸，身瘡外發，惡相既現，悔無所措，隱於雲陽宮七日，即崩。大唐史部尚書唐臨奏報記云：「外祖隋左僕射齊公，親見文帝問死者還活人云：「初死見周武帝云：『爲我相問大隋天子，昔與我共食倉庫，王帛我今爲滅佛法事，極受大苦，可爲我作功德也。』」文帝遂敕天下人各出一錢，爲彼追福。又隋開皇八年，京兆杜祈死三日而甦，云：「見閻羅王問曰：『卿識周武否？』答曾任左武侯司法，甚識王命。一吏引

至一鐵屋於鐵恩中見武帝身極瘦作鐵色著鐵枷鎖泣曰大家作何罪業受此苦困帝曰我以信斷元嵩言毀廢佛法故受此苦祈曰何不注引元嵩來帝曰我曾注之然曹司處搜求乃遍三界不見若其朝來我喜得脫脚還語世人爲元嵩作福早來相救如其不至解脫無期所難以冥事勸助作壽云元嵩益州人少出家聰穎不偶伴狂漫走觸物猜詠周歷一十餘年人莫知測也

致拜天尊 唐益州福壽寺僧寶瓊俗姓馬幼年出家讀誦大品般若兩日一遍以爲常業四遠聞者皆來欽敬值道士與民作道會邀瓊赴之瓊至不禮而坐道衆皆謂不禮天尊輕我宗法耶瓊曰邪正道殊所事各異天尙不禮何況老君衆議紛紜頗相陵侮瓊曰吾禮非所禮恐貽辱先宗遂禮一拜道像并座一時動搖又禮一拜連座反倒墜落在地摧毀道民羞恥唱言風鼓鼓來扶正又禮還倒瓊曰天朗和暢而言怨風汝之恩德不測吾風合眾驚懼一心禮瓊皆捨道歸佛謂瓊受菩薩

戒

祠祀

上音祠廟也又祭也謂祭祀天廟鬼神也

鬼問目連經云一鬼問言我一生已來或登刀山劍樹地獄或墮火坑鑊湯地獄種種受苦無復休息何罪所致目連答言汝爲人時作天祠主烹殺三牲祭祀天祠以血肉灌酒四方諸衆人言汝等祠祀得大吉利作此邪魔之言爲妖孽之師汝輕欺百姓誑惑父母以是之故果入地獄

三德

如來涅槃本具三德謂法身般若解脫之

三秘密藏也

四禪支

初禪五支一覺支二觀支三喜支四樂支

支五一心支二禪四支一內淨支二喜支三樂支

四一心支三禪五支一捨支二念支三慧支四樂

支五一心支四禪四支一不苦不樂支二捨支三

念支四一心支此四禪共十八支其不重出支如

經明

五漏

一不得作梵天王二不得作帝釋三不得

作魔王四不得作轉輪聖王五不得作佛

穀 音答格也皮可爲紙

擇 音話

貝多羅葉 此云岸形似樓閣直而且高葉長廣

色光潤採以書寫

赫蹏 蹏古師字紙名也

鷄鵲聞四諦 須達長者家內有二鷄鵲一名律

提二名毘律提阿難尊者到長者家爲鳥說苦集

滅道四諦法門鳥聞法歡喜持誦夜宿樹上爲野

理所食以此善根生四天王天轉展生他化自在

天如是七返生六欲天後生人中出家成辟支佛

獼猴獻蜜 昔佛與諸比丘於林中坐有一獼猴

即取佛鉢上樹盛滿蜜奉上佛佛受之分布衆僧

皆悉周徧獼猴歡喜騰躍却舞墮坑而死即託生

師賢長者家形貌端正出家成阿羅漢名曰獻蜜

上座

鳥聞法生忉利 有一比丘在林中誦經音聲和

雅時有一鳥聞法敬愛在樹上聽之爲獵人所射

命終緣此善根生忉利天即持天香華到比丘所

恭敬供養比丘即爲說法得須陀洹道

鴈聞法 昔佛在波羅奈國林澤中爲諸人天說

法時空中有五百鴈爲群聞佛音聲深心愛樂迴

翔欲下時獵人張網殺之盡生三十三天從天來

下持華供佛佛爲說法俱得初果

池魚聽偈 過去無數劫時釋迦如來爲流水長

者子於空澤池中爲十千魚稱寶譬如來名號說

十二因緣偈頌十千魚後夜同時皆命過生三十

三天至如來成道初轉法輪從天來下聞法俱得

須陀洹果

海鯨聞名 梵語摩竭此云鯨魚乃海中大魚也

身長王百由旬乃至七百由旬過舟則能吞之時

有五百商人乘船入海取寶值鯨魚開口於水上

水流奔趨如入大坑船師曰我曹死矣商人各購

所事無驗中有一近事告衆曰佛是衆生之慈父

可共戮力稱南無佛眾即同聲稱之魚聞佛名即

合口眾得免難

忠狗毒蛇 昔有一狗偷商估食餅餓四足棄於

坑中求生不得。求死不得。舍利弗。以天眼觀見。卽盛鉢飯。飛至狗所。以飯除其饑火。乃爲說三法。卽曰。諸行無常。諸法無我。涅槃寂滅。汝今當於我所。發清淨心。捨此傍生之身。當生善趣。昔有一大毒蛇。於山中被火所燒。皮焦肉爛。舍利弗。亦往爲說三法。卽後二皆託生富長者家。出家爲舍利弗弟子。二俱證阿羅漢果。

地獄聞經題 昔一人暴死入地獄中。獄卒以鐵叉。叉入油澆。彼卽稱云。南無大方廣佛華嚴經時。油澆變爲蓮池。聞者皆出地獄。

伽陀 此云頌。是佛所說。備有大神力。能自利利他。頌曰。世間五欲樂。或復諸天樂。若比愛樂。樂千分不及一。由集能生苦。因苦復生集。八聖道能超。至妙涅槃處。所謂布施者。必獲其義利。若爲樂故。施後必得安樂。

剝皮爲紙 昔釋迦如來過去久遠無數劫。名曰最勝住。山林中修於仙道。得五神通。常行慈心。爲聞法故。往詣城邑聚落。處處推求說法之師。時有

天魔來語仙言。我有一偈。若能剝皮爲紙。刺血爲墨。析骨爲筆。書寫此偈。當爲汝說。仙人聞已。念言。我於無量劫中。受苦都無利益。今當捨此不堅之身。易得妙法。歡喜踊躍。卽以利刀剝皮。刺血。析骨。合掌向天。請說佛偈。魔見愁憂。卽便隱去。仙人便言。我今爲衆生求法。故不惜身命。至誠不虛。餘方世界有大慈悲能說法者。當現我前。時東去此三十二剎。有佛世界名普無垢。有佛號淨名王。忽住其前。放大光明。照仙人身。苦痛卽除。平復如故。卽爲廣說集一切福德三昧經。仙人聞法。得無礙辨。才爲諸衆生廣說妙法。令無量衆生住三乘道。經於千歲。命終生淨名王佛普無垢國中。由敬法故。今得成佛。

盜果 昔有一人上樹偷果。適值國王與一梵志來至樹下。其人恐懼驚怖。不能自安。時王晏坐。梵志立爲王說法。其人便卽下樹。曰。我以違法盜果。王今不知尊敬。梵志自輕。二皆非法。今我亦得無罪。卽叩頭而去。

天尊。佛是天中天聖中聖故舊經譯佛為天尊。後道士偷天尊名目為老聃之號故後經改譯為世尊。謂天上世間□□□□也。

懺悔處法。處者別教以太第三觀為處。圖教以妙□觀為處。法者作法謂身口依法取相乃相現為期無生則罪福無主。

六性。第四十一戒中六種性屬別教菩薩五十二階位次第修行也。七種寶輪屬圓教菩薩階位也。餘如上四教中明。

佛說梵網經菩薩心地品下略疏卷八

姚秦三藏法師鳩摩羅什譯

廣州寶象林沙門弘贊述

○第四十七非法制限戒

違本念而妄為恃權勢而橫作制限非法破滅三寶罪若彌天焉。名好心而受佛禁戒者乎。

若佛子。皆已信心受佛戒者。若國王太子百官四部弟子。自恃高貴破滅佛法戒律。明作制法。制我四部

弟子。不聽出家行道。亦復不聽造立形像佛塔經律。立統官制。衆使安籍。記僧菩薩比丘地立白衣高座。廣行非法。如兵奴事主。而菩薩正應受一切人供養。而反為官走使非法。非律若國王百官好心受佛戒者。莫作是破三寶之罪。若故作破法者。犯輕垢罪。

皆已信心受佛戒者。此總標能制所制。皆已信心受佛正戒。也能制即明作制法。所制謂為官走使。二俱得罪。四部弟子者。按諸經律。即四輩弟子。比丘比丘尼優婆塞優婆夷。廣義疏則居士居士婦童男童女。僧尼既已出家。復令還俗在家。二衆不許出家。故云不聽。問王官可作制法。豈四部亦能制四部。耶。答或父母兄弟子女互相制限障礙。故不聽也。如什法藏經云。闍夜多尊者詣城乞食。見一烏便微笑。弟子問之。尊者曰。過去劫中我欲出家。父母不聽。強為聘妻。得一子六歲。我復欲去。父母教兒抱住我脚啼哭。言父若捨我。依誰養活。先當殺兒。然後可去。由此兒故。不得出家。從是九十一劫。流轉六道。未曾得見。今以道眼觀見彼烏。乃

是前子惡其愚癡久在生死是以微笑若障人出家罪報惡道後生人中曾盲無目是故智者見人出家方便成就勿作留難又老女人經云時有貧窮老女人聞佛說法心開意解阿難白佛此女人何以智慧乃爾佛言是我前世發意學道時母也又問是母何貧乃爾佛言拘留孫佛時我欲作沙門是母慈愛不聽我去我愁一日不食由是五百世貧今者壽盡當生彌陀佛國如經所說子障父母父母障子感報若是況其夫妻兄弟朋友互相障礙罪當如何不聽出家是滅僧寶也不聽造立形像佛塔是滅佛寶也不聽書寫經律是滅法寶也立統官制衆安籍記僧者安設簿籍記錄僧名同世編戶統官攝僧也白衣高座比丘地立非兵奴之事主如何菩薩乃人天師範說法律令生妙慧受供養使種福田如子之事父猶臣之敬君而甘自辱反爲官走使非法非律如何縱王臣強逼而僧可殺不可辱仰一死而存正教何荷生以壞法門豈莫作是破三寶之罪者謂王臣曾已好心

受佛正戒正當興隆三寶護法爲心始不忘靈山涅槃會上許許付囑之旨而反作破滅三寶之罪非忤逆如何問既云是逆云何但犯輕垢答以王臣在家未堪制重而其得罪感報實重也仁王經云佛告波斯匿王後五濁世國王王子大臣自恃高貴毀滅佛法橫作法制不依佛教制我弟子不聽出家造佛塔寺立統官制安籍記錄僧事比丘地立白衣高座又云未來世中四部弟子諸小國王太子乃是住持護三寶者轉更破滅三寶如師子身中蟲目食師子肉非外道也各壞吾法得大罪過正法衰薄民無正行以漸爲惡其壽日減無復孝子六親不和天神不祐疾疫惡鬼日來侵害死入地獄餓鬼畜生如經所說宛同今制其好心受佛戒者時當自慎也

○第四十八破法戒

僧有過犯自有如來法律治罰而反令王官陵辱內衆破壞正教深玷法門非大士護法心慈悲心若佛子以好心出家而爲名聞利養於國王百官前

說佛戒者。橫與比丘比丘尼菩薩戒弟子。作繫縛事。如獄囚法。如兵奴之法。如師子身中蟲。自食師子肉。非餘外蟲。如是佛子。自破佛法。非外道天魔能破。

本以好心出家。受佛正戒。故爲王官所重。後被名利所迷。自失初志。內雖毀戒。外現威德。是以凡有言說。王官無不聽用。而令作世間治罰。使內衆弟子。無辜受罪。或繫縛手足。禁閉身形。故如獄囚之法。或無禮輕賤。訶責。故如兵奴之法。種種刑辱。內衆於心。奚忍。雖自不顧身後遺殃。而且現前寧無羞顯。何以貪名利而自敗。已當恃王官而喪本真。心依佛法中得利。不念報恩。而反加害破壞法門。正所謂惡魔比丘也。師子蟲者。師子乃百獸之王。故無有禽獸能食師子者。惟師子身中生蟲。能食師子肉。非外蟲能食。如來正法。天魔受化。外道離心。故無能破壞。惟於佛法中出家。不依佛教。乃能破壞耳。若出家五衆。有過當以佛法法律治罰。或使懺悔。或作驅擯等羯磨。豈宜以王法陵辱。致使王官損福。善神出境。是則非獨破法。而復令國作難。

經有明文。寧無恐懼

若受佛戒者。應護佛戒。如念一子。如事父母。不可毀破。而菩薩聞外道惡人。以惡言謗破佛戒之聲。如三百矛刺心。千刀萬杖。打拍其身。等無有異。寧自入地獄。終於百劫。而不一聞惡人。以惡言謗破佛戒之聲。而況自破佛戒。教人破法。因緣亦無孝順之心。若故作者。犯輕垢罪。

法身由戒而成。利生由戒而度。故應保護。如父母之慈念一子。念在懷。猶子之敬事父母。事事無逆。如是慈念敬事於戒。則無有毀破之者。菩薩寧受三百萬杖百劫之劇苦。不忍一聞謗破佛戒之聲。何以故。雖楚痛萬端。惟是苦我一身。謗戒即破滅。正教壞。佛法身使無量衆生而失信。心沉淪苦海。不得解脫。其隨謗者。亦墮阿鼻。然聞聲。猶且乃爾。況自作破壞佛戒。復教王臣作破壞佛法。因緣治辱。僧衆自既不知護法。而反作破法之事。是爲忤逆三寶。無孝順心。故得罪也。大集經云。佛言。若有衆生。爲我出家。剃鬚髮著袈裟。設不持戒。彼等

悉已爲涅槃印之所印也。若有以非法而作惱亂
罵辱毀謗以手刀杖打縛新殺若奪衣鉢及種種
資生具者。是人則壞三世諸佛真實報身。則挑一
切人天眼目。時大梵天王白佛言。若爲佛出家割
鬚髮者。受戒不受戒。受已毀犯其國王與作惱亂
罵辱打縛者。得幾許罪。佛言。大梵。我今爲汝且略
說之。若有人於西億佛所出其身血於意云。何是
人得罪寧爲多。不梵王白言。若人但出一佛身血
得無間罪。尙多無量。不可算數。墮於阿鼻大地獄。
中何況具出萬億諸佛身血。終無有能廣說彼人
罪業果報。唯除如來佛言。大梵。若有惱亂罵辱打
縛割鬚髮著袈裟片不受戒受而犯者。得罪多於
彼。何以故。是人猶能爲諸人天示涅槃道。是人已
於三寶中心得敬信勝於一切九十五種外道。其
人必速能入涅槃勝於一切在家俗人。唯除在家
得忍者。是故人天應當供養。何況具能持戒三業
相應者。其有王臣見有於佛法中出家者。作大罪
業。但擯出國不得鞭打。何況鞭打出家具持戒者。

十輪經云。佛言。若有破戒比丘。如敗膿血。退失墮
落聖道果。證爲諸煩惱結使所壞。猶能開示一切
天龍人非人等。無量功德珍寶伏藏。是以出家若
持戒若破戒。我悉不聽國王大臣宰官。誚罰繫閉
鞭杖乃至斷命。況復餘輕犯小威儀破戒比丘。雖
是死人有戒餘力。猶如牛黃是牛雖死人故取之。
亦如麝香死後有用能大利益一切衆生。惡行比
丘。雖犯禁戒。其戒勢力猶利益無量人。天譬如燒
香。香體雖壞。熏他令香。破戒比丘亦復如是。自墮
惡道。能令衆生增長善根。以是因緣。一切白衣不
應侵毀輕蔑破戒比丘。皆當尊重守護。心地觀經
云。復有一類福田。倍於佛舍利及佛形像。并諸法
僧聖所制戒。深生敬信。自無邪見。令他亦然。能宣
正法。讚歎一乘深信因果。常發善願。隨其過犯悔
除。衆障常知。是人信三寶力。勝諸外道百千萬倍。
亦勝四種轉輪聖王。何況餘類。一切衆生如鬱金
華。雖然萎悴。猶勝一切諸雜類華。正見比丘亦復
如是。勝餘衆生百千萬倍。雖毀於戒。不壞正見。以

是因緣名福田。僧若供養如是福田。僧者所得福德。無有窮盡。大集經云。爾時一切天龍八部神等。得增上信。已白佛言。我等一切從今以往。護持正法。若諸國王。見有爲佛出家。受持禁戒。或不受戒。或受而毀犯。如其事緣治其身。罪鞭打之者。我等不復護持。養育如是國王。捨離彼國。以捨離故。令其國土而有種種疾疫。饑饉刀兵。俱起。非時風雨。亢旱毒熱。傷害苗稼。令佛弟子。悉向他國。使其國土空無福田。若有佛弟子。但著袈裟片者。若有宰官。鞭打彼等。其王不遮護者。我等亦當出其國土。問。誠如經說。天龍尚乃爾護法。豈王臣而不護持。奈有貧窮。避難人。法門不守。佛戒。冒犯國法。諫之而不從。損之而不去。內律治而不得。則將如之何。答。若果有大罪。玷辱三寶者。寧除一人而全三寶。不可全一人而禍及三寶。如大集經云。寧捨身命。護一如法比丘。不護諸惡比丘。是王捨身。營生淨土中。若隨惡者是王。無量世中。不復人身。不治則斷三寶。種毒。生眼。犯過比丘。應須治者。

或不與語。或不共坐。或擯出一國。乃至四國。有佛法處。治如是惡比丘。諸善比丘。得安樂受法。故使佛法久住。不滅。涅槃經云。佛言。譬如國王。諸羣臣等有犯王法。隨罪誅戮。而不捨置。如來世尊。不如是也。於毀法者。與作驅遣。羯磨。罰責。羯磨爲欲示諸惡行之人。有果報。故有持戒比丘。護持正法。見壞法者。卽能驅遣。罰責。徵治。當知是人得福無量。不可稱計。勝鬘經云。佛言。菩薩所有恒河沙數。無量行願。皆應攝入一大願中。所謂護持正法。護持正法者。是大境界。乃至少護持正法。令魔波旬。得大憂惱。我不見餘一善法。能令惡魔。生此憂惱。惟少護持正法之者。按唐書。顯慶元年五月。敕天下僧尼。有犯法者。以僧律治之。不得與民同科。斯誠聖王賢臣。不忘靈山之囑。王臣如此。尊重三寶。護持法門。而出家者。反作破法事。實爲僧中之大賊。法門之惡魔。經云。毀犯禁戒。猶能爲諸人。天示涅槃道者。謂其雖爲煩惱所逼。毀犯於一時。然戒破而見不破。恒說正法。時懷慚愧。故云。其已於三寶。

中心得信敬又能讚歎一乘深信因果故瓔珞經云捨戒不捨大願破戒不破正見斯人終得還復清淨優波離問經云住大乘菩薩於初日分時有毀犯罪當中日分時不捨行一切智心如菩薩得戒蘊具足若中日分時有毀犯罪當後日分時不捨行一切智心則菩薩戒蘊亦復具足非同今者無般若慧自謂有智常作惡業不覺後世撥無因果無慚無愧邪見之徒可比也今時復有爭占田地及住處等射持詞狀詣於公庭而甘爲朋賄勝則猶恨責彼不深負則自取利辱大玷僧倫了無羞愧猶云我受菩薩大戒誠可恥也如是九戒應當學敬心奉持從揀擇受戒戒至此破法之九戒應一一習學恭敬奉持不可暫忘也

○三總結

諸佛子是四十八輕戒汝等受持過去諸菩薩已誦未來諸菩薩當誦現在諸菩薩今誦

前已一一勤持今復總舉三世菩薩誦以勤持可

謂大悲靜慈無惱難粉身碎骨亦莫足云報

說
●三流通分 初正囑流通 二結頌迴向流通

○初正囑流通

諸佛子聽十重四十八輕戒三世諸佛已誦當誦今誦我今亦如是誦汝等一切大眾若國王王子百官比丘比丘尼信男信女受持菩薩戒者應受持讀誦解說書寫佛性常住戒卷流通三世一切衆生化化不絕得見千佛爲千佛授手世世不墮惡道八難常生人道天中

此是釋迦如來付囑在座道俗大眾令流通此戒以此五十八戒是諸佛之本源地菩薩衆生成佛之根本故三世諸佛及今佛皆誦汝等一切在會大眾受菩薩戒者願令行五事一受持莫失二闍闍通利三朗誦令聞八部獲益四解悟義理爲人廣說五書寫流通普利一切大士授諸衆生心地大戒彼既得戒已彼復書寫此戒卷轉授一切衆生心地大戒此諸衆生既得戒已復書此戒卷

轉化將來一切衆生。如是三世化復轉化展轉相因。如燈燈續。談無盡無絕。正所謂荷負三世佛法。誘化一切。然無盡燈是也。如是三世一切衆生依戒修行。故皆得見本源千佛。佛爲授手摩頂授記。從今以往。不墮三惡八難。以至成等正覺也。佛性常住戒卷者。此是舍那心地。佛性常住不變不易之戒。故一受直至成佛。不同聲聞戒止在一生也。世世是離苦常生。是得樂。以此戒能止身口意之非。故不墮惡道。出生萬善。故當生人天。原此佛性心地大戒。因該果海。果微因源。卽凡成聖而豈止離三惡生人天耶。須知如來未出世時。天竺之人多樂生天。佛且暫就初學。凡情未契心源者。起其忻善報厭惡道苦而爲說也。今佛初會說法。若直示之以極果。恐其心生疑惑。致有退失。正戒大益。或由此戒力。不墮惡道。當生有佛世界。人天中見佛聞法。速階不退也。

我今在此樹下。略開七佛法戒。汝等大衆當一心學。波羅提木叉歡喜奉行。如無相天王品勸學中。一一

廣明三千學士時坐聽者。聞佛自誦心心頂戴歡喜受持。

略開者。謂七佛法戒。非止五十八。今所說者是略示七佛法戒。如一毛頭許。俾就初機易學。則歡喜奉行。如欲廣知戒中事理。當如大本無相天王品中詳明也。三千學士者。未階妙覺。猶居學地。故名學士。時如來勸百萬億大衆當一心學。而在會三千諸大菩薩。聞佛自誦。故尊重頂戴受持。此亦舉先學以攝百萬億之初機也。

爾時釋迦牟尼佛。說上蓮華臺藏世界。盧舍那佛所說心地法門品中。十無盡戒法品。竟千百億釋迦亦如是說。

初明一日月世界。釋迦如來說舍那所說心地十無盡戒法。竟後明千百億日月世界中。千百億釋迦如來。悉同說舍那心地十無盡戒法。故云亦如是也。今舉舉十重。不言四十八者。以此十戒。包攝無量諸戒。況四十八。故云無盡戒法也。

從摩醯首羅天王宮至此道樹下。十住處說法品爲

一切菩薩不可說大衆受持讀誦解說其義亦如是。前明一佛說舍那所說心地十無盡戒千百億佛。悉亦同說。今明於十住處說諸法門下文總結。結千百億釋迦及一切諸佛說諸法門亦如是也。

千百億世界蓮華藏世界微塵世界一切佛心藏地。藏戒藏無量行願藏因果佛性常住藏如是一切佛說無量一切法藏。竟千百億世界中一切衆生受持歡喜奉行。

世界之多不可以數說。故舉微塵喻之一塵喻一世界。故云微塵世界也。蓮華藏世界具足無量微塵世界。如是千百億世界微塵世界總不出一蓮華藏世界。如是世界中一切諸佛同具心等諸藏。故同說諸藏者包含之義也。一心藏者惟一真如心體圓包太虛具足萬法無量妙用。故如藏也。二地藏者心體本無分別平等如地出生無窮諸善功德。故如藏也。三戒藏者心體本空而具足無盡戒法。容納無量福智。故云藏也。四行願藏者心行善事。日行心所。剋期日願行海無邊。願門無盡。

故云藏也。五因果佛性常住藏者心之始修名因。終之所證名果。然因該果海。果徹因源。因果互融。而證法身是名爲佛法身性。本寂滅湛然常住而不變不遷。圓包法界量等虛空。故云藏也。心藏地藏戒藏正顯此非小乘波羅提木叉乃菩薩本源心地正法戒也。如是一切佛者卽上千百萬億蓮華藏微塵世界諸佛也。如是無量諸佛說無量一切法藏。如此五藏該盡無餘而戒藏爲五藏之樞要。握樞要而萬行備舉。果圓是故三世一切諸佛同說千百億世界一切衆生各各尊敬受持歡喜奉行。

若廣開心地相相如佛華光王七行品中說

心地相相者元心地無相而戒有持犯卽心地之相相有總別十重是總四十八是別總有無量別亦無窮重重無盡。猶天帝網如欲廣開發明心地事理之相當如大本七行品中說。然此品今此方無也。

○二結頌迴向流通

此項雖非佛說而文義備悉或西土賢聖所置或此方哲人所安乃讚歎持戒勸學度生發願迴向之文如比丘戒本初述讚頌中列戒相後結頌迴向方合三啓之義今爾初讚頌以今經非全本品兼上下故也

謂戒式中略具讚頌

明人忍慧強能持如是法未成佛道間安護五種利強是勇銳堅固義忍即生法忍也慧是般若慧由生法忍而心不動以般若慧而斷惑證真是知此心地大戒故非愚小淺慧所可堪受乃明達智者方能持也未成佛道間者能堅持此戒法汝定成佛今雖未成而於其中間世世先獲此五種福德利益也安護者由戒德力故安然而然自得非虛望強求之也下五種利出地持經

一者十方佛慈念常守護二者命終時正見心歡喜三者生生處爲諸菩薩友四者功德聚戒度悉成就五者今後世性戒福慧滿此是諸佛子

一由保重堅持諸佛心地之戒故得諸佛慈悲慈念常爲守護令其安修道業成就自行無致退失

及魔所得便故般若經云如來善護念諸菩薩是也二由自具正見了知善惡因果無爽毀戒即墮惡道故終時必心生怖畏持戒則往生佛刹故終時心自生歡喜比丘戒本云如人自照鏡好醜生欣感是也三謂此戒是三世菩薩敬重愛護同學同持豈不生生世世在在處處常爲三寶十聖諸大菩薩提携與之爲友耶四謂六度萬行無量衆善功德之聚若能持戒品之一度其餘諸度萬行功德等悉皆成就也五謂此戒是本源佛性之戒性自賢善身口業淨任運止惡任運生善止惡是慧生善是福今生堅持則晝夜福德智慧任運增長後世二般圓滿成佛極果號曰兩足尊一切佛子從戒而生今能持戒福慧漸滿即是諸佛真子當來紹繼佛位也

智者善思欲計我著相者不能生是法滅壽取證者亦非下種處欲長菩提苗尤明照世間應當靜觀察諸法真實相不生亦不滅不常復不斷不一亦不異不來亦不去如是一心中方便勤莊嚴善護所應作

應當次第學於學於無學。勿生分別想。是名第一道。亦名摩訶衍。一切戲論。悉從是處滅。諸佛薩婆若。悉由是處出。

決定了知。故名爲智。卽是以般若觀慧。審思籌量。知外道凡夫迷本真心。謬計神我。妄執四大爲自身相。六塵緣影爲自心相。故不能發生是心地戒法也。滅壽取證者。二乘灰身滅智。取證枯寂涅槃。故非下菩提種子處也。如欲增長菩提道芽。當來成等正覺。以智慧日照曜世間。破諸衆生煩惱闇宅。惟在今時。以般若觀慧。靜觀諸法眞實相也。一切諸法。皆從緣生。緣生無性。當體卽空。空卽眞空。眞空無相。故云實相。卽本源心體也。眞空實相。不屬有爲身心。故非生滅不墮。二邊故。非斷常不墮。數量故。非一異本離動靜。故無來去。如是諸法。唯是一心。菩薩欲得莊嚴本源地。遊從自心起。用以方便。智照心境界。境界卽是實相。故云靜觀察。所應作者。謂大士應於戒定慧。次第習學。菩薩修過六度萬行。無戒而不持。無善而不修。無生而不

度。所謂萬事門中。一法不捨。故云學。觀察一念不生。前後際斷。萬法俱息。所謂金色門。頭一塵不立。故云無學。若起念分別。卽是有爲心識。非般若智。則不能趣入第一中道。摩訶衍。此云大乘。暫起分別。卽凡夫有無二乘。偏見非大乘中道。若趣入大乘中道。則若有若無。亦有亦無。非有非無之戲論。惡見。從是而滅矣。薩婆若。此云一切智。相在因名。般若。在果名。薩婆若。卽是諸佛一切種智。諸佛種智。皆由不起分別。滅諸戲論。直入中道。而出生也。是故諸佛子。宜發大勇猛。於諸佛淨戒護持。如明珠。過去諸菩薩。已於是中學。未來者。當學。現在者。今學。此是佛行處。聖主所稱歎。

是故者。承上起下之詞。欲得諸佛薩婆若。宜應發起精進勇猛。堅持諸佛心地淨戒。如護明珠也。然珠體本自潔淨。圓明大士持戒不染。故淨無虧。故圓寂暗破。故明是爲善護持也。此戒是三世菩薩所同習學。而盡菩提十方諸佛。所共行履。而趣涅槃也。佛是聖中之聖。故稱聖主。佛子如是勇猛護

持淨戒故爲諸佛之所共讚歎也

我已隨願說福德無量聚。迴以施衆生。共向一切智。願聞是法者。悉得成佛道。

我者作頌人自稱。今亦可以爲誦戒者稱也。隨者不乖經文。順者不違戒旨。謂我今說此心地大戒。卽有無量福德。積聚心無。倍倍盡以迴施一切衆生。悉同趣向如來一切智。智不向人。天二乘小果。復願有聞如是戒法者。盡成無上佛道。蓋由此戒一言一字。皆從舍那心地流出。是諸佛之本源。菩提之根本。故一聞之。則永爲佛種。豈不成等正覺。但由根有利鈍。修分勤墮。故成有遲速。若得一念相應。前後際斷。生佛無二。古今冥一。又何遲速之有哉。

佛說梵網經菩薩心地品下略疏卷八終

音義

五濁 一衆生濁。謂此末世衆生。不孝敬父母師

長不畏惡業果報。不修善法也。二見濁。謂衆生邪見熾盛。不修正道也。三煩惱濁。謂衆生愛欲慳貪。瞋諍誑惑。惱亂心神也。四命濁。謂衆生惡業日增。壽命短促也。五劫濁。謂饑饉疾疫。刀兵三災起時。衆生無不被害也。

二嚴 福慧圓滿莊嚴。虛舍那身也。

六塵 謂色聲香味觸法之六塵。能染汚眼耳鼻

舌身意之六根。故名爲塵。

福田僧 謂有人供養此僧。得無量福。世世不受

貧窮。得大富樂。如沃壤田多獲成實。今俗訛稱不

勤齋戒。坐食田地者。爲福田僧。大違經旨。

師子 梵語吼多。此云師子。方頰大骨。身肉肥滿。

頭大眼長。光澤明淨。眉高而廣。牙利白淨。口鼻方

大。齒密齊。利舌赤白色。雙耳高上。鬚髮光潤。上身

廣大。膚肉堅密。修脊細腰。其腹不現。長尾利爪。其

足安立。身有大力。食不過時。

皇臣護法

元魏宣武帝景明二年。詔僧有犯悉付昭玄都統

法師以內律僧制判之

梁武帝制僧尼犯過依佛律行罰

唐代宗永泰元年詔出家沙門尊居三寶其令天

下官司毋得捶辱僧尼

徽宗宣和敕吳國公主敬重空門品官庶民有毀

辱僧尼者照祥符三年指揮

宋景德三年敕品官無故毀辱僧尼口稱禿字者

勒停見任庶民流千里

元世祖見僧有過不加王法止令閱教懺悔

生法忍 生忍有二一謂於恭敬供養順境中能

忍不著則不生憍逸二謂於瞋罵打害逆境中能

忍則不生忿恨怨惱是爲生忍也法忍亦有二一

者非心法謂寒熱風雨饑渴老病死等二者心法

謂瞋恚憂愁疑懼欲惱優諸邪見等若於此二法

能忍不動是名法忍

附半月誦菩薩戒儀式註

毗補提囉怛娜伽耶婆那摩賀

冒地質多沙門 弘贊 注

按此誦式未詳作者尋其始末多錄菩薩戒本經
及一切有部戒本之文然菩薩戒本乃北涼曇無
讖法師所譯其有部戒本是大唐景龍四年義淨
三藏奉詔譯今此戒序文云於像法中者蓋如來
滅度一千年教流漢地自漢明帝至宋仁宗辛卯
歲教被此土一千年名爲像法自此以後悉名末
法既云於像法中明非末法時作戒本後譯復非
唐上所輯可是唐末宋初台教人集也
衆中當差堪能誦者誦之衆既雲集先舉香讚畢
三稱云

南無梵網教主盧舍那佛

次舉開經偈其誦者昇座白衆云

某甲稽首和南敬白大衆僧差誦戒恐有錯悞願同

誦者慈悲指示

○初歸敬三寶 二策修 三作前方便

國誦戒序

五結問

六正誦戒經

○初歸敬三寶

菩薩戒衆等諦聽

歸命盧舍那十方金剛佛亦禮前論主當覺慈氏尊
今設三聚戒菩薩戒共聽

梵語爾無此云歸命亦云歸依盧舍那此云淨滿
是報身佛詳如疏釋十方金剛佛者十方世界一
切諸佛皆入金剛定斷最後微細無明而成等正
覺即金剛道後證不壞性也今就功能邊釋故曰
金剛就所證邊釋故名佛佛者覺也梵語彌勒此
云慈氏慈氏菩薩從佛出家勸造大乘諸論如瑜
伽師地論等後代祖述如馬鳴龍樹菩薩等故稱
慈氏菩薩爲前論主後第十小劫人壽八萬歲時
下生成佛故云當覺慈氏尊將就誦戒故先歸三
命三寶以求加被
聚戒者一攝律儀戒則無戒而不持戒是防非止
惡義也二攝善法戒則無善而不修善謂廣修六
度萬行也三攝衆生戒則無生而不度然此五十
八戒能斷諸惡即是攝律儀戒斷惡便能成就諸

善即是攝善法戒惡斷善圓便能饒益有情即是
攝衆生戒一切諸法此三攝盡故云聚也然律儀
多主內德攝生屬於外化攝善兼於內外由內以
善修已外以善導人是則下化衆生中修萬善惡
盡而善圓上成佛之極果故菩薩戒本經云教化
衆生常無勞倦善業畢竟速成佛道是也十方佛
是佛寶慈氏菩薩是大乘僧寶三聚戒是大乘法
寶菩薩戒共聽者此是誠衆聽戒也謂現前聽衆
皆共一心諦聽聽而思思而修也

戒如大明燈能消長夜闇戒如真寶鏡照法盡無遺
戒如摩尼珠雨物濟貧窮離世速成佛唯此法爲最
是故諸菩薩應當勤護持

上文出菩薩戒本經言心地大戒能破無始生死
無明之癡闇故如世之明燈由能破生死無明即
攝律儀戒也此戒能別止持作犯一切善惡諸法
分析無餘故如世之寶鏡妍媸盡現故此比丘戒本
云如人自照鏡好醜生欣感由能去惡集善照了
佛地功德智慧即攝善法戒也梵語摩尼此云如

意是衆珠之王。出龍王宮中人若得之。置於刹竿頂上。隨衆生意之所欲。卽雨一切金銀七寶種種樂具等物。今此戒法出生無量勝定妙慧一切善法聖財。濟諸無法饑乏衆生。故如世之摩尼能濟貧窮。由龍雨聖法財濟九界之貧窮。卽攝衆生戒也。此心地正戒是出離生死法中之妙術。速成正覺之最要。故比丘戒本云。一切衆律中戒經爲上。最彼於人天聲聞小乘法中稱最。此於菩薩大乘法中以三聚淨戒爲最。故云離世速成佛。唯此法爲最。也是故者。既知此戒具如上功能。故當精勤護持。無令有所虧犯也。

○二策修

諸大德春分四月日爲一時

俗法一歲四時佛法一歲三時。除去秋時。此有二義。一佛爲諸弟子。破保常心。故以秋是收成時。物皆結實。人計爲常。爲樂。爲破此著。故不言秋也。二佛爲開後安居。立迦提月。令後安居人。續結得成。還名坐夏。不名坐秋。爲此義。故除去秋時也。今言

春分四月者。從臘月十六日至四月十五日。名爲春分。從四月十六日至八月十五日。名爲夏分。從八月十六日至臘月十五日。名爲冬分。今先標春分。後二分應隨時改之。迦提此云星。星直此月故。卽七月十六日至八月十五

半月日已過

臘月盡爲半月。正月十五爲一月。正月盡爲一月。二月十五爲兩月。二月盡爲兩月。三月十五爲三月。三月盡爲三月。四月十五爲四月。餘夏冬二時準此改之。

少一夜餘有一夜三月半在

少一夜者。謂臘月盡日間布薩。以今夜猶屬今日。夜分未滿。故云少也。餘有一夜者。以未滿故。倘餘有一夜也。若於初夜中夜布薩。應云少半夜。餘有半夜也。佛不聽後夜布薩。恐布薩未竟。明相已出。則是二日共一布薩。便成非法也。若正月十五日布薩。應云少一夜。餘有一夜。三月日在。自餘半月。半月但改下句。如正月盡布薩。改云兩月半在。二

月十五日應云兩月日在二月。應云一月半在三月十五日。應云一月日在三月。應云半月日在或有不知佛制教者。謂遇月小布薩可云少一夜如月大則不必言若爾獨少一夜而亦少一日。即應直言少一。上句當云十四日已過。下句方言少一夜。然諸國所制律法不同。月之大小亦非一定。但隨月稱無分大小。以亂常則如遇閏月還依正月稱之。若不依正則時有五月矣。

老死至近佛法欲滅諸大德。優婆塞優婆夷為得道故。一心勤求精進。所以者何。諸佛一心勤求精進。故得阿耨多羅三藐三菩提。何況餘善道法。各聞強健時努力勤修善。如何不求道。安可須待老。欲何樂乎。從春分至此是述說一切有部戒本文。今此加在家二衆若無二衆則不必誦文。如有沙彌菩薩等當云諸大德等。準菩薩戒本則稱諸大士言老死至近者。上謂幾月日已過。餘有幾月日在。正為令覺日月時遷老死逼近。所謂日往月來。嗟然白首無常老死不與人期是也。佛法欲滅者若不依戒。

建修正法便滅正法。既滅更向何處修行。故律云有乘羯磨說戒。則正法永滅。世間毗尼藏者是佛法壽命。毗尼藏住佛法亦住。以諸善法勝定妙慧。皆藉戒而生也。阿耨多羅三藐三菩提。下三字上應有乾字二阿耨此云無上三藐此云正三菩提。此云等覺。即無上佛道也。餘善道法者謂根力覺道禪定三昧乃至聲聞緣覺人天道法。故彼戒本云由不放逸。必當證得如來應正等覺。何況所餘覺品善法。各聞強健時者。謂今各各得聞誦此戒法。當越此身心強健之時。努力勤修衆善。如何是反徵之詞。謂既已得聞戒法。如何不求進修。道業豈可安然直待年殘衰老。修進不能死日逼近。更欲求何等樂。故云欲何樂乎。

是日已過。命亦隨滅。如少水魚。斯有何樂。

上二句直示下二句設喻。此頌出出經時南海卒涌驚濤漫漶。有三大魚流入淺灘。經共相謂言我等厄此及漫水未減。宜可逆上還歸大海。復礙小舟不得。越過第一魚。盡力跳舟得渡。次魚復憑草。

獲過第三魚氣力消渴水亦漸涸不知死至尙自
優游佛因說頌以警世人是日卽今日分限既定
寧容希增今過一日卽是減少後之壽命一日故
云隨滅日既如是年月可知奚可待老坐喪天年
哉魚既水少加以風吹日暴癡魚無知游洋自若
老死將至地水火風四大侵陵日夜交逼甚於少
水之魚故云斯有何樂若能發勇猛心不著二邊
依於中道事理無礙圓修證願契無生超二死
迴復本真源如魚盡力跳舟得過如或根器不能
卽當依教修行證真空理歷諸階位出生死流如
魚憑舟頭尾草邊得過設若懈怠不求昇進苟貪
人天之少欲樂不覺無常將至誠如少水癡魚也
○三作前方便

僧集不
凡作羯磨布薩一切法事前皆須求此六方便法
方得成就故同一界內僧並須身心共集一處爲
防別衆破僧方便故今先問若衆應答云已集
和合不

同一法事和集一處必須心口無諍不來者與欲
上雖云集猶防開諍因緣有妨法事故今次問若
和合應答云和合
僧集和合何所作爲

謂僧今既和集所爲何等法事法事非一然皆委
僧量宜故須對衆問其所作今作布薩應答云

說戒布薩

若非布薩時當據事稱之或有於集僧後復加單
白羯磨已方喚沙彌菩薩入寧知菩薩大戒廣收
一切人非人等不局於僧故今不云說戒羯磨而
云說戒布薩卽受菩薩戒時亦無羯磨惟對佛菩
薩像前三白卽是羯磨若比丘僧作諸羯磨法事
應在餘時或菩薩比丘布薩後揀去未受具者方
可作羯磨也

此中未受菩薩戒及不清淨者出不

此揀二種人一未受心地大戒二曾受已犯犯有
二種一犯十重未會得見好相二犯輕垢未曾對
首懺悔俱不聽共作布薩卽當遣出衆外離見聞

處若無者。應答云。此中無未受菩薩戒及不清淨。

不來。囑授菩薩。有幾人說欲及清淨。

若無應答言。此中無說欲及清淨者。若有應如下如法說不來者。謂不至會集處也。囑授者。衆僧凡作一切法事。必須身心俱集。方成和合。設有自佛法僧事。或病事。或瞋病等緣。乃開心集。聽傳心口。應僧所作之事。方得彼此俱辦。不妨法事。復無別衆之過也。說欲者。謂說意樂。僧所作如法僧事。我心樂欲。隨喜同作。但爲某緣。事不能赴。集即應囑授一人。傳自心口。至僧中說也。可對受囑人作如是言。大德。一心念我菩薩戒比丘某甲。如法僧事與欲清淨。若病重不能說。應身手現相。其受囑人持欲至僧中。即具威儀答言。大德。僧聽菩薩戒比丘某甲。我受彼欲清淨。彼如法僧事與欲清淨。若非布薩時。僧作諸羯磨法事。即除清淨二字。今亦不得單與清淨。以布薩時。僧或作諸法事。故須欲及清淨。俱與由自無罪清淨。方許布薩也。

○四攝戒序

諸佛子等。合掌至心。聽我今欲說諸佛大戒序。衆集默然。聽自知有罪。當悔懺悔。懺悔即安樂。不懺悔。罪益深。無罪者默然。默然故。當知衆清淨。諸大德。優婆塞。優婆夷等。諦聽。

聽有二事。一合掌恭敬。誠聽。二無罪清淨。許聽。諸佛子等。是指現前聽戒四衆佛子也。諸佛大戒序者。此心地戒。是三世諸佛同說。超出二乘之上。故名大戒也。序者緒也。是十重四十八輕一經之由緒也。衆集有二。一身根和集。一處。三心默然靜聽。懺悔即安樂者。自知有犯。當於未布薩前。如法說懺悔。過方許聽。戒由懺悔。則現前身心清淨。故得安樂。後世不墮三途。至得涅槃。大樂若不說。露懺悔。覆藏一夜。即得一輕垢罪。故云罪益深也。優婆塞。此云近事男。優婆夷。此云近事女。是受五戒者。若未受五戒。不得與授菩薩戒。若誦戒時。須朗誦字字分明。不緩不急。不應長聲唱咏也。

佛滅度後。於末法中。應當尊敬。波羅提木叉。波羅提

木叉者。即是此戒持比戒時。如闇遇明。如貧人得寶。如病者得瘥。如囚繫出獄。如遠行者得歸。當知此即是衆等大師。若佛住世無異此也。

獨令末法當尊戒爲師也。佛法有正像末三時。如來滅度後。初一千年名爲正法。人有真教便能修行。即能證果。第二千年名爲像法。像似也。謂有教有行。似正法。時人有真教便能修行。而多不能證果也。正像既往。今當末法。人雖真教而多不能修行。縱能修行而不能證果。舊本云像法佛滅度已將三千年。今非彼時。故改之。波羅提木叉。此云保解脫。謂保任行人得解脫。生死而證常樂我淨也。餘如疏釋。此戒是大法。炬能破衆生煩惱之幽宅。故如闇遇明。此戒具足無量功德法。財與菩薩作福。慧資糧。故如貧人得寶。此戒能療衆生三毒惡業罪報。故如病者得瘥。此戒具諸解脫妙用。能除衆生三界牢繫繫縛之苦。故如囚繫出獄。此戒能休息衆生長劫流轉而入涅槃大城。故如遠行者得歸。此五喻是讚戒功能也。大師即釋迦如來。

來臨般涅槃時。阿難白佛言。如來在世。以佛爲師。如來滅度。以何爲師。佛言。當依波羅提木叉爲師。故云當知此戒。即是衆等大師。今能尊戒修行。即佛在世無有異也。義疏云。菩薩戒者。運善之初章。却惡之前陣。直道而歸。生源可盡。聲聞小行。尙自珍敬。木叉大士。兼懷寧不精持戒品。內外二途。咸皆敬奉。王臣衆庶。委質虔恭。斯乃超極果之勝因。結道場之妙業。故當尊敬如佛無異也。

佈心難生。善心難發。故經云。勿輕小罪。以爲無殃。水滴雖微。漸盈大器。剎那造罪。殃墮無間。一失人身。萬劫不復。

上偈出法句經。以得識因果無爽也。佈罪之心。難生樂善之心。難發。水滴喻罪小。不可輕積。小成多。充滿身心。如盈大器。故菩薩護持禁戒。輕罪重罪。敬重堅固等無差。別梵語利那。此云一念。乃時之極速也。如壯士一彈指頃。有六十五刹那。一刹那中有九百生滅。謂造罪之極速。殃報之長遠。墮落無間地獄。長劫受苦。從地獄出。復墮餓鬼畜生流。

轉三界旋環六道千生萬死不得人身故云萬劫不復

壯色不停猶如奔馬人命無常過於山水今日雖存明亦難保

少壯之色力日衰一日刹那刹那不停故如白駒之過隙驟馬之奔移也無常者遷流不住之義人命念念遷移迅速過於山之瀑流既是無常則呼吸難測又明日寧能保哉

衆等各各一心勤求精進慎勿懈怠懶惰睡眠縱意夜即攝心存念三寶莫以空過徒設疲勞後代深悔衆等各各一心謹依此戒如法修行應當學

先各各一心是誠令精進無虛度光陰日則讀誦經律初夜後夜則攝心坐禪中夜欲息不可縱意睡眠生多過失惟當存心繫念三寶名號令罪滅願生離諸過失也徒者空也日則六情外奔涉諸塵境日勞夜來身心困倦日疲如此疲勞不但空施無益而且三業之罪日積必當墮落三途追悔無及故云後代深悔也後各各一心是誠令謹慎

身心依此正戒修行勤力習學如說如持不雜餘念故云一心

○五詰問

諸大德今白月十五日作布薩說菩薩戒衆當一心善聽有罪者發露無罪者默然默然故當知諸大德清淨堪說菩薩戒已說菩薩戒序竟今問諸大德是中清淨不

問三

若犯輕垢先不憶罪今三問方憶即當向衆發露懺悔清淨已方堪聞戒若知而默然復犯故妄語罪故三問時正當以鏡自照或時對衆懺悔恐致闍亂布薩即當向此座發露所犯或應心念須布薩竟當如法懺悔如是者乃得聞戒若憶犯十重即當起座出於衆外待衆布薩竟須向知法者盡情發露悲泣流淚請教滅罪之方也默然故者是表清淨故也

問此上有種種懺成功能今何不發露懺悔恐延遲過時故不發

諸大德是中清淨默然故是事如是持是事如是持者持是了達不忘之義已三詰問衆

皆清淨由清淨故默然由其默然故此事我今如是了達不忘知衆清淨堪爲說戒經也問舊先誦戒序等次集僧問和後事詰問今何先集僧次誦戒序答舊文倒故義不順故序既是一經之由緒誦序畢即當詰問清淨便說戒經而復集僧乃問何所作爲卽如比丘布薩先誦讀頌次卽集僧集已作白羯磨白竟誦序序竟詰問問已便說戒經今以歸命文準彼讀頌策修集僧亦準彼一切有部戒本次第但此無白羯磨爲異惟略示知白黑月日耳

○六正誦戒經

謂誦心地品下從爾時起至共成佛道若有難緣當誦十重四十八輕戒應云十重波羅提木叉今當說至輕垢戒應云四十八輕今當說如是一一誦五十八戒文復恐難緣將逼應略誦十重中五六戒全文餘重及輕但誦每戒名目亦得今諸方最席多是午前衆誦戒經午後布薩略誦戒相名目然大小兩乘俱作布薩或連誦時遍可上午誦

比丘戒下午誦菩薩戒或衆多難集可十四日比丘作布薩十五日菩薩作布薩
既誦戒畢下座謝衆云

某甲敬謝大衆僧差誦戒三業不動戒文生澁坐久延遲令衆生惱望衆慈悲布施歡喜

附半月誦菩薩戒儀式計於

音義

根力覺道 根是五根力是五力覺是七覺意道是八正道詳如餘處釋

二死遷 卽二種生死如疏釋

毗補提 此云廣州

囉怛娜 此云覆

伽耶婆那 此云象林

摩質 此云大

胃地 舊云菩提

質多 此云心

沙門 此云功勞亦云勤行勤行取涅槃故也又云息心瑞應經云息心達本源故號爲沙門阿含經云捨離恩愛出家修道攝御諸根不染外欲慈心一切無所傷害遇樂不欣逢苦不慍能忍如地故號沙門

趨 音池奔走也俗以奔趨之趨爲進趨之趨非也

梵網經直解弁言

言炎炎非寄理空空不頑達人信之餘則大笑爲人生以四大偶聚之身生未釋禍亂不識存亡輪報之因不發心地光明之藏不釋

諸佛菩薩修證之書不逢大善知識登壇開示宗義信者不樂見而笑者接踵固其所也今天下荼苦茂以加矣流寇擾攘中原交刈人命如草菅然揆所元來豈不緣信者之乏人而笑者之弘多乎往見名山大利中高置兜座登演三車伐大樹樹寶幢侍從儀仗獨立左右儼然如古王者禮祇承明訓竦聽伏息此其與功令之畫一將毋同然卒不見浮提之人屠刀釋而見性石額點而傳燈豈有異故則亦解法者之未繩乎法度世者之未還自度也余年來應歷兵戎數經憂患兵燹之慘觸目痛心念此火坑灰劫何緣以甘露樹枝灑之立躋品涼乎會戊寅秋三昧大師廣集大眾說戒長干現智身於華藏嚴勝賢於法婆於時淨居九級放大光明香雲滿空梵音動地都人皈依投隨者以萬數應神先生解諸文人名士賢

疑謔法以百千數而余爰得拜於風下西來大意指示巍巍隨叩洪鐘耳聾却走剛是千華室結四衆雲來卽素有非笑我法威相顧咋舌無敢出聲余以是信師之能以自度者度人慈航寶筏具在是矣告大雄氏爲一切衆生開心地道或頓或漸因不基命於戒定慧今使人人立愛惟親消除殺孽玄夷脫劍黃巾寶刀菩提樹下珠光閃閃無生本來各有安放佛心地黑風鬼國悉是清淨天下安見此五十八戒中固不已合天人眼而並觀齊大小乘而一致歟吾師金葉所駐闡法繁殷以夙所釋梵網經前閱推詳宣揚妙義字編句比不率披葉顧曰直解爲信之者廣長舌也若夫金剛寶藏性地圓明妙戒法門修證源本亦無所庸解矣

崇禎庚辰春王溪旦之吉 河間范景文敬撰

進大寶華山三代律師著述奏章

大寶華山慧唐寺臣僧福聚謹

奏爲恭懇

天恩收錄末學事臣僧山野愚仰承

皇上宣揚律宗誠予裁奪遇之奇緣使歷代佛祖

增輝億萬流傳德山是臣僧念本山第一

代臣僧寂光著有梵網直解四卷二代臣僧

滿體著有毗尼止持十六卷毗尼作持十五

卷三壇正範四卷三代臣僧懋基著有毗尼

關要十六卷誠乃戒律之樁樞可爲茲藝之

綱領今蒙

聖恩重修大藏敕將三代著述上懇

天慈收錄末學編入大藏續如來之慧命作後學

之津梁臣僧福聚躬聞

殊恩不勝感格之至謹

奏

雍正十二年五月初二日

上命莊親王同超等將此書校閱明白編

入大藏

本月十七日

上開莊親王止持五部等書入藏之事

莊親王覆

奏臣同超等自壇商議華山三代所著戒律堪

爲入藏但此內或有刪去者酌量刪去明白

奏請入藏於本日奉

上諭若有刪改者著令福聚帶往回南嗣改明白

送到之日請旨入藏欽此

乾隆元年十二月十八日啓

和碩莊親王

和碩和親王

寶華山住持僧福聚謹

啓爲恭懇

慈恩轉達

天慈事福聚山野愚恭逢

聖世宣暢律宗重修大藏於雍正十二年五月初

二日在京請將華山律宗五部收錄入藏欽

奉

世宗憲皇帝俞旨將此書著令福聚帶回南去刪改

明白俟送到之日請旨入藏欽此欽遵福聚還山

焚香恭禱佛前敬述

聖恩詳閱梵網直解四卷毗尼止持十六卷毗尼作

持十五卷毗尼關要十六卷威屬戒行之楷

模僧人之律典解釋詳明毋庸增註條分縷

細無可減刪福聚愚昧實不能增損一字惟

三壇正範四卷乃闡揚作持部內未盡精微

存之雖似涉冗繁刪之則作持部內又少發

明恐後學難於領會福聚回南之時曾將此

書留存一分於藏經館今應否將三壇正範

四卷刪除抑或並存伏候

欽定福聚恭逢

天降佛緣廣敷善願率土俯歸戒律敬懇

慈恩轉呈

天聽一併編入大藏永垂萬世伏乞

王爺恩賜轉

奏達

啓

總理藏經館事務臣允祿弘查謹

奏爲請

旨事據寶華山僧人福聚稟稱雍正十二年五月

初二日在京請將華山律宗五部收錄入藏

欽奉

世宗憲皇帝俞旨將此書著令福聚帶回南去刪改

明白俟送到之日請旨入藏欽此欽遵福聚還山

詳閱梵網直解四卷毗尼止持十六卷毗尼

作持十五卷毗尼關要十六卷威屬戒行之

楷模僧人之律典解釋詳明毋庸刪減但三

壇正範四卷乃闡揚作持部內未盡之意今

應否刪除抑或一併編入大藏等語臣等令

僧人超盛等詳加查看得三壇正範四卷其

受戒儀軌與作持部內實屬重複等語查三

壇正範既與作持部內重複應行刪去謹將

華山律部五種一併恭呈

御覽伏候

欽定爲此謹

奏請

旨

乾隆二年正月二十六日交奏事太監王常

賈等

奏於本月二十八日奉

旨照所奏入藏欽此

於乾隆三年十二月十五日大藏工竣

乾隆四年六月二十六日欽奉

聖旨頒發藏經於乾隆五年五月初七日江甯織

造臣韓四格專誠齎送

龍藏一部計七千二百四十五卷到寺臣僧福聚

欽遵供奉望

關謝恩今將臣僧所進本山三代律祖著述七函

欽依

頒奉卷次敬謹編刊方策板存登華律社用廣流

通以此

功德恭爲

今上皇帝祝延

聖壽無疆仰願

皇圖鞏固

帝道遐昌

聖日與佛日長明

法輪同法輪齊轉

乾隆五年八月十三日司律寶華第七世

欽命傳戒

賜紫沙門慧居寺住持臣僧福聚恭紀

欽定龍藏梵網直解卷帙字號標目

勞字號一之十

卷一

上之一

弁言至故云下共

卷二

三華光請釋至更廣說之

卷三

二明十行義至

上之二

故云深深心解脫也

卷四

四達心位至二文所說

卷五

四體性爾猒地至無二相矣

卷六

下之一

二明心地戒至詞旨切矣

卷七

三正結戒品至可不慎歟

卷八

二說輕戒相至亦復如是

卷九

下之二

第二十一瞋打報仇戒至尙爲略也

卷十

第四十揀擇授戒戒至後跋

佛說梵網經直解上卷之一

姚秦三藏法師 鳩摩羅什奉 詔譯

明廣陵傳戒後學沙門 寂光 直解

菩薩心地品之上

○直解大意五 初釋經題目 二釋譯人名

三釋經品題 四明分科義 五正解經文

○初釋經題目

佛說梵網經此一經之題也得此數字標題即知如來出世說法之本懷洞明全經之大旨矣直解經題有總有別總謂佛指說梵天宮中嚴飾身殿之網羅幢以喻心地法門之戒經則釋有五明能說佛二明所說義三合明佛說四指喻表法五結歸其名一明能說佛者梵語佛陀華言覺者謂覺身心大幻究竟諸法性相故覺有三義一曰覺異凡夫二覺他異二乘三覺滿異菩薩云何自覺異凡夫以凡夫墮煩惱網我見爲綱爲因六根攪諸塵背梵行趣五欲縱三毒輪六道等衆目齊彰不能自覺惟如來從凡夫發心本佛性戒悟自性

之真空了惡業之虛妄功成妙智通脫根塵故異凡夫云何覺他異二乘以二乘惑無明網空見爲綱則厭生死取涅槃惜三界惡四生惟自寂遠大心等衆目齊彰不能覺他惟如來離色數量證平等智得法性空運無緣慈入魔佛界廣化衆生離苦得樂故異二乘云何覺滿異菩薩以菩薩留識情網愛見爲綱則起大悲度衆生歷五位修萬行破無明分證理等衆目齊彰覺未能圓惟如來心色俱離根本智顯五住盡二死亡三覺圓萬德備在天爲天中天在聖爲聖中聖故異菩薩號曰究竟覺了之佛如來具足十號今舉一號則十號齊彰此佛即娑婆世界說法之教主也二明所說義者說者悅也有自他之別謂佛所說法生佛平等時以四辯應機而說暢悅所懷謂之自悅衆生聞者頓明佛性得受佛戒即入佛位心悅所聞謂之他悅故曰說者悅也三合明佛說者通論說法有五種人謂佛菩薩天仙化人皆能說法言佛說者以心地戒法乃覺皇金口親宣非餘者能說故又

法報化佛皆能說法。此經屬何佛說。按義推之。乃依法身根本智起後得智現報身為說法。王報身化下釋迦。千百億釋迦為聽眾。舍那復救千釋迦。千百億釋迦於諸世界為說法。主人天凡夫等為聽眾。其本佛迹佛隨地隨時隨機所說傳無異詞。唯一梵網法門五十八戒百千法門皆此梵網之眾目。是知三身應機有異其體本同。此梵網經乃三身佛同說也。千臂經亦同此義。四指喻表法者。經云時佛觀諸大梵天王網羅幢。因為說無量世界猶如網孔。一一世界各各不同。別異無量佛教。門亦復如是。梵網喻也。喻無量等法也。言大梵天王宮中之網羅幢名曰陀羅網。唐言天赤珠。此網有千重而有千光。其光各各相攝不相妨礙。緣此天王因中修梵行。果感梵天寄位。因中修眾德。果感梵網莊嚴。時佛於彼天說法。欲標題流布。一觀此網光色重。更有似法門理事互攝之象。故以無量網孔喻無量世界。喻無量眾生。心喻無量佛教。門喻無量菩薩差別階級。喻無量諸佛受用境界。

以此一喻而攝多義。故從喻立題也。經文言世界法門正攝眾生心。若無一切心何用一切法攝而推之。無量大小橫豎網孔。喻無量寬窄仰覆世界。而無量世界緣眾生無量心行所成。佛說無量大小乘教門無數賢聖差別階級。皆隨眾生心垢輕重方便施設。如是四聖六凡皆因緣所生之法。了無實體。緣眾生不了自性。故勞一舍那千釋迦千百億釋迦佛出廣長舌橫說豎說。塵說刹說。熾然說謂之心藏地藏戒藏。無量行願藏。因果佛性常住藏。與寶樹施皆本眾生心不出梵網一喻也。若有宿根大力量人。一聞此說。即求金剛光明寶戒。攝定慧鋒裂諸見。網則當下灼見梵網之珠象。不同而光光互射。世界各別而不壞一真。眾生心異而性本無差。業惑紛綸而各無自相。聖賢科第等差而總一佛乘。我佛教門雖殊而理無二致。如是乃至胎卵濕化。皆本清淨菩提之心。了無妄境。而色法心法常無常法。一切眾生數量等法。與夫空觀假觀中道智理觀行輕重開遮止作持犯無量。

權巧法門。豁然一空。獨露戒光。爲自持用。又何勞釋迦放光。擊接玄通。問果行因。舍那詳答。心地經家。據旨立題。難作最後譯傳。道影融書。布祖祖授受。不絕與今。直解發演。其義雖然。戒光圓顯。至理無言。當知世尊向無。說中說說。而又說而直解。向無解中解解。而又解者。不無歸宿。如佛說二字。乃衆人所具之才。辯梵網二字。乃因人所具之莊嚴。若能回真向俗。始知佛說梵網。以度人。若能回因向果。始知人人持梵網。以成佛。所謂因該果海。果徹因源。如是卽以海墨書文。不盡題意。但撮其要。只欲吾人初從凡夫。持心地戒。中而寄位梵天。此天上鄰四空。下接六凡。菩薩居此天中。上弘下化。積功修因。後成佛果。三身圖現。亦於此天說梵網經也。五結題其名者。世尊所說一大藏時教總名曰修多羅。亦云修妬。路亦云素怛囉華。言契經者。上契諸佛之理。合道而言。下契衆生之機。返根而說。故曰契經。亦云經者。據也。言理發於文。如線貫花。亦若梵網珠像。有異絲線貫絡。以成

譬夫三十心十地十重四十八經戒法。有異緣一佛戒貫攝以成。亦云經者。徑也。如人行正路。直抵中堂。譬夫持光明金剛寶戒。徑成佛道。亦云涌泉。亦云繩墨。此皆隨義立名。扣其繫節。總不出貫攝常法四字。實者。貫串諸法之旨。趣攝者。攝持所化之機。宜常者。古今不變法者。凡聖同軌。上四字所詮之義。下一字能詮之文。能所合目。爲題。故名佛說梵網經。

○二釋譯人名

姚秦三藏法師鳩摩羅什奉詔譯

姚秦者。秦國之主。姓姚名興。標明代氏。揀非苻秦時也。三藏等者。乃譯師之名。德三藏卽經律論經證一心常住不變之理。律規三業體淨無爲之道。論數是非判定邪正之規。法師卽佛法所屬也。謂此大師學解三藏。以法自師。以法師人就德彰名。故曰三藏法師。鳩摩羅者。華言童壽。師童年而有智德。故云童壽。什者。謂善識此方文字知識七佛以來譯經師也。奉詔者。奉秦王之詔命而翻譯此

經故譯者易也。易梵國之語。成華夏之言。華梵並舉。合目爲題。故云鳩摩羅什奉詔譯。

○三釋經品題

菩薩心地品之上

此一經之品題。菩薩二字。半梵語。具云菩薩薩埵。華言覺有情。西域好廣此方音略。惟存菩薩義。含提薩乃上弘下化之人也。心地二字。總有二義。一當本經而言。心卽三十心。地卽十地。二指法而言。卽是衆生本元心地。謂此心地能攝世出世間法。故世間法卽六凡。謂諸天世人。修羅地獄餓鬼畜生出世法。卽四聖。謂聲聞緣覺菩薩諸佛。凡聖雖殊。而此心地原無差別。但以迷悟淺深。有凡聖次第大小之殊。如迷此心地。造五逆十惡等。因故有地獄如餓食嫉妒等。因故有餓鬼若亂倫理欺罔騙害等。因故有畜生如受三級五戒等。因故有人道如瞋心作福剛強卒惡等。因故感修羅道。精修十善習學禪定。故生天道。聞四諦聲悟入故名聲聞。作緣滅觀了緣生空。故名緣覺。智慧觀行自利。

慈悲喜捨利生故名菩薩。歷三祇圓萬行空五住破二死故名如來。如是四聖六凡之十法界皆本心。地中迷悟差別。若能一念不起頓契無生。則凡聖迷悟當下銷殞。故菩薩悟此心地。現自受用而。又以此心地教一切衆生。現他受用。盡此心地乃一切衆生分上日用尋常六根門頭自受用境界。無無明封蔽不自覺知。諸佛所證證此菩薩所修。修此衆生所迷亦迷。此如來慈念與慈悲運悲往來三界八千餘返。祇爲發明一切衆生本有心地。唯欲衆生依此心地。裏受金剛光明寶戒爲本修。因故下卷云一切佛本源一切菩薩本源佛性種子。一切衆生皆有佛性。一切意識色心是情是心皆入佛性戒中。當當常有因故當當常住法身。所以說衆生受佛戒卽入諸佛位。佛戒者卽衆生心地光明金剛寶戒也。世尊初從妙光堂終至首羅宮十處說法次第敷演結歸究竟心藏地藏戒藏無量行願藏因果佛性常住藏總而言之名曰心地法門。故命品題曰心地品者。類也。衆類相從之。

義此經大部一百一十二卷六十一品此當第十
菩薩心地品此一品之文分爲二卷上明菩薩理
智觀行修證階級卽三十心十地也下明菩薩心
地戒法輕重開遮止作持犯卽五十八戒也卷有
上下之分此卷居上故曰品之上

○四明分科義

凡經皆有序正流通三分序分者序一經之來源
彰說法之緣致正宗者明一經之宗旨逗衆生之
機宜流通者繼遐芳於萬古俾化導之不絕也序
分有通有別通謂諸經通用以諸經之首皆有如
是我聞一時佛住某處與某大衆俱一切經初同
有此序故名通序別謂當經發起以諸經緣致各
有緣起不同故名別序此經心地品既在大部六
十一品中當第十品唯屬正宗通序居首品流通
屬末品故無如是我聞等句若唯約本品首尾文
義之中而分序正流通者一序分從爾時釋迦牟
尼佛在第四禪地中起至問此光爲何等相止
二正宗分從是時釋迦卽肇接此世界衆起至下

卷四十八經止三流通分從諸佛子聽十重四十
八輕戒起至於卷終此一經大科之義也

○五正解經文三初明序起分 二明正宗分

三流通分

○初明序起分四初化佛說法 二放光現瑞

三觀光生疑 四立主集問

○初化佛說法

爾時釋迦牟尼佛在第四禪地中摩醯首羅天王宮
與無量大梵天王不可說不可說菩薩衆說蓮華臺
藏世界盧舍那佛所說心地法門品

此敘說心地法門品之由致也爾時者卽無量天
人菩薩大衆集會之時釋迦牟尼佛者標能化之
主梵語釋迦牟尼義翻能仁寂默釋迦譜淨梵王
云我子釋迦以能仁表姓德寂默顯理致又能仁
不住涅槃寂默不住生死又名能忍仁者忍也以
聞善不卽喜聞惡不卽怒能含忍於善惡故又於
無生寂滅忍可忍證故云忍也又名能儒更有多
義文繁不錄雖有多義總之隨行隨德以彰名也

在第四禪地中者。標所住之處。以顯法最勝也。在者住也。謂以如法安住而住。所謂應如是住也。第者次第。謂三界共九地。欲界爲一地。名五趣雜居地。色界有四地。初禪名離生喜樂地。二禪名定生喜樂地。三禪名離喜妙樂地。四禪名捨念清淨地。無色界有四地。一空無邊處地。二識無邊處地。三無所有處地。四非想處地。此當色界第四禪。捨念清淨地中。乃摩離首經天王所住之處。亦名有頂天。又名色究竟天。法雲地菩薩多寄住於此處。說法摩離首經華云。大自在。又云威靈。或云三目。此天爲三界尊極之至。輔行記云。色界天王三目。八臂。騎白牛。執白拂。有大威力。居菩薩住處。能知三界雨滴之數。統攝大千世界。於色界中。此天獨尊。卽統諸大梵天王之主也。佛欲顯此心地道戒甚深秘密清淨大法。獨尊無上。故在此大梵天王宮中內庭而說也。與無量等者。標聽法之衆。顯佛威德也。與無量。大梵天王者。以一四天下有十八梵天。百億日月等有百億大梵天王。故曰無量大。

梵天王也不可說不可說菩薩衆者。言法會聽衆非是算數所知。以表此法惟大根人堪當與說。故說蓮華臺藏世界者。指受法之處。盧舍那佛所說者。明授法之人。說法有宗傳其本也。梵語盧舍那。此云淨滿諸惡淨盡衆德悉滿。此卽圓滿報身佛。下卷廣明其義。心地法門品者。心地品解見上文。法者軌持之義。門者通達之義。謂依法修行直至佛地。所謂十方婆伽梵一路涅槃門。又圓覺云。有大陀羅尼門等。故下卷云。汝諸佛子。轉我所說。與一切衆生開心地道。次第說我上心地法門品。受持讀誦一心而行。又千釋迦千百億釋迦受持而去。各各放光。光中化佛獻華供佛。又從定而入復從定而出。或次第說。或頓顯說。蓋謂得此門者。若隱若顯。若出若沒。隨心開合。權實自在。故云法門。

○二放光現瑞

是時釋迦身放慧光。所照從此天王宮乃至蓮華臺藏世界。

此敘發起之緣也。如法華欲說諸佛一乘實相故。世尊先從眉間放一道白毫相光。光中顯現法界事相。生佛始終發起之緣。此經欲說心地希有妙法。世尊必現希有瑞應。故先身放慧光。為開發之緣也。此光全身顯露。是本有。如智慧果德光明。緣戒定力而生。然此智光。非諸佛獨有。一切眾生皆具。但以無明執著。不能證得。故世尊以種種方便。放種種光明。說種種戒法。無非發明人人本有心地。戒光若能會得此光。非從外來者。即獲自已無明窟中。戒定慧光。與三世諸佛等無差別矣。從此天王宮乃至蓮華臺。藏世界者。示慧光所照之處。顯情與無情。無非一光所攝盡也。

○三觀光生疑

其中一切世界。一切眾生。各各相親。歡喜快樂。而未能知此光。光何因何緣。皆生疑念。無量天人亦生疑念。

此正敘明發問之端也。其中一切等者。總舉依正二報。即指天宮華藏之兩間中。凡係佛光所照一

切世界所有。一切眾生。莫不各各相親。其光歡喜快樂也。類數無量。故名一切衆法相生。故名衆生。此光昔無於此。忽觀故各各相親。既觀其光。必獲德益。故曰歡喜快樂。而未能知此光等者。寶光雖親。摩相未空。肉眼凡夫。徒彼其照。故未能知此光。因緣豈惟博地衆生。皆生疑念。即有身光之無量天人心。慧昏蒙於佛身光。莫知所出。亦生疑念也。上敘人天不達佛光。因緣之所以竟。

○四立主集問二初起定放光 二衆集發問

○初起定放光

爾時衆中。立通華光主菩薩。從大莊嚴華光明三昧起。以佛神力。放金剛白雲色光。光照一切世界。

爾時者。即人天生疑作念之時。衆中等者。此舉衆明當機也。衆有四。一當機衆。二發起衆。三影響衆。四結緣衆。此菩薩是華藏海會。不可說不可說四衆之中。當機首領大菩薩衆也。佛放此光。甚深微妙難解。難知非具大智慧者。不能曉了。惟此菩薩具大行。智慧明妙。通達此光之道。能爲衆中作

唱導之主以德彰名故云玄通華光主菩薩從大莊嚴華光三昧起者此明因依果起義大即體大莊嚴即相大華光明即用大乃法報化三身之圓果也又莊嚴表果華光明表因謂因果齊彰主伴重重義莊嚴法身果海有三一六度萬行二一切智慧三第一義諦其中華乃行華即福德莊嚴光明乃智慧即智慧莊嚴三昧乃正定亦名正受即第一義諦莊嚴此三完備故名大莊嚴此菩薩住是定中即從是定而起又大莊嚴三昧即大定之別名如來妙定有百千萬億恒河沙等三昧總之無量三昧皆從此一三昧流出而一切法身大士咸住此三昧法性土中應緣即現故云從大莊嚴華光明三昧起也等意請問大法必仗如來神力加被放光召聚方能發起智問是故以佛神力放金剛白雲色光者正顯心地光明金剛寶戒照用之義言此戒光能破性障故曰金剛淨智如幻故曰白雲色又菩薩在因惟素法身故曰白雲色也光照一切世界者顯此光照處周徧圓融而無障

礙又顯聖凡依正總是一光所攝蓋釋迦如來身放慧光即舉果以明因今華光主菩薩全身所放白雲色光即因中境界舉因以該果所謂因該果海果徹因源也此菩薩正欲令諸衆生知因識果冀果修因必以本光明金剛寶戒為因地心方證本法身智身功德身之慧果也向下釋迦請問舍那酬答正顯即果即因即因即果因果不二之義

○二衆集發問

是中一切菩薩皆來集會與同心異口問此光光為何等相

此敘問果明因義也是中等者謂因玄主放光光照十方世界是十方世界中一切諸大菩薩以此光明皆來集會不約而同法華云尋光共推之亦此義也與同心者因光懷動同示一疑而問故異口者人各有身口隨身異故問此光光為何等相者即問釋迦如來全身所放慧光之相比此光即果中境界前衆生未發菩薩心祇疑因緣故曰為何緣此諸菩薩是因中人只問果中之事故曰

光爲何等相何因何緣卽下釋迦請問舍那云一切衆生爲何因緣得成等覺十地道等文之案光爲何等相卽下請問當成佛果爲何等相之案此序分竟

○二明正宗分一初明心地道 二明心地戒

○初明心地道四初化佛代請 二舍那酬答

三華光講釋 四舍那闡釋

○初化佛代請二初攝生還本 二正請決疑

○初攝生還本

是時釋迦卽擊接此世界大衆還至蓮華臺藏世界百萬億紫金剛光明宮中見盧舍那佛坐百萬億蓮華赫赫光明座上

此敘攝用歸體生佛無差之義是時者卽此人天大衆諸菩薩請問之時釋迦是龍化之迹佛卽擊接此世界大衆者乃所化之生也在上曰擊在下曰接卽擊接此光光所照一切世界中生疑集會有根性之大衆也言還至者謂此釋迦與諸菩薩一切衆生元從華藏世界舍那本迹心地戒中一

光流出今復還歸本體故蓮華臺等者卽舍那本迹之處蓮華臺藏世界詳在後文億有四億百億千億萬億萬億此乃四億中百萬億也紫金剛光明表菩提智境宮中表涅槃理境謂理因智明智緣理發以理冥智以智契理理智圓融法報無礙報化圓融迹本不二故見盧舍那佛者釋迦旋歸本界觀面相親親見本師法身智身境界回光返照卽本來面目自己舍那不從外得坐百萬億蓮華赫赫光明座上者卽舍那所坐之座此座以蓮華者蓮之開敷表權實雙彰義在後詳釋赫赫光明者赫赫卽光破熾勝之貌光明乃智慧照用之相謂智能破惑表如來於因地中以智慧破煩惱障新障盡淨智理全彰故感果中報德住此蓮華赫赫光明之座自安安人也俱名百萬億者卽千釋迦千百億釋迦光明蓮華圍繞舍那宮座故云百萬億赫赫蓮華光明之座此明三身圓會之相華嚴廣明百萬億相

○二正請決疑

時釋迦及諸大眾一時禮敬盧舍那佛足下。已釋迦佛言。此世界中地及虚空一切衆生。爲何因緣得成菩薩十地道。當成佛果爲何等相。如佛性本源品中廣問一切菩薩種子。

此釋報化假設問答以顯說法之本旨也。時釋迦至釋迦佛。言數句敘諸法之儀則表三業虔誠也。體佛足身業之誠。釋迦佛言口業之誠。身口并致意業之誠。諸佛請法。尙具此儀。餘請法者自當尊重也。此世界中者。即娑婆世界中也。地及虚空者。地即人間。虚空即天上一切衆生。即釋迦如來肇接人間。天上一切世界中。視光生疑。根熟衆生也。爲何因緣得成菩薩十地道者。因緣即因行道。即佛果意謂一切衆生發菩提心。返妄歸真。欲修佛道。畢竟以何因行。乃至佛果。此第一問。即前天人疑。何因何緣之意。當成佛果爲何等相者。意謂當成佛果之時。畢竟何等境界。是第二問。即上華光主放光集衆。同心異口問此光光爲何等相之意。請問因緣并何等相。向下舍那一。一領答詳明此。

是略問在大部內如佛性本源品中廣問一切菩薩種子。佛性即菩提心。乃本覺義。言此覺體曾未還敗在衆生分中。名曰佛性。在非衆生分中。名曰法性。今舉在因。故名佛性菩薩種子。即因地心也。此化佛代問文竟。

○二舍那酬答二初總答心地 二廣答釋名

三結答問義

○初總答心地 四初顯示定相 二誠聽思修

三陳自因行 四舉自果相

○初顯示定相

爾時盧舍那佛即大歡喜。現虚空光體性本源成佛常住法身三昧。示諸大眾。

前釋迦身放慧光爲發問之端。是果中明。因次玄主身放白雲色光。集衆興疑。是因中明。果今舍那答釋心地之道。不在別處。就是我與釋迦菩薩衆生。若凡若聖。若因果總是一道光。明無二無別。故將自己一段受用境界。滿盤托出。示與諸人面前。要令人人直下承當。返本還源。識得自己本有。

光明金剛寶戒菩提涅槃真如佛性圓滿具足無欠無餘故將定光示諸大眾也爾時者即釋迦請問時也即大歡喜者謂宣說此心地法門能令一切衆生永離諸苦得究竟樂正是世尊本懷故大歡喜現虚空光體性者光即本體智光言智體即法身法身本無形相本無來往本無遷改猶若虚空無動無搖萬象森羅於中顯現以智性即色故能現於色然以華光任運若隱若顯不離法身故曰虚空光體性也本源成佛常住法身三昧者如木之有本水之有源一切諸佛一切菩薩修因證果無不依此本源智定爲因地心成佛常住法身道果以顯三身顯現一光也示諸大眾者即以此本定光示諸衆生使悟入也

○二誠聽思修

是諸佛子諦聽善思修行

此舍那如來詔告當機法會大眾誠聽勉進思修意也是諸佛子者佛爲慈父紹佛曰子諦聽等者即聞思修三慧諸者審也聽者領也謂諸大眾佛

子若不審諦誠信而聽則所聞之法心不相應心法既不相應心慧妙行何緣發起故受殊大士於楞嚴會上獨選耳根圓通爲妙耳門所謂此方眞教體清淨在音聞欲取三摩提實以聞中入故先誠聽也善思修行者謂善能體會所聞之法如聽而思如思而修也若不如聽而思聽則無益不如思而修思亦徒勞所謂如人數他寶自無半錢分於法不修行多聞亦如是故復誠思修也必須如是諦聽如是善思如是妙修方契如如實相心地法門光明金剛寶戒

○三陳自因行

我已百阿僧祇劫修行心地以之爲因初捨凡夫成等正覺

此緣化佛初問一切衆生爲何因緣得成菩薩十地道故報身佛述已過去所修所證爲答也阿僧祇華言無數梵語劫波此云分別時節又云時分我已百阿僧祇劫即佛已修因證果之時分長遠也修行是心地即下文所明三十心十地也以之

爲因者。正謂欲得道果。無有別法。卽以此本心地。法門而爲因也。前問中雙謂爲何。因緣答中不言緣者。乃因中具。有緣義。故其義有三。一本有光明。金剛寶戒。乃正因。心二依教法起觀修行心地法門。是緣。因心三無明淨盡。眞如理顯。究竟無上菩提。歸無所得。卽了因。心初捨凡夫。卽始覺破滅相。無明百阿僧祇劫修行三十心。卽漸次覺破異相。無明修行十地。卽隨分覺破住相。無明成等正覺。卽究竟覺破生相。無明我佛時歷百僧祇。方得五住究竟。豈今妄誕之人。一朝一夕。微因微緣。小功小行。一知半解。無明煩惱。瞋我慢一毫未除。而言頓超佛道者。也。瓔珞經云。一切諸佛。不經三大阿僧祇劫。得成無上正覺。無有是處。仁王般若亦同此義。先悟毗盧性海。後行普賢行門。卽哉。手。

○四舉自果相。二初總明果相。二別明果相。

○初總明果相。

號爲盧舍那住蓮華臺藏世界海。

此緣第二當成佛果爲何等相之間。故以已利捨。

凡夫時修習心地。乃至成等正覺。以如是等。因如是等緣。如是等果。而成如是等相。以答之也。言號爲者。因中自有師佛記。其名因行未滿。只名菩薩。覺行既圓。成等正覺。故號爲盧舍那佛。也。住蓮華臺藏世界海者。華藏世界。大香水海中。有一華臺世界。如蓮華形。故名蓮華。臺藏世界。海華嚴經云。有二十重華藏世界海。皆在無邊妙華大香水海中。此世界種。乃是毗盧遮那如來。往昔於此界中。微塵數劫修習行。親近微塵數諸佛時所嚴淨。今感果住此也。而此娑婆世界。正當華嚴第十三重有十二佛刹微塵數世界。圍繞華嚴云。卽是毗盧遮那如來出現之處。此經所云盧舍那佛。住蓮華臺藏世界海。二經何別。答。毗盧遮那法身也。盧舍那報身也。法身托報身。因法成若非法身。無以有報身。非報身。無以顯法身。乃知法報不分。二身圓現。不卽不離。非一非異。二經不別。是故盧舍那佛。住蓮華臺藏世界海。卽毗盧遮那佛。住蓮華藏莊嚴世界海也。海有十德。總而言之。

淵深廣大包含萬物無德不備無相不現流出一切融攝一切卽千釋迦千百億釋迦依報正報無不從此華藏世界盧舍那佛心海中流出此上二節總答因果二問問何等因卽最初悟此心地光明金剛寶戒爲因問何等緣卽依法修行三十心十地爲緣問何等果卽成等正覺爲果問何等相卽依正莊嚴二報爲果相也

○三別明果相二初從體起用 二攝用歸體

○初從體起用

其臺周徧有千葉一葉一世界爲千世界我化爲千釋迦徧千世界後就一葉世界復有百億須彌山百億日月百億四天下百億南閼浮提百億菩薩釋迦坐百億菩提樹下各說汝所問菩提薩埵心地其餘九百九十九釋迦各各現千百億釋迦亦復如是

上總示果相明依正之體此別示果相明依正之用也其臺卽大香水海中之一大蓮華華中有一蓮臺臺上有一佛卽舍那本佛乃正報身佛也臺卽舍那所居華臺乃本迹佛身依報國土也其

本華臺周徧有千葉圍繞而每一葉爲一世界故成千世界此顯本迹依報又現爲迹佛依報之世界也我化爲千釋迦等者我卽舍那自解揀非盡小凡外之我此顯本迹佛身又化迹佛之身現爲迹依界中教主此一一界中佛皆舍那化身故曰我化爲千釋迦徧千世界後就一下顯迹依土又化爲迹迹佛身依報國土也言後就一葉等者卽千葉中拈最後一葉而例言之此一迹華又現爲百億之華每一一華爲一一世界故有百億世界每一一世界中有一一須彌山故有百億須彌山梵語須彌此云妙高以衆寶所成出過諸山故每一一須彌山有一一月月繞須彌山故有百億日月每一一月一日一夜遊四天下故有百億四天下每一一四天下有一一南閼浮提故有百億南閼浮提梵語閼浮此云勝金以樹流金汁河出金沙故百億菩薩釋迦者此又顯迹佛之身而又現迹迹佛身卽千釋迦一一化現百億釋迦爲當機故云百億菩薩釋迦坐百億等此總結顯如來

婆心示現受生出家成道轉法輪度衆生義一一釋迦皆示現八相成道二始同時皆不離菩提樹而昇四王初利乃至梵天皆說舍那所傳心地法門皆放身光鼓動人天故曰坐百億菩提樹下各說汝所問菩提薩埵心地也其餘九百等者上結千華中一華示現千佛中一佛示現其餘九百九十九釋迦又作云何其一華一佛既如是示現則餘九百九十九釋迦依正亦皆各各示現乃至請問心地法門亦復如是無二無別

○二攝用歸體

千華上佛是吾化身千百億釋迦是千釋迦化身吾以爲本源名爲盧舍那佛

此舍那知凡小不能通達卽體之用而謂實有本迹應迹之分故言千百億釋迦是千釋迦之化身千釋迦是舍那之化身也上其臺等是明從體起用卽卽體之用此明攝用歸體卽卽用之體正明體不離用用不離體體用不二故曰吾以爲本源名爲盧舍那上廣答果柑竟

○二廣答因相二初標陳問詞 二釋心地名
○初標陳問詞

爾時蓮華臺藏座上盧舍那佛廣答告千釋迦千百億釋迦所問心地法品

爾時者當爾發明本迹徧現攝用歸體之時廣答者對上略答而言上只略答我已百劫修行情地又恐法衆不知是何等心地故標陳問詞下詳答之

○二釋心地名四初釋十住名 二釋十行名

三釋十向名 四釋十地名

○初釋十住名

諸佛當知堅信忍中十發趣心向果一捨心二戒心三忍心四進心五定心六慧心七願心八護心九喜心十頂心

此釋十住心名總位也諸佛當知者謂千釋迦千百億釋迦今爲當機故詔告之堅信忍中十發趣心向果者地持經云十住十行名種性住卽種子有發生之義性爲性分乃自分不改之義以初

住位卽中道種成就安住其中無有退失數數增進故名種住。瓔珞經云：「賢十地等妙諸菩薩分爲六位各具性觀應堅忍五法每一法隨六位分爲六種。此十住位於六性中此名習種性。習謂習學研習空觀破見思惑放於六觀中此名住觀。住卽安住謂心會於理名住。觀卽觀照謂觀察諦審一切諸法緣生性空名觀。卽修習空觀之理。漸一切法二義合。故改名住觀於六性中此名聞慧。達耳曰聞。分別曰慧。因明中道之理而生一切無漏智慧能了一切法離二邊相旋轉開悟故堅信忍中者乃有二義。堅者於六堅中此名信堅。信卽信心堅卽堅實謂信一切法皆卽眞諦無毀壞故。忍者於六忍中此名信忍。信卽信心忍卽安忍謂信一切法皆悉空寂能於空法忍可忍證以二法合言名堅信忍也。中者言此堅信忍中有十種人俱發上弘下化廣大之心趣向佛海無能退轉起信論云：分別發趣道相者謂一切諸佛所證之道一切菩薩發心修行趣向義故略說發心有三種。

一信成就發心二解行發心三證發心此信成就發心者依不定聚衆生有熏習善根力故信業果報起厭離心求菩提道得值諸佛親承供養修經高劫信心成就或佛菩薩教令發心或以大悲願力或因護法因緣能自發心如是信成發心入正定聚畢竟不退名住如來種中正因相應故名信成就發心又發心有三種一者直心正念眞如法故二者深心樂集諸善行故三者悲心欲拔一切苦故如是發心皆得不退故云堅信忍中十發趣心向果何名十心一者捨心捨卽施捨無所悔惜之義謂以內法外法一切皆捨通達無爲無相入空三昧故二者戒心戒卽戒律護善遮惡之義謂以一切善惡諸法無集無受一切性離一道清淨故三者忍心忍卽忍可安忍不動之義謂以無相忍忍入一切空忍忍一切法如忍相不可得故四者進心進卽精進趣向無退之義謂以四威儀中發無生山入空入假亦無二相進分善根故五者定心定卽禪定不昏不散之義謂以心念寂然滅

一切眾生一切善故六者慧心慧即智慧照了無礙之義謂以不可說觀慧智入中道一諦理無明障破皆為慧用故七者願心願即願樂上求下化之義謂初發求心中間修進行滿願足佛果便成故八者護心護即護持善能隄防之義謂以無相護護使諸外道八倒不燒正信以護根本法體集散不可護故九者喜心喜即歡喜離苦得樂之義謂見他人得樂常生喜悅靜樂心緣一切法故十者頂心頂即人頂無過於上尊貴之義謂以最上頂智滅無我輪斷除十使不受六道果住頂三昧正定發行趨道性實不離正信故自此十心圓明空觀成就理性漸顯真諦不立從此解脫趨進行位也瓔珞經云以銅銀金瑠璃水晶瑪瑙之六輪對住行向地等妙之六位以輪對者具有二義一運轉二摧轍謂佛菩薩運轉於大法輪則能摧轍衆生之惡業故因斷惡證真各有淺深次第不同故以六輪對六位也問此十住位以何輪對答以銅寶輪對何故以銅蓋似金色不具金用雖無

鐵之塵垢而獨有渣滓在若乃煉磨攻治則能成諸器而濟用於世謂十住諸菩薩隨惟修空觀斷見思惑如離塵垢四十二品無明之中十住位人斷前滅相一品異相十品若前異相十品未能斷盡如銅之有渣滓惑既分斷德亦分顯故能隨體起用隨現形化諸衆生如器成濟世故以銅寶輪對十住位

○二釋十行名

諸佛當知從是十發趣心入堅法忍中十長養心向果一慈心二悲心三喜心四捨心五施心六好語心七益心八同心九定心十慧心

此釋十行心名德位也此位於六性中此為性種性謂乃雖證本性真空而不沈住空理即能分別諸法開化衆生使令人佛道故於六觀中此為行觀行為修行以修習假觀行立一切法二義合言故名行觀於六慧中此名思慧思謂審思勝思決定思慧即擇法覺慧以思惟中道理發生無漏智慧開化衆生二義合言故云思慧諸佛當知二句

結前入堅法忍中等起後前住云堅信忍此行云
堅法忍何也。即前所修理法。理緣信入。信緣理起。
是故前云堅信。此云堅法。於六堅中。此名法堅。謂
知諸法皆即俗諦無毀壞。故於六忍中。此名法忍。
雖知諸法皆空。無所有相。而能假立諸法。以化衆
生。於假法中。忍可忍證。以此二法合。言故名堅法
忍也。此位以前。十住眞理。深入玄妙。苦提妙行。依
理而起。運四無量之心。行四攝法。饒益衆生。長養
聖胎。成就聖德。向佛果海。故云十長養心。向菩提
果。何名十長養心。一者慈心。愛念衆生。化被一切。
能生正性。不緣魔教。使得樂果。故二者悲心。愍念
衆生。以悲空。空無相。自滅一切苦。與一切衆生平
等。一樂起大悲。故三者喜心。慶他得樂。空喜心。
令諸衆生入正信。捨邪見。背六道苦。故四者捨
心。周給無情。無造無相。法中如虛空。自他體性
不可得。而無生心。常修其捨。五者施心。普惠無情。
身施口施。意施財施。法施教導。一切衆生。無心行
化達。理達施一切相。現在前行六者好喜心。所說

皆喜慈愛語。言攝化衆生。常行如心。發起善根。七
者利益心。勝行化生。實智體性。廣行智道。現行六
道。不以爲患。但益人爲利。八者同心。隱同攝化。以
道性智。同空無生法中。以無我智。同生無二入諸
六道身相行業。一切事。同以入同法。三昧九者定
心。印持無亂。以一念靜慧。觀空無能擾動了見一
切衆生。我人種子。皆無合散。集成起作。不可得。故
十者慧心。照徹無礙。觀諸邪見。結慮等縛。無決定
體性。是心入起空空。道發無生心。自此十心。行行
無違。定慧圓明。空假不立。以中道智。觀增進。向位
也。此位功。行於六輪中。以銀寶輪對位。謂銀體性
瑩潔。不受塵垢。雖經鍛煉。性恒不變。此十行菩薩
惟修假觀。以加功用。任運分斷。中十品異相。無明
惑業。顯發本然清淨之性。如銀體瑩潔。鍛煉不變。
故以銀寶輪對十行位也。

○三釋十向名

諸佛當知。從是十長養心。入堅修忍中。十金剛心。向
果。一信心。二念心。三回向心。四達心。五直心。六不退

心七大乘心八無相心九慧心十不壞心

此釋十迴向心名德位也。迴向心者。因前二位所修所證一切智行不墮不退不住空假不立心心迴向真如平等法界理中名迴向心。諸佛當知二句結前入堅修忍中等起後言。從是等者。緣前十行如前增長華果敷實將華落果成時更加堅勇其心不被魔外侵損。此位於六性中名道種性。因修中道通達佛法能起一切衆生菩提道種。故於六觀中此名向觀。謂向法界真如實際。故於六慧中此名修慧。謂修中道理發生無漏智慧。故前云堅法忍。此云堅修忍。者具有二義。於六堅中名爲修堅。謂修中觀了知諸法皆卽中諦無毀壞。故於六忍中此名修忍。謂卽修習中道知一切法事理和融於中道理。忍可忍證二義合。名堅修忍。此十向位卽解行發心也。前十住心緣信滿故而入此十向心。緣行滿故而入以是菩薩。歷於第一阿僧祇劫將欲滿故。卽於真如法中深解現前。於是心實相念念眞如行行圓融。修金剛三昧。定集一

切行法門。深入理觀。轉更增明。入佛果海。故云從是十長養心。入堅修忍中。十金剛心向果也。何名十迴向心。一者信心。但信自心決定成佛。永無疑執。故二者念心。念念不失一切諸佛正智。於大乘六念常覺常施。一合相故。三者迴向心。迴卽不住。向卽不退。於此無上金剛菩提心。入空而無去來幻化受果深深心解脫。故四者遠心。遠卽通達照徹無礙。內外清淨。空空如如。相不可得。故五者直心。直卽正直。直照平等。入無生智。無明神我。空於空。三界生者結縛而不受。故六者不退心。不退入凡夫地。不起新長養諸邪見。常空生心。心入不二。爲不退一道。一照故。七者大乘心。解解一空。以一空智。智乘行乘。任職任用。令諸衆生同入佛海。故八者無相心。卽心無相。妄想解脫。照般若波羅蜜。無二相。故九者慧心。無量法界無集無受。生煩惱而不縛。光明照性。入一切法。故十者不壞心。八魔不壞。入佛威神。出沒自在。動大千界。於虛空平等地。心無二無別。故於此十心圓滿。二空理

顯盛諸佛加彼得摩頂三昧。證人虛空平等總持法門。卽入十地也。此十向位於六輪中。以金寶輪對位。謂金體貴重。濟用極大。土理火煉。其色不變。此菩薩修中道功行。加深教化。亦廣雖混衆塵。不爲衆塵所染。雖居五欲。不爲五欲所燒。以斷盡後十品異相。無明放以金寶輪對十迴向位也。此上三賢觀行。雖各修一觀。乃瓔珞約本分位而言。其實三觀圓修。卽一而三。卽三而一也。

○四釋十地相

諸佛當知。從是十金剛心入堅忍。忍中十地向果。一體性平等地。二體性善慧地。三體性光明地。四體性爾炎地。五體性慧照地。六體性華光地。七體性滿足地。八體性佛吼地。九體性華嚴地。十體性入佛界地。諸佛當知。一句標陳舍那對千化佛。答說十地名。密位也。從是一句結前入堅忍。忍中等起。後前三賢修習聖行功德。足得入正等地。總持法門。自此稱聖。故云。從是十金剛心入堅忍。忍中十地向果。問前三賢位名。心十聖名曰地。答。何答三賢位。

未證眞如。非所依處。此十聖位。乃佛界地。爲一切所依性。一切功德生。一切功德。故易心名地也。此地於六性中。性爲正覺性。謂卽正與佛體等無別。故於六觀中。觀爲地。觀謂能生萬物。因修中道觀。理一切佛智功德。從此生。故於六慧中。爲無相慧。謂正知中道之理。惟空無相。而能發生一切無漏智慧。故言堅忍。忍者其義有二。於六堅中。地上菩薩名爲德堅。謂修中道觀。智破一分無明等障。顯發一分眞如。三德無能毀壞。故名德堅。於六忍中。此名正忍。謂正破無明。於中道理。忍可忍證。故名正忍。二義合言。故名堅忍。忍也。此卽名證發心。謂證眞如法。故唯爲開導一切衆生。不依文字起信。廣明已上總明十地義。向下別明十地義。何名十地。一體性平等地。謂此菩薩證入諸佛法身平等。大慧眞實法門。攝受衆生。凡所作爲。其慧平等。故二體性善慧地。此菩薩善修法身平等。大慧清淨。明達一切善根。故三體性光明地。此菩薩證發無邊妙慧。光明以三昧解了。智能知一切三世諸佛。

法門入神通光明故。四體性爾。炎地此菩薩以智慧。燒煩惱薪。以入善權方便教化。一切衆生。能使見佛體性。故五體性慧照地。此菩薩以十力智。照知善惡有無。二性起一切功德。行轉不可說不可說法門。故六體性華光地。此菩薩以大智行華。一時開敷十神通明智品。現身示衆種種變化。百千萬劫。說不可窮盡。故七體性滿足地。此菩薩具足十八聖人智品。於一切國土中。隨諸衆生心行。示現作佛成道轉法輪。故八體性佛吼地。此菩薩入法王位。三昧其智如佛。而以法藥施諸衆生。爲大法師。破壞四魔。法身具足。說法無畏。如大獅子吼。故九體性華嚴地。此菩薩得佛華嚴善能守護法身。以佛威儀如來三昧自在。王定王定出入無時。於百億四天下。一時成佛現無量身口意。說無量法門品。而能轉諸魔界入佛界。轉佛界入魔界。於一念中。一時示現如是事故。十體性入佛界地。此菩薩以獲一切種智。得入金剛三昧。其大慧空。空復空。如虛空性。具足十功德品。復有不可說奇

妙法門奇妙三昧門陀羅尼門。非下地凡夫心識所知。惟佛無量身心口意。可盡其源。故自此十地圓滿。等入如來妙覺果海。此地菩薩功德於六輪中以琉璃寶輪對位。以琉璃寶出須彌山一切衆寶。皆不能壞。此十地菩薩所證真實。不爲外魔之所動壞。故以琉璃寶輪對十地位。此十聖地觀行斷證初地。斷上品惑。證下品智。自二地至七地。斷中品惑。證中品智。從八地至十地。等斷下品惑。證上品智。此即轉前五識相應心品。成所作智。轉第六識相應心品。成妙觀察智。轉第七識相應心品。成平等性智。轉第八識相應心品。成大圓鏡智。四智圓明。三身圓現。所謂大圓無垢同時發。普照十方塵刹。中以上答釋心地名相。竟向下結答以勸修也。

○三結答問意二初舉法陳因 二作勸修證
○初舉法陳因

是四十法門品。我先爲菩薩時。修入佛果之根源。是四十法門品者。總舉心地。軌則以勸修也。我先

爲菩薩時者此舉果明因也修人佛果之根源者此舉因明果也若非勝因不得勝果若非勝果焉顯勝因合那自指根源以爲衆生修人榜樣

○二作勸修證

如是一切衆生入發趣長養金剛十地證當成果無爲無相大滿常住十力十八不共行法身智身滿足此總答前二問以明修證之義如是二字承上自已成佛根源在斯一切衆生當亦如我往昔行菩薩道修人發趣長養金剛十地四十賢聖之行爲因地心得證當成果無爲無相大滿常住法身智身滿足相好無爲無相即顯法身大滿常住即顯報身十力十八不共行即顯化身法報不分三身圓現是爲法身智身滿足以此三身緣因地中修習心地是以得果證身宗鏡錄云由轉根本之心得證法身根本心者即第八識謂善惡等法本此出生若迷此識即爲生死悟此識者即得涅槃此識轉時一時煩惱斷滅已盡得證法身故二轉依本之心得證報身依本心者即第七識謂依八識

而起如迷此識即起一切愚癡悟此識者即起一切智慧是故此識轉時一切愚癡解脫即證得報身故三轉起事之心得證化身起事心者即第六識謂對六塵而起分別以迷此識即起一切貪瞋癡等惱害衆生悟此識者即修一切戒定慧等品健益衆生是故此識轉時即證得化身故是以如來出世說諸心地法門無非要令一切衆生斷惡修善轉識成智證三身圓十號故也十力者一知是處非處智力二知過現未來業報智力三知諸禪解脫三昧智力四知諸相勝劣根智力五知種種解智力亦名欲力六知種種界智力亦名性力七知一切至處道智力八知宿命無漏智力九知天眼無礙智力十知永斷諸習氣漏盡智力十八不共法者一身無失二口無失三意無失四無不定心五無異想心六無不知捨心七欲無減八念無減九精進無減十智慧無減十一解脫無減十二解脫知見無減十三身業隨智慧行十四口業隨智慧行十五意業隨智慧行十六知過去無礙

十七知現在無礙十八知未來無礙此十八行云不共者以是諸佛自覺聖智境界非權小菩薩所共更非凡夫境界可知故云不共

○三華光請釋二初總標報化 二別明當機

○初總標報化

爾時蓮華臺藏世界盧舍那佛赫赫大光明座上千華上佛千百億佛一切世界佛

此總標明體用不分報化無二之義言爾時者即本舍那如來舉因因果勸修時也此之華臺舍那赫赫大光明座上佛千百億佛俱已解見前文言一切世界佛者是千百億化身釋迦如來展轉化化無量無盡智慧如來居一切世界中說法利生以表從心地戒法中出生無量無盡智慧佛也下卷文云微塵菩薩衆由是成正覺者此也

○二別明當機

是座中有一菩薩名華光王大智明菩薩從座而立白盧舍那佛言世尊佛上略開十發趣十長養十金剛十地名相其一義中未可解了惟願說之惟願

說之妙極金剛寶藏一切智門如六百觀品中已明此一節文總承前義而來自從是時釋迦身放慧光人天生疑立通光主放光聚衆請問光相釋迦舉衆至舍那所代前二問請決其疑舍那領答從凡至聖即以心地爲因當成佛果中境界一一發明又恐大衆難聞心地爲因不知是何心地故又廣開名相爲三十心十地既有如是之名如是之相必有如是之義若不發明義趣將使行者莫知趣向執相迷心執事迷理故華光王菩薩請解其義正謂涅槃心易曉差別智難明也是座中有一菩薩者即上千佛座中之果位菩薩也華光王大智明者前云玄通華光主此云華光王大智明正顯此心地戒法門非具大智慧者不能通問所以斷惑證真必以智慧爲首故也從座而立身業之誠白盧舍那佛言口業之誠身口如如心契實相則意業之誠也佛上略開十發趣十長養十金剛十地四十法門名相名相雖多以相求之則名相又爲略故云略開名相且略其義尙廣其中一

一義。運修斷觀智未嘗解了。必請詳明。故曰。惟願說之。惟願說之。重敘請意。以表懇誠之至也。言妙極。金剛寶藏一切智門者。此請正觀。乃起方便觀。行以期佛果。故也。妙極。即妙覺果海。金剛。即堅利之智。謂若至果海。非金剛智不能。此智一起。諸物不能壞。而能壞諸物。一切雜染諸惡種子。斷盡無餘。故云。妙極金剛。此智具足一切功德。故云。寶藏。能為一切賢聖修斷方便。觀智根本。故云。一切智門。如來下引證。以明此處文義。在大部內。如來百觀品中。已更詳明矣。

○四舍那闍釋。初釋十住義。二釋十行義。

三釋十向義。四釋十地義。

○初釋十住義。二初總標牒問。二別解其義。

○初總標牒問。

爾時盧舍那佛。言。千佛諦聽。汝先言云。何義者。發趣中。

此牒大智明菩薩。請釋其義。誠聽許說。十住進修地位觀行之義。

○二別解其義十。

○初釋捨心位。

若佛子。一切捨。國土城邑田宅金銀明珠男女已身。有為諸物。一切捨。無為無相。我人知見。假會合成。主者。造作我見。十二因緣。無合無散。無受者。十二入。十八界。五陰。一切一合相。無我我所。相假成。諸法若內一切法外。一切法不捨。不受。菩薩爾時。名如假會觀現前。故捨心入空三昧。

初釋捨心之義。即檀波羅蜜也。別經名發心住。謂於諸劫之中。行十信心。不作邪見。廣求智慧。而行捨心。捨有十種。總即唯三財法。竭盡捨也。問。心地法門。位有四十。初明捨心者。何也。答。欲令趨佛道人。一切解脫。始望無上菩提。無餘涅槃。繫若於身心。世界不能盡。捨縱能修行。居然全體。凡夫入道。何無以故。首示真為生死。志求佛道。應當漸漸從外捨去。以至內捨。內外俱捨。捨亦復捨。如是之人。名為肉身菩薩。乃可入道。自利。因此檀度。則能廣攝衆生。而諸衆生亦易從化。若夫三賢位人。惟捨二。

執應惑還有微細我法二執亦要盡捨方證佛果是故一切菩薩位中必以捨位居先故初明捨心也若佛子者標能修之人堪當大法代佛化導故稱佛子一切捨者標所修之法理智觀行三輪體空內而根身外而器界一切諸有爲相無所顧惜俱能捨之無有追悔故云一切捨也下凡佛子二句做此國土城邑至一切捨一節正明佛子捨心體用觀照之義言國土等者釋上一切捨事以顯空觀門也謂乞養位即捨國土城邑不作主宰想如乞安養即捨田宅金銀明珠不作貴重想如乞奴婢即捨男女乃至已身不作情愛想盡其所有悉無一毫貪戀但凡有爲諸物一切盡捨何以故以滿腹波羅蜜莊嚴無上菩提故也無爲無相至不捨不受一節申明一切捨觀之義國土城邑等外物屬於疏分捨之猶易男女已身屬於親分已捨之甚難且已身視男女尤親云何難捨能捨以此菩薩了達身世一切皆空本來無爲無相實無有法悉釋無明不覺展轉現起於是我相人相人

我之問情之所知目之所見妄認爲實遂爾假借衆緣合會而成主宰稱我稱人千臂經云假會合成立名生者主字念作生字亦可謂即不識緣生如幻執我執人造作我見種種取捨緣是我見造作故受生滅流轉無有休息輪迴不絕十二因緣等者正名假會合成立名生者以顯緣生性空之義十二因緣者蓋以無明爲因行卽爲緣行爲因識爲緣識爲因名色爲緣名色爲因六入爲緣六入爲因觸爲緣觸爲因受爲緣受爲因愛爲緣愛爲因取爲緣取爲因有爲緣有爲因生爲緣生爲因老死憂悲苦惱爲緣所謂因緣和合虛妄有生因緣別離虛妄名滅故法華云無明至老死皆從生緣有既從因緣有亦從因緣滅也無合無散無受者釋上因緣如幻法體本來靈明絕待之義蓋此因緣之法緣會而生法體本來不生以本無生死流轉之法故云無合緣盡而滅法體本來不滅以本無解脫轉流之法故云無散既無生滅合散其中亦無受彼生滅者故云無受者十二入等者

上言十二因緣是即總舉三世生滅因果。此下別釋現在之法。而欲一切衆生在此六根門頭。斷取不致向外馳求。楞嚴所云輪生死證涅槃。皆汝六根放於六根。取十二入者。六根六塵互攝入故。亦名十二處。謂眼爲色入。處色爲眼入。處耳爲聲入。處聲爲耳入。處乃至意爲法入。處法是意入。處所謂單根不立。獨境不生。根境相對。自無體性之義。十八界者。界是分位。六根六塵六識分位之疆界也。五陰亦名五蘊。卽色受想行識質礙曰色。領納曰受。緣慮曰想。遷流曰行。了別曰識。其云陰者。以此五種蓋覆吾人。本有真性。故其云蘊者。緣此五種集聚蘊藏而成。妄身妄心。受無量生死。故此五蘊十二入十八界。如來於諸經中處處演說。爲迷心者。開心說蘊爲迷色者。開色說處爲俱迷者。開蘊說界。此之三科五蘊開合之法者。無非要令一切衆生。知此虛幻。猶如空華。若能於此空華了知是妄。則當下永無生死輪轉矣。一切一合相者。此明菩薩觀智。卽妄以明眞。義謂觀身心世界一

切諸有爲法。當體全空之性。本來無爲無相。不經假合而成。故曰一切一合相也。一合二字。正說無爲無相之處。與上假會合成之合字不同。既曰無相。又曰一合相者。總無相中而妙言之。無我我所相者。此句總結上義。所言五蘊十二入十八界等一切有爲法。既一合相。誰有我者。推一我相終不可得。既無有我。誰有我。所究一。所相終不可得。以是故知因緣和合諸法。皆是假成也。是故所言若內一切法五蘊身心等。若外一切法國邑男女等。此內外一切法。悉皆空。故是以雖捨不見有我。爲能捨之人。亦不見有物。爲我所捨之法。二性空。故其中自亦不見有受施者。以是三輪體空。故云不捨不受。菩薩爾時等下。結承捨觀之益。謂如上三輪空捨菩薩當爾之時。是名如假會幻化。觀照現在前。故而令捨心證入眞空三昧。正定正受之利益也。如假會觀現前。故者。謂此十住菩薩修習空觀。觀一切法無所有相。今既於假法上而修捨心。似同假觀。故名如假會觀現前也。此義千臂經中

廣明如是捨心如是捨行是名佛子無相捨心體用觀照也

○二釋戒心位

若佛子戒非非戒無受者十善戒無師說法欺盜乃至邪見無集者慈良清直正實正見捨喜等是十戒體性制止八倒一切性離一道清淨

此釋戒心之義卽尸羅波羅蜜也別經云治地住謂乃常隨空心行諸法門以嚴戒品此戒總有三聚十無諱戒則三千八百無量戒也非非戒下至無集者一節正明佛子戒心體用觀照之義千臂經中於此非非戒上有非戒二字言非戒者謂佛子之大戒不同諸小乘人有戒相可持但束其身而於戒性不能究竟明了經云戒性如虚空持者爲迷倒惟以菩薩大乘佛戒體如虚空受而無受持而無持乃爲非戒而不廣常見故非非戒者謂佛子之大戒又不同諸魔外道分別有無其言有戒卽持牛狗等戒望生天上其言無戒卽不受戒妄談無戒可持說經怒癡皆是梵行惡罵捶打

無非佛事縱貪瞋癡恚殺盜姪未得言得未證言證疑誤衆生自迷迷人狂妄語人師及弟子俱墮惡道以是菩薩大戒無受而受無戒而戒雖則了知性戒體如虚空本無垢染不妨隨順性戒修行是故云非非戒不同斷滅見也言無受者字牒定佛子於小乘魔外諸所有戒皆不受行故云無受者十善戒者正明佛子大戒謂此菩薩所以不受行諸不善戒者以但自精進奉持三世諸佛所說十無諱藏波羅提木叉清淨妙戒故也言無師說法者千臂經云名無師說法戒此卽光明金剛寶戒言十善戒固爲諸佛菩薩修行法門乃卽一切衆生本體性中各具足者非從師說而有故曰無師說法戒欺盜乃至邪見無集者此明惡戒體空欺誑欺誑盜謂盜竊俱從邪魔外道之戒而言非泛指者乃至二字是超略言謂此惡法之多不能枚舉假此二言以該姪殺貪瞋癡等諸惡法也邪見卽不正惡知見具該六十二種言無集者謂小乘善戒尙且無持無受豈況欺等惡法反可集

棄於心耶。故云無集者也。慈良清直。至是十戒體性一節。申明佛子戒心體用之義。所云慈者。哀愍一切。則無殺生之念。良者。溫和善熟。則無盜竊之事。清者。體湛澄潔。則無染汙之行。直者。正直無私。則無虛誑之語。正實者。邪妄虛浮盡遣。則無沽酒之事。正見者。絲毫邪僻皆除此一攝。三即不說四衆。過不自讚毀他。不訕謗三寶。捨謂能捨而不悖。則無慳惜加毀之心。喜謂喜而不恚。則無瞋心不受悔之意。等者。統餘法言。謂此八者是前十善妙戒之全體性。故云是十戒體性。制止八倒三句。結明佛子戒心體用之益。謂此十戒全體本性大用之力。即能禁制止絕。凡外八種顛倒言八倒者。凡夫四倒。即無常計。常無樂計。樂無我計。我不淨計。淨小乘四倒。常計。無常樂計。無樂我計。無我淨計。不淨此之八倒。總不達如來眞常四德故耳。言一切性離者。齊離了達自性本源之戒。謂不但惡戒體空。即善戒小體空。何以故。以屬對待故。善惡俱性空。於何有其於正戒性離。邪戒性離。有戒性離。

無戒性離。持戒性離。毀戒性離。得戒性離。失戒性離。乃至一切依他偏計顛倒等性。俱永遠離。故云一切性離。一道清淨者。謂此顛倒之性。既已遠離。唯證一道。無師所說清淨體性。光明金剛寶戒。獨露顯現。以不思議業用。饒益衆生。如是受持。乃名佛子戒心體用之觀。昭也。

○三釋忍心位

若佛子。忍有無相慧體性。一切空空。忍一切處。忍名無生行。忍一切處得名。如苦忍。無量行。一一名忍。無受。無打。無刀。杖。瞋心。皆如如無。一一一。一相。無無相。有無有相。非非心。相緣無緣。相立住。助止。我人。縛解。一切法如忍。相不可得。

此釋忍心之義。即羅提波羅蜜也。別經名修行住。謂能修行忍力。長養衆善根故。忍者。謂於逆順諸境。安然自如。乃即造道之強力也。忍有多種。此中具六。以該一切。有無相慧體性。至無無相。一節。正明佛子忍心體用觀照之義。有無相慧體性。一切空空。忍者。千臂經云。此名無相慧。忍有即本有不。

從外得也。無相即如如。忍即如如。智謂此菩薩忍心不在事迹之間。亦不離事於此。不離不即之處。本手無相。慧體而起。無相大智慧。光觀察世出世間一切諸法。悉如虛空。無有色相。無彼無此。實無二法。惟一體性。性淨無物。即以無相之能。開化無相之所。達入一切空。空故云。有無相慧體性。一切空空忍也。一切處忍等者。千臂經中名曰普願行。忍謂一切空空之忍。凡一切處無所非忍。以一切處所忍之心。不見有少法生。不見有少法滅。以無生滅二俱離。故即入無生。故云一切處忍。名無生行忍也。言一切處得名如苦忍者。千臂經云。名耐忍。忍菩薩因契無生行。忍更爲法界有情。修持三種大忍。每被他人妒害之處。不見有苦。可忍。菩薩達境惟心。心不自心。因境有心。境不自境。因心有境。心境一空。得名如苦忍。所謂不因諷誘起冤親。何表無生忍。忍力也。無量行一名忍。者千臂經中名曰無量行忍。此即推廣所忍之行。緣取上一切處能忍。心智與夫所忍心法。然雖無量行門。

種種不同。是則皆依無相慧體而起。照用是故。所云無量行一名爲無相慧忍也。無受無打無刀杖瞋心。皆如如者。千臂經中此名安受苦忍。申明空上一切處如苦忍之事迹也。謂上難忍易瞋之中。分明以受刀杖所打。菩薩達三輪體空。即其內心而推見一受。用了不可得。則無受打之我相。故即其外境而推見一打。相本不可得。則無打我之人相。故即其所中而推刀杖本寂。則無所打刀杖之衆生相。即其能中而推心本自如。則無忍苦瞋心之壽者相。故云無受無打無刀杖瞋心也。所言皆如如者。此句釋上三無字義。以顯三輪空寂。四相無從。故示總相云。皆如如也。無一一諦一相等者。千臂經中名曰諦察法忍。此二句義釋明。皆如如意。問既曰受打刀杖瞋心。根境歷然。何故又曰無受打刀杖瞋心。皆如如耶。答所言皆如如者。以無相慧體性忍中。本無世出世諦眞俗二法。故云無一一諦。此即不墮常見一相者。實相也。雖云無二諦相。不墮常見。惟恐又作斷見理會。故攝一

相示之不墮斷見十住菩薩作空觀時觀一切法
當體皆空無中無假無不空惟空無相故云一相
無無相者此句雙申上義問曰既有一相何名無
一一諦既云無一一諦何有一相豈尚有一相可
得而云無一一諦耶答曰云一相者即謂無相無
相而相相即無相實無一相可得故曰無無相也
有無有相至緣無緣相一節展轉釋破外道偏計
之性以結忍中無相體性之義有無有相者乃
總遣所忍之法相不可得非非心相者乃總遣能
忍之心相不可得緣無緣相者此乃雙遣能所俱
相亦不可得此三句義是緊貼上無字說來發明
上無相亦無之義有相者下乘也無有相是所忍
之法本空而有此無有相又非真空心相者下乘
也非心相是能忍之心本空而非此非心相又非
真空緣相者下乘也無緣相是忍中本來能所
一空而緣此無緣相又非真空惟菩薩能所心境
俱空空亦復空方是真相真空實相法忍也立住
動止等者總結顯忍心觀智被依他性令證圓成

實性也立謂站立住謂安住動即行動止靜臥止
我乃對人相而稱人乃對我相而舉縛者不空之
凡相解者能空之聖相於上有無有相等一切諸
相皆墮二六時中四威儀處一一照破於立住動
止其相無寂感之分於我於人其相無彼此之分
於縛於解其相無聖凡之分諸相既無何有一切
法耶忍法既無只有慧體自照自觀以為忍行又
何忍相之有哉故曰一切法如忍相不可得所謂
不見一法即如來此則名為觀自在金剛云若有
我相人相即非菩薩又千臂經云於一切法悉皆
無相了了分明忍性空寂不可得故皆此義也如
是行忍是名佛子無相忍忍體性之照用也

○四釋進心位

若佛子若四威儀一切時行伏空假會法性登無生
山而見一切有無如有如無天地青黃赤白一切入
乃至三寶智性一切信進道空無生無作無慧起空
入世諦法亦無二相續空心通達進分善根
此釋進心之義即毗黎耶波羅蜜也別經名生貴

住謂生在佛家種性清淨故梵語毗黎耶此云精進謂精而不雜進而不退卽前施戒忍三法勤策不忘乃智行無間之功力也若四威儀至亦無二相一節正明佛子進心體用觀照之義四威儀者卽行住坐臥四行精進徧諸行故以行字表其象一切時者卽二六之時也行伏空者卽是空觀假會法性卽是假觀登無生山卽是中觀三賢菩薩名伏忍位初住位伏空二行位伏假三向位伏中雖分爲三是各依本位得名實互融攝一而三三而一菩薩於此行住坐臥四行法門以有威可畏能折伏衆生有儀可表攝受衆生卽於此四儀處一切時中進修善提降伏其心而入於空無法可得如鏡中相無相可得此卽行伏空也言假會法性者承上謂雖常入真空觀照諸法一切體性然而假合而成卽假而真離真無假此卽行伏假也於假法上當體明真故云假會法性言登無生山者謂此菩薩修無生理最高最顯在塵出塵超越一邊得無所礙如登山頂高出無礙名登無生山

也菩薩既斷一切法空不見觀法可生復觀一切法假不見毫法可滅以無生滅空假皆覺雙伏中道無生故以登山爲喻也而見一切有無者申明登無生山之義菩薩於四威儀一切時中思惟眞諦之理發生一切無漏智慧了見一切內外四大有無性相諸法性空無所有故云見一切有無如有如無等者牒定所觀世出世間染淨諸法先觀世間之法以無生心見天地中包羅青黃赤白長短方圓若根若塵有質對待者名一切顯現色若根若塵無質對待者名一切無表色如四禪天定中果色并五根中一分淨色及緣想過未來種種境界現雖對待無可表示雖云無可表示總色像攝一切色相元無實體色法如此心法亦然無有一法不是如來藏心性淨明體故云如有如無一切入也乃至三寶智性等者此觀出世間法是三寶卽佛法僧智性卽法身般若解脫一切信義道卽一切賢聖誠信進修之道空無生無作卽三解脫門義謂此菩薩緣觀世出世間眞淨體性之

理性淨無物。故得證入三解脫門也。其空解脫門者。善薩觀照一切諸法。皆從因緣和合而生。其體本空。即悟自性真空。而不隨因緣生。故得解脫也。無生解脫門者。即無相解脫門也。承上既觀諸法。一切皆空。無相可得。既無有相。即悟自性常生。而不隨因緣滅。故得解脫也。無作解脫門者。即無願解脫門也。善薩既觀諸法。空無有相。則無願求。既無願求。即不造作生死之因。以無生死。因故。即無有果。故得解脫。解脫即自在。義門即通達。緣以三解脫得至涅槃。故云三解脫也。無慧者。承上所觀諸法。既不可得。能觀智慧豈可得哉。故云無慧起。空入世諦法者。謂向以觀凡聖有無。諸法體空。即證入空定矣。此空不同聲聞緣覺沈空滯寂之空。乃觀實際理中。纖塵不立。今世門頭一法不捨。故雖證於空忍。而不住著。即從伏空定忍而起入世諦法。雖然入真入俗。亦無二相。無二相者。謂入真不著真。而入俗不著俗。故云無二相。續空心通達等此二句者。結顯無相精進之心。體用觀智之益。

續空心者。乃即從假入空。徹空入假。空假圓融。通達無礙。以是通達實相心。故名續空心通達也。進分善根者。善根即菩提本妙心。為衆善根本。故即此無相心。發起種種精進心。心相續念念無間。分分增進。永無退轉。趨向佛位。故云進分善根。千臂經云。佛子。於四威儀。進修菩提之時。即得證入一切三寶智性。眞淨體性。常得現前。則得生生值佛。見法見僧。世世精進。學佛威儀。於伏空忍之理。亦不見四威儀。證無生空。是以不進而進。道也。又法句云。若起精進心。是妄非精進。若能心不妄。精進無有涯。如是精進。是名佛子進心。體用之觀照也。

○五釋定心位

若佛子。寂滅無相。無相無量。行無量心。三昧。凡夫聖人。無不入三昧。體性相應。一切以定力。故我人作者。受者。一切縛見性。是障因緣。散亂動心。不寂而滅。空。空八倒。無緣假靜慧觀。一切假會。念念寂滅。一切三界果。罪性皆寂滅。而生一切善。

此釋定心之義。即禪波羅蜜也。別經名具足方便。

住謂修習無量善根力故寂滅無相無相至空空
八倒無緣一節正明佛子定心體用觀照之義寂
滅者此標定體梵語禪那此云寂滅即指一心而
言亦云靜慮即繫緣如禪亦云寂靜謂根境如如
不即不離若鏡現相故云寂滅無相無相此二無
相釋寂滅義上無相明能定之心下無相明所定
之境以是心境二皆無相故云無相無相無量行
無量心三昧者明菩薩勤靜一如義攝入定時以
無能所二相故能契合無量心行總成三昧此即
四威儀中常明禪觀所謂那伽常在定無有不定
時也凡夫聖人無不入三昧者此言定體平等不
惟聖人入此三昧凡夫亦入此定既爾何故說名
凡夫以被一切識情垢染故不自覺亦如衣裏明珠
不自覺知貧苦他方終無濟益所謂終日圓覺
而未嘗圓覺者凡夫也何以故以體性不相應安
能得定菩薩不見一法當情境空心寂智理一如
故恒與諸佛體性相應緣證體性三昧則一切時
中以聖定力故得照見一切微細我人作者受者

之妄惑也我即我見人即人見作者自心施為即
衆生見受者領納好惡堅著不捨即壽者見緣此
四見生一切執縛邪見種種性皆是障道因緣被此
散亂境風鼓動心海隨波逐浪流轉生死無窮無
盡無有休息故云一切縛等言不寂而滅者謂此
障惑若不假修寂滅觀照三昧正定之力而能滅
者終無暫止之日意謂必以寂滅定力故而得此
滅故云不寂而滅千臂經云不得寂靜定力而能
滅者無有是處空空八倒無緣者承上謂此定力
既止我見生滅之因即小乘凡外八倒生滅之緣
自空故云八倒無緣假靜慧觀至而生一切善一
節結顯定力照用功能之權假靜止動假慧照昏
假此二者爲觀定慧圓明靜照一切我人假會幻
化合成妄想因緣之法念從此寂滅矣生滅顛
倒之念既空則一切三界異熟苦果諸惡罪性亦
皆離此定力而滅苦果罪性既已滅盡則本不生
不滅無漏功德智慧亦悉離此定力而生故云而
生一切善也所謂生滅既滅寂滅現前如是修禪

是名佛子定心之體用觀照也

○六釋慧心位

若佛子。空慧非無緣。知體名心。分別一切法。假名主者。與道通同。取果行。因入聖捨。凡滅罪起。福縛解。離是體性功用。一切見常樂我淨。煩惱慧性不明。故以慧爲首修。不可說觀慧入中道。一諦其無明障。慧非相非來。非緣非罪。非八倒無生滅。慧光明發。爲照樂。虛方便轉變神通。以智體性所爲慧用。故

此釋慧心之義。卽般若波羅蜜也。別經名正心住。成就第六般若法門。故梵語般若。此云智慧。以是智能照境。慧能了境。於境分明。無惑能轉物也。空慧非無緣。至體性功用一節。正明佛子慧心體用。觀照之義。言空慧非無緣者。謂此真空體性本源妙慧。非是無緣而生。又非卽緣而生。是卽本有空慧。靈明知體名之爲心。不假他緣。故也以是眞知覺體本無分別。而言分別一切法者。惟是眞心照用不同。二乘灰心。混智不緣一切生法。亦不同諸凡夫外道。分別識心。緣假因緣會合而成。假名主

者。假立其名。實無主宰。雖曰是妄。皆卽依眞而起。如水之波。依水而有。若隨依般若智。照於諸妄心。了然無二。實與至道通同一味。體無差別。故曰假名主者。與道通同也。取果行。因等者。釋明慧心照用之義。謂此菩薩直超佛果。惟以本源平等空慧。修因地行。卽可入聖。捨凡滅罪起福。凡夫以我相分別處處。不得解脫。故縛連人無我。能以般若智照處處。皆得自在。故解。卽此凡聖迷悟。縛解菩薩視之。盡是體性功用。所謂從凡夫中來者。用其識心。從聖性中來者。用其智慧。識智元無二體。惟在用處有差別耳。一切見至所爲慧用。故一節申明空慧觀照之益。問一切見者。凡聖縛解何處差別。以凡夫二乘一切倒見。皆由不知如來常樂我淨。無餘涅槃眞如德相。是心佛與衆生三無差別平等具足。乃於眞常眞樂眞我眞淨心上。而起倒見。故也。常者無暫改動之義。性體虛融。歷三際而不遷。混萬法而不變。故名常德樂者。安隱寂滅之義。離生死逼迫之苦。證涅槃寂滅之樂。故名樂德我

者自在無礙之義。外道凡夫。強立主宰。執之爲我。乃是妄我。若佛所具八自在。爲我者。卽是我。故名我。德淨者。離垢無染之義。諸惑盡除。湛然清淨。如大圓鏡。了無纖翳。故名淨德。而凡夫人迷而不知。反以非常計。常計無常。非樂計樂。樂計樂。非我計我。我計無我。不淨計淨。淨計無淨。是名八倒。非常計常者。世間一切諸有。爲法故。悉無常。虛幻不實。執爲實有。故非樂計樂者。世間五欲之樂。皆是受苦之因。諸凡夫人。貪著不捨。不求解脫。故非我計我者。四大假合之身。本非有我。於此幻色身中。強作主宰。妄執爲我。故不淨計淨者。自身他身三十六物。五種不淨之身。本非淨。反生貪著。以爲是淨。故如是四見。增長惑業。名爲凡夫四榮。倒見。常計無常者。法身常住。本無遷改。而於如來常住法身之中。妄計有變異。故樂計無樂者。涅槃大樂。離諸苦故。乃於如來涅槃樂中。妄計是苦。故我計無我者。無生真我。我卽是眞。常不了無我法中。佛性眞我。於眞我中。妄計無我。故淨計不淨者。體

性眞淨。離諸垢染。不了無惑。無障之淨。乃於如來眞淨法中。妄計不淨。故如是四見。乃二乘人觀察無常。苦空。無我等法。俾煩惱有朽滅不生之義。名爲四枯。倒見此八倒見。凡夫之人。凡所作爲。皆是煩惱業力。將此慧性。障覆不開。不得眞實。識知用故。所謂煩惱慧性不明。故名爲煩惱。無明二障。煩惱事障。障理無明。理障。障事其煩惱障者。謂此昏煩之法。惱亂心神。因貪等惑。障蔽正道。故名煩惱。障無明障者。謂諸衆生。從無始來。種種顛倒。而於一切法上。無所明了。名無明障。此惑是業識之種子。爲煩惱之根本。以二乘人慧性不明。不能斷去。此障惟菩薩斷之。欲破煩惱。必以智慧爲首。欲破無明。必修不可說觀慧爲助。細審細察。智慧慧相。本來無遷無變。是如來常德。無生無死。是如來樂德。無盡無礙。是如來我德。無障無惑。是如來淨德。如是種種觀慧相續相連。無間無斷。方乃證入中道第一義諦。智起惑亡。卽無明惑障。障破而本有慧性。頓開向之無明煩惱爲障者。卽障慧性。故曰

無明障慧。今者了知無明障慧。當體全空。何有形相。故曰非相。既非形相。安有去來。故曰非來。既無去來。則非心所緣。故曰非緣。若有所緣。是爲心境。不空。成顛倒。想起惑造業。則有生滅。因緣之罪法。今既非緣。則亦非罪矣。又何八倒生滅之有哉。故曰非八倒。無生滅。此惟菩薩慧光明。徹爲照。爲樂。爲微靈通。無量方便。無障無礙。無量轉變。種種神通。種種妙用。皆以平等智爲體性。一切所爲所用。無非空慧爲用。故若不依此平等智。體本源空慧。以爲照用。則凡所爲所作。皆是無明業力。使然。學者知之。當修此慧。是名佛子慧。心體用之觀照也。

○七釋願心位

若佛子。願願大求。一切求。以果行。因故。願心。連願心。連相續。百劫得佛。滅罪求。求至心。無生空。一願。親親入定。照無量見。縛以求心。故解脫無量妙行。以求心成。菩提無量功德。以求爲本。初發求心。中間修。道行滿願。故佛果便成。觀一諦中道。非陰非界非沒生見。見非解慧。是願體性。一切行本源。

此釋願心之義。卽願波羅蜜也。別經名不退住。入於無生畢竟空界。故願者。願要。乃卽發諸大願。成佛度生者也。願大求。主得佛滅罪一節。正明佛子願心體用。觀照之義。願大求者。卽上求佛果。一切求者。卽下化衆生也。以果行。因故。求者。釋上發願成佛度生之疑。經云。自未得度。先度人者。菩薩發心。自覺已。問能覺他者。如來應世。今先自利。次乃利生。何以故。欲以果地之覺而行。因地心故。謂凡世出世間。有漏無漏。善惡因果。必有決定。誓願如地藏菩薩。地獄未空。誓不成佛。觀音大士。度盡衆生。方證菩提。彌陀如來。四十八願。願願結云。不得是願。終不作佛。乃至閻羅天子。誓願治諸罪人。一一隨願而生。所以要度衆生。先當發願成佛也。願心連者。承上以果行。因之願心。故須當念念不忘。心心無間。相連相續。自劫修行。難忍難捨。難捨。捨外捨國城妻子。內捨頭目髓腦。乃至無量世界。無有如芥子許。非是菩薩捨身命處。如是心無能所。人法雙忘。忘亦復忘。始能得見本佛。滅無量罪。故

云得佛滅罪求求至心至佛果便成一節申明願心始終因果究竟之義求求至心者上求字即求佛果下求字即求化衆生至心二字謂求佛果及化衆生之心必須聯續增進乃至大願成就求無所求即以無生空智而契無生空理智理一如一願平等生佛無二故云無生空一願也觀觀入定照者雙明二觀惟願中道以空觀入假觀故照以假觀入空觀故定如是二觀俱遣空假不立定慧圓融是即照而常定定而常照即此觀觀之照照之觀是故無量見縛皆以上求下化之大願心平等觀照之定慧力得解脫即上滅罪之義不惟無量見縛因求心故而得解脫即無量妙行亦以是願求求至心故得成就阿耨菩提即上得佛之義乃至無量恒沙稱性功德亦皆以求心故而爲根本即無生空一願之義言初發下勸必行也如是求心非是空發願樂之心而或不行願樂之行故必初發求心中間修道行滿願足是故佛果便得成就初發求心即始覺也中間修道即漸次

覺及隨分覺行滿願故即究竟覺三覺果滿萬德周圓方能得成佛果稱兩足尊觀一諦中道至一切行本源一節此結願心中道觀慧爲願體性爲一切行本也觀一諦中道者奉上謂於佛果位中觀中道一諦之理不見立一切願本無佛道可成本無衆生可度本來無縛無解菩提本具功德本圓本如來藏妙真如性所以觀五陰非五陰觀十八界非十八界觀生滅非生滅觀諸見非諸見故云見見非解慧是願體性者乃即華嚴信解行證四法之一菩薩初發願心緣信起解緣解發願緣願起行緣行證果非初解慧無緣能入如是妙慧爲一切願心本體一切萬行本源是故發願成佛度生必以無生空一願之中道智解無生空一願之中道理即依此起一切無相妙行而即證佛無相菩提涅槃妙果若他觀他願者即爲狂慧即爲狂解矣學者知之

○八釋護心位

若佛子護三寶護一切行功德使外道八倒惡邪見

不燒正信。滅我縛見。縛無生。照達二諦。觀心現前。以護根本。無相護。護空無作。無相以心慧。速慧速入。無生空道。智道。皆明。光明。光護。觀入空。假分。分幻。幻化。所起。如無。如無法。體集。散不可護。觀法亦爾。

此釋護心之義。卽力波羅蜜也。別經名重。眞住。謂不生邪倒。破苦提心。故護者。護持不使魔外。侵壞菩提心。故護三寶。至於護根本一節。正明佛子護心。體用觀照之義。三寶卽佛法僧佛者。覺照義法者。執持義。僧者和合義。此有世間住持三寶。有出世間常住三寶。有大乘小乘一體別相如是。三寶皆一切衆生法身慧命。父母良友。福田若不護持。卽法身慧命斷滅。一切功德無從而生。故當大力護持。護三寶者。無他。卽護自已所修六度萬行。一切所行功德。何名功德。卽於行門無怠無惰。有始有終。是名爲功。無人無我。無取無捨。是名爲德。故云功德。仁王經云。以護佛果。護十地行。若此使外道不燒者。正明護三寶義。外道有多種。凡不達心地道戒。向外馳求。俱名外道。其八倒者。卽諸凡夫。

小乘外道妄想倒執。此諸倒見不善不正。斷佛種故名惡邪。見言正信者。翻邪名。正除疑曰信。正其所信名曰正信。所謂護功德者。正在使諸外道凡小八倒惡邪知見不能燒我。如是護三寶之正信也。云何能令惡見不燒正信。亦無他法。但滅我縛見。縛而信自正。蓋此顛倒邪見。緣依我見而生。因執我故。則被我縛。緣我縛故。而起諸見。則被見縛。我見相縛。所信不正。所信不正。則諸魔外得入。魔外一入。則壞一切功德。一切功德破壞。致令佛種法種。俱被破壞。故護三寶。實無別法。唯護自行功德。則滅我縛見。縛我見不生。卽入無生。卽以無生理智而起。觀照照空。卽不沈空。照有卽不滯有。空而不空。不墮斷見。有而不有。不墮常見。是以不盡空有不墮斷常二諦。圓融互攝。無礙故云無生。照達二諦。卽此觀心。候然現前。以護根本。其根本者。卽正信也。以是正信一立。直超無上佛果。而無障礙。一切功德從此生長。是故正信而爲根本。以是護持。無有窮盡。故云觀心現前。以護根本。所

謂心性不迷即是佛。實心體。念即是法。實於理不違即是僧。實也。無相護。護至智。明。光明。光一節。中明無生。觀照工夫之益。蓋上以無生智。觀照現前。以護信。復即此能護。觀照所護。行根一一無相。從無相護心中。行無相。故曰。無相。以是無相護。則所護之正信。處處顯脫。以是處處解脫。即證無相。真空。以證無相。空。故而無所造。而無所作。以無所造。作。故名爲無相。故云。空。無作。無相。以心慧。速等者。承上。既云。入空。無作。無相。之三解脫。理。慧不同。小乘住著。脫。即此。真空。無作。無相之慧。心中相續相連。無間無斷。即得深入。無生。空道。無生。智道。皆明。光明。光矣。無生。空道。即是無餘涅槃。理。果。無生。智道。即是無上菩提。智。果。皆明。光明。光者。智理。互照之象。慧。智。契理。因理。冥。智。智理。如。如。互發。圓照。故云。明。光明。光也。護。觀。入。空。假。至觀。法。亦。爾。一。節。乃。即。結。還。觀。法。以。顯。無。相。護。心。之義。言。護。觀。入。空。假。等。者。承。上。既。以。無。相。護。心。深。入。智。理。即。以。如。理。平。等。大。慧。光。明。從。護。心。中。而。起。觀。

照。觀。入。於。空。即。遣。眞。相。觀。入。於。假。即。遣。俗。相。空。之眞。相。既。遣。則。空。中。之。分。分。許。多。幻。化。所。滅。何。有。假之俗。相。既。遣。則。假。中。之。分。分。幻。化。所。起。何。有。以。是生。即。如。生。滅。即。如。滅。生。滅。皆。如。故。云。如。無。如。無。法。體。集。散。不。可。護。者。言。薩。既。以。無。生。妙。慧。觀。照。諸。法。幻。化。起。滅。如。無。故。知。諸。法。緣。會。而。集。法。體。本。自。不生。緣。滅。而。散。法。體。本。自。不。滅。既。諸。法。體。本。無。集。散。則。無。實。法。可。護。故。云。法。體。集。散。不。可。護。也。言。觀。法亦。爾。者。謂。所。護。法。體。既。不。可。得。豈。有。能。護。智。觀。而可。存。耶。故。云。觀。法。亦。爾。是。則。境。智。俱。遣。了。不。可。得。如。是。觀。行。如。是。正。信。方。能。護。持。三。輕。功。德。是。爲。佛子。護。心。之。能。用。觀。照。也。

○九釋喜心位

若。佛。子。見。他。人。得。樂。當。生。喜。悅。及。一。切。物。假。空。照。寂而。不。入。有。爲。不。無。寂。大。樂。無。合。有。受。而。化。有。法。而見。云。假。法。性。不。等。一。觀。心。心。行。多。聞。一。切。佛。行。功。德。無。相。喜。智。心。心。生。念。而。靜。照。樂。心。緣。一。切。法。此。釋。喜。心。之。義。即。方。便。波。羅。蜜。也。別。經。名。法。王。子。

住謂從佛正教而生於解當紹佛位故喜者即歡
悅義乃快自他得樂之謂見他人得樂至大樂無
合一節正明佛子喜心能用觀照之義見他人得
樂者即喜境也常生喜悅者即喜心也何謂常生
菩薩喜悅之心非因有亦非暫無從久遠來發
菩提心元為令諸眾生離苦得樂今見得樂之人
適其所願故心常生喜悅及一切物者明菩薩喜
心廣大之義言不惟見人樂而生喜心并見一切
有情物類凡得樂者亦常生喜悅也假空照寂等
者正明菩薩三觀圓修以顯無相喜心之義假即
觀觀空即空觀照即是慧寂即定也菩薩喜心不
同凡夫情見之喜亦不同二乘空執之喜二乘自
喜得出三界苦惱之患得證三解脱門於菩薩法
遊戲神通及見眾生有苦樂時不起悲忻菩薩不
然如觀入假時照而常寂而不入有為離此有相
故不同凡夫情見之喜如觀入空時寂而常照而
不入無為離此無相故不同二乘空見之喜既不
空不假不有不無是何等境界即寂然大樂無合

此等境界非以勞眾生所受用事亦非二乘帶寂
境界惟是菩薩定慧圓融乃能寂然大樂又能樂
及眾生其所樂者二邊不住中道不立故曰大樂
無合也有受而化至心心念一節申明喜心寂
照之義以其無合於有不妨有受而化受即喜心
化者不留之意有定力故不被物轉以其無合於
無不妨有法而見法即喜境見者透徹之意有慧
力故即能轉物故云有受而化有法而見其云假
者謂以種種諸境本無實體當體如如法性平等
一觀照之法性即法性身諸佛以法為身既觀諸
法之相云假復觀諸法之性本具此法性身不隨
生滅等虛空界在聖不增處凡不滅各各具足是
為平等一觀所謂先悟毗盧法界也心心行等者
乃復行普賢行門也謂此菩薩雖然智照諸法體
性平等而法身理果尚未究竟更當心心發大願
起大行一心一行皆從多聞一切佛行功德而行
是即佛行不落小乘功行所謂盡行諸佛無量道
法也無相喜智心心念此二句者承上菩薩思

惟諸佛功德本乎無相以無相智契無相理以爲喜心。如空合空不相妨礙。故云無相喜智。卽此無相喜智起行長養。永永無失。不敢怠惰。故云心心念念而靜照樂心緣一切法者。此二句義結前謂此喜心。既以無相常生於念是。則在在利生。不妨常靜常照。卽以靜照不二之樂心緣一切已得法樂。未得法樂之諸衆生。令其同證無相喜中寂然大樂無合之道。是爲佛子喜心體用之觀照也。

○十釋頂心位

若佛子。是人最上智滅無我輪見。疑身一切瞋等如頂觀連觀。連如頂法界中因果。如如一道最勝上如頂如人頂。非非身見六十二見五陰生滅神我主人動轉屈伸無受無行可捉縛者。是人爾時入內空值道心心衆生。不見緣不見非緣。住頂三昧寂滅定發行趣道性實。我人常見入倒生緣不二法門。不受八難幻化果事。竟不受惟一衆生。去來坐立修行滅罪除十惡生十善入道正人正智正行菩薩達觀現前不受六道果。必不退佛種性中生生入佛家不離正

信上十天光品廣說

此釋頂心之義。卽智波羅蜜也。別名灌頂住謂觀空無相得無生心法水灌頂。故是人最上智至可捉縛者一節。正明菩薩頂心上智體用觀行破惑義也。若佛子是人最上智者。先舉能滅之智。謂此十住菩薩智超前九位觀智。故云最上智也。滅無我輪等者。次舉所滅惑相顯能滅智。用也。滅者除也。無者空也。我卽我見。凡見皆緣我起。故從我滅而無之也。輪卽車輪。具有二義。一者法輪。謂佛菩薩轉此法輪於衆生心海中。摧轍一切煩惱無明令盡。無餘得成佛。故二者衆生我輪。因執我故起貪瞋癡殺盜淫等諸惡業輪。流轉三界無休息。故菩薩因修頂心智定。破除我相。將三界十使等煩惱輪去。故云滅無我輪見等見身卽五利使之二疑瞋卽五鈍使之二一切等者。該餘惑也。如頂觀連觀。連如頂此二句者。卽智觀察連綿無間。因諸衆生我慢山高。非以高大智慧觀照不能破除。故以頂心妙智作觀而起觀照。以此智觀相續不

斷始能超出我優山輪方得明見四聖六凡十法界中因果皆如一道也是故此智爲最上最勝頂智首出庶物如頂之象如山之有頂也如人頂者人身唯頂最尊喻此菩薩頂心觀智高顯而無上也非非身見至可捉縛者此中所破之惑非非二字舊下前一非字是能遣之觀智後一非字乃所遣之惑業言非外道身見可捉可縛亦非六十二種斷常邪見可捉可縛亦非五蘊妄身妄心和合因緣可捉可縛亦非神我主諦動轉屈伸種種計量種種幻相可捉可縛何以故如是諸見皆有受有行可捉可縛云捉縛者卽執著義謂凡有執著俱屬生死不能解脫菩薩以是頂心智觀超出一切情見如太虛空無有邊表今盡諸見是則無受無行無可捉縛者矣是人爾時至寂滅定一節乃明菩薩頂心寂定體用觀行破惑證眞之義言是人者卽當位之人也爾時二字卽當入觀之時謂菩薩人當爾最上頂心智照而人觀行觀外之時空却諸塵世界因果一道觀內之時空却五蘊

身心內外空時當值空道一切妄想顛倒永不復行心心平等智以度衆生而爲進修之念故云心心衆生然雖度生爲念而不見有能緣之心所緣之境能緣所緣二性空故是則終日度生無生可度終日說法無法可說不但無能所緣度生之相亦無非能所緣理智之相故云不見緣不見非緣以是心境雙泯智理全空爾時候然安住最勝頂心三昧寂滅正定故云住頂三昧寂滅定也發行趣道性實至正智正行一節申明頂心智定破惑證眞起智利生之義謂此智定不同二乘住於空智寂定不肯前進以饒益衆生菩薩雖住智定而不貪著故從此正定中發起慈悲喜捨廣大之心修行妙行趨向佛道是爲自利以是所起之道體性眞實不爲魔外所侵而卽我人四相八倒妄見生滅因緣於此眞實不二法門永無受行滅盡無餘生滅因緣既然無受無行卽當入難幻化異熟業果卽亦畢竟不受其報入難者地獄餓鬼畜生邊地下賤生不見佛諸根不具生長壽夭世智辯

聰之八難也。蓋此八難無而忽有，有而忽無，幻化不實，善薩覺破，故云八難幻化。果畢竟不受，所謂因窮而果喪也。唯一衆生等者，釋上心念衆生之義。謂此菩薩雖得解脫，不受輪迴，而即思惟一切衆生不知是幻現前輪迴，是故示現去來坐立於三界中，四威儀內，示作精進修行衆行，集福滅罪，種種方便，令諸衆生除滅十惡而生十善，使人佛道爲佛法中正信之人，具足正智而起正行，故也。所言正人等者，知因識果，滅惡生善，反邪皈正，即是正人。了達善惡體空，卽具正智，是以深明空而不空，有而不可起行，而修卽正行也。如是所修自利利他，卽入佛道，爲佛眞子。菩薩達觀現前，至不離正信一節，總結頂心智定現身益物之義。菩薩通達實相，觀無生於現前，雖然往返三界，示同凡夫，實非牽繫，永不受六道果報，卽不退於佛種性中。生佛種不退，卽生生世世入佛法家，不離菩提正覺。正信如是，智觀是爲佛子頂心之體用。親照也。上十光品者，乃大部內別品之中，更廣

說之

○二明十行義二初標牒問辭 二正解其義

○初標牒問辭

盧舍那佛，以千佛諦聽，汝先問長養十心者

此際問誠聽許說十行修進地位觀行之義

○二正解其義十

○初釋慈心位

若佛子，常行慈心，生樂因，已於無我智中樂相應，觀入法受想行識色等大法中，無生無住無滅如幻如化，如如無二故，一切修行成法，輪化被一切能生正信，不由魔教，亦能使一切衆生得慈樂果，非實非善惡果，解空體性三昧

此釋慈心之義，於四無量心中，卽慈無量行也。別經名歡喜行，謂入法界不爲邪動故也。常行慈心，至得慈樂果一節，正明佛子慈無量心體用觀行之義。前十住修十度爲被自利以能自利後利人也。此修十種利他法行，饒益衆生，又前十住位人發心修行，卽以檀波羅蜜爲首。此十行人接物利

生以慈爲本是故常行慈心慈有二種一者有情緣慈謂佛等隨觀諸衆生猶如赤子運大慈心而弘濟之令其皆得受安樂故二者觀法緣慈謂諸菩薩觀一切法皆從因緣和合而生了無自性運大慈心以弘濟之令其皆得受安樂故三者無緣大慈謂諸菩薩無心繫緣一切衆生而於一切衆生自然各各獲利益故菩薩如是恒常修此三種慈心使諸衆生獲離苦得樂之因故云常行慈心生樂因已於無我智中樂相應觀者此正釋上三種慈也其無我智即根本智於此智中觀諸衆生實無苦境本來自樂是故自樂樂他皆以此智是所謂相應也入法受想行識色等大法中者繼承樂相應義入即能入觀行法即所入觀法受想行識即心蘊法菩薩緣入觀時以觀五蘊身心四大法中本無生住異滅法相如幻如化一切皆空本來平等以如如無二故所謂照見五蘊皆空度一切苦厄也即有情緣慈達一切修行成法輪者謂此菩薩修行六度萬行無非成就大法自利利他

故先修行種種妙行成就無上法輪用以自利而又化被一切衆生能生正信不緣外道邪魔所惑既得正信不受魔教是獲離苦得樂之因也即法緣慈義亦能使一切衆生得慈樂果不但令得樂因而已亦能使諸衆生乘此樂因得至無上菩提覺法之樂無餘涅槃寂滅之樂果也即無緣慈義非實非善惡果等者結示觀體照用之義所得慈樂果者非權小實法亦非人天善惡有漏因果是何等果是如如智所解是如如理所空空解之中體性平等之道以此平等體性三昧自樂樂人如是修慈是真佛子慈無量心之體用觀行也

○二釋悲心位

若佛子以悲空空無相悲緣行道自滅一切苦於一切衆生無量苦中生智不殺生緣不殺法緣不著我緣以常行不殺不盜不淫而一切衆生不惱發菩提心者於空見一切法如實相種性行中生道智心於六觀六怨我怨三品中與上樂智上怨緣中九品得樂果空見時自他一切衆生平等一樂起大悲

此釋悲心之義。即悲無量行也。別經名饒益行。謂常化衆生。使得法利。故以悲空。空無相。至發菩提心者。一節。正明悲無量心。體用觀行之義。即有情緣悲也。言以悲者。以大用上。位悲能與樂。然而衆生現在苦中。必須離苦。方能得樂。是故佛子。恒用悲心。令諸衆生。離苦得樂。故云。以悲也。其空空無相者。上雖恒以悲心。實非愛見之悲。乃是空空無相。大悲無能。無所無。自無他。雖云空空無相。而即自然任運。以拔諸衆生。苦衆生苦。爲所悲。菩薩智爲能悲。緣所悲之緣。發起菩薩悲心。而行悲道。故云。悲緣行道。以是所行悲道。即自滅一切苦。又滅他一切苦。故於一切衆生。無量苦中。生大悲智。拔其衆苦。令得樂也。無量苦者。總即凡夫二乘分段變易二生死苦。如是諸苦。起於三業。三業之中。惟殺盜淫三爲根本。以是因緣。業果相續。故得無量苦也。二乘縱離分段。難免變易苦。薩今以無相悲智緣苦衆生。故不爲殺生之緣。不爲殺法之緣。此二無緣。緣是菩薩不著我相之緣。是故常行不

殺不盜不淫。而使一切衆生。不惱。從此發菩提心也。此有三義。一者。菩薩無殺盜淫。而諸衆生見之。心生歡喜。不能瞋惱。發菩提心。二者。菩薩以永無殺盜淫。而教一切衆生。乃得漸漸受化。故使發菩提心。三者。菩薩既謂無殺盜淫。而自他性衆生。不生惱害。故俱發菩提心。如行願云。一切衆生。而爲樹根。諸佛菩薩。而爲花果。以大悲水。饒益衆生。則能成就。諸佛菩薩。智慧花果。菩薩今以大悲緣苦衆生。不但。不惱而已。而復恒與之樂。所謂怨親普度。悲心廣大。故曰。一切衆生。不惱發菩提心者也。於空見下。至九品得樂果。一節。申明悲觀平等觀照之義。即法緣悲也。上言一切衆生。不惱。使發菩提心者。是以菩薩能於真空實相理中。了見一切根塵諸法。皆如實相。本無衆生。本無煩惱。無一衆生。不具實相。但以自迷而不覺悟。故於一切衆生。種性行中。隨諸種種。發起大悲道智之心。爲諸衆生。發明此義。令生道種。智心修行聖道。故於父母兄弟姊妹六親六怨。怨順逆三品之中。皆與最

上菩提樂智也。上想現中九品得樂果者。總有上中下三等。上等有上中下二等。各三三合爲九品。既於上想三品緣中。皆與上樂智者。其餘中下六品。亦盡與之樂果。故曰九品得樂果也。空現時下結。承悲觀平等之義。卽無緣悲也。菩薩今令九品衆生。俱得樂果者。乃緣無相眞空觀照現前之時。無論自身眷屬他身眷屬一切衆生。俱以平等觀照一樂而起。無緣大悲心。智拔一切苦而與樂也。如是行想。是名佛子悲無量心之體用觀行也。

○三釋喜心位

若佛子。悅喜無生心時。種性體相道智空。喜心不著我所出沒三世因果。無集一切有人空觀行成等喜。一切衆生起空入道捨惡知識。求善知識。示我好道。使諸衆生入佛法家。法中當起歡喜入佛位中。復是諸衆生入正信捨邪見。背六道苦故喜。

此釋喜心之義。卽喜無量行也。別經名無遠逆行。謂常修善法。謙下恭敬。故悅喜無生心時。至示我

好道一節。正明喜無量心體用觀行之義。悅喜無生心時。喜悅以心言。喜以事言。佛子自喜得住如實空中。而亦慶喜一切衆生得住如實空中。以是自他離苦得樂。其心暢快。此悅喜心。以從無相處生。生卽無生。無相可得。故云無生心也。種性體相等者。種卽種子。性卽性分。體卽本體。相卽相狀。道卽中道。智卽觀智。謂此菩薩以悅喜無生心。發生一切智慧。觀察分別十界。依正種性體相。皆如實相。卽從如是種性體相。理發起道智。說法利生。應以何法而得度者。卽以何法而爲彼說種種方便。令離苦集而修道。諦證滅諦。理如是道智。無能無所。心境空寂。空喜心不同。凡夫從憎愛諸境而生。其心故不齊。我所也。雖然往返三界出沒。隱顯示同。凡夫和光混俗。而於三世因果等法。本來無集。無有覺礙。但凡一切有所作爲。皆入無相眞空觀行。卽此眞空觀行成就。毋論親冤。皆以平等悅喜。使人佛道證佛道果。永離苦趣。所謂四弘誓願。未離苦者。令離苦。未安道者。令安道。謂未得滅

者令證滅諦故云觀行成等喜一切衆生此謂喜心平等廣大則成喜無量也所言起空入道者謂即起於所成空觀修似觀行趣入佛道接物利生又不同二乘沈空滯寂安住化城不肯前進故曰起空入道言此所入之道非真知識不能通達事理是故捨惡知識而求善知識也惡知識者身居邪見斷佛慧命故善知識者知真本有識妄元無故如此知識求其指點示我好道言好道者即佛道也乃即諸佛所證衆生所迷不生不滅清淨覺道菩薩善修此道以自利即以此道能使衆生入佛法家法中而利他也所言入佛法家者即生如來家不生外道邪見之家入佛法中者謂生如來正法之中不生權小法中也以上明其體用向下結成喜觀之益常起歡喜人佛位中此二句者乃結自利復是諸衆生等者乃結利他也不惟自己墮在佛數而生歡喜又使一切衆生入於正信捨諸邪見生生世世背六道苦所以菩薩常生平等歡喜也如是修喜是名佛子喜無量心之體用觀

行也

○四釋捨心位

若佛子常生捨心無造無相空法中如虛空於善惡有見無見罪福二中平等一照非人非我所心而自他體性不可得爲大捨及自身肉手足男女國城如幻如化水流燈焰一切捨而無生心常修其捨

此釋捨心之義卽捨無量行也別經名無屈撓行謂行大捨進行能令一切得至究竟涅槃故常生捨心至平等一照一節正明捨無量心體用觀行之義從初發心歷無窮劫而行濟度故云常生捨心無造卽無能也無相卽無所也謂此佛子常生捨心之時是乃生卽無生捨亦無捨故曰無造無造則無有相無相則空空卽無物以是無造無相空法之中如虛空也言空法中如虛空者釋明常生捨心無造無相之義上文既言常生捨心是卽有心可生有法可捨有造作有形相何以皆言無耶蓋此眞空實相法中心境諸法一切皆空若立一塵卽墮限量必也無造生心無相行捨是以顯

頭解脫法。法無礙。故曰空法中如虛空。不拒諸象。發揮也未發心人。於善事起有因果見。招福果相。於惡事起。撥無因果。見招罪業相。今佛子。捨心既如虛空。則於善惡二因。有無二見。罪福二報。中平等一照了。然無二。皆與實相不相違背。故心如虛空也。非人非我所心。至爲大捨。一節申明捨無量心。體用觀行之義。非人非我所心者。非者空也。所心者執情也。以是妙智平等一照。是故人我二心。內外執情。當下頓空。以是頓空。自他體性俱如虛空。不可得。故如是之捨。是爲大捨。卽我空義。從此心性俱空之處。以及身肉手足之內。財寶男女。國城之外。財寶菩薩觀之。總皆如幻。如化。如水。流如燈。滅虛假不實。故一切捨。卽法空義。如幻。如化。喻內外財物。不可得也。如水。流如燈。滅。喻自他體性不可得也。而無生心。常修其捨。此二句義。總結佛子無相捨心。以顯三觀圓修之義。無生心者。乃無造無相無生。無滅實相心也。卽空觀義。常修其捨者。謂此佛子。雖然了知自他體性俱不可得。亦不

同小乘人不起方便說法度生。正乃卽此無相心中。常生方便修行捨心。擬受有情。卽假觀義。二觀不立。卽中道義。我所謂應無所住而生其心。如是修捨。是名佛子捨無量心之體用觀行也。

○五釋施心位

若佛子。能以施心。被一切衆生。身施口施。意施財施。法施教導。一切衆生。內身外身。國城男女。田宅。皆如如相。乃至無念財物受者。施者亦內亦外。無合無散。無心行化。達理達施。一切相現在行。

此釋施心之義。卽施攝法也。別經名無礙亂行。謂不爲無明所失亂。故能以施心。至教導一切衆生。一節正明施心所攝體用觀行之義。言能以施心者。卽能被之。教被一切衆生者。卽所被之。機言身施者。以身擔荷。執身負役。乃至所捨頭目。髓腦。身肉。手足。口施者。口無雌黃。出言善熟。乃至歡喜讚歎。說誠實語。意施者。心無瞋恨。貪癡嫉妒。乃至常懷恭敬。現采和相。財施者。國城妻子珍寶。田園。乃至一切資生產業。法施者。權實方便。大小諸乘。乃

至一切因緣譬喻是也。教導一切衆生者。上言被一切衆生。是何能被之法。耶。謂以身口意三輪妙用財法二種。被諸衆生。隨所樂求。令得如意。教引開導。攝受一切衆生。使其解脫。永離苦趣。故內身外身。至達理達施一節。申明施心所攝。體用觀行之義。內身卽內五蘊身。命外身卽外國土眷屬資具也。菩薩教導之中。難以權智。施心種種施與。而必以實智照理了無施相反觀。內身外身。國城男女田宅等物。當體全空。譬如如相。實無有法。可施不但無財物。施相乃至無念財物之念。心境空也。無受者之人。無施者之我。能所泯也。亦無內之身命。亦無外之財物。以緣生如幻。無有合相。緣滅如幻。無有散相。故所以施受內外合散之間。實無施心。可起無施行。可作無衆生。可化不妨終日度生。無生可度。終日說法。無法可說。故云無心行化。此上明空觀下明假觀。達理深達施理。卽達三輪體空達施深達施法。因人而用。求財施財求法施法。二皆不謬。故一切相現在行者。此總結明三觀圓

修之義。謂雖無心行化而起化導。不妨修卽無修。無修中修化卽無化。無化中化不墮斷常不著空。有以此施道歷歷明明達理達施一切諸相現在前行如是行施方是佛子。施心體用攝受衆生之觀行也。

○六釋好語心位

若佛子入體性愛語三昧。第一義諦法語義一切實語言皆順一語調和一切衆生心。無礙無碍一切法空智無緣常生愛心行。順佛意亦順一切他人以聖法語教諸衆生。常行如心發起善根。

此釋好語心之義。卽愛語攝也。別經名善現行。謂生常於佛國土中生。故入體性愛語三昧。至皆順一語一節。正明愛語心所攝。體用觀行之義。愛語攝者。乃是至慈至悲。親親切切。叮嚀多誠。和順語也。亦名好語。心攝好語攝者。卽是善好柔軟語也。謂此語言非凡小情見偏執之語。乃卽依如來體性愛語三昧正定之所生。故如來有五語一真語二實語三如語四不誑語五不異語。今文具三

以該中二第一義論法語義者是爲眞語即以大乘中道了義之談不將不了義語爲衆生說故云第一義論法語義也一切實語言者是爲實語不誑語也皆順一語者是爲如語不異語也謂此佛子既以第一義諦而生語言故凡發言吐語無不眞實而又事理明了皆順第一義諦之語如是五福爲因當感如來果舌之相經云出廣長舌徧覆三千大千世界說誠實言是也調和一切衆生心至亦順一切他人一節申明愛語體用之義調和即上諸語爲能調衆生心爲所謂無瞋即心和無諍即言和一切衆生固多佛子以諸好語調之亦皆心氣平和凡有言出自無所諍何者菩薩了達一切諸法皆空智亦無緣如空谷之答響所以不起佛見不與佛諍不起法見不與法諍不起衆生見不與衆生諍是則一切諸法皆空智亦無緣難則舉無能所緣相不妨恒與一切衆生自然任運常生慈愛之心如保赤子使得安隱故云一切法空智無緣常生愛心此其所以能調和衆生心而

無瞋無諍也行順佛意者即以愛心上合十方諸佛同一慈力亦順一切他人者即以愛心下合一切衆生同一悲仰所謂無緣慈力赴羣機明月影臨千湖水也以聖法語等者結顯佛子愛語之用謂此愛語乃依如來聖教法語種種方便隨機設化使諸衆生常行如心亦從如如心中發起善根本以自調而亦調和一切衆生如是愛語方是佛子好語心攝受衆生之體用觀行也

○七釋利益心位

若佛子利益心時以實智體性廣行智道集一切明義法門集觀行七財前人得利益故受身命而人利益三昧現一切身一切口一切意而震動大世界一切所爲所作他人入法種空種道種中得益得樂現形六道無量苦惱之事不以爲患但益人爲利此釋利益心之義即利行攝也則經名無著行謂於我我所一切皆空故利益心時至震動大世界一節正明利益心攝體用觀行之義實智體性即自證之本智廣行智道即利生之權智若乃佛子

欲行和益心時必依實智體性方能廣行智道之權智也。集一切明義法門等者。緊承廣行智道而言。明義法門即是種種智慧。因緣譬喻無量方便。法門所謂開方便門。示真實相也。集觀行七財者。觀行即空假中之單。獲圓二十五輪觀行法也。七財即七聖財。謂信戒聞捨慍愧七事。此七事中戒攝進慧攝定。此上即能破之教前人等者。即所益之生也。菩薩聚集此教法門。為使前人洞曉實藉識路還家。無乏中途。得至涅槃彼岸之利益。故言受身命而入利益等者。此申明利行攝之義。諸佛菩薩教化衆生。必然隱聖現劣。和光同塵。以同衆生身相事業。如影隨形。久化方報。使其解脫。是故假受四大幻身。假受五蘊形命。而入利益三昧。此即三昧覺法。正受意生身也。如他經云。初地菩薩方得此經七行便具。此是圓頓法門。故能現一切身現一切口現一切意之三輪也。三輪以身為神通輪。欲說法時必先現通。驚動衆生。機情令發正信。然後說故。以口為教誡輪。若說正法。先以方

便開示引導。令諸衆生反邪歸正。改惡從善。然後說故。以意為記心輪。如說法時必先以意鑒諸衆生根器利鈍。然後說故。而震動大世界者。震乃六種震動。即動起涌震吼擊。是大世界者。化境有大中小三千。此舉大千該中小。故言此佛子。饒益衆生現身口意神通妙用。說諸法門。使木發心者令其發心。已發心者令其增長。緣此三輪業用。放感大千世界六反震動也。一切所為所作。至但益人為利一節。此申明利益心體用之義。法種即聖教法種。空種即真空理種。道種即道種性種。菩薩一切所為所作。無不欲令一切他人發菩提心。起大乘信而入如來聖教法種。緣法寶而解二空理。而入真空理。種諸解空理起行修行所修善根。告如實際而入金剛道種性種之中。得是法益永離苦。緣證十地果得是法樂故也。現形六道等者。上言現一切身口意。不知此形於何處現。謂即於六道之中現也。以六道中有種種苦。如天有五衰相現等。苦人間有生老病死等苦。修羅有瞋心鬪諍等

苦地獄有寒酸楚痛等苦。鬼神有沈幽愁等苦。鳥獸有懷猶穢等苦。菩薩雖於六道衆生之中。隨類現形。而於無量苦惱之事。不以為患。下結所以衆苦不避者。但專饒益法界中人。為利耳。智道所行。智體且空。衆生雖化生性無生。如是之行。方是佛子。利益心攝受衆生之體。用觀行也。

○八釋同心位

若佛子。以道性智。同空無生法中。以無我智。同生無二空同源境。諸法如相。常生常住。常滅世法相。續流轉無量。而能現無量形。身色心等。業入諸六道。一切事。同空同無生。我同無物。而分身散形。故入同法三

圖

此釋同心之義。即同事攝也。別經名難得行。謂成就難得善根故。以道性智。至同生無二一節。正明同心體用觀行之義。以道性智者。即善提道性利生之權智也。此智契同真。空無生無滅。無相法中。智理無二。圓融一切。故以無我無人之智。現身同生無二。無我智者。即根本智。此智即無差別。故依

此智體。乃能同生無二。同即能同生。即所同言無二者。其義有二。一者以物我無二。相隱同一類。種種方便。種種神通。攝受衆生。無彼此故。二者以物我無二。體生即無生。同即無同。皆同於無生。空是故。同生體無殊。故空同源。乃至一切事同一節。申明同心體用之義。空同源境者。承上既云同生。何名無二。既是無二。又何同生。言同生無二者。蓋謂生我皆本同於無生。空理如一切水皆同本源。一切根境皆同真境。以是無二。真空理境之中。實無人我同異之相。故云空同源境。諸法如相。既一切法皆如實相。何有生住滅相。本自無生。無住。無滅。無生即無不生。無住即無不住。無滅即無不滅。以無生住滅故。所以常生常住常滅也。世法等者。辯明無生無滅之義。問曰。既云常生常住常滅。云何又有生住滅相之遷流。耶。答曰。緣是衆生不離常生。常住常滅之法。迷真逐妄。起惑造業。隨業受報。輪轉三世。生死無窮。故云世法相續。流轉無量。菩薩因觀世間衆生。隨業受報。受無量苦。不自覺知。

故以同體悲智起同事攝而能示現無量形色心等業入諸六道一切事同應以何身得度者即現何身與諸衆生共處一處種種方便而爲說法令得解脫如普門大士隨機赴感隨類現形故云入諸六道一切事同也空同無生等者此總結顯同心體用之義空同無生一句結上同空無生法中之意謂乃空無二空唯一眞空以是無二眞空故能現一切空其所現一切空皆同於無生空故云空同無生我同無物一句結上以無我智同生無二之義謂乃我本無我是故物即無物無我無物故能物物現形以我同無而無物也而分身散形故入同法三昧者此二句義結上能現無量形色心等業之文謂得此三昧者方能入諸佛土現諸衆生身相同諸衆生事業因事彰名故名同法三昧如是智定是爲佛子同事心攝受衆生之體用觀行也

○九釋定心位

若佛子復從定心觀慧證空心心靜緣於我所法議

界色界中而不動轉逆順出沒故當入百三昧十禪支以一念智作是見一切我人若內若外衆生種子皆無合散集成起作而不可得

此釋定心之義即勝定行也別經名善法行謂說法授人爲成佛軌則故復從定心至十禪支一節正明定心體用觀行之義復從定心者復又也謂前於欲界中所入三昧正定今又復從欲界定心而起入上二界現身益物故也觀者觀察慧者慧照觀慧即能證智空即所證理謂此菩薩以寂定觀慧心而證定中空理其所證空不同二乘寂滅解脫不能觀照根身器界無明種子當體全空菩薩是以證空而不住著空理能於眞空理中心心靜緣於我所法皆悉如幻隨如幻境現如幻身於色界識界中爲說如幻法門廣化如幻衆生雖然如是不爲色識二界所能動轉不被物轉能轉物也識界即四空天色界即四禪天所云不動轉者謂於上二界中若逆出若順出若逆沒若順沒以是出入隱顯故當入百三昧十禪支法種種神通

●下篇

自在無礙。不爲下界欲惡所染。亦不爲上二界空禪所拘。所謂逆行順行。天莫測也。華嚴經云。童子身中入正定。童女身中覺定起。童女身中入正定。童子身中從定起等是也。三昧名有無量。略則百八。今舉百三昧。破三界衆生百法相生見。故十禪支者。一覺二觀三喜四樂五一心六淨七捨八念九慧十不苦不樂。此十乃是禪天之定支也。以一念智至而不可得。一節申明定心觀慧體用心。心靜緣之義。以一念智作是見者。即觀定中一念無礙清淨智慧圓照如實了見一切我人若內根身若外器界衆生異熟業識無明種子。皆無合散無集無成無起無作。一切皆空。俱如幻化了。不可得。所謂世界本無成住壞空。衆生本無生住異滅。如是觀者是名菩薩定心。出入體用之觀行也。問此行位定心觀智破惑與前生位有何差別。答大略相似。各有淺深不同。前住位定破分別之塵惑。此行位定破分別之細惑。故不同耳。

○十釋慧心位

若佛子。作慧見心。觀諸邪見結患等。縛無決定體性。順忍空同。故非險。非界非入。非衆生非一。我非因果。非三世法。慧性起。光光一。破明明見。虛無受。其慧方便。生長養心。是心入起空空。道發無生。心上千海眼。王品已說心百法明門。

此釋慧心之義。即勝慧行也。別經名眞實行。謂二諦非如亦非非相。故作慧見心。至三世法一節。正明慧心體用觀行之義。作慧見心。即能照之觀智。觀諸邪見等者。即所破之惑也。作者用世。請此菩薩大用。依本所解寂滅理慧而起。觀照見自他妄心及審觀察無明所起諸惡邪見結患等。縛如實了知。無決定體性也。諸邪見者。即諸外道執常執斷執一執異種種執著等見。言結界等縛者。結謂眼與色結等。患謂眼色等結。使起諸業患。致使生死纏縛不得解脫。故云結患等。縛無決定體性等者。謂此等患緣迷滅識現起。至七地後修通無間順忍解脫。滅識一空。轉成無生法忍。此等諸患於彼順忍同時寂滅。故云無決定體性。順忍空同。

也。所以觀五陰非五陰觀之。八界非十八界觀之。二入非十二入觀衆生。非衆生觀。一我非一我觀。因果非因果觀。三世法非三世法。一切皆非本如。來藏妙真如性。所謂性眞常中。求於去來迷悟生。死了無所得。故非五陰等諸法也。慧性起至發無生一節。乃結慧心。觀照功能。以顯不住假觀而證入中道觀也。慧性起者。緣是無作妙慧見心所起。逾發觀慧妙用。故云慧性起也。言光光一談者。光光卽智一談。卽慧智能照境慧。能了境以智慧。談了緣境空幻也。明明見者。了了照見之義。虛無受者。言此慧照體性。無障無礙。虛微靈通。不受諸受。故名虛無受。其慧方便等者。謂此佛子。以般若智照了見無明體空。是故心體虛通無礙。緣虛通無礙。故其慧益以種種巧妙無量。方便長養法身成就慧命。不礙他悟爲成就。故是心入起空空道。發無生心。如苗增長也。是心卽本慧心。入卽證入。起卽發起。空空卽是所證入法。二空眞理。道卽中道。蓋以從前已來所用慧心。至此已證二空。不惟五

蘊等法爲空。亦無能空五蘊等法。於二空理亦無所住。以無住。故迴向一乘中道法界海中。發無生心。任駕慈航。故也。無生心者。以不見有毫法生滅。故曰無生心。惟發此心。普載普運。同證金剛不壞心。故如是悲智變運。是爲佛子慧心體用之觀行也。此是略說於大部內。上千海眼王品中。已說此十心百法明門。一一廣明。不可思議。言百法明門者。卽百八智慧門。今言百者。舉大數也。菩薩將離兜率宣說此法。留與諸天。以作憶念。然後下生。亦是初地所證化導法門也。

佛說梵網經直解卷上之一

佛說梵網經直解卷上之二

姚秦二藏法師 鳩摩羅什奉 詔譯

明廣陵傳戒後學沙門 寂光 直解

菩薩心地品之上

○三釋十向義二初標牒問詞 二正解其義

○初標賺問詞

盧舍那佛言。千佛諦聽。汝先言金剛種子有十心。此聖主世尊。告當機佛。誠聽賺問。詳說十迴向心。義謂前住行菩薩。以起大慈度生。必迴住行所修善行。向於三處。一者。所證真如實際。二者。所求無上菩提。三者。所度一切衆生。以能迴之心。及所迴善行。向彼萬類。圓滿梵行等。入法界故。又云迴事。向理。迴小向大。回因向果。以事理圓融。小大無礙。因果不二。故又云迴真向俗。回智向悲。以真俗互融。智悲不二。故此之二法。即上三種迴向之義。言金剛種子有十心者。謂此十迴向心。觀智妙行。最堅最利。一切煩惱所不能壞。而能壞諸惑業。所以十迴向心。名金剛種也。

○二正解其義十

○初信心位

若佛子。信者一切行。以信爲首。衆德根本。不起外道邪見心。諸見名著。結有造業。必不受入空。無爲法中。三相無。無生。無住。無滅。滅無有一切法空。

世諦第一義諦智。盡滅異空。色空。細心心空。細心心空。故信。信寂滅。無體性和合。亦無依然主者。我人名用三界假我。我無得集相。故名無相信。

此釋信心迴向義也。別經云。救護衆生。離衆生相。回向。謂以無想心。常行六道。而入果報。受而不受。故若佛子。標人信者。標法一切行至第一義諦智。盡一節。正明佛子信心體用。中道觀智迴向之義。言一切行等者。謂始從初住。終至妙覺時。歷三祇修圓萬行。一切衆德。若非初具正信。首立根本。必爲空有。魔外所折。以是信力堅忍。而後發起種種妙行。是以信爲能起一切行。爲所起。緣能起之正信。發所起之妙行。緣所起之妙行。證無證之妙果。所以信乃入道之源。功德之母。故云一切行以信爲首。衆德根本。也不起外道邪見心者。申明信空。諸有爲法也。外道有九十六種。六十二見。此外邪見。緣無正信。乃於無名無相。無我理中。妄起種種顛倒。今既立根本正信。除疑捨執。則諸邪見永無所起。故云不起外道邪見心也。諸見名著者。出本

邪見之義謂諸凡夫著有外道執常二乘著空外道執斷凡此諸見皆名爲著凡有著處正難破除自然結集有漏之因造諸惡業而受惡業之果今此佛子既以正信植衆德本則所起空觀假觀中觀妙三觀門一照即使惑障隨空惑障既空業障從何而有業障尙不可得豈有報障可受故云結有造業必不受也入空無爲法中三相無無者申明不受之義上言業障報障必不受者乃佛子信智現前了無能造業者無受報者故全身已入空無爲法中不被有爲法縛而能了生住滅三相無動無到故云三相無無言無無者三相是所破之無明無無是能破之觀智所破既無能破亦無也無生無生等者申明信空諸無爲法也謂不但三相無無并無有爲無爲諸法即此無爲法中諸無爲法亦不可得重言無生等者上無生是空盡有爲所證之理下無生即還上能證無生重空之智言本自無生何假更立無生然後說名無生故云無生無生無生之義如是無住住無滅滅之義亦

復如是無有一切法空者承上既有爲無爲一切諸法本自無有悉皆空寂是則無法可空故空亦不可得此總結遺真俗二諦之理無所得空故云無有一切法空世諦第一義智盡者此總結遺真俗二諦之智亦無世諦智能空有爲諸法之智第一義智能空無爲諸法之智盡者盡二智也謂不但所空有爲無爲二諦之理不可得即能空有爲無爲二諦之智亦盡無餘所謂無智亦不得也滅異空色空至和合亦無依一節申明信心迴向之義滅謂除滅即能滅之觀智異空色空即所滅之色法所謂凡夫執色迷空二乘執空迷色分爲兩攝是故十住修空觀破凡夫執色迷空十行修假觀破二乘執空迷色今十迴向菩薩以修法界平等觀智觀照法界俱滅除異空色空有爲無爲同異見故此於五蘊中而空色蘊所謂色不異空空不異色色即是空空即是色此也細心心空等者此明所滅心蘊之法亦空謂上異空色空二相既空則能滅異空色空細心之心此心亦空故云細

心心空。又不但細心之心。念亦空。即空上細心之心。其心亦不可得。故云細心心空也。爾覺經云。遠離爲幻。亦復遠離。遠離幻。亦復遠離。得無所離。即除諸幻。即此義也。信信寂滅。無體性者。申明心境俱空。智理雙泯之義。上信是能信之心。智下信是所信之理。境以是心境。智理二俱寂滅。以無體性。故云信信寂滅。無體性也。此寂滅心。從無始來。不與動對。而寂不與生對。而滅所謂寂滅性中。莫間覺也。和合亦無依者。承上諸法既無體性。是即能信所信。以成和合了。不可得彼此能所。和合依誰而立。故曰和合亦無依。所謂度既不存。毛將安附也。然主者下總結。無相信心。迴向之義。然之一字。喚轉文勢。謂諸凡夫外道。皆從我與人。安名立用。以是我人名用之間。自爲分別。爲和爲合。和合之處。立我爲主。以爲我有得相。我有集相。今既佛子所信。至於無依。是則了知我人名用之相。皆是三界假設。和合妄立。爲我主宰。其體不實。豈無我無法中。而有修證可得。智聚可集。故曰我無

得集相。故是以深信深入。無得無集。無我智理。是名佛子無相信心。體用所當回向者也。

○二念心位

若佛子。作念六念。常覺乃至常施。第一義諦空。無著無解。生住滅相。不動。不到。去來。而於諸業受者。一合相。迴向入法界。智慧慈相。乘乘乘寂滅。寂滅無常。光光無無。生生不起。轉易空道。變前轉後。變轉變化。化轉轉變。同時同住。緣緣一相生滅。一時已變。未變。變化亦得一受。亦如是。

此釋念心迴向義也。別經名不壞回向。謂觀一切諸法。有受有用。念念不住。故若佛子。作念標定六念。至入法界。智一節。正明佛子念心。體用中道。觀智迴向之義。言作念者。作謂起作。念謂明記不忘。六念等者。此申明作念意。問言作念者。作何等念。答謂即念佛念法念僧念戒念天念施之六念也。常覺乃至常施。此舉首尾二念。是超略義。該中四也。言常覺者。即念佛也。依涅槃經。六念釋之。念佛者。謂念諸佛十功德。品具足。十力四無所畏。大悲。

三念常樂我淨是故得稱如來常無變易名大沙門名大法師名大導師乃至婆伽婆是名菩薩摩訶薩念佛念法者謂念思惟諸佛所可說法最妙最上因是法故能令衆生得現在果惟此正法無有時節法身所見不生不出不住不滅不始不終乃至諸佛所遊居處常不變易是名菩薩摩訶薩念法念佛者謂念諸佛聖僧如法而住受持正法隨順修行不可觀見不可捉持不可破壞無能撓害不可思議一切衆生長祐福田雖爲福田無所受也乃至常不變易是名菩薩摩訶薩念佛念戒者謂念諸佛菩薩思惟有戒不破不壞不離不雜雖無形色而能護持雖無觸對善修方便可得具足無有過咎諸佛讚歎是大平等大涅槃因乃至諸佛妙寶勝幢若住是戒得須陀洹果我亦有分非我所欲何以故不能廣度衆生故若住是戒則阿耨多羅三藐三菩提我亦有分是我所欲何以故當爲衆生廣說妙法而作救護故是名菩薩摩訶薩念戒念天者謂念四天王處乃至非非想處

若有信心得四天王處我亦有分若戒多聞布施智慧得四天王乃至非非想處我亦有分然非我所欲何以故四天王處乃至非非想處皆是無常以無常故生老病死以是義故非我所欲譬如幻化誑於愚夫智慧之人所不能惑愚者即是凡夫我則不同凡夫愚人我曾聞有第一義天乃至常不變易以常住故不生不老不死我爲衆生精勤求於第一義天能令衆生除斷煩惱猶如意樹若我有信乃至有慧則能得是第一義天當爲衆生廣分別說第一義天是名菩薩摩訶薩念天念施者謂念深觀此施是菩提涅槃因諸佛親近我亦如是親近若不惠施不能莊嚴四部之衆施雖不能畢竟斷惑而能除破現在煩惱乃至諸佛菩薩修集是施爲涅槃因是名菩薩摩訶薩念施也如是常覺乃至常施雖則名有六念而於第一義空中道理中實無有念可執著者實無有念可解脫者何以故有縛有解皆是生滅無著無生無滅以無縛無解故則無生住滅相之念法以

無生住滅相之念法。故是則本元不動。本元不到。既本元不動。不到。則亦無去。無來。無來。則無動相。覺其有生。無去。則無到相。覺其有滅。如是不動。不到。無去。無來。是故無有生住滅之三。相作業受報。一切皆空。能於諸所作業。并受業者。爲一合相。迴向入法界智也。一合相。迴向者。其爲念心。無能無所。能所無二。無縛無解。縛解無二。無生無滅。生滅無二。無動無到。動到無二。無來無去。來去無二。無業無報。業報無二。是爲一合相。迴向也。入法界智者。入即迴向之義。法界即十法界。乃一切衆生本有之心。一切諸佛所證之理。所謂心佛衆生三無差別也。智即能證法界平等之智。迴二諦理。向入法界平等之理。迴二諦智。向入法界平等之智。以法界智契法界理。以法界理證法界智。智理圓融。無有迹象。入法界有三處。因諸菩薩根有利鈍。行有淺深。以所入不同。故一者十住初心。以利根者。能破無明。即得證入法界平等之理。得不退轉。二者十向終心。衆行純熟。破除二障。故得證入法界

平等之理。三善初地初心。於前行向十功德品具處。至於初地初心。證入法界三德。圓融三身自在。是名三處證入法界。此是第二終心入法界也。慧慧相乘至生滅一時一節。申明一合迴向入法界。慧慧相乘。即智乘乘寂滅。即理由入法界智故。轉六念之慧。乘入法界之慧。乘轉六念之理。乘入法界之理。乘所謂廣大如法性。究竟如虛空。窮未來際。無有間斷。故燄燄無常。光光無無。此二句者。乃即智慧破惑之象。燄燄火光。即能滅之智慧。無常無無。即所滅之無明。菩薩智慧。如火之燄。衆生煩惱。如薪之燒。以智慧燒煩惱。淨盡無餘。如火之燄。能燒大地草木。淨盡無餘。又以菩薩智慧。如火之光。衆生無明。如室之暗。以智慧光照無明。暗無幽不燭。菩薩以中道觀。第一義空。破無明惑。無障不除。無理不顯。也。生生不起等者。既是燄燄無常。光光無無。是則生而無生。起而不起。是以無生無起。即轉易空道也。言轉易空道者。即迴向義。轉即轉迴。易即易向。轉無明易真。如轉煩惱易菩提。

提轉生死。易涅槃。惟其轉易如此。是以轉而不轉。不轉而轉。故能變前轉後等也。變前轉後一句。即轉滅相無明。爲不滅相變轉化化一句。即轉住相無明。爲無住相。化轉轉變一句。即轉生相無明。爲無生相。不云轉異相者。正是本位所破。故不言也。同時同住等者。釋承四相相依。而有同一覺。故所以發。雖一相生滅。一時變。雖一相始本。無二同一覺。故生滅一時。四相平等。猶若交。意相依而立也。已變下等五句。此又統結生住異滅。四相平等。三覺無二。言已變者。即過去生滅也。言未變者。即未來生滅也。變變者。即現前生滅也。化亦得一者。例上結之。雖云三世迭遷。以法界智照之。實無動到去來。四相平等。故云化亦得一。所謂纔生。即有滅。不爲愚者說也。受亦如是者。承上既三世所變生滅之法。亦得一。是則能覺生滅之心。亦得一也。故云受亦如是。如是念心。是乃佛子無相念心之通向也。

○三深心位及云迴向心位

若佛子。深心者。第一義空。於實法空。智照有實諦業道相續。因緣中道。名爲實諦。假名諸法。我人主者。名爲世諦。於此二有諦。深深入空。而無去來幻化受果。而無受。故深深心解脫。

此釋深心。迴向義也。別釋名等。一切諸佛。迴向。謂三世佛法。一切時能行。故若佛子。深心者。二句。標定第一義空。至下深深入空。一節。正明深心。迴向。言深心者。非對淺而言也。乃是最深之深。故名深心。第一義空者。即一眞法界。大空之理。於實法空。智者。即一眞法界。大空之智。以法界智。入法界理。理智圓融。法界無礙。即以法界理智。而起慈照。照有實諦。有即俗諦。實即眞諦。然此眞諦。非離俗諦之外。別有。乃即衆道相續。無明老死十二因緣。於其因緣和合法中。本來不遷不變之道。名爲實諦。衆道即第八頌耶。識名爲衆相相續。即第七末那識。名爲相續。總該三細六粗之法。因緣即三細六粗。生滅和合之稱。所謂無明不覺生三細境界。爲緣長六粗。又云衆道。即身口意所作善惡行業。謂

此諸業更因致受生死諸業之果道即道路能通之義謂此三道更互相通從煩惱通至業從業通至於苦從苦復通至於煩惱展轉相通生死不絕是為業道相續和合因緣之法緣是因緣和合假名諸法致使凡夫外道妄計我人執為主者名為世諦世諦遷流不實之謂菩薩於此二有諦深深入空二有諦者即上員俗二諦所言區諦亦名有諦者何對俗言員立真遣俗俱屬對待即非真員故亦名有諦所謂言妄顯諸真妄真同二妄也又二有者有即本有真常不變故亦名有所謂是法住法位世間相常住故又云因緣所生法我說即是空亦名為假名亦名中道義此也深深入空者申明深心邁向之義承上菩薩以法界智照見了真照俗了俗於此二諦了無二法合為一理深深邁向一真法界平等大空之理故云深深入空所謂員不立妄本空有無俱遣不空空者此也而無去來等者此總結承深心邁向之義既於此二有諦深深入空而空理中自無生滅去來幻化受受

果報而無受受幻化之果報故是名深深心解脫也又深深心解脫者聲聞修生滅四諦法證人空理名淺解脫緣覺修無生四諦法證法空理名深解脫菩薩以法界智即觀空假不二員俗互融深之又深故云深深心解脫也

○四達心位

若佛子達照者忍順一切實性性性無縛無解無礙法達義達辭達教化達三世因果衆生根行如不合不散無實用無用無名用用一切空空空照達空名為通達一切法空空空如如相不可得

此釋達心邁向義也別經名為于一切處邁向謂以大願力入諸佛土供養一切佛故若佛子達照者標定忍順一切實性至教化達一節正明達照體用中道觀智邁向之義達即通達照即明照謂通達事理照了無礙二義合言故云達照此即能證之智忍順一切實性者此即所證之達忍即忍可忍證也順即隨順無違也以是忍證法界之理順隨法界之性故能了達一切諸法之性皆即法

界真實之性故云。忍順一切實性。性無縛無解。三句承上。既觀一切法。性皆法界。性即此一切法。性之性。本自如如。本無縛。本來無解。無縛即無生死。無解即無涅槃。經云。一切衆生。皆即涅槃。本來自滅。不復更滅。以是情。與無情一體。無差。本來清淨。故云。性無縛。無解。法達等者。申明達照之義。上明觀照諸法。體性無差。此明觀照諸法。相用不異。無礙二字。貫下法達義。達辭。達教化達。四種無礙智也。法達者。即法無礙智。謂得此智。即能通達世出世間一切諸法。名字差別。分別演說。無滯礙。故義達者。即義無礙智。謂得此智。即能了知一切諸法。差別名字。義趣妙理。隨順宣揚。無滯礙。故辭達者。即辭無礙智。謂得此智。能於諸法名字義理。隨順一切衆生種種根性。殊方異語。爲其演說。能令衆生各各得解。辨說通達一切法。性無滯礙。故教化達者。即樂說無礙智。謂得此智。即能隨順一切衆生種種根性。所樂聞法。而爲說之。通達圓融。無滯礙。故三世等者。詳釋上義。三世因

果者。即釋上法達義。謂此佛子。於諸法中了達。過現未來。善惡之因。即感過現未來。苦樂之果。是以三世因果。相續無窮。一一了故。衆生根行者。釋上辭達教化達二義。謂諸衆生根行。有貪瞋癡等業。繫苦衆生。有戒定慧等解脫樂。衆生而諸衆生。有利根鈍根者。有非鈍非利者。有善性惡性者。有非善非惡者。種種根性種子差別。而起種種現行差別。菩薩觀根逗教。一一通達。方便說故。如不合。不教。此三句者。總釋上三種義。謂即了達三世因果。衆生根行。世出世間生滅染淨。一切諸法。皆如如相。本無三世因果。本無衆生根行。本來平等。不合不散。無生無滅。不合即無生。也不散即無滅也。故名如。如不合不散。無實用等者。展轉釋明。無合無散之義。謂既了達無合無散。即一切法。當體本空。何有實用。是故無實用也。無用無名。用用一切空者。盡謂實以名顯。名得其用。其名其用。依實而立。既無實體。則無實用。既無實用。則無有名。名實一用。皆是假立。各無自性。各無自相。一切皆空。

本自如如何有其名何有其用所以用一切空也。空空照達空者。謂以所照諸法既無實體。無有實名。則此能照般若亦無照無達也。名爲通達一切法空者。以是空空照達空。故是故名爲通達一切法空。經云。若人通達無我法者。如來說名真是菩薩。此也。空空如相不可得。此二句者。總結無相照達迴向之義。空空卽法界理。如卽法界智。以是如理如智之道。離諸名字言說心緣等相。故云空空如相不可得。

○五直心位

若佛子。直者直照。取緣神我入無生智。無明神我。空中空空。空理心在。有在無而不壞。道種子無漏中道一觀。而教化一切十方衆生。轉一切衆生。皆薩婆若。空直直性。直行於空三。界生者。結縛而不受。

此釋直心迴向義也。別經名無盡功德藏迴向。菩薩恒以常住大法授與前人。故若佛子。直者。標定直照至無漏中道一觀一節。正明直心體用中道觀智迴向之義。所言直照。謂正直照物而無私曲。

之義。菩薩證入中道法界理智而起觀照。直照諸法。目他體性一切平等無委曲。相是爲直者之直照也。取緣神我入無生智。此二句者。釋上直照之義。取緣神我卽第六識分別之我。以能取能緣故名取緣。六識名神我者。以二乘人不知有七八識。依六根門。顯六識三毒建立染淨根本。所以名此六識爲神我也。以阿賴耶人所難測。故耳。言入無生智者。謂此十向菩薩。以法界智觀察無明煩惱體性本空。將登地時。已離分別我法二執。故云入無生智。無明神我空者。卽第七識俱生所執自內之我。此緣無明。冥習所起微細難知。至七地後方捨諸外道執。此第八藏識。謂之自性冥諦。二十五論以此藏識爲冥初諦。故此識非諸凡夫所知。亦非二乘智慧所覺。謂依菩薩從初正信發心觀察。若證法身得少分知。乃至菩薩地盡不能盡知。唯佛窮了。是以三賢菩薩起真觀解深觀藏識緣起。雖未頓破無明。亦了緣起體空。故云無明神我空。空中空者。此釋無明體本空義。謂此般若真空實。

相體中卽無明空相尙不可得。寧有無明相耶。故云空中空也。空。空理心等者。此釋照體不空之義。謂上無明之空。卽空有也。空中之空。卽空無也。是空。猶被有無可壞。而此空。空理心在。有時不滯。有不被有壞。在無時不沉。無不被無壞。故云在。有在無而不壞。道種子。道種子者。乃卽菩提道性。金剛種子。以此中道體性。爲成佛眞種子。常無變故。無漏中道。一觀至結縛。而不受一節。申明直心體用之功。結顯中道觀智之益。所言不壞道種子者。謂以無漏中道平等一觀。卽以一觀圓照。所以在有轉。有在無轉。無而能教化一切十方。執有執無。衆生離有無相。皆轉一切衆生。俱入薩婆若海。平等大空。無餘涅槃正直之道。所以不被物壞。而能壞物。人不能轉。而能轉人。是菩薩皆以直性直行。自成成人。入薩婆若也。於空等者。釋直性直行。義善陳示現受生往來三界。應緣而來。應緣而去。皆以直性而行。直行不與法縛。不求法脫。不厭生。死。不受涅槃。無所罣礙。猶若虛空。所謂不如三界見於

三界。故云於空三界生者。結縛而不受也。

○六不退心位

若佛子。不退心者。不入一切凡夫地。不起新長養諸見。亦復不起集因。相似我人。入三界業。亦行空而不住。退解脫於第一中道。一合行。故不行。退本際。無二故。而不念退。空生觀智。如如相續。乘心入不二常空生心。一道一淨。爲不退一道一照。

此釋不退心。迴向義也。別經名入一切平等善根。迴向。謂行無漏善善。而不二。故若佛子。不退心者。標定不入一切凡夫地。至亦行空一節。正明不退心。體用中道觀智。迴向之義。不退心者。謂不退入一切凡夫地。故一切凡夫。總舉三界衆生。菩薩照破三界見思煩惱等惑。將隣聖地。故此不入。既以不入一切凡夫地。故則不起新長養外道諸見。不但不起長養。亦復不起集因。所謂因窮而果喪也。雖然示生三界。實非業繫。似有我人。而三界業亦行空矣。此上總明不退。向下別明不退。其義有三。一位不退。二行不退。三念不退。不住退解脫者。卽

別明位不退不住之義。謂此菩薩實位不同聲聞之位。住著解脫涅槃。故云不住解脫。問何名不退。答此菩薩於第一義諦中道理中一合行。故得位不退。也不行退者。即別明行不退之義。謂菩薩行不同四諦退滅之行。有住有退。此達根本菩提。真如實際。智理一如無二之行。故得行不退也。而一念退者。即別明念不退之義。謂此菩薩之念不同念空。無相無作有念無念。分別取捨。此以空生觀智。照了諸法。皆如如相。是故無念而念。念而無念。以無念境是名念不退也。相續乘乘心入不二。此二句者。承上謂乃不但行念不退。且亦不住。以能相續乘乘心入不二。言相續乘乘者。謂以行念不退。毫無間斷。故云相續乘乘。言心入不二者。謂境智如如。故常空生心者。釋上相續乘乘我空之義。一道一淨等者。釋上心入不二法空之義。一道即中觀一淨。即空觀。是以空而不空。能為不退。一道一照也。一道即中觀一照。即假觀。是以一邊不住。中道不立。直趨無餘不二大涅槃。果海所謂應無。

所住而生其心。如是住持如是行門。如是念心。是名佛子不退心。迴向之義也。

○七大乘心位

若佛子。獨大乘心者。解解一空。故一切行心名一乘。一空。智智乘行乘。乘智心心任職任用任。就任一切衆生度。三界河結縛。河生滅。河行者坐。乘任用。就任用智乘。趣入佛海。故一切衆生未得空智任用。用不名為大乘。但名乘得度苦海。

此釋獨大乘心。迴向之義也。別經名等。隨順一切衆生。迴向。謂觀一切善惡。無二相。故若佛子等二句。標定解解一空。故至智乘行乘一節。正明獨大乘心。體用中道。觀智迴向之義。所云獨大乘心者。謂獨大無外也。大即當體立名。就義為稱。乘乃運轉為功。廣博為義。揀非聲聞辟支佛乘。亦非住行位乘。乃迴向終心中道大乘也。解解一空等者。正釋獨大乘心之義。上解即是能解法界廣大之智。下解乃即所解法界廣大之理。以智契理。二俱平等了無能所。故云解解一空。故一切行心名一乘。

者謂卽以此法界理智而起法界行心是故一切之行卽法界行一切之心卽法界心故云一切行心名一乘也。乘一空智等者此釋智行變運之義。謂乘一乘之空智故而顯乘一乘之空理也。以一乘空理故而起一乘空行。緣一乘空行故而運一乘空理。若非乘一乘之空智斷然不能破衆生堅固之迷。非乘一乘之空行則亦不能成衆生真實之德也。是故智起惑亡行與道成以是智行變乘廣化衆生到涅槃城無諸難事如鳥二翼一舉萬里亦如目足相資直抵中堂故云乘一空智智乘行乘也。乘智心心至趨入佛海故一節申明獨大乘義乘智心心任職任用此二句者承上緣乘大乘空智故能堪可心大乘任職任用而任意運爲也。云任職者謂任一切衆生度三界河并結縛河生滅河也。一切衆生總舉凡聖權小而言言度三界河者度卽度脫三界卽欲界色界無色界河者深流沒溺之義以諸凡夫沒溺愛河不得出離今令乘此大乘得出三界不致沒溺故也。結縛河

者此度外道見使執縛以諸外道有種種邪見執縛是故不得出離生死苦海今令乘此大乘得解脫故生滅河者此度二乘生滅知見以二乘人生滅知見未亡而使乘此大乘超變易生死故上明任職之義向下明任用義其任用者謂此行者坐乘大乘任用任意縱橫自在無礙以是能載能用皆以一空智乘而趨入佛海故佛海卽妙覺果海也。一切衆生等者結顯獨大乘心之義揀別小乘不得至此何者謂以一切衆生未得一空智乘任職任用不得名爲大乘但名爲乘得度苦海安住化城自善而已所以菩薩不與權小人同故名獨大乘心也。

○八無相心位

若佛子無相心者妄想解脫照般若波羅蜜無二一切結業三世法如如一諦而行於無生空自知得成佛一切佛是我等師一切賢聖是我同學皆同無生空故名無相心。

此釋無相心趣向之義也。別經名眞如相趣向顯

心得自在等三世佛常照有無故若佛子等二句標定妄想解脫至如如一諦一節此正明無相心體用中道觀智迴向之義無相心者謂無妄想及與解脫分別之心妄想是生死法解脫是涅槃法生死即此岸道涅槃即彼岸道以諸凡夫妄想恒居生死此岸二乘已得解脫住著涅槃彼岸菩薩以般若大智慧照了生死及與涅槃於此無相般若波羅蜜中實無二法故云照般若波羅蜜無二既了妄想解脫無二法故則一切結業法三世因果等法皆即如如一諦無二理也而行於無生空至皆同無生空故一節此申明無相心觀照迴向之義謂上既了妄想解脫皆如如一諦是以不住生死此岸亦即不住涅槃彼岸以不住故而能常行於無生空以行無生空故自知決定信得當來成佛亦知一切諸佛是已成佛道者是我等本源師一切三寶十聖是未成佛道者是我等同學友何以故皆同無生空故所云皆同無生空者謂諸一切賢聖所修以修此無生空一切諸佛所證以

證此無生空故云皆同無生空故所以結顯名為無相心也佛藏經云釋迦如來因地從過去遠劫時而以四事供養無量無邊一切諸佛及佛弟子無空過者而此諸佛皆不記我汝於來世當得作佛何以故以我有所得故乃至最後供養普明如來方始與我授記汝於來世當得作佛號釋迦牟尼何以故以我無所得故無所得者即常行於無生空無生空者即無相心也

○九慧心位

若佛子如如慧者無量法界無集無受生生煩惱而不縛一切法門一切賢所行道一切聖所觀法所有亦如是一切佛教化方便法我皆集在心中外道一切論邪定功用幻化魔說佛說皆分別入二諦處非一非二非有陰界入是慧光明光明照性入一切法

此釋慧心迴向之義止別經名無縛無著解脫相迴向謂以般若照三世諸法是一合相故若佛子等二句標定無量法界至所有亦如是一節正明

如如慧心體用中道觀智迴向之義所言如如慧者卽眞如之理。謂此菩薩將親見眞如之道。眞如相現。前其智慧心中明了十界依正等法。互攝融自在無礙。所謂眞得所如十方無礙。所以得此如如慧者。能於無量十法界中現身益物。雖現身益物而無集。因亦無受果。無有生。死。無有煩惱。如空谷以答響。實無身心受彼生死。故云無量法界無集無受生也。生生煩惱而不縛者。此二句義謂不止六凡法所不能縛。卽四聖界一切修證法門皆亦無著無縛。言一切法門者。乃卽一切三賢所修行善提道一切十聖所觀證眞如法。謂此所有賢聖法門悉皆如是不著不縛。故云所有亦如是也。一切佛教化方便法。至非有陰界入一節申明如如慧心觀照之義。既凡所有一切法門無著無縛。故卽能於一切諸佛教化開導方便法門。菩薩亦皆集在如如慧心之中。融通無礙。豈但諸佛法門融通無二。卽入外道一切辯論一切邪定功用一切種種幻化若魔說若佛說若魔見若佛見。

我能融通如如慧心歷歷明明皆以分別入二諦處。二諦卽眞諦俗諦也。於此二諦究竟無惑非一非二。云何非一。謂魔說非佛說。說非魔說。魔說者邪見也。佛說者正見也。故非一也。云何非二。魔說實非魔說。佛說實非佛說。是故魔說佛說實無二法。魔見佛見實無二體。故非二也。非有陰界等者。謂魔與佛既是非二。何有陰界入耶。所以觀五陰非五陰。觀十八界非十八界。觀十二入非十二入。故也是慧光明三句結成如如慧心體用觀智迴向之義。承上問既是諸法一切皆非。是何境界。答乃卽如如智慧光明卽此光明照法界性入一切法於本法界無二別。故如是智慧如是觀照是名佛子如如慧心之迴向也。

○十不壞心位

若佛子不壞心者。入聖地智近解脫位得道正門明菩提心。伏忍順空入魔不壞。聚聖摩頂諸佛勸發入摩頂三昧。放身光光照十方佛土。入佛威神出沒自在。動大千界與平等地。心無二無別而非中。假知道。

以三昧力故。光中見佛。無量國土。現爲說法。爾時即得頂三昧。證虛空平等地。總持法門。聖行滿足。心心行空。空應中道。無相。照故。一切相滅。得金剛三昧。門入一切行門。入虛空平等地。如佛華經中廣說。

此釋不壞心迴向之義也。別經名入法界無量迴向。謂覺一切法中道無相。故若佛子等二句。標定入聖地。智至下而非中。觀知道一節。此正明不壞心體用。觀智迴向之義。所言不壞心者。其義有六。故得不壞入聖地。智近解脫位。得道正門。明菩提心。伏忍順空。八魔不壞。有此六義。故名不壞心也。言入聖地。智者。謂住行向之三十心名。賢地上菩薩名。聖今茲十向終心所得智慧。即登初地智慧。故云入聖地。智近解脫位者。近者。隣也。三賢至此。相隣初地。將解脫分別二障。故云近解脫位。得道正門者。道即諸佛達道。此道不偏不邪。曰正門者。通也。以初歡喜菩薩得正修行門。路若到此門。一超直入。如來覺地。所謂歡喜菩薩。覺通如來盡佛境界。今即十向終心。將登初地。故云得道正門。明

菩提心者。明仰了明。菩提心者。華言覺道。亦云道心。具大道心。以成衆生。明了此心。故云明菩提心。智度論云。菩提心有五種。一者。十信菩薩名爲發菩提心。謂此菩薩於無量生死中。爲求阿耨多羅三藐三菩提。故而乃發此大心。故名發菩提心。二者。住行向諸菩薩名爲伏菩提心。謂此菩薩折諸煩惱。降伏其心。行諸波羅蜜。行利益衆生。故名伏菩提心。三者。初地至七地諸菩薩名爲明菩提心。謂此菩薩觀三世法。總相別相。分別籌量。得見諸法本末。實相清淨。明了與般若波羅蜜相應。故名明菩提心。四者。八地九地十地三位菩薩名。出到菩提心。謂此菩薩於般若波羅蜜中。得方便力。亦不著於般若波羅蜜。故能滅一切煩惱障。故得見一切十方諸佛體性。眞得無生法忍。出離三界。到薩婆若海。故名出到菩提心。五者。等妙二地菩薩名。爲證無上善心。謂此菩薩坐於道場。斷諸煩惱。成就阿耨多羅三藐三菩提。故名證無上菩提心。此五種中之第三也。謂此十向終心。將登

地明眞見道究竟明了。故曰明菩提心。伏忍順空者。忍有五忍。三賢菩薩名伏忍。位初地。二地。三地。名信忍。位四地。五地。六地名順忍。位七地。八地。九地名無生忍。十地等。妙名寂滅忍。此三賢位行滿。居伏忍道極頂。將登聖地。一切異相無明現行不起。亦能隨順於無生空。故云伏忍順空。八魔不壞者。八魔一色魔。二受魔。三想魔。四行魔。五識魔。六煩惱魔。七死魔。八天魔也。五陰魔者。亦名五蘊魔。陰爲蓋。蘊猶積聚。以集五蘊生滅。使修行人不能超脫。名五陰魔。煩惱魔者。卽三界中見思煩惱。一切妄惑。若修行人爲此妄惑。惱亂心神。不能成就阿耨菩提。提名煩惱魔。言死魔者。卽身四大分散。天喪殞沒。若修行人爲此天喪。不能續延慧命。名爲死魔。言天魔者。乃欲界第六他化自在天魔。若修行人勤修勝善。欲超三界生死。而此天魔爲作障礙。發起種種擾亂之事。令修行人不能成就。世出世善樂。因樂果。故名天魔。天魔一種是爲外魔。前七種是內魔。梵語魔羅華言奪命。又云殺者。

謂奪智慧之命。而殺世出世間一切善根。故云魔也。言不壞者。緣是菩薩入聖地。智近解脫。位得道正。門明菩提心。伏忍順空。達妄想。卽眞如了無明。卽佛性。是故入魔不能壞也。以是魔無能壞。故感衆聖摩頂。安慰其心。諸佛勸發。增進其行。華嚴十迴向品中。云十方諸佛。各以右手摩金剛幢菩薩之頂。加被爲說法主。卽此摩頂之義。是故得入摩頂三昧。卽放身光。而此身光。光照十方國土。卽能入佛威神形儀。如佛於十方國土中。若出若沒。或隱或顯。自在無礙。以是轉變一時。震動大千世界。卽與虚空平等地心。無二無別。而非中觀知道者。謂此菩薩雖然如是。轉變而尙非歡喜地。實證第一義諦中。觀智道現。百佛身百佛世界。一一偏知無礙者也。以三昧力。至入虚空平等地。一節申明加被之義。承上所云。既非初地中觀知道。是何力也。謂此菩薩雖非中觀知道。而以諸佛三昧定水。加被力。故亦能於自身光中。得見十方諸佛。在無量國土中。現爲衆生說諸妙法。以是見佛得聞法。

故爾時即得證入三昧而能實證虛空平等初
歡喜地總持門也。總持門者謂總一切法持無量
義要。略經云地名持。即持一切百萬阿僧祇功德
智慧。故所以證此地者一切如來聖行功德悉皆
圓滿具足。以是聖行悉滿足故。而心心行空也。言
心心行空者。即住行向之三十心心心分別我法
二執之行。至此悉空。故云心心行空空。慧中道
者。空是即所證入空法。空三空之理。慧者即是
能證二空之智。以是如理如智。不即不離。不一不
二。名空空。慧中道所謂二諦融通三昧印也。無相
照故等者。釋空空。慧中道之義。謂以無相中道之
智而照無相中道之理。無理不顯。無相不滅。是故
一切異生性障等相滅盡。無餘所謂虛空平等之
地性德。真如之理圓滿成就。離偏其最無外
十界差別之相了不可得。所以無相照故。而一切
相滅也。以是障礙滅故。即得金剛三昧正受法門。
一時現前。緣現前故。能入十地一切行門。一時具
足。是名證入虛空平等地也。此是略說如佛華經

廣說其義

○四釋十地義三初總標問辭 二別解文義

三結讚法門

○初總標問辭

虛舍那佛言。千佛壽終。汝先問地者有何義。

此能說報佛召告當機化佛。誠聽。標前問詞。解脫

十地菩薩理智觀行修證次第之法義也。

○二別解文義十初體性平等地二初明斷證義

二正釋其義

○初明斷證義

華嚴疏云。十地菩薩斷十種障證十真。如真如體
性實無差別。乃隨勝德假立十種。雖初地中已達
一切而所證如猶未圓滿。令圓滿故。後復建立。又
初地中雖離分別我法二執。但能遠離六識粗惑。
猶有七識微細俱生我法二執。尚未空盡。第六分
別二執。自初信發心時。修生空觀。至七信位已斷
分別我執。而隨入法空觀。歷三賢位。至初地時。分
別法執亦即斷矣。第七俱生二執。自初地位恒住。

變空觀中至第七地後心方捨藏識乃至八地初心即得無功用行是則俱生我執現行永伏俱生法執間起至等覺後心位金剛喻定現在前時一刹那間生相無明異熟種子方始斷盡而無餘也其十地斷十種障證十真如者何如初地斷一種異生性障此障乃從凡夫分別我執現行所起故名異生性障並斷二種微執一執著我法愚二惡趣難染惡謂此三法能障初地斷此惡障方登初地此地菩薩自從賢位初證理性始發法味證二空理今二空觀現前便能永斷惡障斷斷能益自他生大歡喜名歡喜地其所證者名曰徧行真如以能徧行染淨法故菩薩位寄轉輪聖王廣修慈悲等法而化導衆生故華嚴經云歡喜菩薩於十波羅蜜中檀波羅蜜最勝餘非不修但能隨力隨分下九度義微此

○二正釋其義

若佛子菩提薩埵入平等慧體性地眞實法化一切行華光滿足四天衆乘用任化無方理化神通十力

十號十八不共法住佛淨土無量大願辯才無畏一切論一切行我皆得入

若佛子者標名菩提薩埵顯德入平等地舉德位也每一地有三心初加行心以勇悍力奮迅不怯深證眞如而趣入故中無間心以猛利行承事諸佛十方化導無間故後解脫心以無住行圓滿菩提斷無所得而解脫故自若佛子三句標名德位以明勝進心義菩提薩埵華言覺有情言有覺可求有生可度故入平等慧體性地者入即證入平等即法身即謂即證入眞如平等不增不減法身理故此是心佛衆生三無差別之理慧乃佛慧謂即證入諸佛平等之慧以故凡所作爲其慧平等故云入平等慧體性地別經名歡喜地菩薩智同佛智理齊佛理徹見大道盡佛境界而得法喜登於初地故名爲歡喜地眞實法化等者標所證之法也眞者無妄實者不虛法謂教法化謂攝化言即轉此所證眞實平等大法開化衆生而轉衆生成正覺故一切行華光滿足者行即六度四攝

一切萬行準即因華光即智光菩薩至此一切皆得悉。因足故四大果乘用者。四天即須彌山四洲。謂歡喜地菩薩多作轉輪聖王。掌護正法。能大惠施。周給孤露。以法化世。能令一切恒修善行。諸所作業皆不離於念佛念法念僧。統領閻浮提王七寶具足。一日一夜游四天下。故云四天果乘。用任化無方者。任意教化。但隨機感。無有方所。故云任化無方。理化神通者。如理而化。是何等人。說何等法。皆與實相不相違背。以神通力折伏驕慢。使令信受。所謂應折伏者。而折伏之。應攝受者。而攝受之。或慈或威。咸令眾生離苦得樂。故云理化神通。十力等者。謂不但得四天果德。以行教化。而且更得如來十種智力。十種聖號。十八不共等法。恒常住佛淨土。以能隨類現化淨土。有四合爲三。土此地菩薩乃住第二受用土中之他受用土也。菩薩住此淨土。廣發無邊弘誓大願。以四無礙辯才。說諸法門。而無怖畏。怖畏總有五種。別有無量一切。皆無故云無畏。一切論者。即是四明五明一切諸

論一切行者。即十地等妙諸大菩薩一切之聖行也。我皆得人。者。此句總結上文。如是種種法門。此地菩薩無不通達。故云我皆得人。

生出佛家。坐佛性地。一切障礙。凡夫因果畢竟不受。大樂歡喜。從一佛土入無量佛土。從一劫入無量劫。不可說法爲可說法。反照見一切法。逆順見一切法。常入二諦。而在第一義中。以一智知十地次第。第一事示衆生。而常心中道。以一智知一切佛土殊品。及佛所說法。而身心不變。以一智知十二因緣十惡。種性而常住善道。以一切智見有無二相。以一智知入十禪支行三十七道。而現一切色身六道。以一切智知十方色色分分了。起入受色報而心無縛。

此釋住無間心之義。謂上緣得聖智入聖位。證聖理成聖行。是故生出佛家。坐佛性地也。言生出佛家者。謂在佛家而生出也。如摩耶夫人。凡有諸佛出世。則爲其母。羅睺羅則爲子。故云生出佛家坐佛性地者。謂此菩薩所證眞如境界。與諸佛同等。無差。所謂諸佛法身入我性。我性同共。如來合

如世尊降生時一手指天一手指地目顧四方周行七步曰天上天下唯吾獨尊世出世間此法最勝故云坐佛性地一切障礙凡夫因果畢竟不受此三句者正明斷障之義既云生出佛家坐佛性地是則一切異生性障凡夫有漏因果俱已解脫故云畢竟不受大樂歡喜者既永離一切障礙即得出世間心未曾有法是故大樂歡喜所謂分別二障極喜無也從一佛土入無量佛土者此明身土圓融無礙之義菩薩既已離障得樂故能現百佛身百佛之土乃至百千億佛身百千億佛土於是一處出生十方齊現是以身不礙土土不礙身塵塵混入刹刹圓融故從一劫入無量劫者此明時劫圓融無礙之義謂既能現身現土是故能以短時而為長時長時復為短時如世尊一坐之中過六十小劫復以六十小劫如彈指頃乃至於一刹那際三時轉大法輪者是也不可說法為可說法者此明說法圓融無礙之義以是真如之法本無言說本無名相但隨衆生機宜巧設方便而於

無名相法以名相說無語言法以語言說反照見一切法者謂此菩薩證佛平等大慧以反照見從凡夫時反妄飯真以始覺智而滅一切染法生一切淨法故逆順見一切法者即以平等佛慧見本源自性清淨心因無明不覺一念妄動逆真如理順無明流而滅一切淨法生一切染法故常入二諦而在第一義中者謂雖常照真諦而不沉空照俗而不滯有二諦圓融了無二相而恒在第一義中不即不離欲以一智至心無縛一節廣明住無關心智體照用之義既上入刹入劫說法智照而恒在第一義中即以第一義諦中道理智而起六種妙智發明世出世間至善開示衆生令人佛地永離苦趣故六種妙智者何一者以此一智能入初地了知十地中次第斷障證真事雖然位僅初地而十地中智理業已圓該故能以十地法門指示衆生而常心中道也二者以此一智了知一切諸佛國土殊品染淨不一及知一切諸佛為諸染淨國土衆生說諸染淨法門即如婆娑世

界佛爲娑婆衆生說極樂世界佛爲極樂衆生說雖一一了知而身心未曾變動故三者以一智了知無明老死十二因緣生滅始終亦知一切衆生三業六根十惡種性差別現行而常住於善道四者以一切智了見外道執常之有相執斷之無相雖分內外而於真如性體本無差別皆與實相不相違背同一法性不見有無二相故五者以此一智知入四禪天十禪支之觀行及權小助菩提三十七品之道法而現一切色身隨類現形入於六道使未種善根者令種已種善根者令其增長皆使入禪修道故六者以一切智了知十方法界依報正報內色外色分分幻化了滅生起入受色報緣起差別開示衆生前心之際了無著縛故光光照一切是故無生信忍空慧常現在前從一地二地乃至佛界其中間一切法門一時而行故略出平等地功德海藏行願如海一滴毛頭許事

此結當地功德以明解脫心也光光照一切者如是六種智光其光普照一切世出世間所有染淨

諸法當體皆如如相是故無生信忍無生空慧常現在前以是常在前故而得解脫緣解脫故從此一地二地乃至十地入佛境界於其中間一切聖行法門一時而能盡行故略出等者顯上所說未能盡盡此平等地功德其海藏行願如海甚深無量無邊難可具說此所言者如大海之一滴毛頭許事至極至微故云略出耳

○二體性善慧地二初明斷證義 二正解文義

○初明斷證義

此地菩薩斷一種邪行障此障即所知障中俱生一分法執誤犯三業所起故名之也並斷二種惑執一者微細誤犯過二者種種業趣微此之三法能障二地斷此愚障方登二地菩薩今得增上戶羅波羅蜜多性戒具足遠離誤犯愚障既斷故名解脫地以所證真如名最勝真如此真如性具無邊德於一切法最爲殊勝故菩薩位寄初利天王假修十善等法化導衆生於十波羅蜜中戶羅波羅蜜最勝

○二正解文義

若佛子。善提薩埵。善慧體性地清淨明達。一切善根。所謂慈。悲。喜。捨。慧。一切功德。本從觀入。大空慧方便。道智中見。諸衆生。無非苦。諸皆有識心。三惡道。刀。杖。一切苦惱。緣中生。識名爲苦。諸三苦相者。如者。如身。初覺從刀。杖。身。色。陰。二緣中生。覺爲行苦。緣次意地。覺緣身覺所緣。得刀。杖。及身。痛。腫。等法。故覺苦。苦緣。重故苦。苦次受行。覺二心緣向身。色。陰。襲。着。中生苦。覺故名爲壞苦。緣是以三覺次第生。三心故爲苦苦。苦。

若佛子。三句標顯名德。位以明加行心之義。善慧體性地者。善者能也。慧者明也。謂此菩薩善修清淨法身平等大慧名善慧地。別經名離垢地。因中持戒梵行清白。體離垢染名離垢地。清淨明達。即善慧離垢義。正明所證所得體用清淨。即所證法身理明達。即能證善提智一切善根。乃智用也。所謂等下出善根也。何等善根。所謂慈。悲。喜。捨。慧也。慈者與衆生樂。悲者能拔其苦。喜者慶悅自他。捨

者自他解脫。慈者樂機說法。一切功德本者如是。五觀一切諸佛菩薩六度四攝三身四智無量恒沙稱性功德。皆以四無量心。慧五觀法門而爲根本。故云一切功德本也。從觀入大空慧者。申明慈等五觀之義。大空慧者是佛所證甚深無相大空般若智慧。體圓照法界心。佛衆生三無差別。無苦無樂。無生無滅。一切衆生迷而不覺。是故菩薩與慈運悲拔苦與樂。從此觀入大空慧。體依體所起方便道智。用中觀見三界二十五有。四生六道十二類生。迷本大空慧體。認妄緣心起。識分別造貪瞋癡殺盜婬等輕重善惡業輪。墮在六道輪迴。三有此等衆生。未出三界火宅。六道俱苦。故云無非苦。論推其苦。諸因緣皆由六識造業。六識受報。故云皆有識心。六道之中。三善且留就三惡道而言。地獄餓鬼畜生。身受刀杖二境。以例一切極苦逼惱緣中生。識以識本空。故名苦諦。具苦無量總三苦攝行苦。苦苦壞苦。如是三苦相者。互爲因緣。由過去業感現。五蘊有漏。色身五陰遷流。四相不停。名

爲行苦更加六塵苦境觸心苦受相應難堪難忍是名苦。苦一期終四大將散難割難捨是名壞。苦三苦展轉無有間斷非大智慧人不能了知此三苦相虛空不實初發明行苦相如者指定之詞謂如身根初覺云何初覺從外刀杖境緣內具有情身根色陰於是根境二緣相觸其中觸令生覺此覺未別苦樂只有隨念而無計度但名爲行苦緣所以前五識心爲第六明了門第六識心爲前五分別依前五識若不煖境第六即無所緣第六若不續念前五唯是現量入識俱得解脫是故前五根塵識三總爲行苦緣也次意地覺者此明苦苦緣義謂第六識覺前五識所緣五塵影子一刹那間流入意地送入第八含藏頓起現行復緣前五身覺所緣得刀杖境加身及身受刀杖滄腫等法故復覺其苦苦緣苦中又苦故云重故苦苦次受行覺二心者此明壞苦緣義行覺二心一覺身受刀杖行苦覺心二覺刀杖加身之滄腫等法苦覺心此又緣向身蒼色陰將欲壞時從壞滄中

生苦覺故是名爲壞苦緣是以二覺次第生三心故爲苦苦三覺三心一行苦覺生苦覺心二苦覺生覺滄腫覺心三壞苦覺即生壞苦心三心心皆苦故爲苦苦若若有靈根衆生了知三覺三苦妄身妄心如幻如化即不起惑造業當下永絕輪迴雖諸苦故而即轉成自覺覺他覺行圓滿即與諸佛菩薩無二無別上之三苦以明菩薩觀智悲心下之三苦乃明菩薩現身益物之義

一切有心衆生見是三苦起無量苦惱因緣故我於是中入教化道三昧現一切色身於六道中十種辯才說諸法門謂苦識苦緣刀杖緣具苦識行身滄腫發壞內外觸中或具不具具二緣中生識識作識受觸識名爲苦識行二緣故心心緣色心觸觸惱受煩毒時爲苦苦心緣識初在根覺緣名爲苦覺心作心受觸識覺觸未受煩毒時是名行苦遍進生覺如斷石火於身心念念生滅身散壞轉變化識入壞緣緣集散心苦心惱受念後緣染著心心不捨是爲壞苦三界一切苦諦

此釋住無間心以顯悲心觀行益物之義一切有心衆生卽指四生六道十二類生揀非無情所謂但有心者皆當作佛此等衆生皆係不能了達此苦幻妄非實見是三苦反起無量苦惱因緣造諸惡業以致生生死死死死生生如旋火輪無有休息故此苦囑於諸衆生無量苦惱緣中與悲運悲起同事攝入教化道三昧示現一切色身於六道中以十種妙辯才說諸苦集滅道四諦法門先示以苦諦相欲令一切衆生始知是苦厭苦求樂斷集修道證滅諦也何等爲苦諦相耶謂苦識苦緣乃至瘡腫發壞等相也苦識卽前五識爲第六受苦門戶故云苦識苦緣卽內五根身緣以身爲衆苦本故云苦緣刀杖緣者卽外境緣以境有牽心業用故云刀杖緣具字貫上貫下貫上苦識根緣貫下瘡腫發壞等言具苦識行者卽行苦緣身瘡腫者卽苦苦緣發壞二字卽壞苦緣此總明三苦相此三苦相必具內外觸中內卽根識外卽境識內外衆緣和合觸中而成此苦故云內外觸中所

開眼識九緣生耳識唯從八與舌身三七後三五三四若加等無間從頭各增一以有爲法仗因托緣缺則不生卽是此義是故或衆緣具而成此苦衆緣不具則此不成初明具二緣中生識雖緣卽根境二此二和中前生五識此識雖生性非恒一有間斷故不造不受此苦唯是第六識造業還是六識受報故云識作識受向下展轉辨明造與不造問何故前五不造答前五觸識觸令而生故云觸識此識無器度心只名爲苦識行抵具根境二緣故不造不受也與上行苦緣照應心心緣色等者由六識心此心緣上色陰瘡腫等法緣一觸一心觸心惱此已深受煩惱時二苦交煎故爲苦若與上重故苦苦照應心緣識者此釋造受緣起謂六識心終五識心初在五根覺緣刀杖加身一念未起分別故只名爲苦識由六識心不了目前虛幻妄境反被境風鼓動起心取著造作業苦心自領受故云心作心受言觸識覺觸者此言前五觸識唯覺觸境未曾深受煩惱時不造不受是只

名為行苦一種故云觸識覺觸諸生受者此以法喻合明釋上心作心受言造業者為第六心緣前五識緣現逆順影子一利那間流人意地迴達生覺心受煩毒譬如新石中火旋斲旋出於身心中還流不停念念生滅故云迴達生覺已上明前五不造惟第六也身散壞者謂命盡時四大各離身色散壞轉變遷化故令阿賴耶識隨業牽引入於壞緣所謂因緣和合虛妄有生因緣別離虛妄名滅生從顛覆死從變流臨命終時未捨煖觸心苦心慍惟受最後一念染緣深染深著心心念念不能捨離是為壞苦與上壞苦緣照應如此三苦為衆苦本三界衆生俱未解脫故云三界一切苦諦此說苦諦法門向下明集道滅三諦法門也復觀無明集無量心作一切業相續相連集因集因名為集諦正見解脫空空智道心心名以智道道諦盡有果報盡有因清淨一照體性妙智寂滅一諦應品具足名根一切慧性起空入觀是初發根此推苦諦之因令其知苦斷集修道證滅離苦得

樂之義復觀者返推其因言此等苦從何而有謂依無明幻妄所起故有此苦其無明者即不明也以是真如不守自性一念妄動生起三細不了前境增長六識故曰無明因有無明遂集無量種種妄想攀緣之心造作一切諸惡業緣招引苦果相續相連過去之因感現在果現在之因招未來果如是集因集因以集三界因果名為集諦言正見解脫者此說道諦法門也謂上既知諸苦緣依無明集諦招感所生必破無明斷集諦因方得解脫欲斷集因須修道品即以正知正見識得自己本元心地看破妄身妄心遠離邪念了達緣生空幻不起惑不造業則不感果而得解脫故云正見解脫解脫則空以是空空妙智修諸道品念念心心入於智道是名以修智道名為道諦盡有果報等者此說道諦法門也承上緣修道諦方能盡有果報盡有因也因果不忘為有以欲色界及無色界見思等惑流轉三界不能出離一切諸苦故名為有而以正知正見修行聖道不起貪瞋癡慢疑

不起身邊諸邪見是以三界二十五有見惑思惑塵沙等惑皆果苦因悉皆空寂以空寂故清淨一照體性妙智體本清淨性離諸垢以此妙智照達一切因果皆空澄空空寂滅之理名為寂滅一諦以上四諦文竟下文總結悲觀以顯慧為根本之義慧品具足名根者謂即大空慧品具足慈悲喜捨六度四攝無量功德方便行門皆依大空慧品為其根本故云慧品具足名根一切慧性起空入觀者此二句義謂上既即慈悲喜捨一切慧性皆依大空慧中起空入觀現身六道為諸苦惱衆生說示四諦法門使諸衆生知苦斷集修道證滅是名初善根也

第二觀捨一切貪著行一切平等空捨無緣而觀諸法空際一相我觀一切十方地土皆吾身所用故土四大海水是吾故水一切劫火是吾昔身故所用火一切風輪是吾故所用氣我今入此地中其身滿足捨吾故身畢竟不受四大分段不淨故身是為捨品具足

此釋捨觀法門也蓋我為汝所說四諦法門是我昔日知迷而捨故得解脫寂滅可證是故今以勸汝而亦隨修證也言所捨者是何物耶是捨無始已來為凡夫時妄想所起一切種種貪愛執著諸惡行法以昔有貪愛故為說修行解脫法門以貪愛與解脫俱屬對待不平等故今已一切捨去則一切法悉皆平等以平等故能捨所捨二緣性空故云捨無緣也緣是而觀染淨諸法空際一相平等理中無相可得所以我觀一切十方地土皆吾昔身所用故土四大海水是吾昔身所用故水一切劫火是吾昔身所用故火一切風輪是吾昔身所用故氣我今入此離垢地中法身滿足捨吾故身也言法身滿足者即此離垢地位所證最勝真如法性之身三德圓滿三身具足故云法身滿足捨吾故身等者即此位中所斷邪行障也以斷障證真故所以畢竟不受四大分段不淨雜染故身故云捨吾故身以不受故是為捨品具足此是第二觀捨善根義也

第三次觀於所化一切眾生與人天樂十地樂離十惡畏樂得妙華三昧樂乃正佛樂如是觀者慈品具足

此釋慈觀之義第三次觀等者蓋謂諸佛菩薩說法利生必隨機宜而與之樂故次觀於所化一切眾生種種根性如求人天樂者則與三皈五戒十善令其得生人天道果受勝妙樂如求菩薩乘者則與六度四攝法等令其得證十地之樂離十惡畏樂者往昔以造三業不淨必墮三塗怖畏之中反此十惡令修十善得生人天受十善樂故云離十惡畏樂得妙華三昧樂者發菩薩心修菩薩道萬行因華三昧正定乘此智定證十地果故得妙華三昧之樂乃至令得佛果無餘涅槃究竟之樂如是觀者是為慈品具足已上五段釋文述明住無間心觀行之義向下一節總結以顯解脫心義菩薩爾時住是地中無礙無貪無瞋入平等一諸智一切行本遊佛一切世界現化無量法身如一切眾生天華品說

菩薩當爾之時住是第二地中慈品具足故無礙相捨品具足故無貪相慈悲喜品具足故無瞋相以無貪瞋礙故所以證入平等大空慈品一諸聖智是以平等一諸理智為一切萬行根本以是智行變通而能游佛一切世界承事諸佛亦能現化無量法身攝受眾生也此處文達於大部中如一切眾生天華品廣說詳明

○三體性光明地二初明斷證義 二正釋文義 ○初明斷證義

此地菩薩斷一種闇鈍執此聞所知障中俱生法執一分闇鈍所起以聞思修總持妙慧令不現前故名之也並斷二種愚執一者欲貪愚二者陀羅尼愚此之三法能障三地斷此愚障方登三地今此菩薩以聞持陀羅尼三慧現前便能永斷愚障既斷故名發光地所證真如名勝流真如謂此真如令所流教法極為最勝故菩薩寄位夜摩天王假修十善等法化導眾生於十波羅蜜中忍波羅蜜最勝

○二正釋文義

若佛子。菩提薩埵。光明體性地。以三昧解了智。知三世一切佛法門。十二法品名。味句重誦。記別直語。偈不誦。戒律。戒。譬。喻。佛。界。昔。事。方。正。未。曾。有。談。說。是。法體性名。一切義別。是名。味句中。說一切有為法。分分受生。初入識胎。四大增長。色心名六。住於根中。起實覺。未則苦樂名觸。識又覺苦樂。識名三受。連連覺者。受無窮。以欲我見。戒取善惡。有識初名生。識終名死。是十品。現在苦因緣果。觀是行相中。道我久已離故。無自體性。

若佛子。三句標顯名德。位以明加行心之義。光明體性地者。謂此菩薩成就勝定。大法總持。能發無邊智慧。光明故云體性光明地。別經名發光地。謂以因中修習一切法界忍行之力。果地開發大智慧光。故名爲發光地。以三昧解了智。至分分受生一節。正明光明體性地。以顯所證所得。體用觀照之義。言以三昧解了智者。三昧卽那伽定之別名也。謂從此勝定。發起大智慧光。能解了知三世十

方一切諸佛化導法門。此地菩薩一一通達。故名解了智也。十二法品等者。釋上一切佛法門。義十二數也。法軌則也。品類從也。名卽名身。味卽文。身句卽句身。謂佛所說一切諸佛實法。門總三藏十二部。半滿法品。必有文以載義。緣義以成文。文義相成。而爲經典。其中名字義味音韻。言句是中若事若理。若因若果。若顯若實。若顯若密。以此十二部經盡其義也。何名十二。一曰重梵語。祇夜華言應頌。亦名重頌。以是長行文義不盡。欲被後來之機。重宣義故。二曰誦。卽修多羅。華言契經。上契諸佛之理。下契衆生之機。只有長行而無其偈。如彌陀經心經等。是三曰記別。梵語和伽羅。華言授記。如來授記諸大菩薩。聞弟子來世作佛劫國莊嚴等。是四曰直語。偈梵語伽陀。華言諷誦。亦名孤起。不應長行直說。偈句如金光明空品等。是五曰不誦。說梵語優陀那。華言自說。無有人問。如來以他心智。觀衆生機。而自宣說。如佛頂經說五陰魔又彌陀經俱不待。請自告弟子。而說者是六曰

律戒律戒多屬因緣梵語陀羅華言因緣如經中有人問故說是事如律中有持犯得失之事并制戒緣起事凡是如來所說一切根本緣起善惡因緣果報等是七日譬喻托言訓曉爲譬以淺況深爲喻如來爲鈍根者所設所謂諸有智者要以譬喻而得開解者是八日佛界梵語闍維華言本生謂如來說諸佛菩薩本因地中受生之事亦說自己本因地中受生之事如涅槃云比丘當知我於過去作憍作鹿作熊乃至作金輪王等是九日昔事梵語伊帝目多伽華言本事如來說諸菩薩弟子因地爲求菩提道法所行苦行之事謂如採菓汲水拾薪設食布髮拖泥身爲牀座然燈求偶割肉捨身乃至爲金輪王捨頭千顆等是十日方正梵語毗佛略華言大方廣大即體大方即相大廣即用大謂諸如來所說大乘方等經典其意猶如虛空廣博包含無所不攝十一曰未曾有梵語阿浮達磨華言未曾有亦名希有謂佛初生之時目踰四方周行七步足跡所蹈皆有蓮華放大

光明徧照十方而發是言我是度一切生老病死苦者大地震動天雨衆華樹出音聲作天鼓樂如是希有之事凡昔未聞見者皆名希有十二日談說梵語優波提舍華言論議謂諸經中凡有問答辯論諸法義者皆名論議如法華經智積菩薩乃與文殊師利論說妙法等是已上廣明十二部經名相向下總出十二部經之義九法等者釋本上義謂是十二法品體性等同一味實無差別因衆生心有無量心是以法門亦有無量所謂我無一切心何用一切法因有一切心故有一切法因有一切法故立一切名因有一切名故立一切義因立一切義發明一切法故云是法體性名一切義別也是名味句等者謂是十二法品名味句中差別無非發明一切衆生迷理成事迷智成識一切生滅有爲諸法分分受生捨生之義欲令衆生知眞本有識妄元無也初入藏胎等者釋明分分受生義所言分分受生者謂初入藏胎時乃是受生托質之始即行緣識分義此緣過去煩惱之惑覆

於本心不了法界真如之理名爲無明。遂緣無明起諸妄心。造作身口意等善不善行。故名曰行。以是無明與行二因所造惡業相牽。因緣和合。故令阿賴耶識投托母胎。一刹那間。染愛爲種。納想成胎。故名初入識胎。四大增長。心者即識。緣名色分義。名即是心。以心但有其名。無形質。故名色。即形質。即內外色地水火風四大和合。漸漸增長。而成身。形一七名。凝滑二七名。胞三七名。爲軟肉。四七名。堅肉。五七名。爲形位。生諸根。形手足故名。四大增長。色心名六住者。即名色緣六入分義。謂從名色已後。至六七日名髮毛爪齒位。至七七日名爲具根形位。謂以六根開張。有入六塵之用。乃妄心依止處。故名六住於根中。起實覺。未別苦樂。名觸識者。即六入緣觸分義。此即出胎已後。乃至三四歲時。六根對於六塵。雖起覺知。而未能別苦樂。故名實覺。因根境識三法和合。觸生覺。故名觸識。又覺苦樂。識名三受者。即觸緣受分義。謂從五六歲至十二三歲時。因六塵境觸對六根。即能領受。

如對苦境時。即覺是苦。是名苦受。對樂境時。即知是樂。名爲樂受。如苦樂不對時。即覺不苦不樂。是名平平之受。雖云了別六塵粗境。然未能起貪嗔之心。只名爲受。故曰又覺苦樂。識名三受也。此上五支。是現在果。速速覺苦受無窮者。即受緣愛分義。謂從十四五歲至十八九歲時。速速起心貪著。淫欲等境。故云速速覺苦受無窮。以欲我見。戒取者。即愛緣取分義。謂從二十歲後。緣有諸欲。助發愛性。種種取捨。執我執人。深生貪取。及信邪師。而起邪見。持邪見。或望取生天。其中所該五鈍五利。十使煩惱。故名以欲我見。戒取等惡有者。即取緣有分義。謂因六識。離求諸境。起造善惡。引滿二業。積集三有之因。牽引阿賴耶識。又受當生三有果報。故名善惡有也。此愛取有三支。是現在因。識初名生者。即有緣生分義。謂既現在所造善惡業。因必受來世善惡業果。故使續耶。隨善惡業六道受生。此識最先投胎。故云識初名生。識終名死者。即生緣老死分義。謂從來世受生已後。五蘊身相熟。

已還壞一期壽命盡矣。此識最後而捨故云識終名死。此生死二法雖曰來世之果，乃約現在之因而言。實該三世生滅去來受生捨法之義。所謂去後來先作主公，也是十品現在苦因緣果者。此句總結上文，謂以無明與行是過去二支，因緣過去，因感現在，果今只所言現在因果，不言過去二因。者何以果該因？佛欲現前諸人即識現前苦果苦因，無使再造有漏苦因，永滅當來苦果故也。觀是行相中道，我已久離者，謂一切衆生雖有生滅去來，不知如來藏中求於去來迷悟生死實不可得。所以菩薩智慧觀察已證入法界中道理，中無有生死，無有去來故云。我已久離無自體性。

入光明神通總持辯才心，心行空而十方佛土中現劫化轉化百劫千劫國土中養神通禮敬佛前，諸受法言復現六道身一音中說無量法品而衆生各自分得聞心所欲之法，苦空無常無我一諦之音，國土不同身心別化。

此釋住無聞心也。所言現在十品苦因緣果，我已

久離故者，今得證入光明體性地中，具足遊戲神通陀羅尼，總持門無礙辯才大智慧，門雖得如是境界而心行空，是以能於十方佛國土中現身現劫現化展轉變化，促住則百劫住，延則千劫住。於國土中長養神通禮敬佛前，諸受法言復能現六道身，假同事法攝化衆生，以一音中說無量法門品，而隨衆生各自分得聞心所欲法，苦空無常無我一諦之音，所謂圓音一演異類等解此也。其苦等者，此即身受心法四念處行苦者，衆苦也。即觀受是苦，衆生顛倒以苦爲樂，故令衆生觀受是苦，得寂滅樂也。空者，即觀身是空，義謂內身外道皆攬父母不淨精血，衆聚四大而成，其身從頭至足悉皆不淨，衆生顛倒執之爲淨，心生貪著，故令衆生觀身是空，證清淨法身也。無常者，即觀心無常，義心即第六識心，謂此心性流動念念生滅，皆悉無常，衆生顛倒計以爲心，故令衆生觀心無常，證常住真心也。無我者，即觀法無我，義謂一切法若善若惡，衆生顛倒妄認一切諸法有我，故

令衆生觀法無我證無生我也故云苦空無常無我。一諦之音者謂苦空等雖云四法實從一諦音中演出。惟此一諦無二無三。因衆生國土依正不同。故此菩薩示現身心亦隨機差別而攝化之。故云身心別化。所謂佛身充滿於法界。普現一切眾生前。隨緣赴感靡不周。而恒處此菩提座。正合此意。

是妙華光明地。中略開一毛頭許如法品解觀法門。千三昧品說。

此總結當功地功德說不能盡。以明解脫心也是妙華等者。謂是妙華光明地中所有功德行願如海藏等不可言說。此中但略開一二如毛頭許相似。若廣說者於大部內如法品中解觀法門千三昧品二文所說。

○四體性爾微地二初明斷證義 二正釋文義

○初明斷證義

此地菩薩斷一種微細煩惱現行障。此即所知障中俱生一分微細無明之惑現起故名之也。又斷

二種微執一者等至愛惑二者法愛惑。斷此微障方登薩婆地。謂此菩薩初入證智善修三十七品菩提分法。能起微慧智火燒一切根本煩惱及隨煩惱之薪。便能永斷愚障。既斷智火最勝故名薩婆地。所謂眞如名無攝受眞如。謂此眞如無我執等所依取。故菩薩位寄兜率天王假修三乘等法。化導衆生於十波羅蜜中精進波羅蜜最勝。

○二正釋文義

若佛子。善提薩婆體性地中爾眞微俗不斷。常即生。卽住卽滅。一世一時。一有種異。異現異故。因緣中道非一。非二。非善非惡。非凡非佛。故佛界凡界一一是名爲世諦。其智道觀無一無二。玄道定品所謂說佛心行初定。定因信覺思覺靜覺上念念覺慧覺觀覺。猶覺樂覺捨覺是品品方便道。心心入定果。

若佛子。三句標顯名德位以明加行心義。菩薩因中修習無邊菩提分法大精進力。故果地中雙照平等名體性爾微地。別經名微慧地。謂爲微自在。故爾眞微俗等者。正明爾微地中體用觀照法門。

謂此地中。隨增勝爲隨自在。故能率爾照真了。眞照俗了。俗照眞了。眞故不斷。照俗了。俗故不常。所謂般若無相二諦。當然以其不斷不常。故卽生卽住卽滅。以卽生卽住卽滅。故一世一時一有也。一世者三相等。故一時者劫量平等。故一有者諸法平等。故種種異現異故者。謂眞性平等元無差別。所以有差別者。蓋卽能熏種子之異。種子既異。則所熏起現行亦異。故也。然種異現異。但隨因緣和合。而有因緣別離。而無而本眞如自性不屬。因緣有無變易。是因緣不遷不變之體。名爲中道。以是中道非一非二。云何非一。眞如不變隨緣。故非一也。云何非二。隨緣不變眞如。故非二也。瓔珞經云。二諦常爾。故非一。聖智照空。故非二。既眞諦俗諦非一非二。卽善惡凡聖等果。一切皆非。故佛界凡界。一一皆名爲世諦。何故佛界亦名爲世諦。謂對俗言眞對惡言善。對凡言聖。俱屬對待故耳。其智道觀無一無二者。菩薩以智道觀之。非一非二千臂經云。菩薩如是觀照寂滅中道第一義諦。

之理本來無一無二是也。上明智慧照用相義下。明定品寂滅相義。立道定品。所謂說佛心行者。既云無一無二。云何又有菩提道法。賢聖差別。蓋以玄妙道法。一切定品。無非說佛因地心行。佛心行者。卽菩提妙心中所起智行。卽乃三世諸佛一切善法。本因地中發起始覺悟。本妙覺最初入道一步下手工夫。初覺本定。爲因一切凡夫俱迷此定。無智慧覺諸佛菩薩。今悟此定。始覺有本故名初覺。定因緣初一覺。覺得自性本定。實與三世諸佛等無差別。一信永信。永無退轉。故次之曰信。覺信者。論云。於實德能深忍樂欲。心淨爲性。對治不信。樂善爲業。如水清珠能清濁水。所以信乃入道根本。是故十覺支中。信覺爲第一。雖然所信本定。若不思惟修行。終成空信。故次之曰思。覺思者。卽令心造作爲性。於善品等。役心爲業。謂取境正。因等相。驅役自心。令造諸善。然雖善思。若無定力所持。恐屬亂思。故次之以靜。覺靜卽定也。於所觀境專注不散。爲性。智依爲業。然此定力。印持以靜覺中。

若無精進之力。恐墮無記。故次之以上覺上覺者。即精勤心於善惡品。修斷事中。勇悍爲性。對治懈怠。滿善爲業。然精勤不懈。更當念茲在茲。而不忘失。故次之以念覺。念者。於舊習境。令心明記。爲性。定依爲業。然雖念心不忘。必加慧心。照境分明。不惑。故次之以慧覺。慧者。於所觀境。揀擇爲性。斷疑爲業。然雖慧心了境。無惑。屬粗。必須更加微細觀察。故次之以觀覺。觀者。照察於所觀境。審爲性。入理爲業。緣觀覺入理。而身心輕安。故次之以猗覺。猗者。即輕安也。於所觀境。遠離粗重。調暢身心。堪任爲性。對治惰沉。轉依爲業。又曰。離重名輕。調暢名安。以是輕安調適。能令身心悅樂。故次之以樂覺。樂者。即悅喜也。以所證理。不生顛倒。爲性。正智如如爲業。以是悅樂。不倒而得解脫。故次之以捨覺。捨者。即行蘊中捨諸精進等諸根。令心平等。正直無功用住。爲性。對治掉舉。靜住爲業。此十覺支。合言七覺合者。以念覺合思覺。以觀覺合慧覺。以猗覺合靜覺。此雖品品不同。皆助修道法中前

方便道能令行人心心念念證入定果也。是人住定中。微滅見法行空。若起念定入生心。定生愛順。道法化生名法樂忍。忍忍忍忍忍忍忍忍。於入光華三昧中。現無異相。以手摩頂。一音說法。百千起發。而不出定。住定味樂定。皆定貪定。一劫千劫中住定。見佛蓮華坐。說百法門。是人供養讚法。一劫住定時。諸佛光中摩頂。發起出品出相。進相去。向相。故不退不退。不住頂三昧法上樂忍。永盡無除。

此廣明證入定果之義。是人住定中者。是人即當位人。此人因修道品。得住定中。緣住定故。即從定中發起智慧。光顯發顯。照見諸法行相。豁然一空。所謂無礙清淨。慧皆依禪定生也。若起念定入生心者。謂若起念之時。無非從定入中。發生一念清淨。慧照之心。故云定入生心。定生愛順者。緣定發生慧照心。故得覺法樂自在。三昧於是定中。貪愛。邊順。故云定生愛順。道法化生等者。謂修菩提道法。故名道法化生。於此道法忍可於心。樂可於身。

故名法樂忍。菩薩于此忍中安住不動深證不轉。以是定愛及與法愛二愛難除。此地雖證寂滅而于八地等無生寂滅二忍未獲。是故諸佛大悲心念無緣慈力於入光光三昧中現無量佛各以右手摩頂安慰而加被之一音說法百千方便勸發。而是菩薩亦不出定。何故以住定味定樂定善定貪定故也。初住名住住已有證名味定得味安然。名樂定執樂爲實名善定善而固守名貪定於是乎根利者住定一劫障深者千劫中住定即定爲行定中發光光中見佛在寶蓮華上坐爲諸衆生說心地等百法明門是菩薩人與諸供養聽受妙法信念長遠一劫住定廣修福慧日深日厚得與諸佛心相體性入出無難時感諸佛復於光光華三昧中以手摩頂二番加勸方始發起利生定品。於光光華三昧者以二光破二障以福花滅罪花以三昧安心摩頂安身於是身心安隱爾時菩薩受摩頂職得大解脫即時發起定品現身益物故有出相進相去向相也出即起定進即入定去即

應現向即方所謂東方入定西方起南方入定北方起童子身中入正定童女身中從定起乃至眼入耳出等是也。故於此定知出而不沒知進而不退知去而不墮知向而不住所以不住頂三昧即法上樂忍亦復不住如是定愛及與法愛二障俱離故曰永盡無餘。

即入一切佛土中修行無量功德品行皆光明入善權方便教化一切衆生能使得見佛體性常樂我淨。

此釋住無間心義也。承上緣不住定愛即能現身入一切佛國土中承事十方諸佛勇猛精進更加修行無量無邊一切功德法品行皆大光明行光明者即智行變運也以不住法愛故即入種種善根方便教化一切衆生能使一切得見諸佛體性不止得見而已亦令證此如來真常真樂真我真淨之四德也。

是入生住是地中行化法門漸漸深妙空華觀智入體性中道一切法門品滿足猶如金剛上日月道品。

已明斯義

此結當地功德智慧不可思議以明解脫心之義也是人生住等者言此菩薩既生是地亦住是中也於此地中所證度生一切行化法門從此而去漸漸深妙難可測度菩薩所證空華觀智入諸佛體性中道一合而行所以一切諸佛法門品皆得圓滿具足也此處略說大都內喻如金剛上日月道品中已更廣明斯義

○五體性慧照地二初明斷證義 二正釋文義

○初明斷證義

此地斷一種下乘涅槃障此即所知障中俱生一分厭生死苦趣涅槃樂依彼所起故名之也並斷二種愚執一純作意背生死愚二純作意向涅槃愚此之三法能障五地斷此愚障方登難勝地菩薩今修菩提分法二智顯通真俗無礙能合難合無差別道便能永斷愚障既斷故名難勝地所證真如名類無差別真如謂此真如於生死及涅槃其類平等無差別故菩薩位寄化樂天王假修三

樂等法化導衆生於十波羅蜜中禪波羅蜜最勝

○二正釋文義

若佛子菩提薩埵慧照體性地法有十種力生品起一切功德行以一慧方便知善惡二業別行處力品善作惡作業智力品一切欲求願六道生果欲力品六道性分別不同性力品一切善惡根一一不同根力品邪定正定不定是名定力品一切因果乘是因乘是果至果處乘因道是道力品五眼知一切法見一切受生故天眼力品百劫事一一知宿世力品於一切生煩惱滅一切受無明滅解脫力品是十力品智知自修因果亦知一切衆生因果分別

若佛子三句標顯名德位以明加行心之義慧照體性地者謂此菩薩因中修習不可言說深禪大定之力故果地中乃得諸諦相應之慧圓照法界故云慧照體性地則經名難勝地是以二諦難合合此難合令其相應故名難勝地法有十種力生品者乃明所證之法謂此地中所證真如大法有十種力生品能起一切衆生世出世間無數功德

行品皆以一慧方便所起上明所證十力之體。向下釋明十力之用。一知善惡。二業別行處力品者。謂此智力善能了知一切衆生作善作惡。因緣果報差別處也。所言差別處者。謂作善業不得善報。反招惡報。及作惡業不得惡報。反招善報。問何修善者。反招惡報。答卽如印經造像齋僧建會。是修善也。其中非是眞實建立三寶。乃是假公濟私。誣因昧果。故修善得不善報也。所謂天堂未就。地獄先成。卽此云何。作惡反招善報。如除惡人惡獸。破壞外道和合。乃至殺一闍提。是作惡也。其中非是實爲惱害衆生。乃是殺一救多。除害興善。正是菩薩大悲所爲。如此作惡。是故無惡報也。所謂慈心殺人越多生者。卽此如是差別行處。一一爲衆生說。故云別行處力品也。二知善作惡作業智力品者。謂此智力能了知一切衆生三世所作善惡諸業。諸受因果。或受長壽報時。而爲短壽。或受短壽報時。而爲長壽。或富而貧。或貧而富。何也。此業果報總在積因損因。積德損德。以轉變之。所謂因德

延壽損德而促壽也。又般若云。是人先世所造惡業。餘業未盡。命終應墮惡道。以今持經功德。先世罪業卽爲消滅。不但不墮惡道。當得菩提。此乃出世法力廣大。因故所以不可不修。世出世善因也。如是定與不定。一一爲衆生說。故云業智力品三。知一切衆生欲求願六道生。生果欲力品者。謂此智力能了知一切衆生心中所欲。所求。所願。一切欲者。卽樂欲也。謂或常欲供養三寶。天地君王。父母師長。親近善友。常報恩德。或常欲念財色名食睡等。一切求者。卽乞求也。謂或樂求好師好友。或求名聞利養。或求功名富貴。乃至求生好子孫等。一切願者。卽願要也。謂或願生西方成佛度生。或願生天人。乃至願生地獄餓鬼畜生。是名一切願求。願六道生。生果如是差別。一一爲衆生說。故云欲力品也。四知六道性分別不同。性力品者。謂此智力善能了知一切衆生性分不同。或利。或鈍。得果大小。上中下別。一生。二生。三。四。五。生。當得菩提如是。一一爲衆生說。故云性力品也。五知一切

善惡根一一不同根力品者。謂此智力能善了知一切衆生。根界差別。云何差別。謂善種子起善現行。不善種子起不善現行。此善惡根有輕有重。輕者易受教化。重者難受教化。易受化者如善來諸比丘。袈裟著身。鬚髮自落等。也難受化者如城東耆母等。如是根界差別。一一爲衆生說。故云根力品也。六知邪定。正定不定。是名定力品者。謂此智力善能了知一切外道邪定。小乘偏定。菩薩正定。凡天不定。一一通達爲衆生說。故云是名定力品也。七知一切因果。乘是因。乘是果。至果處。乘因道。是道力品者。言此智品了知六道乘有漏。因至有漏果。乘無漏。因至無漏果。以至果處。而乘因道。一一了達爲衆生說。是名道力品。八五眼知一切法。見一切受生。故天眼力品者。其眼有五。謂天眼通。非礙肉眼。聞非通法眼。惟觀俗慧眼。只緣空佛眼。如千日照異體。還同此舉天眼。而言謂證知天眼。徹見現前一切世間根塵染淨差別等法。並見一切衆生。以隨善惡業緣。受報好醜。生時死時。一

一示諸衆生。故云天眼力品。九知百劫事。一一知宿世力品者。言此智力了知一切衆生種種宿命。百千萬億劫前死此生彼。姓族名字。苦樂壽命。如實爲衆生說。故云宿世力品。十知於一切生煩惱滅。一切受無明滅。解脫力品者。言此智力了知於一切生煩惱因滅。一切受無明果滅。煩惱無明一切習氣。因果滅盡。如實爲衆生說。故云解脫力品。如是十力智。知自身修因果。亦知一切衆生所修因果。分別明了。無差錯。故此十種智。前五了知衆生。生滅因緣。後五了知衆生。還滅因緣。而身心口別用。以淨國土。爲惡國土。爲妙樂國土。能轉善作惡。轉惡作善。色爲非色。非色爲色。以男爲女。以女爲男。以六道爲非六道。非六道爲六道。乃至地水火風。非地水火風。是人爾時以大方便力。從一切衆生。而見不可思議下地所不能知覺。舉足下足事。

此釋住無間心也。以顯此地體用不可思議。不但所得十力智品而已。其身心口更有差別妙用。不

可測也。而身心口別用等者。以身能現通。心能繫念。口能說法。此即三輪妙用之力。故云。而身心口別用。以是三輪妙用力。故能以常寂光淨土。示爲五趣雜居地。即能以五趣雜居土。爲極樂國土。以是國土。本無差別。但隨衆生一一變現。故云。以淨國土。爲惡國土。以惡國土。爲淨妙國土。法華三變淨土。是也能轉善作惡者。如無厭足王。是能轉惡作善者。如廣額屠兒。是色爲非色。非色爲色者。如放光散花。東涌西沒。西涌東沒。種種變等。是以男爲女者。如舍利弗。被天女一指。轉爲女人相者。是以女爲男者。如法華龍女。倏轉爲男。於無垢世界成佛者。是以六道爲非六道。非六道爲六道者。六道即凡非六道。即聖即如面然大士等。是乃至地水火風。非地水火風者。其中足一句。應云。非地水火風。爲地水火風。如以十八神變身。爲水火擔負。乾草入中不燒等。是已上善惡等性。一一皆不可得。若有定恠。則不能轉。如是種種自在神用。皆是菩薩大方便。智力用所作。任從一切衆生見之。

而皆使頓入不可思議。也不但下凡衆生見。而不可思議。即前下地諸菩薩等。皆所不能知。覺菩薩舉足下足之事。所謂初地不知二地事也。

是人大明智。漸漸進分。智光光無量無量。不可說不可說法門。現在前行。

此結當地功德。不可思議。以明解脫心也。承上而言。下地所不能知者。何也。謂此菩薩大明慧智。漸漸深遠。上進以能分證入諸佛一切種智。所證智光之光。無量無量。及一切不可說不可說種種法門。如是一時。一一現在前行。是豈凡小心識所能思量言議者哉。

○六體性華光地二初明斷證義 二正釋文義
○初明斷證義

此地斷一種粗相現行障。此即所知障中俱生一分執有染淨粗相現行所起故名之也。並斷二種愚執。一者現觀察行流轉愚。二者相多現行愚。此之三法。能障現前地斷此愚障。方發現前地。今知一切法。無有染淨住。無相作意。令真如圓滿。便能

永斷惡障。既斷般若現前。故名現前地。所證真如。名無染淨。真如謂此真如。體性無染淨。故菩薩位。寄自在天王。假修三乘等法。化導衆生。於十波羅蜜中。般若波羅蜜最勝。

○二正釋文義

若佛子。菩提薩埵。體性華光。地能於一切世界中。十神通明智品。以示一切衆生。種種變化。以天眼明。智知三世國土中微塵等。一切色分。分成六道衆生身。一身微塵細色。成大色分。知以天耳。智知十方三世六道衆生。苦樂音聲。非非音。非非聲。一切法聲。以天身。智知一切色。非色。非男。非女。形於一念中。徧十方三世國土。劫量大小。國土中微塵身。以天他心智。知三世衆生心中。所行十方六道中。一切衆生。心心所念。苦樂善惡等事。以天人智。知十方三世國土中一切衆生。宿世苦樂受命。一一知命。續百劫。若佛子。三句標顯名德。位以明加行心之義。體性華光地者。謂此菩薩因中。修習無量智慧。故果地中。得證諸佛般若波羅蜜。多。大智行。華。一時開敷。

故云體性華光地。別經名現前地。謂本一切功德智慧。俱得現前。故名現前地。能於一切世界中。至百千大願品。具足一節。此釋住無間心也。菩薩住是地中。能於十方一切世界之中。而運十種神通。大開智品。以示一切衆生。種種變化。一切難可測量。也何名十種明智品。一以天眼明。智者。即天眼通。謂此智品。能了知十方三世國土中。色微塵等。分地水火風。一切四大。幻色分。聚成六道衆生身相。而其一一分段身中。毛孔等色分。際皆知是幾微塵細色。而成一身形體。大色如此。分分色相。一一了知。而不錯。故二以天耳智。者。即天耳通。謂得此智能。聞知十方三世六道衆生。身心遍悅。受苦受樂。所出音聲。非非受苦樂音。非非受苦樂。乃至一切江河湖海。水流風動。鐘鈴鐺磬。種種諸法音聲。一一知。故三以天身智者。即色身通。謂得此智能。覺知一切色。非色。言色。色者。即諸衆生。依報國土。境色。正報身體。根色。如是根境諸內外色。是名色。色。言非色者。即佛所住真如法性土色。

及佛光明。照清淨法性身色。故云非色。非男。非女。形者。謂色。既非色。故男女等。相一切皆非。如是一切色。色非色等。形於一念中。徧知。及知十方三世。國土劫量大小。延促長短。及國土中微塵等身。四以天他心智者。即他心通。謂得此智能。了知過現未來三世衆生。心中所行。及十方六道中一切衆生。心心所念。若念善。樂善。惡等事。五以天人智者。即宿命通。謂得此智。即能了知十方三世國土之中一切衆生。宿世善惡業。因感現前苦樂受命。果報。能一一知其受命長短。相續百劫等事。一明了爲衆生說。已上五智。以知世諦緣起。無有染相。可得向下五智。以知眞諦解脫緣滅。亦無淨相可得。

以天解脫智。知十方三世衆生解脫斷除一切煩惱。若多若少。從一地乃至十地。滅滅皆盡。以天定心智。知十方三世國土中衆生。心定不定。非定非不定。起定方法。有所攝受三昧百三昧。以天覺智。知一切衆生已成佛。未成佛。乃至六道一切人心。心亦知十方

佛心中所設之法。以天念智。知百劫千劫大小劫中一切衆生。受壽命久近。以天願智。知一切衆生。賢聖十地三十心中。一一行願。若求苦樂。若法非法。一切求十願百千大願。品具足。

此釋後五品智也。以下所言衆生皆指賢聖與上不同。六以天解脫智者。即滅盡通。謂得此智。了知十方三世衆生解脫。隨其智量斷除一切煩惱。若多若少。其從一地乃至十地次第斷證。以除一分無明惑障。得證一分眞如妙理。終極金剛究竟滅滅皆盡。無餘如是種種解脫。一一知故。七以天定心智者。即神境通。謂得此智。了知十方三世國土中衆生。其心定與不定。非定非不定者。及諸起定方法。有所攝受三昧及百三昧一切禪定等法。一知故。八以天覺智。即言音通。此智了知一切衆生已成佛者。未成佛者。乃至六道一切人之心心所念。如法華云。知諸衆生種種相體性。念何事。思何事。修何事等。不但知諸衆生心心所念。亦知十方諸佛心中。隨爲衆生根行所說。九以天念智。即未

來通此智了知百劫千劫大小劫中一切衆生受
 命命之久近劫量差別而此時劫本無延促但隨
 衆生煩惱輕重厚薄不一是故劫量亦有長短大
 小不等一切衆生受命亦有久近增減不一如是
 命劫一一偏知所謂一念普觀無量劫也十以天
 願智卽無作通此智了知一切賢聖衆生一一所
 修行門一一所發大願若求苦樂其求苦者卽如
 藥王燒身然臂不輕所受杖木打擲阿難五濁誓
 願先入等是其求樂者如韋提希願生樂土法藏
 比丘等願衆生成生安養等是其求法者卽以權
 實顯密正教等法其非法者卽爲天魔外道邪教
 等法乃至願爲閻羅天子制諸罪人皆名非法者
 是一切求者總結上求下化無所不求十願如普
 賢願王與十無盡句乃至諸佛無量無邊百千大
 願品此地菩薩一一具足而悉知之

是人住地中十神通明中現無量身心口別用說地
 功德百千萬劫不可窮盡而爾所釋迦略開神通明
 品如觀十二因緣品中說

此結當位智德以明解脫心也是人住地中者結
 本體性華光地名十神通明中等二句結上十種
 智品三輪差別妙用德也說地功德三句總結當
 地功德甚深無量無窮無盡不可說不可說百千
 萬億劫數說不能盡之義而爾所釋迦牟尼如來
 但以略開此地神通明智品耳此處所說在大部
 內如觀十二因緣品中所說無有差別

○七體性滿足地二初明斷證義 二正釋文義

此地菩薩斷一種細相現行障此卽所知障中俱
 生一分執有生滅細相現行所起故名之也並斷
 二種愚執一者細相現行愚二者純作意求無相
 愚緣有此之三法能障遠行地斷此愚障方登第
 七地今遠三界近法王位行過二乘善修無相到
 無相邊功用至極望前過遠故名遠行地便能永
 斷愚障既斷所證眞如名法無差別眞如謂此眞
 如能了種種教法皆同眞如不無相故菩薩位寄
 初禪天王假修三乘等法化導衆生於十波羅蜜

中方便波羅蜜最勝

○二正釋文義

若佛子。若提薩。滿足體性地。入是法中。十八聖人。智品下地。所不共。所謂身無漏。過口無語。罪念無失。念離八法。一切法中。捨常在三昧。是入地六品。具足。復從是智生六足。智三界結習畢。竟不受欲。欲具足。一切功德。一切法門。所求滿故。進心足。一切法事。一切劫事。一切衆生事。以一心。中一時。知故。念心足。是二諦相。六道衆生。一切法。故智。慧足。知十法。趣人。乃至一切。佛無結。無習。故解脫。足。見一切衆生。知他人。自我弟子。無漏。無諸煩惱。習。故以智。知他身六通。足。是人入六滿。足明智中。便起智身。隨六道衆生。心行。口辯說。無量法門。品示一切衆生。故隨一切衆生。心行。常入三昧。而十方大地。動搖。空。化華。故能令衆生。心行。以大明智。具足。見過去一切劫中。佛出世。亦是示一切衆生。心以無著智。見現在十方一切國土中。一切佛。一切衆生。心心所行。以神通道智。見未來中。一切劫。一切佛出世。一切衆生。從是佛受。道聽法。故。

若佛子。三句。標顯名德。位以明加行心也。滿足體性地者。因中修方便度。故果地中。證得如來。一切智行。圓滿具足。故名滿足體性地。別經名。遠行地。此菩薩出三界。河邊二乘地。到涅槃城。近法王位。故名遠行地。入是法中。等者。標所證之法也。謂入滿足體性法中。已是如來十八聖人智品。不與二乘。權小所共。不但不於此共。卽下地諸菩薩。亦所不及。故云十八不共。何名十八聖智。一身無漏。過者。亦名身無失。謂此菩薩。從無始來。常以諸戒。修其身心。一切煩惱等障。淨盡無餘。以是身業。清淨。得大神通。故云身無漏。過也。二口無語。罪者。亦名口無失。謂此菩薩。從無量劫。常以五語。隨諸衆生。方便。爲說種種妙法。令得道果。是以口業。清淨。故云口無語。罪也。三念無失。念者。亦名意無失。謂此菩薩。從無始來。常修諸禪心。無所著意。無放逸。但隨衆生。機宜。方便攝化。是以意業。清淨。故云念無失。念也。四離八法者。亦名無異想心。謂此菩薩。從因地來。但於衆生。方便教化。已離凡夫。及以二乘。

執有有相執無無相執常常見執斷斷見以是心無八種顛倒故云離八法也。五一切法中捨者亦名無不知捨心。謂此菩薩從無始來以大般若觀察世出世間一切染淨諸法當體全空了不可得。以是心無貪著故云一切法中捨也。六常住三昧者亦名無不定心。謂此菩薩從無始來常恒不離甚深大定。但隨衆生隱顯攝化故云常在三昧也。是入地六品著結前六品智也。復從是智者起後六品智也。謂緣具足六品智體復從是智生六滿足智。用何名六智一欲具足者亦名欲無減。謂此菩薩示生三界攝化衆生於三界結習煩惱畢竟不受故云欲具足也。二進心足者亦名精進無減。謂此菩薩於諸如來一切智慧諸功德藏一切化導方便法門所求圓滿具足故云進心足也。三念心足者亦名念無減。謂此菩薩能了達世出世間一切安立法事一切劫量長短大小延促等事一切衆生因緣果報受命長短苦樂等事一切衆生心念等事以一心中心一時了知故云念心足也。

四智慧足者亦名智慧無減。謂此菩薩能了達真俗二諦有無二相六道衆生一切心念因果等法。一一爲衆生說故云智慧足也。五解脫足者亦名解脫無減。謂此菩薩能知十發趣人乃至一切諸佛斷除一切煩惱無明結習滅盡無餘故云解脫足也。六六通足者亦名解脫知見無減。謂此菩薩具足天眼天耳他心漏盡神境如意之六通故所以徹見一切賢聖六道衆生並能了知一切他人自我所化弟子無漏無諸煩惱習故緣是以智知他身相及自身相故云六神足也。是人等下結前六足智也。便起智身等者起後六智也是菩薩人不止已入六滿足明智中而已復更具足六種智。用何爲六智一便起智身隨六道衆生心行者亦名身業隨智慧行。謂此菩薩方便運起智身隨智而轉善爲六道衆生現神變相調伏衆生種種心行令其各得見相解悟證入道果故云便起身等。二口辯說無量法門品示一切衆生故隨一切衆生心行者亦名口業隨智慧行。謂此菩薩能以清

淨微妙諸業。隨智而轉。隨順一切衆生心行。善巧開導。令得解悟。證人道果。故云口辯。證等二隨。一切衆生心行。常入三昧者。亦名意業。隨智而行。謂此菩薩以清淨意業。隨智而轉。順一切衆生心行。常入三昧。親根逗教。而爲說法。除滅衆生無明癡暗。是以三輪業用。定慧圓明。是故十方大地六返震動。虛空之中。天雨四華。能令衆生開悟心行。故云隨一切衆生心行等四。以大明智具足見過去一切劫中佛出世。亦是示一切衆生心者。亦名過去無礙智。謂此菩薩以大明智了見過去世時一切無量無邊。說不可說劫中所有一切諸佛出世。爲一切衆生說法。是諸衆生從是諸佛受道聽法。悉能徧知。以此開示現前一切衆生心行。令各各悟入。故五以無著智見現在十方一切國土中一切佛一切衆生心。心所行者。亦名現在無礙智。謂此菩薩以無著智見現在世十方所有一切國土之中一切諸佛出世。爲一切衆生說種種法是諸衆生從佛聽法。悉能受持。心心所行。亦示一切現

前衆生。令得開悟。故六以神通道智見未來中一切劫一切佛出世。一切衆生從是佛受道聽法者。亦名未來無礙智。謂此菩薩以神通道智照見未來世中一切劫等所有一切諸佛出世。爲一切衆生說種種法是諸衆生從是諸佛聽法受教。亦示現前衆生令得心開以悟入故。住是十八聖人中心心三昧。觀二界微塵等色是我故身一切衆生是我父母。而今入是地中一切功德一切神光一切佛所行法。乃至八地九地中一切法門品。我皆已入。故於一切佛國土中示現作佛。成道轉法輪。示入滅度。轉化他方。過去未來今一切國土中此明解脫心也。住是十八聖人中者。結前心心三昧者起後。此菩薩住是十八聖人智中。常以心心不離三昧。正定於三昧中。復觀三界微塵等色是我昔日爲凡夫時所受故。身復觀一切十方衆生。悉皆是我無量劫中稟受色身父母。經云脫骨如須彌山所飲母乳。如四大海水也。如是脫骨之多。飲乳之廣。實非一生二生。父母非百生千生。父母

乃至百千萬億不可說劫。父母緣我累劫修行。報答父母。饒益衆生。是故而今入是滿足體性地。中具足慈悲喜捨六度萬行。一切功德聚身。此身能現化佛爲三寶。檀四加行。諸菩薩說四諦等法。故此地具足一切神通智慧。光聚是名智光聚身。此身能現報佛爲大菩薩。說一乘法。是地圓滿一切諸佛所修所證理果法身。此身能爲諸佛衆生依正之體。三身至此圓滿具足。故云滿足體性地。而今入是地中。一切功德一切神光一切佛所行法。乃至八地九地中一切法門。品我皆已得證入也。於一切國土等者。申明所證三身之義。緣得分證三身能於一切國土中示現受生。出家苦行成道作佛。大轉法輪以度衆生。於此應緣一期事畢。乃復示現入於滅度。又轉教化他方。過去來今恒在一切國土之中。種種示現不可思議。

○入體性佛吼地二初明斷證義 二正釋文義

○初明斷證義
此地菩薩斷一種加行障。此卽所知障中俱生一

分令無相觀不任運起故名之也。並斷二種愚執。一者無相作功用。愚二者於相不自在。愚此之三法能障入地。斷此愚障。方登不動地。謂此菩薩今入無功用道。得無分別智。照任運相續。報行純熟。居無相觀。不爲諸法煩惱所動。便能永斷愚障。既斷故名不動地。所證眞如。名不增不減眞如。謂此眞如住無相觀。不隨染淨所增減。故菩薩寄位二禪天王。作小千世界主。以一乘法化導衆生。於十波羅蜜中。願波羅蜜最勝。

○二正釋文義

若佛子。菩薩摩訶薩。佛吼體性地。入法王位。三昧其智如佛。佛吼三昧。故十品大明空門。常現在前。華光音入心。三昧其空慧者。謂內空慧門。外空慧門。有爲空慧門。無爲空慧門。性空慧門。無始空慧門。第一義空慧門。空空慧門。空空復空慧門。空空復空空慧門。如是十空門。下地各所不知。虛空平等地不可說不可說。神通智以一念智知一切法。分別異而入無量佛國土中。一一佛前。請受法轉法度與一切衆生。

而以法藥施一切衆生爲大法師爲大導師破壞四魔法身具足化化入佛界

若佛子三句標顯名德位以明勝進心也佛吼體性地者此菩薩說法無畏如大師吼等無差別故名佛吼體性地別經名不動地此菩薩與佛心菩提心涅槃心悉皆不起故云不動地入法王位三昧等者此顯所證法門也入即證入菩薩證入無上自覺聖智法王大樂三昧正受寶位於諸法中如法自在若出若沒心常在定故云法王位三昧其智如佛者上入法王三昧即所證無上涅槃乃法身之理聚其智如佛是能證無上菩提乃報身之智聚佛吼三昧者即法報不分三身圓現起後得智說法利生乃功德聚之化身也十品大真空門常現在前者此菩薩得證如來三身圓明四智全彰十品大真空慧智門常現在前而不即不離也華光音入心三昧者申明佛吼之義華即行華成人之德光即智光破人之障音即法音開人之迷入心即以行智法音轉入衆生心中而成正覺

故云華光音入心三昧其空慧者賺定所言十品大真空慧常現在前之義何謂十品一者內空慧門謂內空五蘊之根識界衆生迷此慧門妄認四緣假合爲自身相妄認六塵緣影爲自心相爲生死結根門爲妄想煩惱門菩薩恒以智慧直照五蘊身心當體全空皆如幻夢故得證入內空慧門也二者外空慧門謂外空山河國土色等六塵諸法諸凡夫人不知皆是識心變現妄想捨被境遷流爲名相門爲塵勞門菩薩恒以智慧照破六塵諸法皆無自性故得證入外空慧門也三者有爲空慧門謂即總空世諦諸有爲法內之根識外之世界皆屬有爲衆生不知幻化不實執我我所不得解脫爲生死流轉門菩薩恒以智慧照破內外諸法緣生如幻都無自性故得證入有爲空慧門也四者無爲空慧門即空眞諦諸無爲法二乘之人不知卽色卽空卽有卽無而其色空有無皆屬對待爲決劣門菩薩以深智慧照了無爲之法亦皆是空故得證入無爲空慧門也五者性空慧

門。總有爲無爲二性皆空。謂卽凡夫滯有如來說爲不有。二乘沉空如來說爲不空。以是不有而有。是爲妙有不空。而空是爲真空。爲隨順門。菩薩以是甚深般若智照法界圓融事理。一切無礙。二性空寂平等。平等故得證入性空慧門也。六者無始空慧門。謂卽無始無明住地煩惱本無有根。以是無明不覺。豁然現起初發心諸菩薩。皆不能了爲起滅門。菩薩以大智慧光照一切諸法。起無始相滅無終相。起滅之際。無法可得。故得證入無始空慧門也。七者第一義空慧門。卽中道理名第一義諦。因對第二義假立名。言爲勝義門。菩薩以是如理智照勝義諦門。悉同眞性。無相可得。不居一邊。不存中道。故得證入第一義空慧門也。八者空空慧門。謂卽空上第一義空之空。爲重空門。菩薩卽以空空智照此空。亦復不存。故得證入空空慧門也。九者空空復空空慧門。謂卽空上第一義空之空。爲重空。重空門。菩薩以是空空復空空智照此空空。亦復空空。故得證入空空復空空慧門也。十者空空

復空空慧門。謂卽空上空空復空之空。是名爲究竟一切空空復空空門。此空亦復當空。以是無空之空空。無所空。是則無所得。空故得證入空空復空空慧門也。如是十空慧門。惟此八地所證。下地諸菩薩等各所不知也。言虛空平等地者。此舉位分以顯德也。蓋言下地各所不能知者。謂此菩薩得證虛空平等地理智。不但十空而已。更有不可說不可說神通道智門。而下地諸菩薩猶不能知也。神謂神妙難測。通謂變通無礙。道卽道理。解窮智卽智慧。無量所謂佛眞法身。猶如虛空。應物現形。如水中月。種種神通道智。皆悉平等。故能以一念智悉皆了知一切染淨諸法。分分別別。異隨根施攝。而復能入無量佛國土中。承事諸佛。一一佛前。諸受聽法。勇猛精進。復轉不退法輪。度與一切衆生。而以法藥施及一切衆生。是故爲大法師。爲大導師。破壞四魔。四魔既破。法身具足。以法身具足。故而能展轉化化入於佛界。是諸佛數。是諸九地十地數中。長養法身百千陀羅

尼門百千三昧門百千金剛門百千神通門百千解脫門如是百千虛空平等門中而大自在一念一時行劫說非劫非劫說非道說非道說非道非六道衆生說六道衆生六道衆生說非六道衆生非佛說佛說非佛而入出諸佛體性三昧中反照順照逆照前照後照因照果照空照有照第一中道義諸照是智惟八地所證下地所不及不動不到不出不入不生不滅

此明住無間心也是證佛數等者謂此菩薩即是諸佛之數即是九地十地數中長養法身即得百千陀羅尼總持門百千三昧正定門百千金剛不壞門百千神通變化門百千解脫方便門如是百千種種法門於虛空平等門中得大自在云何自在於一念一時皆能行故也仁王般若云不動菩薩二禪王得變易身常在能於百萬微塵刹隨其形類化衆生悉知三世無量劫於第一義常不動是也劫說非劫等者申明自在之義言劫說非劫非劫說劫者梵語劫波羅此云時分言劫有大

小長短時分不同如諸天有拂石劫地獄有并城劫人間有轉輪劫菩薩修行究竟經過三大阿僧祇劫斷盡無明之時方得成佛是名爲劫如是等劫本非實有名爲非劫故云劫說非劫非劫說劫也非道說道道說非道者造諸惡邪見等業故云非道修十善菩提道法故云道也對非道而言正道因正道而言非道求其正道及與非道了不可得故曰非道說道道說非道也六道即凡非六道即聖因凡說聖因聖說凡如是究竟凡聖之相實不可得故曰非六道衆生說六道衆生六道衆生說非六道衆生也魔外即佛佛即魔外魔界佛界求其異體亦不可得故曰非佛說佛佛說非佛也如是體性虛空地平等境界無有延促無有善惡無有聖凡無魔無佛一時俱是一時俱非逆行順行逆說順說無非方便無非佛事所謂或是或非人不識逆行順行天冥測也而入出諸佛體性三昧中者謂此菩薩若人若出或隱或現皆不離諸佛體性三昧中得大自在也以下十種智照發明

出入諸佛體性三昧中不思議境界之義。反照順照逆照者。謂反照本來時云何。順無明流。逆真如理。起一切染法。復云何。順真如理。逆無明流。起一切淨法。故云。反照等也。前照後照。因照果照者。謂前照無始無明不覺之苦。因後照生生死死業繫之苦。果又前照始覺清淨之樂。因後照本覺究竟之樂。果故云。前照等也。空照有照。第一中道義。謂照者。謂空照。照真離一切相。有照。照俗。卽一切法。是以照真非真。照俗非俗。二邊不住。中道不立。離卽俱非。故云。第一中道義。謂照也。如是十種智照。惟是八地所證。其在下地菩薩各所不及。何故。謂此菩薩所證真如。不動不到。以離動到相。故不入。不入以離出入相。故不生。不滅以離生滅相。故於此智定照與照者同時寂滅也。

是地法門品無量無量不可說不可說。今以略開地中百千分一毛頭許事。羅漢品中已明。

此總結顯所證一切功德。以明解脫心。也是地法門等者。謂此菩薩所證一切法門。無量無量不可

說不可說法品。無有限量。非言說所及者。今略開地中功德百千萬億分中。如一毛頭許事而已。此處略說大部內羅漢品中已明斯義。

○九體性華嚴地二初明斷證義 二正釋文義
○初明斷證義

此地菩薩斷一種不欲行障。此卽所知障中俱生法執一分利樂有情事中不欲動行所起故名之也。並斷二種愚執。一者陀羅尼愚。二者辨才自在愚。此之三法能障九地。斷此愚障。方登善慧地。謂此菩薩今得十種無礙智。用現前于諸智中最爲殊勝。緣此智用無礙。便能永斷愚障。斷能轉清淨大法之輪。是以善用其慧。故名善慧地。所證真如名智自在。真如謂此真如智。用自在。以四無礙智所依止。故菩薩寄位三禪天王。作中千世界主。以一乘法化導衆生於十波羅蜜中。力波羅蜜最

○二正釋文義

若佛子。善提摩。佛華嚴體性地。以佛威儀如來三

昧自在王王定出入無時於十萬三千世界百億日月百億四天下一時成佛轉法輪乃至滅度一切佛事以一心中心一時示現一切衆生一切色身八十種好三十二相自在樂虛空同無量大悲光明相好莊嚴非天人非六道一切法外而常行六道現無量身無量口無量意說無量法門而能轉魔界入佛界佛界入魔界復轉一切見入佛見佛見入一切見佛性入衆生性衆生性入佛性其地光光光顯慧照明談明談無畏無量十力十八不共法解脫涅槃無爲一道清淨

若佛子三句標名德位以明勝進心也佛華嚴體性地者謂此菩薩所證境界與佛莊嚴等無差別華即行華嚴即佛果所謂修萬行因華莊嚴一乘佛果故別經名善慧地此菩薩善入諸佛種類善用諸佛平等大慧故名善慧地以佛威儀等者正明華嚴體性善慧之用此菩薩形儀如佛無二無別有威可畏降伏諸魔制諸外道此以折門化導衆生有儀可觀開化天人導引羣生此以攝門化

導衆生以佛威儀是於動中化利衆生以如來三昧自在王是於靜中化利衆生如者即本覺義來者即始覺義以始本不二故又言來無所從去無所至無來無去故名如來自在王者以王即自在義王定出入無時者申明自在體用之義以顯法身能現報身境界此菩薩若動若靜若來若去若坐若臥四威儀中皆以如來三昧自在王定出入無時所謂默時說時默大施門開無礙塞也於十方三千等者以顯報化二身不離法身境界良以法身徧一切處猶若虛空應物現形如水中月以是法身無形無相能現於色故於十萬三千世界百億日月百億四天下中一時示現成佛一時示現轉正法輪一時示現度脫衆生乃至一時示現入於涅槃一切種種佛事皆以一念心中一時示現於一切衆生前不先後所現一切法身皆具八十種好三十二相自在大樂與虛空同具足無量大悲無量光明無量相好無量莊嚴非天人非人亦非六道是何境界即一切法二諦界外不盡

數量以是非天現。天非人現。人乃至非六道身。而能常行六道。但隨衆生所見。所聞種種不同。隨機示現。無量身。無量口。無量意。說無量法。門品。以是三輪妙用。而能卽轉魔界入於佛界。或轉佛界入於魔界。或轉一切諸見。而入佛見。或轉佛見入一切見。轉衆生性。而入佛性。復轉佛性入衆生性。如是種種轉變。無有二相。且又不止此等境界。其地智光。光照智慧。照互察諸法。而無窮盡。光光照者。卽光與光相照。以智能照境。故智慧照者。卽慧與慧相照。以慧能了境。故明發明。誅卽智慧威猛。相以破所知無迹象。故無畏。是智慧無障礙。無量卽智慧無間斷。以此光不屬情境。是本智慧光明所聚。故云無畏無量也。十力等者。此推廣所言也。謂此菩薩不但只得光明而已。更得具足如來十力十八不共等法。及證解脫涅槃。無爲一道清淨之理。所謂智光照無量方便無窮盡也。而以一切衆生作父母兄弟。爲其說法。盡一切劫。得道果。又現一切國土。身爲一切衆生相。視如父如母。

天魔外道相視如父如母

此明住無間心也。以顯菩薩大慈大悲大誓大願力。故而以十方四生六道一切衆生作父母報恩。想作弟兄扶持。想種種方便爲其說法。盡一切劫。必使俱得道果。始滿菩薩度生本願。此卽卑劣行門之遠因。緣攝受中下衆生機宜故。又現一切國土身相爲令一切衆生各各相視如父如母。又令天魔外道相視如父如母。此卽尊勝行門之近因。緣攝受上根衆生機宜故。

住是地中。從生死際起至金剛際。以一念心中現如是事。而能轉入無量衆生界。如是無量略說如海一滴。

此明解脫心義。以結當地功德不可思議也。言住是地中者。此舉人顯德也。此菩薩住是地中。從無明不覺生死輪際起至究竟本覺金剛輪際止。於其中間。所有凡聖迷悟染淨修斷因果一切差別法門。而以一念心中如彈指頃。示現如是等事。而能轉入無量諸衆生界。使解脫。故如是無量無邊。

不可稱說功德之相略而說之如大海水毛頭一

滴相似

○十體性入佛界地二初明斷證義 二正釋文

義

○初明斷證義

此地菩薩斷一種未得自在障此即所知障中俱生法執一分法味自在所起能障大法智雲及所起事業不現在前故名之也並斷二種愚執一者現大神通愚二者微細秘密愚此之三法能障十地斷此愚障乃登法雲地菩薩法身圓滿性智清淨空有兩忘極證中道之理便能斷盡愚障既斷故智慧雲彌滿法界雨大法雨充足一切枯槁衆生故名法雲地所證眞如名業自在眞如一切業惑悉得解脫眞如理得相應故菩薩寄位四禪天王作大千世界主演一乘法教化衆生於十波羅蜜中智波羅蜜最勝餘諸波羅蜜一切功德至此俱得圓滿具足

○二正釋文義二初明所證德 二結讚法門

○初明所證德

若佛子菩提薩埵入佛界體性地其大慧空空復空空復空如虛空性平等智有如來性十功德品具足空同一相體性無爲神虛體一法同法性故名如來應順四諦二諦盡生死輪際法養法身無二是名應供徧覆一切世界中一切事正智聖解脫智知一切法有無一切衆生根故是正徧知明明修行佛果時足故是明行足善逝三世佛法法同先佛法佛去時善善來時善善是名善善是人行是上德入世間中教化衆生使衆生解脫一切結縛故名世間解脫是人一切法上入佛威神形儀如佛大士行處爲世間解脫調順一切衆生名爲丈夫於天人中教化一切衆生諸受法言故是天人師妙本無二佛性立覺常常大滿一切衆生禮拜故尊敬故是佛世尊一切世人諸受奉教故是佛地是地中一切聖人之所入處故名佛界地

若佛子三句標顯名德位以明勝進心也入佛界體性地者此菩薩所證一切理智行願諸功德藏

卽與十方諸佛所證境界等無差別。故名入佛界。體性地別經名法雲地。菩薩現無邊身。雲說無邊法。雨故名法雲地。其大慧空等者。申明入佛境界。以顯住無間心也。其大慧空者。卽上空空復空空。慧門其空既空。空亦復空。如是之空。如虛空性。等偏法界。此卽大圓無垢理聚圓極。乃卽法身境界。法身無相十方平等。故云其大慧空空亦復空空。亦復空。卽如虛空性也。平等智有如來性者。此卽平等性智。智聚圓明。乃卽報身境界。以是報身而證法身故云。有如來性十功德品具足者。此卽成所作智。而功德聚圓成。乃卽化身境界。而此化身。以修諸波羅蜜而成。故云十功德品具足。空同一相等者。釋上十功德品。以明菩薩三身圓顯十號齊彰。卽不離之義。何名十功德品。一者如來空同一相體性。無爲此二句者。顯本法身以本法身如來無所從來。亦無所去。猶若虛空。無有色相。迭相見。故以是體性本自無爲。離於施作。故云空同一相體性。無爲是也。神虛體一法同法性。此二句

者。顯報身佛與應身佛。以報化佛神妙不測。虛微雲通應周沙界。其體無殊。而所現身卽是法身。是以心佛眾生平等。等所云神虛體一法同法性。故名如來二者。應供讚卽應順四諦二諦供也。四諦有四。四諦一聲聞人。乃應生滅四諦。二緣覺人。卽應無作四諦。三菩薩人。以應無生四諦。四如來者。以應無量四諦。二諦卽是眞諦俗諦。以如來五住究竟。二死永亡。萬行圓成。證慧具足。因應四諦二諦之供。乃至盡生死輪。眞如實際。卽以四諦二諦之法。滋養法身。無有二相。普現法界。饒益衆生。是名應供號也。三者正徧知其義有二。一者徧知卽以能證正智及本所證一切聖解脫智。周徧普覆一切界中了知一切染淨諸法。若有若無一切聖凡根性差別緣起之事。無不明了。是名徧知。二者正知。謂卽了知一切諸法。皆如實相。無二法故。是名正知。二義合言。是名正徧知也。四者明行足。明卽三明行。卽萬行。謂從因地發心。以智慧覺明。明修行萬行。因智慧光明。至佛果時。福慧二嚴。

圓滿具足所以稱兩足尊故云明行足也五者善逝謂善往返三界示現受生出家入山修行成道轉法以化衆生不現涅槃此乃三世諸佛道法佛佛道同古佛儀式法同先佛法也佛去時善善應緣而來示成正覺而來實無所從去來吉祥是名善善也六者世間解謂是地人能行諸佛善善上德以是現身入世間中廣設教乘開化衆生使諸衆生解脫結習業繫等縛名世間解脫也七者無上士謂是聖人能於一切法上入佛威神形儀如佛是以大士行處一切世中解脫無能過者名無上士也八者調御丈夫調謂調理如能醫者善調一切衆病御謂駕御如善御者善治象馬世尊乃是三界醫王四生慈父善能除諸衆生身心二病使諸衆生離苦得樂善調善御而恒順之名調御丈夫也九者天人師謂於天上人間四衆八部衆中教化一切衆生能使一一諸受法言深解獲益名天人師也十者佛世尊謂妙本無二者即性覺妙明本覺明妙以是性妙本覺無二無相佛性玄

覺充滿法界不即不離不隨不變常常大滿其中妙本無二即本法身佛性玄覺即是應身常常大滿乃即報身亦名自覺覺他覺行圓滿三身圓具三覺果滿乃名曰佛能使一切衆生禮拜故尊敬故乃名世尊二義合言故名佛世尊也上明十號之義下明入佛界地之義入者趣入也謂以一切世人諸受奉教一心皈命以有歸覺路故是爲佛地言此佛地能增長一切衆生法身慧命菩提稼苗故名佛地是地中一切聖人之所入處故名佛界地二義合言故首言入佛界地仁王般若經云十方世界一切如來皆依此門而得成佛若言越此得成佛者是爲諸魔所說非是佛說故云一切聖人之所入處也

○二結讀法門二初本土主伴讚 二他方主伴讚

○初本土主伴讚二初本土佛與記 二本土伴讚歎

○初本土佛與記

爾時坐寶蓮華上一切與授記歡喜法身手摩其頂
此明究竟圓滿證入妙覺果海以顯解脫心也言
爾時坐寶蓮華上處舍那佛及千華上千摩迦佛
千百億釋迦佛乃至一切諸佛皆與此法雲地菩
薩授記即當成佛劫國莊嚴等事歡喜踊躍同以
法身清淨光明網相光手而摩其頂物轉法輪也
○二本土伴讚歎

同見同學菩薩異口同音讚歎無一

同見同一見解謂同見真如法身實相理也同
學同一師學謂同學菩薩道同授灌頂職也以是
同學菩薩皆悉異口同音讚歎無二也

○二他方主伴讚二初請轉法輪 二讚勝功德

○初請轉法輪

又有百千億世界中一切佛一切菩薩一時雲集請
轉不可說法輪虛空藏化導法門

上言授記此言佛及菩薩同時請轉法輪者正欲
廣傳流通此道使天上人間化化不絕也華嚴十
地品云此地菩薩以自願力起大悲雲現種種身

周旋往返於一念頃普徧十方百億那由他世界
微塵國土演說大法請轉法輪與此義互相發明
○二讚勝功德

是地有不可說奇妙法門品奇妙三昧三昧門陀羅
尼門非下地凡夫心識所知唯佛無量身口心意
可證其源如光音天品中說十無畏與佛道同

此總結顯當地功德微妙難窮奇特殊勝也謂不
但具足虛空藏化導法門而已更有不可心思言
議奇妙廣大法門品奇妙三昧智慧門奇妙三昧
定力門奇妙陀羅尼總持門此諸法門非下地菩
薩及凡夫心識所能知之唯佛與佛現無量身口
心意乃可證說其源所謂惟證乃知難可測也法
華云唯佛與佛乃能究竟諸法實相義同此處文
義如大部中光音天品所說十無畏與佛道同而
無差別也心地法門乃十方如來及大菩薩自住
三摩地中受用境界凡我博地凡夫依文解義於
教海中究其心源是則名為因戒生定因定發慧
如法修行同證如來三摩地中無二相矣

佛說梵網經直解卷下之一

姚秦三藏法師 鳩摩羅什奉 詔譯

明廣陵傳戒後學沙門 寂光 直解

菩薩心地品之下

○二明心地戒三初結顯法門 二付授勸轉

三受已轉化

○初結顯法門二初結說心地 二顯說心地

○初結說心地

爾時盧舍那佛爲此大衆略開百千恒河沙不可說

法門中心地如毛頭許

此舉能說顯所說之法也爾時二字承上所說三十心十地已竟時也盧舍那佛即能說報佛也修因感報故名爲報然此報身有自有他自報即理智如如身他報即相好無盡身是此報身名爲盧舍那佛華嚴經中所說毗盧遮那佛即盧舍那佛梵語云盧舍那華言淨滿淨者五住究竟二死永亡以諸患淨盡故滿者三覺果滿萬行因圓以福慧具足故一切聲聞辟支佛等所不能知唯佛與

佛乃能究竟諸法實相此也故華嚴中阿僧祇品

心王菩薩問佛云何名阿僧祇祇乃至不可說不可

說佛即爲說算數無窮無盡無量法門積成十種

大數而破諸算量今千不可說法門中心地略說

開示如毛頭許法也

○二顯說心地二初引他證已 二引已證信

○初引他證已

是過去一切佛已說未來佛當說現在佛今說三世

菩薩已學當學今學

是過去下此引果人同證同說以勸信也三世等

者此引內人同修同學以勸受也言上所說心地

法門雖如毛頭至微至細少許之法其力極大三

世諸佛所證證此所說說此三世菩薩所修修此

所學學此故大經云如有大經卷量等三千界在

於一塵內若有聰慧人破塵出經卷利益一切人

是故諸佛菩薩皆在一微塵許心地法門之中作

大佛事故法華云過去諸佛出現世間皆以一大

事因緣故出現於世開示悟入佛之知見使一切

衆生悟佛知見入佛知見道故未來諸佛出現世間亦以一大事因緣故出現於世開示悟入佛之知見使一切衆生悟佛知見入佛知見道故現在諸佛出現世間亦以一大事因緣故出現於世開示悟入佛之知見使一切衆生悟佛知見入佛知見道故佛之知見卽心地法門也所以過去一切佛已說未來一切佛當說現在一切佛今說三世一切菩薩已過去者已學已修當未來者當學當修今現在者今學今修佛佛祖無不以此心地法門光明金剛寶戒以心印心燈燈相續而無盡

○二以已證信

我已百劫修行是心地號吾爲盧舍那

我已百劫修行是心地者此卽舉因以明果也號吾爲盧舍那者此卽舉果以明因也承上云一切諸佛三世菩薩所證所說所修所學既不一虛者我今所修所學所證所說豈復虛乎故云我已百劫修等可見證果本非他因惟在此心地耳

○二付授勸轉二初總勸轉化 二別勸轉化

○初總勸轉化

汝諸佛子轉我所說與一切衆生開心地道

此乃舍那熱事告勉千佛轉法化生之義承上我已百劫修行是心地者可謂因深號吾爲盧舍那者是爲果極以是因深果極第一之道我今授汝汝當轉我爲汝所說心地法門說與一切衆生而爲一切衆生開心地道以諸衆生各具足此心地道與佛無二故下文云是一切佛本源一切菩薩本源佛性種子一切衆生皆有佛性乃至當常有因故當當常住法身也云開心地道者此心地本來無垢無染無障無礙虛廓靈妙清淨自在何言開耶所謂開者對封而言以諸衆生皆爲識情所障迷背不覺非因習者指點開示終無得見諸佛體性猶如習者若非金銀鑽轉雖終無得見森羅萬象所謂千年暗室仗燈能破歷劫煩惱得智始除也

○二別勸轉化二初授勸轉化 二勸授有序

○初授勸轉化

時蓮華臺藏世界赫赫天光師子座上盧舍那佛放光告千華上佛持我心地法門品而去復轉爲千百億釋迦及一切衆生

時蓮華下畢依報也赫赫天光等下畢正報也會那放光顯能告勝光告等者顯所告勝也持我等者正明所告之詞師子座者師子乃獸中王若哮吼時百獸聞之悉皆腦裂以表世尊無上法王所坐之座即無畏坐所說之法即無畏法天魔外道若見若聞皆失心喪膽也言放光光告者此有二義一者即佛放光而於光中召告如楞嚴云爾時世尊頂放百寶無畏光明光中出生千葉寶蓮有佛化身結跏趺坐宣說神呪即此光中召告之義二者即所放光光亦能告謂不但正報身善能說法乃至依報蓮華光明亦悉能說法也所謂依報正報常宣妙法寶網雲臺水流風動皆演法音之義持我心地等者謂欲千佛轉相傳與一切衆生而千釋迦付授勸轉已畢復轉爲千百億釋迦付

授勸轉而與一切衆生開心地道故云復轉爲千百億釋迦及一切衆生也

○二勸授有序

次第說我上心地法門品汝等受持讀誦一心修行次第等者明非頓說汝等受下明漸中有頓也意謂心地法門位有四十諸衆生性根有大小利鈍不等生住異滅四十二品無明亦有輕重不一必須次第說我上心地法門品其次第者初說十住眞空妙理次說十行實相妙行次說十向中道一諸大說十地所說眞如此圓融中而說行布非若儼爾眞如之所談也汝等受下是舍那佛囑授千佛千百億釋迦佛令轉囑授一切衆生故也領納曰受固守曰持對本曰讀離本曰誦言一心者有五小乘教中假四諦理而說一心故得悟解始教約第八識心了一切緣生之法法皆皆空各無自性而受異熟之果終教所言一切恒沙性淨功德具於如來藏心頓教即於一念不生之心無染無淨頓顯理性圓教主伴圓融法法無礙一卽一切

一切卽一卷舒自在。總該萬有此五總卽不出發起究竟之心。亦名一行三昧。所謂攝心一處卽是諸佛道場。散亂片時。乃卽衆生境界。受持讀誦一心而行。是行布中說圓融法。非若分別名相之類也。

○三受已轉化。二初受已謝師。二各旋本界。

○初受已謝師。

爾時千華上佛。千百億釋迦從蓮華藏世界轉轉師子座起。各各辭退。舉身放不可思議光。光皆化無量佛。一時以無量青黃赤白花供養。盧舍那佛受持上所說心地法門品竟。

言爾時者。卽盧舍那勸授轉化時也。舍那付授已畢。時當機諸佛。領旨各旋本迹世界。說法利生。應緣去也。舉身等者。表顯心地戒光出生。無量無邊智慧佛。凡此本佛迹。佛迹迹之佛。皆從心地戒光流出。此光非可心思言議。故云不可思議也。光光等者。卽千釋迦及千百億釋迦所放不思議光。復于光光中。皆化無量不思議佛。是以心地法門戒

光無盡。而卽出生諸佛。亦無盡。故一時等者。以行果道同。故花表因行。非花無果。非因裏行。則無果。佛世間花果。從土地中生。出世花果。從心地中生。故以妙花莊嚴妙果。青花以表十住。赤花以表十行。黃花以表十向。白花以表十地。千臂經中。乃廣明之。故以心地因花。還以供養心地果佛。所謂諸供養中。法供養最是也。受持等者。從供養中作一結語。以起下文。故云受持心地法門品竟。

○二各旋本界。二初入定歸本。二出定說法。

○初入定歸本。

各各從此蓮華藏世界而沒沒已入體性。虛空華光三昧。還本源世界。闍浮提菩提樹下。

各各等者。顯從本依世界而隱。初隱爲沒。終隱謂沒已入體性下。正明所隱迹處。卽入本體法性三昧定也。體性虛空華光三昧者。此卽法身本定之別號也。言此法身常住本定體性。在聖不增。處凡不減。是知心佛與諸衆生。三無差別。平等平等。所謂諸佛心內衆生。時時成道。衆生心內諸佛。念念

證真衆生迷而不覺不自受用諸佛悟此出沒隱顯自在無礙猶如虛空其體本非色相而以色相顯發法身體性本非來往無形無相而以行花智光任運莊嚴用不離體照不離寂寂寂平等理行無二故曰體性虛空華光三昧問此定與上舍那如來所現虛空體性本源成佛常住法身三昧定光有何差別答彼定乃爲發明因地之心修果地覺故云成佛常住法身三昧此定即爲發明果地之覺現身益物故曰虛空華光三昧二定名異而體同也還本源世界者千釋迦佛千百億釋迦佛各各從彼本土放光示衆各各接生疑之衆俱往本師盧舍那佛所聽戒法令受戒竟故又各還應跡所依本源世界見隱顯不離當處故云還本源世界也閻浮提者卽娑婆世界四洲之中南瞻部洲也菩提華言覺道亦名道樹凡一切諸佛皆在此樹下示成無上覺道故也

○二出定說法二初明橫說法 二明豎說法
○初明橫說法二初出定相示 二正說法門

○初出定相示
從體性虛空華光三昧出已

上既有入此必有出初現名出現畢名爲出已問諸佛法身充滿十方普現一切色身三昧何有入定出定相耶答略有三義一者觀實相義本離名字言說等相所謂諸法寂滅相不可以言宣除佛方便說故有此出入相二者觀說法時有當說時不當說時之別所謂欲議佛性義當觀時節因緣故有此出入相三者觀衆生根以何等根說何等法所謂隨機演教應病與藥故有此出入相經云先說無量義經復入無量義定乃至出定揚德使彼根機純熟深心仰慕然後與說正合此義

○二正說法門三初次第所說 二圓頓所說
三例結所說

○初次第所說

方坐金剛千光王座及妙光堂說十世界法門海復從座起至帝釋宮說十住復從座起至忉利天中說十行復從座起至第四天中說十迴向復從座起至化

樂天說十禪定復從座起至他化天說十地復至一
禪中說十金剛復至二禪中說十忍復至三禪中說
十願

此釋出定說法示迹之義。方坐金剛等者。此是初
會說十信法門也。方者正也。金剛取至堅至利義。
千光取至明至照義。王者至尊無對之義。以顯此
座乃是千佛所傳無動無壞無海無蒙無有比對。
大寶華王座也。初地菩薩功德積感承本願力寄
位人。乘作金轉輪王位。修十善業以化衆生。行檀
度法而嚴妙果。統攝四洲一切國土。故佛始成正
覺。初轉法輪而於此處說十信法門也。言十世界
法門海者。此即華藏莊嚴十世界海。一真如心乃
是十方三世一切諸佛自覺聖智受用境界。諸佛
乘此法門。倒駕慈航。一切菩薩皆修此門。以至究
竟果海。一切衆生以迷此心。流轉十方生死無盡。
故云十世界法門海。又顯十方世界無盡諸佛無
盡衆生無盡諸佛法門。亦復無盡故也。海喻深廣
汪洋無所不藏。無有窮盡之相。此十世界法門海

義甚深說不能盡大意。欲令衆生卽入圓信。以起
圓解。乃得圓證之義。若廣明者。當閱華嚴十世界
品毗盧遮那如來名號如來現相諸品。一一發明
此義。復從座起至帝釋宮等者。此第二處次第所
說十住法門之義。問舍那唯說三十心十地法門。
何故先說十信。次說十住。答以舍那佛對千佛說。
故順說心地品。以十住中具該十信。非信無以有
住。故上所云堅信忍中十發趣心。向果今明次第。
是故先說十信。後說十住。使已發大心衆生。得入
圓十信位。方得圓十住也。帝釋宮者。卽忉利天所
住內庭也。梵語釋提桓因。華譯云能天主。梵語忉
利華言云三十三。此天居須彌頂緣單修上品十
善。得生其中。帝釋二字華梵合舉。卽離垢地菩薩
修行功行多作忉利天王寄位天乘。是故世尊次
於此天說十住門。爲令已入十信菩薩天王得入
圓十住法門也。至執天中等者。此第三處所說十
行法門義也。該天卽夜摩提天。言時分謂時快
樂觀蓮花開合。乃分晝夜。此天依空而居。緣修上

品中善衆坐未到定禪得生其中即發光菩薩修
行功。行多作夜摩天王。寄位天乘。是故世尊。次於
此處說十行法。爲令已入十住菩薩。天王得入圓
十行法門也。至第四天等者。此第四處所說十迴
向法門。四天即兜率陀天。華言知足。謂於五欲知
止足。故此天依空而居。所修同前。即饒慧地菩薩。
初斷俱生身見。觀於道品。同於初果預流位。也是
故世尊。次於此處而說十迴向門。使令已入十行
菩薩。天王得入圓十迴向法門也。至化樂天等者。
此第五處所說十禪定法門。言化樂者。謂此自化
五欲而娛樂。故此天依空而居。所修同前。即難勝
地菩薩。修行功。行多作化樂天王。寄位阿羅漢乘。
觀四諦行。既終。同於四果無學位。也是故世尊。次
於此處而說十禪定門。爲令已入十迴向位諸大
菩薩。天王得圓知諸佛禪定。圓入諸佛利土。圓證
法身境界也。言禪定者。梵語禪。那此云寂靜。此是
諸佛自覺聖智境界。故云禪定。則經所云三賢行
滿。修四加行。方登十地也。至他化自在等者。此

第六處所說十地法門。他化自在天者。此有二種。
一者正修上品十善衆坐未到定。禪假此得成。自
然受樂。二者偏修十善。假他所化以成。已樂。即魔
王。天。此二天王依空而居。謂現前地菩薩。修行功
成。多作自在天王。統攝欲界。寄緣覺乘。謂此菩薩
於修十二因緣觀行。同於緣覺。是故世尊。次於此
處而說十地。爲令已入十禪菩薩。天王得圓證十
地法門也。已上所在四王。初利夜魔。兜率。化樂。他
化。六天之中。所說十信。十住。十行。十向。十禪。十地。
門者。正爲初地。乃至六地菩薩。寄位人乘。天乘。聲
聞乘。緣覺乘。同彼凡夫。天人。三乘。二乘。斷惑。是故
世尊。亦卽在此六欲天中。說十信。三賢。十禪。十地。
令彼諸凡夫。天人。聲聞。緣覺。迴向大乘。而證十地。
也。下說十金剛。十忍。十願者。以七地。八地。九地。菩
薩。寄位一乘。修菩薩行。爲令已登七地。諸菩薩等。
發起自在。任運現身說法。是故世尊。在於初禪。二
禪。三禪。說十金剛。十忍。十願。爲令永斷俱生。二執。
生相。無明。得入如來妙覺果海。復至一禪等者。此

第七處說十金剛法門。初禪天王。即離生喜樂地。此天已離下界欲惡。忻上妙定。故云離生喜樂。即遠行地。菩薩修行功。行多作初禪天王。寄菩薩樂。以自證法。攝化衆生。是故世尊。次於此處。說十金剛。爲令已登七地菩薩。天王得證金剛觀智。入妙覺果海也。復至二禪等者。此第八處說十忍法門。二禪即定生喜樂地。此天已離初禪之喜。攝心在定。淡然凝靜。而生勝定。故云定生喜樂。即不動地。菩薩修行功德。多作二禪天王。主大千界。寄一乘位。說自證門。教化衆生。是故世尊。次於此處。說十忍法。令彼已得真無生忍。菩薩天王。修行十忍法。門入妙覺果海也。復至三禪等者。此第九處說十願法門。三禪即離喜妙樂地。此天已離初禪二禪喜踊之動。泯然入定。而得勝妙之樂。故云離喜妙樂地也。即善惡地。菩薩修行功德。多作三禪天王。主大千界。寄一乘位。以自法門。爲諸衆生。演說開示。是故世尊。次於此天。說普賢十願法門。令彼已證第九善惡菩薩天王。更得十大願力。得入如來

妙覺果海也

○二圓頓所說

復至四禪中摩醯首羅天王。官說我本源蓮華藏世界。盧舍那佛所說心地法門品。

已上九處。乃圓融中說行布。此之一處。是行布中說圓融也。四禪即捨念清淨地。此天即捨二禪之喜。三禪之樂。心無憎愛。一念平等。清淨無雜。住於此禪。空明寂靜。萬象皆現。故云捨念清淨。即法雲菩薩修行功德。多作四禪天王。主大千界。而位寄一佛。乘於諸聲聞緣覺菩薩天王。說自證法門。是故世尊。次於此處。圓說心地。四十行位法門。品。令彼圓證十地菩薩。入妙覺果海也。

○三例結所說

其餘千百億釋迦。亦復如是。無二無別。如賢劫品中說。

此例釋迹。迹佛說法之義。謂千釋迦所說。如是其餘千百億釋迦。佛出定之後。示轉法輪。亦皆初從妙光堂中。終至首羅宮中。十處說法。次第敷演。漸

說頓說與千釋迦所說亦復如是。無二無別。自爾時盧舍那至此所說。乃是略言其義。廣如賢劫品中已說也。

○二明豎說法。二初天上說道。二人間說戒。

○初天上說道。初示相成道。二成道說法。

三說經錄致。四往返多徧。

○初示相成道。

爾時釋迦牟尼佛從初現蓮華藏世界東方來入天宮中。說魔受化經。已下生南閼浮提迦夷羅國。母名摩耶。父字白淨。吾名悉達。七歲出家。三十成道。號吾為釋迦牟尼佛。

已上明千釋迦及千百億釋迦。皆於十方世界說心地法門品。此下明一釋迦於一世界之中所說心地法門品也。爾時等者。示降生來源義。爾時釋迦世尊自從初現華藏世界東方而來入此兜率天王宮中。先在此天伏魔說魔受化經。已次觀下界衆生有業障難解脫者。有根純熟易解脫者。故即從天王宮隱勝現劣下生南閼浮提迦夷羅

國淨梵王家為太子也。迦夷羅國此云赤澤或迦毗羅。此云黃色。黃即處中。最為安隱。又古有黃色仙在此修道。又古諸佛出現世間。皆於此處示生。有此多義。故名黃色。爾時如來將欲降神。先現五瑞。所謂從兜率天降。皇宮者第一相也。母名摩耶等者。示生身父母之名。德梵諸摩耶。此云大幻。以大幻術幻出諸佛。故凡十方諸佛示現受生。皆其母也。父字白淨者。是此方譯語。梵語鬱頭檀也。世尊將欲受生之時。觀淨梵王性行仁賢。摩耶夫人五百世時曾為菩薩之母。應當往彼托胎。所謂示入母胎住。胎第二第三相也。吾名悉達者。示出生之名。德也。梵語悉達。此云頓吉。以太子初生時。寶藏悉空。空而復滿。故名頓吉。亦名一切義成。即於世出世間一切諸法實相義成。故於時太子從摩耶右脇出。立蓮花上一手指天。一手指地。目顧四方。周行七步。曰。天上天下唯吾獨尊。世出世間此法第一。所謂示現出胎誕生。第四相也。言七歲出家者。示離塵俗。返妄歸真之義。世尊初為太子具

大智慧成就捨心。觀生老病死。厭世五欲。捨金輪位。如棄涕唾。心思出家。往白父王。父王不許。故於二月三日。身放光明。普照四天王宮。乃至淨居天宮。諸天見已。到太子所。禮足白言。菩薩無量劫來。所修行滿。今正成熟。卽於今夜。逾城出家。苦行林中。剝除鬚髮。所謂示現逾城出家。苦行林中。第五相也。所言三十成道。號吾爲釋迦牟尼佛者。道卽道果。世尊功行滿足。道成德備。三身圓現。四魔潛消。所證圓果。德號亦以顯然。燈佛授記不虛。故號吾爲釋迦牟尼佛。所謂示現觀明星而成道降魔第六相也。此經言七歲出家。三十成道。諸說不一。或云。騰寫之訛。或云。八千返中之一。或表圓教七信已上。無退或七歲表七覺支。三十表念處正勤。神足根力八正道具三十七品助道法。凡諸佛出世說法度生。皆依此。故今則不然。七歲出家。猶言出家七歲。謂初出家時。先學不用處定。不久得證。知非究竟。次學非非想定。不久得證。知其亦非究竟。次復遊行諸國。凡經一年。次更苦行六年。至

三十乃成正覺。此按毗尼部中所釋也。

○二成道說法

於寂滅道場。坐金剛華光王座。乃至摩薩首羅天王宮。其中第十住處所說。

於寂滅道場者。此示成道轉法輪相約事而言。卽是眞阿練若正修行處。約理而言。卽是所證菩提涅槃。無爲無相清淨寂滅之理。所謂圓滿菩提歸無所得。是故諸佛於無所得寂滅理中。成等正覺。於無所得寂滅理中。坐大道場。轉大法輪。故云於寂滅道場也。坐金剛下。明轉法輪。既成道。已當轉法輪度諸衆生。爾時世尊卽自思惟。我得智慧。無能信受。若我住世。於世無益。不如人於涅槃爾時梵天而白佛言。世尊。今日法海已滿。法輪已立。酒濟開導。今正是時。云何欲捨一切衆生。入於涅槃。而不說法。是時如來受梵天王請。已雖知根鈍。且稱本懷。是故雙垂兩相。一處於鹿野苑。爲憐陳如五比丘等。轉四諦輪。說小乘種種教法。一處於菩提場。演大華嚴。并普光明殿中。同說此經。此佛與

上千佛所說皆從初坐金剛千光王座終至首羅天宮其中次第所說住處共有十也蓋上多佛所說一佛所說頓說漸說及諸住處皆亦無二無別華嚴七處九會所說此經十處十會所說二經大同小異所謂示現成道轉大法輪第七相也何無第八以未涅槃故也

○三說經緣致

時佛親詣大梵天王網羅幢因爲說無量世界層如網孔一一世界各各不同別異無敵佛教門亦復如是

此釋心地戒品緣起之義及此梵網得名處也時者卽於此梵天中說此心地法門之時爾時世尊在大梵天宮中觀彼網羅幢因爲喻爲說無量世界衆生心行依正差別猶如網孔一一世界各各不同別異無量故佛教門隨機施設亦復如是此義俱已解見題中今不繁釋

○四往返多偈

吾今來此世界八千返爲此娑婆世界坐金剛華光

王座乃至摩醯首羅天王宮爲是中一切大衆略開心地法門竟

此是如來大悲悲心廣大誓願重來人間至八千返所謂佛慈無盡衆生無盡此雖來八千返若較華嚴經中如來出現名號品中看來其名其號其法其時又非可以數目窮盡可歎我等癡迷至今還作衆生深負我佛大慈弘恩豈不慚愧爲此娑婆世界等者申明來此八千返義也坐金剛華光王座者金剛之座三世諸佛坐此成道無少變壞故乃至等者謂此說法道場共有十處超其中八故云乃至爲是等者明佛說法本懷之義謂我來此八千返者無非只爲此界人天一切大衆也略開二字明說未竟竟者言在天上說心地法門已

也

○二人間說戒二初聖凡本源 二總結戒相

○初聖凡本源三初差別說戒 二頌前起後

三正結戒品

○初差別說戒

復從天王宮下至閻浮提菩提樹下爲此地上一切衆生凡夫癡暗之人說我本盧舍那佛心地中初發心中常所誦一戒光明金剛寶戒是一切佛本源一切善薩本源佛性種子一切衆生皆有佛性一切意識色心是情是心皆入佛性戒中常當有因故當常常住法身如是十波羅提木叉出於世界是法戒是三世一切衆生頂戴受持吾今當爲此大衆重說十無盡藏戒品是一切衆生戒本源自性清淨

前文自地上大觀梵網孔爲因詳說三十心十地中修斷法門品竟今從天上復下人間而詳舉心地中十重四十八輕戒行故云復從天王宮等爲此地上等者正明下至閻浮提義一切衆生總舉閻浮界內諸衆生也凡夫癡暗人者未出三界俱名凡夫以凡夫煩惱深心慧目不開故名癡暗之人如是之人必依何法而便障礙破惑開入聖超凡若非戒法攝心終於煩惱生死海中永無出離故爲此衆復下天宮說我本師盧舍那佛心地因中初發心中常所誦一戒此戒何名乃光明金剛寶

戒也言說我盧舍那佛者舉法有所師也常所誦一戒者出戒本體此戒體華嚴所言一眞法界大總相法門體如圓覺云神通大光明藏如楞嚴云卽是常住眞心性淨明體法華所云一乘實相佛知佛見在此名爲光明金剛寶戒言光明金剛寶戒者此出戒相名德也光明卽智慧也金剛卽堅利也寶戒卽具足衆善之法財也欲破煩惱黑暗非大智慧光明不能欲碎根本無明非金剛堅利智不能欲以莊嚴法身果相非衆善寶戒法不能蓋此一戒是諸佛與衆生平等具足無二體性諸佛衆生本無增減是故以此一戒爲一切佛果海本源爲一切諸菩薩因地本源不獨諸佛菩薩以此戒爲本源此一戒者是卽一切衆生本有佛性種子既皆有佛性何不成佛道所以不得成佛道者盡用一切意識色心迷背佛性戒體故也意者思量曰意屬第七末那識名染污意卽亦轉呼爲染淨依也識者分別曰識以計名相起惑造業卽前六種轉識色者所緣曰色卽五根六塵也心者

集起名心。即第八識名阿賴耶。統收前七種識。謂此心識。以攝世出世間染淨諸法。有三藏義。能藏所藏。我愛執藏。此識體性。乃佛性種子。本無遷改。在衆生分中。名爲佛性。在非衆生分中。名爲法性。今在因。故名爲佛性。若能具大智慧。悟此體性。卽本是情。是心。皆入佛性。戒中旣云。皆入佛性。戒中應當發本。有常具正因心也。旣發此正因心。則當依此正因。修行不墮邪因。旣不墮邪因。當來決定證得常住清淨法身。不生不滅之果。而不爲幻身所染。故云。當當常有。因故當當常住法身也。如是十波羅提木叉等者。出戒用也。夫觀衆生。皆有戒因。以成戒果。是則諸佛所悟。凡夫所迷。盡此一戒。如是諸佛不忍見衆生。於本有勝因。勝果。迷而不悟。是故若不假此多種戒品。一攝持。何以得令六根返妄歸真。所以又將此一戒方便開而爲十。如是十波羅提木叉。出於世界教誨諸人。此十戒法。諸佛本此軌則成佛。若人依此戒。則體會修行。必定成佛。卽是衆生成佛法。則之戒。故云是法。

戒也。如起信云。一者體大。真如平等。不增減。故卽此一戒。是二者相大。謂如來藏具足無量性功德。故卽此光明金剛寶戒。是三者用大。能生世出世間善因果。故卽此十波羅提木叉。是梵語波羅提木叉。此云保解脫。謂持此戒者。保護三業。六根。得大解脫也。三世一切等者。舉人勸受持也。言此十戒。旣爲法。則成佛大用。是則三世一切衆生。應當頂禮佩服。戴時尊尙。不可輕毀。爾受執持。刻刻體會。不可忽忘。故云頂戴受持。吾今當爲等者。結顯戒法。雖則無盡。不離本體之義。言爲此大衆者。卽爲此現受戒四衆八部之大衆也。重說等者。謂此戒體是一。因諸衆生。心念無盡。故此戒法。亦無有盡。是故以此一戒。演而爲十。十戒復開爲四十八。乃至三千八百。無窮無盡。一切戒品。無不攝歸於此。十波羅提木叉。故云。吾今當爲此大衆。重說十無盡藏戒品也。是一切衆生戒本。源自性清淨。此二句的指戒體。原本一味平等。以衆生心念無盡。是故諸佛所說戒品。亦無有盡。惟恐衆生。執此戒。

相不違戒性。所以復言此無盡諸戒者。卽是一切衆生本源自性清淨戒體。本無戒可持。亦本無戒可說。今此說者。受者皆方便也。

○二頌前起後

我今盧舍那。方坐蓮華臺。周匝千華上。復現千釋迦。一華百億國。一國一釋迦。各坐菩提樹。一時成佛道。如是千百億盧舍那。本身千百億釋迦。各接微塵衆。俱來至我所。聽我誦佛戒。甘露門卽開。是時千百億還至本道場。各坐菩提樹。誦我本師戒。十重四十八戒。如明日月。亦如瓔珞珠。微塵菩薩衆。纔是成正覺。是盧舍那誦我亦如是。誦汝新學菩薩。頂戴受持戒。受持是戒。已轉授諸衆生。諦聽我正誦佛法中戒藏。波羅提木叉。大衆心歸信。汝是當成佛。我是已成佛。常作如是信。戒品已具足。一切有心者。皆應攝佛戒。衆生受佛戒。卽入諸佛位。位同大覺。已真是諸佛子。大衆皆恭敬。至心聽我誦。

此段總頌上下開說心地戒法結前起後讚歎勸受奉行大略也。我今盧舍那者。此明本迹之佛聖

人說法。皆以無我被一切。我今言我者。非同凡夫。我和之。我亦非外道神我之。我乃至亦非權乘假我之。我是乃無我中我。入自在我。無生我也。今者當說時也。盧舍那佛卽正報身毗盧遮那卽正法身。然佛法身乃有一身二身三身十身等別。此佛圓攝一切。故云我今盧舍那也。方坐蓮華臺者。此明本迹依報國土。方者正也。坐者安也。以正心地法戒安住其身。及安一切衆生。身故蓮華總有二義。一處泥恒淨。二出水香潔。顯心地戒體在凡夫。本無垢染。在聖人中。本無淨相。所謂處生死流離珠。獨耀於滄海。踞涅槃岸。柱輪孤朗於碧天也。又蓮有開合義。以表如來開權顯實。會權歸實。謂開一乘心地戒法之實。演說十重四十八輕之權。復會歸本源自性清淨心地戒體之實。又表舍那一體化爲千釋迦。佛復現千百億釋迦佛。而此千釋迦佛千百億釋迦佛皆歸於盧舍那佛之本體也。又因果齊彰義。卽因該果海。果徹因源。故聖者卽高顯也。以表舍那心地戒體無有及者。無

有逾者所謂一切衆律中戒經爲上最也又臺居中以中機十方故卽表舍那如來爲千佛主心地妙戒爲衆戒本也周千華上者明應迹依報土顯本迹依報周徧融通之義復現千釋迦者明應跡正報身顯本迹正報周徧融通之義謂千華上每一華中復有一化佛身而坐其上卽顯從一光明金剛寶戒中演出十波羅提木叉之妙戒也一華百億國者明迹迹依報土顯迹佛依報周徧融通之義謂千華朵各有百億葉瓣每一葉瓣爲一佛國土每一國土中有一化佛爲衆說法以表四十八輕乃至無量戒品亦皆從十戒中演出各坐菩提樹一時成佛道者申明應化同時體用不二表心地戒品數雖多同一梵行體也已上八句顯明從體起用如是千百億下顯明攝用歸體言千百億釋迦以千釋迦爲本千釋迦佛又以盧舍那佛爲本故也已上三節總頌大部前九品文正爲開說心地戒法緣起之義千臂經中說心地戒品前先取此義後說三寶十地法門文義錯綜以今

上卷文中亦有從本起迹攝迹歸本之義此似以後例前而爲發起之端向下正頌此品起發緣也千百億釋迦等五句此頌上卷自爾時釋迦佛身放慈光所照鼓動天人生疑立主集衆請問光相釋迦接衆至舍那所聽受心地戒藏一大段經又義問今只言千百億釋迦至舍那所不言千釋迦何也答旣千百億釋迦皆各接微塵衆至舍那所聽受戒者則千釋迦亦各接微塵衆來聽受戒不待言矣問所言各接微塵衆是何處衆答是千釋迦千百億釋迦於應迹本源世界垂手接引不可說不可說生疑作念大根衆生至本師所聽受心地戒法正明小根機者未堪與也但來主我所者謂能接佛所接衆生俱至華藏故云俱來聽我誦佛戒者謂聽舍那所誦諸佛大戒以顯此心地大戒是諸佛共證也甘露門卽開者讚戒德也謂此戒法如世甘露若得食者便獲清涼不老不死若人能受淨戒當下卽出三界生死熱惱喻甘露門開也是時千百億下四句頌上千釋迦佛與千百

億釋迦額衆至舍那所聽受戒竟復即各還本源世界示現受生出家成道上升天宮十處說法化天已畢又復從天王宮下至閻浮界說本盧舍那佛初發心中常所誦一戒乃至本源自性清淨一段經文是時千百億者即舍那佛爲千釋迦傳授心地戒法接受時也還至本道場者謂千釋迦及千百億釋迦衆戒畢復還本道場中說法利生以顯諸佛出定入定去來坐立皆不離本體故言坐著樹下者顯諸佛成道轉法同一本覺無二道也誦我本師戒者顯戒授有源不忘根本心故已上頌前向下頌後十重四十八者出戒相也戒如明月月亦如瓔珞珠者讚戒功德謂若人能受持此戒能滅愚癡暗障即如日月能破昏暗又持戒人清淨六根於一切法常得解脫亦如日月朗照十方於空往來自在無礙又持戒者滅除罪垢即如果日能消霜雪又持戒者能滅身心熱惱即如明月能清涼故亦如瓔珞珠者謂持戒人因戒生定因定發慧一切功德智慧法身悉緣戒度而成

就故如瓔珞珠莊嚴身相圓滿好故微塵菩薩衆緣是成正覺者顯持戒者利益真實而不虛故言微塵衆顯持戒者獲益衆多如是無量無邊微塵衆緣持十重四十八輕戒而得成佛以見覺佛果者必當受持此戒也是盧舍那誦我亦如是誦者承上謂此諸戒緣我本師自誦我亦隨誦非自不誦教人誦也汝新學菩薩等四句勸自受以授人也上言微塵諸菩薩衆既緣茲戒而得成佛汝等新學菩薩應當一心頂戴受持是戒以受持是戒已更當轉授諸衆生也自利利人故稱菩薩摩訶薩也若不轉授衆生蓋同聲聞人矣誦聽我正誦等三句此誦聽也誦者審也聽者領也我正誦者揀非外道二乘所誦偏邪戒也外道妄計前世從雞狗中來即持雞犬等戒獨立曠穢而行苦行望生天上名曰邪戒即是邪誦二乘持誦寂滅空戒名爲偏戒即是偏誦今誦大乘實相心地妙戒故名正誦此法既正若非審誦而聽終不得入一乘實相心地妙戒是故須當審誦聽也佛法中戒藏

者佛所說法藏有三。此三藏中戒藏也。戒藏即毗尼。梵語毗尼。華言性善。謂性本自善。故亦云善住。能令佛法久住世故。亦云善。壽謂毗尼住世則佛法住世。毗尼若滅則佛法速滅。毗尼乃佛法中壽命。故云佛法中戒藏也。波羅提木叉者。即戒果義。持戒爲因。解脫是果。是故若人能持淨戒。保衛得大解脫也。大衆心諦信下四句勸誡信也。謂聽而弗信。則空聽無益。故須當諦信。茲戒爲成佛正因。能如是奉持。當來決定成佛無疑。且我是已成佛。竊我信持如是心地戒品。已得福慧具足。又我是已成佛。尙常作如是信。況汝未成佛乎。是故勸汝應諦信也。一切有心等者。六句此勸受也。謂既信當受信。而不受非真信也。言一切有心者。揀非木石無心也。謂凡有心者。皆當作佛。豈小因小果。故云一切有心者。皆應攝佛戒也。問上云是情是心。皆入佛性戒中。此云一切有心者。皆應攝佛戒。二義何則。答上是從外而進。故云皆入佛性戒中。此是依內而納。故云皆應攝佛戒。又上是返妄歸真。

義。故云皆入。今是合覺背塵。故名攝也。言衆生受佛戒。卽入諸佛位者。正明皆應攝佛戒。蓋心外無佛心。地外無佛地。今則衆生既受諸佛心地法戒。豈不卽入諸佛位耶。位同大覺已。真是諸佛子者。舉位讚獎勸進之義。同上既云卽入諸佛位。此又云位同大覺已。卽當是佛。何以僅名佛子。答戒位雖同。大覺而非。實證大覺道果之位。以內行未圓。必經三大阿僧祇劫。廣修六度一切萬行。承事十方諸佛。盡行諸正道法。行願滿足。始紹佛位。如灌頂王子。必紹王位。時爲儲君。祇稱王子。今受佛戒。以修佛行。故名佛子。真是諸佛子者。佛子有三。一外佛子。謂諸凡夫未嘗入道。未嘗紹隆佛種。故名外子。二庶佛子。謂二乘人。但稟小乘教法。生於法身。不從如來大法中生。名爲庶子。三眞佛子。謂大乘菩薩。受如來大乘戒法。生於法身。故稱眞是諸佛子。言大衆皆恭敬至心聽我誦者。結勸誡聽之義。大衆卽闍浮地上。衆受佛戒國王王子百官宰相。比丘比丘尼優婆塞優婆夷。乃至天龍。

八部聖凡同會清淨之衆也。皆恭敬者。恭就身言。即身業虔誠敬就心言。即意業虔誠。外禮內虔。內外皆誠。言語道斷。心行處滅。此攝口業。虔誠所謂制心一處。無事不辦也。此有二義。一者謂舍那所傳心地戒法。我尙自誦。如對舍那佛面。如聞舍那佛語。況汝新學。可不至心聽誦耶。二者汝緣受持佛戒。即入諸佛寶位。是汝出世大事。因緣可不至心聽誦。叮嚀付囑。詞旨切矣。

○三正結戒品二初標敘結受 二說戒相貌

○初標敘結受二初經家敘說 二佛自敘說

○初經家敘說

爾時釋迦牟尼佛初坐菩提樹下。成無上覺。初結菩薩波羅提木叉。孝順父母師僧。二寶孝順至道之法。孝名為戒。亦名制止。佛即口放慈光。光明照時。百萬億大衆諸菩薩。十八梵天六欲天子。十六大國王合掌至心聽佛誦一切諸佛大乘戒。

此總標顯結制心地戒法緣起也。爾時者。即從天上復下人間。示現出家成道時也。釋迦牟尼佛

者。示生婆娑之佛號也。初坐菩提樹下者。即示始坐道場之處。成無上覺者。即正偏知覺。是如來示現所證菩提涅槃。二轉依號。一切聲聞緣覺諸菩薩等。無有等者。無有逾者。故云成無上覺。初結菩薩波羅提木叉者。示初轉法輪之急務也。如來出世本懷。原爲令諸衆生離苦得樂。同佛菩提等無差別。衆生不知其苦。是故世尊思惟畢竟。以何法門能令衆生離苦。故演波羅提木叉。保衛三業六根。得大解脫。衆生離苦。佛願滿足。故先結戒戒有大小乘分。大乘戒藏被菩薩乘小乘戒藏被聲聞乘聲聞戒。未得究竟。竟不言即成佛道。菩薩戒廣普被一切衆生。受戒即入佛位。離一切苦得究竟樂。又聲聞戒。當隨佛事而制。菩薩修行六度化利一生。不當隨佛戒。羅提木叉戒。乃即六度萬行。元首故。世尊長初成道。始轉法輪。即先頓教結此菩薩戒藏也。孝順父母師僧。三寶顯菩薩戒行。萬行因中最勝因也。何者。父母即生身父母。以此世身緣本父母懷胎乳哺。移乾就濕。種種辛勤。

撫育而成師。卽本師和尚。乃法身父母。以我法身。蘇師誨戒之力而生。又卽師有二。師七。師皆有教誨之恩。僧有同學。同見同行。皆有成人之德。三寶卽佛法僧。乃慧命父母也。以我慧命。賴三寶熏修之力而得。如是諦思父母師僧。三寶俱有深恩重德。實難酬報。當發孝心而順事之。卽此戒中便是孝。順如不孝者。禽獸之不如也。故云孝順父母師僧。三寶孝順至道之法。此句承上謂波羅提木叉。其義廣大無量無邊。此孝順一法。何以能盡佛戒之義。曰此孝順深因。乃趣無上佛果至道之法。非同世間孝道。祇得人天小果而已。闍盆疏云。稽首三界主。大孝釋迦尊。累劫報親恩。積因成正覺。茲錄報親深因。而成佛道。極果不孝。當致至極苦果。所謂五刑之屬三千。而罪莫大於不孝也。是故世出世間善惡果報。皆在孝與不孝。儒典禮孝曰。至德要道。又謂聖人之德。無以加於孝也。故曰至道之法。孝名爲戒。亦名制止。此二句者。明波羅提木叉之名義也。上以波羅提木叉爲戒。今只言孝順。

曰至道之法。而不言戒品。何耶。蓋孝順所在。自然梵行具足。因得戒名。如法苑云。戒卽是孝。衆生皆吾父母。是故不殺不盜卽守戒也。皆吾父母。卽行孝也。又下經云。以常行放生業。觀一切男子是我父。一切女人是我母。我生生無不從之受生。故六道衆生。皆是我父母。而殺而食者。卽殺我父母。有生無殺卽孝。卽戒也。故此經首尾貫徹十重四十八輕戒中。皆云孝順心恭敬心慈悲心而恭敬心慈悲心者。悉從孝順心中流出。故云孝名爲戒。亦名制止者。此句再舉孝道名位。正以盡戒義。制者法制止者禁止。以諸戒心修一切善。卽得阿耨菩提。無善不修。便是孝順心中之法。制也以諸戒品滅一切惡。便是孝順心中之禁止也。故云制止。所謂諸惡莫作。衆善奉行。自淨其心。是諸佛戒。此一法三聚足。三身圓。以是雖一切苦得究竟樂。此吾佛世尊始結波羅提木叉正義也。括而言之。如來出世所說三藏十二部教。所詮者戒定慧所修者六度行。所證者無上道。是以始成無上正覺。初結。

菩薩波羅提木叉戒終至涅槃會上云汝等諸比丘當尊重珍敬波羅提木叉是汝大師如佛在世無有異也波羅提木叉戒也是汝大師孝也是故始終所說一以孝名為戒亦名制止總攝收盡而已佛即口放無量光明者標心地戒法瑞應也此經放光共有六處一名釋迦身放慈光即果明因故二者立主身放金剛白雲色光即因顯果故三者舍那身放虛空光明因果不二故四者舍那付授放光光中召告即明佛佛受持皆此行故五者佛佛放光光光化佛現花供佛以明必修本因方得果故今第六者口放無量光明說諸菩薩心地戒品正明佛佛親口宣傳畢竟要依心地戒光為修行勝因然後得證心地戒光之勝果也是時百萬億大眾者總標戒光所攝人天凡聖有緣衆也諸菩薩者內凡外凡地上諸菩薩也十八梵天即色界中初禪三天二禪三天三禪三天四禪九天共十八位六欲天子即欲界中四王忉利夜摩兜率化樂他化之六天也十六大國王者西域大國

共有十六既大國王秉受戒法其餘國王聽受戒法亦可知矣合掌至心二句明聽受戒法虔恭意合掌即身繫誠至心即意繫誠攝心諦聽言不亂發即口繫誠以是三業虔誠於此心地戒光豁然通達

○二佛自敘說

佛告諸菩薩言我今半月半月自誦諸佛法戒故等一切發心菩薩亦誦乃至十發趣十長養十金剛十地諸菩薩亦誦是故戒光從口出有緣非無因故光光非青黃赤白黑非色非心非有非無非因果法是諸佛之本源行菩薩道之根本是大衆諸佛子之根本是故大衆諸佛子應受持應讀誦應善學諸佛子諦聽若受佛戒者國王王子百官宰相比丘比丘尼十八梵天六欲天子庶民黃門淫男婬女奴婢八部鬼神金剛神畜生乃至變化人但解法師語盡受得戒皆名第一清淨者

此段正明世尊結戒誦持之緣因也佛告諸菩薩言至十地諸菩薩亦誦數句乃以已勸人也謂我

是已成佛。今倘半月半月自誦諸佛法。汝汝等初發心者。讀半月半月者。每月二次誦戒。以十六日至二十日爲黑半月。初一日至十五日爲白半月。若逢月小。即二十九日爲黑半月。誦者誦誦十重四十八輕戒。然此戒乃一切諸佛菩薩修證菩提涅槃之根本。正因此是。如來半月半月立誦諸佛所傳心地戒法。萬古弘規。誰敢違也。言一切發心菩薩者。此即圓該十信。乃是發大乘心諸菩薩也。既初發心。亦當如我誦也。誦不但汝等初發心者。當誦。即人理證真十住十行十向十地位諸菩薩。此諸菩薩戒心既固。戒行已圓。如是菩薩亦如是。誦其初心誦戒。尤可知也。是故戒光等者。此舉勝緣明勝因也。謂從舍那自誦而即千佛隨誦以千佛自誦。故乃至新學舊學菩薩亦如是。誦是故戒光之緣。親從諸佛口中流出。既言光從口出。是有緣矣。既有緣。必有其因。以致此緣。故云有緣非無因。故戒光等者。彼執情也。恐凡外小乘聞有緣有因。遂生執著。不達自家本有戒光向

外馳求故。云此光非屬青黃赤白黑之色。摩法非屬四大幻色之妄。法非屬六塵緣影之妄。心法非屬外道爲有爲無之論。常邪見法非屬二乘修證因果等。與論法此心地戒光者。乃超情塵離有無見絕修證心不可思議。是一切佛所證無上菩提無餘涅槃本源之法。是行菩薩道者之根本法。既此戒光是一切根本法。是故大眾誦佛子等應當受持。應當讀誦。應當善學。善學者。謂當於此心地戒光必能受持通達其義。受而無受。無受而受。善用之也。諸佛子。誦聽者。誦聽解也。謂此心地戒光實相大法。若不息慮忘言。默聽玄會。則亦不能與之相應。是故勸誦聽也。若受佛戒等者。舉能受之人也。謂若國王王子百官宰相比丘比丘尼十人。梵天六欲天子。庶民黃門姪男姪女奴婢八部鬼神畜生乃至變化人如是等衆。皆來受佛戒也。國王等解見前。言八部者。即天龍夜叉乾闥婆阿修羅迦樓羅緊那羅摩睺羅伽之八部鬼神也。金剛神者。即護法大力士。畜生即六畜等變化人者。

是即天龍鬼神畜等類有大神通力者故能化人形也。言但解等者此明戒師不得揀擇義也。形雖有別性本無殊無論貴賤人鬼但能解得法誦說戒法語即不得揀擇一一盡得與他傳授菩薩心地戒法而去莫作分別而留難也。若名第一清淨者者字牒定謂諸衆生於諸佛淨戒未受之先背覺合塵染污梵行故不清淨今受戒時一切懺悔洗滌淨器返妄歸真梵行具足非同尋常次第清淨故云皆名第一清淨者。

○二說戒相貌二初總說戒相 二別說戒相

○初總說戒相

佛告諸佛子。有十重波羅提木叉。若受菩薩戒不誦此戒者非菩薩非佛種子。我亦如是誦一切菩薩已學一切菩薩當學一切菩薩。今學我已略說菩薩波羅提木叉相貌。當學敬心奉持。

此承上言。既受佛戒爲成佛因地。心當誦佛戒明佛戒行爲成佛果也。佛告諸佛子者。呼告能受人也有十重波羅提木叉者。明所受戒本法也。若受

菩薩戒不誦此戒者。二句。明違法之人非菩薩。非佛種子。二句。斷定違法之過。謂波羅提木叉是菩薩本業。今既不誦。即棄本業。大過不得云。何利益衆生而名菩薩故。云非菩薩也。此光明金剛寶戒是成佛之真種。真種既失。即佛果皆失矣。故云非佛種子。何以故。以不肯誦佛戒不明戒性故也。我亦如是誦者。舉目果人以勸因人誦也。一切菩薩等者。舉同因人以勸誦也。謂我乃果人。尙如是誦。況因人乎。且過去一切菩薩已誦未來當誦。現在今誦三世一切菩薩同修。因人是已。成熟菩薩亦如是誦。況汝等新學而不誦乎。是故勸汝亦當誦也。我已略說菩薩波羅提木叉相貌者。謂聲聞戒執身以墮限量而菩薩戒持心離限量。故今於無限量中表舉一二。故云我已略說。言相貌者。謂波羅提木叉戒體本無形相。不妨有持戒者得持戒之相貌。而毀戒者獲毀戒之相貌。所謂心持呪印顯明雄毅等是也。應當學者。勤習學也。謂上既知戒有持毀相貌。應當時時勤學不可怠也。敬心

奉持者謂敬奉此戒當要尊重刻行持切勿忘失成佛種子故云敬心奉持

○二別說戒相二初說重戒相二說輕戒相

○初說重戒相二初別說十重二總結十重

○初別說十重十

○第一殺戒

佛言佛子若自殺教人殺方便殺讚歎殺見作隨喜乃至呪殺殺因緣殺法殺業乃至一切有命者不得故殺是菩薩應起常住慈悲心孝順心方便救護一切衆生而反恣心快意殺生者是菩薩波羅夷罪此釋第一殺戒相也聲聞四棄姪戒爲首聲聞志出三界無望成佛唯斷殺生故以姪戒居首菩薩化利衆生以慈爲本是故一切衆生皆知貪生畏死若斷彼命便失本慈且令生啣苦怨恨不忘累生酬報無已是以殺戒在先故楞嚴經云佛告阿難又諸世界六道衆生其心不殺則不隨其生死相續汝修三昧本出塵勞殺心不除塵不可出經有多智禪定現前如不斷殺必落神道故戒之也

佛言佛子下正明殺事乃至一切下以輕沉重例明不當殺也是菩薩下正明佛子戒所當持而反恣心下舉不持之過是菩薩下結不持之罪也佛言佛子者呼其人而告之言爲佛子受持佛戒常依戒修不可輕違佛制以下做此言自殺者是自行殺而使他人行殺乃心口所造殺業也或不自殺亦不教殺假以巧設方便令其致死是名方便殺乃意地所造殺業也讚歎殺者謂以誦誦誦令彼殺者快意而行亦屬心口所造見作隨喜者謂見他行殺雖亦不教不讚然其心念隨而喜之此屬意業乃至呪殺者謂殺法甚多不悉繁舉故超略之以西域有惡呪呪之令死亦屬心口所造以上所殺之相或只有殺因若殺緣不至則不成殺或因緣會合而前起殺念不復相續亦不成殺必因緣法三事成就方成殺業也言殺因者謂諸衆生從無始來具有貪等種子十惡業因初心菩薩見思等惑諸煩惱障未空殺等習氣不忘忽起一

念現行故名殺。因殺緣者。謂所殺人畜等宿世怨家聚會。爲緣殺法者。謂刀杖網羅呪方便等。斷彼命根爲法。緣是三種和合。任運成殺。爲業。以致當來互相殺害也。菩薩紹隆佛種。上弘下化。求解脫道。必以慈心爲六度本。是故戒殺爲第一事。又不但人與大身衆生。而不得殺。乃至一切凡有命者。如草如木。但有生長義者。俱不得無故而加折損。況生靈耶。問菩薩。冤知。瞋度是殺。皆遮。但戒殺。似非等慈。答一切遮者。爲出家菩薩言也。如國王宰官殺一。救多。興善滅惡。正權乘菩薩大慈悲心。故有遮有開。但戒不得無故。爲名爲利。以私心成殺。也是菩薩等者。正明佛子所修之道。而勸其當行也。慈悲心者。是菩薩根本心。乃於此心。應當常恒安住。而莫忘失。故云是菩薩。應起常住慈悲心。常住二字。貫下孝順心也。以慈悲心愛衆生。如赤子。恒與之樂。而拔其苦。以孝順心敬衆生。如父母。不敢違忤。而常恒奉事之。方便救護一切衆生者。此方便救護四字。乃是慈悲心孝順心中救護衆

生善巧學處使一切衆生安樂永離刀砧等苦。而返慈心快意殺生者。者字斷定。非爲之詞。謂修菩薩行者。若見衆生有苦。如不能救護者。尙缺慈悲。已乖本行。況復恣縱其心快逞其意。以殺衆生者。乎其殘害已甚。正所謂斷大慈悲心。故當結罪是菩薩波羅夷。波羅夷者。華言極惡。亦云棄罪。謂犯此罪。永棄佛海之外。不得入於清淨衆中。共同說戒羯磨。一切僧事。皆無有分。故云棄罪。當墮惡道。故云極惡。云是菩薩波羅夷罪者。表其分位當然。是自失其分位。故曰是菩薩波羅夷罪也。自從上若自殺下。至不得故殺一節。此即攝律儀戒。謂無惡不止也。從是菩薩下。至救護一切衆生一節。此即攝善法戒。謂無善不修也。既斷一切惡。自不令其至於苦地。既修一切善。自然令其得至樂處。是爲饒益衆生。戒所謂無生不度也。緣滅一切惡。而惡盡障除。以諸惡盡淨。故名爲斷德。因斷成功。當來果上證法身。佛緣修一切善。而智願慈開。以諸善集聚。故名爲智德。因智成功。當來果上證報身。

佛以斷惡修善。觀益衆生。故名爲恩。德以恩成功。當來果上證應。身佛如是三德。身相總在三業六根。斷惡修善而得成。就是名菩薩波羅提木叉。反此卽波羅夷。除皆倣此。

○第二盜戒

若佛子。自盜教人盜。方便盜。呪盜。盜因盜緣。盜法。盜業。乃至鬼神有主物。劫財物。一切財物。一針一草。不得故盜。而菩薩應生佛性。孝順心。慈悲心。常助一切人生福生樂。而反更盜人財物者。是菩薩波羅夷罪。此釋第二盜戒相也。盜者謂不與者不得。故取若強取者。皆名偷盜。所謂偷心不除。塵不可出。縱有多智禪定現前。如不斷偷。必落邪道。故應戒也。若佛子。下至一針一草。不得故盜。一節此名攝律儀戒。而菩薩下至生福生樂。一節名攝善法戒。以上斷惡修善。卽說益有情戒也。言自盜者。謂親手竊取人之財物。名爲自盜。令他行竊。名教人盜。假設方便。善巧而取。使彼自然。而與名方便盜。念誦邪呪。以幻術力。令彼財物自然而來。是名呪盜。盜因

者謂無始惡習。賊貪種子。爲因。或暫起盜念也。盜緣者。謂金銀等寶。現前助成盜心。爲緣。盜法者。卽設巧計。盜人財物。爲法。盜業者。謂因緣法三事俱備。任運成盜。以致當來爲畜爲奴。世世償還苦報。不但人民財物。不得行盜。乃至鬼神之物。亦是有主。如祠廟中供具等物。亦不得盜也。劫賊物者。謂劫盜所得之物也。一切財物。下以輕例。重明決不得盜也。謂毋論貴賤輕重。一切財物。而不得強取。卽若至微至賤。一針一草。皆不得不與。而取若取。卽犯盜戒。故曰不得故盜。而菩薩下勸其當行也。而爲菩薩者。應觀一切衆生。皆有佛性。亦如父母。是故當生孝順心。供養如佛。如父如母。若盜彼物。卽名盜佛物也。應生慈悲心者。卽菩薩本行心。此心能與其樂。能拔其苦。當觀衆生。如子如女。不忍心。令其饑凍。故云應生佛性慈悲心也。常助一切等者。承上既是恒具孝順慈悲之心。是故應當常助一切人生。彼身中之福生。彼心中之樂可也。而反更盜人財物者。有是理乎。是故結成不應之

過是菩薩波羅夷罪

○第三姪戒

若佛子。自姪教人姪。乃至一切女人。不得故姪。姪因姪緣。姪法。姪業。乃至畜生。女。諸天。鬼神。女。及非道行。姪而菩薩應生。孝順心。救度一切衆生。淨法。與人而反。更起一切人姪。不擇畜生。乃至母女姊妹六親。行姪。無慈悲心者。是菩薩波羅夷罪。

此釋第三姪戒相也。姪者。謂與男女身心流。遂汚淨行。故此卽三界四生六道衆生。輪迴生死。根本法也。姪根不斷。永無得出生死輪迴。所謂姪心不除。應不可出。縱有多智禪定現前。如不斷姪。必落魔道。故當戒也。自姪者。謂自身與男女作親。緣故。教人姪者。亦即使彼不解脫。故乃至一切女人。不得故姪者。姪類甚多。指一例。除示所戒也。姪因等者。謂成姪事。畢根不就。獨境不成。必具因緣法二。故成姪也。言姪因者。無始貪姪習氣。爲因。姪緣者。男女會助。成爲姪。姪法者。撫摩憐愛情術。爲法。以是因緣法三和合。任運成姪。爲業。而感六道輪

迴。不得解脫。苦果等報也。乃至畜下。以異例。常謂不但人女。不得生。染乃至畜生之女。諸天鬼神之女。亦皆不得姪也。非道行姪者。謂於妻妾正姪中。犯其非道之處。或非其時也。於出家者。一切全斷。在家之人。惟制外姪。及與非道非時姪也。已上所戒。斷一切惡。向下所勸。修一切善。其中斷修。卽恩及衆生也。而菩薩應生。孝順心者。膝定爲菩薩者。不同無智慧人。應當觀察一切男子。卽是我父。一切女人。卽是我母。不敢犯之。故云應生。孝順心也。救度一切衆生。淨法。與人者。此是人已。兩利。謂以一已清淨之法。而并與所不犯之人。令斷愛欲根。本。救度一切衆生。脫離三界。縛縛方是菩薩慈悲。教導淨法。與人。若不能生如是教益之心。已非菩薩。而反更起一切人姪。不擇畜生。乃至母女姊妹六親。行姪。而使一切衆生。入愛見。抗無慈悲心者。是菩薩波羅夷罪。

○第四妄語戒

若佛子。自妄語教人妄語。方便妄語。妄語因妄語緣。

妄語法。妄語業。乃至不見言見。言不見。身心妄語。而菩薩常生三語。亦生一切衆生正語。正見。而更起一切衆生邪語。邪見。邪業者。是菩薩波羅夷罪。

此釋第四妄語戒也。妄語者。卽虛誑不實也。乃卽未得言。得未證言。證自非聖人。而言我是聖人。非實得上人法。而言我得上人法。欺誑愚夫。亦是自欺。若究其情。是乃希求名聞。貪圖利養。此罪不善。故戒之也。自妄語者。卽自己說我是聖人。我已悟了道。我是第幾祖。故云自妄語。教人妄語者。或命弟子。或使朋友。互相傳言。亦如我說。故云教人妄語。方便妄語者。以巧語言。合彼機宜。自然而信。故云方便妄語。妄語因者。謂無始誑誑種子。虛妄習氣。爲因。妄語緣者。謂有可欺之人。現前助成。爲緣。妄語法者。欲惑人心。取信。必有架言之法。則也。妄語業者。以因緣法三事。和合任運成。妄爲業。以致將來拔舌犁耕等苦果報也。所謂大妄語成。墮無間獄者。此也。乃至不見言下。以輕明重言。妄語者。不但重者。不得故犯。乃至最輕者。如不見言見。

見言不見。皆不得也。不見言見者。謂本不曾見他作惡。以順人意。而言見。故見言不見者。謂實見他人行善。以嫉妒心。而言未見其善也。身心妄語者。謂上不見言見等。已出於口。口本屬身。口不自言。因心而發。故云身心妄語。已上所戒。卽攝律儀戒。向下勸其常修。卽攝善法戒。既言出真實。卽攝衆生戒也。而菩薩當生下正明。饒益衆生語也。謂菩薩者。凡所出言。常生正語。亦生一切衆生正語。正見可也。言正語者。卽語不偏邪。故正見。卽見不顛倒。故謂語正者。而見自正。緣是自己說誠實語。方能取信於人。是故亦使一切衆生。而得正語。正見。皈依佛教爲正人也。若爲菩薩。自無正語。正見已非菩薩智。行況反更起一切衆生邪語。邪見。造邪業者。其罪何辭。是故菩薩得波羅夷罪。惟除救人急難。方便權巧。凡有益者。不但無過。更有功德。

○第五酤酒戒

若佛子。自酤酒。教人酤酒。酤酒。因酤酒。緣酤酒。法酤。酤業。一切酒。不得酤。是酒起罪因。緣而菩薩應生一

切衆生明達之慧而反更生一切衆生顛倒之心者是菩薩波羅夷罪

此釋第五酤酒戒也。酤酒者謂釀酒賣人也。以酒與人所害者廣能使飲者多起非心敗國亡家喪身失命種種過惡無所不至皆因飲酒故戒之也。自酤酒者謂自食利而貨賣也。教人酤酒者其義有二。一謂教人造作貿易之語。二謂以本與他瓜分其利。酤酒因者無始貪利之心爲因。酤酒緣者木麥工人等具助成爲緣。酤酒法者謂釀醱麴糵等爲法。酤酒業者以上三事和合營運成酤爲業。致受當來疑熱無知果報等苦也。一切酒不得酤者。謂不但米麥等酒不可造乃至甘蔗葡萄楊梅菓子等物一切俱不可造。所以然者以一切酒皆起一切罪業因緣故也。四分律云酒有三十六失始於不孝父母不敬二寶終於落水凍死熱亡又智度論云酒有三十五失始於現生虛乏終於來世墮疑真乃世間狂藥烈於砒鴆古有優婆塞以一飲酒諸戒俱破故云起罪因緣已上所戒斷

一切惡下明佛子所行之正行卽修一切善其中斷惡修善卽饒益衆生戒也而爲菩薩行者應生一切衆生明達之慧可也明達卽智慧照了義菩薩應依般若以大智慧光明自覺覺他曲盡方便開化衆生必致發生各各本有大智慧明於諸事理了然通達如或不能猶失菩薩方便之行況反以酒酤賣與人發生一切衆生顛倒之心耶故結過云是菩薩波羅夷罪

○第六說四衆過戒

若佛子口自說出家在家菩薩比丘比丘尼罪過教人說罪過罪過因罪過緣罪過法罪過業而菩薩聞外道惡人及二乘惡人說佛法中非法非律常生惡心教化是惡人聲令生大乘善信而菩薩反更自說佛法中罪過者是菩薩波羅夷罪

此釋第六說四衆過戒也說者謂快心談說總有二種一者正理立量二者非理論量此是非理論量也說四衆過者謂妄議出家二衆在家二衆過失既爲菩薩於同行友無過不可謗訕設彼有過

當以慈悲善言勸諭令彼知過必改悔爲門胡得向外人說白辱法門使聖道不行此罪非細故戒之也口自說者謂說出白口也出家在家四衆乃是發大乘心樂受大乘戒者故云菩薩比丘比丘尼者別開出家二衆乃是內秘外現受聲聞戒人也教人說罪過者其義有二一者已有私忿令人宣說彼過以快白心二者他人之忿即令彼所忿者說之乃就中取事也三罪過者非謂重垢輕垢等罪過謂七逆十惡等過以過定罪故云罪過如是緇白四衆俱是住持三寶弘通佛法之人爲佛子者不得口自宣說彼之罪過亦不得教他人說彼罪過應善護口其福無量罪過因者無始以來惡口習氣爲因罪過緣者謂彼少有形迹可以藉口爲緣罪過法者辨別罪過巧說方便教人取信爲法罪過業者三事和合巧運成說爲業致使當來受鐵舌地獄苦果等報也已上所戒四障一切惡而菩薩下即修一切善斷惡修善則諸惡不生戒也聞外道惡人者謂外道顛倒惡見斷佛慧命

使諸衆生墮坑落堦故名惡人二乘亦名惡人者以不能續佛慧命故亦名惡人也說佛法中非法非律者謂外道小乘不達大乘逆行順行境界見其所爲說言非法非律爲菩薩者聞此惡說應當生慈愍心教化是惡人輩使外道改惡從善反邪歸正令二乘捨小知見發起大乘善信可也如或不能如是開化尙缺慈悲豈有反更自說佛法中罪過者耶故結過云是菩薩波羅夷罪

○第七自讚毀他戒

若佛子口自讚毀他亦教人自讚毀他毀他因毀他緣毀他法毀他業而菩薩應代一切衆生受加毀辱惡事自向已好事與他人若自揚已德隱他人好事令他人受毀者是菩薩波羅夷罪

此釋第七自讚毀他戒也口自讚毀他者謂讚自己能行六度欲人恭敬供養而常毀譽他人令彼道法不能流通致使喪名失利此非佛子所爲故戒之也口自讚毀他者謂自口讚自己之長而毀他人之短亦教人自讚毀他者謂教他人亦讚我

有德而毀他無德也毀他因者謂無始來貪嫉習氣常懷自讚毀他之心爲因毀他緣者謂欲毀人境現前爲緣毀他法者謂毀人善德令取信于人爲法毀他業者以此三事和合作運成毀爲業以致當來受苦果報也已上所戒即斷一切惡而菩薩應代下勸其當行即修一切善也既爲菩薩倘見他人有過尙應自代一切衆生受加毀辱以惡事自向已好事與他人以如是心行如是行如來方名此人爲眞實菩薩若自據已有德隱覆他人好事而反令他人受毀辱者此非佛子心行故結過云是菩薩波羅夷罪

○第八慳惜加毀戒

若佛子自慳教人慳慳因慳緣慳法慳業而菩薩見一切貧窮人來乞者隨前人所須一切給與而菩薩以惡心瞋心乃至不施一錢一針一草有求法者不爲說一句一偈一微塵許法而反更罵辱者是菩薩波羅夷罪

此釋第八慳惜加毀戒也謂慳惜財法見求不與

反加打罵也慳惜屬貪心加毀屬瞋心貪瞋二法緣無智慧即疑分斷作貪瞋俱鬼加毀毀即獄像癡墮畜生三毒不善故戒之也自慳謂即自己慳惜財法不惠人也教他慳者使他慳惜以遮自己慳貪心也慳因者以無始來常懷慳惜之心爲因慳緣者見求財法之人不相契合遮護爲緣慳法者以巧設種種遮護不施爲法三事和合作意成慳爲業致受當來餓鬼果報等苦也已上所戒即斷一切惡而菩薩下勸其所行即修一切善也言爲菩薩者若見一切貧窮之人無論遠近親怨來乞求者應當平等隨其前人一切所須悉給與之勿惜也貧窮人者有二種人一身貧窮謂乞衣即與之衣乞食即與之食如乞安身之所即施安身所也二心貧窮謂乞法即與法如大乘根即以大乘法施如小乘根即以小乘法施隨其所須一切不吝如是之施是名菩薩慈悲道行而爲菩薩若以惡心故自私自利以瞋心故厭人乞求不但不肯多施乃至一錢一針一草總不施與又或有

求法者不爲說一句。偈一微塵許法如是之心。倘失菩薩慈悲之道。墮怪怪罪。何況反更加罵辱乎。是菩薩波羅夷罪。律云見乞不施有二。不犯一者如乞財作惡。乃害人害生命。不施不犯二者如乞法已還歸外道。助外道法不說不犯。卽加詞責亦俱不犯。

○第九瞋心不受悔戒

若佛子。自瞋教人瞋。瞋因瞋緣。瞋法瞋業。而菩薩應生一切衆生中。善根無靜之事。常生慈悲心。孝順心。而反更於一切衆生中。乃至於非衆生中。以惡口罵辱。加以手打。及以刀杖。意猶不息。前人求悔。善言懺謝。猶瞋不解者。是菩薩波羅夷罪。

此釋第九瞋心不受悔戒也。瞋者謂含毒在心。發於面目身心。不甯之相。前人偶爾相觸。轉向求悔。而不受其懺謝。卽上違佛教下乖接引。中失本心。以是根本煩惱有六。後第六之惡見。乃斷衆生慧命。比慢疑二尤重。前二中之瞋心。卽捨衆生悲仰。比貪癡二尤重。所謂一念瞋心起。八萬障門開障。

得此心。瞋言提。乃一切障礙無過於瞋。故戒之也。若佛子。下明瞋事也。自瞋者自己之恨。發爲瞋怒。教人瞋者有三義。一名借他瞋。彼以雪已恨。二者教他瞋。彼於中取利。三者是他人之所恨。使其兩相瞋。害於中。取樂令二家不得解脫。故也。瞋因者。謂無始來含恨習氣。爲因。瞋緣者。所瞋人境。現前爲緣。瞋法者。謂卽心起計較。令彼受辱。爲法。瞋業者。以此三事和合。造作或瞋。爲業。致受當來三沙果報等苦也。經云。不斷瞋心。縱有福德多智。禪定。感修羅報。如無福德。智定之人。卽感虎狼蛇蝎等報。以上所戒。卽斷一切惡。而菩薩下卽修一切善也。而修善薩行者。應生一切衆生心地之中。平等善根。無所諍鬪之事。常生一種慈悲之心。視諸衆生。如子女等。應撫育之。以是不忍瞋也。又當常生一種孝順之心。亦觀衆生如父母等。應奉事之。以故不敢瞋也。若具如是心者。是真佛子。平等觀門。如或不能。已非佛子。平等方便。何況反更於一切衆生中。乃至於非衆生中。以惡口罵辱。加

以手打及以刀杖意猶不息者。耶非衆生者。卽佛
乃至賢聖。或及變化人也。以惡口罵辱者。卽口業
不善也。加以手打。卽身業不善也。意猶不息。卽意
業不善也。以是三業。齊犯罪爲自作。或所瞋之前
人來求悔過。又以善言懺謝。下氣解瞋。猶然揚眉
怒目。瞋恨不解。卽非菩薩心行。故當結過。是菩薩
波羅夷罪。如不犯者。類無厭足王等。具此三毒。乃
眞菩薩行也。

○第十謗三寶戒

若佛子。自謗三寶。教人謗三寶。謗因謗緣。謗法謗業。
而菩薩見外道。及以惡人一言謗佛音聲。如三百鉾
刺心。況口自謗。不生信心。孝順心。而反更助惡人。邪
見人。謗者是菩薩波羅夷罪。

此釋第十謗三寶戒也。謗者。謂於理不明。無有實
見。妄加非議也。三寶。乃是一切衆生。長祐福田。謗
則自失菩薩善芽。亦失彼衆生善芽。其過非小。故
戒之也。自謗三寶者。謂自己未具正見。未解深法。
或見外道典籍。或聞外道人言。或順有勢位人意。

卽自口語。亦隨而非議也。教人謗者。謂使他人謗
。欲同黨也。謗因者。謂無始來好邪。論議習氣。爲
因。謗緣者。遇有空隙。湊合其語。爲緣。謗法者。謂以
巧詞僞辯。傳愚癡邪見。取信爲法。謗業者。卽此三
事和合。造作成謗。爲業。致使當來三惡道中。不見
三寶。不聞三寶。受惡苦果也。已上所戒。卽斷一切
惡。而菩薩下勸其所行。卽修一切善也。而爲菩薩
道者。若見外道。及以惡人。以一惡言謗佛音聲。一
入其耳。卽如三百鉾。鎗。刺心中。其痛難忍。等無
有異。所以者。何以斷一切衆生佛種。故一言如此。
何況多言耳。聞如此。何況自口而出。謗言。佛爲天
人大師。開我迷雲。導出三界。當生信敬。而不生信
敬心。佛爲大慈悲父。能拔我苦。而與我樂。正當孝
順。而不生孝順心。如此。已非佛子。而反更助惡人。
邪見之人。謗毀三寶。以滋快議。此如獅子身中蟲。
自食獅子肉者。是菩薩波羅夷罪。

○二總結十重

善學諸仁者。是菩薩十波羅提木叉。當學於中不

應一一犯如微塵許何況具足犯十戒若有犯者不得現身發菩提心亦失國王位轉輪王位亦失比丘比丘尼位亦失十發趣十長養十金剛十地佛性常住妙果一切皆失墮三惡道中二劫三劫不聞父母三寶名字以是不應一一犯汝等一切諸菩薩今學當學已學如是十戒應當學敬心奉持八萬威儀品當廣明

此段總結十戒得失之相奉勸堅持此戒法也善學下罪人讚德也是菩薩下舉法以明戒法當持不應毀也若有犯下明毀戒之過失汝等下勸生學持不可忘也八萬下引廣以明略言善學諸仁者是佛讚美詞也謂於此戒善能受持其人具足慈悲孝順之德故稱善學仁者既稱仁者於此十波羅提木又清淨戒品應當勤學而於其中自不應一一犯如微塵許以微塵許尚不得犯何況具足犯十戒乎此決言不可犯也若有犯下假設斷定犯戒得失之相謂於十重戒中微塵不犯是能發菩提心可保國王位轉輪聖王寶位比丘

比丘尼位亦可保許進入三十心十地因位可許希冀佛性常住妙覺果位如或不然設若少有違犯是即不得現身發菩提心所以者何菩提心者即是清淨光明金剛寶戒妙覺心也今既背覺合惡染污梵行即失此心故云不得現身發菩提心此心乃是福慧二種根本今根本已失即佛花果從何而生故國王位轉輪王位亦失比丘比丘尼位亦失以國王位金輪王位是為世間最勝福位比丘僧位比丘尼位為出世間賢聖慧位今既世出世間福慧之位已失則十發趣十長養十金剛十地因位亦失也因位既失而於妙覺果位豈可得乎是以佛性常住妙覺果位亦皆失也戒如大地萬善從生今無其地則佛聖種無可安處佛種未植佛芽何生故云一切皆失問既福慧因果一切寶位皆失未審此人復居何地答墮三惡道中極苦處也二劫三劫者示極苦處長遠時分也不聞父母二寶名字者此示地獄三途罪障深重不似人間受生福報與得受佛法處是故父母三

覆名字皆不聞也。以是當知不應一一犯此戒也。向下結勸當持不當毀義。若毀戒者失大利。益得大苦。趣以知十重戒中不應犯如微塵許法。是故汝等一切三世菩薩。於是十戒應當敬心奉持。乃至終身不可忘也。此處略說若廣明者。具大部八萬威儀品中。已上十重戒中。隨犯一戒。即依本罪治之。若犯七逆極重罪者。報處無間。若犯餘輕罪者。攝後四十八戒。如是罪品。但在人人念頭起處。入重入輕。故耳。應起警覺。念三塗業。因可不慎歟。

○二說輕戒相。二初結前起後。二別釋文義。

○初結前起後

佛告諸菩薩。言已說十波羅提木叉。竟四十八輕。今當說。

此乃吾佛世尊。已告現前在會。賢十聖等諸菩薩。言也。已說下。結前十重。已說竟也。四十八輕起後。輕戒今當說也。

○二別釋文義。四十八

○第一不敬師友戒

若佛子。欲受國王位時。受轉輸王位時。百官受位時。應先受菩薩戒。一切鬼神救護。王身百官之身。諸佛歡喜。既得戒已。生孝順心。恭敬心。見上座和尚。同闍黎。大德同學。同行者。應起承迎。禮拜問訊。而菩薩反生。憍心。慢心。疑心。瞋心。不起承迎。禮拜。一一不如法供養。以自賣身。國城男女七寶百物。而供給之。若不爾者。犯輕垢罪。

此釋第一不敬師友戒也。師以闍黎。友以同闍黎。出世間法。要全賴師友所當敬重。倘存憍慢。一生福慧消滅。故戒之也。若佛子。下。約人以明其位。應先受下。乃明福慧二位。基本既得。戒下。明受戒者。染法。盡益。常聞恩也。口言。降下。明肯恩忘本者。以結罪也。國王。乃各邦之仁君。輪王。有四金銀銅鐵。四轉輸王。統攝四三二一天下主也。白。是文武大說也。如是聖君賢臣。欲受王位官位之時。必應先受菩薩戒。何也。謂受菩薩戒人。必以慈悲利濟。孝順為懷。如為君者。受菩薩戒。門為仁德聖君。為臣者。受菩薩戒。即為忠良賢臣。感一切鬼神救護。

王身永保其位。救護百官之身。高進其爵。不但鬼神救護而已。亦感十方諸佛歡喜護念。何者。護法金湯。全賴之也。金光明云。若國王受菩薩戒。廣行十善法。教化衆生。若身心快樂。永無三災。遠離八難。國界安甯。人民樂。唱云云。所以先受菩薩戒。後受王臣福位。獲鬼神救護。諸佛歡喜。如此利益。若非師友教誡。何緣能得。是故應當知恩報德。生孝順心。敬重戒師。如敬父母。不敢少違。生恭敬心。而敬善友。如敬兄長。不敢有慢。若具如是心者。方名念戒入道人也。見上座下。正明孝順恭敬之義。上座以對中下而言。謂已上無人。故毗婆沙論云。上座有三。一者生年上座。即尊長者。舊是二者。世上座。乃即知法大財大位大族大力大眷屬是三者。法性上座。即阿羅漢果位是也。和尚唐言力生。即受戒本師也。阿闍黎者。唐言軌範師也。即羯摩教授。依止尊證諸師是也。言大德者。謂此諸師。居臘長德勝。故亦賁下義。同學同一師所學出世道。故同見同一見。又解中道理。故同行同一清白。

梵行門故。如是師友若來。毋論遠近。應起承迎。致敬禮拜。復應問訊起居。此謂孝順恭敬心也。爲菩薩者。應當起孝順心。而反起瞋嫌心。應當起恭敬心。而反起衰越心。憍心。亢已名位。憍倨自尊。故名憍心。慢心。藐視前人。慢傲有德。故名慢心。癡心。見賢不親。見聖不敬。而無智慧。故名癡心。瞋心。恨彼師友。嚴詞改名。瞋心。有此四種之心。故見師友來而不迎。至而不禮。亦不問訊起居也。憍心等四屬意業。也不起承迎禮拜。屬身業也。亦不問訊起居。屬口業也。以是三業不善。乃至飲食衣服臥具湯藥等物。一一皆不如法供養也。以自賁下。緊承如法說來。言既爲佛子。應當重法。輕身命財。求出世道內而已。身外而國城親切男女貴重七寶。以及衆多百物。一切可賈應如此供養也。言賣身者。如常賈賣心肝而學般若。如世尊因地中爲半偈捨全身。乃至身然千燈。此亡身爲法樣子。略引一二。乃爲有名位者。報恩之盛節也。不如是承迎禮拜供養諸師友者。是菩薩犯輕垢罪。此罪比前十重。

備減一等。非輕細之謂也。

○第二飲酒戒

若佛子。故飲酒而酒生過失無量。若自身手過酒器。與人飲酒者。五百世無手。何況自飲。亦不得教一切人飲。及一切衆生飲。酒況自飲。酒一切酒不得飲。若故自飲。教人飲者。犯輕垢罪。

此釋第二飲酒戒也。言飲酒者。非造酒也。造酒賣者。所害甚廣。而飲酒者。惟害己身。故微分重輕耳。律云。飲酒之人。墮燒煮地獄中。五。五百世初。五百世在鹹糟地獄中。二。五百世在沸屎地獄中。二。五百世在曲蛆地獄中。四。五百世在蠅蚋地獄中。五。五百世墮在癡熱無知地獄中。業報如此。故戒之也。故飲酒者。律中開有重患。醫師言。癯以酒引藥。權用不犯。無故而飲。或借病而飲者。是爲故飲。而酒生過失無量者。辯明不得飲酒之義。意謂酒乃米汁。何故不得飲。耶。以飲酒者。迷心亂性。無量過失。從飲酒故而生。是以不得飲也。不但自飲酒者。得無量過失也。且若自身手過酒器。與他人飲酒。

者。亦招感五百世中無手足報。何況無故自飲。自飲。尚且不得。豈得教人飲。耶。是故不得教一切人飲。酒。及教一切衆生飲。酒。教尚不得。何況自飲。是故凡一切酒不得飲也。言一切酒者。酒有多種。楊梅。菓子。甘蔗。葡萄等酒。但能醉人。并有酒氣。酒味。一切皆不得飲也。已上明戒。向下結罪。若故自飲。教人飲者。是菩薩犯輕垢罪。

○第三食肉戒

若佛子。故食肉。一切肉不得食。夫食肉者。斷大慈悲。佛性種子。一切衆生。見而捨去。是故一切菩薩。不得食一切衆生肉。食肉得無量罪。若故食者。犯輕垢罪。此釋第三食肉戒也。一切衆生。皆有靈覺之性。俱有貪生畏死之心。皆有恩愛情識之念。與我不異。所謂風氣之屬。必有知。凡有知者。必同體。衆何有一類人。別見。覆心爲已。口腹食彼衆生身肉。強言只要明得大事。因緣。食肉無礙。若大事已明。則迫脫舌根。味塵得言。食肉無礙。若其未明。豈食肉無礙。耶。予乃晒之曰。如果大事已明。食肉無礙。則於

鑄銅熱鐵亦當無礙能吞銚銅熱鐵者自可食肉矣如宋齊頃募髮佛金漆以其貨食酒食肉向後從口吐金得裝佛相是真無礙公食鷄一日從口盡吐活鷄齊飛而去是眞無礙若此未能則所謂明大事者何獨泥於肉而喜近於口疎於銚銅熱鐵而畏近於身也又豈得復云無礙耶楞嚴經云羊死爲人人死爲羊汝負我命我還汝債以是互相食噉不已故戒之也言若佛子故食肉者故字對權設而言昔佛在世時年逢饑饉草菜不生佛神力故以五指端化五淨肉實非生血一時權現安有實是衆生身肉者爲佛子而故食乎是故一切衆生身肉不得食也夫食肉者斷大慈悲佛性種子斷大慈悲佛性種子者其義有二一者是斷菩薩大慈悲心佛性種子所以者何菩薩發菩提心願爲令諸衆生離苦得樂是爲成佛等一因行今無慈心食衆生肉是斷自已成佛因種因種既斷無上佛果安可希冀二者是斷衆生佛性種子謂諸衆生從無始來輪迴六道雖然改頭換面

而彼食生畏死之性卽我所發慈悲佛性今欲食彼身肉令生恐怖見而捨去失彼受化緣因是斷大慈悲佛性種子也行願品云一切衆生而爲樹根諸佛菩薩而爲花果以大悲水饒益衆生則能成就諸佛菩薩智慧花果今佛樹根既失則佛花果又從何處生耶一切衆生見而捨去者殺氣相迎毒於我歟如國去海翁機槍播羅漢影也是故一切菩薩不得食一切衆生身肉若故食者得無量罪楞伽經云有無量因緣故不應食肉爲一切衆生從本以來常爲六親故不淨氣分所生長故衆生聞香悉生恐怖如樹臨羅及婆娑等樹見驚吠故今修行者發悲不生故臭穢不淨無善名稱故令諸呪術不成成就諸天所棄故令口氣臭故夜多惡夢故乃至空閑林中虎狼聞香是故不應食衆生肉若故食者犯輕垢罪

○第四食五辛戒

若佛子不得食五辛大蒜荳蔻慈蔥蘭蔥興渠是五種一切食中不得食若故食者犯輕垢罪

此釋第四食五辛戒也。五辛者即五葷非五腥也。言五辛者一大蒜亦名胡即葫葱是二。茗葱即他經云草葱乃雞菜是三。葱葱即葱是四。蘭葱即小蒜五。興渠即蔥蔞所言不得食者以是五種熟食發煖生噉增悲更有五不應食一生過二天遠三鬼近四福消五魔集西域記云家有養辛之人驅令出郭是故不獨單食不可大凡一切食中相雜佐用亦不得食若謂無所殺害而故食五辛者犯輕垢罪

○第五不教悔罪戒

若佛子見一切衆生犯八戒五戒十戒毀禁七逆八難一切犯戒罪應教懺悔而菩薩不教懺悔同住同僧利養而共布薩同一衆住說戒而不舉其罪不教悔過者犯輕垢罪

此釋第五不教悔罪戒也。教即教誡悔即悔過罪即罪咎謂爲菩薩師者凡見人設有過得教令懺悔不教則得罪所以者何昔迦葉佛世時有一比丘多作三師多度弟子而不教誡其弟子者因不持

戒死墮龍中龍法受罪七日一受時對火燒肉盡骨在尋後還復則復燒之不能壞若龍具五通自思何罪所致觀知因本師不教多作非法遂恨其師欲加毒害後時有五百賈客入海採寶其師在內龍便出水捉船衆人大怖詰問龍故何以捉船龍曰今此船內比丘是我本師因不教誡於我今受苦痛故爾捉之汝等若將比丘下水便放其船衆人見事不止欲捉比丘而比丘便自投水身亡佛言以此驗之凡度弟子不可不教誡也若佛子下舉人以明犯相見一切衆生者總指在家出家大小七衆乃受持戒法之人犯謂干犯也八戒五戒即優婆塞優婆夷二衆之戒相也八戒但受一日一夜不同五戒終身守持十戒有二一沙彌沙彌尼十戒二菩薩十重戒毀者破壞也禁者止滅也如來所制比丘二百五十戒比丘尼三百四十八戒名爲禁戒如若受而不持持而不誦違背聖言越其所制故云毀禁七逆者弑父殺母弑和尚弑阿闍梨破羯磨轉法輪惱惡心出佛身血弑阿

羅漢是也。佛在世時。出佛身血。佛滅度後。賣佛菩薩形像。及賣佛經律。名為出佛身血。弑比丘僧。即名弑阿羅漢。八難卽下。冒難遊行。之八難也。菩薩見此一切犯戒之人。當生慈悲心。教其懺悔。前愆尤悔後莫作。是爲自利利人。如不教懺悔者。已得不教悔罪。何況同住一處。同僧利養。而又同共布薩。同一清淨和合僧衆。安住其中。而說佛戒。竟不舉其犯戒罪。過使其懺悔。如是不教彼悔過者。是菩薩師犯輕垢罪。

○第六供給請法戒

若佛子。見大乘法師大乘同學。同行來入僧坊舍宅城邑。若百里千里來者。卽起迎來。送去。禮拜供養。日日三時。供養日食三兩金。百味飲食。牀座醫藥。供事法師一切所須。盡給與之。常請法師三時說法。日日三時。禮拜不生瞋心。患惱之心。爲法滅身。請法不懈。若不爾者。犯輕垢罪。

此釋第六不供給請法戒也。修菩薩行者。凡見大乘法師。應備香花諸供養具。如供諸佛等。無有異。

謂轉法輪。使其道法流通。慧命不絕。若不供給請說法者。是菩薩人。則墮慳貪。我慢。焦芽敗種等流。有失大利。故戒之也。若佛子。下標明可供之師友也。言大乘法師者。揀非小乘獨善。乃是具大信解。發大道心。趨大道果。智悲雙運。自利利人之師。故名大乘法師。大乘同學。下此舉友人亦大乘也。同學。謂同一師。稟受大乘心地戒學。同見同一見解。究竟實相心地戒。見同行同一菩薩心地戒。法清白梵行。若見如是師友。行無緣慈。來入僧坊舍宅城邑等處。無論遠近。若乃百里千里來者。爲主菩薩。應起致敬。來卽迎來。去卽送去。其中禮拜供養之事。俱必一一如法。周旋勿生懈怠。如供養者。應當日日三時。不令乏。言三時者。卽初中後三時也。何等供養。每日所食用三兩金。以作百味飲食供養。又不止此。更敷牀座。而爲安止。廣備醫藥。而爲調護。將此四事。以供法師。凡此法師一切所須。盡給與之。當盡心如禮供養。不應怯情。以上修福。是滿檀波羅蜜。常請等下。乃卽修慧。是般若波羅蜜也。

常請等者。承上所言。日日三時恭敬禮拜供養之者。非爲求人天小果福報而已。正爲常請法師。日日三時演說妙法。以續一切衆生慧命故也。此表能供請者。口業虔誠義也。日日三時禮拜者。申請法威儀。以表身業虔誠義也。言不生瞋心者。釋請法開示中。不瞋師友。規矩嚴訓。尊高言。不生愚憍之心者。釋供養中。不忠我供養繁費。此之二心。總表意業虔誠義也。爲法滅下總申上義。以勸爲菩薩者。應當如是。爲法滅身。其義有二。一果眞爲法者。尚不惜此身命。何況資具而不供養。二果眞爲求解脫道。當捨不堅固身。易金剛不壞身。捨不眞實世命。易法身智慧命。如佛因中。爲求大法。身爲牀座。布髮掩泥。半偈然燈。種種苦行。皆是爲法滅身。榜樣修菩薩行者。亦應如是。請法而勿懈怠。可也。若不爾者。少有意惰。此句斷定。若不如是供養心者。犯輕垢罪。

○第七懈怠不聽法戒

若佛子。一切處有講法毗尼經律大宅舍中。講法處。

是新學菩薩。應持經律卷至法師所。聽受請問。若山林樹下。僧地房中。一切說法處。悉至聽受。若不至彼聽受者。犯輕垢罪。

此釋第七懈怠不聽法戒也。此戒承前所言。不但師來我所。乃供養聽法。但有說法處。應當至彼聽受。不可懈怠而不聽也。懈怠卽八大隨之一。緣此懈怠。卽生放逸。放逸卽失念。失念則多散亂。散亂卽不正知。不正知則生愚癡。造諸惡業。所以始緣懈怠。不聽終則無惡不造。是故凡有講法之處。宜應往彼聽受。如不往聽。卽是慢法。以慢法故。福慧消滅。罪惡增長。所謂若非法味。滋神終無解脫。故戒之也。言爲佛子。必上求下化。爲本。因心廣學多聞。爲勝方便。若非廣學多聞。豈堪住持三寶。是故凡有一切講法處。應往聽受。言毗尼經律者。正明滅惡生善之法寶也。梵語毗尼。此云調伏。謂三業治伏六根。滅一切惡。生一切善也。亦云善壽。謂此毗尼住世。卽佛法住世。毗尼若滅。佛法卽滅。故也。又以經中攝律律中攝經。又經證性相理律止。

性業滿業二義俱含故云毗尼經律大宅舍中等者別明講法處也。佛在世時諸比丘等常受王臣諸大檀越請在家中安居說法。是爲大宅舍中講法處。也是新學下誠應聽也。謂凡所有一切講法毗尼經律處。凡新學菩薩戒者。應手持經律卷至法師所。至心聽受。如不解義。須一一咨詢請問。而決疑也。若山林等者。以遠況近言。不但在居士家而常隨聽。卽若在山林下僧地房中。乃至一切說法遠處。悉應至彼而聽受也。昔者童子南詢百郡。納僧徧歷千山。乃至投子三登洞山。九上皆爲大事。不憚劬勞。安得不往聽法律。開有病年老足力難行。或所說者是常所聞。或自具大智慧。具大辯才。或修深禪大定。或知彼所說者是外道法。此不往聽。俱爲不犯。除此卽於四十里內。不至彼聽受法者。是新學菩薩犯輕垢罪。

○第八背大向小戒

若佛子。心背大乘常住經律言。非佛說而受持二乘聲聞外道惡見一切禁戒邪見經律者。犯輕垢罪。

此釋第八背大向小戒也。上謂凡一切處悉至聽受。惟恐心背中道大乘之理。而向偏小邪外之道。此道乃是斷佛種性。障菩提道。因緣故戒之也。若佛子。下明背大義言。非佛下明向小義。所言心背大乘常住經律等者。謂佛所說大乘道法。其中所詮不生不滅常住實相心地法身體相之戒。乃是諸佛所師菩薩之母。故云常住經律於此心懷狐疑。反言非佛所說。而受持二乘聲聞卑小之法。反受外道惡見一切禁戒邪見經律。故云向小。以是背大向小之故。犯輕垢罪。昔天親菩薩造五百論。讚小斥大。後遇無著悔悟。已過欲自截舌。無著菩薩教令以舌還讚大乘。天親受教。起心向大。弘傳廣演。卒成聖果。收過不吝。是爲菩薩。

○第九不看病戒

若佛子。見一切疾病人。常應供養。如佛無異。八福田中。看病福田第一。福田若父母師僧弟子病。諸根不具百種病苦惱。皆供養令差。而菩薩以俱恨心不看。乃至僧房中。城邑曠野山林道路中。見病不救濟者。

犯輕垢罪

此釋第九不看病戒也。眾生五蘊身命皆屬因緣。六塵妄想假合。難免生老病死等患。如來三界醫王。四生慈父。恒以大慈悲心。善調眾生身心病。憐既為菩薩。若見一切疾病之人。不興大慈大悲心。念緣念苦。眾生者。卽是自失成佛根本。故戒之也。言見一切疾病人者。自上父母師長。下至子女徒衆。中至兄弟六親。外至冤家。毋論一切常應供養也。問不作救濟而言供養者。何答。具此供養心。念自然看病心。田得恒久也。言如佛無異者。申明供養義。謂佛以衆生身為身。以衆生病為病。故凡見諸病人。當視如佛也。背嚴老弱。處癘坊。吮洗無忌。寬公與歸病者。僧俗不分。可謂供養如佛。又供養如佛者。蓋以八福田中。看病福田爲第一也。八福田者。一諸佛。二聖人。三父母。四母。五和尚。六阿闍梨。七衆僧。八病人。此八者中。惟病爲最。能救苦患之。因自受安樂之果。故看病者爲第一福田也。若父母師僧及弟子病者。藥食上下俱以平等心看言。

諸根不具者。卽六根殘缺也。百種病苦惱者。卽風寒暑濕四百四病。舉略以該廣也。如是殘苦。皆應慈悲供養。令得安樂。有爲菩薩者。瞋恨不看之。瞋言瞋恨不看者。或若父母師長平時督誨。或爲弟子平時忤慢。或病中時煩瑣求等。遂有瞋恨在心。而不肯看。乃至等者。此卽從疎況視。不但父母師長弟子等病而不看也。乃至僧地房中。城邑曠野山林道路之中。一切病人。應當盡心救濟。何況父母師僧弟子等病而不看乎。五百問云。如行路時。若見病人。不往瞻視。不作方便。付囑所在。而捨去者。得罪。是故若見病人。不救濟而去者。犯輕垢罪。

○第十畜殺具戒

若佛子。不得畜一切刀杖弓箭。鋒鋸。屠戮之具。及惡羅網。殺生之器。一切不得畜。而菩薩乃至殺父母。尚不加報。況殺一切衆生。不得畜殺衆生具。若故畜者。犯輕垢罪。

此釋第十畜殺具戒也。殺具有二種。一關戰具。二取殺諸物具。皆是害命傷慈。殺心易起。故戒之也。

爲佛弟子應行佛行應畜殺斷愛大智慧刀勇猛杖大勢弓精進箭忍辱甲定力斧及張大法羅網以羅三界衆生拔出愛河如是具者可也又德山護生棒石靈救死弓者正當畜也而不應畜一切刀杖弓箭鋒斧鬪戰兇殺之具不但此具不得畜也及惡羅網殺生器者以皆兇物易動殺機非佛子所宜有是故一切不得畜也而菩薩下申明不得畜義謂既爲菩薩雖或弑我父母尚不得加報此乃極言殺具決不可畜如曾有盜臣意又或不報此仇衆生承其播受同心向化遂以得度正爲菩薩偶現之大權也此見必當殺者尚有不殺之時況無故而殺一切同生同命無仇無罪之衆生乎菩薩若故畜此鬪害衆生具者犯輕垢罪如是十戒應當學敬心奉持

如是一句總結前十戒也應當二句總勸修學此戒應當頂戴敬心奉持勿忘失也

○第十一國使戒

佛言佛子不得爲利養惡心故通國使命軍陣合會

與師相伐殺斷衆生而菩薩不得入軍中往來況故作國賊若故作者犯輕垢罪

此釋第十一國使戒也上言不畜殺生具此言不得軍中往來總爲初心菩薩防難故耳言國使者謂於兩敵國中作其命使人也言爲佛子應作佛使傳佛心印與智慧師帥勇猛將殺煩惱賊當與諸魔共戰如鄧隱峯飛錫解驢又陳尊者擲鞋解圍若果如此能爲衆生却冤敵止鬪靜息兵戈弘聖道正是菩薩應世大慈悲心所行若爲利名兩國作使賊害衆生故戒之也佛言佛子不得作者正明圖功受賞非爲傳法化導故言惡心者揀非善心解國卽是主於與兵以殺人故通國等者釋明爲利養意通者傳事致彼此也言使命者謂作報戰日期及約結與國也軍陣等者軍約萬二千人爲軍師旅成列爲陣合者合其戰也會者會其兵也與師相伐等者申明惡心之意與者舉也師者衆也二千五百人爲師彼此征討名相伐也殺無量衆生者謂此兩國相爭殺戮多故爲菩薩

尚不得入軍中往來。豈容作國使耶。所言不得者。正乃以迹況心。謂此凶殺事處。非佛弟子所宜身親。何況故爲利養。身作國賊。殺害衆生。是故不得作也。若故作者。犯輕垢罪。問作而不殺。何犯答。雖非自手殺。人人皆誅我。與舉而殺。故獲罪也。

○第十二販賣戒

若佛子。故販賣良人。奴婢。六畜。市易。棺材。板木。盛死之具。尚不應自作。況教人作。若故自作。教人作者。犯輕垢罪。

此釋第十二販賣戒也。販賣。非佛子職業也。言既爲佛子。當以慈悲而爲生涯。孝順乃爲德業。應觀一切衆生。如已父母子女等親。豈得無慈悲心。販賣人畜。使他分離。受苦。故戒之也。若佛子。下釋販賣之事也。以賤爲貴。曰。販出物得財。曰。賣。良人。好人。家子女也。六畜。卽牛馬猪羊雞犬也。棺材。板木。盛死具也。如販賣者。亦是不仁之心。其於慈悲心。念有大乖損。所以不得賣也。尚不應等者。防轉計也。倘云自家不得教人市賣者。或亦無妨。不知自

作乖乎。一曰。教人作損及他人。所以若故自作。教人作者。犯輕垢罪。

○第十三謗毀戒

若佛子。以惡心。故無事謗他良人。善人。法師。師僧。國王。貴人。言犯七逆十重父母兄弟六親中。應生孝順心。慈悲心。而返更加於逆害。墮不如意處者。犯輕垢罪。

此釋第十三謗毀戒也。無根。謂說曰。謗壞人名德。曰。毀其謗。毀人罪過。獲報不善。故戒之也。若佛子者。標定其人以惡心。故明謗根也。謂謗雖出於口。乃意地使然。所以或忌。或貪。或瞋。皆名惡心也。無事。謗下正見惡心。既彼無事。即使耳有妄聞。以口妄言。悉名爲謗。故名無事。良人等者。此明不當謗。宜當敬重之人也。良人。卽溫良人。善人。卽善柔人。法師。卽依教法。自師爲人之師也。師有三。師七。師僧者。五德六和之僧。國王。貴人。卽是有名有位之人。如是聖主。賢臣。好師。好友。不惟世人之所敬仰。亦乃三寶藉以金湯。而反無事作是謗言。說犯七

逆十重且夫師僧國王有父母養良人善人有兄弟義貴人有六親義如在上者應生孝順之心如在下者應生慈悲之心孝順慈悲必當成彼名德且亦自成現生名德及致富來受用無盡彼此一如意而反逆情害意使彼壞名敗德固不如意處者是故結過犯輕垢罪

○第十四放火焚燒戒

若佛子以惡心故放火燒山林曠野四月乃至九月放火著燒他人家屋宅城邑僧房田木及鬼神官物一切有主物不得放燒若放燒者犯輕垢罪

此釋第十四放火焚燒戒也放火因緣不一罪同歸於損人害物故戒之也以惡心故等者正明放火念頭或屬忌嫉或逞情見不與仁慈慈物之心故名惡心放火者以燒山林曠野故名大火以大火故多傷蟲類所以四月乃至九月不得放燒唯言此時不得燒者謂夏秋月間多諸蟲類故不得燒內闍九月後或可燒者佛制臘月放火必率衆持呪遠山告報令蟲遠避然後縱火若不告報

恐損蟲類故也若燒他人等者以近況遠謂因放火以防惡獸不意延及城邑雖不損命尚不可爲何況損命是以屋宅城邑僧房田木鬼神官物凡一切有主物無論物命有損無損皆不得燒若放燒者犯輕垢罪

○第十五僻教戒

若佛子自佛弟子及外道惡人六親一切善知識應一教受持大乘經律教解義理使發菩提心十發還心十長養心十金剛心於三十心中一一解其次第法用而菩薩以惡心瞋心橫教二乘聲聞經律外道邪見論等犯輕垢罪

此釋第十五僻教戒也僻者偏也謂不以大乘圓頓正法教人失彼大乘根性其過非細故戒之也自佛弟子是三寶內衆也及外道惡人者乃是心遊道外之邪見人此輩能令衆生入斷常坑故名惡人也六親即父母兄弟子女也一切善知識者是相知相識中有大乘根性之好友也如是若內若外一切親友應當一一皆以大乘經律教彼受

持不但教之受持而已。更令解其義。趣甚深道理。不但令彼知解而已。又使從所教中發菩提心。從菩提心中。逐十發趣。心起行。修行入十長養心。迴向十金剛心。於此三十心中。一一解其先後次第。觀行法用。如先修十信心。以信決定於理。無違次修十住。真解信成就於摩訶衍。堪任不退。故又次修十種妙行。迴向中道。以信解行三賢位。滿萬行。周圓即登十地。證佛道果。故名次第法用。如是教誡。是名菩薩正教。利己利人。同歸至道。是為菩薩。若以惡心嫉妬。藐視他人。不以大乘道法。期許或以瞋心懷恨。或以教之未從。而生棄捨。或以橫教二乘聲聞經律。一切外道邪見論等。宛轉率意。不用條理。是以不當教小而教以小。不當教邪而教以邪。所謂良材匪匠。美器惡用。遺誤學人。斷佛慧命。如是橫教。實非大乘心行。因斬結過。犯輕垢罪。

○第十六為利倒說戒

若佛子。應好心先學大乘威儀經律。廣開解義。味見

後新學菩薩。有從百里千里來求大乘經律。應如法為說一切苦行。若燒身燒臂。燒指若不燒身。臂指供養諸佛。非出家菩薩。乃至餓虎狼獅子。一切餓鬼。悉應捨身肉手足而供養之。然後一一次第為說正法。使心開意解。而菩薩為利養故。為名聞故。應答不答。倒說經律文字。無前無後。謗三寶說者犯輕垢罪。

此釋第十六為利倒說戒也。為利說法。如來不聽。何況倒說。佛藏經云。佛言。我則不聽。為利說法。我聽清淨持戒比丘高座說法。是故凡對新學菩薩說法時。必先堅其志願。然後盡其宗旨。此乃前後次第。如法盡教之說。如或不然。則為倒說。謗說為利養。說得罪非。細故戒之也。言好心者。請以大乘正教清淨法行。自利利人為心。故名為好心也。先學等者。明先自利。壞利人也。大乘威儀經律。據非小乘毗尼教法。乃是大乘菩薩戒藏。嚴範身心之法。故於此法。應先學也。先學者行也。廣開者。解也。行解雙備。堪為後昆。隨從此乃好心。自利見後新學等者。明利他也。言我既為先學。當知後昆。若遠

若近百里千里爲求大乘經律而來我應如法先爲其人說大乘菩薩一切苦行其苦行者或若燒身燒臂燒指供養諸佛即如喜見菩薩然身藥王菩薩然臂乃至世尊然燈求傷悉皆可證若不燒身臂指以供養諸佛者即爲墮業著相凡夫身相未空人我宛然非出家菩薩解脫道行且不但燒身等供養諸佛所應力爲乃至見饑虎狼獅子一切餓鬼悉應捨此身肉手足而供養之何況供養諸佛又存我身相乎以此勘驗求法者心切與不切必其能依教受乃可傳道然後一一次第爲說大乘正法甚深理趣使彼心開而無所拘意解而無所縛如是爲說是名正說是名好心次第而說乃不負先學初心而菩薩若爲利養故爲名聞故或於名利無所得故於彼所求應答不答設或答之當順理說而反倒說經律文字或教以大乘而又不說苦行是爲無前又倒說經律文字而令義無所歸是爲無後如是說者上違佛慈下失悲仰中覆好心是即與佛共諍與法共諍與僧共諍此

即名爲謗三寶說者犯輕垢罪

○第十七特勢乞求戒

若佛子自爲飲食錢財利養名譽故親近國王王子大臣百官特作形勢乞索打拍牽挽橫取錢財一切求利名爲惡求多求教化人求都無慈愍心無孝順心者犯輕垢罪

此釋第十七特勢乞求戒也自爲等者有二義一者揀非爲衆故云自爲飲食錢財利養也二者揀非爲求護法故云自爲名譽也親近等者謂於國王王子大臣百官以爲親厚特作形勢仗彼有力之勢以形無力之人所須財帛亦得容易或若乞索不得則行打拍捶楚打拍不得則乃牽引挽轉以相橫逼取人錢財如是一切所求俱名不善是爲惡法求是爲多貪求不但自己不得若教他求亦都無慈愍心都無孝順心也都無慈愍心者謂爲菩薩者當一心觀衆生如已兄弟六親眷屬一一使其衣食饒足安隱無畏而反以勢乞求以名利歸已缺少卑微鄙人故云都無慈愍心也都無

孝順心者。應觀衆生如已父母。一切師長。應奉侍供養之。而反以勢乞求。使其窮苦。怨恨不已。故云。都無孝順心也。者字斷定。無慈缺孝。犯輕垢罪。

○第十八無解作師戒

若佛子。應學十二部經。誦戒日日六時持菩薩戒。解其義理。佛性之性。而菩薩不解一句一偈。及戒律因緣。詐言能解者。即爲自欺誑。亦欺誑他人。一一不解一切法。不知而爲他人作師授戒者。犯輕垢罪。

此釋第十八無解作師戒也。謂凡能作師者。必自有智慧。處世無礙。方堪爲人師範。豈有以已昏昏。而能使人昭昭者乎。如庸醫不識病原。不諳方脈。妄醫人病。亦如盲人引路。俱有墮溺之患。故戒之也。既爲佛子上弘下化。必須先精般若學解。內具慧心。外識機緣。如是師者。如來方許爲後昆模範也。舊學般若有三。一者文字般若。即十二部經是。二者觀照般若。即持菩薩戒是。三者實相般若。即解佛性之性是也。此數句中。攝盡如來所說大藏教義。以諸聖師判門有四。一教二理三行四果。此

中十二部經。即教持菩薩戒。即行佛性之性。即理。所以依實相理而建文字之教。由文字教而起觀照行門。因觀照行而入實相理。果是故若非明了文字般若。聖教云何能得觀照行解相應。若非大乘行解相應。何以得入實相理。果是故初學般若。菩薩必當先學十二部經。而起解慧。慧雖起。若無行資。徒成狂解。如拾他券。於已何有。是故應當誦戒以固定慧基本。而其所誦之戒。勿誦小乘。必須日日六時持誦菩薩大戒。修行菩薩行也。言日日六時者。恐持戒人少有意惰。即失菩提心也。言解其義理。佛性之性者。謂受戒人。雖然持誦大乘戒律。若不明戒歸指。亦不能究竟無上佛果。故當解其義理。解其義者。即解佛性之性。言佛性者。即覺性也。即是一切衆生本覺自性。此性在聖不增。處凡不減。在聖不淨。居凡不垢。明得此性。本無垢淨。增減。即終日看經。無經可看。終日持戒。無戒可持。終日參禪。究心無心可究。如是看經如是持戒。如是參禪。其人方可爲人天師範也。而菩薩以下。

釋明無解不堪爲師範也。言不解一句一偈者。卽不知十二部經中之義。及戒因緣者。是不知持菩薩心地戒中之義。既已經義不通。戒義不明。性理不徹。如是則自利未能。應生慚愧。況乃無知詐言能解。豈不卽是以已詐已者乎。既自欺自誑。復欺誑他人。可謂冒昧無恥者也。一、不解此卽結上不解佛性二句一切法不知者。結上不知十二部經二句。以是不解不知妄爲他人作師授戒者。犯輕垢罪。

○第十九兩舌戒

若佛子。以惡心。故見持戒比丘。手捉香爐。行善薩行。而兩舌兩頭。謗欺賢人。無惡不造者。犯輕垢罪。

此釋第十九兩舌戒也。言兩舌者。謂向彼說此。向此說彼。翻覆兩頭。於中起事。所以如來因地說誠實言。乃感廣長舌。相此之兩舌不善。必招將來拔舌等報。故戒之也。以惡心。故有二一者。嫉忌心。故見持戒者。或與已異。二者。障礙心。故或見他人稱讚供養。故見持戒比丘。兩舌兩頭。使彼此不安也。

持戒比丘。揀非名字沙門。乃是有德有行賢聖僧。寶手捉香爐。行善薩行者。正明賢聖僧也。香爐乃十八種法器中。一其義有二。一者以表信根深入法界。信爲首故。二者以表淨行圓五分。身皆緣行。故言行善薩行者。揀非小乘之行。既是行善薩行。卽與已行合同。而爲菩薩者。正當成人之美。共轉法化。可也。豈得兩舌兩頭。於中取樂。或復取利。是乃自家壞法門也。鬪者。交與惡也。構者。引是非也。兩頭卽兩邊語。以此鬪彼。以彼鬪此。構使兩家成惡故也。言謗欺賢人者。正出兩頭語。義謂比丘本皆賢聖。乃以妒忌之心。而起無根之謗。反說無惡不造。以使彼此不安。如是毀謗賢人。犯輕垢罪。

○第二十不行放教戒

若佛子。以慈心。故行放生。業應作是念。一切男子是我父。一切女人是我母。我生生無不從之受生。故六道衆生。皆是我父母。而殺而食者。卽殺我父母。亦殺我故身。一切地水是我先身。一切火風是我本體。故當行放生。業生生受生。若見世人殺畜生時。應方便

救護解其苦難。當教化講說菩薩戒。救度衆生。若父母兄弟死亡之日。應請法師講菩薩戒經律。福資亡者。得見諸佛。生人天上。若不爾者。犯輕垢罪。

此釋第二十不行放救戒也。放者釋放救者護救。不行放救則失菩薩慈悲心。行放救之也以慈心。故者謂修菩薩萬行以慈心爲根本。所以恒用此心與衆生樂。欲與其樂。先拔其苦。以離苦故。方能受樂。是故常行放生而爲業也。應作是念等者。承上所云。既行放生爲業。應當作觀。堅其放生念。頭作何等念。應觀一切男子。即是我父。一切女人。即是我母。何以知然。以我生生無不從之而受生。故既生生從之受生。一切男子。女人。豈不是我多生多劫之父母乎。若推而廣之。卽六道衆生。皆是我之父母。今若殺而食者。非卽殺我多劫多生之父母乎。殺我故身者。上卽從疎至親。此卽從親至切。而切不過已身。亦是殺我故身。益以見放救之心。當急急耳。亦乃可見我與衆生。同此一身。無差別也。一切地水是我先身者。釋上殺我故身義。謂

昔投胎之始。先以父母赤白二種水土相合凝結爲一。以是妄識而生。妄見親見父母情愛不已。卽投其中。故云先身一切火風是我本體者。火卽煖風卽息。以是識息煖二而爲其體。若非識息煖三。連持赤白而此色身卽時敗壞。所以云本體也。既是先身本體。猶是切於父母。所以作念常行放生爲業。不但此生行放生業。卽生生受生。若見世人殺畜生時。皆應方便善巧。救護解其苦難。或假財寶。或以好言種種轉彼行殺者。意以解受殺者之苦也。常教等者。上明以財方便救度衆生。此明以法方便救度衆生。財之方便有限。止救現前一生之苦。法之方便無窮。能救生者。死者。生生世世永脫輪迴多生之苦故也。若父母下正明救度死後衆生苦也。氣絕魂遊曰死。于世無干曰亡。謂於父母兄弟死亡日時。果爲孝子賢弟。應請大戒法師講菩薩戒經律。以此福資亡者。得見諸佛。生人天上。云何知之。以大乘毗尼法有生善滅惡之功。除罪獲福之德。以此資亡。使彼障開慧發。得見諸佛。

罪滅福生脫三惡趣得生天上人間故也如是救護衆生是名菩薩報諸佛恩若不爾者犯輕垢罪如是十戒應當學敬心奉持如滅罪品中廣明一戒相

此總結勸之大略也如是下結法也應當下勸修也如滅下引廣也謂諸佛子如是十戒應當於此一一修學敬心奉持刻刻珍重勿使忘失懈怠始爲善戒法門中眞子也以上十重二十輕戒乃出家菩薩全遮在家菩薩有開有遮凡爲師者當深研之以下二十八輕亦復如是

佛說梵網經直解卷下之一

佛說梵網經直解卷下之二

姚秦三藏法師鳩摩羅什奉詔譯
明廣陵傳戒後學沙門寂光直解
菩薩心地品之下

○第二十一瞋打報仇戒

佛言佛子不得以瞋報瞋以打報打若殺父母兄弟六親不得加報若國王爲他人殺者亦不得加報殺生報生不順孝道尙不畜奴婢打拍罵辱日日起三塗口罪無量況故作七逆之罪而出家菩薩無慈心報仇乃至六親中故作報者犯輕垢罪

此釋瞋打報仇戒也此戒緣上以慈心故行放生業而來以彼文中觀一切男子是我父一切女人是我母即今瞋打我者亦皆是我父母既作是觀寧有其子以瞋打報父母者乎且瞋乃根本煩惱中最重之一此法增悲爲性長惡爲業于慈愍中乖菩提道而修菩薩行者發弘誓願以度衆生故當以慈心爲本若乃起一瞋心則違本願即捨衆生而失本慈故戒之也佛言佛子者標名以勸不得以瞋報瞋以打報打正欲菩薩心空境寂人我雙忘不得懷不仁心以瞋打報仇也若殺父母等者以重況輕之意謂不但彼瞋打已身不得懷報即若殺我父母兄弟六親之親亦不得加報又國主設爲他人殺者即亦不得加報夫以不共戴天

之仇義當反報而諸佛皆戒不得加報是爲何義。蓋爲菩薩化導衆生。斷除煩惱結縛。出離三界輪迴。令其永絕生死。得大解脫。何得殺一生而報一生。使諸衆生。生生世世互殺不已。上云一切男子。女人是我父母。今若殺生報生。是殺多生父母。以報今生父母。豈孝順之道耶。是故殺生報生。不順孝道也。又不特此。且修道人。尚不得畜奴婢。打拍罵辱。日日所起。打拍身業。罵辱口業。瞋怒意業。此三業中。口業罪過。尚得無量。何況故作殺父母。以報父母。不順孝道之七逆罪耶。是故不得瞋打報仇也。而出家下辯明。不得報仇。意所言不得報者。唯謂出家菩薩。正當冤親平等。人我兩忘。何得懷報。似俗人之怨害相尋者乎。問設我不報。豈不縱彼行殺耶。答我念既不加報。人亦不起害心。故此兩得解脫。若在家菩薩。有位行權。或報可也。而出家菩薩。無有慈心。爲已瞋打報仇。乃至爲六親中。故爾報仇者。犯輕垢罪。

○第二十二條 慢不請法戒

若佛子。初始出家。未有所解。而自恃聰明。有智或恃高貴。年宿或恃大姓。高門。大解。大富。饒財。七寶。以此倚慢。而不請受先學法師。經律。其法師者。或小姓年少。卑門。貧窮。下賤。諸根不具。而實有德。一切經律。盡解。而新學菩薩。不得觀法師。種姓。而不來諮受法師。第一義諦者。犯輕垢罪。

此釋倚慢不請法戒也。倚者謂於已盛事。深生染著。醉傲爲性。能障不倚。染依爲業。蓋倚醉者。生長一切染染法。故此食分攝謂不倚者。即無貪也。即二十隨煩惱中之。憍者。謂恃已於他。高舉爲性。能障不慢。生苦爲業。蓋爲慢於有德心。不謙下。緣此生死輪轉。無窮受諸苦故。即六根本煩惱中之。一此二煩惱。能障諸修行人。一切功德。不得成就。故戒之也。若佛子。下標明倚慢根本。言此佛子。自初發心出家。離塵脫俗之時。始而見識未廣。學力未深。於第一義諦。無我法中。甚深理趣。毫末有所得解。而自恃聰明。有智。不知此等聰明。乃世諦中。能所知見。非出世法中。正知見也。或恃名位。高貴。

或恃身當年宿。或恃其家大姓高門。與夫學問大解。資產大富。饒財七寶。如是所有。皆世俗中所最尚者。俱非出世尊重之道。而初出家。佛子以恃此憍慢。放而不虛心。諮問領受先學法師所說經律。所謂既飲毒藥。真藥現前。則不能下此也。此上皆能恃憍慢之心。其法師下明所恃憍慢之境。其法師者。或小姓年少者。對上自恃大姓年宿。或卑門貧窮下賤者。對上自恃高門高貴大富。或諸根不具者。對上自恃聰明有智。而實有下正明。不得以逆取人。所謂依德不依人也。如是法師雖然對世間法。一一不如而於出世品位。實為有德。又被學識廣大。一切經律。盡能通解。堪為後昆模範。而諸新學菩薩。不得觀法師種姓優劣。妄生憍慢。應當未聞求聞未解。請解如以出處自相高下。恃慢於心。而竟不來諮受法師所演第一義諦者。犯輕垢罪。

○第二十三憍慢辭說戒

若佛子。佛滅度後。欲以好心受菩薩戒時。於佛菩薩

形像前。自誓受戒。當七日。佛前懺悔。得見好相。便得戒。若不得好相。時應二七三七。乃至一年。要得好相。得好相已。便得佛菩薩形像前受戒。若不得好相。雖佛像前受戒。不得戒。若現前先受菩薩戒。法師前受戒時。不須要見好相。何以故。是法師師相授。故不須好相。是以法師前受戒。即得戒。以生至重心。故便得戒。若千里內。無能授戒師。得佛菩薩形像前自誓受戒。而要見好相。若法師自倚解經律大乘學戒。與國王太子百官。以為善友。而新學菩薩來問。若經義律義。輕心惡心。慢心。不一。一好答問者。犯輕垢罪。此釋憍慢辭說戒也。憍慢之義。解前辭者。偏即見也。以見不正。必墮外道邪魔。故戒之也。詳此文勢。其義有二。一若佛子下。至便得戒。一節明弟子心無憍慢。辭受師長心無憍慢。辭說之義。二若法師下。至不一。一好答問者。一節正明師恃憍慢。辭說弟子無憍慢。辭受之義。受戒法儀有三。一者佛在世時。親從佛前而授受者。得上品戒。二者佛滅度後。於先受菩薩戒法師前。如法受者。得中品戒。三

者若千里內無能授戒法師於佛菩薩形像前自立誓願而稟受佛戒者必定要見好相若見好相得下品戒所言佛滅度者揀佛在世以佛爲師今乃佛滅度後卽以戒法爲師以戒師爲佛也欲以好心等者此正明無憍慢僻受之義於佛菩薩形像前者正謂佛不在世現前無師欲以好心秉受菩薩戒時只得於佛菩薩形像之前而自立諸誓願受戒願云我某甲等發十四種大願復立十三種誓發誓願已更當七日佛前懺懺悔一切罪障罪障消滅得見好相卽便自知已得戒矣設若一七日中不得好相者應當二七三七乃至一年之久而必要得好相若果得好相已便許此人向佛菩薩形像位前自誓受戒方證得戒勝緣若不得好相雖佛像前受戒不名得戒徒有受戒之名而無其實一生虛妄體是白衣若是佛滅度後現前有先受菩薩戒法師者當卽於是師前精誠求戒不須要見好相所以者何以是說者受者二俱現前則非遙受代受及於像前求受故也言先受

者揀非新戒無德臘者可能卽見而曰菩薩戒法師者則是智行雙運之師此師堪爲師範知是師前秉受戒時是故不須要見好相所以者何此有二義一者法師得戒本從師師相授而來此具戒師卽是過去諸佛住世一般是以法師前受戒時卽得具戒故也二者求戒弟子於本說戒師前生至重心觀戒師爲諸佛是故從是師前受戒卽便得戒所以自無憍慢僻受師無憍慢僻說一一皆如法也然師前求受甚易像前求受甚難何故不從師而從像前受也若千里之內無能授戒師者始得於佛菩薩形像位前自誓受戒若於像前求戒必定要見好相方成得戒之信若是千里之內有能授戒師而不從是師前受必於像前而受戒者此人不但不得戒而且反招憍慢僻受罪也若法師者內自倚恃能解經律未受大乘學戒外又倚恃所交國王太子百官以爲善好之友而見新學菩薩遠來請問經義律義時乃以所交目恃倚者而生輕心藐視惡心嫉妒慢心忽略不一

好答來問法之人。是法師得憐慢僻說之過。犯輕垢罪。

○第二十四不習學佛戒

若佛子。有佛經律大乘法。正見正性正法身。而不能勤學修習。而捨七賢反學邪見二乘外道俗典。阿毗曇雜論一切書記。是斷佛性障道。因緣非行。菩薩道者。若故作者。犯輕垢罪。

此釋不習學佛戒也。謂諸佛經律藏。乃是超生死。越苦海之寶筏。若無此筏。永無得出三界愛河。茲有佛法而不習學。自甘沈溺。故戒之也。言有佛經律者。既為佛子。有佛可歸。是吾本師。有法可崇。是吾本法。既是本師本法。應當時時親近。而習學也。經即修多羅。律即毗奈耶。經律所云大乘法者。謂佛所說經律。有菩薩藏有聲聞藏。此是菩薩藏。故云大乘法也。既本大乘法。藏則所詮理趣。乃是正知正見正性正法身也。不偏不邪。曰正。緣是正知正見。明了不生不滅。不變正。因佛性為因地。心即證本有不生不滅。不變正。法有果大。有

佛可皈。有法可崇。不能一意。故崇敬勤習。學捨諸佛覺道七種最上至極之寶。反學邪見二乘外道俗典。及阿毗曇雜論一切書記。是斷佛性障道。因緣非行。菩薩道者。既非菩薩之道。豈當學耶。邪見等者。解見上文。言俗典者。四韋陀典。外道書也。阿毗曇者。此云無畏。又名曰分別慧。雜論。即凡論有論。無小乘外道等論。一切書記。乃詩詞歌賦。卜陰陽術數等。也是斷佛性等者。出所習之過也。承上如是邪見二乘等人。俱不當親而反親之外道俗典等。教俱不當習而反習之。自迷迷人。所謂二乘枯寂。焦苦提芽。外道斷常。剗正覺種。是斷佛性也。又此邪見等法。內惑正解。知見外亂。正修行門。實障菩提。道因緣惡法。非行菩薩大衆之正法也。若故背其當學而習不當學者。犯輕垢罪。問治世語言。實生業等。皆順正法。何故於俗典等學。而犯罪。答以新學者。智弱識強。恐棄本逐末。故若地上大菩薩。為利生。故習學無礙。

○第二十五不著知衆戒

若佛子。佛滅度後。爲說法主。爲僧房主。爲教化主。坐禪主。行來主。應生慈心。善和鬪諍。善守三寶物。莫無度用。如自已有。而反亂衆鬪諍。恣心用三寶物者。犯輕垢罪。

此釋不善知衆戒也。謂佛弟子。乃是住持三寶。弘通法人。應知已識人。設或亂衆鬪諍。乃至三寶財物。不善守護。即非佛子。故戒之也。言佛滅度後者。舉末世而言也。佛在世時。佛爲一切大衆主中之主。諸弟子中。自無恣亂。今佛滅度後。則諸弟子各爲其主。故云佛滅後也。言爲說法主者。於佛所說三藏教法。善能主持。使其流通。不致斷絕。爲僧房主者。謂善主持上中下座。僧衆安居。捨度等事。有調理。故教化主者。謂能主持方便化導。因緣次第等事。不使錯謬。故坐禪主者。謂能主持修禪定中。魔境現前等事。方便制伏。故行來主者。謂善主持遠近賓客。迎送禮節等事。不致疏慢。故既爲如是衆中之主。應生慈心。善和鬪諍。善守三寶財物。莫無度用也。言應生慈心者。訓勉之詞也。謂生慈心。

能與一切衆生安樂。故善和鬪諍者。謂諍事如未起時。卽令不起。已起卽令息滅。故善守三寶物者。謂於三寶常住財物。不使交互侵損漏失。故莫無度用。正明善守義所。言三寶財物。使用有節。其義有三。一者係佛物。元卽佛事中。用法物。法事中。用僧物。僧事中。用當用。則用不可無度。放意而用二者。此是三寶財物。應善守護。莫作自己所有。任意而用。三者謂守三寶物者。卽如守護自己法財。莫使惡業侵毀破壞。故云莫無度用。如是慈心和衆善守。方是佛子行門。若乃不能善和。而反亂衆鬪諍。應善守護。而反恣心。雜用三寶物者。犯輕垢罪。

○第二十六獨受利養戒

若佛子。先在僧坊中住。若見客。菩薩比丘。來入僧坊。舍宅城邑。若國王宅。舍中。乃至夏坐安居處。及大會中。先住僧。應迎來。送去。飲食。供養。房舍。臥具。繩牀。木牀。事事給與。若無物。應賣自身。及男女身。應割自身肉。賣供給所需。悉以與之。若有檀越。來請衆僧。客僧。有利養。分僧坊主。應次第差客僧受請。而先住僧獨

受請而不差客僧者。僧坊主得無量罪。畜生無異。非沙門。非釋種。姓犯輕垢罪。

此釋獨受利養戒也。僧具六和之德。謂戒和同修。見和同解。身和同住。言和無諍。意和無瞋。利和同均。若內一和有虧。六和全費。故戒之也。言先在僧坊中住者。自然是主。既已為主。必盡主道。若見客。蓋隨比丘來入僧坊住。或入居士宅舍住。或入城邑住。或入國王舍宅之中。乃至夏坐安居之處。及大會中。如是住處。凡先住僧所盡主道。當異尋常見來。則恭迎來之。禮臨去。則恭送往之。禮終始如一。不可失節。其中供養。如以飲食房舍臥具。繩牀木牀。凡諸物類。事事給與。不得惜惜一物。俱如法供養。何也。始為尊重法門。克盡為主之道。問設若我自無物。云何供養。答若果為求菩薩道者。應賣自身及賣男女身。而為供養。且又不獨賣身而已。應割自身肉。賣供給所須。悉以與之。如是推之。何況所有身外之物。而反怪吝不供給耶。若有檀越下申明不得獨受。請義既言主人無物。尚

自賣身割肉。而為供養。豈有檀越而請。而不次第差客僧受請者。無是理也。是故若有檀越來請。衆僧齋者。客僧俱當有利養分。而僧坊主應當一一次第差客僧受請。方具沙門六和之德。若先住僧獨自受請。不讓客僧受請。僧坊主得無量罪。五百闍云。衆僧食二分。盡食他分一飽者。犯波羅夷。不能犯。取得無量罪。準例可知。如是比丘下不合人情。便非人類。與畜生無異。中不合僧體。全無六和。故非沙門。上不合佛心。不知重道。則非釋迦種姓。應當同受。而反獨入己者。犯輕垢罪。

○第二十七受別請戒

若佛子。一切不得受別請利養入己。而此利養屬十方僧。而別受請。即取十方僧物入己。入福田中。諸佛聖人。一一師僧。父母。病人。物自已用。故犯輕垢罪。此釋受別請戒也。此戒承前為佛弟子。不但不得獨受利養而已。乃更一切不得受人別請利養入己。若別受請利養。而不分與衆者。亦非沙門。非佛種子。故戒之也。一切不得受別請利養入己者。謂

凡道俗一切諸檀越等請僧齋者應與衆同受請不得私受人請應衆中同利養故而此利下釋上不得受別請義問別請供物應受入已何故不得答謂此利養屬十方僧一切有分而若別受請者即取十方僧物私入一已是故不得受別請也八福等者釋上義謂不但不得私取十方僧物入已乃至八福田中一切財物亦不得私用入已若取私用亦是取十方僧公物入已故也八福田者一諸佛二聖人三和尚四闍黎五衆僧六父七母八病人也言諸佛者即果人也言聖人者即因人也一一師者即本和尚闍黎尊禮之十師也僧者即大衆也父母即生身二親也病人者但凡一切親怨眷屬之中有苦患人也已上自諸佛菩薩乃至父母七位名爲敬田病人一種名爲悲田此八總皆植福修慧良勝田也此一切物若公用即獲福私用即得罪今別受請即取八福田中物直爲自己用故而不給與衆者犯輕垢罪

○第二十八別請僧戒

若佛子有出家菩薩在家菩薩及一切檀越請僧福田求願之時應入僧坊問知事人今欲請僧求願知事報言次第請者即得十方賢聖僧而世人別請五百羅漢菩薩僧不如僧次一凡夫僧若別請僧者是外道法七佛無別請法不順孝道若故別請僧者犯輕垢罪

此釋別請僧戒也此戒亦從上受別請而來請受請者既不別受則請僧者亦不應別請也般若經云不住相布施其福德等於虛空住相布施則獲福有限故戒之也若佛子下標明求願種福之人出家菩薩剃髮染衣受大戒人在家菩薩是受六重二十八輕之優婆塞戒人也及一切檀越者承上謂不止此二種菩薩并凡作福一切檀越梵語檀那此云好施以好行檀波羅蜜法是則超越世間貪俗之士故得美稱也如是正信檀衆請僧福田求願之時或有發願度生或有祈禱常情或爲聽聞道法或願生天生人乃至願生西方如來所求所願必當於三寶中求三寶即一切衆生植福

夏田也。三寶住世全賴。僧是故。請僧福田求願之時。應人僧坊。問知事人曰。我某甲今欲請僧求願。彼知事人應當報言。汝欲請僧。合遵次第。請僧。所以者何。以聖凡難辯。不可擇故。所以次第。請者。即得十方賢聖僧也。若以分別心。必請五百羅漢。菩薩聖僧。如是揀名。別請。不如隨於衆僧。中次第。所謂一凡夫僧功德。所以者何。以有住相心。故若是別請僧者。且是外道之法。我佛法中。無揀擇心。以不善相求。故又即上推七佛以來。亦無別請之法。七佛者。毗婆尸佛。尸棄佛。毗舍浮佛。此三如來。是過去莊嚴劫中。已成正覺者。拘留孫佛。拘那含牟尼佛。迦葉佛。釋迦牟尼佛。此四如來。是現在賢劫中。今成正覺者。以是七佛作證。不應別請僧明矣。蓋別請求願者。即是不行孝道。何者。謂上違七佛教誡之道中。乖菩薩平等之心。下失衆生利益之德。所以若故別請僧者。結過犯輕垢罪。

○第二十九邪命自活戒

若佛子。以惡心。故爲利養。販賣男女色。自手作食。自

磨。自春。占相。男女解夢。吉凶。是男。是女。呪術。工巧。調鷹。方法。和合。百種毒藥。千種毒藥。蛇毒。生金。銀。薑。薑毒。都無慈愍心。無孝順心。若故作。者。犯輕垢罪。

此釋邪命自活戒也。邪命。揀非正命。自活。揀非爲人。既爲佛子。菩薩比丘。當以乞法。乞食。而爲生活。乞法。謂乞實相一乘之法。珍重守護。以證法身。乞食。謂乞檀越一餐之供。清淨自活。以資色身。如是利己利人。以爲德業。利己者。不墮非佛子。故利人以積彼善根。故若以邪命邪求。不但釋子不得作。爲。亦非清淨信士所宜。故戒之也。以惡心。故者。揀非善心。爲道。故爲利養者。亦非爲求救濟衆生。苦故。邪命事。別開無量。總則八種。法一者。販賣男女色。此事。離他骨肉。玷人門風。不順差恥。道俗共制。二者。自手作食。自磨。自春。佛制比丘。食法。尚以淨人授受。方食。豈聽沙門作生。活計。既失威儀。亦長貪心。此事。惟制出家三者。占相。男女。占則斷人福。禍。相則判人窮通。亦非沙門所爲。四者。解夢。吉凶。解人夢中。所見夢事。斷其吉凶也。五者。是男。是女。

此卽妄定六甲所生是男是女。六者呪術、工巧、呪爲諸呪、呪以驅神、遣將攝人魂魄、術爲幻術、種種幻事、以幻惑人工爲精工、巧爲巧匠、皆世人所作。已上俱非釋子所宜爲也。七者調鷹方法、調鷹謂善調鷹犬能使疾便以取物、命道俗共戒。八者和合百種毒藥、千種毒藥、毒藥有百千種、略出一二。一者和合蛇毒、害人并害生命、故二者和合生金銀毒、謂生金生銀性最毒、以此毒害人、害物和合諸蟲毒、毒人及毒生靈、故以上道俗共制、違而作者、都無慈愍心、都無孝順心、也都無慈愍心者、全無一念視人如子女、故都無孝順心者、全無一念視人如父母、故如是邪命爲利而故作者、犯輕垢罪。

○第三十不敬好時戒

若佛子以惡心故、自身旁三寶、詐現親附、口便說空行、在有中爲白衣、通致男女交會、姪色作諸縛著於六齋日、年三長齋月、作殺生、劫盜、破齋、犯戒者、犯輕垢罪。

此釋不敬好時戒也。言不敬好時者、謂於天王巡

狩年月日期不修福慧、無敬畏心有失大利、故戒之也。若佛子下至親附四句、明不敬好時之心、口便說空、至犯戒者一節、詳不敬好時之事、言以惡心故者、揀非修出世善心、故自身謗三寶者、揀非但以口謗三寶、故謂心若不正、則身自不端、身不端則百事皆不實、故詐現親附者、釋不實義、謂本非與人親厚、而現親厚之相、以圖依附、口便說空者、見其心詐行在有中者、見其身謗爲白衣等者、申明自身謗三寶行在有中之義、爲白衣者、乃爲世諦中人經理也、通致男女者、通謂通達、致謂致意、以女意達於男、以男意達於女、凡私通婚嫁之事、作諸縛著、全不解脫、今舉一事以戒餘耳、於六齋日等者、此句正明不敬好時戒也、月六齋日年三齋月俱是鬼神得力、奉月日也、亦乃天神巡狩人間、考較善惡之期、於此月日持戒作福、福勝餘時、月六齋者、初八二十三乃是毗沙門天王分鎮南洲之日、十四二十九如月小二十八乃是天王太子十五與三十乃天王自身也、年三長齋月者

每年正五九此三月者名三善月是帝釋天巡狩

之月此天殿中有大寶鏡從年正月則照南瞻部

洲二月則照西牛賀洲三月則照北俱盧洲四月

則照東勝神洲五月復照南瞻部洲如是三番照

察人間善惡凡人舉心動念自然鏡中顯現分明

是故爲佛弟子於此月日宜當勸人齋戒放生作

諸福德而反於此時中反作殺生劫盜破齋犯戒

損人功德滅人法財自害善人結過犯輕垢罪

如是十戒應當學敬心奉持制戒品中廣明

如是一句總結前十戒之文應當下二句以勸修

行時時刻刻心心念念修學此戒不可忘失意也

制戒品一句引大部中別品廣明此義

○第三十一不行救贖戒

佛言佛子佛滅度後於惡世中若見外道一切惡人

劫賊賣佛菩薩父母形像及賣經律販賣比丘比丘

尼亦賣發心菩薩道人或爲官使與一切人作奴婢

者而菩薩見是事已應生慈悲心方便救護處處教

化取物贖佛菩薩形像及比丘比丘尼一切經律若

不贖者犯輕垢罪

此釋不行救贖戒也救即救護贖即取贖菩薩護

持三寶有理有事以理持事以事持理互相顯發

若見三寶破壞不急救贖三寶從此斷滅人間慈

命福田亦無地矣故戒之也佛言佛子下舉時分

也意謂佛在世時無此等事佛滅度後於惡世中

或有此事耳惡世即五濁惡世時也於此時中多

諸外道惡人言外道者不達自心多執異見外于

正道故名外道斷佛慧命故名惡人如是之人常

與佛法共諍與僧共諍劫三寶財盜賣佛菩薩像

或賣父母形容且佛爲大慈父菩薩爲大悲母能

與衆生樂能拔衆生苦皈依敬供養得福無量豈可

賣乎賣則破滅佛寶獲罪無量也及賣經律者經

以開心見性而證眞常律制三業六根清淨解脫

豈可賣乎賣則破滅法寶販賣比丘比丘尼者謂

比丘僧尼是人間福田住世僧賣則破滅僧寶

于三寶中罪皆無量亦賣發心菩薩道人者此廣

兼道俗四衆謂凡發大乘心修大乘行者俱是有

道之士故稱道人如是比丘道人等或後劫竊盜去賣爲官使與一切人作奴婢者菩薩見有如是苦難事已應生拔苦與樂之心假諸善巧設多種方便門急急救護處處教化隨處取彼財物贖佛菩薩形像如法供養見相皈依獲福滅罪及贖比丘比丘尼令離苦難安隱修道并贖一切經律使法輪常轉用開迷途是名佛子住持三寶行菩薩道倘見此事不救贖而坐視者犯輕垢罪

○第三十二損害衆生戒

若佛子不得著刀杖弓箭箭箠鞭小斗因官形勢取人財物害心繫縛破壞成功長養福理屠狗若故養者犯輕垢罪

此釋損害衆生戒也爲菩薩者當以慈悲喜捨爲根本心大度萬行爲方便門若害物傷慈非是大士心行故戒之也若佛子下總標損害衆生事言不得畜刀杖弓箭謂此惡器損害衆生身命惡心易起是故不得畜也不得二字貫下不得販賣輕秤小斗明暗暗騙損害衆生交易不得因官形

勢取人財物倚威挾勢非善法求損害衆生名利不得所求不遂復假官威害心繫縛損彼衆生形體不得求財不遂勒彼變賣兒女產業破壞成功骨肉不得長養福理屠狗捕鼠害物爲利販賣以恩結仇已上諸戒不得有作向下結過若故養者犯輕垢罪問文中所言不得畜賣害心長養有多種事結文只言若故養者犯罪何也答養尚不得豈許畜賣故一戒一切戒也

○第三十三邪業覺觀戒

若佛子以惡心故觀一切男女等鬪軍陣兵將劫賊等鬪亦不得聽吹貝鼓角琴瑟箏笛笙篳歌叫妓樂之聲不得擲擲圍棋波羅塞戲彈棋六博拍毬擲石投壘牽道八道行城爪鏡善草楊枝鉢孟觸腰而作卜筮不得作盜賊使命一一不得作若故作若犯輕垢罪

此釋邪業覺觀戒也邪業揀非正業覺即覺觀觀即觀察覺體本無邪正全在觀察若被物轉即名邪業覺觀若能轉物即名正業覺觀此恐初心菩

隨心念不結觀照不熟故戒之也。若佛子下總標邪業覺觀根本之義。言以惡心故者。揀非惡行道中隱顯攝化遊戲善念。明是逐背流轉故名惡心。觀一切男女等國者。正明邪業覺觀之事相也。觀即能觀之心。一切等者。即所觀之境也。此有二事。一者謂即一切男女戲舞之事。二者或乃因忿相。靜關殿之事故。云一切男女等。關軍陣兵將等國者。即兩國敵殺以各圖封蔭。改劫賊等。關者。此即盜賊劫掠關殺之事。以上關事不一。俱係眼觀使心流逸。此戒眼觀即是戒心。切勿被爭鬪境所轉。欲令眼根得其清淨。心亦清淨。所謂一根清淨而多根清淨也。是故應效諸大菩薩。常與五陰等魔共戰可也。亦不得聽吹等者。承上不但眼家不得邪觀耳家亦不得邪聽。是則清淨耳根不被物奪。即旋轉聞機故貝。即螺貝。南蠻國人吹以節樂鼓。即杖鼓。斫木爲匡。以革蒙兩面可擊者也。角。即犀角。羌胡吹之以驚中國之馬。琴。即雅琴。古制五絃。今制七絃。琴者有五十絃。庖犧所作虞舜改爲二

十五絃。第十三絃。夢恬所作。笛有七孔。以竹爲之。簫簫者有二十四絃。師延所作。已上皆是樂器之類。歌。即妓樂之聲者。即人樂之聲也。雖則人樂有異。一入耳根。使心流逸。以不行聽也。不得持誦等者。亦令身根流逸。持誦即誦佛是。圍棋。即奕碁是。波羅塞戲。即象是其。彈碁。即漢時樗蒲戲。六博。即雙陸。拍毬。即蹴鞠。是擲石。即今投壘。古以石投。今以矢投。塞道。即走馬賣械之類。行城。即城壕上行走。或塞道入道行城。塞是難則事有各別。皆賭博之類也。爪鏡。用藥塗指上。呪之則有光明。如鏡照人。斷人吉凶。言草出文王。琴。百絃。一絃上有青雲羅蓋。下有紫龜。伏氣長大。截取以箴。斷人休咎。楊枝。即章柳。神附人耳邊。報人禍福者。是鉢盂。即今唱水鉢。是以水注孟。用以刀呪。攪之。令定。以斷人是非。故。即取新屍首。呪之。自靈。能說人禍福。故而作卜筮者。此總收上幾種而言。不得作盜賊。使命者。意謂設遇盜賊。擄去。乃至畢命。必不可爲彼作使命也。一一不得作者。此句總結。是佛叮咛

勸誡之言謂上諸邪事業俱非佛子所爲故一一不得作若故作者犯輕垢罪經中音樂博筵之具多同此方故引釋之

結區戲樂
即戲弄是也

上文波羅戲樂二解
盡刻之說耶悉波羅戲樂即

○第三十四覺念小乘戒

若佛子護持禁戒行住坐臥日夜六時讀誦是戒猶如金剛如帶持浮囊欲渡大海如草繫比丘常生大乘善信自知我是未成之佛諸佛是已成之佛發菩提心念念不去心若起一念二乘外道心者犯輕垢罪

此釋覺念小乘戒也。覺即頃刻也。念即作意也。言小乘戒。揀非大乘。背舍利弗行菩薩行。遇後前門乞眼舍利弗言。眼在我身有用。當用何爲。後羅門言。汝修菩薩行者。隨乞即與。莫管有用無用。時舍利弗即取眼與。彼得在手。以鼻嗅之。曰。腥臊臭物。用他作麼。唾踏而去。舍利弗言。菩薩行難。只一念中。捨戒退墮。墮闍二十小劫。故戒之也。若佛子下。此總標明行菩薩行時。分言護持禁戒者。護即防

護使魔無能侵。故持謂堅持。使心無有退。故禁即約束五根不動。戒即止滅。意地不起。所謂精進持淨戒。猶如護明珠也。行住坐臥。即四儀處。日夜六時。晝六夜六之十二時也。於此時分。護持佛戒。不被境風耗。虧是則戒堅得定。定澄發慧。三學具足。三身圓滿也。讀誦是戒。申明護持方便。言護持是戒者。云何護持。即當熟讀是戒。對本尋之。知戒輕重。開遮誦以護本。究心明其指歸。保持是戒。猶如金剛以金剛智。能碎一切妄想。煩惱。嚴護戒品。亦如帶持浮囊。得渡苦海。浮囊渡海器也。昔有商人持囊渡海。海中羅刹。伺乞浮囊。其人。不與。乃乞一半。亦不聽許。至乞一絲。亦不能願。何故。命在囊故。浮囊若破。則於海岸終不能到。以喻持戒之人。欲渡生死苦海。設遇惡業。羅刹。利殺求一願。亦終不從。何故。命在戒故。戒若有破。則溺生死苦海。永無出期。是故護戒若此。如草繫比丘者。此喻持戒。悲心不傷物。故昔有比丘。被賊所抄。恐追趕至。故將比丘以草繫縛。比丘奉佛禁戒。不拔生草。不敢動移。

時遇王過得以釋脫此小乘法何以引喻大乘意謂小乘無望成佛尚於此戒如是堅持況大乘人兼利自他豈可於是戒中而生放逸是故菩薩持戒亦當如此常生大乘善信者正謂小乘之人不信自心是佛茲者大乘新學雖生是信恐遇二境則退故勉於此大乘常生善信恒無間斷應信自心是佛自心作佛以決定信信得我是因中一尊未成之佛但未即得果地莊嚴以我行願未圓惑障未空故也諸佛是已成之佛者意謂諸佛已得三身圓滿萬德具足五住究竟二死永亡是故我能如是修因必然如是證果若少有意惰即失當來莊嚴之果佛也上護持禁戒者行也常生善信者信也自知我是未成之佛諸佛是已成者解也發菩提心者此心乃是信解行中本覺智體信解行三難具若證佛果必於所發大乘菩提正心念茲在茲永無忘失以是念念不去于心乃是菩薩純熟戒行佛果可期若於所信所解所行所發之中但起一念二乘外道心者犯輕垢罪同只此一

念何云犯罪答難云。念。佛種有傷失菩提心。即為魔業。豈不致退墮二十小劫乎。故此得罪。

○第三十五不發願戒

若佛子。常應發一切願。孝順父母。師僧。願得好師。同學。善知識。常教我大乘經律。十發趣。十長養。十金剛。十地。使我開解。如法修行。堅持戒。寧捨身。命。念念不去心。若一切菩薩。不發是願。者犯輕垢罪。

此釋不發願戒也。承上護戒發心。已起大乘信解。又必發願。勤求師友。發明理趣。於理不明。猶恐錯念。蓋同小乘外道。故戒之也。若佛子。下總標明發諸大願也。言常應者。謂發願不難。惟恐不恒。所以常應發願。以是大願無盡。一切皆發。衆生無盡。而煩惱障業障報障。一切無盡。故菩薩之願心。亦無有盡。故云常應發一切願也。孝順父母。師僧等者。此別開願心也。願雖無量。十願總攝。一願孝順父母。二願求好師。三願求同學。四願求大法。五願求十發趣。六願求十長養。七願求十金剛。八願求十地。九願求開解。佛乘十願。堅持佛戒也。一願孝順

父母問曰。父母有生育之恩。師僧有教誨之德。自然不敢忤違。何假發願。孝願謂小乘戒中。比丘爲道。若父母不能繼線。比丘乞食與半。雖孝不大。今於大乘戒中。以觀一切衆生。如已父母。若不發願。孝願恐同小乘。見解其心不普。不恒。故當發願。如此二願得好師者。謂師有大乘小乘。正見邪見。有解無行。有行無解之別。今所求者。願求正知正見。解行具足之師。問上云。發願孝願。師僧此又揀擇願得好師者何也。上在供養承事邊說。此在求道邊說。故當願求好師。非同我慢之心也。三願同學善知識者。雖逢聖師。指點更須賢朋。資輔卽如臨濟。激發於首座。昌黎發悟於三平。所以求師爲最。訪友第一。是故求同學者。必眞善知識也。四願常教我大乘經律者。擇非小乘法也。承上求師擇友爲欲常常教我大乘經律。使我頓圓佛慧故也。所以圓覺五性差別。乃在遇師遇教。是故願求大乘法也。五願修十發趣者。卽十住位。以發眞源。修空觀理。故六願修十長養者。卽十行位。長養菩提。脩

假觀行。故七願修十金剛者。卽十向位。習悲雙運。修中道觀。故八願修十地者。卽十聖位。以圓修三觀。圓證三身。故九願使我開解者。謂上教以大乘經律。非但只教熟讀而已。更欲於大乘經律中所證三寶十聖修證善提道法。一切行門。使我一一開解。得以如法修行。而速證佛果也。十願堅持佛戒者。謂雖求大乘智慧。雙運若不堅持佛戒。聖賢道果一切皆失。所謂若犯如微塵許。現身不得發菩提心。乃至佛性常住妙果。一切皆失。云云。是故發願堅持佛戒。設遇惡緣。寧捨身命。念念不敢捨去。堅持佛戒之心。如是發願。如是持戒。是真佛子。決定成佛而無疑也。若一切菩薩不發是願者。犯輕垢罪。

○第三十六不發誓戒

若佛子。發十大願。已持佛禁戒。作是願言。寧以此身投熾然猛火。大坑刀山。終不毀犯三世諸佛經律與一切女人。作不淨行。復作是願。寧以熱鐵纏繞千重。周匝縛身。終不以此破戒之身。受於信心檀越一切。

衣服復作是願事以此口吞熱鐵丸及大流猛火經百千劫終不以此破戒之口食於信心檀越百味飲食復作是願事以此身臥大猛火羅網熱鐵地上終不以此破戒之身受於信心檀越百種床座復作是願事以此身受三百鋒刺身經一劫二劫終不以此破戒之身受於信心檀越百味醫藥復作是願事以此身投熱鐵經百千劫終不以此破戒之身受於信心檀越千種房舍屋宅園林田地復作是願事以鐵錘打碎此身從頭至足令如微塵終不以此破戒之身受於信心檀越恭敬禮拜復作是願事以百千熱鐵刀鋒挑其兩目終不以此破戒之心視他好色復作是願事以百千鐵錐刺耳根經一劫二劫終不以此破戒之心聽好音聲復作是願事以百千刃刀割去其鼻終不以此破戒之心貪嗅諸香復作是願事以百千刃刀割斷其舌終不以此破戒之心食人百味淨食復作是願事以利斧斬斫其身終不以此破戒之心貪善好觸復作是願願一切衆生成佛菩薩若不發是願者犯輕垢罪

此釋不發誓戒也前爲發願此乃發誓以先願後誓者猶馬雖有轡勒更加鞭策期其必至欲期大果若無決定大誓願力恐遇順境不能打過則所願必廢故戒之也發十大願已者瞋前持佛禁戒起後言堅持佛戒者上云寧捨身命念念不忘于心我發願已更立誓以堅之也立誓總有四段一者不作非梵行誓二者不虛受供養誓三者不染汚六根誓四者本爲化衆生誓初明不作非梵行者設若吾人欲念起時誓曰寧將此身投熾然猛火中受焦爛苦墮大坑墮受陷墜若入刀山上受割截苦如是諸極苦處寧當現世一生忍受不以爲患終決不敢毀犯三世諸佛所說清淨決定禁戒經律與一切女人作不淨行也二明不虛受供養誓此言復開六種一者不虛受衣服誓復作誓願如遇寒時寧以熱鐵羅網千重周而纏身皮焦肉潰不以爲苦而終不敢以此破戒之身受於信心檀越一切衣服二者不虛受飲食誓復作誓願如遇饑時寧以此口吞熱鐵丸渴時及飲大流猛

火以受焦腸爛肺之苦終不以此破戒之口食於信心檀越百味飲食三者不虞受臥具誓復作誓願如身體疲倦時寧以此身臥大猛火羅網熱鐵地上以受肉盡骨焦之苦終不以此破戒之身受於信心檀越百種床座四者不虞受醫藥誓復作誓願如患病時寧以此身受三百鉗刺身縱經一劫二劫鉗刺之苦終不以此破戒之身受於信心檀越百味醫藥五者不虞受田舍誓復作誓願如居止時寧以此身投熱鐵縱經百千劫誓當忍受終不以此破戒之身受於信心檀越千種房舍屋宅園林田地六者不虞受禮拜誓復作誓願如自尊自重時寧以鐵錐打碎此身從頭至足令如微塵終不以此破戒之身受於信心檀越恭敬禮拜三者不染汚六根誓此誓復開五種初淨眼根之誓復作誓願如眼對色之時寧以熱鐵刀鉗挑其兩目壞此肉眼終不以此破戒之心視他好色以壞清淨法眼問清淨眼根豈能壞乎所言壞者非是爛壞之壞是令清淨眼根不得通徹無礙故耳

二者淨耳根誓復作誓願如耳對音聲時寧以百千鐵錐刺耳根縱經一劫二劫如是至常至極之苦寧當忍受終不以此破戒之心聽好音聲以壞清淨法耳三者淨鼻根誓復作誓願如鼻對諸香時寧以百千刃刀割去其鼻亦可忍受終不以此破戒之心貪嗅諸香以壞清淨鼻根四者淨舌根誓復作誓願如舌取飲食時寧以百千刃刀割斷其舌亦當受之終不以此破戒之心食人百味飲食以壞清淨舌根五者淨身根誓復作誓願如身對好觸時寧以利斧斬斷其身當忍受之終不以此破戒之心貪著好觸以壞清淨法身已上三科十二誓願是自利行下一誓願乃利他行四者本為化衆生誓復作誓願云我今發願立誓非獨自為一己清淨解脫而已本為普化法界一切衆生悉皆成佛故也如是立誓發願是名菩薩若不發此四科十三種誓願者犯輕垢罪

○第三十七難遊行戒

若佛子常應二時頭陀冬夏坐禪結夏安居常用楊

杖、豆、三衣、鉢、鉢坐具、錫杖、香爐、灑水囊、手巾、刀子、火燧、鑊子、繩牀、經律、佛像等。薩形像而等薩行。頭陀時及遊方時行來百里千里。此十八種物常隨其身。頭陀者從正月十五日至三月十五日、八月十五日、至十月十五日。是二時中十八種物常隨其身。如鳥二翼若布薩日。新學菩薩半月半月布薩。誦十重四十八輕。若誦戒時於諸佛菩薩形像前誦一人布薩。卽一人誦若二及三人至百千人亦一人誦。誦者高座聽者下座。各各披九條七條五條袈裟。結夏安居。一一如法。若頭陀時莫入難處。若國難惡王土地高下草木深遠獅子虎狼水火風劫賊道路毒蛇一切難處悉不得入。若頭陀行道乃至夏坐安居是諸難處亦不得入。若故人者犯輕垢罪。

此釋胃難遊行戒也。前言發誓度生。雖慈悲廣大。恐初心菩薩道力未充。不能一切無礙。凡酒難處。不可輕遊。故戒之也。若佛子。下標明菩薩遊行時。也。常應二時者。每年春秋二時也。是時溫和氣象。萬物方長成熟時。分堪當遊行。是故常應此時化。

衆生也頭陀者此云抖擻抖去客塵煩惱以求無上道法故冬夏坐禪結夏安居者謂多時隆寒夏時酷暑當習靜坐禪離昏散心清寒暑患是故結冬休夏而精勤佛道也常用楊枝等者釋安居事謂凡結冬休夏之時須常用楊枝等十八種物爲法器也楊枝常用有五種利益一固齒二明目三清心四消風五除垢是故凡受食後宜用楊枝如或不用五百問云犯墮罪澡豆卽皂角凡出廁事以淨身手便可禮佛持呪誦經三衣卽五衣七衣大衣也其大衣中亦有上中下三品三三共九品俱以蔽形除食超俗服故鉢者梵語鉢多羅此云應量器大者斗五中者七升小者隨量比丘食法以一鉢資身斷邪命邪求故餅卽單持以注法水滋益衆生滌除塵垢故臥具梵語尼師壇此云敷具亦名隨足衣敷之坐禪以建五分法身如塔之有基故錫杖梵語隙婁羅此云錫杖亦名智杖亦名總杖表樹法幢顯聖人智故香爐表信斷法界疑入佛道故漉水囊者用密絹成漉水護生顯慈

心故手巾拭面便浴以潔垢放刀子古以戒刀降魔今用剃除髮髮以斷愛根別俗相故火燄即取火以資明破暗表有慧故錫子古頭陀跣足行恐刺傷足用以拔之表盡煩惱諸毒刺故繩牀用繩串成表脫貢高不生放逸故亦不受地濕故言經律者經以開心見性成佛果故律乃嚴護身口意令解脫故佛菩薩形像者佛是本師及導菩薩乃同學善友所謂生我者父母成我者師友何敢時刻忘之又佛是果人菩薩是因人未成佛者觀已成佛我必如是道觀未成佛我必如是修正爲安居行道榜樣所以當供其妙像也而菩薩行頭陀等者釋上常應二時頭陀遊行事母暫離也謂不但多夏安居用之即菩薩行頭陀時及遊方時無論行來百里千里若遠若近此十八種物亦常隨身皆不可離也已上總明安居遊行常用法器事竟向下申釋遊行時分及常用法器之義言二時頭陀者在於何時謂從正月十五日至三月十五日是春分之時從八月十五日至十月十五日是

秋分之時是二時中此十八種物常隨其身何也如鳥之二翼翼若有失則鳥難飛騰法器若缺則僧難遊行所以常隨身也若布薩日等者此明遊行懺悔之法梵語布薩此云作法辦事亦云我對說又名相向說罪以有過失相向對佛像前說懺悔過也新學菩薩等者揀非久修性地位也新學智劣識強於戒品中勉力堅持若不謹束身心恐懼放逸故半月半月作布薩法從此十重四十八輕之戒相諦審有犯無犯各爲懺悔也於諸佛菩薩形像前誦者佛在世時對佛親誦佛滅度後得于像前爲作證明而誦非敢自尊此十八種物中所以有經律及佛菩薩形像故也一人布薩下等者明誦戒儀式若誦戒時一人布薩即一人誦若二及三人至百千人布薩亦是一人誦戒不可普誦以致誦訛其誦戒儀誦者高聲聽者下座而此誦者聽者各各披九條七條五條袈裟得善俗服以承僧體此之布薩法儀不但頭陀行道時爲然凡結夏安居時一一如此法則不可違也已上

總明安居遊行法事竟下明一切難處不可安居遊行也。先明頭陀遊行時莫入難處何等難處。謂若國難。則本云惡國界。以此國中廣行殺法及饑饉等時。難非宜遊行。故不可往也。言惡王者。謂國中主不信三寶。不修福慧。是為惡王。土地高下。高則坑下。則濕。遊行險隘之難。草木深遠多諸惡獸。出入往返驚怖之難。水火風災俱不可往。恐有漂焚。鼓折驚恐之難。劫賊道路處。所恐有遺誤。閉害之難。道路貫下毒蛇橫道處。所恐有途路盤害之難。有如是難。皆不得往也。一切難處等者。謂不止此難處而已。凡一切難處。悉不得入也。若頭陀行道等者。莫入難處。不但頭陀遊行難處不可得入。乃至夏坐安居。是諸難處亦不得入。此總誡安居遊行之當慎也。若乃自恃有德。無妨諸怖。違佛言教。強入險處遊行。者犯輕垢罪。

○第三十八乖尊卑次序戒

若佛子。應如法次第坐。先受戒者在。前坐。後受戒者在。後坐。不同老少比丘。比丘尼。貴人國王王子。乃至

黃門奴婢。皆應先受戒者。在前坐。後受戒者。次第而坐。莫如外道。癡人。若老若少。無前無後。坐無次第。如兵奴之法。我佛法中。先者先坐。後者後坐。而菩薩一不如法次第坐者。犯輕垢罪。

此釋乖尊卑次序戒也。此戒緣上布薩誦戒而來。謂誦戒者。高座聽者。下座以下聽眾。亦有高下次序。以凡一切坐眾。不可紊亂。有乖佛制。故戒之也。若佛子。下此總標明坐序法也。先受下別釋也。謂若佛子坐法。應如法次第坐。言如法者。謂依佛訓而坐也。謂先受戒者。應在前坐。後受戒者。應在後坐。不同老少生年。但依受戒次第而坐。如比丘比丘尼。一類比丘尼。比丘尼。一類貴人。貴人。一類國王。國王。一類王子。王子。一類乃至黃門奴婢。各自一類。而分先後。非是無間僧俗貴賤。而混然論先後次序坐也。若是不但不順世法。且亦不通佛法。以佛法中。即百歲比丘尼。燈三歲沙彌。足百歲三歲。乃是受戒三年百年。非世諦生年也。以百年為戒長臘深三年戒。曉臘淺若一樂。而論受戒先後。應

三歲沙彌。經百歲尼。足何百歲尼。而證三歲足乎。是知論戒各自爲一類。以序先後。且又以此丘爲宗主也。莫如外道等者。外道無有智慧。無論若老若少。無前無後。坐無次第。乃如兵奴之法一般。而我佛正法中。必以先者先坐。後者後坐。是名行菩薩道。建立法門。謙恭遜讓之義也。而菩薩下結成違戒得罪。所言爲菩薩者。若不一一如法次第坐者。犯輕垢罪。此罪若不犯者。如普照三昧云。阿闍世王。請文殊。齊文殊。尊讓迦葉。前行曰。大迦葉。久爲沙門。世間所有羅漢。皆從仁後。仁當前。行迦葉答云。計於法律。不以年歲爲尊。法律所載智慧爲尊。神智聖達。乃爲可尊。博聞辯才。乃爲可尊。諸根明徹。乃爲可尊。文殊乃前行也。問。據此。豈不乖尊卑次第耶。答。國王之請。意在文殊不在迦葉。如天帝釋。請華嚴師。置座五百應真之上。卽其類也。文殊始讓迦葉。不敢違古佛之恒規。迦葉終遜文殊。所以順諸主之本意。此二大士正破我慢貢高之弊。

○第三十九不修福慧戒

若佛子。當應教化一切衆生。建立僧房。山林園田。立作佛塔。冬夏安居。坐禪處。所一切行道處。皆應立之。而菩薩應爲一切衆生。講說大乘經律。若疾病國難。賊難。父母兄弟和尙。阿闍黎亡滅之日。及三七日。四五七日。乃至七七。日亦應講大乘經律。一切齋會。求福行來。治生大火。大水。焚漂黑風。所吹船舫。江河大海。羅刹之難。亦讀誦講說此經律。乃至一切罪報。三惡八難。七逆。五逆。械枷鎖繫。縛其身。多淫多瞋。多愚癡。多疾病。皆應講此經律。而新學菩薩。若不爾者。犯輕垢罪。

此釋不修福慧戒也。此戒要令一切衆生。植福植慧。以成佛故。若無福慧二種莊嚴。則佛果菩提。安可希冀。故戒之也。若佛子。下標顯常心廣大心也。謂能教者。應常教化一切衆生。建立三寶。而亦常自修福修慧也。建立等下。正明勸修福慧之事。建立僧房。山林園田。二句。卽是興隆僧寶。以修福也。立作佛塔者。卽興隆佛寶。以修福也。冬夏坐禪。至

皆應立之者。即興隆法寶以修福也。天台疏中修福總有七事。一建僧坊以爲衆僧棲息修道處。故二治山林便衆經行。以足材薪。故三治園圃。以種植果蔬供佛僧。故四治田地。以播穀地。以種粟而備久遠資糧。使得僧衆安心以辦道。故五建佛塔莊佛相好。嚴淨國界。遠近瞻仰。增福慧。故六治安居坐禪處。所以爲息定有所歸止。易得定。故七治一切所行道處。皆應立者。如行進提呪者。應爲立華提堂。乃至觀音勢至文殊普賢藥師彌陀等行。隨一切行人所行一切行門。皆應爲立一切處。所令彼道人處處得以安隱而行道。故上爲修福。若乃非理募化。自附營修。以公濟私。誤因昧果。所謂天堂未就。地獄先成。如是修福不如避罪。若果員爲興隆三寶。因果分明。纖毫無差。復能無我人相了。遂三輪體空。如是修福是爲眞行善。薩道者。上修福德。以滿自他。置波羅蜜。下修慧德。以圓自他。般若波羅蜜。故其慧有聲聞慧。有菩薩慧。菩薩智慧應爲一切衆生講說大乘經律。以大乘

經律者。乃有滅惡生善之功。除罪獲福之益。是故令修大乘之智慧也。若疾病下。正明令修菩薩智慧之德相也。若疾病時。應講此經律也。以得除滅一切諸苦。令安樂。故若國有難。而講此經律者。以得滅除刀兵饑饉。令諸國土得豐泰。故若遇賊難。而講此經律者。以得解脫一切劫殺。得無擾。故若父母兄弟和尙阿闍黎亡滅之日。及三七日。四五七日。乃至七七。日亦應講此大乘經律者。以得解脫一切幽冥之苦。得見佛聞妙法。故若是一切齋會求福。亦應誦此經律者。以得圓滿一切衆生所有心願。令成就。故行來治生。誦此經律者。以具足一切如意法財。周濟世間無乏少。故若爲大火所燒。而誦此經律者。以能使解脫一切熱惱。令清涼。故若爲大水所漂。而誦此經律者。以能令超脫一切愛河。到彼岸。故若遇黑風所吹船。而誦此經律者。以得解脫一切無明穩駕法船。度衆生。故若遇江河大海難利之難。而誦此經律者。以能令害心頓歇。鬼氣潛消。俱解脫。故不但此也。乃至一

切罪報三惡八難七逆。極加鎖繫縛其身。若講此經律者。謂此經律爲大救善。俱令身心速解脫。故多淫多眠多惡。癡多疾病如是等報。皆應講此經律者。謂此經律具足一切戒定慧樂。能滅一切貪瞋癡。若能除身心病患。令證五分法身。故也。如是若依修福修慧。方名自利利他。而諸新學菩薩。若不如是修福慧者。犯輕垢罪。

如是九戒應當學。敬心奉持。梵壇品當說。

如是一句總結。前九戒也。應當一句。結勸自利。應當學也。敬心一句。結勸奉持。當流通也。梵壇一句。乃引大部別品。廣明其義。顯此處所說者。尙爲略也。

○第四十揀擇授戒戒

佛言。佛子。與人授戒時。不得揀擇一切國王王子大臣百官比丘比丘尼信男信女。姪男姪女。十八梵天六欲天子。無根二根黃門奴婢。一切鬼神。盡得受戒。應於身所著袈裟。皆使壞色。與道相應。皆染使青黃亦黑紫色。一切染衣。乃至臥具。盡以壞色。身所著衣。

一切染色。若一切國土中國人所著衣服。比丘皆應與其俗服有異。若欲受戒時。應問言。現身不作七逆罪耶。菩薩法師不得與七逆人現身受戒。七逆者。出佛身血。殺父殺母。殺和尚殺阿闍黎。破羯磨轉法輪僧。殺聖人。若具七逆。即現身不得戒。餘一切人盡得受戒。出家人法不向國王禮拜。不向父母禮拜。六親不敬。鬼神不禮。但解法師語。有百千里來求法者。而菩薩法師以惡心瞋心。而不卽與授一切衆生戒者。犯輕垢罪。

此釋揀擇授戒戒也。謂佛戒法平等。一切皆應得受。若分貴賤高下。應受不授。不應受而授者。先已得罪。豈可爲師授戒之也。佛言。佛子者。呼名而告。既爲佛子。必當上弘下化。爲授戒師。凡與人授戒時。應當平等。施與不得揀擇。也不揀有。二授戒法。不揀二授衣法。不揀先明不揀授戒。無論一切國王王子大臣百官比丘比丘尼信男信女姪男姪女。十八梵天六欲天子。無根二根黃門奴婢。一切鬼神。盡得受戒。不應揀也。何以故。謂但凡有心。

者皆當作佛豈不盡得受戒是故不應擇也。應教身下次明授衣亦不揀也。言應教身所著袈裟等者上與授戒是令心體如法。此與授衣乃令身相亦如法也。謂但受戒者若心體如法。凡身相不如法者不能令人深起敬信。若身相如法。心體不清淨者。諸天神明未必歡喜。必也內具戒心。外具法服表裏如一。卽獲天龍恭敬。戒神護持。所以凡授衣者亦不揀也。袈裟解前言皆使壞色者。謂離外染心。故與道相應者。謂於內受道法。正相應故。皆染使下申明壞色也。謂皆一一染之。而似青黃赤黑紫色故也。彌沙塞云。思入玄妙。究暢幽密。應著青色。摩訶僧祇律云。勤學衆經。宜說具義。應著黃色。曇無德云。通達理味。開導利益。應著赤色。薩婆多云。博通敏達。導以法化。應著黑色。迦葉遮云。精勤勇猛。快攝衆生。應著木蘭色也。此五部中皆用五種壞色。非正五色。言應著木蘭者。如木蘭葉之背似紫而非紫。故又律部中所言青色之下有非青等二字。可證五色非正色。一切染衣等者。

謂不但袈裟者。皆以染壞。但凡一切染衣。乃至臥具。盡皆以壞色也。已上二種。應不揀。竟向下應揀。亦有二法。先明衣中有壞。謂凡比丘身所著衣。一切皆以染色。雖云不揀。平等與之內。有不當同者。應別之也。何者。如若一切國土之中。國人所著衣服。爲比丘者。皆當與其俗服有異。故不同耳。次明戒中有壞。謂若欲受戒時。戒師應于求受戒者。問言。汝今現身不作七逆罪。耶。問定有無。無則應與授戒。有則不應與授。何故。謂七逆罪障深重。故是以菩薩法師不得與七逆人現身授戒。何名七逆。一出佛身。血二殺父。三殺母。四殺和尚。五殺阿闍梨。六破羯磨轉法輪。七殺聖人。若具此七逆者。卽現身不得戒。所以應揀。除一切人盡得受戒。所以不得揀也。出家人法等者。此明僧俗受戒禮義之不同也。優婆塞戒經云。若優婆塞優婆夷等。欲受三皈五戒之法。必先稟禮君親。眷屬家廟。祖先。然後方可求受戒法。若出家人受戒之法。不同優婆塞等受戒之法。謂始出家之時。先曾禮禮君親。

過已故出家後以道自重不務世禮所以不向國王禮拜不向父母禮拜六親不敬離愛念故鬼神不禮離諂媚故如是一切放下但只解得法師說戒之語便得受菩薩戒故也有百里下正明惡心揀擇之義上云但能解法師語盡得與他授戒設若百里千里以至誠心而來法師座前求授戒者而爲菩薩法師即當以慈悲心平等與之授戒是名菩薩設若反以惡心嫉妬瞋心惱恨而不禮與授一切衆生戒者犯輕垢罪

○第四十一爲利作師戒

若佛子教化人起信心時菩薩與他人作教誡法師者見欲受戒人應教誡二師和尚阿闍黎二師應問言汝有七遮罪否若現身有七遮罪者師不應與授戒若無七遮者得與授戒若有犯十重戒者教懺悔在佛菩薩形像前日夜六時誦十重四十八輕戒若到禮三世千佛得見好相者若一七二三七日乃至一年要見好相好相者佛來摩頂見光華種種異相便得滅罪若無好相雖懺無益是人現身亦不得

戒而得增長受戒益若犯四十八輕戒者對首懺悔罪便得滅不同七遮而教誡師於是法中一一好解若不解大乘經律若輕若重是非之相不解第一義諦習種性長養性種性不可壞性道種性正覺此其中多少觀行出入十禪支一切行法一一不得性法中意而菩薩爲利養爲名聞故惡求多求貪利弟子而詐現解一切經律爲供養故是自欺詐亦欺詐他人故與人授戒者犯輕垢罪

此釋爲利作師戒也此戒承前所云不犯七逆罪者盡與受戒如受戒後設有犯戒其爲師者云何教令懺悔設於懺悔之法不解而爲利作師者得何等罪故戒之也若佛子下舉能教顯所教有根性義菩薩與他人下明教誡師不得自專以授戒時必同二師授也二師應問言下審明無遮難者方堪與授戒也若有犯下明受戒後懺悔之法若不解下明不解者不堪爲師而菩薩下明無解作師之罪也教化人起信心時者謂此菩薩若爲人作教誡法師教人發起大乘信心授戒之時不得

專目一已爲人授戒應教受戒之人請和尚闍黎
二師二師應問受戒者言汝有七遮罪否否者問
定有無之詞若現身有七遮罪者師不應與授戒
若無七遮者得與授戒是故二師應先審問遮難
遮難若無方許授戒若有犯下此是世尊大慈大
悲之心爲後末世一種癡迷衆生恐遇逆順境緣
不能排遣犯此十重戒者開此一種懺悔法門方
便濟拔若不勤求懺悔必陷三塗永無出期是故
若有犯此十重戒者應教急急懺悔其懺悔法應
教在佛菩薩形像前日夜六時以至誠心誦此十
重四十八輕戒相知所犯戒深生慚愧觀罪性空
慙懺悔過苦到稱禮三世千佛言苦到者如苦到
來時節如救頭然之急相也是故禮拜稱揚過去
未來現在三千諸佛萬德洪名如是禮拜哀求得
見好相罪便得滅若無好相立一七日二三日
乃至一年必竟要見好相言好相者或坐禪中或
禮拜中或睡臥中或經行中或見佛來摩頂或見
光見華見種種異相以此證知便得滅罪許可復

戒若無此好相罪不得滅如悔心未切雖懺無益
是人現身亦不能得復戒但得增長未來受戒益
耳犯十重罪必要好相若犯四十八輕戒者對首
懺悔罪便得滅准地持經第四卷方便處品羯磨
文云菩薩一切所犯突吉羅懺當向大小乘人有
力解語能受懺者如法懺悔如比丘犯突吉羅罪
懺悔法說以其不同七遮十重戒故而教誡下正
爲作教誡師者勉之於是懺悔法中一一好解不
可忽略也言好解者乃善解也謂於大乘經律輕
重開遮是非之相一一明徹不得以輕作重以重
作輕應當懺者教令懺悔應復戒者即與復戒毋
得以是爲非以非爲是有悞人也若乃不解大乘
經律於中若輕若重是罪非罪之相不解第一義
諦實相之理不解習種性長養性性種性不可壞
性道種性正覺性於是三賢十聖法門其中多少
觀行出入乃至十禪支一切行法一一不得此法
中意是即不堪爲人師範應生慚愧也習種性等
已解上卷文中言其中多少觀行者如十住中空

觀多假觀少十行位中假觀多空觀少十向位中
中道觀多空假觀少十地菩薩位中自初地後至
六地前無相觀少有相觀多五地已後七地已前
有相觀少無相觀多至七地後純無相觀故云多
少觀行言出入者即三昧中出定人定之方便法
十禪支者解前即四禪中所修觀法一切行法結
上觀行法門一一不得此法中意總結上文而言
謂此大乘一切修斷觀行法門甚深微妙若是一
一不得此法中意自利尚難況利人乎如盲人引
路彼此俱有陷墜之患可不慎哉而菩薩為利養
等者謂自無所解但貪利名故而強為人師也矯
飾威儀廣陳因果取信愚夫於中獲利如斯求名
為利俱非是善故名惡求多求也貪利弟子等者
因師貪利名於前弟子亦效行之於後互相讚嘆
誑妄欺人本自不解一切經律而詐現能解一切
經律究其所以實為求供養故如是之人是名自
欺自詐亦欺詐他人是故與人作師授戒者犯輕
垢罪

○第四十二為惡人說戒戒

若佛子不得為利養故於未受菩薩戒者前若外道
惡人前說此千佛大戒邪見人前亦不得說除國王
餘一切不得說是惡人輩不受佛戒名為畜生生
不見二寶如木石無心名為外道邪見人輩木頭無
異而菩薩於是惡人前說七佛教戒者犯輕垢罪

此釋為惡人說戒戒也惡人有多種但不受菩薩
戒及不信教三寶毀謗戒者俱名惡人倘與彼前
稱說而反增彼毀謗罪過故戒之也言不得為利
養故者前云不解經律不得為利妄說是戒此言
能解法者即亦不得貪利而濫說也渴而與飲則
水之味甘暗而思明則燈之用大也是以未受大
戒人前及外道惡人前皆不得說此千佛大戒不
但未受大戒人前及外道惡人前不可說即邪見
人前亦不可說也邪見人者乃隨外道唱和易生
反復人也除國王者謂諸國王乃域中之主故如
來滅度之時以佛法付囑國王宰臣掌護傳令
三寶得以住世又大國王即人中天願人改過遷

善自不宜人長短。故凡所行佛事。不宜隱諱。況與
 誠。亦係焉。是故唯除國王。餘一切人不得說也。言
 無不得說者。是舉人輩貪瞋障心。姪殺覆護。而好
 宣人長短。過失。於是佛性戒中有耳。不聞有鼻。不
 鼻有舌。不髮有身。不觸有心。不知雖在人類。名為
 人中畜生。縱三寶在前。彼若罔見。以是生生不見
 三寶。且畜生中。尚有報障輕者。或時一聞佛言。即
 得解脫。如龍聽法。而即悟道。轉聞微法。而即生天。
 今人不受佛戒。尚不如畜生。平然而形。雖若人。實
 同木石。無心。況木石之為物。亦有感應。道交之時。
 生公說法。頑石點頭。今人不受佛戒。頑石之不若
 矣。如是之人。名為外道。名為邪見人。輩雖曰有情。
 實與木頭無異。木頭本無知覺。焉知有佛戒耶。所
 以不得向彼說也。而此菩薩若乃為利養。故於是
 惡人之前。說此七佛教誡法者。是為裨販之流。是
 故結過犯。輕垢罪。言七佛教誡。今舉七佛以該三
 千。謂此戒者。乃是三千諸佛共護。故不可毀說也。
 ○第四十三無慚受施戒

若佛子。信心出家。受佛正戒。故起心毀犯聖戒者。不
 得受一切檀越供養。亦不得國王。王。行不得飲。國
 王水。五千大鬼常遮其前。鬼言大賊入房舍。城邑宅
 中。鬼復常掃其腳跡。一切世人皆罵。言佛法中賊。一
 切衆生。眼不欲見。犯戒之人。畜生無異。木頭無異。若
 故毀正戒者。犯輕垢罪。

此釋無慚受施戒也。慚愧之水能滌罪垢。若無慚
 愧。則其罪垢日日深厚。以是帶罪受供。真可憐惡
 故戒之也。若佛子。下總明先後二心。初明先心。謂
 此佛子。初發信心出家。而受佛正戒者。是名好心。
 為道堪為福田。應當受供養。故下明後心。上言好
 心。受戒堪當受供。若乃故變所信之心。反起不信
 之心。而毀犯聖戒者。即失福田。不堪受供。問前云
 正戒後云聖戒。何也正。謂此戒離偏邪。故聖。謂此
 戒諸佛共證說。故故毀此戒。即不得受一切信心
 檀越供養。不但不得受供而已。即亦不得於國王
 地上行。不得飲國王水。所以者。何以是水土皆屬
 國王。惟有道行者。可以飲。屬無戒德者。於四事中。

俱爲無分。故佛藏云。佛言。我聽持戒比丘而受供養。破戒比丘。我則不聽受一飲水。又俱舍云。犯根本戒於大衆食及付住處。佛不許此。噉一段食。踐一脚跟之地。卽比義也。五千大鬼等者。謂持戒者。天龍八部諸戒神王。恒相衛護。毀戒之輩。五千大鬼常遮其前。善惡分感。理應然也。鬼言大賊者。世間劫盜於佛法中。尙有所畏敬。今此破戒之人。不敬佛法。不畏因果。凡受檀越所施。皆爲竊用。內無慚愧。外無怕怖。非賊之大者乎。如是之賊。凡入房舍城邑宅中。護戒鬼神。不惟呵罵大賊而已。復常掃其腳跡。何者。蓋以如來行處。皆有足輪。人天供養。增益福慧。今此破戒比丘。遊行腳跡。有穢清淨伽藍。是故鬼復常掃其腳跡也。一切世人皆罵言者。兼未發心。童稚之流。謂不但鬼神瞋責。卽一切世間人。見破戒者。咸皆罵言。此破戒比丘者。乃是佛法中賊。佛藏經云。破戒比丘。竊入我法。此人善衣食飯。皆是盜得。又佛所言。我滅度後。持戒比丘。能令佛法久住。破戒比丘。能令佛法速滅。是知破

戒者。乃佛法中賊也。又且瞞騙世人。罵言而已。凡若一切有眼衆生。皆不欲見。何故。謂是犯戒之人。乃非人類。與畜生無識者無異。與木頭無知者無異。故如是觀之。諸佛聖戒。不可毀犯。明矣。若故毀佛正戒。無慚受施者。犯輕垢罪。

○第四十四不供養經典戒

若佛子。常應一心受持。讀誦大乘經律。剝皮爲紙。刺血爲墨。以髓爲水。析骨爲筆。寫佛戒。木皮。毀紙。絹素。竹帛。亦應悉書。持常以七寶。無價香華。一切雜寶。爲箱。盛盛經律。卷若不如法供養者。犯輕垢罪。

此釋不供養經典戒也。承上言毀戒者。人鬼俱呵。持戒者。天龍悉護。如是皆緣受戒功德之力。是故應當供養流通戒法。不然。使佛慧命不復相續。卽爲背恩。又爲自棄。故戒之也。若佛子。下舉能信之心。所信之法。言常應一心者。卽是一念無間之心。向何法上用心。惟有受持讀誦大乘經律。甚深微妙法也。剝皮爲下。乃明尊重供養流通之義。流通佛法。法師有六種。一受持。二讀誦。三書寫。四禮拜。

五講演六供養。此中有五以供養中具禮拜也。又流通佛法。有事有理。以事雖多。不出二種。一捨身命。二捨財寶。捨身命者。卽制皮爲紙。刺血爲墨。以髓爲水。析骨爲筆。如是捨不堅固世間身命。書寫佛戒。流通常住。法寶智慧身命。二捨財寶者。有二。一捨輕財。卽以木皮。綴紙絹素。竹帛。亦應悉善持。故二捨重財。常以七寶。無價香花。一切雜寶爲箱。爲囊。盛經律卷。以捨此不堅固之世寶。財流通常住出世之法寶。財如是供養。是名佛子一心受持。行菩薩道。弘護三寶之功德也。若不如法供養。惜其世財。而捨法身慧命。財者犯輕垢罪。

○第四十五不化衆生戒

若佛子。常起大悲心。若入一切城邑舍宅。見一切衆生。應唱言。汝等衆生。盡應受三皈十戒。若見牛馬猪羊。一切畜生。應心念口言。汝是畜生。發菩提心。而菩薩入一切處。山林川野。皆使一切衆生。發菩提心。是菩薩若不教化衆生者。犯輕垢罪。

此釋不化衆生戒也。此戒緣前捨身命財流通戒。

法若不廣化衆生。受持佛戒。仍是法教之不善耳。故戒之也。若佛子。下標明行菩薩道。本因心也。常起大悲心者。菩薩以度盡衆生爲願。故見衆生在世。苦不能離。如切膚痛。故發拔苦之大悲心。所以恒常起也。若入一切等者。正明大悲心行所入之處。謂諸衆生。無盡世界。無盡故。菩薩大悲心。亦無有盡。是以凡入一切城邑舍宅之處。見諸衆生。應當唱言。汝等衆生。各各俱有佛戒之性。緣汝無始。至於今生。背覺合塵。而以五戒不持。入天路絕。今當覺知。前念起惡。捨此惡心。盡應受持三皈十戒。能止後念。令其不起。此之三皈十戒。乃是一切衆生所歸覺路。成佛之正因。心所謂衆生受佛戒。卽入諸佛位也。菩薩戒本經云。若人聞三寶名。則不墮三惡道。何況至心皈依三寶。又戒壇云。皈依佛者。永離地獄。皈依法者。永離餓鬼。皈依僧者。永離傍生。所以三寶爲大舟。航爲大慈父。能保衆生。不墮苦處。出生死之苦海。到菩提之覺岸者也。十戒卽菩薩十無盡波羅提木叉戒。非沙彌之十戒。若

見牛馬等者。推廣以明度生之普。上言入城見生。乃指人類而言。此下見生。即指畜類而言。設見牛馬豬羊一切畜生。云何教化。應當心中作念。口中發言。汝是畜生。亦具有知覺者。即是戒性本覺之心。因爾衆生迷此本覺真心。而爲無明之妄心也。只今返妄。便可皈真。是故教令發菩提始覺心。翻破無明之不覺心。永離畜生道苦。毋使再迷此心。可也。而菩薩入一切等者。言不但城邑舍宅人類。畜生二種衆生。當施教化。乃至一切所至山林川野。凡見一切禽獸衆生。亦皆如是。使發菩提心也。如是方便。如是教化。名爲菩薩大悲之心。若不如是教化諸衆生者。犯輕垢罪。

○第四十六說法不如法戒

若佛子。常行教化。起大悲心。入檀越貴人家。一切衆中。不得立爲白衣說法。應在白衣衆前高座上坐。法師比丘不得地立爲四衆白衣說法。若說法時。法師高座香華供養。四衆聽者下座。如孝順父母敬順師教。如事父婆羅門。其說法者。若不如法。說犯輕垢罪。

此釋說法不如法戒也。上文所云。若入城邑曠野。凡見一切衆生。皆普教化。使發菩提之心。然此不過一兩言句。以故隨便爲說。若爲人衆分析說法之時。又即不可輕褻而說。褻則得罪。故戒之也。若佛子。下標明菩薩本行心也。言常行教化者。謂諸菩薩行門。無量無非。以教化衆生爲事。又則所貴。惟在恒心。故言常行教化。所謂無間歇也。又起心度生者。有二。此所起者。即大悲心。此心乃即一切衆生離苦得樂之最勝心。故起此悲心也。入檀越下。正明所用悲心之處。檀越即好施之美稱。貴人家者。即是國王太子宰官爲人中尊。故云貴人家也。一切衆中。即該四衆八部等衆。不得立爲白衣說法。云何而說。應在白衣衆前高座上坐。而說此乃尊人以尊法也。是故法師比丘不得地立而爲四衆白衣說法。四衆即比丘等白衣。乃未受戒人等。若爲說法之時。爲法師者。理宜高座而坐。座前當以香華供養。以展請法至誠。法師乃可代佛應機而說法也。四衆聽者。各各其類。次第下坐。以受

法者當如是也。上明說法如法。下明聽法如法。如孝順父母等者。謂聽法者敬師如孝順父母。不敢少怠慢。故如是說者。聽者人已兩利。功德不可思議。其說法師若不如法。高座香花供養而為說者。犯輕垢罪。

○第四十七非法制限戒

若佛子。皆以信心受戒者。若國王太子百官四部弟子。自恃高貴。破滅佛法戒律。明作制法。制我四部弟子。不聽出家行道。亦復不聽造立形像。佛塔經律立統制。衆安籍記。僧菩薩比丘地立白衣高座。廣行非法。如兵奴事主。而菩薩應受一切人供養。而反爲官走使。非法非律。若國王百官。好心受佛戒者。莫作是破三寶之罪。而故作破法者。犯輕垢罪。

此釋非法制限戒也。上言必應高座上坐。如法爲說。惟恐聽受法者。自恃尊位。必不如法從聽。反起傲慢惡心。而作破法罪業。故戒之也。若佛子。下標明道俗尊卑。一切佛子。皆以信心受持佛戒。同立護法之心。爲佛四衆弟子。非局外之人也。若國王

下別開非法制限之人。四部弟子。乃即在家出家四衆。問其中亦有無位。云何能破法耶。謂假他人威勢。亦作破法事耳。故統論之。自恃高貴。破滅佛法戒律者。有三義。或者身雖受戒。高心未除。見僧高座上坐。輒生我慢。故起破法之心。或見師友說過舉罪。不肯降心受誨。而欲掩恥。故起破法之心。或初本是信心。身在法中。後來見有壞法。不肯之流。遂於三寶不生信敬。故起破法之心。故云自恃高貴。破滅佛法戒律。明作制等四句。申明破法之事。明謂彰明作謂作用。制謂制限。法謂法度。以此法度曉諭該管制我四部弟子。云何而制。不聽出家行道。言不聽出家者。不許新增。即破僧寶。亦復不聽造立形像。佛塔者。即破佛寶。不聽貫下。不聽造印經律。即破法寶。如是皆明破滅三寶之事。故云明作制法等也。立統制衆二句。申明制限之事。既已不許新增出家於舊出家僧人。又乃別立統屬。禁止於衆。安其簿籍。記僧名字。以令照世。應役與民。無異。改云立統制。安籍記僧也。制限如此。

尙何敬重三寶之有哉。寶積第四卷云。爲子出家。父母障止。卽其父母乃感七世貧婆之報。況壞佛法之報。應乎菩薩等下申明非法之法。謂此菩薩比丘。乃修道人。是爲僧寶。如來佛法流通於世。衆生慧命不致斷絕。全賴是人。宜當尊重。敬以高座。而反令之地立白衣。未受戒人求解脫。道敬事三寶。當宜地立。而反高座。廣行非法。使諸菩薩比丘。如兵奴之事。主而菩薩下。勸明不可破。義然而爲菩薩者。應受一切天人供養。乃名福田之身。而反爲官家之走使。如此非法。而制非律。而限豈是靈山什彌而來者哉。亦非初以信心受佛戒者之所爲也。若國王百官等。既是初心。好心受佛戒者。原爲求出離道。卽當體佛深慈。莫以高貴。自作是破滅三寶之罪。又藏經云。國王長者。從體事三寶中來。豈可昧其來。因而不爲善。反爲惡乎。是乃自失將來福慧之因。反招惡業之果。若故作破法者。犯輕垢罪。

○第四十八破法戒

若佛子。以好心出家。而爲名聞利養。於國王百官前。說佛戒者。橫與比丘比丘尼。菩薩戒弟子。作繫縛事。如獄因法。兵奴之法。如獅子口中。自食獅子肉。非餘外蟲。如是佛子。自破佛法。非外道天魔能破。若受佛戒者。應護佛戒。如念一子。如事父母。不可毀破。而菩薩聞外道惡人。以惡言謗佛戒之聲。如三百鉞刺心。千刀萬杖。打拍其身。等無有異。寧自入地獄。經於百劫。而不聞一惡言。破佛戒之聲。況自破佛戒。教人破法。因緣亦無孝順之心。若故作作者。犯輕垢罪。

此釋破法戒也。上爲在家菩薩破佛法戒。此乃出家菩薩自破法戒。以破法罪不善。故戒之也。若佛子。下標明出家之因心也。以好心出家者。謂出家之因緣有多種不同。或因恐怖。或因逼迫。或因氣惱。或爲名聞。或爲利養。或爲生死。言好心者。正明爲生死發心出家者也。而爲名下。此明道心之不同也。謂始發心出家。原爲生死後來。或與貪名好利者。同事漸相染習。故亦轉成爲名爲利人也。則本所云。不以好心出家。亦可何也。爲名聞利養故。

也。佛藏經云：佛告舍利弗，昔迦葉佛預記我言：釋迦牟尼佛法中，多受供養，故法當疾滅。舍利弗，我法實以多受供養，故法當疾滅。是故貪名好利而出家者，俱非好心，而反破滅佛法，故耳。於國王下，此申明爲名利之事，言爲名利故者，揀非爲求護法故也。是言爲成名利，若乃不與國王太子百官交友，則名不弘，其利不大，故與國王太子百官交友，便於彼前說佛戒者，其義有三：一者尊貴之人，案所崇敬，故在彼前而說佛戒，令彼信受，增長善根，得以護法。注念三寶，故二者尊貴之人，威力自在，仗彼威力，壓已同行，橫與比丘比丘尼及菩薩戒弟子作繫縛事，如獄囚法，令不出離，如兵奴法，使聽其命，以辱同類，故三者因自不能守戒，見持戒者反加毀謗，故於尊貴人前說佛戒者，所言佛戒乃本無持無犯，以持犯者但束身耳，是橫與比丘比丘尼及菩薩戒弟子作繫縛事，安居等事，即如獄囚之法，以是自縛自縛，不得解脫，事上應等，亦似兵奴之法，自拘自束，不敢放逸，以是謗言使

彼隨而和之，以令佛戒不致流通，衆生慧命不致相續。已上三名前之一法，是好心出家者後之二法，是乃不以好心出家，此之三解，隨人識取，如獅子下引喻，以明破法之相，如是破佛戒者，即如獅子身中之蟲，自食獅子之肉，非餘外蟲能也。獅子乃獸中王，何蟲敢近食獅子肉，惟是獅子自身中蟲方能食獅子肉，非餘外蟲敢食也。如是等者，合上之喻，言如是佛子者，乃法內相關人，應護佛法，今反自破佛法，非是外道天魔不相關切之人，而能破之，豈非自殘自毀者哉。故云如是佛子，自破佛法也。若以初來好心受戒論之，凡受佛大戒者，應護佛戒，如念一子佛戒，即汝當身一件要緊大事，譬如一子若失，則終身無倚，戒法若破，佛果三身終無所獲，是故保戒護戒，如念一子。又若護佛戒者，當如奉事父母，佛爲慈父，而受戒諸佛子同氣連枝，念其共受之戒，爲此身所從出之父母也。所謂諸佛阿耨多羅三藐三菩提法，皆從此經出，也是乃尊親之至，愛情之深，不可毀破，細而推之。

而菩薩聞外道惡人以惡言誘佛戒之聲如三百
鮮刺心痛不可忍亦如千萬杖打拍其身痛難
可受聞誘之痛與傷身心之痛等無有異又非止
此一生而已寧當自入地獄經於百劫千劫長遠
之時受如是苦不以爲患而不忍聞一惡人言破
佛戒之聲也夫聽他人之誘譬尚不忍聞如此況
自家破佛戒而又忍心教有勢力之人廣作破法
罪業因緣反橫加刑於諸佛子者乎夫此全不念
同條共本之源毫無一念孝順之心是以佛子滅
佛子者豈是實爲生死好心出家而來受佛戒者
之所爲耶若故作破法者犯輕垢罪
如是九戒應當學敬心奉持

如是二字總結上九戒法應當一句以勸修學敬
心一句以勸奉持此戒勿忘失也以上五番總結
乃隨別釋小科而結之也向下總結四十八輕收
上五番總勸修學而奉持也

○二總結戒相

諸佛子是四十八輕戒汝等受持過去諸菩薩已誦

未來諸菩薩當誦現在諸菩薩今誦

諸佛子一句結告其人是四十八一句舉法勸受
持也過去下等數句引同行者以勸誦也誦四十
八輕戒非我獨勸汝等新學持誦乃是過去諸菩
薩已誦未來諸菩薩當誦則汝等現在諸菩薩今
誦已上正宗分文義竟

○三明流通分三初流通本戒 二總結本品

三總讀流通

○初流通本戒

諸佛子聽十重四十八輕戒三世諸佛已誦當誦今
誦我今亦是誦汝等一切大眾若國王王子百官
比丘比丘尼信男信女受持菩薩戒者應受持讀誦
解說書寫佛性常住戒卷流通三世一切衆生變化
不絕得見千佛佛授手世世不墮惡道八難常生
人道天中我今在此樹下略開七佛法戒汝等大眾
當一心學波羅提木叉歡喜奉行如無相天王品勸
學中一一廣明三千學士時坐聽者聞佛自誦心心
頂戴喜躍受持

此乃釋結流通本戒也。諸佛子下。誠聽本受戒法。三世諸下。引證以勸誦也。言諸佛子。汝等聽我所說。十重四十八輕戒法。實三世諸佛相傳而誦。過去諸佛已誦。未來諸佛當誦。現在諸佛今誦。我今亦隨諸佛如是而誦。是故汝等一切大眾。若國王王子之仁君。文武百官之良臣。此皆居塵不染。尊重佛法之佛弟子。比丘比丘尼。乃是出家受法弟子。信男信女。乃即在家淨信弟子。既皆受持菩薩戒者。悉應受持讀誦解說書寫。此本佛性常性戒。等流通三世一切衆生。展轉流布。化化不絕。爲急務也。得見千佛等者。正明流通戒法之益。所言展轉流布。化化不絕者。是何利益。蓋謂得見千佛。佛授受以佛佛授受。故乃得生生世世不墮惡道。八難苦處。此上滅罪之益。向下獲福之益。問既不墮諸難處。當生何處。答當生在人道天中。乘願力而修道也。我今等者。此下舉法結勸誦。我釋迦如來。今在此道樹下。示現成道。示轉法輪。初結波羅提木叉。十重四十八輕戒者。乃是略開過去七佛

所說一切衆生修因證果心地法戒。汝等大衆。應當一心學此十重波羅提木叉戒。以是勸汝歡喜奉行。勿自怠耳。此是略言。如大部內之無相天王品。勸學文中。則一一廣明也。三千學士。即在會諸菩薩。總該天龍八部。道俗貴賤而言。時坐聽者。聞佛自誦十重四十八輕戒法。悉皆心心頂戴。其言喜躍受持。不敢忘失佛性種子也。

○二總結本品

爾時釋迦牟尼佛說上蓮華藏世界。虛舍那佛心地法門品中。十無盡戒法品。竟千百億釋迦。亦如是說。從摩醯首羅天王宮。至此道樹下。住處說法品。爲一切菩薩。不可說大衆受持讀誦解說其義。亦如是千百億世界。蓮華藏世界。微塵世界。一切佛心藏地。藏戒。無量行願藏。因果佛性常住藏。如是一切佛說。無量一切法藏。竟千百億世界中。一切衆生受持歡喜奉行。若廣開心地。相相如佛。華光王七行品中說。

此總結顯。佛多佛本佛迹佛所說心地戒法以

勸流通大路之義。爾時釋迦至法品竟一節。乃結此界一佛所說法也。言爾時者。即上勸付大眾聽受心地戒法之好時也。釋迦牟尼佛者。乃我婆娑教主化身如來說上蓮華臺。說世界虛空那佛所傳心地法門品中十無盡戒法品如是行布圓融。一一事理已說究竟。而千百億釋迦亦悉如此。娑婆教主所說不異。皆從摩訶首羅天王宮中至此。若提樹下及諸住處所說法品亦無有異。而爲一切菩薩不可說之大衆。如是大衆各各受持讀誦書寫解說其義。亦如娑婆大衆受持不二。不但此也。如千百億世界中佛乃至微塵世界中佛。是一切世界內本佛迹佛及迹迹佛此之一切諸佛所說之三十心心藏十地地藏十重四十八輕光明金剛寶戒戒藏三賢十聖所起無量一切妙行。行藏所發無量無邊百千大願願藏百劫修行勝因。因藏成等正覺佛果藏一切衆生本覺佛性之常住藏如是心地戒行願因果七種爲別佛性一種是總常住二字即是讀詞讀此佛性。雖隨緣立

名而性無遷改。如在心言名爲不生不滅清淨本心。在地名爲眞如平等理地。在戒名爲光明金剛寶戒。在行名爲普賢獨行在願名爲諸大願王。在因名爲本源自性深因。在果名爲究竟無上菩提涅槃妙果。故言佛性常住俱言藏者。謂此八種廣博包含圓融攝攝具足一切無有窮盡。如是上言一切諸佛所說此心地等無量一切法藏究竟而千百億世界之中一切衆生受持歡喜一一奉行亦如此界衆生等無有異。如是本佛迹佛迹迹之佛說法度生大路如此。若乃廣開心地相相之義。則又在大部之中如佛華光王七行品中詳其所說重言相相依一心地相廣闊無量相也。

○三總流通通三初讀持戒益 二勸觀戒體 三勸護回向

○初讀持戒益

明人忍慧強能持如是法未成佛道間安獲五種利

一者十方佛慈念常守護二者命終時正見心歡喜

三者生生處處爲諸善隣友四者功德聚戒度悉成就

五者今後世性戒福應滿此是諸佛子智者善思量

此乃讚獎持戒利益之義言明人者乃即超越愚夫之類者也。忍慧二字即顯明人能護持戒之體用也。謂此明人能具忍慧二強之德以有忍強力故則不被物轉也有忍強力故則能轉於物也如是之人能持心地戒法此人決定當來成佛無疑且未成佛道間先已安然自獲五種殊勝利益何名五益一者佛護益謂持戒人現前即感十方諸佛俯加慰念常為守護使其進道無魔得以紹隆佛種故二者善終益此人雖持佛戒臨命終時乃得正見心生歡喜遠離顛倒夢想無惡境現前故三者好侶益此人生生世世在在處處同行同住為諸菩薩道友以無惡黨混同故四者德備益此人無量功德品聚總持十重四十八輕光明金剛戒度悉能成就無一法不足故五者道成益此人從今向後自性戒體福慧圓滿得名稱兩足尊故前四種益是因後一種益是果此五種利是持戒諸佛子所得明智之人當於此實相心地戒法思

量體會而修行也

○二勸觀戒體

計我著相者不能信是法戒壽取證者亦非下種處欲長菩提苗光明照世間應當淨觀察諸法真實相不生亦不滅不常復不斷不一亦不異不來亦不去如是一心中方便勤莊嚴菩薩所應作應當次第學於學於無學勿生分別想是名第一道亦名摩訶衍一切戲論惡悉從是處滅諸佛薩婆若悉由是處出此乃觀察實相戒體之義承上既是智者當於此戒體性善為思量勿使錯亂而修所以者何若計我之外道著相之凡夫如是等人俱為根塵所縛不能信是無受而受無持而持清淨之戒法也何故以著我取相者不能善思量故不但凡外不能縱使就空守寂滅壽取證聲聞二乘之人亦非是下菩提種處所謂焦芽敗種之流也然佛戒平等豈偏絕彼奈彼等人不善思量故皆無分設凡夫外道欲長此菩提心苗使智慧光明能照察世間者應當於此心地戒中發起無礙清淨之慧靜觀

靜察諸法之中真而無妄實相之理。即本吾人圓滿清淨戒體。此法不屬緣生。亦復不屬緣滅。以是一切諸法緣會而生。此之真而無妄實相戒體。本來無動。一切諸法緣盡而滅。此之真而無妄實相戒體。本來無倒。故云不生亦不滅。不同凡夫之生滅也。此戒體性。不但不屬凡夫生滅。亦即不屬外道斷常。以本剎那無住而不屬常。萬古恒如而不屬斷。故云不常復不斷也。又不但不屬凡夫生滅外道斷常等法。即二乘修證等法。總不相關。所謂類殊難合。而本不一。同體難分。而本不異。迎之莫知所至。而本不來。追之莫知所從。而本不去。故云不一亦不異。不來亦不去也。如是之法。既不屬生滅斷常。一異去來。是何法耶。惟在此一心。中當方便勤莊嚴一心。即毗盧法界寂滅心。所謂寂滅者。名為一心。以先悟此心。為本因地。復依此心而起方便道。勤修種種行門。以此莊嚴無上菩提。如是慧解如是妙行。實非凡外小乘思量所能作者。乃是發大乘心。受大乘戒之諸菩薩所應作也。雖然

名大非是一口說了。就是必須次第如法善學。始得相應。云何次第學也。即於研真斷惑之有學處。真窮惑盡之無學處。於此勿生分別。有無想相。以不生分別處。是名不落二乘之第一道。亦名摩訶衍之大乘法也。第一道即上一心摩訶衍。即上方便所以修如是道。則此凡外小乘一切戲論惡法。悉從是大道處而滅盡。無餘諸佛智慧神通三昧。薩婆若之妙果。悉歸是處。而得顯出。無少欠也。此之不可思議心地戒法。豈非善思觀察而能獲滅罪生善之益哉。

○三勸護回向

是故諸佛子。宜發大勇猛。於諸佛淨戒護持。如明珠過去諸菩薩。已於是中學。未來者當學。現在者今學。此是佛行處。聖主所稱歎。我已隨順說。願德無量。聚回以施衆生。共向一切智願聞。是法者。疾得成佛。道所謂一切惡從此滅。一切善從此生。實非小根小莖一朝一夕可能到者。是故受戒諸佛子。當發大勇猛心。於諸佛淨戒。必護持如明珠。不令一毫損

染方是佛子持心地中光明金剛寶戒也過去下引證結勸回向流通之義謂我勸汝等於此戒法勇猛護持者非無證據也此大戒經乃過去諸菩薩既證果者已於是中學而未來證果者當於是中學此現在證果者今於是中學實三世諸佛本因地中所經行處亦即我本師聖主舍那常所稱揚而讚歎也我亦下舉自證以勸謂我釋迦如來已隨諸佛所說稱揚讚歎況汝等新學倍當勇猛護持也回以下四句總結說心地戒本意蓋我與諸佛如是所說心地戒中廣大無量無邊福德之衆爲隨順實相因此以施衆生俾各各皆以此戒爲因地心不同凡夫不類二乘共向一切諸佛種智又願凡聞是心地戒法者不待來世方證無上菩提當下疾得圓成佛果也上云衆生受佛戒即入諸佛位豈虛言哉則所現千釋迦千百億釋迦光光所化無量無邊微塵釋迦於此會歸自心舍那之本佛千世界千百億世界微塵世界於此會歸自體華藏之本境所說或重或輕無量無邊戒

法於此會歸自性尸羅之法門所度若僧若俗若實若賤無量無邊一切衆生於此會歸自性有情之衆生如是心地妙戒甚深法門不可思議不可思議普賢法界一切有情世生生同發金剛不壞之心常隨諸佛修學共證無上菩提妙果可也直解義唯備自觀若大智者應閱雲樓大師戒疏發隱

千華本師大和尚專精弘律鼎重法門手著

梵網直解久布海內甲申冬日於會稽戒壇更殫精思重加刪潤命顯較正兼董劄闕永爲定本乙酉秋仲刻成謹誌歲月於後

冀東大戒弟子願雲戒顯拜題

佛說梵網經直解卷下之二終

附直解事義

上卷之一

翻譯者謂翻梵天之語成華夏之言譯者易也周禮設四官以達四方之事東曰寄南曰象西曰狄肆北曰譯今翻西語而云譯者以經傳漢世譯官多事北方兼善西語故易梵言曰譯

五住

五住者謂即五住地煩惱也三界見惑爲一住即見一切住地三界思惑分爲三住即欲愛住地色愛住地有愛住地也根本無明爲一住即無明住地由此五惑能令衆生住著生死故名住地也△見一切住地者乃三界分別見惑由意識對法塵分別起諸邪見住著三界故△欲愛住地者乃欲界思惑由意識對內我境起貪愛心而於欲界住著生死故△色愛住地者乃色界思惑以諸衆生不了此惑住著色界禪定不能出離故△有愛住地者乃無色界思惑以

不了此惑住于禪定不能出離故△無明住地者乃根本無明惑謂諸聲聞緣覺未了此惑沈滯眞空住於方便土中大乘菩薩方能除斷由餘惑未盡住實報土故名無明住地也

二死

二死者一分段生死即分段即形段謂六道衆生隨其業力所感果報身命則有長有短命則有壽有天而皆流轉生死也△二變易生死謂諸聲聞緣覺菩薩雖離三界內分段生死而有方便等土變易生死如初住爲因後住爲果又後住爲因後後住爲果以其因移果易故名變易生死也

海有十德

海有十德者海以深廣爲名謂佛智海深廣無涯以喻十地△初入佛智海十德之相皆以十德表之△一次第深淺△二不受死屍行△三餘水入中皆失本名△四普同一味德△五無量珍寶悉融其中德△六無能至底德△七廣大深德△八大身所居德△九潮不過限德△十普受大雨即石盈溢德

六十二見

六十二見者。謂於五蘊法上起執。我見如執色大我。小我在色中。色小我大。色在我中。離色是我。即色是我。如執色蘊有四。我見受想行識各有如是四。我見五四成二十見。過去二十現在二十未來二十共六十加斷常二根本合六十二見。

三十六物

三十六物者。一髮二毛三爪四齒五眇六淚七涎八唾九屎十尿十一垢十二汗。已上爲外相。十三皮十四膚十五血十六肉十七筋十八脈十九骨二十髓二十一肪二十二膏二十三腦二十四膜。已上爲內相。二十五肝二十六膽二十七腸二十八胃二十九脾三十腎三十一心三十二肺三十三生藏三十四熟藏三十五赤痰三十六白痰。此上爲內舍。

五種不淨之身

五種不淨之身者。一生處不淨。是身爲臭穢。不從蓮花生。二種子不淨。是身種不淨。父母邪想有三。自性不淨。四大不淨。聚海水洗不潔。四自相不淨。常流出。

不淨如囊盛穢物。五究竟不淨。諦觀於此。身終必歸死處。

四滿成佛

四滿成佛者。一者信滿。成佛謂依種性地決定信於諸法不生不滅清淨平等無可願求。是爲信滿。成佛即文中求至心無生空一願之義。△二者解滿。成佛謂依解行地深解法性無造無作不起生死想不起涅槃想。心無所怖亦無所欣。是爲解滿。成佛即文中觀觀入定照無量見。縛等義。△三者行滿。成佛謂依究竟菩薩地能除一切無明諸障。善提行願皆悉具足。是爲行滿。成佛即文中行滿願故。△四者證滿。成佛謂依淨心地得無分別寂靜法智及不思議勝妙功德。是爲證滿。成佛即文中佛果便成。觀一諦中道之義。於四滿中單舉解。是願體性者。此種性位是信成就發心起行修行故。云解。是爲願體性。爲一切行本源也。

五利使

五利使者。即身邊邪見見取戒禁取也。利即快利之。

義謂此五種妄惑動念卽生造次恒有故使卽驅使之義謂諸衆生於此五種妄惑驅役心神流轉三界無有出期二義合言故名五利使也△一身見謂諸衆生於名色五陰十二入十八界中妄計爲身故△二邊見謂卽於前身見或執爲斷或執爲常各執一邊故△三邪見謂諸衆生邪心取理撥無因果斷滅一切善根故△四見取謂諸衆生於非眞勝法中謬計涅槃生心取著於邪見中執爲正見故△五戒禁取謂諸外道於非戒中謬計爲戒如雞狗等邪戒以爲眞戒取以進行故

五鈍使

五鈍使者卽貪瞋癡慢疑也鈍卽遲鈍使卽役使謂此五種妄惑由推前身見等五種利使而生對利說鈍故名鈍使也△一貪使者謂貪著世間色欲財寶恣縱心情引取而無厭足故△二瞋使者謂衆生於違情境上起諸瞋恚忿怒惱亂自他故△三癡使者謂諸衆生迷心緣境於一切法不能明了故△四慢使者謂諸衆生自恃種姓富貴有德有才輕蔑於他

故△五疑使者謂諸衆生迷心乖理於計法猶豫不決不能通達故由此五惑之所驅役流轉三界故名使也

百三昧

百三昧者大智度論具明百八三昧並言百者略舉大數也△首楞嚴三昧於諸三昧行相悉能分別了知究竟一切魔惱不能破壞故△寶印三昧於一切三昧悉能印證然諸寶中法寶爲最故△師子戲三昧於諸三昧出入自在如師子戲能制羣獸故△妙月三昧能除無明黑暗諸法邪見故△月幢相三昧如大將以寶幢作月之像見者悉皆順從故△出諸法三昧能令一切三昧出生增長故△觀頂三昧入是三昧徧見諸三昧故△聖法性三昧決定知諸法性而得定相故△畢幢相三昧決定持諸三昧法幢最爲尊勝故△金剛三昧智慧堅固能破諸三昧故△入法印三昧持此法印能入諸法實相故△三昧王安立三昧於諸三昧中安住自在故△放光三昧能放種種光明照諸三昧故△力沮三昧於諸三昧

得自在力。變現度生故。△高出三昧。諸三昧性。從心而出。福德智慧。悉增長故。△必入辯才三昧。能辯說一切三昧。知衆生語言。經論等。分別無礙故。△釋名字三昧。能解諸法三昧名義故。△觀方三昧。以平等心。觀十方衆生。皆得度脫故。△陀羅尼印三昧。持諸三昧。印分別諸三昧。皆有陀羅尼故。△無誑三昧。不生愛恚。無明邪見。於諸三昧。都無迷悶之事故。△攝諸法海三昧。能攝三乘諸法故。△徧覆虚空三昧。或放光明。或以音聲。徧無量虚空故。△金剛輪三昧。持三昧。輸入一切法所至無礙故。△實斷三昧。持此法寶。能斷一切三時煩惱。諸垢故。△能照三昧。以智慧。明照了諸法故。△不求三昧。照諸法如幻。於三界愛欲。悉斷無求故。△無住三昧。照諸法念念無常。無有住相故。△無心三昧。心心數法。皆悉不行故。△淨燈三昧。離垢慧燈。清淨明發故。△無邊明三昧。以智慧。明普照無邊世界故。△能作明三昧。如燈入暗。無不明了故。△普照明三昧。如寶珠光。四邊普照故。△堅淨諸三昧。清淨堅牢。垢法無染故。△無垢明三昧。

離無明愛欲煩惱。諸垢。明照一切三昧故。△歡喜三昧。能生無量法。歡喜樂故。△電光三昧。於無始來所失之道。還復能得。如電光。覺現行者得路故。△無盡三昧。滅諸法無常等相。入不生滅。真實之理故。△威德三昧。有無量威德。自在莊嚴故。△離盡三昧。見諸三昧。無有窮盡。離一切斷滅之見故。△不動三昧。知諸法實相。寂然不動故。△不退三昧。住是三昧。不退轉故。△日燈三昧。能照種種法門。如日燈。破暗故。△月淨三昧。慧照圓明。如月除障故。△淨明三昧。明照諸法。無有障礙故。△能作明三昧。能與般若智慧相應。於諸三昧門。而作光明故。△作行三昧。能發起先所得諸三昧故。△知相三昧。見一切三昧。中有實智慧之相故。△如金剛三昧。能破煩惱結使。無有遺餘故。△心住三昧。能攝散心。不動轉故。△普明三昧。神通光明。普照諸法故。△安立三昧。於一切功德善法中。安立堅固不動故。△寶聚三昧。能轉一切國土。皆成七寶故。△妙法印三昧。得諸佛菩薩深妙功德智慧之法。印諸三昧故。△法等三昧。能照衆生諸法。悉皆

平等故△斷喜三昧厭離苦空無我不淨之相不起樂著之想故△到法頂三昧以般若方便之力而到於法山之頂故△能散三昧能於空慧相應而能破散諸法故△分別諸法句三昧能分別諸法語言文句爲衆生說詞無礙故△字等相三昧觀諸字諸語悉皆平等故△離字三昧謂不見字在義中亦不見字在字中故△斷緣三昧於苦樂三受遠離不著心滅緣斷故△不壞三昧了法畢竟空寂戲論不能破無常不能轉故△無種相三昧了法無相而不見諸法種種之相故△無處行三昧於三界火宅菩提涅槃畢竟空寂不依止故△離塵昧三昧於微細無明等悉皆除盡故△無去三昧不見一切諸法去來之相故△不變異三昧觀一切法不見有變異之相故△度緣三昧於六塵中諸煩惱緣悉皆度脫故△集諸功德三昧修集一切善根功德初中後夜無休息故△住無心三昧住諸法實相中但隨智慧不隨於心故△淨妙華三昧於諸三昧中開諸功德華自在莊嚴故△覺意三昧令諸三昧變成無漏與七覺相

應故△無量辯三昧以無量辯才樂說無礙故△無等等三昧觀一切法皆同佛法與無等等般若波羅蜜相應故△度諸法三昧能入三解脫門超出三界度三乘衆生故△分別諸法三昧能分別善不善有漏無漏有爲無爲等相故△散疑三昧除一切疑網得一切諸法實相故△無住處三昧不見諸法定有住處故△一莊嚴三昧能觀諸法皆以一相智慧莊嚴故△生行三昧觀種種行入住出相皆空不可見故△一行三昧與畢竟空相應更無餘行故△不一行三昧以此三昧兼行餘行故△妙行三昧不見諸三昧二相卽是畢竟空相應三昧故△達一切有底三昧以無漏智通達三有乃至非有想非無想之底悉皆令其散壞故△入名語三昧於一切諸法名字語言無不解了故△離音聲字語三昧觀一切法皆無音聲語言常寂滅相故△然炬三昧以智慧炬照一切法無錯無著故△淨相三昧謂能清淨具足莊嚴三十二相及觀諸法總相別相無無相故△破相三昧於諸三昧相無住無著故△一切種妙足三昧能

以諸功德種種莊嚴禪定智慧悉皆具足故△不喜苦樂三昧於世間苦樂諸境皆不喜樂故△無盡相三昧觀一切法不斷不常無壞無盡故△陀羅尼三昧住是三昧則能持諸三昧如聞持等諸陀羅尼皆自然而得故△攝諸邪正相三昧謂於正定邪定不定聚一切衆生都無所棄一心攝取而不見有邪正等相故△滅憎愛三昧於可喜不可喜法中不生愛瞋故△逆順三昧於諸法中逆順自在能破一切邪逆衆生能順一切可化衆生而又不著逆順之相故△淨光三昧於諸三昧光明清淨諸煩惱垢皆不可得故△堅固三昧以與諸法實相智慧相應皆悉堅固故△滿月淨光三昧清涼智光能滅三毒之火故△大莊嚴三昧以七寶香莊嚴恒沙佛國處故△能照一切世間三昧三世間一切諸法皆悉能照故△三昧等三昧觀諸三昧無有淺深與諸法相皆悉平等故△攝一切有靜無靜三昧於一切法不見是法如是不如是於衆生中亦無好醜靜論但隨心行而攝受度脫故△不樂一切住處三昧謂不樂住世間

以世間無常故不樂住非世間不善於空故△如住定三昧知卽有無不二之義謂知一切法如實相不見有法過此如者故△壞身衰三昧以智慧力分破壞身諸衰相故△壞語如虛空三昧不見諸三昧語業依聲而有故△離著虛空不染三昧菩薩修行般若波羅蜜觀諸法畢竟空不生不滅於此虛空三昧之相亦不染著故

百法明門

百法明門者具有百八今舉百者略而言也本行集經云佛寄兜率天作護明菩薩將欲下生時說此留與諸天以作憶念後下生也△百八者所謂正信法明門不破堅牢心故△淨心法明門謂無穢濁故△歡喜法明門謂安隱心故△愛樂法明門令心清淨故△身行正行法明門身三惡業清淨故△口行淨行法明門斷口四惡故△意行正行法明門斷貪等三毒故△念佛法明門觀佛清淨故△念法法明門觀法清淨故△念佛法明門得道堅牢故△念施法明門不望果報故△念戒法明門一切願具足故△

念天法明門修廣大心故△慈法明門隨處善根攝勝故△慈法明門不害衆生故△喜法明門捨一切不喜事故△捨法明門厭離五欲故△無常觀法明門觀三界慾故△苦觀法明門斷一切願故△無我觀法明門不染著我故△寂定觀法明門不擾亂心意故△慚愧法明門內心寂定故△羞恥法明門能滅外惡故△實法明門不誑天人故△眞法明門不誑自身故△行法明門隨順法行故△三歸法明門淨三惡道故△知恩法明門不捨善根故△報恩法明門不欺負他故△不自欺法明門不自譽故△爲衆生法明門不毀譽他故△爲法法明門如法而行故△知時法明門不輕言說故△攝我慢法明門智慧滿足故△不生惡心法明門自護護他故△無障礙法明門心無疑惡故△信解法明門決了第一義故△不淨觀法明門捨慾染心故△不淨觀法明門斷瞋訟故△不癡法明門斷殺生故△樂法義法明門求法義故△愛法明門得法明相故△求多聞法明門正觀法相故△正方便法明門眞正行故△知

名色法明門除諸障礙故△除因見法明門得解脫故△無怨親心法明門於怨親中平等故△除方便法明門知諸苦故△諸大平等法明門斷一切和合法故△諸入法明門修正道故△無生忍法明門證滅諦故△身念處法明門諸法寂靜故△受念處法明門斷一切諸受故△心念處法明門觀心如幻故△法念處法明門智慧無翳故△四正勤法明門斷一切惡成諸善故△四如意足法明門身心輕安故△信根法明門不隨他語故△進根法明門善得諸智故△念根法明門善作諸業故△定根法明門心得清淨故△慧根法明門現見諸法故△信力法明門過諸魔力故△進力法明門不退轉故△念力法明門謂不共他故△定力法明門斷一切念故△慧力法明門謂離二邊故△念覺分法明門如諸法智故△擇法覺分法明門明諸法故△精進覺分法明門謂善知覺故△喜覺分法明門謂得諸定故△除覺分法明門知一切法平等故△捨覺分法明門厭離一切法故△正見法明門得漏盡聖

道故△正分別法明門斷一切分別無分別法故△正語法明門斷名字音聲如響故△正業法明門無業無報故△正命法明門除滅一切惡道故△正行法明門謂至彼岸故△正念法明門不念一切法故△正定法明門無散亂故△菩提心法明門不斷三寶故△依倚法明門不樂小乘故△正信法明門得最勝佛法故△增進法明門成就一切善根法故△檀度法明門教化衆生遠離慳貪故△戒度法明門教化破戒衆生遠離惡道故△忍度法明門教化衆生捨瞋恚慢故△智度法明門教化衆生遠離懈怠故△禪度法明門教化散亂衆生故△智度法明門教化愚癡衆生斷無明黑暗故△方便法明門應機說法故△四攝法法明門普攝衆生故△教化衆生法明門不生疲倦故△攝受正法法明門斷一切衆生諸煩惱故△福聚法明門利益衆生故△修禪法明門滿足十力故△寂定法明門成就如來諸三昧故△慧見法明門大智滿足故△入無礙辯法明門法眼成就故△入一切行法明門佛眼成就故△成

就陀羅尼法明門悉能受持佛法故△得無礙辯法明門令一切衆生皆歡喜故△無生法忍法明門謂得受記故△不退轉地法明門具足往昔諸佛法故△從一地至一地智法明門謂灌頂成就一切智乃至得成阿耨多羅三藐三菩提故

上卷之二

九十五種

九十五種者西域外道有九十五種東爲十一宗一數論師計神我諸諸二勝論師計六句義三塗灰師計自在天四韋陀師計那羅延天五安茶論師計本際六時散外道計物從時生七方論師計方生人人生天地八路伽耶計色心法皆極微作九口力論師計虛空爲萬物因十宿作論師計苦樂隨業十一無因論師計自在生

三細

三細者對六塵而言即根本無明之惑也一業相即從真起妄初動之相也然本覺心源離念寂靜因無明故覺成不覺遂成業相二能見相即見初動之相

也亦名轉相。謂依初動業。轉成能見之相也。三境界相。即轉相分別初動之境界也。亦名現相。緣前轉相。則境界妄現也。

六塵

六塵者。緣三細而生故名。一智相。謂依第三境界相。不了自心所現。妄起分別於染淨境。起愛不愛。故二相續相。謂依前智相。分別於愛不愛。境生樂生。苦覺心起。念相續不斷。故三執取相。謂依前相續緣念苦樂等境。心起著故。四計名字相。謂依前執取分別假名言說之相。故五起業相。謂依前名字執取生著種種種業。故六業繫苦相。苦即生死之苦。謂依前起業繫縛。則有生死。追迫之苦。不得自在故。

二十五諦

二十五諦者。一冥性。二智大。三我心。四五唯量。即色聲香味觸五塵也。五五大。即地水火風空也。六五知根。即眼耳鼻舌身也。七五作業根。即手足口大遺小道也。八心平等根。即意根也。九神我主諦。合有二十五法。

三淨土

三淨土者。一常寂光土。亦名法性土。此即法身如來所依理土。通為諸土體故。二實報莊嚴土。此即報身如來所受用土。有二。一者自受用土。即以所修自利行滿。從初成佛。盡未來際。變為純淨佛土。衆寶莊嚴者。是二者他受用土。是即所修化他行滿。乃隨十地菩薩所宜居處。或大或小。或勝或劣。變成淨土者。是△三變化土。亦名凡聖同居土。即是應身如來變化之土。謂佛以不思議神力。隨諸衆生善惡之業。變現淨穢之土。方便設化故。

五怖畏

五怖畏者。一不活畏。謂諸初學菩薩。雖行布施。不能盡已所有。即恐自己不能過活。而生怖畏。此即登地菩薩。因深果勝。於所受用。不假營爲。自然周足。但爲利益衆生。而行布施。故無不活畏。△二惡名畏。初學菩薩。雖欲與諸衆生同事。而攝化之。然入諸酒肆等。恒懼謗謔。不能安行自如。而生怖畏。登地菩薩。爲度有情。以大悲心。隨類受生。隨益一切。處天宮不爲樂。

入地獄不爲苦。娼房酒肆去住無礙。故無惡名畏。△
三怖死畏。初學菩薩。雖欲用廣大心。內外俱施。然有
時以財施。而於身命顧惜。不能自捨。而生怖畏。登地
菩薩。成就法身慧命了無生。死壽夭延萬劫。不爲長
促。一念不爲短。但爲度脫有情。隨機示現。長短壽命
之相。心無罣礙。故無怖死畏。△四惡道畏。初學菩薩
懼生惡道。於不善法分別對治。令其不生。常生怖畏。
登地菩薩。或修禪觀之行。或起利生之心。雖有恩惟
離諸散亂。隨願度生。平等無礙。故無惡道畏。△五大
衆威德畏。初學菩薩。或於王庭執理之處。或於善解
法義人前。申宗敵論。唯恐有失。而生怖畏。登地菩薩。
具足一切悲智雙運。或現神通。或說妙法。或入禪定。
或行苦行。所作業行。一切真實。百萬人天。縱任無礙。
故無大衆威德畏。

四明五明論

四明五明論者。一聲明。聲明即聲教。明即明了。謂世間
文章算數建立之法。皆悉明了。通達故。二因明。因即
萬法生起之因。謂世間種種言論及圖書印。攝地水

火風萬法之因。皆悉明了。通達故。三鑒方明。即鑒治
之方法也。謂世間種種病患。或癩痢。或瘡毒。四大不調。
鬼神呪咀。寒熱諸病。皆悉曉了。其因通達。對治故。四
工巧明。工即工業。巧即巧妙。謂世間文詞韻味。乃至
營造城邑。農田商賈。種種音樂。卜算天文。地理。一切
工業。巧妙皆悉明了。通達故。五內明。內即佛法。內教
也。謂以持戒治破戒。禪定治散亂。智慧治愚痴。乃至
種種染淨邪正生死涅槃對治之法。皆悉明了。通達
故。言四明者。除內明也。

二十五有

二十五有者。四部洲爲四有。及修羅地獄餓鬼畜生
爲八有。並欲界四王。初利夜魔。兜率化樂。他化六天。
爲十四。加色界四禪。爲十八。及摩醯首羅大梵王天。
與無想天。並五那含天。爲二十一。合無色界四空天。
共成二十五有。

見惑

見惑者。分別曰見。謂意識對法塵。非理籌度起諸邪
見。如外道計斷計常。乃至有無等見。名見惑。惑者迷。

惡也。謂諸衆生於一切法。不了自性。本空妄生執著。惑於正道。流轉生死也。此見惑。開爲八十八。使以五利五鈍十惑。於三界中。以三四諦攝三苦。下具有十惡成三十三集。三滅下。除身見邊見。戒取各具餘七。惑成四十二。合前有七十二。三諦下。除身見邊見。各具餘八。惑成二十四。合前有九十六。又於上二界四諦下。各除瞋惑。去此八。瞋止有八十八也。

思惑

思惑者。俱生曰思。爲眼耳鼻舌身意六根。對於色聲香味觸法六塵。貪愛染著。迷而不覺。是名思惑。依法數中。唯取五鈍。使中貪瞋痴慢四惑。於三界九地中。欲界一地四惑。全有。上二界八地。除瞋。唯貪痴慢。於此九地。地地分爲九品。九九成八十一品思惑也。

塵沙惑

塵沙惑者。卽界外四十二品無明分劑頭數。又以理事論理惑。卽見思能障真諦之理。故事惑。卽塵沙能障化導。獲俗諦之法故。

轉善作惡

轉善作惡者。華嚴經無厭足王隱菩薩相。現王者身。居多羅幢城。示惡持威嚴刑罰法。折伏剛強惡衆。生可治者。治可攝者。攝其罪惡。決其罪惡。誅其罪惡。弱皆令永斷殺盜邪淫。此則名爲轉善作惡也。

轉惡作善

轉惡作善者。涅槃經波羅奈國有屠兒名曰廣額。日以殺羊爲事。舍利弗往化之。卽回心受戒。放下屠刀。自言我是千佛中一數也。

以男爲女

以男爲女者。維摩居士示疾。佛敕文殊往問。舍利弗隨之。彼有天女。妙入不思議境界。舍利弗謂言。汝何不轉女身。天女曰。我從十二年來。求女人相了不可得。當何所轉。卽時天女以神通力。變舍利弗。令如天女。天女自化身如舍利弗。而問言。何不轉女身。舍利弗以天女相而答言。我今不知何轉。而變爲女身也。

以女爲男

以女爲男者。法華經龍女獻寶珠。世尊納受。卽往南方無垢世界。成等正覺也。

願生樂土

願生樂土者。佛世有王名頻婆娑羅。其王夫人名羣提希。其子阿闍世。逆父殺母。母在禁中。一心遙想。如來以求救拔。果感如來爲說十六觀經。令彼發願往生樂土。

誓願度生

誓願度生者。彌陀因中爲法藏比丘。廣發四十八願。願我來世我國中。無有地獄餓鬼畜畜。以至蜎飛蠕動之類。不得是願。終不作佛。如是願願度生。同歸安樂也。

願爲閻羅天子

願爲閻羅天子者。梁皇懺云。昔毗沙門國王。與韋陀始王共戰。兵力不如。因發誓願。願我後生爲地獄主。治此罪人。十八大臣亦如是願。後果如之。閻羅天子。卽毗沙國王。是十八大臣。卽十八獄王是也。

八十種好

八十種隨形好者。一無見頂相。二鼻高孔不現。三眉如初月。四耳輪輻相。握成五身堅實。如那羅延。六骨

際如鈎鎖。七身一時回。如象王八行時足去地四寸。印文現。九爪如赤銅色。十膝骨堅著。圍好。十一身清淨。十二身柔軟。十三身不曲。十四指長。纒圍十五指。女覆藏。十六脰深。不現十七踝。不現十八身潤澤。十九身自持不遷。迤二十身滿足。二十一容儀備足。二十二容儀滿足。二十三住處安。無能動者。二十四威振。一切二十五。一切樂觀。二十六面不長。大二十七。正容白。不撓色。二十八面具滿足。二十九唇如頻婆果色。三十言深。音遠。三十一脰深。圓好。三十二毛右旋。三十三手足滿。三十四手足如意。三十五手文明。三十六手文長。三十七手文不斷。三十八一切惡心。衆生見者和悅。三十九面廣。殊好。四十隨衆生意。和悅。與語。四十一毛孔出香氣。四十二口出無上香。四十三威儀如師子。四十四進止如象王。四十五行法如獨王。四十六頭如摩陀那果。四十七一切聲分具足。四十八四牙白利。四十九舌色赤。五十舌薄。廣。五十一毛紅色。五十二毛軟淨。五十三廣長。眼五十四孔門相具。五十五手足赤白如蓮花。色五十六腩

不出五十七腹不現五十八細腹五十九身不傾動
六十身持重六十一其身大六十二身長六十三手
足軟滑六十四四邊光各一丈六十五光焰身而行
六十六等視衆生六十七不輕衆生六十八隨衆生
音聲不增不減六十九說法不著七十隨衆生語言
說法七十一發音報衆聲七十二次第有因緣說法
七十三一切衆生不能盡觀相七十四觀無厭足七
十五髮長好七十六髮不亂七十七髮旋好七十八
髮色青珠七十九面淨如滿月八十手足有德相

三十二相

三十二相者所謂足下平滿因持戒故△千幅輪相
因修施故△足跟臍相不欺衆生故△指纖長相護
正法故△指網縵相不壞他衆故△手足軟相施妙
好服故△七處滿相施淨飲食故△鹿王臍相喜聞
佛法故△馬陰藏相覆藏他過故△身如師王相廣
修善法故△缺骨平滿相善化衆生故△臂肘臍相
救護怖畏故△手摩膝相見善樂助故△清淨身相
常修十善故△食至喉現相常施藥藥故△師子頰

相莊嚴善法故△四十齒相心語平等故△齒密相
和合諍訟故△齒齊相施珍寶故△四牙白相三業
清淨故△廣長舌相護口過故△味中上味相成就
功德故△梵音相常軟語故△紺色目相修慈心故
△牛王臍相至心求道故△白毫光相讚他功德故
△頂肉髻相敬父母師故△身軟柔相樂說法故△
身金光相施敷具故△孔毛生相離說世事故△身
毛上靡相受師友教故△髮色金精相不惡加生故
△得身如尼拘陀相常修三昧故△得那羅身相喜
作佛像故

下卷之一

十種大數

十種大數者一者阿僧祇梵語阿僧祇華言無數謂
從百洛叉爲一俱胝乃至千千萬萬俱胝等爲一阿
僧祇△二者無量謂從阿僧祇阿僧祇爲一阿僧祇
轉阿僧祇轉阿僧祇祇轉爲一無量△三者無邊謂從
無量無量爲一無量轉無量轉無量轉爲一無邊△
四者無等謂從無邊無邊爲一無邊轉無邊轉無邊

轉爲一無等△五者不可數謂從無等無等爲一無等轉無等轉無等轉爲一不可數△六者不可稱謂從不可數不可數爲一不可數轉不可數轉不可數轉爲一不可稱△七者不可思謂從不可稱不可稱爲一不可稱轉不可稱轉不可稱轉爲一不可思△八者不可量謂從不可思不可思爲一不可思轉不可思轉不可思轉爲一不可量△九者不可說謂從不可量不可量爲一不可量轉不可量轉不可量轉爲一不可說△十者不可說不可說謂從不可說不可說爲一不可說轉不可說轉不可說轉爲一不可說不可說也此是不可言說法門

一行三昧

一行三昧者出文殊所說摩訶般若經梵語三昧華言獨直定又云正定一行三昧者惟專一行修習正定也謂修行之人應處空間捨諸亂意繫心實理想念一佛專稱名字隨佛方所端身正向能於一佛念念相續而不懈怠於一念中即能得見十方諸佛獲大辯才也

十禪定

十禪定者一普光明三昧謂身土重重相入周徧廣無限故△二妙光明三昧謂自他身心境界無礙故△三次第佛國土三昧謂以如幻智應物動寂依根本智恒無往來現延促故△四清淨身心行三昧謂過阿僧祇世界於諸佛所散花供養勸求法故△五知過去莊嚴藏三昧謂知過去諸佛出現劫剎度生壽命之次第故△六智光明藏三昧謂未來劫中說佛已說法及未說法皆悉知故△七了知一切世界佛莊嚴三昧謂能徧入十方世界見一切佛化莊嚴故△八一切衆生差別身三昧謂人身入夜叉身出乃至剎那入三世起故△九法界自在三昧謂自身毛孔入三昧而作諸佛事得法界自在故△十無礙輪三昧謂住無礙三業徧入佛土成衆生智轉淨法輪紹佛種故

十金剛

十金剛者華嚴經云△一者覺了諸法金剛心謂菩薩大願誓欲了知無量無邊不可窮盡一切法故△

二者化度衆生金剛心謂菩薩以無上涅槃度脫無量無邊衆生出諸趣故△三者莊嚴世界菩薩金剛心謂十方世界無量無邊當以諸佛國土最上莊嚴之具而莊嚴故△四者善根迴向金剛心謂菩薩以種種善根皆悉迴向無上佛果菩提普及法界衆生故△五者奉事大師金剛心謂菩薩以善根功德供養無量無邊諸佛悉周徧故△六者實證諸佛金剛心謂菩薩於諸法實相之理非實非虛非有非無悉皆真實而證知故△七者廣行忍辱金剛心謂菩薩或被衆生訶罵楚撻或截手足或割耳鼻或挑其目或殺其頭如是一切皆能忍受無嗔恨故△八者長時修行金剛心謂未來世劫無量無邊不可窮劫我當盡彼劫中行菩薩道教化衆生永無疲倦故△九者自行滿足金剛心謂菩薩建立妙行以清淨心爲本能滿一切功德善根具足無上菩提道故△十者令他圓滿金剛心謂菩薩自行既滿慈悲之心轉更增上爲求解脫者說於涅槃爲求佛法者說於大乘之法悉皆令其心願滿故

十忍

十忍者華嚴經云△一音聲忍謂聞佛深教即能曉了忍可忍證無驚怖故△二順忍謂於理事悉能隨順諦審此法忍可忍證而無違故△三無生忍謂了達諸法本來無生亦無有滅諦審此法忍可忍證而妄念不起故△四如幻忍謂了達諸法皆從因緣和合而生如幻如化性本空寂諦審此法忍可忍證而無著故△五如鏡忍謂了知一切境界悉如陽燄無有真實諦審此法忍可忍證而無執故△六如夢忍謂了諸妄心皆如夢境諦審此法忍可忍證而不執故△七如響忍謂了一切世間語言音聲皆由因緣和合而成猶如谷響無有真實諦審此法忍可忍證而不著故△八如影忍謂了達色身由五蘊積集而成本無實體諦審此法忍可忍證而無著故△九如化忍謂了達世間諸法無而忽有有卽還無體非真實諦審此法忍可忍證而無著故△十如空忍謂了達世出世間種種諸法悉如虛空無有色相諦審此法忍可忍證而無著故

十身

十身者法報化三合顯是爲一身。開法報爲二身。法報化爲三身。兼隨應爲四身。法身如虛空。徧周滿。法界無有障礙。諸佛衆生平等。具足唯一無二。是爲圓身。報身如日光。徧普照。法界不與二乘等共。然報身有二種。一自報身。謂如來因地中修習無量福慧。所起無邊真實功德。恒自受用廣大法樂。故二他報身。緣如來平等智。示現微妙清淨功德之身。居純淨土。爲住十地諸菩薩衆。現神通力。轉正法輪。令彼受用大乘法樂。故應身如日影。徧謂如來身如日之影。現於水中。各隨人去。如東行者見日東去。如西行者見日西去。謂諸如來不捨衆生。如影隨形。現同事攝。故言五身者。一者小教丈六金身。謂以如來示現出家。成道。初於鹿野苑中。轉四諦生滅法。專化二乘。而二乘人但見丈六金身。故二者始教千百億化身。謂如來次說大乘廣談實相。而於千百億世界中。示現種種色身。正化菩薩衆。化二乘。以是衆生所見。各各不同。故三者終教丈六卽是眞身。謂如來次說大乘終

極理。趣會一切法。咸歸實相。二乘聞提悉得成佛。機緣既熟。所見如來丈六金身。卽是眞常不遷之身。故四者頓教大乘丈六卽是法身。謂以如來不從漸次。唯談圓頓妙理。空有兩忘。色心無礙。大乘菩薩。了一切法。無非法身。故五者圓教具足十身。謂如來稱性宣揚。圓融法界。如理如智。法法圓融。塵塵無礙。統諸教差。別身全法界平等。隨一切菩提願智等身。無不具足。

酒有三十六失

酒有三十六失者。四分律云。飲酒犯三十六種失。△不孝父母△輕慢師友△不敬三寶△不信經法△誹謗沙門△訐露人罪△恒懷妄語△誣人惡事△傳言兩舌△惡口傷人△生病之根△鬪諍之本△惡名流布△人所憎嫌△排斥聖賢△怨讎天地△廢忘事業△破散家財△恒無慚愧△不知羞恥△無故捶打奴僕△橫殺衆生△姦淫他妻△偷人財物△疏遠善人△狎近惡友△常懷忿怒△日夜憂愁△牽東引西△持南著北△倒溝臥路△墮車墜

馬△逢河落水△持燈失火△暑月熱亡△寒天凍死

又智論云三十五失

三十五失者現世財物虛竭△衆病之門△鬪諍之本△探露無恥△醜名惡露人所不敬△無復智慧△所應得不得已得物散失△伏匿之事盡向人說△種種事業廢不成辦△醉爲惑本以多失故醒乃慚愧△身力轉少△色身敗壞△不知敬父△不知敬母△不敬師長△不敬婆羅門△不敬伯叔一切尊長△不尊敬佛△不敬法△不敬僧△結黨惡人△疏遠賢人△作破戒人△恒無慚愧△不守六情△縱色放逸△人所憎惡不喜見之△貴重親識共所損棄△行不善法△棄捨善法△明人智者所不用信△遠離涅槃△狂癡因果△身壞命終墮三惡道△若得爲人所生之處常愚癡暗鈍

諸戒俱喪

諸戒俱喪者昔有優婆塞治田因渴誤飲於酒不覺醺醉忍鄰家有雞來其舍卽殺而食之鄰女往索又

強與姪後理官復妄言不取只此一飲五戒俱喪

爲半偈捨全身

爲半偈捨全身者昔菩薩於雪山修道天帝釋往試之化爲夜叉口說半偈云諸行無常是生滅法菩薩求說後之半偈夜叉曰我腹饑虛何暇爲說菩薩曰願爲說我則捨身供養卽敷座請說夜叉曰生滅滅已寂滅爲樂菩薩聞已卽以此偈徧書於山石樹木之間登樹捨身夜叉以手接之復其本形作禮而去

身然千燈

身然千燈者報恩經云如來往昔爲轉輪王好行惠施時世饑荒王乃設大施會以五百象載上好飲食衣服七寶之具薄施一切衆生內使誤取毒井之水作食饑民食者毒發皆死王乃除毒填井念財施無益法施無窮緣是擊鼓宣令四方求法時有婆羅門知解佛法而謂曰不違供養當爲汝說王曰希何供耶答曰大王若能身割千瘡灌以膏油然燈供養應爾王遂捨諸國土城邑妻子臣妾命旃陀羅剗肉然燈婆羅門爲說半偈云夫生輒死此滅爲樂王大歡

喜時天帝釋現身謂曰。汝身然燈爲求生天耶。魔王耶。梵王耶。王曰。我求無上阿耨菩提。我願不虛。身瘡平復。發是願已。身卽如故。五百太子合國臣民見已。歡喜皆發阿耨多羅三藐三菩提心。

身爲牀座

身爲牀座者。法華經提婆達多品。佛於多劫嘗作國王。婆致太子宣令求法。時有阿私仙來白王言。我有大藥名妙法蓮華。若不違我。當爲宣說。王聞仙言。歡喜踊躍。卽隨仙人供給所須。采果汲水。捨新設食。乃至以身而爲牀座。於時奉事經於千歲。爲於法故。精勤給侍。令無所乏也。

布髮掩泥

布髮掩泥者。昔如來因中行菩薩行。值燈光佛於泥塗布髮掩泥。以乘佛足。次卽記曰。汝於來世當得作佛。號釋迦牟尼。

普啼賣心肝而學般若

常啼賣心肝者。當啼卽薩陀波耆菩薩爲求般若深法。賣心肝以與供養。入城聲價諸魔隱蔽。令衆不聞。

有長者女。獨聞其聲。召曰。願隨所須。以助供養。是菩薩得近善知識。開解妙法。得證甚深般若。波耆

鷗去海鳥機

鷗去海鳥機者。列子云。海上之人好鷗者。每旦之海上。從鷗鳥遊。鷗之至者。百數不止。其父曰。吾聞鷗鳥皆從汝遊。可取來與吾玩之。明日之海上。鷗鳥舞而不下。

鷗搖羅漢影

鷗搖羅漢影者。昔有鷗爲鷗所逐。趨避於舍利弗之影。猶畏懼不已。遷於佛影。方乃釋然。羅漢尚有殺之害氣。未能如佛之大慈悲也。

旃陀羅

旃陀羅者。梵語旃陀羅。此云屠者。四姓之中。唯此爲惡。行則搖鈴爲號。人聞聲者卽遠避之。

譚婆

譚婆者。梵語譚婆。此云食狗肉人。每於路行。狗見而嗔吠之。

童子南詢

童子南者詢華嚴經義財童子展轉南行經歷一百一十城參五十三善知識各獲三昧解脫門

將僧徧歷千山

將僧徧歷千山者唐大隨法真禪師有僧問劫火洞然這個壞與不壞答云壞僧云怎麼則隨他去也答云隨他去其僧疑之尋師參叩徧歷千山至於萬里古所謂一句隨他語千山走將僧是也

投子三登洞山九上

投子三登洞山九上者雪峰存禪師爲大事不明三

登投子九上洞山

巖老躬處癘房而吮洗無忌

巖老者唐智巖於石頭城置癘人坊爲其說法吮洗穢無不曲盡承徵中終于癘所顏色不變異香經旬

寬公與歸病者僧俗不分

寬公者唐智寬性慈好惠瞻病人不計道俗及路遠近無人治者卽與來房中躬自經理有患癰腫不能

出口爲吮之遂獲痊可

飛錫止關

飛錫止關者邵隱峯禪師詣五臺路淮西屬吳元濟阻兵拒命官軍與賊交鋒未決勝負師乃擲錫空中飛身而過兩軍將士仰視空中關心頓息

擲鞋解圍

擲鞋解圍者睦州陳尊宿時遇賊兵圍城人民荒亂師作大草鞋一隻命懸城上賊兵見之共相告曰此有至人居焉乃抽兵而去

下卷之二

十四種大願

十四種大願者一者常能念佛親近善知識二者常能捨離諸惡知識三者乃至失命因緣不犯佛戒四者常能讀誦大乘經律問甚深義如法修學五者常能於無上善提而生信心六者若見衆生有苦惱時常能救護七者常能隨力供養三寶八者常能孝順父母敬事師長不敢違忤九者常能捨諸懈怠勤求佛道十者於五塵上諸煩惱生時能制伏其心十一

者衆生無邊誓願度十二者煩惱無盡誓願斷十三者法門無量誓願學十四者佛道無上誓願成

在家菩薩六重二十八輕戒

六重戒者一不殺生二不偷盜三不虛說四不邪淫五不宣說四衆過罪六不酤酒

二十八輕者一不能供養父母師長二耽樂飲酒三惡心不能瞻視病苦四有乞者不能多少分與遣空還五見四衆不能承迎禮拜問訊六見四衆毀所受戒心生惱慢七月六齋日不受八戒供三寶八四十里中有講法處不能往聽九受招提僧臥具床坐十疑水有蟲故便飲之十一險難之處無伴獨行十二獨宿尼寺十三爲於財命打罵奴婢僮僕外人十四以肉食施四衆十五畜豬狸十六畜養象馬牛羊駝驢一切禽獸十七不儲蓄僧伽黎衣鉢錫杖十八若須田作不求淨水及陸種處十九物說價已捨賤趨貴斗秤量物不令平用二十於非處非時行欲二十一隱瞞官稅二十二犯國制二十三得新穀菓蔬菜茹不先供奉三寶先自受二十四僧若不聽說法讚

歎觀自作二十五道路若在北丘沙彌前行二十六僧中付食若偏爲師選擇美好過分與二十七養蠶二十八路過病者不能瞻視爲作方便付囑所在

圓覺五性差別

五性者一凡夫性謂於事理二障未得斷滅名未成佛二小乘性謂諸衆生永捨貪欲先除事障未斷理障但能悟入聲聞緣覺未能顯住菩薩境界三菩薩性謂諸末世一切衆生欲泛如來大圓覺海先當發願勤斷二障二障已伏即能悟入菩薩境界若事理障已永斷滅即入如來微妙圓覺滿足等提及大涅槃四不定性謂諸衆生皆證圓覺逢善知識依彼所作因地法行爾時修習便有頓漸若遇如來無上菩提正修行路根無大小皆成佛果五外道性謂諸衆生雖求善友遇邪見者未得正悟是則名爲外道種性邪師過謬非衆生答是名圓覺互性差別

五濁

五濁者一劫濁約四濁立此假名四濁增劇聚在此時二煩惱濁五鈍使爲體三災爲相故三衆生濁謂

見慢果報立此假名惡名穢稱為相故四見濁五利使為體諸見轉增為相故命五濁連持色心為體摧年減壽為相故

臨濟發悟於首座

臨濟發悟者臨濟義玄禪師初在黃檗會中時睦州為首座乃問臨濟上座在此多少時曰三年州曰曾參問否曰不曾問不知問箇甚麼州曰何不問如何是佛法的大意明日早上堂師依教而問三度被打後辭去參大愚於言下大悟愚令嗣黃檗焉

昌黎發悟於三平

昌黎發悟者韓文公問大顛曰某甲軍州事繁佛法有要處乞師一語師良久公閉措時三平為侍者乃敲禪床三下師曰作麼平曰先以定動後以智拔公乃曰和尚門風高峻某甲於侍者邊得箇人處

十無盡句

十無盡句者所謂眾生不可盡我願不可盡世界不可盡我願不可盡虛空不可盡我願不可盡法性不可盡我願不可盡涅槃不可盡我願不可盡佛出世

不可盡我願不可盡諸佛智慧不可盡我願不可盡心緣不可盡我願不可盡起智不可盡我願不可盡世間道種法道智慧道種不可盡我願不可盡若十種可盡我願乃可盡是則又為十無盡願也

附直解事義終

梵網經直解跋並頌

潤自戊辰歲求戒楚沔廣長社得讀

和尚所註梵網經略疏遂歷寒暑日夜繼之僅於菩薩心地品分知上卷所詮智理觀行修證階級下卷所詮輕重開遮止持作犯之名言而已嗣後自臺山侍巾幘之

神京每伺揮塵之暇晚陳東筆請發略疏之覆既旋維揚石塔一日緝編告成焚香展讀不數紙即了舍那光輝迦光玄主光光無二致報佛說化佛說和尚說說本同源開圓頓之門於現前微名言之岐於當下允矣

和尚天性江漢。濯來粉飾文章。不添隻字。直就本文。掀翻。

佛意。因以直解名焉。然而楚沔刻略。疏維揚刺。直解精神。何所致耶。今年庚辰閏正月來。復加覃思。研覈精微。辭義華山。遠流佛化。此其四無量心。再三爲人。故若是矣。吁。攝受一切衆生。但解法師。語盡受得。戒卽入諸佛位者。其爲梵網。頓歟。直令上中下機。一值此經。卽莫佛位於自心者。其爲直解。詳明歟。而今後讀之者。不必言。

和尚報身之今說。卽舍那報身之重說。但惟信現前仁者之今學。卽過去菩薩之再學。則與千百億釋迦同一鼻孔出氣矣。夫其摩薩首羅天王宮。是誰指之而入哉。潤不能效藥王神光之爲。而不禁篤信。申吐數語。不稱頌。聊誌廣長法乳源遠。而流長云爾。頌曰。

如來心藏及戒藏。因果佛性常住藏。我今字字從師授。慈悲喜捨四無量。流通天上與人間。觀察諸法眞實相。百億諸佛一毛端。時時常把光明放。善哉直解。

絕支離入梵網門爲最上。普願人人如我心。二利福德盡週向四恩。三有證菩提。蓮華端坐無虛誑。

時

崇禎庚辰歲二月十九日

楚峽州律弟子戒潤和南拜題

梵網經戒光一卷

清淨挺著

已云收于閱經十二種之第七。故省于此。

佛說梵網經願珠敘

德玉自丙申年得戒於澄江和尚後即參大隨禪學而律部不暇研實。虛壁焉爾也。及從雙桂先師得法。南遊抵華山律堂。見其威儀。攸攝心。惡面愧無已。欲依學以贖前咎。而又恨識溟。源流二三友人率制至行脚事。訖還渝。始拈先法戒二師。香以華嚴新規。清規未整。雖草草。露布禪律並行。亦有虛無。實遂禁足。于季而關三載。日課華嚴萬佛并楞伽梵網等經。惟梵網上等求句讀。且難況得義。得味。依法修行。乎。蜀無律師。律體律學其來久矣。乃展三昧和尚直解。諦究之年。餘少有進益。但其中文理浩滿。引證攸長。庸學者實難趣入。非悟戒體。廣學多聞。細心于經論律部者。亦不識三昧和尚之深心也。今此願珠。雖就正文。願珠填寫。亦從直解中截出。問或別出已意。亦不敢杜撰外三昧和尚法眼也。玉豈僭斯以沽名。哉。實欲雪心。澡身。以贖荒戒之咎。并令庸學者稍識戒體。三十心十地根本戒。用十重四十八輕。端倪戒師有據。戒用有體。戒學有本。以觀勉躬行。證悟自性。本有。

金剛寶戒也。集成俾慈雲仙上座抄錄皆

康熙二十年辛酉歲菊月念日也。華嚴德玉敘

佛說梵網經頌疏卷上

姚秦三藏法師鳩摩羅什奉詔譯

蜀渝華嚴寺而闢聖可德玉順殊

慈雲寺竹南慧仙贈錄

菩薩心地品之上

○初釋經題目

佛者梵語佛陀華言覺覺有自覺覺他覺滿三義何謂自覺以凡夫背覺照合塵勞不能自覺惟如來從凡夫發心持佛淨戒離心意識參出凡聖路學悟自性真空了惡業虛妄故名自覺何謂覺他以二乘厭生死取涅槃不能覺他惟如來證平等智得法性空運無緣慈入魔佛界廣化衆生離苦得樂故名覺他何謂覺滿以菩薩起大悲度衆生覺行求圓惟如來心色俱離根本智顯五住盡二死亡三覺圓萬德備故名曰覺滿如來具足十號今舉一號則十號齊彰此佛即娑婆世界能說法之主也說者即所說之法義也佛說者乃覺皇親口所宣非菩薩聲聞之所能說故也梵網者世尊

不離菩提樹而升四禪天觀諸大梵天王網羅繡繡因爲說無量世界猶如網孔一一世界各各不同別異無量佛教門亦復如是梵網喻也即喻以表法也無量網孔喻無量世界無量衆生心無量佛教門無量菩薩差別階級無量諸佛受用境界以此一喻而攝多義故從喻立題也經者梵語修多羅華言契經上契諸佛之理合道而言下契衆生之機返根而說故曰契經又經者線也徑也湧泉也細墨也此皆隨義立名總不出貫攝常法四字貫者貫串諸佛之旨趣攝者攝持所化之機宜常者古今不變法者凡聖同軌佛說梵網四字乃所詮之義經之一字乃能詮之文能所合目爲題故名佛說梵網經

○二釋譯人名

姚秦三藏法師鳩摩羅什奉詔譯

姚秦者秦國之主姓姚名襄乃後秦非符秦也三藏者即經藏律藏論藏法師者謂此師學通三藏以一心常住不變之經三藏體淨無爲之律既定

是非邪正之論。以是自師。以是師人。就德彰名。故名三藏法師鳩摩羅什者。華言童壽。謂師童年而有著德。故云童壽。什者。謂善識。此方文字知識。本龜茲國人。後秦弘始三年。入長安。譯經論九十八部。梵網最第一師位證賢聖者。南山感應傳云。七佛已來。譯經之師也。奉詔者。奉秦王之詔命而翻譯此經也。譯者。易也。易梵國之語。爲華夏之言。華梵並舉。合目爲題。故云鳩摩羅什奉詔譯。

○三釋經品題

菩薩心地品之上

菩薩者。梵語菩提薩埵。華言覺有情。西域好廣此方喜略。惟存菩薩義。合提攝。乃上弘下化之人也。心地者。卽三十心十地也。又指法而言。卽衆生本元心地。迷之者輪迴六凡。悟之者直入四聖。諸佛證此菩薩修此衆生。迷此如來。愍念興慈。還悲往來三界八千返。祇爲發明一切衆生。本有心地。惟欲衆生依此心地。稟受金剛光明寶戒。爲本修因。扣已而求。莫向別討。故名心地品者。類也。衆類相

從之義。比經一大部一百一十二卷六十一品。菩薩心地品正當第十。此一品之文。分爲上下二卷。上明菩薩理智觀行修證階級。卽三十心十地也。下明菩薩心地戒法。輕重開遮。止作持犯。卽五十八戒也。卷有上下之分。此卷居上。故曰品之上。

○四正解經文

爾時釋迦牟尼佛在第四禪地中。摩薩首羅天王宮。與無量大神王。不可說不可說菩薩衆。說蓮華藏世界盧舍那佛所說心地法門品。

爾時者。卽無量天人菩薩集會之時也。釋迦牟尼佛者。此標能化之主也。梵語釋迦牟尼。義翻能仁寂默。以能仁表姓德。寂默顯理致。又能仁不住涅槃寂默。不住生死。又仁忍也。以聞善不卽喜聞惡。不卽怒。能含忍于善惡也。又于無生法忍。可忍證。故云忍也。在第四禪地中者。標所住之處也。在者住也。第者次第。謂三界共九地。欲界爲一地。名五趣雜居地。色界有四地。初禪名離生喜樂地。二禪名定生喜樂地。三禪名離喜妙樂地。四禪名捨念

清靜地無色界有四地一空無邊處地二識無邊處地三無所有處地四非非想處地此當色界第四禪捨念清靜地九地之中乃摩醯首羅天王所住之處亦名有頂天又名色究竟天法雲地菩薩多寄住于此處說法摩醯首羅華言大自在又云威靈或云三目此天爲三界尊極之至輔行記云色界天王二目八臂騎白牛執白拂有大威力居菩薩住處能知三界雨滴之數統攝大千世界于色界中此天獨尊即統諸大梵天王之主也佛欲顯此心地道戒甚深秘密長修最貴故在此大梵天王宮中之內庭而說也與無量等者此標聽法之衆也無量大梵天王者以一釋迦應千百億釋迦標千百億世界而千百億世界中之梵王同時集會也不可說不可說菩薩衆者言法會聽衆非是算數所能知之皆是大根器衆也說蓮華臺藏世界者指受法之處也盧舍那佛所說者明授法之人也說法有宗傳法有本也梵語盧舍那此云淨滿言諸惡淨盡衆德悉滿此即圓滿報身佛下

卷廣明其義心地法門品者心地品解見上文法者執持之義門者通達之義謂依法修行直至佛地所謂十方婆伽梵一路涅槃門有大陀羅尼門不二法門宗師云入此門來莫存知解等是也故曰法門此一節乃初化佛說法叙說心地法門品之由致也

是時釋迦身放慧光所照從此天王宮乃至蓮華臺藏世界

是時者是釋迦佛與衆說毗盧佛所說心地法門品由致之時也釋迦解見上身放慧光所照者身即全身放乃顯露慧者如智慧光者果德光明此個全光非獨諸佛有之一切衆生具有皆因無明障慧而不證得故世尊以大方便垂示此光無非發明人人本有心地戒光俾其自己修持自己悟證矣所照者承前起後言全光所照之處也從此天王宮乃至蓮華臺藏世界者示全光所照處情與無情盡被此全身慧光一光所攝也此節乃二放光現瑞叙發起之緣也

其中一切世界一切衆生各各相視歡喜快樂而未
能知此光光何因何緣皆生疑念無量天人亦生疑
念

其中一切等者總舉依正二報即指天宮華藏之
兩間凡光所照處一切世界所有一切衆生莫不
各各相視其光歡喜快樂也類數無量故名一切
衆法相生故名衆生此光昔無于今忽有各既睹
光咸護僊益故曰歡喜快樂而未能知此光等者
寶光雖放塵相未空肉眼凡夫徒被其光故未能
知此光何因何緣而得又未能知此光何因何
緣而放之豈惟博地凡夫皆生疑念即有身光之
無量天人心慧昏蒙于佛身光莫知所出亦生疑
念所謂不離當處常湛然覺即知君不可見也此
節乃三觀光生疑叙明發問之端也以上總叙人
天不達佛光因緣之所以竟

爾時衆中玄通華光主菩薩從大莊嚴華光明三昧
起以佛神力放金剛白雲色光光照一切世界
爾時者即人天生疑作念之時也衆中等者此舉

衆明當機也此菩薩是華嚴海會不可說不可說
衆中當機首領大菩薩也佛放此光甚深難測非
具大智慧者不能曉了唯此菩薩具大行華智慧
明妙可通此光爲衆中作唱導之主以德彰名故
云玄通華光主菩薩從大莊嚴華光明三昧起者
從自也大廣備之義莊嚴法身果海有三義一六
度萬行二一切智慧三第一義諦其中華乃行華
即福德莊嚴光明乃智慧即智慧莊嚴三昧乃正
定即第一義諦莊嚴此三廣備故名大莊嚴此菩
薩住是定中即自是定而起故云從大莊嚴華光
明三昧起也以佛神力等者謂此菩薩請問大法
必仗如來神力加被方能發起智問以佛神力故
始能放金剛堅實白雲淨智如幻之色光也光照
一切世界者顯此光之迹周徧圓融而無障礙也
此一節乃四玄主集問中有二初起定放光光照
一切以攝衆也
是中一切菩薩皆來集會與共同心異口問此光光
爲何等相

是中者是一切世界之中也。一切菩薩者。即一切世界中之大菩薩也。皆來集會者。因光明所照。不約而同。共會此處也。與同心者。因光悚動。同示一疑而問也。異口者。人各有身口。隨身異也。同此光。光為何等相者。即問釋迦如來全身所放之慧光也。此光即果中境界。前衆生未發菩薩心。祇疑因緣。故曰。何因何緣。此諸菩薩是因中人。只問果中之事。故曰。光為何等相。何因何緣。即下釋迦請問舍那云。一切衆生。為何因緣。得成菩薩。十地道等文之案。光為何等相。即下請問當成佛果為何等相之案。此一節乃二集衆發問也。自首至此序分竟。下明正宗分。

是時釋迦即擎接此世界大衆。還至蓮華臺藏世界。百萬億紫金剛光明宮中。見盧舍那佛坐百萬億蓮華赫赫光明座上。

是時者。即此人天大衆諸菩薩請問之時也。釋迦是能化之迹佛。即擎接此世界大衆者。乃所化之生也。在上曰擎。在下曰接。即擎接此光光所照一

切世界中生。疑集會有根性之大衆也。言還至者。謂此釋迦與諸菩薩一切衆生。元從華藏世界舍那本迹心地。戒中一光流出。今復還歸本體。故蓮華臺等者。即舍那本迹之處。蓮華臺藏世界。詳在後。又億有四億。百億千百億百萬億萬億。此乃四億中第三百萬億也。紫金剛光明表菩提智境。宮中表涅槃理境。調理因智明。智緣理發。以理冥智。以智契理。理智圓融。法報無礙。報化圓融。迹本不二也。見盧舍那佛者。釋迦旋歸本界。觀面相親。見本師法身智身境界。所謂今日始見。親生面也。坐百萬億蓮華赫赫光明座上者。即舍那所坐之座。座以蓮華者。蓮之開敷。表權實雙彰也。赫赫者。光焰熾盛貌。光明者。智慧之照用。相此如來於因地中。以大智慧破惑證真。故感果中報德住此蓮華赫赫光明之座。自安人也。俱名百萬億者。即千釋迦千百億釋迦之光明蓮華圍繞舍那宮座。故云百萬億赫赫光明蓮華之座。此明三身圓會之相。華嚴廣明百萬億此正宗分初明心地道。

有四初化佛代請亦有二初攝生還本叙攝用歸體生佛無差之義也

時釋迦及諸大衆一時瞻敬虛舍那佛足下已釋迦佛言此世界中心地及虛空一切衆生爲何因緣得成菩薩十地道當成佛果爲何等相如佛性本源品中廣問一切菩薩種子

時釋迦至釋迦佛言叙請法之儀則表三業虔誠也一時乃一念生敬之時意業虔誠也禮佛足身業虔誠也釋迦佛言口業虔誠也諸佛請法尙具此儀餘請法者可知也此世界中者即此娑婆世界之中也地及虛空者地即人間虛空即天上一切衆生者即釋迦如來等接人間天上一切世界中觀光生疑根熟之衆生也爲何因緣得成菩薩十地道者因緣即因行道即佛果意謂一切衆生發菩提心返妄歸真欲修佛道畢竟以何因行乃至佛果耶此是第一問即前天人疑問因何緣之意當成佛果爲何等相者意謂當成佛果之時畢竟又是何等境界耶此是第二問即上華光主放

光集衆同心異口問此光光爲何等相之意此是略問如佛性本源品中廣問一切菩薩種子佛性本源品即大部六十一品之一品在彼品中廣明成佛因緣種子佛性即菩提心乃本覺義在衆生分中名佛性非衆生分中名曰法性今舉在因故名佛性菩薩種子即因地心也此第二正請決疑也此化佛代問竟

爾時虛舍那佛即大歡喜現虛空光體性本源成佛常住法身三昧示諸大衆

爾時者即釋迦請問之時也即大歡喜者謂此心地法門能令衆生離苦得樂正是佛之本懷故大歡喜也現虛空光體性者光即本體性分中之智光此光充遍十方而無來往流通三世而不變遷遐邇古今一切世界諸有色法應物而現于其中間寬一光相如芥子許不可得就如虛空一般故曰虛空光體性也本原成佛當住法身三昧者本者根本源者淵源言此體性乃是諸佛菩薩成佛道之根本淵源常而不改住而不動無作無爲法

身正定正受之三昧也。示諸大眾者。卽以此本源正定。示諸大眾。令其悟入。自己本有智慧光明。金剛寶戒。一得永得。永無退失也。此舍那彌答也。答有三初總答心地。二廣答釋名。三結答問義。初總答有四初顯示定相。二誠聽思修。三自陳因行。四舉自果相。此初示定相也。

是諸佛子諦聽善思修行

是諸佛子者。佛爲慈父。紹佛曰子。諦聽等者。卽聞思修三慧諦審也。聽者領也。謂諸佛子。大眾若不審諦誠信而聽。則所聞之法。心不相應。心法既不相應。心慧妙行何緣而發。故先誠聽也。善思修行者。若不如聽而思。聽則無益。不如思而修。思亦徒勞。所謂如人數他寶。自無半錢分。于法不修行。多聞亦如是。故復誠思修也。此是舍那如來。詔告現前大眾。卽總答中二誠聽思修也。

我已百阿僧祇劫修行心地以之爲因。初捨凡夫成等正覺。

我已百阿僧祇等者。我卽舍那已者。業已經歷之

謂也。阿僧祇。梵語此云無數劫。梵語劫波。此云分別時節。我已過百無數劫之時節。修行此三十心十地。用之以爲因緣。從始發心。初捨凡夫于其中間。歷此劫數之久。實非妄誕之人。一朝一夕。微因微緣。小功小行。知半解無明煩惱。貪瞋我慢。一毫未除。而言超佛道者。也。雖然初捨凡夫。卽成等正覺者。乃是衆生受佛戒。卽入諸佛位。久受勤苦。乃可得成也。瓔珞經謂一切諸佛。不經三大阿僧祇劫。得成無上菩提。無有是處。故所以道先悟毗盧性。海後行普賢行門。良有以也。此總答中三陳自因行也。乃答化佛一切衆生。何因何緣。得成菩薩十地道之問。

號爲盧舍那佛住蓮華臺藏世界海

號者名也。盧舍那。解見上卽報身佛名也。住居也。蓮華臺。藏世界海者。華嚴經云。有二十重華藏世界海。皆在無邊妙華光香水海中。此世界乃是毗盧遮那如來。往昔于此世界中。微塵數劫修菩薩行時。親近微塵數佛之所。嚴淨今感果住此也。而

此娑婆華藏世界正當第十三重有十三佛剎微塵數世界圍繞卽毗盧遮那如來出現之處梵語毗盧遮那華言遍一切處卽法身佛名也梵語盧舍那華言種種光明遍照遍一切遍照二經名異體同法卽報報卽法也夫身毗盧遮那佛住蓮華藏莊嚴世界海卽報身盧舍那佛住蓮華臺藏世界海也海有包含深廣映攝一切之義卽千釋迦千百億釋迦之依報正報無不從此華藏世界盧舍那佛心海中流出海具眞如半滅二門故云海也此總答中四舉自果相也果相中有總明果相別明果相二義此乃初總明果相也問何等因卽最初悟此心地中光明金剛寶戒爲因問何等緣卽依法修行三十心十地法門爲緣問何等果卽成等正覺爲果問何等相卽號爲盧舍那佛住蓮華臺藏世界海依正二報爲相也此總答因果二問竟

其臺周徧有千葉一葉一世界爲千世界我化爲千釋迦據千世界後就一葉世界復有百億須彌山百

億日月百億四天下百億南閼浮提百億寶輪釋迦坐百億菩提樹下各說汝所問菩提心地其餘九百九十九釋迦各各現千百億釋迦亦復如是其臺卽大香水海之一大蓮華華中有一蓮臺臺中有佛卽舍那本迹之佛乃正報中之報身佛也臺卽舍那所居之華臺乃本迹佛身依報之國土也其臺周徧等者卽本華臺周徧有千葉圍繞而每一葉爲一世界故成千世界此顯本迹依報又現爲迹佛依報之世界也我化爲千釋迦等者我卽舍那自稱非凡外之我此顯本迹佛身又化迹佛之身而現于迹依世界中之教主此一世界中佛皆舍那所化之身故曰我化爲千釋迦據千世界後就一下顯迹依土又化爲迹迹佛身依報之國土也後就一葉等者卽千葉中拈取最後一葉而例言之此一迹華又現爲百億之華每一一華爲一世界故有百億世界每一一世界中有一一須彌故有百億須彌山梵語須彌此云妙高以衆寶所成出過諸山故每一一須彌山有

一一日月繞須彌。故有百億日月。每一日月。一日一夜遊四天下。故有百億四天下。每一四天下。有一一南閼浮提。故有百億南閼浮提。梵語閼浮。此云勝金。以樹流金汁。河出金沙。故百億菩薩釋迦者。此又顯迹佛之身。而又顯迹迹之佛身。卽千釋迦。一一化現百億釋迦。爲當機。故云百億菩薩釋迦。坐百億等。此總結顯如來婆心。示現受生出家成道轉法輪度衆生義。一一釋迦皆示現八相成道。二始同時。皆不離菩提樹而升初利。乃至梵天。皆說舍那所傳心地法門。皆放身光鼓動人天。故曰坐百億菩提樹下。各說汝所問菩提薩埵心地也。其餘九百等者。上拈千華中一華。示現千佛中一佛。示現其餘九百九十九釋迦。又作云。何其一乘一佛。既如是。示現則餘九百九十九釋迦之依正。亦皆各示現。乃至請問心地法門。亦復如是。無二無別也。此二別明果相也。果相中有二。初從體起用。二攝用歸體。此乃初從體起用也。上總示果相。明依正體。此別明果相。明依正用。

千華上佛。是吾化身。千百億釋迦。是千釋迦化身。吾以爲本。源名爲盧舍那佛。

此舍那。知凡小不能通達。卽體之用。而謂實有本迹。應迹之分。故言千百億釋迦。是千釋迦之化身。千釋迦。是舍那之化身也。上其臺等。是從體起用。卽卽體之用。此明攝用歸體。卽卽用之體。正明體不離用。用不離體。體用不二。故曰吾以爲本。源名爲盧舍那佛。此二攝用歸體也。

爾時蓮華臺藏座上盧舍那佛。廣答告千釋迦。千百億釋迦。所問心地法品。此二廣答釋名

爾時者。當爾發明本迹。徧現攝用歸體之時也。廣答者。對上略答而言。上只略答。我已百劫修行。心地又恐法衆不知。是何心地。故標牒請詞。下詳答之也。

諸佛當知。堅信忍中十發趣心。向果一捨心。二戒心。三忍心。四進心。五定心。六慧心。七願心。八護心。九喜心。十頂心。

諸佛卽千佛。千百億佛。諸迹佛也。當知者是本佛。

召告諸迹佛應當知此十發趣中十心之名位也。堅信忍中十發趣心向果者。堅即堅實。信即信心。忍即安忍。三賢十聖等妙別經分爲六位。各具性觀慧堅忍五法。每一法隨六位。分爲六種。此十住位中。性即習種性。觀即住觀慧。忍即聞慧。堅即信堅。忍即信忍。以二法合言名堅信忍也。中者言此堅信忍中有十種人俱發上弘下化廣大之心。趣向佛海。無能退轉。故云堅信忍中十發趣心向果也。何名十心。一捨心。捨即施捨。無所吝惜之義。二戒心。戒即戒律。滅惡生善之義。三忍心。忍即忍可。安忍不動之義。四進心。進即精進。趨向無退之義。五定心。定即禪定。不昏不散之義。六慧心。慧即智慧。照了無礙之義。七願心。願即願樂。上求下化之義。八護心。護即護持。善能防隄之義。九喜心。喜即歡喜。離苦得樂之義。十頂心。頂即人頂。無過于上尊貴之義。○此二釋心地相中初明十住相也。

諸佛當知。從是十發趣心入堅法忍中。十長養心向果。一慈心。二悲心。三喜心。四捨心。五施心。六好語心。

七益心。八同心。九定心。十慧心。

從是句承前入堅句。起後堅法忍等者。法者知諸法空。假立諸法。以化衆生。即假法也。此十行位中。性即性種性。觀即行觀慧。忍即思慧。堅即法堅。忍即法忍。以二法合言。故名堅法忍也。此位以前十住眞理深入玄妙。菩提妙行依理而起。運四無量之心。行四攝法。饒益衆生。長養聖胎。成就聖德。向佛果海。故云十長養心向菩提果也。何名十長養心。一慈心。愛念衆生之義。二悲心。愍念衆生之義。三喜心。慶他得樂之義。四捨心。周給無吝之義。五施心。普慧無惜之義。六好語心。所說皆善之義。七利益心。勝行化生之義。八同心。隱同攝化之義。九定心。印持無亂之義。十慧心。照徹無礙之義。此二明十行相也。

諸佛當知。從是十長養心入堅修忍中。十金剛心向果。一信心。二念心。三迴向心。四達心。五直心。六不退心。七大乘心。八無相心。九慧心。十不壞心。

從是句結前入堅句。起後堅修忍等者。修增修也。

此十金剛位中。性即道。種性觀。即向觀慧。即修慧。堅即修堅。忍即修忍。二義合。名堅修忍也。此十向位。即解行發心也。前十住心。由信滿而入。此十向心。由行滿而入。以是菩薩于第一阿僧祇劫。將欲滿。故即於真如法中。深解現前所修離相。於是心心實相。念念真如。行行圓融。修金剛三昧。定集一切行法門。深入理觀。轉更增明。入佛果海。故云。從是十長養心。入堅修忍中。十金剛心。向果也。何名十迴向心。一信心。但信自心。決定成佛。永無疑執。故二念心。念念不失。一切諸佛正智。故三迴向心。迴不住也。向不退也。于無上菩提。不住不退。故四達心。達即通達。照徹無礙。內外清淨。故五直心。直即正直。直照平等。入無生智。故六不退心。不退入凡夫地。進道無已。故七大乘心。以智乘行。乘任載。任用廣度衆生。入佛海。故八無相心。以般若波羅蜜。照了妄想。解脫無二。故九慧心。慧即如如。慧以智慧觀照了無量法界。入一切法。無集無受。故十不壞心。入魔不壞。入佛威神。出沒自在。故於此

十心圓滿。二空理顯。感諸佛加被。得摩頂三昧。證入虛空平等。總持法門。即入十地也。此三明十迴向也。此上三賢觀行名。相竟下明十地相。諸佛當知。從是十金剛心。入堅忍中。十地向果。一體性平等。地二體性善惡。地三體性光明。地四體性爾炎。地五體性慈照。地六體性華光。地七體性滿足。地八體性佛吼。地九體性華嚴。地十體性入佛界地。從是一句結前。入堅忍等起後。謂前三賢修習聖行功德。圓足。得入平等地。總持法門。自此稱聖。故云。從是十金剛心。入堅忍中。十地向果也。此十地位中。性即正覺性。觀即地觀。慧即無相慧。堅即德堅。忍即正忍。二義合。言故名堅忍也。此即證發心。謂證真如法。故何名十地。一體性平等。地。謂此菩薩證入諸佛法身平等。大慈真實法門。攝受衆生。其慧平等。故二體性善惡。地。謂此菩薩修法身平等。大慈清淨。明達一切善根。故三體性光明。地。謂此菩薩證發無邊妙慧。光明以三昧解了。智。能知一切三世諸佛法門。入神通。光明。故四體

性爾炎地。謂此菩薩以智慧。燒煩惱。以入善。權方便教化一切衆生。能使見佛體性。故五體性。悉照地。謂此菩薩以十力。智照知善惡。有無二性。起一切功德。行轉不可說。不可說法門。故六體性。華光地。謂此菩薩以大智行之。舉一時。開數十神。通明智品。現身示衆種種變化。百千萬劫。說不可窮盡。故七體性。滿足地。謂此菩薩具足十八聖人智品。於一切國土中。隨諸衆生。心行示現。作佛成道轉法輪。故八體性。佛吼地。謂此菩薩入法王位。三昧其智如佛。而以法樂施一切衆生。爲大法師。破壞四魔法身。具足說法無畏。如大獅子吼。故九體性。華嚴地。謂此菩薩得佛華嚴善能守護法身。以佛威儀。如來三昧。出入百億四天下。一時成佛轉法輪。一念中一時示現如是事故。十體性。入佛界地。謂此菩薩以護一切種智。得入金剛三昧。具足十功德品。具足不可說法門。三昧門。陀羅尼門。非下地所及。惟佛佛無量身心口意。可盡其源。故此四明十地相也。○璅珞經云。以鋼銀金琉璃摩

尼水晶之六輪對住。行向地等妙之六位。俱詳直解。茲不煩引。此十聖地。觀行斷證。初地斷上品惑。證下品智。自二地至七地。斷中品惑。證中品智。從八地至十地。斷下品惑。證上品智。此卽轉前五識相應心品。成所作智。轉第六識相應心品。成妙觀察智。轉第七識相應心品。成平等性智。轉第八識相應心品。成大圓鏡智。四智圓明。三身圓現。所謂大圓無垢同時現。普照十方塵刹。中以上答釋心地名相。竟向下結答以勤修也。

是四十法門品。我先爲菩薩時。修入佛果之根源。是四十法門品者。總舉心地之軌則也。我先爲菩薩者。此舉果明因也。修入佛果之根源者。此舉因明果也。若非勝因。不得勝果。若非勝果。焉顯勝因。此乃直指根源。以爲衆生修入榜樣。比三結答同意也。意中有二。初舉法陳因。二作勤修證。此初舉法陳因也。

如是一切衆生。入發趣長養金剛十地。證當成果。無爲無相。大滿常住。十力十八不共行。法身智身滿足。

如是二字承上自已成佛根源在斯而一切衆生亦當如是。即今如我往昔行菩薩道。修入發趣長養金剛十地。四十賢聖之行。爲因地心。得今證當成果。無爲無相。大滿常住。法身智身滿足之相好也。無爲無相。即顯法身大滿常住。即顯報身十力十八不共行。即顯法身法身等者。言證此無爲無相。當成法身之果。證此大滿常住。當成智身之果。證此十力十八不共行。當成三十二相八十種好。千百億化身充滿具足之果。故云法身智身滿足也。此意中二作勸證修也。十力者。一知是處非處。智力。二知過現未來業報。智力。三知諸禪解脫三昧。智力。四知諸相勝劣。根智力。五知種種解智力。亦名欲力。六知種種界。智力。亦名性力。七知一切至處道。智力。八知宿命無漏。智力。九知天眼無礙。智力。十知永斷諸習氣漏盡。智力。十八不共法者。一身無失。二口無失。三意無失。四無不定心。五無異想心。六無不知捨心。七欲無減。八念無減。九精進無減。十智慧無減。十一解脫無減。十二解脫知

見無減。十三身業隨智慧行。十四口業隨智慧行。十五意業隨智慧行。十六知過去無礙。十七知現在無礙。十八知未來無礙。此十八行云不共者。以是諸佛自覺聖智境界。非權小菩薩所共。更非凡夫境界可知。故云不共。

爾時蓮華臺藏世界。廣舍那佛。赫赫大光明座。上千華上佛。千百億佛。一切世界佛。

爾時者。即舍那如來。舉因明果以勸修之時也。蓮華臺等。及千百億佛。解見前。言一切世界佛者。是千百億之釋迦佛。展轉變化。無量無盡之智慧佛。居一切世界中。說法利生。以表從心地戒法中出生。無量無盡智慧佛也。下卷又云。微塵菩薩衆。由是成正覺者。此也。此三華光諸釋也。請釋有二。初總標報化二。別明常機。此總標報化也。

是座中有一菩薩。名華光王大智明菩薩。從座而立。白廣舍那佛。言。世尊。佛上略開十發趣。十長養。十金剛。十地名相。其一一義中。未可解了。惟願說之。惟願說之。妙極金剛。贊說一切智門。如來百觀品中。已明

是座中有一菩薩者是千佛座中之果位菩薩也。名華光等者。前云立通華光主。此云華光大智。明正顯此心地戒法。非具大智慧者不能通問。斷惡證真。必以智慧為首故也。從座而立身業之誠。白盧舍那佛言。世尊口業之誠。身口如心契實相。意業之誠也。佛上略開四十法門。名相名相。雖多以義論之。則名相為略。故曰略開其中一一義理。必廣修斷。觀智未會解了。必請詳明。故曰惟願說之。惟願說之。重叙請意。以表請法之誠切也。妙極即妙覺果海。金剛即堅利之智。謂若至果海。非金剛智不能。此智一起。諸物不能壞而能壞。諸物一切。襍染諸惡種子。斷盡無餘。故云妙極金剛。此智具足一切功德。故云寶藏。為一切賢聖修斷方便。觀智根本。故云一切智門。如來下引證。以明此處文義。在大部內。如來百觀品中。已更詳明矣。此請釋中二別明當機也。此一節文。總承前義。而來自從是時。釋迦身放慧光。人天生疑。立通光主。放光聚眾。請問光相。釋迦聲眾至舍那所。代前二

人持文係後
入所加不重發
疏釋入總先顯

問請決其疑。舍那領答。從凡至聖。即以心地為因。當成佛果。果中境界。一一發明。又恐大眾難開心地。為因。不知是何心地。故又廣開名目。為三十心。十地。既有如是之名。如是之相。必有如是之義。若不發明。義趣將使行者莫知趨向。執相迷心。執事迷理。故華光王菩薩請解其義。正謂涅槃心。易曉差別。智難明也。

爾時盧舍那佛言。千佛諦聽。汝先言云。何義者發趣中。

此牒大智明菩薩請釋其義。誠聽許說。十住進修地位。觀行之義也。此四舍那開釋。有四初明十住。義二明十行。義三。明十向。義四。明十地。義十住中。又有二初總標牒問。二別解其義。此初總標牒問也。下別解其義。有十。

○第一捨心位

捨者。即檀波羅蜜也。別經名發心住。百千法門。以檀為首者。何益博地凡夫。以執著我法。不捨故輪迴諸趣。今欲趨佛道者。必以財捨法捨。攝捨三

捨爲先。漸漸從外及內。以至內外俱捨。捨亦復捨。如是之人。名爲肉身菩薩。乃可入道。自利。因此檀度廣攝衆生。亦易從化而利他也。

若佛子。一切捨。國土。城邑。田宅。金銀明珠。男女。已身。有爲諸物。一切捨。無爲無相。我人知見。假會合成。主者。造作。我見。十二。因緣。無合。無散。無受者。十二。入。八界。五陰。一切一合相。無我。我所。相假成。諸法。若內一切法外。一切法不捨。不受。菩薩爾時。名如假會觀現前。故捨心入空三昧。

若佛子。者。標其能修行捨之人。一切捨者。標其所修當捨之法。何爲當一切捨耶。國土。城邑。等者。言天子之國土。宰官之城邑。庶民之田宅。自天子至下庶民。咸有金銀明珠。男女。外而器界。及自己內而根身。皆有爲諸物。一切悉所當捨者。若有人乞寶位。官位。城邑。國土。而生尊貴之心。乞安養田宅。使用金銀明珠。而作護惜之念。乞奴婢男女。已身而起情愛之想。悉無一毫捨心者。又豈能滿檀波羅蜜。以莊嚴無上菩提哉。故所以修行此捨心位。

菩薩貴一切捨也。何爲能一切捨耶。此位菩薩以空觀假法。照破世間有爲皆悉。無爲有相皆悉。無相有我。有人情之所知。目之所見。皆悉是假。因假緣會合而成。主者以造作我人知見故耳。此位菩薩一一照破。故能一切捨也。至于三世因果。十二因緣。皆悉無爲無相。以因緣和合。虛妄有生。因緣離散。虛妄有滅。緣會而生。法體本來不生。緣盡而滅。法體本來不滅。不生不滅。誰合誰散耶。故云無合無散也。既無生滅。合散亦無。受彼生滅合散者。故云無受者也。現在十二入之六根。六塵。十八界之根塵識。五陰之色受。想行識。皆悉是假。無爲無相。一切諸法。空無所有。心佛衆生。三無差別。故云一切一合相也。既一切一合相。誰爲我相。誰爲我所相。而起我人知見。誰爲虛妄假法合成。主者及一切諸法耶。至若十二因緣。三科五蘊內一切法。若國邑男女外一切法。此菩薩皆悉一一照破。故能一切捨也。如是行捨內。不見有我爲能捨之人。外不見有物爲所捨之法。中不見有受施者。以此

三輪體空故云不捨不受也。菩薩爾時下。謂菩薩修是捨觀正當三輪體空之時。名如假會幻化觀。照現前故而令捨心證入真空。正受三昧得大利。益也。十二因緣詳三地假會觀詳直解不煩引此。初釋捨心位也。

○第二戒心位

戒卽尸羅波羅蜜也。別經名治地住。謂此位菩薩常隨空心行諸法門。以嚴戒品戒總有三聚十無盡戒。則則三千八百萬無量戒也。

若佛子。戒非非戒。無受者十善戒。無師說法。欺盜乃至邪見。無集者慈良清直。正實正見。捨喜等。是十戒體性。制止八倒。一切性離。一道清淨。

若佛子者。標能行持大戒之人。戒者。標所當行持之法。非非戒等者。小乘人以有戒相。可持拘束于戒。自救不了。故名非戒。魔外分別有無。有卽妄有。無卽滅無。以虛妄斷滅心行持惡戒。不惟無益而反自損。卽云非非戒也。此位菩薩行持大乘金剛寶戒。豈受此等樣戒耶。故云無受者也。十善戒者。

善淨也。卽小乘十種淨戒。小乘人不達戒性本空。執守拘束。不能究竟明了也。無師說法。欺盜者。卽魔外等人。我慢貢高。不棄受真正師承。而傳戒法。或妄號法王。未得謂得。未證謂證。而欺或偷聽說戒。偏習律本。夜聚曉散。而盜乃至執無戒可持。而說姪怒癡。皆爲梵行惡罵。捶打。無非佛事。竝執有戒。而持牛狗等戒。不食烟火。迫別于人。以爲淨戒。如此等輩。俱是邪見。自迷迷人。師及弟子俱陷惡道。此位菩薩。豈更集此等樣非非戒也。耶。故曰無集者也。慈良等者。此當位菩薩。從信滿入住以來。修習空觀。素所秉性。慈愍而不殺。良善而不偷。淨清而不姪。直言而不妄。正實明慧而不黏。正見廣大而不證。四衆過不自讚毀。他不謗。三寶捨施而不慳。喜樂而不嘆。素性所求如此。非庸小所能及也。等者。凡八種體性。而含十重大戒。正見攝三。故云等也。是十戒體性等者。言如是八種十戒本體性。分正是防微杜漸之根本。所以裁制禁止。凡夫四禁外道四枯之八種顛倒也。凡夫四禁乃無常。

計常無樂計樂無我計我無淨計淨執有而生常見覺也。外道四枯常計無常樂計無樂我計無我淨計無淨執無而生斷見覺也。是十戒體性制止諸倒者。傳其一切性離耳。一切性離者是使非非戒性十善性無師性默性盜性邪見性離也。如是諸性既離則此慈良清直等之十戒體性一道光明金剛誓戒清淨而無染汚也。此二釋戒心位也。

○第三忍心位

忍即攝提波羅蜜也。別經名修行住謂能修行忍力長養衆善根故。忍者謂于逆順諸境安然自如乃即造道之強力也。

若佛子。忍有無相慧體性一切空空忍一切處忍名無生行忍一切處得名如苦忍無量行一一名忍無受無打無刀杖瞋心皆如如無一一諦一相無無相有無有相非非心相緣無緣相立住動止我人縛解一切法如忍相不可得。

若佛子者。標其能行忍之人。忍者。標其所當忍之法也。有無相等者。無相慧即空慧體即本體性即

性分也。言此位菩薩行持此個忍法之時。有此無相空慧體性以觀照一切忍也。云何爲一切忍耶。一切空空忍者。一切空色界四禪依空而住。諸空乃超出形聲之外。是修無相慧法者之所當忍者也。善薩能于此空而又空不見有空相可得忍可忍證。故名曰一切空空忍也。一切處忍等者。一切處即無色界空無邊處識無邊處無所有處非非想處。此四空處乃超出形聲色相之外。是修無相慧法者之所難忍者也。善薩能于此諸處忍可忍證。一切空盡直證無生。是名無生行忍也。一切處得名如苦忍者。言一切空一切處是人所難忍者。于此難忍能忍。與忍諸毒害苦惱者。一樣是能耐忍忍受可得名如苦忍也。無量行一一名忍。者無量行即十信三十心十地十重四十八諸戒行。並百千法門無量妙義。此菩薩以無相慧觀照于一法中能忍可忍證。故得一一名忍也。無受等者。謂此位菩薩修無相慧了達三輪體空。內不見有能受打之我相。外不見有打我之人相。中不見有

刀杖所受所打之衆生相于此三輪之中竟一毫
 嗔心相如芥子許不可得。而無壽者相如是四相
 如如皆空。無有故云無受。打刀杖嗔心皆如如也。
 無一一諦一相者。言此菩薩修無相慧。觀照世
 出世間俗諦眞諦。悉皆無相。無相即是實相。實相
 卽是一相。故云無一一諦一相也。直解分別此上
 諸忍爲六忍。引千臂經爲證。甚詳。無無相者。言此
 菩薩修無相慧。行六忍空法。其實體性無相可得。
 竝此無相亦無之也。故云無無相有無有相三句。
 謂此位菩薩修空觀時。唯有此無有相以空之也。
 修假觀時。唯非此非心相以假之也。修中觀時。唯
 緣此無緣相以中之也。又觀空時。無假無中而不
 空。觀假時。無空無中而不假。觀中時。無空無假而
 不中。三卽一一卽二也。立住等者。立即站立住。卽
 住坐動卽行。動止卽臥止。四威儀也。我卽我相。人
 卽人相。縛卽凡夫衆生相。解卽聖人壽者相。此菩
 薩修此三觀空慧。體性現前時。四威儀相四相相
 一切法相。皆如諸忍。無無相一般。求其如忍相亦

不可得也。此三釋忍心位也。

○第四進心位

進卽毗黎耶波羅蜜也。別經名生貴住。謂生在佛
 家。種性清淨也。梵語毗黎耶。此云精進。謂精而不
 雜。進而不退。卽于上三法勤策不懈。乃卽智行無
 間之功力也。

若佛子。若四威儀一切時行。伏空假會法性。登無生
 山。而見一切有無。如有如無。天地青黃赤白一切入
 乃至三寶智性一切信進道。空無生無作無起。起空
 入世諦法。亦無二相。續空心通達。進分善根。

若四威儀等者。言若佛子行此毗黎耶波羅蜜時。
 于行住坐臥之際。晝夜六時之間。無少間歇。惟降
 伏此心于空觀中。此行伏空也。復假此空觀之理。
 融會一切法性。此卽行伏假也。以此空觀假觀之
 理。雙伏互融。直陟中道最高之頂。此卽行伏中也。
 而見等者。精進菩薩行伏忍法時。心如明鏡。照徹
 世出世間有爲無爲一切諸法。如觀掌中見有之
 時。有非是有。因無故有。故名如有。見無之時。無非

是無因有故無故名如無何謂如有天之三光風
露雷雨地之山河飛濤動植咸有青黃赤白五色
一切入處悉皆虛幻不實誠然非有故云如有也
何謂如無乃至佛法僧三寶之智慧體性一切賢
聖誠信進修之道雖然空雖然無生雖然無作如
是智性信進道三解脱悉皆真實不虛灼然非無
故云如無也無慧等者言此菩薩于四威儀一切
時中惟以此無生慧觀察起空入一切世諦法
中咸皆渾化融通世法佛法總無差別故云亦無
二也此時惟行伏空心現前相續相連綿綿不已
通而無阻達而無礙分精進增長善根畢竟本
壯枝榮華果敷實也此四釋進心位也

○第五定心位

定即禪波羅蜜也則經名具足方便住謂即多習
無量善根力故

若佛子寂滅無相無量行無量心三昧凡夫聖
人無不入三昧體性相應一切以定力故我人作者
受者一切縛見性是障因緣散風動心不寂而滅空

空八倒無緣假靜慧觀一切假會念念寂滅一切三
界果畢性皆緣定滅而生一切善

若佛子若標能修行入定之人寂滅者標其所管
定之法也梵語禪那此云寂滅亦云靜慮亦云寂
靜謂根境如如不即不離若鏡現相故云寂滅也
無相無相者上無相是說能定之心無相下無相
是說所定之法亦無相也上指人下指境亦可無
量行無量心等者言一行定則行行皆定一心定
則心心亦定無量行無量心無有一行一心不入
此正定三昧者到茲境界有何凡解可捨有何聖
解可取哉無有一凡一聖不入此正定三昧者其
本體性分如是法爾如然也斷斷乎未有不相應
此正定三昧者也一切以定力故至不寂而滅作
一句讀言此正定三昧如大治紅爐一切我見人
見作者見受者見起一切等縛而生六十二見種
種性咸是障道內緣散亂境風鼓動心海如是等
法到來如片雪點紅爐不假銷鑠而自化故云不
寂而滅也空空八倒等皆上空空榮四倒下空空

枯因倒以定力故榮倒枯倒皆無緣而起也。假靜慧觀者。假靜觀而空榮。假慧觀而空枯。以定力故。一切假會之法。念念相應。與寂滅三昧同一體性。無二無別也。至于一切欲界色界無色界因果罪福種性。咸入其中。不寂而滅。不豁而化。以期之故。而生長一切行。向善法也。此釋定心位也。

○第六慧心位

慧即般若波羅蜜也。別經名正心住。梵語般若。此云智慧。謂智能照境。慧能了境。于境分明。無惑能轉物也。

若佛子。空慧非無緣。知體名心。分別一切法。假名主者。與道通同。取果行。因入聖捨。凡滅罪起福。縛解盡是體性功用。一切見常樂我淨。煩惱慧性不明。故以慧爲首。修不可說觀慧。入中道。一諦其無明障。慧非相非來。非緣非罪。非八倒無生。滅慧光明。發爲照樂。當方便轉變神通。以智體性所爲慧用故。

若佛子是。能修慧之人。空慧是所當修之法也。非無緣等者。言此個真空妙慧。非是無緣而生。又非

即緣而生。是即本有空慧。靈明知體名之爲心。不假方便。故也。分別一切等者。此個知體。能分別一切諸法。當體本空。假名主者。無實體性。咸與至道通同一味。無二無別。故云假名主者。與道通同也。取果等者。取果謂取三賢十聖等妙佛。以之爲果。行因謂行三十心十地十重四十八輕。以之爲因。俾其入聖而增進。修捨凡而不退。墮滅一切罪起。一切福縛法解法俱是體性功用。所謂從凡夫中來者。用其識心。從聖性中來者。用其智慧。識智元無二體。惟在用之有殊耳。一切見等者。言凡情聖解罪福縛解。一切見因何而有。蓋由不知如來眞常眞樂眞我眞淨之四德而起。八倒見。因倒見而生。種種煩惱障蔽慧性。不得明了故也。此位菩薩能斷除一切倒見煩惱者。蓋以智慧爲前。茅爲先。導續修習之。以不可說觀慧爲助。法法頭頭皆有二諦細審細察。互觀互融。俾入中道第一義諦之中。則其煩惱無明倒見障慧。皆照破無有實體。而非相無有動轉。而非來無有合散。而非緣無有

因果而非罪。無有榮枯而非八倒。無生無滅。純一空慧。智光靈明。徹發其所為慧照之用。如日之處虛空。言此位菩薩。舉心動念。折旋俯仰。無所往而非智慧。能起種種方便。展轉變化。運御神通。妙用無比。使諸有情。離一切暗。總無他法。惟以平等智中本體性分設施所作。所為純以空慧為用。故也。此六釋慧心位也。

○第七願心位

願即願波羅蜜也。別經名不退住。入于無生畢竟空界故。

若佛子。願大求一切求。以果行因。故願心速。願心速相續百劫。得佛滅罪。求求至心。無生空一願觀。觀入定照。無量見縛。以求心故。解脫無量妙行。以求心成。菩提無量功德。以求為本。初發求心中間修道行滿願故。佛果便成。觀一諦中道。非陰非界非沒生。見見非解。慧是願體。性一切行本源。

若佛子是。能修願波羅蜜之人。願者是所修願波羅蜜之法也。願者願要。乃即發諸大願。成佛利生。

也。願大求。即上求佛果。一切求。即下化衆生。以果者。以上求成佛道。自利為果。行因者。以下行化衆生。利他為因。故字結上二求。以此之故也。願心速等者。承上以果行因之願心。求重言者。言常念念不忘。心心無間相連相續。百劫修行。難行難為。能為難忍。能忍難捨。能捨如是。百劫修行。始能得見本佛。源無量罪也。求求等者。上求即上大求。下求即上一切求。至心即願心速。意無生空。一願者。即百劫修行。無生空法。而得成佛度生。一願滿足也。觀觀入定。照者。上觀即空觀。下觀即假觀。定即禪定。照即慧照也。空觀是禪定。體禪定是空觀。用假觀是慧照。體慧照是假觀。用又禪定是空觀。體空觀是禪定。用慧照是假觀。體假觀是慧照。用互攝互入。一而二。二而一也。無量見縛。皆以發上求下化之大願。求心故。而始得解脫。無量妙行。亦以是求求至心。故得成就阿耨菩提。無量恒沙稱心功德。亦以求心故。而為根本也。此下勸其必行。如是求心。非是空發願樂之心。而不即行願樂之。

行故必初發求心而始覺中間修道而漸次覺行滿願滿故而究竟覺三覺果滿萬德周圓方得成佛果稱兩足尊也以中道第一義諦慧觀照之于其中間無五蘊而非陰無根塵識而非界非沒非生能見所見一切皆非其分別解慧俱是願求本體性分一切行向根本源頭也此釋七願心位也

○第八護心位

護卽力波羅蜜也別經名童真住謂不生邪倒破菩提心故

若佛子護三寶護一切行功德使外道八倒惡邪見不矯正信滅我縛見縛無生照達二諦觀心現前以護根本無相護護空無作無相以心慧連慧連入無生空道智道皆明光明光護觀入空假分分幻幻化所起如無如無法體集散不可護觀法亦爾

若佛子標能行力波羅蜜之人護三寶是標所當護之法也三寶卽佛法僧佛者覺照義法者執持義僧者和合義此三寶是佛子之所當護者云何護三寶耶護一切下至護根本皆護三寶之義一

切行卽賢聖所行心地中所含六度萬行功德卽聖賢所修功勳所集福德仁王經云以護佛果護十地行亦同此意外道多種凡不達心地道戒向外馳求俱名外道八倒惡邪見等是于三寶不惟無益而反有損者能護三寶之人自使此輩恭敬供養且不暇安有毀謗正法燒害正信之理凡有我縛見縛者到此見相皈依觀德人容而惡意銷殞我人諸見盡皆解脫也行護者惟用無生智理照了通徹真俗二諦了真諦不空微俗諦不有不空則不斷不有則不常二諦圓融互融無礙惟此惡觀之心顯現于前以護斯三寶正信根本三寶根本既牢固菩薩智慧華果何所愁而不榮實耶護三寶義止此無相下至亦同皆護行功德之義無相卽實相慧已上護護此人下護護此法也空解脫無作解脫無相解脫威人所當護行功德法也以心等者言以此空心俾無相慧相續相連無少間斷直入無生空道無餘涅槃理果無生智道無上菩提智果中理智互融圓明發照皆明光明

光巨細不遺而無惑矣。護觀等者。承上護心入道。來言此護心觀理。從此而復起。觀照觀入于空。即遣真相觀入于假。即遣俗相。真相俗相。既空既假。則此空假分中。空假分分。同于幻化也。則此幻化所起。復從何滅。于此求起相。且不可得。求滅相。又安可得哉。故曰。如無如無也。此上即護行功德。護法體二句。單結護法觀也。言此上護解脫入道。護觀入空假。既如無如無矣。此個法體向何處捉。摸集耶。散耶。皆不可得。而護也。不可護中。與摩護耳。觀法體。既然觀法亦復如是。此人釋護心位也。

○第九喜心位

喜即方便波羅蜜也。別經名法王子住。謂從佛正教而生。于解當紹佛位故。

若佛子。見他人得樂。當生喜悅。及一切物。假空照寂。而不入有。為不無寂然。大樂無合。有受而化。有法而見。云假法性平等。一觀心。心行多聞。一切佛行功德。無相喜。智心心念。而靜照樂。心緣一切法。

若佛子者。言能行方便之人。見一切他人得樂。有

此喜境于已。應常生喜悅。有此喜心也。常生者。何此菩薩從久遠劫來。發菩提心。元為令諸眾生離苦得樂。今見得樂之人。適其所願。故常生喜心也。及一切物者。言此菩薩喜心廣大。不唯見人樂而生喜心。凡見一切有情物。領得樂。亦常生喜心也。此上三句。標所當喜之法也。假空照寂等者。假照即正慧空寂。即正定慧真境。細滿纖塵。大充法界。于有為無為。無不含攝。寧有出入哉。故曰。不入灼然。該遍故曰。不無空理。寂然。渾一大樂境界矣。合者。配也。伴也。此個境界得之者。如啞人。聖聖說向人。不得不與。萬法為侶者。此也。誰為合。誰當合。唯吾自偶。諸耳。豈不大樂耶。故曰。大樂無合也。有受等者。言有喜受之心。變化不留。有喜法之境。顯原透徹。即此喜心喜境。純一樂地也。云假者。謂受心法境。當體如如。無實體性。故云假也。法性句。即云假義。言如是法性本來平等。以一慧觀照之。觀諸法之相。云假觀諸法之性本真。在理不增。在凡不減。平等不二。既觀諸法體性平等。而法身之理

果尚未究竟。當心發起大行而行之始。乃多聞一切諸佛妙行。果海三十二相八十種好。圓滿功德也。無相喜智二句。承上言。謂此菩薩。思行諸佛功德。本乎無相。契此無相之理。以爲喜心。如空合空。不相妨礙。復以此喜智起行。長養承承。無失心心相續。存乎念中。常靜常樂。照契喜心。不二一緣。一切已得法樂。未得法樂之衆生。令其同證。無相喜中寂然大樂。無合之道也。此釋九喜心位也。

○第十頂心位

頂卽智波羅蜜也。別經名灌頂。住謂觀空無相得無生心法水灌頂故。

若佛子。是人最上智滅。無我輪見。疑身一切瞋等。如頂觀連觀。連如頂法界中因果。如一道最勝上。如頂如人頂。非非身見。六十二見五陰生滅。神我主人。動轉屈伸。無受無行。可捉縛者。是人爾時入內空。值道心。衆生不見緣。不見非緣。住頂三昧寂滅。定發行。趣道性實。我人常見。人倒生緣。不二法門。不受八難。幻化果畢。竟不受。惟一衆生去來坐立修行滅罪。

●下
中
有

除十惡生十善。入道正人。正智正行。菩薩遠觀現前。不受六道果。必不退佛種。性生。生入佛家。不離正信。上十天光品廣說。

是人卽修行頂智之人也。最上智卽是頂智。言無我輪五利五鈍。使等非此上上。大智豈當滅之哉。無者空也。我者我見也。輪者輪迴也。衆生以不識我見本空。所以輪迴諸趣。起我見。起見身見。見取戒取。貪瞋癡慢疑等。也是人既以此上智滅盡。我輪諸使。則當體全空。是一如頂大空妙智。觀相續相連。綿綿不止。照此觀連。空亦復如頂。實十方十法界之中。若因若果。皆悉如一道。無二無別也。是故此智而爲最上最勝頂智。高超物表。如頂之家。焉如人頂者。人身惟頂最尊。喻此菩薩頂心觀智。離身離意。無根無塵。高顯而無上也。上明最上智。非非身見。下至捉縛者。明滅無我輪等也。上非能遣觀智也。下非所遣惑業也。言此頂智。明粗細等惑。無所不滅。非身見外道。可捉可縛。亦非六十二種斷常邪見。可捉可縛。亦非五纏妄身。

妄心和合因緣可捉可縛亦非神我主諦動轉屈伸種種計量種種幻相可捉可縛其頂心智觀滅除情見如千年暗室一燈破盡豈是此等諸見有受有行可捉可縛也耶是人爾時等者是人當位之人爾時者乃入觀之時也言此當位菩薩入智觀內一切皆空外山河內身心無所不空惟道獨存以直道故遠離諸妄心心平等廣度有情總不見有能緣之心及所緣之境不但無能所緣之度生相亦無非能所緣之理智相故云不見緣不見非緣也既心境雙泯智理全空即得安住最勝頂心三昧寂滅之正定矣發行等者言二乘住定著定不肯飽益有情菩薩雖住是頂智定而不貪著能從智定中發起慈悲喜捨廣大之心修行妙行趨向佛道體性真實猶如金剛不爲魔外所侵害四相我人斷常諸見榮枯八倒生滅因緣于此真實不二法門之中永無受行滅盡無餘即八難幻化異熟業果亦畢竟不受其報所謂因窮果喪故也惟一衆生等者此衆生即得頂智大心衆生

初賢十住雖滿未入十行猶近衆生但超一切衆生之上孤孤迥迥已是獨尊故曰惟一衆生也又此菩薩十住智滿利生心切垂慈接引外示威儀與諸衆生無二無別一般去來一般坐臥動止一般修行趣道滅罪求福除去十惡生長十善一般求入道中作端正人其端正智行端正行但頭頭法法以身先之作個榜樣故也此時菩薩頂智明妙達觀現前雖現六道衆生形儀而實實確確決定不受六道衆生果報亦決定不復退佛種性中生畢竟在佛種性中生入佛家紹佛眞子直至佛界不離此個端正實信也上十天光品者上即在此心地品之上天光品是六十一品中之一品廣說者言此猶略彼品所說較茲更多也此釋十頂心位也八難即地獄畜生餓鬼畜墮瘡痼世智辨聰佛前佛後北俱盧洲無想天也

盧舍那佛言千佛諦聽汝先問長養十心者此際問誠聽許說十行修進地位觀行之義此二明十行義二初標陳問辭二正解其義此初標陳

問辭也。下別解其義有十。

○第一慈心位

慈卽慈無量心也。別經名歡喜行。謂入法界不爲邪動故也。

若佛子。常行慈心。生樂。因已。於無我智中。樂相應觀。入法受想行。識色等大法中。無生無住無滅。如幻如化。如如無二。故一切修行成法。輪化破一切。能生正信。不由魔教。亦能使一切衆生。得慈樂果。非實非善。惡果。解空體性三昧。

若佛子。常行慈心等者。前十住位人。發心修行十度。爲彼自利。則以檀爲首。此則修行十行。接物利人。故常行慈心。以慈當先。慈有二種。一有情緣慈。觀一切衆生。如一子故。二觀法緣慈。觀一切法。因緣生滅了無自性。故三無緣大慈。言無心攀緣一切衆生。一切衆生自然獲益。故菩薩常修行此三慈心。以利濟衆生。令其離苦得樂。生長此樂。因已于無我根本智法中。樂求一念相應慈。觀入法受想行。識色等大法中。上法字卽意根所對法塵也。

色等等字。含聲香味觸四塵。此超略言耳。云何大法。卽天地青黃赤白。无遍法界。豈不教做大法。一塵既爾。六塵亦然。色五蘊既爾。諸五蘊亦然。咸以一念相應慈。觀入此等大法之中。如火燒薪。而生相。無明住相。無明滅相。無明當下永銷。瓦解矣。念念相應。如幻如化。無實體性。觀如法如相應色等。咸皆無二。等無差別也。上卽有情緣慈。義一切修行等者。所謂一切修行。種種妙行。成就無上法輪者。無非教化。蔭被一切衆生。生入佛家長養正信。不由外道邪魔所教。自能離一切苦也。卽法緣慈。義亦能使一切等者。言不但使眾生正信。不爲魔苦所壞而已。亦復能使一切衆生。自悟無上菩提覺心。證無餘涅槃境界。得起空利物之慈。三昧眞實樂果也。卽無緣大慈。義非實等者。言此慈樂果。不是權小之實法。小果亦非人天善惡有漏因果。是何等果耶。此慈樂果者。乃是一念相應智解。如如無二空理平等正受。體性三昧。自樂樂人之慈樂果也。此初釋慈心位也。

○第二悲心位

悲即悲無量心也。別經名饒益行。謂常化衆生。使得法利故。

若佛子。以悲空空。無相悲緣行道。自滅一切苦於一切衆生。無量苦中。生智不殺生緣。不殺法緣。不著我緣。故常行不殺不盜不婬。而一切衆生不惱發菩提心者。於空見一切法如實相。種性行中生道。智心於六親六怨。親怨三品中。與上樂智上怨緣中。九品得樂果。空現時。自身他一切衆生平等一樂。起大悲。若佛子。以悲者。以字有力。言悲心菩薩。雖能拔苦。又非得大堅固力者。不能。故云。以悲也。空空等者。言此悲非衆生情愛之悲。乃菩薩空空。無相大悲。任運往來。以大悲緣。故行菩薩道。示現自滅一切苦惱之相。而於一切衆生。無量苦惱緣中。生長無量方便智慧。也不殺生等者。即自滅一切苦。義生法我三緣。合方成殺業。缺一決定不成。持不殺戒者。但空一緣。而三緣俱空。但常行不殺滅苦。而不盜不婬。亦如是滅苦也。而一切衆等者。即苦中生

智。義言此菩薩如是滅苦。前倡後護。自感動一切衆生。亦不殺不盜不婬。滅諸苦惱。而發菩提心。生一切智也。此上拔苦。竟於空見等者。言菩薩能于眞空實相理中。照徹一切諸法。皆如實相。情與無情。無一法而不具。茲眞空實相。由迷而不悟。故于衆生種子性分中。發生悲緣行。緣無量方便智心。于父母兄弟姊妹。六親六怨。若親若怨。下怨緣三品之中。與上三品樂智上上品怨緣中。與下下九品得樂果。城東老母。雖誓不見佛。而無害佛之心。下怨緣也。見佛避入室中。四壁皆佛。以兩手遮眼。十指皆佛。與上樂智也。調達推山。壓佛上怨緣也。在地獄中。如受三禪天樂。九品得樂果也。中品與樂不言。而可知。此上與樂。竟空現時等者。言此悲緣智道。實相眞空顯現之時。自身離苦得樂。令他一切衆生。身俱亦離苦得樂。以平等一味慈樂果。與之。而令人人起拔苦與樂大悲心。智也。此釋二悲心位也。

○第三喜心位

喜即喜無量心也。別經名無違逆行。謂常修善法。謙下恭敬故也。

若佛子。悅喜無生心時。種性體相。道智。空空喜心。不著我所。出沒三世。因果無集。一切有入。空觀行成。等喜一切衆生。起空入道。捨惡知識。求善知識。示我好道。使諸衆生入佛法家。法中常起歡喜。入佛位中。復是諸衆生入正信。捨邪見。背六道苦故喜。

若佛子。悅喜等者。悅是自己。暢悅喜是見人喜。歡無生心者。無相心也。無相即是實相也。言當此喜時。種子性分本體相狀。皆如實相。空無所有。理圖是一個大空道理。空而又空的喜心。也不著等者。言我且空。誰爲我所。而生執著。故曰不著我所也。菩薩此時。或出或沒。于過去現在未來三世十方中。善因善果。惡因惡果。咸無有受。安有集者。識界色界欲界一切。有人無所不空。三界衆生以執著故。不得此個空觀喜心。此菩薩以不著故。于一切處。凡有所入。此空觀行。不假用心。而自成就也。等喜等者。言空觀既成。于冤于親。平等普度。廣化一

切衆生。衆生不解起行空觀。而此菩薩示現起空。衆生不解入道。而此菩薩示現入道。衆生不解捨邪見惡知識。而此菩薩示現捨惡知識。衆生不解求真善知識。開示于我。妙好正道。而此菩薩示現求善知識。示我妙道者。何總欲使諸衆生入生佛法之家。不生邪外之家。入生佛法之法中。不生權小之法中。也。常起等者。言不特如斯而已。菩薩無量悲心有甚休歇之處。故心心念念常起。自喜喜人歡心。入諸佛位之中。上合諸佛。同一慈力。復還仍舊。是和諧衆生。一樣形儀。下合衆生。同一瞻仰。仍舊如同衆生。皈三寶而入正信。脫樊籠而捨邪見。違背六道諸苦。而趨向四聖真樂也。以是之故。而菩薩心意滿足。故生歡喜也。此三釋喜心位也。

○第四捨心位

捨即捨無量行也。別經名無屈撓行。謂行大精進。行能令一切得至究竟之涅槃故。

若佛子。常生捨心。無造無相。空法中如虛空。於善惡有見無見。罪福二中平等。一照非人。非我所心。而自

他體性不可得爲大捨及自身肉手足男女國城如幻如化水流燈燄一切捨而無生心常修其捨

若佛子常生等者言此菩薩從無窮劫發心而行捨行以利人故云常生捨心也無造即無能造捨之人無相即無所捨之法及受捨者如是三輪體空法中究竟如虛空空無所有也既能捨所捨皆如虛空則善惡之二因有無之二見罪福之二報于此二法之中以平等慧觀一道照察之亦究竟如虛空空無所有也人相我相我心我所心而自他之衆生相等干其中間求其體性如針鋒許不可得亦究竟如虛空空無所有也如此生心如此觀照方得名爲大捨也即我空義及自身等者至于自己內財寶之身肉手足外財寶之國城男女以平等觀照之皆如幻如化無實體性內外之財不可得如水流如燈燄無實體性自他之財亦不可得故當一切捨也即法空義而無生心者無生心即無造無相三輪體空之實相心也常修其捨者言此菩薩捨心廣大永遠而無懈歇也此釋四

捨心位也

○第五施心位

施即施攝法也別經名無癡亂行謂不爲無明之所失亂故

若佛子能以施心被一切衆生身施口施意施財施法施教導一切衆生內身外身國城男女田宅皆如如相乃至無念財物受者施者亦內亦外無合無散無心行化達理達施一切相現在行

若佛子能以施等者能以施心即能破之心教破一切衆生即所破之心機身施即以身擔荷執勞負役乃至捨頭目髓腦身肉手足口施即口無難黃出言善熟乃至歡喜讚歎說誠實語意施即心無嗔恨貪痴嫉妬乃至常懷恭敬現柔和相財施即國城妻子珍寶田宅資生業等法施即權實方便大小諸乘因緣譬喻教化引導一切堅恪衆生令其達法達施知內身五蘊外身四大七寶國城男女田宅等物當體全空感如如相無法可施乃至無財物可念無受施之人無施財之我三輪空

相亦皆如。如亦內之六根。亦外之六塵。無因緣可生。可合。無因緣可滅。可散。無心行可行。無衆生可化。無心可行。名為達理。無生可化。名為達施。既能達理。又能達施。何妨一切內施外施。現在前行而決無留礙也。此釋五施心位也。

○第六好語心位

好語即愛語攝法也。別經名善現行。謂生生常于佛國土中生故。

若佛子。入體性愛語三昧。第一義諦法語。義一切實。語言皆順。一語調和。一切衆生。心無嗔。無諍。一切法。空智無緣。常生愛心。行順佛意。亦順一切他人。以聖法語教諸衆生。常行如心。發起善根。

若佛子。入體性等者。愛語乃是極慈極悲。至親至切。叮嚀教誨。和順語也。言此柔軟好語。非凡小情見偏執之語。乃即依從如來體性愛語三昧。正定所生語也。如來有五語。一真語。二實語。三如語。四不誑語。五不異語。此文雖三中該備五義諦法語。即真語。一切實語。統不誑語。皆順一語。即如語。不

異語也。言此佛子。既以第一義諦而生語言。凡發示言詞。無不真實。而必不欺不誑。皆順一語。終不二語。人能恒修此五語。為因當感如來廣長舌果也。調和等者。調和即上諸語。為能調一切衆生心。為所調。無諍。即意和。無諍。即言和。衆生多種心口多別。此菩薩難調。能調皆使意言平和。而無諍。無諍也。一切法空等者。言此菩薩恒以第一義諦。照了諸法皆空。此個空智。充遍情與無情。一切諸法。而不假誘進之。無緣大慈。亦遍一切諸法。雖此空智。無緣而菩薩恒順衆生。調護保愛衆生之心。無時暫息。凡其所行。上合三世諸佛之心。同一慈力。亦下合一切衆生之心。同一悲仰也。以聖法等者。言此菩薩教導衆生。別無他法。惟以聖諦第一義法語。並五語。誨調攝一切衆生。常行如心。傳無諍。諍開發生起一切善根。永為菩提道種也。此六釋好語心位也。

○第七益心位

益即利行攝也。別經名無善行。謂於我我所一

切智空故

若佛子利益心時以實智體性廣行智道集一切明
該法門集觀行七財前人得利益故受身命而入利
益三昧現一切身一切口一切意而震動大世界一
切所爲所作他人入法種空種道種中得益得樂現
形六道無量苦惱之事不以爲患但益人爲利

若佛子利益等者實智卽自證本有知如智體性
卽此智本體性分智道卽利生之權智也言若佛
子行此利行攝時必依本有實智體性方能廣行
智道之權智也集一切等者卽廣行智道義明該
法門卽是種種智慧因緣譬喻無量方便法門所
謂開方便門示真實相者此也觀行卽空假中之
三觀行七財卽信戒聞捨慚愧之七財如是一
切智道皆廣行而所當集者也前人得利等者言
當現前行益之人以得此一切智道利益故始能
和光同塵示受衆生一般四大五蘊身命而入茲
利益正定三昧示現一切神通身輪一切教誡口
輪一切記心意輪饒益一切衆生使未發心者令

其發心已發心者令其增長由此三輪神用故三
千大千世界六反震動也六種震動卽動起涌震
吼聲是也一切所爲等者言凡是一切所施爲一
切所作用咸使他人入此觀行七財法種中明該
法門空種中廣行智道道種中得大利益得大安
樂也現形等者言上現身口意不知是何等身形
又于何處示現謂卽于天道人道阿修羅道餓鬼
道地獄道畜生道一一示現如是等形也天道有
五衰相現苦惱事人間有生老病死苦惱事修羅
有嗔心諍鬪苦惱事地獄有寒酸楚痛苦惱事鬼
神有沉幽愁歎苦惱事鳥獸有懷猛狼悲苦惱事
故云無量苦惱事不以爲患者言此菩薩隱聖顯
凡屈尊就卑得得要如此以好事與他人令他得
益得樂以苦事自向已不以爲患但專饒益他人
以爲利益耳此釋七益心位也

○第八同心位

同卽同事攝也別經名難得行謂成就難得善根
故

若佛子以道性智同空無生法中以無我智同生無二空同源境諸法如相常生常住常滅世法相續流轉無量而能現無量形身色心等業入諸六道一切事同空同無生我同無物而分身散形故入同法三昧

若佛子以道等者以用也道覺也佛也道性覺性佛性一也此智有名無相故可同入空無生法理中也言菩薩善用此智契同此理理智圓融具清淨身也以無我等者無我智即是寂滅智衆生執認四大五蘊以爲實我輪迴諸趣此菩薩以寂滅智照契此有生之軀四大非有五蘊本空無滅無生生滅不二即具圓滿身也空同等者言道性空無生空無我空生空則萬派一源千差一境矣更有何法而不如哉此世世諸法既如如相則具千百億化身也常生等者言四空既明三身圓顯何妨生常同生住常同住滅常同滅耶世法相續等者言雖同世諦法中生生相續流轉輪轉無窮無盡而此菩薩亦于其中能現無窮無盡形狀

身體色相心行等業入諸六道在天同天在人同人乃至在畜同畜應以此身得度者即現此身而爲說法一切事同者何也爲空同無生而理如我同無物而法如也理如則其身雖分而未嘗分法如則其形雖散而未嘗散也以何緣故而能顯如是禪通作大佛事耶蓋入同法三昧故而能作是大佛事也此釋同心位也

○第九定心位

定即勝定行也別經名善法行謂乃說法授人成佛之軌則故

若佛子復從定心觀慧證空心心靜緣於我所法識界色界中而不動轉逆順出沒故常入百三昧十禪支以一念智作是見一切我人若內若外衆生種子皆無合散集成起作而不可得

若佛子復從等者言此佛子復從自己大寂定心中自觀本有妙慧自證本有眞空心心相續唯靜是緣于我所法唯見空相識界色界等者識界即四空天色界即四禪天此先從識界色界而不言

欲界者何此位。辭久修梵行證法界身從法界來全體全界俱皆空相故入識界四空色界四禪而不動搖不轉變也逆順等者菩薩從三界外沒自非非想出從非非想沒自無所有出從無所有沒乃至自初禪出為順此自三界外而入三界內也從初禪沒自二禪出二禪沒乃至非非想出為逆此自內而外也以菩薩法身觀自上而下為順以欲界衆生分段身觀自下而上亦順也此言菩薩心心靜緣之益出沒自在逆行順行天莫測也以此之故常心心入大寂定百八三昧中在識界而不動搖常心心入十禪支內在色界而不轉變也。以一念等者言以一念相應智慧起見照徹欲界一切我人若內根若外塵衆生識性無明種子無不了了明明皆無生合無滅散無集收無成懷無起止無造作一切皆空如幻如化而不可得亦不動搖不轉變也十禪支即覺觀喜樂定靜捨念慧不苦不樂也。釋定心位也。

（第十慧心位）

慧即勝慧行也別經名眞實行謂二諦非如亦非非相故

若佛子作慧見心觀諸邪見結患等縛無決定體性順忍空同故非陰非界非入非衆生非一我非因果非三世法慧性起光光一發明明見虛無受其慧方便生長養心是心入起空空道發無生心上千海眼王品已說心百法明門

若佛子作慧等者作起也言佛子起此慧見能照觀智以觀諸邪見結患等縛而破其所惑也此菩薩于諸魔外執常執斷六十二諸邪見十使八難諸結患一一照破如空華如水月無決定體性何以故以順忍觀慧照之與虛空同體故也既空同故則五蘊空而非陰根塵識空而非界六根六塵空而非入衆生空而非衆生一我空而非一我罪福空而非因果過現未空而非三世法法頭頭純一法慧空性相續而起陰光界光法慧性光一發通徹陰明界明法慧性明朗見無疑陰虛界虛法慧性虛而無能受所受也其慧等者言其慧觀中

種種巧妙方便生長養心成就慧身不由他悟故也是心等者心即長養心入即證人起即發起空空即是所證人空法空二空眞理道即中道言是長養心證入發起二空慧見中道義中惟發此無生心任駕慈航普運衆生咸登般若彼岸故也上千海眼王品中已說此十心百法明門一一廣明其義此釋十慧心位也

盧舍那佛言千佛諦聽汝先言金剛種子有十心

此本源佛告當機千釋迦化佛誠其當詳審而聽許詳說金剛義也汝先言者乃牒問其詞金剛種子有十心者許細分其義有如是問必有如是答也別經名十回向回即迴轉向即趣向謂起大悲心度諸有情迴轉十住十行善法向于三處一眞如實際是所證二無上菩提是所求二一切衆生是所度以能週之心及所週善行向彼萬類圓滿隨行等入法界也此三明十向義二初總標標問二別解其義此總標標問也下別解其義有十

○第一信心位

信即信心回向也別經名救護衆生離衆生相回向謂以前所修證十行神通化度衆生而無能度之相所度之生度而無度故也

若佛子信者一切行以信爲首衆德根本不起外道邪見心諸見名著結有造業必不受入空無爲法中三相無無生無生無住住無滅滅無有一切法空世諦第一義諦智盡滅異空色空細心心空細心心空故信信寂滅無體性和合亦無依然主者我人名用三界假我我無得集相故名無相信

若佛子標人信者標法也一切行即十住乃至妙覺諸萬行以信爲首等者信即正信言此正信不特十金剛中爲當先第一自十信始已剋萬行之先爲第一所以道信爲道源功德母長養一切諸善根一切菩薩智慧花果皆從此正信中出故云一切行以信爲首衆德根本也不起至不受正表其信之正處邪豈能勝正哉一切九十六種外道六十二邪見種種等心諸見諸名諸著諸有諸造諸業亦畢竟不受如揚塵順風焉耳矣人空等者

以不起不受故一切法空。以一切法空故始能證入此空。無爲法中此空即眞空。無爲法即空理。入者證入眞空。無爲空理之中也。三相至一切法空。正表正信空理。二相即生相住相滅相。無無者。因正信堅實得入空。無爲法中則此三相亦空。無有無有亦無有。故云無無也。無生下極言無無之理。上無生是眞空。盡世間情與無情一切法之空理。無生下無生是眞能入空。無生空理之觀智亦當無生。故云無生無生也。無住住無滅滅之正信觀智亦復如是。一生住滅法既無則或百或千以及一切何法不無無耶。無有一切法空者言一切法空亦無有也。此竭盡無餘之義。世諦等者世諦即俗諦世間法也。第一義諦即眞諦出世間法也。言俗諦眞諦出世間觀智到此亦竭盡無餘矣。滅異空者即滅欲界諸見及諸業之麤惑空也。色空者即滅色界無生無住無滅滅之細惑空也。細心空者即滅識界無有一切法空世諦智盡眞諦智盡理障盡智障盡之塵沙細惑空也。因

此細惑心空之心亦復空。故則此能信之心智及所信之理境不假銷除而自寂滅。本體性分亦寂滅。無有也以無體性故。誰爲能信。誰爲所信。誰和證合以相依倚耶。然而三界中凡立主宰者。有我有人有名有用。皆是三界中假我假人假名假用也。于我中求得求集求招了不可得人。中名中用中又有得集相可得歟。如此則方名爲無體相之正信也。此釋初信心位也。

○第二念心位

念即念心同向也。別經名不壞同向謂離衆生相是可壞壞其可壞遠離諸離名不壞同向也。

若佛子。作念六念常覺乃至常施第一義諦空。無著無解。生住滅相不動。不到去來而於諸業受者一合相迴向入法界。智慧慧相乘乘寂滅。寂滅無常光光無無。生生不起。轉易空道。變前轉後。變轉化化。轉轉變變。同時同住。隨滅一相生滅。一時已變未變。變化亦得一受亦如是。

若佛子。作念等者。念明記不忘也。言若當位佛子。

作念時作何等念謂作六念耳何爲六念一念
佛常覺即念佛也二念法三念僧四念戒五念天
六念施乃王略中四念此但兩頭常施即念施也
常念第一義諦中道空理不見有凡法可縛故無
著不見有聖解可解故無解既無著無解則雖生
而無生相雖住而無住相雖滅而無滅相既無三
相誰當動到去來既不動不到無去無來而于諸
業受者滙合融通而爲一合相同向證入法界空
智理中也慧慧相乘者上慧即常念第一義諦破
俗之眞慧下慧即起空證入法界之理慧乘即輪
乘之義言此眞慧理慧念念度生入法界如輪乘
之無止也乘乘寂滅者上乘即常念第一義諦度
俗之眞乘下乘即起空度衆生證入法界之理乘
寂滅即不動不到無去無來之義言此眞乘理乘
本來空寂無轉而轉轉而無轉也寂寂無常者寂
即慧寂寂寂即慧慧也無常無定處也言此慧寂
慧寂不入法界不離法界往返度生無定居于一
處也光光無無者光即智乘之智光光光即智智

也無無破惑證眞之義言此智光智光照破三界
衆生麤細等惑本空而無所離照徹法界空無所
有而無所入離而不離不離而離入而不入不
而入故云光光無無也生生不起者言既光光無
無即乃生生而不起而不起無動到去來而轉
易空道同向入法界也轉即回易即向轉生向無
生轉凡向聖轉煩惱向菩提如是轉如是易故能
變前轉後等也變前轉後者變即變易六識也前
即前五也轉即環轉七識也後即八識也變前者
變易照了前五識當體元空也轉後者環轉旋歸
後八識本性清淨也變轉化化者既前五識當體
本空化爲成所作智則變易照了之六識亦與之
俱化而爲妙觀察智也既後八識本性清淨化爲
大圓鏡智則環轉旋歸之七識亦與之俱化而爲
平等性智也故云變轉化化也化轉轉變者言前
後二智本不動搖如空如鏡其所以能轉能化此
二識證入本智者誰之力歟皆七六能轉能變之
力也七依八超六從五生生與俱生故同時滅與

俱滅故同住。滅等者。滅即轉識成智之慧。滅上。該指前後。下。該指變轉。言四識既成。四智也。五八慧。與六七慧。滅了無二。相生與偕生而無生滅。與偕滅而無滅。咸同一時。無生無滅也。已變等者。已變即過去未變。即未來變。變即現在。化者即證入之義。言既同時一證。則三世十方諸法。無所不證。亦得。一者。言過去未來現在善惡因果。亦無所往而不得。一合相。迴向證入法界智中者。受亦如是。者。前言諸業受者。一合相。迴向入法界。亦與此得。一一般也。此釋二念心位也。

○第三迴向心位

迴向心即深心迴向也。別經名等一切諸佛迴向。謂所向本覺之性。滿然常住而能覺之智。齊于佛覺故也。

若佛子。深心者。第一義空。於實法空。智照有實諦業道相續。因緣中道。名為實諦。假名諸法。我人主者。名為世諦。於此二有諦。深深入空。而無去來幻化受果。而無受。故深深心解脫。

若佛子。深心等者。深心深非淺深之深。乃最深之深。故名深心也。第一義空者。即一真法界大空。理於實法空。智者。即一真法界大空。智以法界智入法界。理智圓融。法界無礙。即以法界理智而起慧照。照有實諦。有即俗諦。實即真諦。然此真諦非離俗諦之外別有。乃即業道相續。無明老死十二因緣。于此生滅。因緣以空智照之。令契合本來不生不滅中道之理。名為實諦。經云。因緣所生法。我說即是空。亦名為假名。亦名中道。蓋即此也。假名諸法等者。言假立名言。號一切法名。我人名為主者。故名。為世諦也。菩薩于此二有諦。審諦照深深證入大空法界空理之中。而不見有有。不見有實。無去無來。而示去來如幻如化。而示幻化無因果罪福。而示受果。何以故。而本無所受。故以無受。故。而此個深深心。始得解脫也。又聲聞觀四諦法。證入空理。名淺解脫。緣覺觀俗諦法。證法空理。名深解脫。菩薩以法界智觀空假不二真俗互融。深之又深。故云深深心解脫也。此釋三深心位也。

○第四達心位

達即達心迴向也。別經名至一切處同向。謂前能覺之智無處不徧。既齊佛覺。則所證真如之理。如佛不異故也。

若佛子。達照者。忍順一切實性。性無縛解。無礙。法達義。達離達教化。達三世因果。衆生根行。如如不合不散。無實用無用。無名用。用一切空空。空照達空名爲通達。一切法空空。空如如相不可得。

若佛子。達照者。達即通達。照即照徹。謂通達事理。照徹無礙。故忍順等者。忍即忍可。忍可順印。隨順無違。謂忍證法界空理。隨順法界空性。忍順了達一切世出世間諸法。本體實性與法界空理空性。無二無別也。性性等者。言一實性。既爾一切性。實性皆然。與空性空理亦無二別。無凡情可縛。無理解可解也。無礙等者。言能忍順性性。無縛無解。即得四無礙智。云何無礙智。若于法上達照之時。忍順觀諸法相。四大本空。如幻如化了無實體。此法無礙智也。于法性理上達照時。忍順觀諸法

性分充遍十虛。本來真實。不安不虛。無性可得。此義無礙智也。于法句法性句上達照時。忍順諦思諸法性理。遠離文字不誑名。言說而無說。無說而說。此辭無礙智也。于法于理于諸言辭。自既通了。復以此通了他。人教化衆生。忍順樂說。不生疲厭。此樂說無礙智也。三世等者。言四無礙。既則過現未三世十法界善惡因果。其中衆生利根鈍根。種種行業。皆悉如如不遷不變。如法界理不見有生。云何有合不見有滅。云何有散。故云三世等不合不散也。無礙等者。言既不合不散。則無實體。既無實體。必無實用。既無實用。必無名用。既無實用。復無名用。一切世出世間諸法。性分義理。詎不空乎。還以此名空。實空。二空性理。照了通達。眞空實性。契會無疑。與法界空無二無別。如此方得名爲照了通達。一切法空者。也。空空如如等者。空空即法界智。如如即法界理。言此空智空理中求其空空之相。不可得。求其如如之相。亦不可得。也。此釋四達心位也。

○第五直心位

直卽直心迴向也。別經名無盡功德藏迴向。謂前至一切處是世界等。一切佛是如來。然如來則一切世界之如來。世界卽一切如來之世界。世界如來互入無礙功德無盡故也。

若佛子。直者直照。取緣神我。人無生智。無明神我。空中空空。空理心在有在無而不壞。道種子無漏中道一觀而教化一切十方衆生。轉一切衆生皆薩婆。若安直。直性直行於空三界生者。結縛而不受。

若佛子。直者等者。乃卽正直照了諸物。公而無私。直而不屈之義。謂證入中道法界理智而起觀照。直照諸法自在體性。一切平等無委曲相。是爲直者之直照也。取緣神我等者。取卽食取緣。卽因緣神我。卽六識分別之我。六識名神我者。以二乘人不知七八二識。而依六根意識分別前塵。一明白似乎無礙。故名神我也。因八識微細難測。七識依八而起。夙染夙淨。又依六識而生現染現淨。以舊送新。以新送舊。互傳互送。相續無已。又名傳

送。又名相續。皆不可測故也。此直照無他。直取二乘攀緣六識。依前塵分別。昭昭靈靈。似神似通之我。一照照破。本無食取。因緣可生。可滅。當體全空。證入無生理智。中耳無明神我空者。言前無明緣行以至苦惱。貫三世而爲因緣起生。見滅見之神我。人此無生智中。諸有盡空。此空有也。空中空者。言空盡諸有之空。入此無生智中。空亦盡。空此空無也。空空理心等者。言此個空有之理心。證空無之理心。在有不滯。有有有。空而不壞。有在無不證。無無空而不壞。無何以故。蓋此空空之理。卽是菩提道性。金剛種子。一切有無。詎能壞之耶。故云空空等。不壞道種子也。無漏等者。無漏卽不壞義。言既不壞。卽不爲一切有無等之所滲漏。不漏于有。卽得空觀。不漏于無。卽得假觀。于空于假。不卽不離。故名曰無漏中道平等一觀也。而以此理教化一切十方。執有執無。衆生離有離無。一齊同轉。證入薩婆若空智平等慧海。直證斯空空直道。不被物轉。能轉物。不爲人轉。能轉人也。何以故。菩薩皆

以直性而行直行不與法縛不求法脫不厭生死
不愛涅槃無所罣礙猶如虛空所謂不如三界見
于三界故云于空等而不受也此釋直心位也

○第六不退心位

不退即不退心同向也別經名人一切平等善根
同向謂于諸佛地起萬行因顯證一乘寂滅之道
行從理起故云隨順平等能生道果故云善根也
一名隨順堅固一切善根迴向

若佛子不退心者不入一切凡夫地不起新長養諸
見亦復不起集因相似我人入三界業亦行空而不
住退解脫於第一中道一合行故不行退本際無二
故而不念退空生觀智如如相續乘乘心人不二常
空生心一道一淨爲不退一道一照

若佛子不退等者言此位佛子修行不退心中道
觀智者有二一不退入凡夫地凡夫非白地凡夫
乃十信位大心凡夫指修十住空觀牢固故不退
入于信位凡夫地也二不起新長養諸見言修行
十行假觀守舊不遷惟長養六度萬行豈更新長

養諸凡夫外道邪見故云不起諸見也三亦不
復起集因相似我人言菩薩自一信二念至本不
退位修行中道觀智唯此一觀力行進趣心心不
二豈復更起集業因緣相似神我主人等見說故
云亦不復起集因相似我也入三界等至退解
脫即不入凡夫地義言此菩薩空觀純熟入識界
識界業空入色界色界業空入欲界欲界業空以
亦行此空觀之故而所以不于住中退入信位初
離凡夫之解脫道也于第一等至不行退即不起
新見義言此菩薩修空觀已還自伏修假觀以
遣無修空不即空亦不離空修假不即假亦不離
假不無不有不即不離是名中道第一義觀蓋三
觀互融一合行故也故所以不長諸見而不行退
也本際等至念退即不起集因等之義言此菩薩
于三世盡三世本際于十方盡十方本際念念充
遍遍合中道智觀無二無別故所以不起集因而
不念退也空生觀智如如者空生觀智即能行空
觀之本智如如是所證入法界之觀理此不住退

之益也。相續乘者。相續印中道合行念相續。乘即行相乘。此不行退之益也。心入不二者。言心心念念無欠無餘。綿綿不斷。流入不二法中。此不念退之益也。常空生心。結前行空無間之義。一道結前中道一合之義。一淨結前本際清淨不二之義。其為不退心者。二蓋以此也。一道一照者。言此菩薩之所以為不退者。唯以中道第一義觀一智照了之故。得不退也。此釋六不退心位也。

○第七大乘心位

大乘即大乘心。同向也。別經名隨順一切衆生。迴向。謂既修真因善根成就。則知十方衆生皆我本性。性既平等。故能成就一切衆生善根。無有遺失。亦無高下故也。

若佛子。獨大乘心者。解解一空。故一切行心名一乘。乘一空。智智乘行乘。乘智心心任。任任用任。任任一切衆生。度三界河結縛。河生滅。河行者坐。乘任用。說用智乘。趣入佛海。故一切衆生未得空智。運用不名爲大乘。但名乘得度苦海。

若佛子。獨大乘心等者。獨者孤獨無侶。大者大而無外。乘者運載轉輪。爲義揀非。證開辟支佛乘。亦非初捨凡夫大心。善慧住行位乘。乃是迴向終心。廣度衆生中道大乘也。解解一空。故者正釋獨大乘義。上解是能解法界之廣大。智下解是所解法界之廣大。理以智契理二俱平等了無能所。故云解解一空。故也。一切行心名一乘者。謂以此法界理智而起一切行心。一切行即法界行。一切心即法界心。如此廣大。方名一切行心爲一乘也。乘一空智者。言此一乘所以運用解解一空之理智也。智乘者。空智理乘也。行乘者。即空法界行乘也。乘智心心者。言行乘之心與智乘之心互行互用。方得名爲大乘。以法界行而任載。以法界智而任用也。任載者。何以此行乘任載一切凡夫出恩愛河。超欲界色界無色界。永離分段生死苦故也。任載一切外道出諸邪見等。河遠離執縛得解脫故也。任載二乘出取緣神我分別知見等。河遠離生死苦海。超變易故也。行者坐乘言度生者。不居于此。

不住于彼不住于中但照坐乘中不生懈倦之心而已任用者何任荷哉用等法界智以廣化利益一切衆生直超入佛海故也一切衆生等者言一切得度三界結縛生滅等河衆生未曾得此等法界空智紹佛任用以廣利有情不得名之爲大乘但名爲行乘僅能得度三河出苦海以自利不能利他也行不離智智不離行智行並行始能廣利方得名爲中道觀智大乘也此釋七大乘心位也

○第八無相心位

無相心卽無相回向也別經名眞如相回向離妄曰眞不異曰如謂一切法性本眞如不卽不離二俱無著則眞如相現也

若佛子無相心者妄想解脫照般若波羅蜜無二一切結業三世法如如一諦而行於無生空自知得成佛一切佛是我等師一切賢聖是我同學皆同無生空故名無相心

若佛子無相等者此位佛子無妄念及解脫之分別心也妄想乃生死法卽有也解脫乃涅槃法

卽無也照覺照也言凡夫妄想本空肯覺照之時一念回觀如同本得智慧卽是妄想妄想卽是智慧無二無別也二乘解脫住著涅槃惟導自利若肯覺照發起利他之心則智慧卽是解脫道解脫道卽是智慧咸亦無二無別也一切結等者言一切衆生結使業繫過現未來因果得非妄想法乎如如不二中道一觀諦理得非解脫法乎而菩薩常行于無生空慧寧非照般若波羅蜜無二乎自知等者言此菩薩般若觀行如淨圓妙鏡照徹三世十方瞞他一點不得自己曉了現前當來決定成佛卽一切諸佛是我本源師知一切三賢十聖皆是我同學伴侶何以知然我行此無生空諸佛諸賢聖亦皆同行此無生空以自利利他故而知也無生空卽般若空慧般若空慧卽無相心故名無相心也此釋八無相心位也

○第九慧心位

慧卽慧心回向也別經名無著無縛解脫回向謂眞如之相現前則智慧明了十界依正等法互攝

圓融自在無礙故

若佛子。如如慧者。無量法界。無集。無受。生生煩惱。而不縛一切法門。一切賢所行道。一切聖所觀法。所有。亦如是一切佛教化方便法。我皆集在。心中外道。一切論邪定功用。幻化魔說。佛說。皆分別入二諦處。非一非二。非有陰界入。是慧。光明。明照。性入一切法。

若佛子。如如等者。如如。即法界。理慧。即法界。智。以理契智。以智契理。故名如如。慧。無量。言極多。法界。非一。乃至無量。此如如。起一切處。我。也。無集等者。言菩薩起。智。利。生。入一切法界。示。集。因。而無集。示。受。生。滅。而無受。生。生。世。世。示。現。諸。煩。惱。業。而。不。能。繫。縛。者。何。以。故。如。如。理。智。圓。融。周。遍。之。故。而。不。能。縛。也。一切等者。言。至。于。一。切。法。門。一。切。賢。所。行。住。行。向。道。一。切。聖。所。觀。地。地。法。凡。其。所。有。一。切。等。法。亦。如。是。而。不。能。縛。也。一切佛等者。言。不。特。賢。聖。法。不。能。縛。即。盡。十。方。三。世。一。切。佛。教。化。開。導。一。切。衆。生。巧。妙。方。便。法。我。皆。集。在。我。如。如。慧。

心之中。亦無所礙也。外道等者。言。豈。但。諸。佛。法。無。礙。即。外。道。一。切。舊。典。故。論。法。一。切。邪。定。方。煉。功。用。一。切。種。種。不。實。幻。化。法。若。魔。說。若。佛。說。我。皆。以。無。分別。如。如。智。慧。分。別。入。二。諦。非。真。非。俗。中。道。諸。中。律。邪。定。正。魔。說。佛。說。咸。圓。融。融。化。爲。如。如。慧。心。也。非。一。等。者。言。灼。然。有。邪。有。正。有。魔。有。佛。故。非。一。至。如。如。慧。中。邪。正。魔。佛。等。見。亦。不。錯。而。化。故。非。二。既。一。工。俱。非。則。三。科。一。切。法。咸。非。有。亦。不。錯。而。化。皆。是。慧。心。光。明。達。一。切。皆。有。而。愈。增。慧。發。故。所。以。此。慧。光。明。本。體。照。性。融。了。入。一。切。諸。法。之。時。一。切。諸。法。亦。是。智。慧。光。明。也。此。釋。九。慧。心。位。也。

○第十不壞心位

不壞。即不壞心。回向也。別經名。等。法。界。無。量。回。向。謂。所。證。性。德。眞。如。之。理。圓。滿。成就。含。攝。徧。周。其。量。無。外。十。界。差別。之。相。了。不。可。得。故。

若佛子。不壞心者。入聖地。智。近。解。脫。位。得。道。正。明。明。提。心。伏。忍。觀。空。入。魔。不。壞。衆。聖。摩。頂。諸。佛。勸。發。入。摩。頂。三。昧。放。身。光。照。十。方。佛。土。入。佛。威。神。出。沒。自。

門上一有

在動大千界與平等地心無二無別而非中觀知道以三昧力故光中見佛無量國土現為說法爾時即得頂三昧證虛空平等地總持法門聖行滿足心心行空空慧中道無相照故一切相滅得金剛三昧門入一切行門入虛空平等地如佛華經中廣說若佛子等者言此位佛子得不壞心者非只一法其義有六故而得不壞心也一入聖地智者謂住行向三十心名賢地上菩薩名聖菩薩到此十向滿足宜登初地入聖地智慧也二近解脫位者謂初地始離解脫分別障三賢向滿近于初地故名近解脫位也三得道正門者以初歡喜菩薩得正修得門路一起直入如來覺地此向滿菩薩將入初地故云得道正門也四明菩提心者梵語菩提華言覺菩提覺心有五種一十信菩薩名發菩提心二二賢菩薩能降伏其心名伏菩提心三初地至七地菩薩與般若慧相應名明菩提心四八九十地菩薩真得無生法忍遠離三界名為出到菩提心五等妙菩薩坐于道場成等正覺名為證菩提

提心此十向終心將登聖地正當三位明菩提心也五伏忍順空者忍有五忍三賢名伏忍初二三地名信忍四五六地名順忍七八九地名無生忍十地等妙名寂滅忍此三賢向滿居伏忍頂異相無明現行不起能隨順無生空慧故云伏忍順空也六八魔不壞者八魔一色二受三想四行五識共名五蘊魔六煩惱魔七死魔八天魔是為八魔也言不壞者由此菩薩得此六種大法故所以魔不能壞也眾聖等者言以是魔無能壞故感眾聖摩訶安慰其心諸佛勸發增進其行以眾聖諸佛加被故得入摩頂三昧自解全身放光光明照達十方佛刹即能入佛威神形儀如佛于諸佛刹中若出若沒或顯或隱自在無礙以佛神力一時震動大千世界與虛空平等地心無二無別而非行向菩薩中觀智道之比何以故以得諸佛三昧加被力故所以能光中見一切佛能于無量佛國土中現化無數身廣利有情而為說法當爾之時即實得頂三昧而能實證虛空平等歡喜地得妙滿

總持法門也。總謂總一切法持乃持無量義也。聖行等者。言所以證此地者。一切如來聖行功德悉皆圓滿。具足一切住行向諸心心行到此悉空。且道因何而得聖行滿。因何而得賢行空。耶。以諸佛空空復空空之大空慧中道智觀無相慧照力故。而得聖行滿。一切行相滅盡無餘而得心心行空也。得金剛等者。言以是行相障礙滅盡故。即得金剛不壞三昧正受法門。一時現前能入十地一切行門。一時具足一齊而行。方纔證入虛空平等地也。如佛華經之中其說更廣。此但略說焉耳。此釋第十不壞心位也。

盧舍那佛言。千佛諦聽。汝先問地者有何義。

此能說報佛召告當機化佛宜詳審諦聽。汝先所問十地二義。我今一一次第為汝詳答。十地之義也。此四釋十地。又有三一總標開辭。二別解文義。三結讀法門。此總標開辭也。下二別解其義有十。○第一體性平等地。

華嚴疏云。十地菩薩斷十種障證十真如體性實

無差別。乃隨勝德假立十種。雖初地中已達一切。而所證如猶未圓滿。令圓滿故。地地建立。又初地中雖離分別我法二執。是以遠離第六粗惑。猶有第七微細俱生我法二執。而未空盡。第六分則二執自初信發心時修生空觀。至七信位已斷分別我執。而隨入法空觀。歷三賢位至初地時。分別法執亦即斷矣。第七俱生二執自初地位恒住雙空觀中。至七地後心方捨能藏所藏。乃至八地初心。即得無功用行。是則俱生我執現行永伏。即捨執藏俱生法執。間起至等覺後心金剛喻定。現在前時。一剎那間生相無明異熟種子方始斷盡。而無餘也。其云十地斷十種障證十真如者。何如初地斷一種異生性障。此障乃從凡夫分別我執現行所起。故名異生性障。並斷二種愚執。一執著我法。惡二惡惡。染惡謂此三法能障初地此地菩薩自從賢位初證理性。始發法味。證二空理。今二空現前。便能永斷愚障。斷能益自他生大歡喜。名歡喜地。其所證真如名偏行真如。以能偏行染

淨法故菩薩位寄轉輪聖王廣修慈悲等法而化
導衆生故華嚴經云歡喜地菩薩於十波羅蜜中
檀波羅蜜最勝餘非不修但隨力隨分

若子佛菩提薩埵入平等慧體性地眞實法化一切
行華光滿足四天果乘用任化無方理化神通十力
十號十八不共法住佛淨土無量大師辯才無畏
切論一切行我皆得入

若佛子標人菩提薩埵顯德入平等體性地總標
顯德位也梵諸菩提薩埵華言覺有情言乃上求
佛道下度衆生之人也入平等慧體性地者入即
證入平等即法身理慧乃空慧言此菩薩斷障證
眞故即得證入如來平等法身空慧本體性分地
中也別經名歡喜地菩薩智同佛智理齊佛理徹
見大道盡佛境界而得法喜登于初地故名歡喜
也眞實法化者眞即不妄實即不虛法即理法化
即開化言以不妄不虛眞實平等之理開化誘導
衆生也一切行華光滿足者一切行即萬行華即
因華光即智光此菩薩萬行因華智光果海悉

皆圓滿具足也四天果乘用者四天即四天下果
即轉輪王果乘即象馬寶乘用即御用也言此菩
薩華光滿足得轉輪王果又得七寶惠施象馬寶
乘御用遊歷一日一夜可周四天下也在化無方
者任意惠施常行周濟隨方設化無有定所也理
化神通者言作諸衆生則順理而化俾其增修應
攝受者而攝受之作惡衆生則用大威神力去除
驕慢應折伏者而折伏之也十力等者十力詳五
地十號詳十地十八不共詳七地淨土有三一常
寂光土法身佛所依淨土也二實報莊嚴土即報
身佛自受用土又陀受用土即向滿菩薩所宜居
處也三變化土應身佛所以利生隨機應感方便
土也此地菩薩所住即他受用土言此菩薩于如
來十智力如來十號如來十八不共行法一一法
中無不通了一齊而行住如來實報莊嚴淨土以
攝利衆生也無量等者無量即四無量心也大願
即十大願也辯才即四無礙智也無畏即五無畏
一不活畏二惡名畏三怖死畏四惡道畏五大衆

威德畏一切論即四明五明一切諸論一切行即十地等覺妙行。此菩薩二空理明于四無量心十大行願四無礙辯才教化衆生離五怖畏一切論法一切行法我一一皆得證入之也。

生出佛家坐佛性地一切障礙。凡夫因果畢竟不受。大樂歡喜從一佛土入無量佛土。從一劫入無量劫。不可說法爲可說法。反照見一切法逆順見一切法。常入二諦而在第一義中以一智知十地次第一事示衆生而常心中道以一智知一切佛土殊品及佛所說法而身心不變以一智知十二因緣十惡種性而常住善道以一切智見有無二相以一智知入十禪支行三十七道而現一切色身六道以一切智知十方色色分分了起入受色報而心心無縛。

生出佛家者不生凡夫外道權小之家但佛降生同時一家中生也。又或繼佛而生紹法王位形儀如佛爲佛真子。故云生出佛家也。坐佛性地者謂此菩薩得證真如境界其所坐止之處與佛性地無二無別也。一切等者言一切異生性障凡夫有

漏善惡因果到此永離亦畢竟不復更受其報也。大樂歡喜者既永離一切障礙即得出世間心未曾有法故。所以大樂歡喜也。從一佛土入無量佛土者身無礙也。從一劫入無量劫者意無礙也。不可說法爲可說法者口無礙也。言此菩薩離障得通神通輪記持輪說法輪三輪無礙有如此者也。反照等者言此菩薩三輪無礙或示同光反照之理令一切衆生悟法界性見一切法也得示逆行境界令一切衆生悟法界性見一切法也得示順境界令一切衆生悟法界性見一切法也得無可無不可者所謂道逆行順行天真測也。常入等者言菩薩何所據而能如是耶。謂常入俗諦而不滯有常入真諦而不沉空既不滯有又不沉空入在何處而入在二諦之處第一義中道理智諦中耳。下六智即此常入之義以一智知十等者一惟以此一智能知一地二地乃至十地先後次第斷障證真一事不錯不謬示導衆生令其進修而常心中道無間無歇也。二惟以此一智能知一切

十方諸佛刹土淨穢勝劣殊品及諸佛教化衆生所說法門而常身心不遷不改也。二惟以此一智能知十二因緣生滅因果身三口四意三十惡種子性分而常住十種妙善戒法道中也。四惟以一切智能見徹有非是有因無故有無非是無因有故無原無有相原無相故也。五惟以此一智能知出入覺觀喜樂一心淨捨念慧不苦不樂十禪支觀行四念處四正勤四如意足五根五力七菩提入正道三十七品助道而示現一切種種分段色身六道之中應以何身得度者即現何身而爲說法也。六惟以一切智能知十方色無色界分分變易生滅了起入受四禪四空一般色報而心空空慧無著無縛往返無礙也。

光光照一切是故無生信忍空慧常現在前從一地二地乃至佛界中間一切法門一時而行故略出平等地功德海藏行願如海一滴毛頭許事。

光光照一切等者光光即前六智光照一切即前知地知品知緣見相知禪道知色色起智利生等。

一切也以是之故所以無生信忍無生常慧不斷不續常常現在前行也以是現前故從一地法門二地法門乃至佛界地法門于其中間一切地地法門俱皆一時而能盡行不假餘力也略出等者言此大樂略出平等地地步少功德海藏行願譬如以一毛釐取大海中水之一滴許事耳。

○第二體性善惡地

此地善障斷一種邪行障此障即所知障中俱生一分法執誤犯三業所起故名之也。並斷二種惡執一者微細誤犯惡二者種種業趣惡此之三法能障二地斷此惡障方登二地菩薩今得增上戶羅波羅蜜多性戒具足遠離誤犯惡障既斷故名離垢地以所證真如名最勝真如此真如性具無邊德於一切法最爲殊勝故菩薩位寄初利天王假修十善淨法化導衆生於上波羅蜜中戶羅波羅密最勝非不修但隨力隨分。

若佛子善提薩提善慧體性地清淨明達一切善根所謂慈悲喜捨慧一切功德本從觀入大空方便。

道智中見諸衆生無非苦諦皆有識心三惡道刀杖一切苦惱緣中生識名爲苦諦三苦相者如者如身初覺從刀杖身色陰二緣中生覺爲行苦緣次意地覺緣身覺所緣得刀杖及身瘡腫等法故覺苦緣重故苦苦次受行覺二心緣向身色陰壞瘡中生苦覺故名爲壞苦緣是以三覺次第生三心故爲苦若若佛子三句標顯名德位也入平等善慧地者謂善能修行清淨明了法身平等大慧故名善慧地也別經名離垢地謂由淨佛境界明了諸法異性而入于同若見有同卽非離垢同性亦滅斯爲離垢也清淨明達等者清淨卽體性離垢明達卽善慧照了言其垢盡光現明了通達一切善根故何爲一切善根耶所謂慈悲喜捨慧五觀爲一切衆善功德之根本也一切功德本卽六度萬行功德咸以此四無量心智慧觀照以爲根本故觀照雖五一慧總攝今以慈觀而爲首者慈能興樂故也諸佛菩薩所得菩提本欲與衆生共樂奈何衆生現居苦中必須離苦方得其樂故以慈觀而起悲

觀先拔其苦以諸衆生離苦菩薩本願亦足故次之以自觀自慶慶人雖云得喜亦不住喜故次之以捨觀捨一切貪著行捨俱生我法非慈無緣故以悲觀融通成偏法界此五悲觀所以爲衆德根本也從觀入大空等者大空慧卽甚深無相大空般若方便卽善巧方便道智卽菩提道智如是四無量心乃是從此大空般若巧妙方便菩提道智之中所起見諸三界二十五有四生十二類衆生無非火宅中苦諦也皆有識心者言菩薩起悲拔苦諦思此苦從何而有耶觀是三界一切衆生皆有妄想識心以識未空分別取捨作諸惡業墮在地獄餓鬼畜生三惡道中受諸苦惱姑就三惡道中舉畜生類受刀杖苦一法以例地獄餓鬼一切苦惱逼迫生識由是緣中生識識心未空之故而生苦諦也三苦相者言苦諦中有三種苦相一行苦相二苦苦相三壞苦相也一行苦者四相遷流無常不定不得自在爲行苦相二苦苦者身爲苦本因身得刀杖苦而意地生煩惱苦苦上加苦

爲苦苦相三壞苦者。風刀解體耳聾眼瞶四肢不隨。爲壞苦相。是則名爲三苦相也。如者只如也。承前起後之意。言既有三苦相。必有三苦覺。有三苦覺。必有三苦緣。只如三苦覺與緣。又從何而有耶。一如身初覺等者。言只如身乍先起覺之時。從何起覺。蓋從刀杖色陰緣及身色陰緣二緣中生起。此覺二緣互起。識念不停。故名爲行苦緣也。二次意地覺等者。言意地覺能緣就身覺所緣。得刀杖所打等法及身受打斫生瘡腫等法之故。身覺苦意地覺亦苦。二覺而生二苦。故名覺苦苦緣也。重故苦苦者。迭解苦苦之義。言身覺刀杖而生痛苦。意地覺而生惱苦。苦上加苦。誠然不輕。故云重故苦苦也。三次受行覺等者。言受行苦緣。心覺苦苦緣。心二緣心緣向自身色陰。見得四大欲墮于瘡腫壞相中。而生苦覺。故名爲壞苦緣也。是以三覺次第生三心。故者一根覺生覺刀杖之心。二意地覺生覺根覺之心。三壞苦覺生覺行覺苦苦覺之心。以是三覺次第而生三心。三心俱苦。故名苦苦。

苦苦也

一切有心衆生。見是三苦起。無量苦惱因緣。故我今是中入教化道。三昧現一切色身於六道中。十種辯才說諸法門。

一切有心衆生者。此總舉三界十二類之衆生。所謂有心者。皆當作佛是也。見是三苦等者。言此等衆生。皆由不能了達此苦。幻妄非實。見是三苦。乃起無量苦惱。因緣而反造諸惡業。以致生生死死。死死生生。如旋火輪。無有休息。故我菩薩。于是衆生無量苦惱緣中。興慈運悲。起同事攝入教化道。三昧現一切色身于六道之中。而以十種巧妙無礙辯才。說諸知苦斷集修道證滅種種法門也。謂苦識苦緣刀杖緣具苦識行身瘡腫發壞內外觸中或具不具具二緣中生識識作識受觸識名爲苦識行二緣故。心心緣色心觸觸惱受煩毒時爲苦苦心緣識初在根覺緣名爲苦覺心作心受觸識覺觸未受煩毒時是名行苦逼迫生覺如新石火於身心念念生滅身散壞轉變化識入壞緣緣集散心苦心。

觸受念後緣染著心心不捨是爲壞苦三界一切苦

謂苦識等者言云何知苦耶謂令知苦識知苦緣知刀杖緣知具苦識行知身瘡腫發壞知此等苦因苦緣苦花苦果之苦相令但有心者知苦生厭而發善提心也內外觸中等者內即根外即塵或具者或因三緣而具或不具者單根不立獨境不生云何具識故云不具也言內根身外塵境互觸之中或根境相觸而具識或根境不相觸而不具識其所以具識畢竟從何而有蓋畢竟具內身苦本緣外刀杖苦境塵緣二種緣中而生此觸識觸識即五識也二緣中既生五識則意識同時而起分別前照後了爲造業主故還是六識作之還是六識受之耳其所謂苦識者就是此觸識名爲苦識行蓋具二種緣而生識故也心心緣色等者心心即六識心念念緣前刀杖身二色陰相觸生瘡腫苦境故心觸苦境苦境觸心而生煩惱正當受此煩惱毒痛之時身得瘡腫之苦心生煩惱之苦

身苦心苦是爲苦苦也心緣識等者以六識心緣前觸識此五種觸識最初在五根覺刀杖緣觸身心覺其苦故名爲苦覺也心作心受者言還是六識心貪取前塵分別影事造作業苦心自領受無相代謝也觸識覺觸者明前五識不造業但此觸識僅能了境覺觸也未受等者言此心未曾深受煩毒之時只有隨念而無計度但只爲第六行苦一種引發之緣是故觸識亦名爲行苦而實非也僅能覺觸耳逼進生覺等者言造業者爲第六心由前五識緣現前逆順影子一刹那間流入意地逼進生覺心受煩毒譬如石中之火旋斲旋出于身心中遷流不停念念生滅故云逼進生覺等也已上敘明五不造惟第六也身散壞等者是命盡時四大各離轉變化者是聰明轉變化爲墮隕四肢不隨五根五塵五識一時將盡惟此造業六識念念入此瘡腫臭爛緣中緣集想此身少而壯壯而老何等輕微緣散想到此時節惟見此病死苦衰頹敗壞散滅之相不由他心地下心心相續生

苦生。感受念後有異熟。因緣貪緣純熟而染著。餓鬼。嗔緣純熟而染著。修羅。癡緣純熟而染著。地獄。隨所熟而染。心心念念顧惜不捨。是則名為懷苦也。如此三苦為衆苦之本。而三界衆生未得解脫。故云三界一切苦諦。此說知苦法門也。

復觀無明集。無量心作一切業相續相連。集因。因名為集諦。

復觀等者。言云何斷集耶。言復觀者。返推其因。此苦從何而有。謂依無明幻妄所起。故有此苦。無明即不明也。以是真如不守自性。一念妄動。生起三細。不了前境。增長六塵。故曰無明。因有無明。遂集無量種種妄想。攀緣之心。造作一切諸惡業。緣招引苦果。相續相連過去之因。成現在果。現在之因。招未來果。如是集因。集因以集三界因果。是則名為集諦。言此無明集。因是一切有心者之所常斷者。此說斷集法門也。

正見解脫。空智道。心心名以智道。道諦。

正見等者。言云何修道耶。謂上既知苦。即是正見。

斷集。即是解脫矣。何更別求正見解脫哉。具足見則苦空。具解脫則集空。苦空。集空。即是具足無上大空慧之智道也。能以此空慧。心心相續。念念相連。不復更受三界苦果。集因等報。即此是則名為增修智道也。以用也。增修之意。道諦者。結束上文。乃道諦也。此說修道法門也。

盡有果報。盡有因。清淨一照。體性妙智寂滅。一諦。

盡有等者。言云何證滅耶。有字正應上皆有。識心一切有心。衆生二有字。因果不忘。為有以欲界色界無色界見思等惑。流轉三界。不能出離。一切諸苦。故名為有。而以正知正見。修行聖道。不起貪瞋癡慢。不起身邊諸邪見。盡三界二十五有見思塵沙等惑。苦果苦因。唯以此清淨大空慧。一一照了之。如揭塵順風。體性妙智。悉同寂滅。無餘蘊矣。是則名為寂滅。一諦也。此說證滅法門也。

慧品。具足名根。一切惡性。起空入觀。是初善根。

慧品等者。二根字正應前一切善根。根字一切功德。本本字。此大空慧品。具足慈悲。普捨無量功。

德品一切皆依大空觀品以爲根本也。一切慧性等者。一切卽四無量等。言慈悲喜捨。一切慧性亦皆依大空慧中起空而入智觀。現身六道利益苦惱衆生。說示四諦法門。使諸衆生知苦斷集修道。證滅是名初善根也。

第二觀捨一切食著行一切平等空捨無緣而觀諸法空際。一相我觀一切十方地土皆吾身所用故。土四大海水是吾故水。一切劫火是吾昔身故所用。火一切風輪是吾故所用氣。我今入此地中法身滿足。捨吾身故身畢竟不受四大分段不淨故身是爲捨品具足。

第二等者言既解觀苦斷集修道證眞恐人貪著寂滅之樂不捨故復勸觀捨也。且道所捨者是何物耶。此捨非捨。凡夫妄想貪愛執著惡行非捨外道諸邪見非捨。二乘諸因緣乃捨。正知正見寂滅等觀諸行毋使貪著令其一切平等空。卽平等空亦捨無緣可捨捨亦復捨而觀世出世諸法空際之處無相可得無相可捨故云一相也。我觀一切

等者言所以我觀一切地土是我昔身所用舊骨肉四大海水是我昔身所用舊血脈一切劫火是我昔身所用舊煖氣一切風輪是我昔身所用舊呼吸我今既證入此離垢地得證眞如無相法身圓滿具足乃捨吾之故身永斷邪障畢竟不復更受四大分段不淨穢染故身以不受故是爲捨品具足。此第二觀捨善根也。

第三次觀於所化一切衆生與人天樂十地樂離十惡畏樂得妙華三昧樂乃至佛樂如是觀者慈品具足。第三等者謂此菩薩說法利生必隨機宜而與之樂。故次觀于所化一切衆生種種根性如求人天樂者則與三飯五戒十善令其生人天中受勝妙樂。如求菩薩樂者則與六度四攝令其得證十地之樂。如求離十惡畏樂者衆生往昔以造不淨三業必墮三途怖畏之中反此十惡令修十善得生人天受十善樂也。得妙華三昧等者言令此菩薩得聖人妙道萬行因華三昧正定樂此智定證十地果故得妙華三昧之樂乃至令得佛果無餘涅槃。

樂究竟之樂如是觀者是爲慈品具足。離惡畏悲具足五樂喜具足。此第三觀慈善根也。

菩薩爾時住是地中。無癡無貪。無瞋入平等一諦智。一切行本遊佛一切世界。現化無量法身。如一切衆生天華品說。

菩薩當爾之時。住是二地中。慧品具足。故無癡相。捨品具足。故無貪相。慈喜具足。故無瞋相。以無貪瞋癡故。所以證入平等大空慧品。一諦聖智。足以平等一諦理智。而爲一切萬行根本。以是智行變遷。而能遊佛一切世界。承事諸佛。亦能現化。無量法身。攝受無量衆生也。此處所說文義。如大部中一切衆生天華品中說一樣。

○第三體性光明地

此地菩薩斷一種暗鈍障。此卽所知障中俱生法執一分暗鈍所起。令聞思修總持妙慧。不現在前。故名之也。或斷二種愚執。一者欲貪愚。二者陀羅尼愚。此之三法能障三地。斷此愚障。乃登三地。今此菩薩以聞持陀羅尼三慧現前。便能永斷愚障。

既斷故名發光地。所證眞如名勝流眞如。謂此眞如。令所流教法極爲最勝。故菩薩位寄夜摩天王。假修十善等法。化導衆生。於十波羅蜜中。忍波羅蜜最勝。其餘非不修。但隨力隨分。

若佛子。菩薩薩埵光明體性地。以三昧解了智。知三世一切佛法門。十二法品名味句。重誦記別直。諸偈不誦。說律戒。譬喻。佛界昔事。方正未曾有。談說是法。體性名一切義別。是名味句中說一切有爲法。分分受生。初入識胎。四大增長。色心名六。住於根中。起實覺。未別苦樂名觸。識又覺苦樂。識名三受。連連覺著。受無窮。以欲我見戒取善惡有識。初名生識。終名死。是十品現在。苦因緣果。觀是行相中道。我久已離放。無自體性。

若佛子。三句標顯名德位也。光明體性地者。謂此菩薩成就勝定。大法總持。能發無邊智慧光明。故云體性光明地。別經名發光地。謂同異情見之垢。既淨。則本覺之光明開發。故名發光地。以三昧解了等者。三昧卽甚深那伽大定。謂從此甚深大。

定發起大智慧光始能解會了知三世十萬一切諸佛方便化導法門也十二法品等者十二數也法軌則也品類也名即名言名身也味即義味文身也句即章句句身也言佛佛出世必說此十二法門軌則品類經律論三藏中皆事理若因果若權實若顯密無一名言一義味一章句無不備攝此十二部法門該括無遺也何名十二一曰重梵語祇夜華言應頌亦云重頌以長行文義不盡重說偈頌以被後機也二曰誦梵語修多羅華言契經上契諸佛理下契衆生機只有長行而無偈頌者彌陀心經等是也三曰記則梵語和伽羅華言授記如來授記諸大菩薩證聞弟子來世作佛劫國莊嚴是也四曰直語偈梵語伽陀華言誦誦亦名孤起不應長行直說偈句如金剛明空品等是也五曰不請說梵語優陀那華言自說無人發問乃佛以他心智觀機應時而自宣說如佛頂經彌陀經等是也六曰律戒梵語尸陀羅華言因緣盡戒律多屬因緣有問有說有犯得失之事並制

戒緣起一切根本緣起善惡因緣果報等是也七曰譬喻即比況的意思諸有智者要以譬喻而得開解是也八曰佛界梵語闍維伽華言本生謂如來說諸菩薩本因地受生之事及自說本因地中受生之事如涅槃經云比丘當知我于過去作憍作鹿作熊乃至太子作金輪王等是也九曰昔事梵語伊字目多伽華言本事如來說諸菩薩弟子因地爲求菩提道法所行苦行之事如採果汲水捨溺設食布髮掩泥身爲牀座然燈求偈割肉捨身乃至爲金輪王捨頭千顆等是也十曰方正梵語毗佛略華言大方廣大即體大方即相大廣即用大謂諸如來所說大乘方等經典其意猶如虚空廣博包含無所不致是也十一曰未曾有梵語阿浮連摩華言未曾有亦名希有謂佛初生手指天地足跡蓮華光照十方地搖六震如是希有之事見聞稱奇咸言希有也十二曰談說梵語優婆塞舍華言論議謂諸經中凡有問答辯論諸法義者皆名論議如法華經智度論與文殊師利

論說妙法者是也。已上十二部法門名相也是法體等者。言是十二法門品體性本同。實無差異。因衆生有一切心。故用一切法。因此之故。便有一切名。一切義。一切差別。是名味。句中故有如此差別說也。一切有等者。言所謂有差別者。無非發明一切衆生迷理成事。迷智成識。一切生滅有爲諸法。分分受生之義。欲令衆生知眞本有識妄元無。故也。何謂分分受生。耶。初入識胎者。此初分受生也。卽行緣識義。蓋由過去煩惱障覆。本性不了法界眞如之理。名爲無明。以無明故。妄作不善惡行。相續而行。故名爲行。以無明與行二因緣。故行緣識也。無明與行是過去。因今文中十品皆現在。因緣也。識初入胎。一刹那間。染愛爲種。納想成胎。名曰凝滑。故名初入識胎也。四大增長。色心者。此二分受生也。卽識緣名色義。言識在胎染愛母精血三緣和合。漸漸增長而成身。形遂有名。名色質。一七二七名。胞至五七日。名爲形位。生諸根。形手足故名。四大增長。色心也。名六住者。此三分受生也。卽

名色緣六入。義謂從名色已後。至六七日。名髮毛爪齒位。至七七日。名爲具根形位。六根開張。有入六塵之用。乃安心依止處。故名六住也。於根中起實覺。未別苦樂名觸識者。此四分受生也。卽六入緣觸。義此卽出胎後。乃至三四歲時。六根對於六塵。起無知實覺。而未能分別知苦知樂。故此實覺名爲觸識也。又覺苦樂識名三受者。此五分受生也。卽觸緣受。義謂後五六歲至十二三歲時。因六塵觸六根。卽能領受。如對苦境。卽覺是苦。而有苦受。樂境。卽覺是樂。而有樂受。不苦不樂境。卽覺是不苦不樂。而有不苦不樂之受。故名三受也。上五支是現在果。連連覺苦受無窮者。此六分受生也。卽受緣愛。義謂從十四五歲至十八九歲時。連連起心貪染欲境。雖云貪愛而未廣求。亦只名受。但連連覺心染著其受。已無窮盡也。以欲我見戒取者。此七分受生也。卽愛緣取。義謂從二十歲由有諸欲助發愛性。種種取捨。執我報人。深生貪取。由貪引取。而生癡癡慢疑身見。邊見邪見。見取戒取。

十使煩惱故名以欲我見戒取也。善惡有者此八分受生也。即取緣有義謂因六識驅求諸境起造善惡集三有之因。率引阿賴耶受當生三有之果。故名善惡有也。此愛取有三支是現在因識初名生者。此九分受生也。即有緣生義謂既有現在所造善惡業。因必受來世善惡業果。故使賴耶隨善惡業六道受生。此識最先投胎故云識初名生也。識終名死者。此十分受生也。即生緣老死義謂從來世受生已後五蘊身相熟已還壞一期命盡。此識最後而捨故云識終名死也。而此生生死二法雖曰來世之果。乃約現在而言。實該二世生滅去來分分受生之義。是十品現在苦因緣果者。此句總結上文。謂以無明與行是過去因。由過去因感現在果。今只所言現在因果不言過去二因者。何以果該因。佛欲現前諸人識現前苦果苦因。毋使再造有漏苦因。永滅當來苦果也。觀是行相等者。謂觀一切衆生。生滅行相之中。實無生滅去來種種行相。于迷悟中求之。實不可得。況我于久遠劫來。

受持十二法品。于此有爲諸法分分受生之中。我實久離久已。入中道理智之中。無生無滅。無去無來。而無自體性也。

入光明神通總持辯才心。行空而十方佛土中。現劫化應化百劫千劫。國土中發神通禮敬佛前。諸受法言復現六道身一音中說無量法品。而衆生各自分分得聞心所欲之法。苦空無常無我一諦之首。國土不同身心別化。是妙華光明地中。略開一毛頭許。如法品解觀法門十三味品說。

入光明等者。言此菩薩解了持是十二法品名味。句久離是十品苦因緣行相果。故得證入是光明體性地中。得身通具足游戲神通三昧。得口通具足總持陀羅尼。無礙辯才得意通心心行。是空慧而更千十方佛刹之中。現劫化轉化百劫千劫。增長記持輪國土中發神通禮敬佛前。增長神通輪諸受法言增長說法論復于天道現。天人道現人乃至畜生道現。畜生身以一言音中說無量法品。而使六道衆生各自分分得聞各心所喜之法。咸

使得解苦空無常無我一諦之音所謂圓音一演異類等解者此也。苦空無常無我。即身受心法四念處也。觀受是苦者。言衆生顛倒。以苦爲樂。故令衆生觀受是苦。而得寂滅真樂也。觀身是空者。言內身外身皆攬父母精血積聚四大而成。其身從頭至足。悉皆不淨。衆生顛倒。執之爲淨。故令衆生觀身是空。而當住真空也。觀心無常者。即六識心。謂此心性流動。念念生滅。皆悉無常。衆生顛倒。計以爲心。故令衆生觀心無常。而證常住真心也。觀法無我者。謂一切善法惡法。衆生顛倒妄認諸法有我。故令衆生觀法無我。而證無生真我也。一諦之音者。謂苦空等四法實從此一諦音中之所演出。惟此一事。實除二則非真也。國土不同。身心別化者。言此菩薩所入國土勝劣淨穢種種不同。而苦薩能現身心亦隨勝劣淨穢種種不同。分形攝化別化者。應以何身得度。即現何身說法。乃同事攝也。是妙華光等者。謂是此妙華光明地中無邊功德行願海藏不可言說。此中但略開一毛頭。

許猶一毛蘊大海中一滴耳。若廣說者。如大部中如法品解觀法門千三昧品二文中所說。

○第四體性爾跋地

此地菩薩斷一種微細煩惱現行障。此即所知障中俱生一分微細無明之惑現起故名之也。又斷二種愚執一者等至愛惡二者法愛惡斷此愚障方登薩慧地。謂此菩薩初入證智善修三十七品菩提分法。能起薩慧智火燒一切根本煩惱及隨煩惱之薪。便能永斷愚障。既斷智火最勝故名薩慧地。所證真如名無礙受真。如謂此真如無我執等所依取故。菩薩位寄兜率天王假修三乘等法。化導衆生于十波羅蜜中。精進波羅蜜最勝其餘非不修行但隨力隨分。

若佛子。菩提薩埵體性地中爾眞薩俗不斷不常。即生即住即滅。一世一時。有種種異現異。故因緣中道非一非二。非善非惡。非凡非佛。故佛界凡界一是名爲世諦。其智道觀無一無二。立道定品所謂說佛心初覺定。因信覺思覺靜覺上覺念覺慧覺觀。

覺。寤。覺。覺。捨。覺。是。品。品。方。便。道。心。心。入。定。果。

爾。即。也。該。明。也。若。佛。子。三。句。標。顯。名。德。位。也。體。性。等。者。言。此。地。本。體。性。分。之。中。本。具。此。雙。照。平。等。慧。理。照。了。一。切。諸。法。對。待。故。名。體。性。爾。該。地。別。經。名。該。慧。地。謂。慧。明。無。極。則。佛。覺。圓。滿。覺。滿。則。慧。光。發。該。如。大。火。聚。燄。破。一。切。暗。見。故。名。該。慧。也。爾。真。該。俗。等。者。乃。明。雙。照。之。義。言。即。真。明。俗。其。俗。即。真。明。俗。即。真。其。俗。不。俗。其。俗。即。真。而。真。真。相。續。故。真。不。斷。其。俗。不。俗。而。俗。俗。皆。該。故。俗。不。常。既。真。真。不。斷。俗。俗。不。常。則。爾。真。該。生。爾。真。該。住。爾。真。該。滅。而。皆。即。也。既。生。住。滅。即。則。無。邊。剎。海。同。一。世。十。世。古。今。同。一。時。真。俗。生。滅。同。一。有。也。更。何。差。別。之。有。哉。種。異。等。者。其。所。以。有。差。別。者。無。他。因。衆。生。種。子。有。能。熏。所。熏。之。異。而。有。差。別。故。也。既。熏。種。有。異。而。菩。薩。利。生。不。得。不。現。異。法。而。有。真。諦。俗。諦。之。名。究。竟。因。緣。生。滅。際。中。道。二。諦。處。是。何。境。界。如。大。火。聚。燄。燄。入。中。愈。增。慧。該。是。一。是。二。是。善。是。惡。是。凡。是。聖。無。一。不。是。慧。該。故。佛。境。界。凡。境。界。一。一。世。出。世。法。咸。

皆。名。爲。世。諦。而。齊。增。慧。該。也。其。智。道。等。者。言。此。三。昧。智。火。薪。逢。增。該。中。道。觀。慧。一。照。無。遺。故。所。以。無。一。無。二。無。善。無。惡。無。凡。無。佛。也。玄。道。定。品。者。言。既。智。道。觀。中。無。一。無。二。三。何。又。有。定。品。種。種。差。別。耶。玄。道。即。上。智。道。定。品。即。七。覺。定。品。此。多。三。品。共。十。定。品。言。此。十。支。定。品。是。智。道。中。因。異。而。現。也。所。謂。說。佛。心。行。者。言。此。諸。品。道。乃。是。佛。心。佛。行。所。謂。說。此。異。法。者。對。諸。衆。生。能。熏。所。熏。之。異。而。示。現。斯。差。別。十。定。法。門。究。竟。佛。心。佛。行。定。理。中。實。無。異。也。初。覺。定。因。者。謂。佛。菩。薩。最。初。悟。入。覺。道。之。時。覺。悟。自。已。最。初。覺。心。原。來。本。定。凡。夫。以。迷。故。不。定。我。今。既。悟。始。覺。有。本。以。爲。正。因。故。名。初。覺。定。因。也。一。信。覺。者。信。最。初。覺。心。原。自。本。定。不。從。人。得。一。信。永。信。永。無。浪。轉。也。二。思。覺。者。言。雖。所。信。本。定。若。不。思。修。終。成。虛。信。故。當。思。惟。修。習。也。三。靜。覺。者。言。雖。善。思。修。若。無。靜。定。之。力。所。持。恐。成。亂。思。故。次。之。以。靜。覺。也。四。上。覺。者。然。以。定。力。印。持。于。靜。覺。中。若。無。精。進。之。力。恐。墮。無。記。故。次。之。以。上。覺。也。五。念。覺。者。言。既。精。

勤不懈更當念茲在茲而不忘失故次之以念覺也。六慧覺者。然雖念心不妄。必加慧心照境。始得分明不惑。故次之以慧覺也。七觀覺者。然雖慧照之境無惑。屬粗必須更加微細觀察。始能入理證真。故次之以觀覺也。八捨覺者。由觀入理滅妄證真。方得身心輕安。故次之以捨覺也。九樂覺者。言既體相調和。意地暢適。必俾身心悅樂。故次之以樂覺也。十捨覺者。以是樂體不倒。悅心不亂。而得正見解脫。故次之以捨覺也。此十覺支合言。則七覺以念合思。以觀合慧。以捨合靜。此雖品品不同。皆智道觀中十方便道。能令行人心心念念證入定果故也。

是人住定中。饒見法行。空若起念。定入生心。定生愛順。道法化生。名法樂忍。住忍證忍。寂滅忍。故諸佛於入光光華三昧中。現無量佛。以手摩頂。一音說法。百千起發。而不出定。住定味樂。定著定食。定一劫千劫中。住定見佛蓮華坐。說百法門。是人供養聽法。一劫住定。時諸佛光中摩頂。發起定品。出相進相。去向

相放不沒不退不墮不住頂三昧法上樂忍永盡無除。

自爾真至無二。乃明慧發變照之義也。自玄道至定果。乃明定因覺品方便道有定因。自有心心入定之果也。自是人住至無餘。乃正明定果也是人住定等者。言是當位之人。因修道品得住定。中因定力故。定中發起智慧光。饒發照徹十覺諸法行。一皆空若起念等者。言若從定中緣起一念之時。莫令此念別緣。亦只還以此定中乍起之念。仍舊定入生念之心。情念盡處當究其盡之所以。如人常在家愁甚。麼家中事不辦者。此也。定生等者。言既念從定起。還從定入。起念入念。咸是深定。豈不于深定而生愛樂順適心耶。故能于深定道法中。化生名之爲法樂忍也。住忍者。安住于忍而不動也。證忍者。深證此忍而不轉也。寂滅忍者。寂滅于忍而不起也。故十方諸佛于此人。智光慧光妙華三昧正定中。現示無量佛身。親手摩頂。安慰其心。一音說法。啓發其志。而此菩薩以甚深定力。

故不動不轉不起而不出定何以故以菩薩住此定而不起玩味好樂此定而不厭持守此定而不移貪愛此定而不捨故也以此住定乃至貪定之故淺者一劫深者千劫中住定于深定中見佛在蓮華上坐爲諸衆生說心地道百法明門也是人等者是菩薩人于深定中興種種供養聽受妙法故淺者一劫住定深者亦千劫住定也時諸佛等者言以是菩薩深心廣遠劫久歲深感動諸佛復于智光三昧中重爲摩頂一番加勸俾出定品現身益物也出相等者言此菩薩既受摩頂得大自在故現出定之相進誘之相去向他方利生之相也故不沒等者以發起故能出而不沉沒能進而不退轉能去向而不墜墮不僞如斯也至于最尊最貴頂智三昧法上樂忍亦無住著者如是定愛及于法愛二障俱離故曰永盡無餘也

淨
即入一切佛土中修行無量功德品行皆光明入普權方便教化一切衆生能使得見佛體性常樂我

即入等者以不住法樂之故即入一切佛刹國土之中現身利物上事諸佛下拔衆苦俱行覺道無量無邊一切功德法品也行行等者行行即品品也言品品功德一行門皆能啓迪衆生愚癡開發人人智慧光明俾入一切善權種種巧妙方便之中展轉流布教化利益一切衆生亦能使一切衆生得悟諸佛本體性分同一悲智得真常真樂真我真淨四德法門也

是入人生住是地中行化法門漸漸深妙空華觀智入體性中道一切法門品滿足猶如金剛上日月道品已明斯義

是人等者言是菩薩既生是地住是地中已凡所設施度生法門法法倍過于前漸化漸行愈是深妙空靈慧華觀智道咸入此體性三昧中道理中如是一切雙照法門忍定法門百法門四德法門至此悉皆滿足猶如金剛貴重堅固無比也上日月等者上即此品之上言上日月道品之中已曾詳明此地之義矣

○第五體性慧照地

此地斷一種下乘涅槃障此卽所知障中俱生一分厭生死苦趣涅槃依彼所起故名之也並斷二種愚執一純作意背生死愚二純作意向涅槃愚此之三法能障五地斷此愚障方登難勝地菩薩今修菩提分法二智斷通真俗無礙能合難合無差別道便能永斷愚障既斷故名難勝地所證真如名類無差別真如謂此真如於生死及涅槃其類平等無差別故菩薩位寄化樂天王假修三乘等法化導衆生于十波羅蜜中禪波羅蜜最勝其餘非不修行但隨力隨分

若佛子菩提薩埵應體性地法有十種力生品起一切功德行以一慧方便知善惡二業別行處力品善作惡作業智力品一切欲求願六道生生果欲力品六道性分別不同性力品一切善惡根一一不同根力品邪定正定不定是名定力品一切因果業是因業是果至果處乘因道是道力品五眼知一切法見一切受生故天人力品百劫事一一知宿世力品

於一切生煩惱滅一切受無明滅解脫力品是十力品智知自修因果亦知一切衆生因果分別

若佛子三句標顯名德位也慧照體性地者謂此菩薩因中修習甚深禪定廣大智慧之力故今果地中乃得證人諸諦相應之慧圓照法界故云慧照體性地別經名難勝地謂由前欲慧懺破一切情見其異同之相皆不可得卽是諸佛境界無有能勝故名難勝也法有十種力生品等者言此地菩薩證入時便具此十種力生品發起一切最上真實功德行以一念相應慧巧方便教化一切衆生也何謂十種力生品耶一知善惡等者謂此一慧方便能知一切衆生作善業不得善果反別行惡報處之故知作惡業不得惡報反別行善報處之故何也凡造順佛像刷印經典建會齋僧此修善也或于其中不真實建立三寶假公濟私瞞因果味果天堂未就地獄先成故此修善不得善報反別行惡處報也凡除惡人惡獸破壞外道和合乃至殺一闍提此作惡也于其中間凡是實爲惱害

衆生乃是殺一救多除害興善正是菩薩大悲所爲故。此作惡不惡報。反別行善處報也。如是差別報行。一一爲衆生說。故云別行處力品也。二善作等者。言此一慧方便能知一切衆生善作業得福報。惡作業得禍報。種莖不生。稌正報因果決定不錯。一一爲衆生說。故云衆智力品也。三知一切等者。謂此一慧方便能知一切衆生心中所欲所求。所願一切欲者。言欲供養三寶。欲恭敬天地君親師友。欲念財色名食睡等一切求者。謂求好師友求名聞利養求功名富貴乃至求好子孫眷屬等一切願者。謂願生西方成佛度生。願生天人乃至願生地獄六道中。生果如是。一一爲衆生說。故云欲力品也。四知六道等者。謂此一慧方便善能了知一切六道衆生本分性情分別知見。或利或鈍。或智或愚。或巧或拙。一一不同。如是差別。一一爲衆生說。故云性力品也。五知一切等者。謂此一慧方便能善了知一切衆生或一生所種善根惡根。或多生所種善根惡根。或易受教化。或難受

教化。一一差別不同。如是根界差別。一一爲衆生說。故云根力品也。六知邪定等者。謂此一慧方便善能了知一切外道邪定。小乘偏定。菩薩正定。凡夫不定。一一通達爲衆生說。故云定力品也。七一切等者。言此一慧方便善能了知一切賢聖大乘正道因果。由昔乘如是修行斷障。因今方得乘如是慧照證真果也。所謂今得至此果處者。無他。蓋由昔乘如是正因。修如是正道力故也。一一了達爲衆生說。是名道力品也。八五眼等者。五眼卽天眼通非礙肉眼。聞非通法眼。惟觀俗慧眼。只緣空。佛眼如千日照異體。是同是也。言此五眼善能了知一切世出世間善惡果報生滅因緣差別等法。並見一切衆生臨命終時受報好醜。隨善受生。隨惡受生之處。一一示諸衆生。故云天眼力品也。九知百劫等者。言此一慧方便能知自己種種宿命百千萬億劫前死此生彼。姓族名字苦樂壽夭富貴貧賤。遊衆生種種宿命。一一了知爲衆生說。故云宿世力品也。十知於一切等者。言此一慧方便

善能了知于一生二生中乃至一切生中滅盡煩惱而得解脫並一受生二受生乃至一切受生無明滅乃至老死滅而得解脫如實爲衆生說故云解脫力品也是十力等者如是十力品智知自修行因果不錯不謬亦知一切衆生所行所修因果一一分別了知不錯不謬

而身心口別用以淨國土爲惡國土以惡國土爲妙樂國土能轉善作惡轉惡作善色爲非色非色爲色以男爲女以女爲男以六道爲非六道非六道爲六道乃至地水火風非地水火風是人爾時以大方便力從一切衆生而見不可思議下地所不能知覺舉足下足事

而身心等者言不但以一慧方便了知十力智知自他因果而已而身而心而口更有無窮差別妙用不可測也以身能現通心能繫念口能說法威能別用不思議故云而身心口別用也以淨國土等者謂以是三輪妙用力故能以寂光淨土示爲五趣雜居能以五趣雜居示爲極樂國土如法華

三變淨土是能轉善作惡者如無厭足王是能轉惡作善者如廣額屠兒是色爲非色非色爲色者如放光散華垂蓋湧蓮是以男爲女者舍利弗被天女一指轉爲女人相者是以女爲男者觀女歡殊利那成佛者是以六道爲非六道非六道爲六道者六道卽凡非六道卽聖如面然大士等是乃至地水火風非地水火風者下皆足一句云非地水火風爲地水火風如十八神變入地如水履水如地身上出火身下出水身下出火身上出水身爲水火擔負乾草入中不燒等是是人爾時等者言上種種自在神用是菩薩爾時以一慧大方便智力用所作任從一切衆生見之而皆使頓入不可思議境界也不特衆生見之不可思議卽下地諸菩薩等皆不能知覺此地菩薩舉足下足之事也是人大明智漸漸進分分智光光無量無量不可說不可說法門現在前行

是人等者言此菩薩神用下地不知者何益此菩薩大慈明智漸漸增進倍倍過前于一智分光明

中有無量無量不可說不可說法門一齊現在前行二智乃至十智分分智光智光無量無量不可說不可說法門亦一齊現在前行也

○第六體性華光地

此地斷一種粗相現行障此即所知障中俱生一分執有染淨粗相現行所起故名之也。並斷二種愚執一者現觀察行流轉愚二者相多現行愚此之三法能障六地斷此愚障方登現前地今知一切法無有染淨住無相作意令真如圓滿便能永斷愚障既斷般若現前故名現前地所證真如名無染淨真如謂此真如體性無染淨故菩薩位寄自在天王假修三乘等法化導衆生於十波羅蜜中般若波羅蜜最勝其餘非不修行但隨力隨分若佛子菩提薩埵體性華光地能於一切世界中十神通明智品以示一切衆生種種變化以天眼明智知三世國土中微塵等一切色分分成六道衆生身一一身微塵細色成大色分分知以天耳智知十方三世六道衆生苦樂音聲非非音非非聲一切法聲

以天身智知一切色色非色非男非女形於一念中徧十方三世國土劫量大小國土中微塵身以天德心智知三世衆生心中所行十方六道中一切衆生心心所念苦樂善惡等事以天人智知十方三世國土中一切衆生宿世苦樂受命一一知命續百劫若佛子三句標顯名德位也體性華光地者謂此菩薩入此地中大智行華一時開敷光照一切故故名華光地別經名現前地謂由前異同之相既不可得則真如淨性明顯現前故名現前地也能于一切世界等者謂此菩薩住是地中能于十方一切世界之中運用十種神通光明智品以教化示導一切衆生現種種殊勝變化不可思議境界也何謂十種明智品耶一以天眼明智等者即天眼通也言此菩薩得此通故能知過去未來現在三世國土中微塵等一切細色大分段身小分段身皆微塵成人身天身乃至畜生大小分段身皆微塵成各各一一衆生身皆知是微塵細色成一形體大色如是大分小分色相一一了知而不

錯故二以天耳智等者。即天耳通也。謂得此通故。即能聞知十方三世六道衆生。或受逼惱而生苦音聲。或受安逸而生樂音聲。明知苦樂音聲。非苦樂音聲。非非苦樂音聲。乃至世出世一切法聲。亦非非聲。一知故三以天身智等者。即色身通也。謂得此通故。即能知一切依報六塵世界外色。及正報六根身形內色。咸非是色。是名爲色。非是男女形。是名男女形。而此菩薩于一念中。咸皆周徧十方國土三世劫量。若大若小。並國土中極微塵細衆生。身于一念中。一身咸徧知。故四以天他心智等者。即他心通也。謂得此通故。能知過現未三世一切衆生心中所行。或十方天人乃至畜生六道中一切衆生心。心所念苦樂果善惡因等事。一一知故五以天人智等者。即宿命通也。謂得此通故。即能了知十方三世國土之中一切衆生。從一世二世乃至百千萬世宿生苦樂受等命。一一了知及其受命長短相續百劫等事。一一了知。故以示一切衆生也。上五智知世諦緣起。無有染

相可得。下五智知眞諦解脫。亦無淨相可得也。以天解脫智知十方三世衆生解脫斷除一切煩惱。若多若少。從一地乃至十地。滅滅皆盡。以天定心智知十方三世國土中衆生心。定不定。非定非不定。起定方法有所攝受。二昧百三昧。以天覺智知一切衆生已成佛。未成佛。乃至六道一切人心。心亦知十方佛心中所說之法。以天念智知百劫千劫大小劫中一切衆生受命。命久近。以天願智知一切衆生賢聖十地三十心中。一一行願若求苦樂若法非法。一切求十願百千大願品具足。

六以天解脫等者。即滅盡通也。此下衆生字俱指賢聖與上不同。謂此菩薩得此通故。即能了知十方三世賢聖衆生解脫道隨力隨分斷除一切煩惱。惑障若多若少。從一地少分斷除。次第乃至十地多分斷除。究竟滅滅皆盡。無餘如是種種解脫。一一了知。故七以天定心智等者。即神境通也。謂得此通故。即能了知十方三世國土內賢聖衆生心中。或心入正定不動不搖如是而定。或于

定中思惟取證供佛聽法如是不定或于定中示現行住坐臥示行一切行事如是而非定或于不定中一切事上一切時間隨意而定如是而非不定及諸起定隨方說法利益衆生所有攝受種種三昧乃至百八三昧一切正受禪定一一知故人以天覺智者即言音通也言得此通故即能了知一切賢聖業已斷障證真示現八相成佛道及永成佛道者並知六道人心心所念所行十方佛心中所念所說教化利生之法一一知故九以天念智者即未來通也言得此通故即能了知百劫千劫大小劫中一切賢聖衆生受佛慧命教化衆生利益一切如是慧命或近則一劫住二劫住或久則十劫住乃至百千萬億劫住世一一知故十以天願智者即無作通也謂得此通故即能了知一切大心衆生賢聖十地行願及十心中一一所修行門一一所發大願若求苦則示燒身臂指供養諸佛如藥王焚身不輕遺擲阿難願云五濁惡世暫先入等是求樂則如韋提希願生樂土法藏

比丘誓願衆生咸生安養等是求法則示說三藏十二部經別傳佛旨求非法則示四韋駄外道邪論並此方四書五經道德南華百家異學等言大乘人正法學力之餘學以折伏闡提世智辯聰等俱名非法一切求總結上求下化無所不求十願即普賢十大行願十無盡藏句是百千大願即諸菩薩無邊弘誓願是如是行願品此地菩薩一一圓滿具足一一而知故

是人住地中十神通明中現無量身心口別用說地功德百千萬劫不可窮盡而爾所釋迦略開神通明品如觀十二因緣品中說

是人住地等者言是菩薩住此華光地中已于十種神通明智中能示現無量神通身輪無量記持心輪無量說法口輪分形別用說是地種種功德行願百千萬劫說之不可窮不可盡而爾所釋迦如來但大樂開發此十神通明智耳在大部內有觀十二因緣品如彼品說無二無別

○第七體性滿足地

此地菩薩斷一種細相現行障。此即所知障中俱生一分。執有生滅細相現行所起故名之也。並斷二種愚執。一者細相現行愚。二者純作意求無相。愚由有此之三法能障遠行地。斷此愚障。方登第七地。今遠三界近法王位。行過二乘善修無相。到無相邊功用至極。望前過遠。故名遠行地。便能永斷愚障。既斷所證真如名法無差別真。如謂此真如能了種種教法。皆同真如而無相。故菩薩位寄初禪天王。假修三乘等法。化導衆生。於十波羅蜜中。願波羅蜜最勝。餘非不修。但隨力隨分。

若佛子。菩提薩埵滿足體性地。入是法中。十八聖人智品下地。所不共。所謂身無漏過。口無謬罪。念無失念。離八法。一切法中捨常在。三昧是入。即六品具足。復從是智生。六足智。二界結習畢。竟不受故。欲具足一切功德。一切法門。所求滿故。進心足。一切法事。一切劫事。一切衆生事。以一心。中一時知。故念心足。是二諦相。六道衆生。一切法。故智慧足。知十法。趣人乃至。一切佛無結無習。故解脫足。見一切衆生。知他人

自我弟子。無漏無諸煩惱習。故以智知他身。六通足。是人入六滿足。明智中。便起智身。隨六道衆生心行。口辯說無量法門。品示一切衆生。故隨一切衆生心行。常入三昧。而十方大地。動搖空。化華。故能令衆生心行。以大明智具足。見過去一切劫中。佛出世。亦是示一切衆生心。以無著智。見現在十方一切國土中。一切佛一切衆生心。心所行。以神通智慧。見未來中一切劫一切佛出世。一切衆生。從是佛受道聽法。故若佛子。三句標顯名德位也。滿足體性地者。謂此菩薩因中廣修方便。度故果。感證此如來一切智行。悉皆圓滿具足。故名滿足。別經名遠行地。謂真如之境。廣無邊際。雖真如現前。分證則局。若盡其際。方爲極到。故名遠行地也。入是法中等者。謂人體性法中。已得十八聖人智品。不與二乘權小所共。不惟權小所不共。即下地菩薩亦所不共也。何名十八聖人智品耶。一所謂身無漏過者。即身無失也。謂此菩薩從無始來。常以不殺不盜不婬而修其身。一切煩惱淨盡。無餘。以是身業清淨。得大

神通故云身無漏過也。二口無語罪者。即口無失也。謂此菩薩從無量劫來。常以如來五語隨諸衆生。方便說法。令得道果。是以口業清淨。故云口無語罪也。三念無失念者。即意無失也。謂此菩薩從無始來。清修戒定慧。滅除貪瞋癡。自利利他。安禪制毒。乃得意根清淨。故云念無失念也。四離八法者。即無異想心也。八法多種。有通教別教圓教等。入法總不出教理。智斷行位。因果言皆有異想。而此地永離不與下地共。故云離八法也。五一切法中捨者。即無不知捨心也。謂此菩薩從無始來。以大般若空慧。照察世出世間一切染淨諸法。當體全空。了無貪念。故云一切法中捨也。六常在三昧者。即無不定心也。謂此菩薩從無始來。恒不離甚深大定。至于隨機設化。隱顯利生。亦不離此定。故云常在三昧也。是入地等者。言此菩薩具足是六品。已又復從是六智相續出生。六足智也。何名六足智耶。一三界結等者。即欲無滅也。謂此菩薩久遠劫來。常修空無作無願三解脫。入三界同事教

化衆生。令離諸有。結使習氣。發菩提心。悟無生忍。豈有菩薩更受三界結習之理哉。以畢竟不受故。而得正解脫。滿足故云欲具足也。二二切功等者。即精進無滅也。言此菩薩于一切賢聖利生功德。一切賢聖利生法門。凡所精進。樂求無不充備。具足故云進心足也。三一切法等者。即念無滅也。謂此菩薩恒念一切諸佛賢聖。建立一切法事。念一切劫量長短大小。延促等事。念一切衆生。因緣生滅。拔苦與樂等事。以恒念故。一心中不勞憶度。一時而知。故云念心足也。四是二諦相等者。即智慧無滅也。謂此菩薩能了達眞俗二諦。有無二相。是破除六道衆生一切愚痴。般若空法。以般若空照眞俗。有無無二。故云智慧足也。五知十發趣等者。即解脫無滅也。謂此菩薩能知十發趣。長養金剛。實人十地聖人等妙諸佛出定揚德。起智利生。示諸衆生同事結習。而實無結無習。故云解脫足也。六見一切等者。即解脫知見無滅也。謂此菩薩具足天眼天耳他心漏盡神境如意之六通。故

所以微見一切賢聖大道衆生。皆能了知一切他
人。目我所化弟子。咸得斷除邪見。證無漏智。遠離
百八煩惱。微細習氣。故也。自我則是。而所以能了
知他人身心事者。何以六通智知他身耳。故云
六通是聖人等者。言其能入是六通。是六
明智慧中。已復更具足六種智。用何爲六。第一
便起智身等者。卽身業隨智慧行也。謂此菩薩使
運起六足智能。以清淨神通身業。現神變相。調伏
衆生種種心行。令發菩提心。行菩薩行。故名隨一
切衆生心行也。二口辯說等者。卽口業隨智慧行
也。謂此菩薩能以清淨微妙口業。樂說辯才。說無
量法門品。隨順開導一切衆生心行。令發大心。行
菩薩行。故云隨一切衆生心行也。三常入三昧者
卽意業隨智慧行也。謂此菩薩能以清淨澄明意
業。常入正受三昧。以三昧力。故十方世界地搖六
震。空之內天雨四華。以是威神力。故能使一切
衆生。發增上勝進心。行諸佛行。故云能令衆生心
行也。四以大明等者。卽過去無碍智也。謂此菩薩

以大明智具足之。故能見過去盡過去際一切劫
中諸佛下生成道出世利生。亦是開導一切衆生
心。令入佛智道。故云示一切衆生心也。五以無
碍智等者。卽現在無碍智也。謂此菩薩以無碍智
滿足。故能見現在盡現在際十方一切國土中一
切諸佛下生。出世利生化等一切衆生心。心
相續行佛智道。故云一切衆生心所行也。六
以神通等者。卽未來無碍智也。謂此菩薩以神通
道智滿足。故能見未來卽未來際一切劫中一切
佛下生成道出世利生。能使一切賢聖衆生。從是
佛受道聽法。展轉化度一切衆生。繼佛智道。故
云從是佛受道聽法故也。
住是十八聖人中心心三昧觀三界微塵等色是我
故身一切衆生是我父母而今入是地中一切功德
一切神光一切佛所行法乃至八地九地中一切法
門品我皆已入故於一切佛國土中示現作佛成道
轉法輪示入滅度轉化他方過去來今一切國土中
住是十八等者。謂此菩薩住是十八不共聖人智

品中掌心心不離正受三昧以三昧智觀觀三界中微塵等細色無針鋒許不是我之故身以三昧智觀復觀三界內一切大小衆生無一不是我已往生受生父母而今得入是滿足地中已一切諸佛功德一切諸佛神用智光一切諸佛所行巧妙方便法乃至八地九地中一切大明空法門至百千解脫法門八十種好三十二相自在法門因入是地故此等法門我皆已得一齊而入故也于一切國等者。言既一切得入故能于十方一切佛國土中示現受生出家苦行成道作佛大轉法輪廣度衆生于此應緣一朝事畢乃復示現入于滅度又轉教化他方亦示過去未來現在一切國土中一般種種示現不可思議事也

○第八體性佛吼地

此地菩薩斷一種加行障此即所知障中俱生一分令無相觀不任運起故名之也。並斷二種愚執一者無相作功用愚二者於相不自在愚此之三法能障八地斷此愚障方登不動地謂此菩薩今

入無功用道得無分別智照任運相續報行純熟。居無相觀不爲諸法煩惱所動便能永斷愚障既斷故名不動地所證真如名不增不減真如謂此真如住無相觀不隨染淨所增減故菩薩位寄二禪天王作小千世界主以一乘法化導衆生於十波羅蜜中力波羅蜜最深餘非不修但隨力隨分。若佛子若提摩提佛吼體性地人法王位三昧其智如佛佛吼三昧故十品大明空門常現在前華光音入心三昧其空慧者謂內空慧門外空慧門有爲空慧門無爲空慧門性空慧門無始空慧門第一義空慧門空空慧門空空復空慧門空空復空空慧門如是十空門下地各所不知虛空平等地不可說不可說神通道智以一念智知一切法分分別異而入無量佛國土中一一佛前諮受法轉法度與一切衆生而以法藥施一切衆生爲大法師爲大導師破慶四魔法身具足化化入佛界

若佛子三句標顯名德位也佛吼體性地者謂此菩薩說法無畏如大師吼等無差別故名佛吼地

別經名不動地。謂真如之理既盡其際。全得其體。則眞常凝靜。無能動搖。故云不動地也。入法王位。三昧等者。謂此菩薩證入無上自覺聖智法王大樂。三昧正受。寶位于諸法中。如法自在。若出若沒。心常在定。故云入法王位三昧也。其智如佛等者。言其智慧方便無量。攝法廣度有情。與佛無二。無別何以致然。蓋由此菩薩得佛吼三昧之故而致然也。十品大明等者。謂此菩薩因得佛吼三昧故。而十品大明空慧法門。無一欠缺。常現在前。以利衆生。而行華智光法音。倍勝過前。咸入深心三昧。正受之中。所以能師子吼也。其空慧者。言云何爲十品大明空慧。常現在前耶。一謂內空。慧門者。謂此菩薩常以般若智照內自身心四大。非有五蘊。本空如幻如夢。故得此內空。慧門常現在前也。二外空。慧門者。謂此菩薩常以智照外一切青黃翠竹。無非般若。鬱鬱黃花。盡是眞如。無得無失。故得證此外空。慧門常現在前也。三有爲空。慧門者。謂此菩薩常以智照一切世諦。有爲諸法。虛假不實。

都無自性。故得證此有爲空。慧門常現在前也。四無爲空。慧門者。謂此菩薩常以智照一切眞諦。無爲諸法。體性非空。如實相故。故得證此無爲空。慧門常現在前也。五性空。慧門者。謂此菩薩常以智照有爲無爲二性皆空。一切無礙平等。故得證此性空。慧門常現在前也。六無始空。慧門者。謂此菩薩當以智照無始無明住地煩惱。本無有根。無起無滅。故得證無始空。慧門常現在前也。七第一義空。慧門者。謂此菩薩常以智照眞俗二諦悉同眞性。無相可得。不計二邊。不存中道。故得證第一義空。慧門常現在前也。八空空。慧門者。謂此菩薩常以智照能空第一義空之空。及所空之空。此二空理亦復不存。故得證空空。慧門常現在前也。九空空復空空。慧門者。謂此菩薩常以智照能空所之空空。亦復皆空。故得證空空復空空。慧門常現在前也。十空空復空空。慧門者。謂此菩薩恒以智照空能所空空之空。既空則空。無所空。言此空無所空之空空。亦復空空。故得證空空復空空。慧門

常現在前也如是等者。如是十品空慧門。惟此入地所證下地諸菩薩等皆各所不知也。虛空平等者。言下地各所不知者。何蓋此菩薩得證虛空平等地理智中。不但十空而已。更有不可說不可說威神變通道理智慧而下地諸菩薩猶不能知也。以一念等者。言以不可說神通智故。而能以一念相應智慧。知一切最勝法。分分差別殊異觀機逗教。而入無量諸佛國土之中。承事諸佛。一一佛前。諸請受聽其法。要展轉化度。無令斷絕。而乃傳法度與一切賢聖大心眾生。作大醫王。而以法藥惠施一切凡夫眾生。療去心病。為大法師。訓誨眾生。遠離煩惱。為大導師。誘引眾生。永超苦趣。破壞四魔。皈依三寶法身。具足無欠。無餘揚化分身。化身不絕。威伴眾生。入佛界地也。

是諸佛數。是諸九地十地數中。長養法身百千陀羅尼門。百千三昧門。百千金剛門。百千神通門。百千解脫門。如是百千虛空平等門中。而大自在。一念一時。行劫說非劫。說劫非道。說道說非道。非六道。

眾生說六道眾生。六道眾生說非六道眾生。非佛說佛。佛說非佛。而入出諸佛體性三昧中。反照。順照。逆照。前照。後照。因照。果照。空照。有照。第一中道義。諦照。是智惟八地所證。下地所不及。不動。不到。不出入。不生。不滅。

是諸佛數等者。謂此地菩薩既在在示現度生已。即是諸佛之數了矣。即是諸九地十地上聖數中人。但只隨方應化。滋養慧命。充足法身而已。其百千總持陀羅尼門。百千正定三昧門。百千不壞金剛門。百千變化神通門。百千方便解脫門。如是百千種種法門。于虛空平等門中。而得大自在。于一念中。于一時中。無少暫憩。皆能行故也。劫說非劫。非劫說劫。劫者梵語劫波。此云時分。言劫有長短大小。時分不同。諸天拂石。劫地獄芥城。劫人間轉輪劫。菩薩修行經三阿僧祇。斷盡無明之時。方得成佛。是名為劫。如是等劫。本非實有名為非劫。故云劫說非劫。非劫說劫也。非道說道等者。言此菩薩能照了世間有為邪見非道等法。本空無體。直下。

悟見菩提道法故名非道說道又能照了出世間
無爲聖諦正道等法。雖曰正道。因邪立正。正亦同
邪。邪正俱非。故云道說非道也。非六道衆生說六
道衆生者。聖人即是覺悟。凡夫六道衆生說非六
道衆生者。凡夫即是不覺悟。聖人也非佛說佛者。
魔不異佛。佛說非佛者。佛亦是魔也。政所謂說是
說非人不識。逆行順行。天莫測也。而人出等者。言
此菩薩既墮佛數。橫說豎說。逆行順行。而能入定
出定。于諸佛體性三昧正受之中。得人自在。具足
十種慧照也。何謂爲十一。反照者。謂反照自己。分
段變易四大五蘊。無一是實。無一非實。無一是虛。
無一非虛。誰爲利生。誰爲利生者。二順照者。謂隨
順衆生之性。易可化度。不生疲勞。慈悲攝受也。三
逆照者。謂違逆衆生之性。難調能調。善巧方便。威
神折伏也。四前照者。盡過去世。從凡夫發心以至
入此地而照也。五後照者。從此地以至成佛利生。
盡未來世而照也。六因照者。照自他無始不覺之
苦。因并始覺清淨之樂。因也。七果照者。照自他生

死業繫之苦果。並本覺究竟之樂果也。八空照者。
謂空照照真離一切相也。九有照者。有照照俗。即
一切法也。十第一中道義。諸照者。謂照真非真。照
俗非俗。二邊不住。中道不存。離即俱非。故云第一
中道義。諸照也是智等者。言如是十種智照。惟是
八地所證。下地菩薩各所不及也。何以故。謂此菩
薩所證真如不動。不到以離動到相。故不入不入
以離出入相。故不生不滅。以離生滅相。故于此智
定照與照者。同時寂滅故也。

是地法門品無量無量不可說不可說。今以略開地
中百千分一毛頭許事。羅漢品中已明。

是地法門者。謂此菩薩所證一切法門。無量無量
不可說不可說之品。無有限量。非言說之所及者。
今以略開地中功德百千萬億等分之中。如大海
中一滴毛頭許事而已。如大部內羅漢品中已明
斯義。

○第九體性華嚴地

此地菩薩斷一種不欲行障。此即所知障中具生

法執一分利樂有情事中不欲動行所起故名之也。並斷二種愚執。一者陀羅尼。二者辯才。自在愚此之三法。能障九地。斷此愚障。方登善慧地。謂此菩薩今得十種無礙智。用現前于諸智中。最為殊勝。由此智用無礙。便能永斷愚障。斷能轉清淨大法之輪。是以善用其慧。故名善慧地。所證真如名智自在。真如謂此真如智自在。以四無礙智所依止。故菩薩寄位三禪天王。作中千世界主。以一乘法化導衆生。於十波羅蜜中。方便波羅蜜最勝。餘非不修。但隨力隨分。

若佛子。善提婆。種種佛華嚴體性地。以佛威儀如來三昧自在。王王定出入無時。於十方三千世界百億日月百億四天下。一時成佛轉法輪。乃至滅度。一切佛事。以一心。中一時示現一切衆生。一切色身八十種好。三十二相。自在樂虛空。同無量大慈光明相好莊嚴。非天人非六道。一切法外。而常行六道。現無量身。無量口。無量意。說無量法門。而能轉魔界入佛界。佛界入魔界。復轉一切見入佛見。佛見入一切見。佛

性入衆生性。衆生性入佛性。其地光光。照照。照照。明。無量。無量。力。十八不共法。解脫。涅槃。無爲。一道清淨。

若佛子。三句標顯名德位也。佛華嚴體性地者。謂此菩薩所證境界。莊嚴與佛等。無差別。華即行華。嚴即佛果。即修萬行。因華莊嚴佛果。故別經名善慧地。謂既得真如之證。即發妙用。凡所照了。悉是真如。故名善慧地也。以佛威儀等者。以用也。謂此菩薩能用佛之威儀。于動靜間也。言有威可畏。降伏衆魔。制諸外道。應折伏者。而折伏之。有儀可觀。開化人天。導引羣品。應攝受者。而攝受之也。如來等者。如即本覺。來即始覺。本始不二。故名如來。又來無所從去。無所至。無來無去。故名如來。三昧自在。王即百八三昧中三昧。王安立三昧于諸三昧能自在安住。故謂此菩薩若動靜若去來若坐臥。皆以佛威儀入。而靜則以三昧王自在安住。諸三昧中出而動。則以三昧王定。隨心出入自在。無礙或暫或久。無有定時也。于十方等者。言此菩薩得

此自在王定與佛無殊。任憑十方法界中以法報化身隨心自在。于一切大千世界百億日月百億四天下之中。不資餘力。一時示現。下生出家。降魔成道。轉大法輪。乃至入于涅槃。一切佛事。皆以一念心中。一時示現。一切衆生之前。現一切色身金相。皆具八十種好。三十二相。其所示現。自在受用。大樂無比。廣大同法界。究竟如虛空。無以異也。而此種種無量。大悲種種光明。種種相好。種種莊嚴。示天同天。而非天人。同人而非人。示六道同六道。而非六道。週出一切法外。而不捨一切法。常行六道之中。現無量神通。身輪無量辯才。口輪無量智慧。意輪說無量善巧權實法門也。而能轉魔界入佛界者。魔王謂世尊曰。若我待一切衆生。成佛盡衆生。界盡無有衆生。名字我乃發菩提心。是也。佛界入魔界者。謂達謂阿難曰。佛既無人。地獄分我。豈有出地獄分是也。復能轉一切見入佛見者。見見之時。見非是見也。佛見入一切見者。見猶離見。見不能及也。佛性入衆生。性者。和順衆生。隨

無量子

流得妙也。衆生性入佛性者。轉凡成聖。點鐵成金也。總言此菩薩以佛威儀自在。王定顯大神用。廣作佛事。有如此者。自于十方等至此。俱發明自在王。義其地光者。卽華嚴地不有具足光明也。光光照者。卽能鑑照之智光。並所鑑照之智光。光光照也。慧慧照者。亦卽能明照之空慧。並所明照之空慧。慧慧相照也。明慧明慧者。上明慧卽智光之明。下明慧乃空慧之明。發也。此智光明。與空慧明。發發相續。爲無盡燈也。無畏者。卽佛四無畏。一一切智無所畏。二漏盡無所畏。三說障道無所畏。四盡苦道無所畏也。又十無畏。備法數中。無量者。卽四無量心。也。十力十八不共。俱解見前。解脫卽前地俱生。我執現行。永伏之解脫也。涅槃卽無餘涅槃也。言此地光明。不特發發無盡。而佛無畏。乃至佛涅槃。咸皆無爲一道清淨也。經云。智光照無量。方便無窮。極此之謂也。而以一切衆生。作父母兄。弟爲其說。盡一切劫。得道果。又現一切國土。身爲一切衆生。相視如父如母。

天魔外道相視如父如母

而以一切等者言此菩薩證此地光得佛無畏及佛涅槃悉清淨已而復與慈示卑劣行以十方四生六道一切衆生作父母想而孝順之作兄弟想而敬愛之種種方便爲其說法不生疲厭盡一切劫之久必使俱得佛道盡佛佛果而後已又現尊勝行于一切國土中示一切身爲一切衆生令其相視若父母天魔外道亦相視如父如母俱作一子想而優愛之亦令其得道得果而後已矣住是地中從生死際起至金剛際以一念心中現如是事而能轉入無量衆生界如是無量略說如海一滴

住是地中等者言菩薩住是華嚴地中從凡夫不覺初發心始覺生死輪際起直至究竟覺金剛輪際止于其中間所修所行所斷所證一切差別法門以一念心中即能顯現如是等事而復能轉入無量無邊衆生界中令其解脫生死究竟道果也如是無量佛法門究竟說不能盡此但略說如海

一滴毛頭許事耳

○第十體性入佛界地

此地菩薩斷一種大得自在障此卽所知障中俱生法執一分法味自在所起能障大法智雲及所起事業不現在前故名之也此斷二種愚執一者現大神通愚二者微細秘密愚此之三法能障十地斷此愚障方證法雲地菩薩法身圓滿性智清淨空有兩忘極證中道之理便能斷盡愚障既斷故智慧雲彌滿法界雨大法雨充足一切枯槁衆生故名法雲地所證眞如名業自在眞如一切業惑悉得解脫眞如理而相應故菩薩寄位四禪天王作大千世界主演一乘法而化衆生於十波羅蜜中智波羅蜜最勝餘諸波羅蜜一切功德至此俱得圓滿具足

若佛子菩提薩埵入佛界體性地其大空復空空復空空如虛空性平等智有如來性十功德品具足空同一相體性無爲神慮體一法同法性故名如來地順四攝二諦盡生死輪際法養法身無一是名應

供徧覆一切世界中一切事正智聖解脫智知一切法有無一切衆生根。故是正徧知。明明修行。佛果時足。故是明行足。三世佛法。法同先佛法。佛去時善。善來時善。善是名善。善是人行。是上德。入世間中教化衆生。使衆生解脫。一切結縛。故名世間解脫。是人一切法上入佛威神形儀。如佛大士行處。爲世間解脫。調順一切衆生。名爲丈夫。於天人中教化一切衆生。諸受法言。故是天人師。妙本無二佛性。玄覺常常大滿。一切衆生禮拜故。尊敬故。是佛世尊。一切世人諸受奉教。故是佛地。是地中一切聖人之所入處。故名佛界地。

若佛子。三句標顯名德位也。入佛界體性地者。謂此菩薩所證一切理智行願。諸功德藏。卽與十方諸佛所證境界等無差別。故名入佛界地。別經名法雲地。謂菩薩至此十地。修行功滿。唯務化利衆生。大慈如雲。普能陰覆。故名法雲地也。其大慧空。空復空者。言此佛界卽上空。空復空空之大慧空也。此大慧空。至此極之。又極空。亦復空。無空可空。

也。空復空如虛空性者。言此大慧空之空復空。不同頑虛空。無所有斷滅之空。乃如虛空性。圓融周遍。巨細不遺。無欠無剩之空性也。此卽大圓鏡智。理聚圓極。法身境界。平等智有如來性者。言此佛界元來平等。本具茲智。故此平等智中。已具備有如來體性了也。此卽平等性智。智聚圓明。報身境界。十功德品具足者。言菩薩證入此地。卽得十功德號。圓滿具足也。此卽成所作智。功德聚圓。成化身境界。言二身圓顯。十號齊彰。方得名入佛境界也。云何十功德品耶。一空同一相者。言此大慧空中。雖有十號異名。其實本無形狀。號號皆空。同一空相也。體性無爲者。言既號號同。空本無異。相則此體性無起無止。無所作爲也。神虛體一等者。言既法身體性。本自無爲。而報化神機。虛靈周遍。三身一體。運用無分。不妨在在示現。法卽法性。法性卽法也。以如是之故。繇通二世而無向背。周遍十方而無來往。故名如來也。二應順四諦等者。四諦卽無作四諦。無生四諦。無寂四諦。一諦卽眞俗二

諦也。蓋生死卽蘊無始生。死輪際卽究竟金剛輪際法。卽上諸諦法也。言人此地菩薩應供。非同天人二乘應分段食供。此乃應廣化衆生。運用四諦法二諦法。從初自無始生死。終至金剛輪際。卽如是法。隨順滋養法身。不一不異。利益人天之供。故名應供也。三偏覆等者。言此地菩薩能周偏普覆一切世界之中。一切世出世間等事。盡能徧知者。何哉。具此正智也。正智者。何聖解脫智也。卽以正智遍知一切法。有有解脫。一切法無無亦解脫。並以正智徧知一切凡聖衆生。鈍利諸根。法皆空。無不解脫。故名正徧知也。四明明等者。明明即慧足。修行卽福足也。言此菩薩自發大心。來明明修慧。修行值福。入此地。已始得佛果。福慧二嚴一時充滿。具足故。是名明行足也。五善逝者。謂此菩薩善能往返三界。示現受生。出家修行。成道說法。化度衆生。入于涅槃。此乃三世諸佛道法。佛佛道同。古佛儀式法。同先佛法也。佛去時。善善緣畢而去。示入涅槃。去無所至。來時善善緣緣而來。示生成

道來無所從去。來吉祥是名善善也。六是人行是等者。謂是人能行是佛上上功德。以足現身入世間中。廣設教化。利益衆生。俾諸衆生咸得解脫。世間一切結使纏縛。令入佛道。故是名世間解脫也。七是人一切等者。謂是聖人能于一切法上顯法性。理入佛威神現法性。身形儀如佛。是以大士所行之處。觀容意。銷在在處處。咸得爲世間解脫。無有過于上者。故名無上士也。八調順等者。謂有調理調和調順三義。調理身不殺盜淫。而體自清淨。調和口無諍論。常持五語。調順意無貪瞋癡而生定慧等也。謂此菩薩能如是調順一切法界衆生之身口意。遠離十惡。令得道果。故名爲調御丈夫也。御如御馬亦順性而調之之義。九於天人等者。謂此菩薩能于天上人間中。在在示現教化。導利一切衆生。令其諮問聽受佛法。言詞深入心通。獲大利益。故是名天人師也。十妙本無二等者。妙卽妙用本卽本體。言此菩薩佛性本體玄覺妙用。至此果證覺圓于體。于用無一無二。無爲無相大

●第二作頌

滿常住常充滿無欠無餘乃名曰佛爲一切世出世間賢聖衆生頂禮瞻拜故尊重恭敬故是乃名曰佛世尊也。上明十功德品下正明入佛界地。一切世人等者言此菩薩十功德具足充滿爲一切世出世賢聖人等之所諮求法言聽受于心奉其教命而爲依止故是名佛地也是地中等者言是佛地中境界匪下地境界乃是一切地地聖人之所證入處諸佛境界故名曰入佛界地也。

爾時坐寶蓮華上一切與授記歡喜法身手摩其頭。爾時坐等者爾時卽入佛界際當成果之時言此菩薩當爾之時既得究竟圓滿卽當坐此寶蓮華之上證入妙覺果海也。十方一切諸佛卽與此法雲地菩薩授記成佛劫國莊嚴得佛大樂自在歡喜等事同以清淨法身光明網相光手而摩其頭勸轉法輪也。此三結讚法門也。又有二初本土主伴讚二他方主伴讚。

同見同學菩薩異口同音讚歎無二

同見同一見解卽同見真如法身實相理者同學

同一師學卽同學菩薩道同授灌頂職者言是時同見同學諸菩薩皆悉歡喜異口同音稱揚讚歎其伴咸同無二無別也。此本土主伴讚也。

又有百千億世界中一切佛一切菩薩一時雲集請轉不可說法輪虛空藏化導法門。

又有百千等者言不特諸佛摩頂菩薩讚歎已也。更又有百千萬億佛利之中一切諸佛一切諸菩薩俱皆一時雲集請法雲地菩薩轉不可說不可說廣大法輪並及虛空藏無窮無盡化導法門令其永遠流布比道使天上人間化化不絕也。此他方主伴讚請轉法輪也。

是地有不可說可妙法門品奇妙三昧三昧門陀羅尼門非下地凡夫心識所知唯佛佛無量身心意可盡其源如光音天品中說十無畏與佛道同。

是地有等者言是地菩薩巧說諸法爲除如來餘無及者故所以有不可說可妙廣大法門品奇妙三昧智慧法門奇妙三昧正定法門奇妙總持陀羅尼法門非下地菩薩及發心凡夫心識所能知。

之唯佛與佛無量神通身無量辯才口無量智慧
意可盡識其底蘊源頭而知之也此處所說如大
部內光音天品之中說十無畏法門正與此入佛
界地之道相同了無差別也此讚勝功德也

佛說梵網經願殊卷上

佛說梵網經願殊卷下

姚秦三藏法師 鳩摩羅什奉 詔譯

蜀渝華嚴寺而關 聖可德玉 願殊

慈 雲 寺 价南慧仙 贈錄

菩薩心地品之下

爾時盧舍那佛爲此大衆略開百千恒河沙不可說
法門中心地如毛頭許

爾時者是說十地已竟時也盧舍那者即能說之
報佛華言淨滿淨者五住究竟盡二死永亡以諸患
淨盡故即法身也滿者三覺果滿萬行因圓以福
慧具足故即報身也二義合言故曰淨滿又云種

種光明徧照光明即報身義徧照即法身義又法
身毗盧遮那華言遍一切處遍一切亦徧照之義
故知法即報報即法法報不分理智冥一二義合
言可無疑也爲此大衆者即華嚴聚會凡聖交參
之大衆也略開者顯此心地法門甚深廣大無盡
義也百千恒河等者舉喻顯法正明略開之義言
前所說三十心十地于百千恒河沙不可說法門
中但大略言之耳譬如一毛頭許之微此地子也
此二明心地戒三初結顯法門二付授勸轉三授
已轉化

是過去一切佛已說未來佛當說現在佛今說三世
菩薩已學當學今學

是過去等引果人同證同說以勸信也二世等者
引因人同修同學以勸受也言上所說心地雖如
毛頭許之微其功德極大三世諸佛所證證此所
說說此三世菩薩所修修此所學學此也

我已百劫修行是心地號吾爲盧舍那
我已等者上句舉因明果下句舉果明因也言既

三世諸佛菩薩所證所說所修所學而不異不虛者。乃即我今已百劫所修所學所證所說。豈復虛乎。可見其果本非他。因惟在此心地耳。此上三段結顯法門也。

汝諸佛子。轉我所說與一切衆生。開心地道。

汝諸佛子。者是舍那慈尊。告他千佛轉法化生也。轉我等者。言轉我所說。我已百劫修行心地。如是因深。號吾爲盧舍那。如是果極之道。我今授汝。汝當轉說與一切衆生。令其開悟心地。豁通本有光明金剛寶戒之道也。

時蓮華臺藏世界。赫赫天光。師子座上。盧舍那佛放光。告千華上佛。持我心地法門品。而去復轉爲千百億釋迦及一切衆生。

時蓮華下舉依報也。赫赫天光。下舉正報也。舍那放光。顯能告之勝。光告等者。顯所告之勝也。持我等者。正明所告之詞。師子座者。師子乃獸中王。哮吼一聲。百獸腦裂。表法王坐此座。無所怖畏。天魔外道。見聞喪膽。故也。盧舍那佛放光。告等者。言光

是佛放告是光告也。謂不但正報身善能說法。即依報蓮華光明亦能說法。告千華上佛也。持我心地等者。謂盧舍那既告千佛。又欲千佛轉相授受。故千佛持我心地法門。而去復轉相授受千百億釋迦佛千百億釋迦佛。付授勸轉。而與一切衆生開心地道也。

次第說我上心地法門品。汝等受持讀誦一心而行。次第等者。是盧舍那佛光告千佛。轉告千百億佛。叮嚀分囑。若轉說是心地法門時。不可倒說逆說。當從十住十行十向十地次第而說也。汝等亦當次第領受。受持讀誦。專一其心。精進力行。感化衆生。上行下效也。此付授勸轉也。

爾時千華上佛千百億釋迦。從蓮華藏世界。赫赫師子座上。起各各辭退。舉身放不可思議光。光皆化無量佛。一時以無量青黃赤白花。供養盧舍那佛。受持上所說心地法門品竟。

爾時者。即舍那勸授轉化時也。千華等者。舍那付授已畢。其時當機千佛千百億佛。領旨各各辭旋。

本迹世界設法利生應緣去也。畢身等者。表顯心地戒光出生無量無邊智慧之佛。凡此本佛迹佛迹迹之佛。皆從心地戒光中流出。此光非可心思言議也。光光等者。上光即千佛光。下光即千百億佛光。光光無量不可思議。故所化之佛亦無量不可思議也。一時等者。言千佛億佛無量佛俱同一時。以微妙因華從心中信手拈出。背表十住黃表十行。赤表十向。白表十地。還以供養心地所現舍那果佛。得法謝法知恩報恩也。受持等者。此結束三十心十地之文。以起後意。故云受持心地法門品。竟此三受已轉化。二初受已。謝師二各旋本界。此受已謝師也。

各各從此蓮華藏世界而沒沒已入體性虛空華光三昧。還本源世界。闡提提樹下。

各各等者。言千佛億佛無量佛各各從此舍那本佛依報莊嚴華藏世界而隱。初隱為沒。終隱為沒。沒已入體性等者。正明所隱迹處。言有沒處必有人處。謂沒已時。即入本體法性虛空華光三昧。

正定之中也。還本源世界者。千佛億佛皆各從本土放光示眾。皆各接生疑之眾。俱往本師會。師佛所聽心地戒法。令受戒竟。故又各還應迹所依本源世界。見所隱所顯不離當處。故云還本源世界也。闡提提者。即娑婆世界中南閼部洲也。菩提華言覺道。亦名道樹。謂凡佛出世。皆依此樹成無上道。故也。此二各旋本界。二初入定。歸本二出定。說法。此入定歸本也。

從體性虛空華光三昧出出已。

從體等者。言既從三昧入。必從三昧出。有隱有顯也。初顯名出顯畢。乃名出已也。二出定。說法。二初明橫說法。二明豎說法。此明橫說法。又有二初出定相示。二正說法。門此初出定相示也。

方坐金剛千光王座及妙光堂。說十世界法門。海復從座起。至帝釋宮。說十住復從座起。至忉利天。說十行復從座起。至第四天。說十迴向復從座起。至化樂天。說十禪。定復從座起。至他化天。說十地復至一禪中。說十金剛復至二禪中。說十忍復至三禪中。說

十

方坐等者方正也。金剛利而堅。千光明而廣。王乃尊貴之意。言佛既于菩提樹下出定。已當坐何等樣座而次第說法耶。當坐金剛最堅最利。千光最明最廣。王者最尊最貴之座。而說法也。華嚴初會菩提場。普賢菩薩說華藏世界品。如來依正法門。即此及妙光堂者。堂即普光明殿也。華嚴二會普光殿。文殊菩薩說十信法門。即此下文十住處所。說以總在人間爲一住處也。說十世界法門。海者即華藏莊嚴十世界海也。法門即十信法門也。海言百河千江無所不容。百寶千珍無所不出。百千法門無一不從信源功德海中流出。言十信法門海。充遍法界與十華藏莊嚴世界海等也。復從座起等者。此第二處說十住也。帝釋宮即忉利天王所住之內庭也。梵語釋提桓因。因此云能天主梵語忉利。此云三十三。此天居須彌頂。由卑修上品十善得生其中。主三十三天帝釋二字。華梵合言也。世尊次于此官說十住者。爲令已入十信菩薩得

入十住法門也。至餓天中等者。此第三處說十行也。餓天即餓魔天。華言時分。此天依空而住。以蓮華開合而分晝夜。故由修上品十善。衆生未到定禪得生其中。世尊次于此處說十行者。爲令已入十住菩薩得入十行之法門也。至第四天等者。此第四處說十迴向也。四天王兜率陀天。華言知足。于五欲知足。故此天亦依空居。所修同前世尊于此說十回向者。爲令已入十行菩薩得入十回向之法門也。至化樂天等者。此第五處說十禪定也。化樂者。自化五欲而娛樂也。亦依空居。所修同前世尊次于此處說十禪定者。爲令已入十回向菩薩得入十禪定之法門也。至他化自在等者。此第六處說十地也。他化天有二種。一者正修十善。衆生未到定禪。假此所成自然受樂。二者偏修十善。假他所化以成。已樂即魔王天。此二天王各依空居也。世尊次于此處說十地者。爲令已入十禪菩薩得入十地之法門也。復下一禪者。此第七處說十金剛也。初禪天即離生喜樂地。此天已離下

界欲惡忻上妙定故世尊次于此處說十金剛者。爲令已登七地菩薩得證金剛觀智入妙覺果海也。復至二禪者此第八處說十忍也。二禪卽定生喜樂地。此天已離初禪之喜。攝心在定。淡然寧靜而生勝定。故世尊次于此處說十忍者。爲令彼已得真無生忍。菩薩修行十忍法門。得人妙覺果海也。復至三禪者此第九處說十願法門也。三禪卽離喜妙樂地。此天已離初禪二禪喜跡之動。泯然入定而得勝妙之樂。故世尊次于此天說十願者。爲令彼已證九地菩薩更得十大願力。得入如來妙覺果海故也。

復至四禪中摩醯首羅天王宮。說我本源蓮華藏世界盧舍那佛所說心地法門品。

復至四禪等者。此第十處總說梵網舍那所說心地法門品也。前九是漸說次第。說此一是頓說。說大乘心地。故略去六十只說三十心十地耳。四禪卽捨念清淨地。此天捨二禪喜念三禪樂念。心無憎愛一念平等清淨無雜。住于此禪空明寂靜萬

象皆現。故世尊次于此處頓說心地者。爲令彼圓證十地菩薩入妙覺果海也。其餘千百億釋迦亦復如是。無二無別。如賢劫品中說。

其餘等者。謂千釋迦所說。既如是。其餘千百億釋迦佛亦如是。出定如是。妙光堂說法復起。乃至首羅宮中十處說法如是。漸說頓說咸與千釋迦同。無二無別也。此說如賢劫品說一樣。此上二正說法門也。明橫說法竟。

爾時釋迦牟尼佛從初現莊嚴世界東方來入天宮中。說魔受化經。已下生南閼浮提迦夷羅國。母名摩耶。父字白淨。吾名悉達。七歲出家。三十成道。號吾爲釋迦牟尼佛。

已上明千釋迦千百億釋迦皆十方世界說心地法門品。此下明一釋迦于一世界中說心地法門品也。爾時者。從蓮華世界東方而來時也。爾時從彼來入兜率天宮中。先在此天伏魔。以說魔王受化經。已次觀下界衆生有業障難解脫者。有

根純熟易解脫者。即從此天隱勝現。劣下生南閻浮提迦夷羅國淨梵王家爲太子也。如來降神先現五瑞次顯八相。謂從兜率天降。身宮者一相也。母名摩耶梵語此云大幻。以大幻術而幻出諸佛。故以凡十方諸佛示生。皆爲其母也。父字白淨梵語鬱頭檀世尊欲生之時。觀淨梵王。往行仁愛摩耶夫人五百世菩薩母。應當往彼托胎。所謂示入胎住胎者二相三也。吾名悉達梵語此云願吉。以太子生時。寶藏悉空。而復滿故。名願吉。于時太子從摩耶夫人右脇出。立蓮華上。一手指天一手指地。目顧四方。周行七步。云天上天下唯吾獨尊。世出世間此法第一。此示出胎者四相也。七歲出家者太子具大智慧。觀生老病死。厭世五欲。棄金輪王寶位如棄涕唾。心思出家。往白父王父王不許。故于二月七日身放光明。普照四天王宮。乃至淨居天宮。諸天見已。到太子所。禮足白言。菩薩無量劫來所修行。滿今正成熟。即于午夜逾城出家。苦行林中者此五相也。所言二十成道號吾

爲釋迦牟尼佛者。此是世尊功行滿足。道成德備。以顯然燈佛授記不虛。示昭明星成道降魔者。此六相也。此以下二明堅說法二初天上說道二人問說戒。

於寂滅道場坐金剛華光王座。乃召摩竭首羅天王。宮其中大第十住處所說。

於寂滅等者。寂滅以理言。即清淨寂滅。理以事言。即真阿練若。修行處。言佛于此清淨阿練若中。坐大道場轉大法輪故也。坐金剛華光王座。摩竭首羅天王宮。于其中間。一次第所說。共有十也。華嚴七處九會。此經十處十會。所說二經大同小異。所謂示現成道轉大法輪者。七相也。無八相者。未涅槃故也。

時佛觀諸大梵天王。網羅幢因爲說無量世界。猶如網孔。一一世界各各不同。別異無量。佛教門亦復如是。

時者即此梵天中。見心地戒體法門時也。佛觀

彼網羅幢因爲喻爲說無量世界衆生心行依正差別猶如網孔。一世界各各不同差別殊異亦無量各各不同諸佛教法門施設亦復如是。吾今來此世界八千返爲此娑婆世界坐金剛華光王座乃至摩醯首羅天王宮爲是中一切大衆略開心地法門竟。

吾今等者佛言吾來此娑婆世界坐大寶座說是心地法門利度衆生已非一次已有八千返之多也乃至等者謂此處說法至首羅宮共有十處爲是中者爲是十處天人賢聖一切衆生之中也略開等者言以上俱是略說心地法門不甚廣多也竟者結束前文之意此以上初天上說道竟。

復從天王宮下至閻浮提菩提樹下爲此地上一切衆生凡夫癡暗之人說我本盧舍那佛心地中初發心中常所誦一戒光明金剛寶戒是一切佛本源一切菩薩本源佛性種子一切衆生皆有佛性一切意識色心是情是心皆入佛性戒中當當常有因故當當常住法身如是十波羅提木又出於世界是法戒。

是三世一切衆生頂戴受持吾今當爲此大衆重說十無盡藏戒品是一切衆生戒本源自性清淨。

復從天等者言前從地昇天次第說十法門戒體以利天此則從天降下說十重四十八輕戒用以利人也。既從天宮降此菩提樹下爲何等人說用耶乃是爲此閻浮大地之上一切有心衆生說也。凡夫仰不知戒者癡是無明覆心暗是智眼不明言說我本師戒者正謂此等心眼蒙蔽故特與破暗除癡耳。又說何法戒除說我本師盧舍那佛心地中最初發心時心中常所誦一戒智慧光明堅利金剛具足衆善寶戒此淨戒者即是破暗之明燈即是除癡之慧劍即是一切諸佛根本流源即是一切菩薩根本流源即是上同三世諸佛下同三世衆生佛性種子也。故所以說一切癡暗衆生凡有心者皆有佛性本不欠少也。一切意等者思量日意即第七末那識分別曰識即前六轉識所緣曰色即五根六塵集起曰心即第八阿賴耶識此識在衆生名佛性在非衆生名法性此言衆

生佛性本來具足。蓋由意識色心不了而致然也。今以是本師佛力。故感便是情與無情。有心衆生。咸入佛性本源寶戒之中也。常當等者。言此寶戒。凡是有情而根鈍者。皆當發此入戒。正因。凡是。有心而根利者。皆當發此入戒。正因。是情是心者。既皆可入戒。自當當有如是誦戒。正因。既當當有誦戒修行。正因。必當當有證入常住法身之正果也。如是者。承前起後也。波羅提木叉。梵語此云。保解脫。謂持此戒者。保護三業六根。得大解脫也。言如是十解脫。戒出于世出世間之中者。乃是三世諸佛修行成佛正法戒。是三世一切衆生本有性戒。應當頂禮。戴領受持。守刻刻體認而不當忘也。吾今等者。言吾今當爲此現前四衆八部之大衆。重重開演。從一戒而開十戒。十戒而開四十八戒。乃至三千八百萬無窮無盡一切戒品。無不攝歸于十波羅提木叉一戒中。也是一切等者。言達戒體必達戒相。既了戒相無忘戒體。故復的指出。這是一切衆生心戒本源。自性清淨戒體。本不從

人得者也。此二人間說戒。二初凡聖本源。二總結戒相。初凡聖本源。三初差別說戒。二頌前起後三正結戒品。此初差別說戒也。

我今盧舍那	方坐蓮華臺	周匝千華上
復現千釋迦	一華百億國	一國一釋迦
各坐菩提樹	一持成佛道	如是千億億
盧舍那本身	千百億釋迦	各接微塵衆
俱來至我所	聽我誦佛戒	甘露門即開
是時千百億	還至本道場	各坐菩提樹
誦我本師戒	十重四十八	戒如明日月
亦如瓔珞珠	微塵等薩衆	由是成正覺
是盧舍那誦	我亦如是誦	汝新學菩薩
頂戴受持戒	受持是戒已	轉授諸衆生
諦聽我正誦	佛法中戒藏	波羅提木叉
大衆心諦信	汝是當成佛	我是已成佛
常作如是行	戒品已具足	一切有心者
皆應攝佛戒	衆生受佛戒	卽入諸佛位
位同大覺已	眞是諸佛子	大衆皆恭敬

至心聽我誦

我今等者總頌上下開說心地戒法結前起後讚勸受行之大略也。我是佛自謂非同凡夫外道二乘人我神我假我之我即乃無我之我八自在我也。今者當說時也。慮舍那即正報身佛也。方坐正方安坐也。蓮華臺即佛依報國土也。臺在其中周帀周圍交帀也。千華上者言此大華臺外周帀有千葉每一葉復有一蓮華也。上者每千華中也。復現等者言每葉華中復現千釋迦坐于其上也。一華等者言一葉華上有百億個國土也。一國等者言一國土之中即有一釋迦佛從天降下。國國皆然。各示坐菩提樹下咸同一時示成佛果證無上道。坐金剛華座說金剛寶戒也。如是等者言各示現非無本也。如是千百億釋迦以千釋迦為本身。千釋迦以盧舍那為本身。乃從體起用此乃攝用歸體也。上段總頌大部前九品千百億釋迦五句頌此上卷自爾時釋迦佛身放慧光所照鼓動人天生疑玄主集衆請問光相釋迦接衆至舍

那所一釋迦如此接千釋迦千百億釋迦亦如此接故云各接也。微塵衆即生疑之衆俱來者謂能接之佛及所接之生俱來華藏世界我舍那常所誦一戒諸佛光明金剛寶戒也。甘露者讀此戒有如是德也。言生疑衆生生死熱惱一聞此戒當下消滅如甘露之潤枯焦死可復甦也。門即開者言此個甘露戒德法門因此聽衆而即大開張展轉演唱也是時千等四句頌上千釋迦佛與千百億釋迦佛領衆下舍那所聽受戒竟復還各歸本世界菩提場上升天宮十住處說法竟又從天宮降下人間為此地人說我本師初常所誦戒至自性清淨一段文是時即授受心地戒法與千百億釋迦時也。還至等者謂既得戒已復還本土寂滅道場中說戒利生也。各坐等者謂一釋迦坐菩提樹下轉大法輪其餘百億釋迦各坐菩提樹下亦各轉大法輪也。誦我本師戒者表此戒法佛佛授受有本有據非妄流傳也。上頌前文下頌後文十重四十八者出戒相也。戒如明日月等者言戒之功德

得之者如日月照臨空行無礙又如璣珠貴重莊嚴上首也。微塵等者。應上各接微塵衆言。千百億佛所接微塵菩薩衆。因得戒益而成無上菩提。覺道可謂功不浪施也。是盧舍等者。承上言。謂此戒法由我本師自誦。我亦隨誦。非自不誦教人誦也。汝新學等者。此勸自授受人也。微塵菩薩既得戒而成佛。汝等新學菩薩。應當一心受持。是戒已更當轉相授諸衆生。廣利有情也。誦聽等者。此誦聽也。言當諦審于耳。聽領于心。我此誦戒。非同外道邪見二乘執偏不圓之戒。乃誦諸佛所授大乘實相正戒也。佛法等者。謂佛所說法藏有三。此三藏中之戒藏也。波羅等者。謂此保解脫戒。能開思修畢竟有大饒益。大衆不可只徒耳聞。或聞不入心。或不審實深信。多聞不修行。與不聞等也。汝是當等者。言汝等能如是奉持。現前當來決定成佛。我久還劫來能深信力行。此戒是已成佛了也。得已成佛者。何由我常作如是審實深信力行而得心地戒品。方能圓滿具足也。已成者。尙常作如

●卷下
已字

是信況未成佛乎。一切有等者。此勸受也。謂一切有心之人。非同木石。凡有心者。皆當作佛。攝入佛性戒中。豈小因小果。說衆生受等者。言心外無佛。心地外無佛地。衆生既受諸佛心地戒法。豈不即入諸佛位耶。位同等者。言位既同于大覺。已僅能爲佛家眞佛子。必經三祇果滿。萬行功圓。方能繼佛示生。證無上菩提也。大衆等者。大衆即現前稟受佛戒之四衆八部聖凡清淨大衆。皆身生恭敬心。竭至誠口。無議論。咸皆專一而聽。我誦常所誦一戒光明金剛寶我也。此二頌前起後也。爾時釋迦牟尼佛初坐菩提樹下。成無上覺。初結菩薩波羅提木叉。孝順父母師僧。二寶孝順至道之法。孝名爲戒。亦名制止。佛即口放無量光明。是時百萬億大衆諸菩薩。十八梵天六欲天子。十六大國王合掌至心聽佛誦一切諸佛大乘戒。爾時者。即從天上復下人間。示現成道說戒時。釋迦牟尼佛即娑婆教主之佛號也。初坐菩提樹下。始坐道場之處。成無上覺。即正徧知覺超諸等覺。

妙覺之上無有過者也。初結等者。此示轉法輪之
急務也。佛之本懷。原爲衆生拔苦。令其離苦得樂。
是故世尊思惟。畢竟以何法令衆生離苦得樂耶。
故最初先演波羅提木叉。保護衆生。三業六根得
大解脫。衆生離苦。佛願亦足矣。故先結如是大乘
戒。普度有情。非小乘聲聞戒。僅自利不能利他比
也。孝順等者。孝孝敬也。順承順也。父母生身父母
也。師即得戒和尚法身父母也。僧即同學三寶即
佛法僧乃慧命父母也。言俱皆如父母一般孝敬
而莫慢承順而莫違也。故所以孝順此波羅提木
叉至道之法。孝即名爲戒也。五刑之屬三千罪莫
大于不孝。豈不孝而得名爲戒耶。亦名制止者。亦
是佛順衆生根機大小而裁制禁止也。豈可受戒
者不承順父母師僧三寶而得制止戒耶。故云亦
名制止也。佛即等者。此表心地戒法之瑞應也。此
經六處放光。一釋迦身放慧光。二玄主身放金剛
白雲色光。三舍那身放虛空光。四舍那付授放光
五佛佛放光。光光化佛。六口放無量光明。說諸善

薩心地戒品。正明佛佛親口宣傳。畢竟要依心離
戒光爲修行之勝。因然後得證心地戒光之勝果。
也是時百萬億大衆者。總攝戒光所攝人天凡聖
有緣衆也。諸菩薩者。內凡外地上諸菩薩也。十
八梵天。卽色界初禪三天。二禪三天。三禪三天。四
禪九天。共十八天也。六欲天子者。卽欲界中四王
切利夜摩兜率化樂他化之六天也。十六大國王
者。西域大國共有十六。既大國王兼受戒法。其餘
國王聽受戒法。亦可知矣。合掌至心二句。以明聽
受者之虔恭。意合掌卽身業虔誠。至心卽意業虔
誠。口嘿不言卽口業虔誠。以是三業虔誠于此大
乘心地戒光一聞。便省豁然通達。○此三正結戒
品。二初標叙結受。二說戒相。說初標叙結受。二初
經家叙說。二佛自叙說。此初經家叙說也。
佛告諸菩薩言。我今半月半月自誦諸佛法戒。汝等
一切發心菩薩。亦誦乃至十發趣十長養十金剛十
地諸善薩。亦誦是故戒光從口出。有緣非無因故。光
光非青黃赤白黑。非色非心。非有非無。非因果法。是

諸佛之本源行菩薩道之根本是大衆諸佛子之根本是故大衆諸佛子應受持應讀誦應善學諸佛子諦聽若受佛戒者國王王子百官宰相比丘比丘尼十八梵天六欲天子庶民黃門婬男婬女奴婢八部鬼神金剛神畜生乃至變化人但解法師諸靈受得戒皆名第一清淨者

佛告諸菩薩至十地諸菩薩亦誦一段乃以已勵人也。謂我是已成佛。尚半月半月自誦諸佛戒法。況汝等初發心菩薩者。手黑月三十日。白月望十五日。對三寶前誦戒者。言于此十重四十八輕中。自知自揀。看清淨不清淨。如人自照鏡。好醜生忻。應誦戒亦如是。此是釋迦如來半月半月立誦諸佛所傳心地戒法。萬古弘規。誰敢違者。既已成一切諸佛。尚誦況降茲者耶。故汝等初發大心。圓戒十信菩薩。或入理證真十住菩薩。十行十向十地諸菩薩。亦當如諸佛一般。半月半月誦也是故戒等者。言因是諸佛自誦新舊諸菩薩亦誦之。故所以心地戒光。咸從佛口中流出也。既光從口出。卽

是有緣。既有是緣。必有其因。非是無因。故出斯光也。斯光非屬青黃赤白黑之色。要法非屬四大幻色。身法非屬五蘊集。因心法非屬外道。有無斷常法非屬二乘因果修證法也。既非如是等法。此戒光是何法耶。乃是諸佛元所證無上菩提。無餘涅槃之本源。法行菩薩道者之根本法也。且不獨佛菩薩爲然。亦是諸現前大衆新發心諸佛子之根本法也。是故大衆等者。言戒光既是根本。所以大衆諸佛子于此心地戒。應當領受持守。應當閱讀誦。誦應當善爲學習之也。諸佛子。諦聽者。勸審實而聽聞也。若受佛戒等者。樂舉能受戒人衆也。謂若國王王子百官宰相比丘比丘尼十八梵天六欲天子庶民黃門婬男婬女奴婢八部鬼神天龍夜叉乾闥婆阿修羅迦樓羅緊那羅摩睺羅伽衆金剛神畜生乃至變化人。但能遵達法師語言者。不得揀擇。謂形雖有異。而性本無殊。一一盡當得與授菩薩心地戒法而去。皆名第一清淨者。言此等人未授戒時。皆染汚而不清淨。既得戒後。則純

清淨而無染汚一念同光如同本得故曰皆名第

一清淨者也此二佛自叙說也

佛告諸佛子言有十重波羅提木又若受菩薩戒不誦此戒者非菩薩非佛種子我亦如是誦一切菩薩已學一切菩薩當學一切菩薩今學我已略說菩薩波羅提木又相貌應當學敬心奉持

佛告等者承上既受佛戒爲成佛因言當誦佛戒爲成佛果也告即召告能受之人也有十重等者明所受之法也若受二句明違法之人非菩薩二句定違法之過謂波羅提木又是菩薩本業是成佛真諦今既不誦是棄本業而無真種本種尙不得云何利益衆生而名菩薩乎故云非菩薩非佛種子也我亦如是誦者舉果人以勸因人誦也一切菩薩等者舉因人以勸誦也謂我乃果中人尙如是誦況因人手且而三世一切菩薩已學誦當學誦今學誦是已成熟菩薩尙亦是學誦況汝新學菩薩而不學誦者乎我已略說等者言聲聞戒有限量菩薩戒無限重今于無限重中聊舉一

十一作若佛

二故云略說言相貌者謂戒體本無相貌不防有戒可持得持戒相貌毀戒得毀戒相貌所謂心持印呪願盼雄毅者此也應當學等者謂三世成熟菩薩尙學爾等新菩薩宜急急修持應當學尊重此戒銘刻于心而勿忘承奉持守而勿失也此二說戒相貌二初總說戒相二別說戒相此初總說戒相也下別說戒相二初說重戒相十二說輕戒相四十八

○第一殺戒

佛言佛子若自殺教人殺方便殺讚歎殺見作隨喜乃至呪殺殺因殺緣殺法殺業乃至一切有命者不得殺殺是菩薩應起常住慈悲心孝順心方便救護一切衆生而反恣心快意殺生者是菩薩波羅夷罪佛言佛子者呼其人而告之也言爲佛子受持佛戒當依戒修不可輕違佛制故也以下做此若自殺是身殺教人方便讚歎是口殺見作隨喜乃至呪殺是意殺殺因是過去無始習氣不忘集業爲因假使百千劫所作業不忘是也殺緣現在

獵家聚會爲緣。因緣會遇時是也。殺法亦是現在。刀杖網弋。斷彼命根。爲法果報。還自受是也。殺業由三種和合而成。未來殺業之果也。乃至等者。言情與無情。蜈蚣蝓飛昆蟲草木一切有命者。俱不得無故而加傷損。況大生命耶。如國王宰官殺一。救多與善除惡。此大慈悲。故有開遮。但不得故意私心成殺也。能如是行持。方得名爲攝律儀戒。無惡不止者。是菩薩等者。言是受戒菩薩。當起常常安住而不忘失之心。常常安住慈愛悲憫。如保赤子之心。常常安住孝敬。恒順如父如母之心。如是方便如是救護一切衆生。方得名爲攝善法戒。無善不修者。如是拔苦與樂。方名爲饒益有情。無生不度者。而反恣心等者。謂若見衆生苦。不行救拔。反恣縱其心。快逞其意。以殺害衆生者。豈成持戒菩薩耶。是不持守而犯戒者。也是菩薩等者。言是犯殺菩薩。自取其罪。當得波羅夷罪也。梵語波羅夷。此云極惡。又云棄罪。當墮三惡道。故凡持是戒者。第一所當慎也。

○第二盜戒

若佛子。自盜教人盜。方便盜。呪盜。盜因盜。緣盜。法盜。業乃至鬼神有主物。劫賊物。一切財物。一鍼一草。不得故盜。而菩薩應生佛性。孝順心。慈悲心。常助一切人生福生樂。而反更盜人財物者。是菩薩波羅夷罪。若佛子。意同前身。自盜口教人方便。意呪過去。往因現在。緣會方法。未來業果。諸盜乃至廟堂中。供器鬼神物。咸是有主。施捨之物。竝劫賊所得之物。但凡一切財物。俱不得不與。而取毋論貴賤大小。一鍼一草。亦不得借故不與。而取。無盜不斷故也。而菩薩等者。言是菩薩當生孝順心。觀一切衆生如父如母。應生慈悲心。觀一切衆生如子如女。常常助勸一切衆生。生長福田。身受其福。生長樂具。心得安樂。無善不修。故也。如是助福助樂。令一切人離苦得樂。方得名爲無生不度者。而菩薩等者。言若見窮苦。不行拯救。反更盜人財物。豈持戒菩薩人耶。故結罪同前。墮亦同前也。可不慎歟。

○第三淫戒

若佛子。自姪教人姪。乃至一切女人。不得故姪。姪因姪緣。姪法姪業。乃至畜生。女諸天鬼神女。及非道行姪。而菩薩應生孝順心。救度一切衆生。淨法與人。而反更起一切人姪。不擇畜生。乃至母女姊妹六親。行姪。無慈悲心者。是菩薩波羅夷罪。

若佛子。自身行姪。口說教人姪。語乃至一切女人。亦不得故起一念姪意。遄過去姪。因現在姪緣。姪法集積。未來姪業之果。作諸纏縛。無解脫期。乃至畜生女。不擇禽獸。諸天鬼神女。不知正邪。及非道行姪。不分晝夜時節。男女二根。大小長幼。俱名非道。一一不得犯無姪。不斷故也。而菩薩應生孝順。生一切男子。是我父。一切女人。是我母之心。如是救護濟度一切衆生。教其令斷愛欲。根本清淨。無染解脫之法。與人是菩薩本業。無善不修。故也。如是拔苦與樂。方得名爲無生不度者。而菩薩若不如是救益。反更起一切衆生。不擇異類。實賤母女姊妹六親。及非道行姪。無一點慈悲清淨之心者。豈持戒菩薩人耶。故結罪同前。當墮亦同前也。可

●論十一
正見二字

不慎歟

○第四妄語戒

若佛子。自妄語教人妄語。方便妄語。妄語因妄語緣。妄語法。妄語業。乃至不見言見言。不見身心妄語。而菩薩常生正語。亦生一切衆生正語。正見而反更起一切衆生邪語。邪見邪業者。是菩薩波羅夷罪。

若佛子。自己不真實語言。教人方便因緣法業。乃至自非聖人而言。我是聖人。非實得上人法而言。我得上人法。欺誑愚夫。希求名聞利養。如是身妄作心妄想。口妄說三業不實一切妄語。若輕若重。咸是持戒菩薩所當斷者。無妄不斷故也。而菩薩等者。言應當常生如來五語。如是正語。亦令一切衆生常生正語。不爲凡小邪語。所誘常生正見。不爲外道邪見所惑。如是自己真實。乃能取信于人。令人真實。方得名爲無善不修者。如是自真實。令人真實。方得名爲無生不度者。而反等者。而菩薩若自不正語。正見反更起一切衆生不正之言。偏邪之見。造種種妄業。自欺欺人者。其罪不小。故結罪

同前應墮亦同前也。除急難解網釋苦方便不犯餘宜慎之。

○第五酤酒戒

若佛子。自酤酒。教人酤酒。酤酒。因酤酒緣。酤酒法。酤酒業。一切酒不得酤。是酒起罪。因緣而菩薩應生一切衆生明達之慧。而反更生一切衆生顛倒之心者。是菩薩波羅夷罪。

若佛子。自酤酒等者。酤醴酒以賣之也。自酤酒。教人酤酒。因過去起貪利心。而爲酤。因得米麥而爲酤。緣得曲蘖釀而爲酤。法三事和合而爲酤。業。酤人之惡果也。一切酒等者。言不但如上不可造。乃至甘蔗。葡萄。楊梅。菓子等。俱不可造也。蓋酒之爲害不小矣。四分律云。酒有三十六失。不孝。父母不敬。三寶墜。車墮。馬投河。赴火。敗國亡家。無所不至。備言酒有三德七惡。禹惡旨酒。唯酒無量不及亂。故云是酒乃起罪因緣。言無酒不斷故也。而持菩薩戒人。應當生教化衆生之心。開發各各本有智慧。令其了達一切愚癡之根。不使飲茲狂亂毒。

藥令人得智。無善不修可也。如是除癡與慧。事非饒益有情。無生不度者乎。而反等者。言于此方便不能行。反更生一切衆生愚癡顛倒之心。令其酤飲。陷人于極苦地。是豈持戒菩薩人所用心乎。故結罪當墮俱同前也。

○第六說四衆過戒

若佛子。口自說。出家在家菩薩比丘比丘尼罪過。教人說罪過。罪過。因罪過緣。罪過法。罪過業。而菩薩聞外道惡人及二乘惡人說佛法中非法。非律。常生慈心教化。是惡人輩。令生大乘善信。而菩薩反更自說佛法中罪過者。是菩薩波羅夷罪。

若佛子。口自說者。謂謗出自口也。出家即出家二衆。在家即在家二衆。俱是發大乘心。受大乘戒者。故云菩薩也。比丘比丘尼者。別開出家二衆。乃是從聲聞十戒二百五十戒中新入大乘者。非頓受。類故別開也。如是四衆俱乃住持三寶弘通法人。同爲佛子。不得自揚家醜。說彼罪過。亦不得教他人說彼罪過。及過去罪過。因現在罪過緣。與法三

合未來成說罪過業之果也。以上一一不得犯無惡不斷故也。而菩薩等者言持戒菩薩若聞外道惡人顛倒邪見之輩及二乘惡人自利小見之輩不達大乘逆順境界而說諸佛大乘法中非法非律者菩薩聞得應常生慈愍心教化是外道二乘惡人輩反邪歸正捨小就大令生大乘善信無善不修可也。如是教益寧非饒益有情無生不度者乎。如或不能尙缺慈悲豈有反更自說佛法中罪過者耶。若自說及使人說者結罪同前墮亦同前也。

○第七自讚毀他戒

若佛子。口自讚毀他亦教人自讚毀他。毀他因毀他緣毀他法毀他業而菩薩應代一切衆生受加毀辱惡事自向已好事與他人若自揚已德隱他人好事令他人受毀者是菩薩波羅夷罪。

若佛子。口等者言菩薩若自讚自己之長而毀他人之短亦教人讚我有德而毀他人無德及過去無始習氣不除互毀爲因現前忌嫉生毀爲緣巧

毀取信于人爲法三事和合成毀他業也。如上一不得犯無惡不斷故也。而菩薩等者言持戒菩薩倘見他人有過應代替一切衆生受加毀辱以惡事自向已好事與他人無善不修可也。言惡事自向已是不應自讚好事與他人是不應毀他也。以如是心行饒益他人方名爲無生不度者。若自揚已有德而毀他人好事而反令他人受毀辱者此豈菩薩人用心乎。故結罪同前墮亦同前也。

○第八慳惜加毀戒

慳者吝也。惜者愛也。加毀謂無故以罪加人而損惱有情也。

若佛子。自慳教人慳慳因慳緣慳法慳業而菩薩見一切貧窮人來乞者隨前人所須一切給與而菩薩以惡心瞋心乃至不施一錢一針一草有求法者不爲說一句一偈一微塵許法而反更罵辱者是菩薩波羅夷罪。

若佛子。自慳等者謂自慳自惜不惠濟人也。教人慳使他人倍惜以遮已也。慳因以無始來常懷慳

心爲因。僣緣以遮護法財爲緣。僣法以巧設不捨。爲法僣業。以三事和合作意成。當來餓鬼業報之。果一一不得犯。無惡不斷故也。而菩薩等者。言持戒菩薩。見一切貧窮人。無論親疎賤賤來乞求者。隨前人意下。所須衣食法。等一切悉當給與之。而勿吝惜。無善不修故也。如是斷惡修善。方名爲饒益有情。無生不度者。而菩薩等者。言菩薩。若以自私自利之惡心。故厭人。瑣瑣乞求之。瞋心故。不但不多施。乃至不施一錢一針一草。而一毫不與。又或有求法者。而憍法不與。說一句一偈。一微塵許法。如是之心。已失菩薩慈悲道。已墮僣業。罪而何況更加罵詈。恥辱他人者乎。故結罪同前。廣亦同前也。

○第九瞋心不受悔戒

若佛子。自瞋教人瞋。瞋因瞋緣。瞋法瞋業。而菩薩應生一切衆生中。善根無諍之事。當生慈悲心。孝順心。而反更於一切衆生中。乃至於非衆生中。以惡口罵辱。動以手打。及以刀杖。意猶不息。前人求悔。善言懺。

謝。猶瞋不解者。是菩薩波羅夷罪。

若佛子。自瞋等者。自瞋是自己。瞋恨于人。教人瞋是教他人。瞋彼以。辱已。恨瞋。因是過去含恨習氣。爲因。瞋緣是現前與所瞋之人。爲緣。瞋法是心起計較。令彼受辱。爲法。瞋業是三事和合成。當來三塗業報。苦果以上。一一不得犯。無惡不斷故也。而菩薩等者。言菩薩。應當生起一切衆生心地中。平等善根。根鈍者。俾無諍論。根利者。俾得無諍。三昧如是之事。又常令生起慈悲之心。等視衆生。猶如一子。常令生起孝順之心。等視男女。如我父母。無善不修故也。如是斷惡修善。方名爲饒益有情。無生不度者。如或不能而反更于一切衆生之中。或于非衆生之中。以惡口罵辱。而口業不善。復加以手打及以刀杖。而身業不善。意猶不息。而意業不善。以是三業。齊犯罪。無容道也。或所瞋前人。來求懺悔。而以善言懺謝。下氣解瞋。若乃揚眉怒目。猶瞋而不解者。是豈行持菩薩戒行人耶。故結罪同前。廣亦同前也。

○第十謗三寶戒

若佛子自謗三寶教人謗三寶。謗因謗緣謗法謗業。而菩薩見外道及以惡人一言謗佛菩薩如三百鉾刺心。況口自謗不生信心。孝順心而反更助惡人邪見人謗者是菩薩波羅夷罪。

若佛子自等者。自謗三寶是自家見解不端正。見人謗即隨謗而妄議非毀也。教人謗謂使人誦謗欲同黨也。謗因是過去習氣懷謗為因。謗緣是湊合非語為緣。謗法是巧詞偽謗惑愚為法。謗業是三事和合而成。三惡道謗業之苦果上一一不得犯無惡不斷故也。而菩薩等者。言菩薩若見邪見外道及以興訕三寶惡人。續聞一言半句謗佛音聲入其耳中。就如三百牙鉾刺入我心中。一樣其痛有難于忍者。聞謗痛心無善不修。教生信心無生不度可也。況自口自出謗言乎。佛為天人師。開我迷雲。應生信敬心而不生信敬心。佛為大慈父。拔我離苦。應生孝順心而不生孝順心。如此已非佛子而反更助惡人并邪見之人以謗三寶以滋

快議如其叛逆。即如師子身中虫。自食師子身中肉者。豈是菩薩持波羅提木叉者耶。是菩薩乃犯波羅夷罪。當墮三惡道者。也可不慎歟。

○總結十重文

善學諸仁者是菩薩。十波羅提木叉應當學於中。不應一一犯如微塵。許何況具足犯十戒。若有犯者。不得現身發菩提心。亦失國王位。轉輸王位。亦失比丘比丘尼位。亦失十發趣。十長養。十金剛。十地。佛性常住妙果。一切皆失。墮三惡道中。二劫三劫不聞父母三寶名字。以是不應一一犯汝等。一切諸菩薩今學當學已學如是十戒。應當學敬心奉持。八萬威儀品當廣明。

善學諸仁者是佛讚美善持戒諸菩薩為慈愛一切衆生之仁者。也是菩薩等者。言如是菩薩波羅提木叉別解脫十清淨戒品。應當勤學修持。于其中間不得一一犯如微塵。許以微塵許尚不許犯。何況具足犯十戒乎。此乃決言其不可犯也。若有犯等者。言設若有犯者。即現世今生不能得發。

大向上志求無上菩提道之心不唯不得發大心而若是國王犯失國王位轉輸王犯失轉輸王位此丘犯失此丘位此丘尼犯失此丘尼位既今世出世間福慧之位已失則三賢位十金剛位十聖位亦皆失也一切因位既失而佛性常住妙覺果海位詎可得乎亦一切皆失也墮三等者言一切因果位既失當墮何處耶謂當墮地獄餓鬼畜生道中極苦處也二劫三劫者示極苦處時分長遠也不聞父母三寶名字者示極苦處障重業深也既苦時如是遠苦報如是重故以是當知不應一犯此戒如微塵許可也汝等一切等者言汝等一切諸菩薩或未學而今方學或即此日正當修學或久已修學者于是十戒應當如所受學敬心奉持乃至終身不可忘失也八萬等者謂此處略說大部中八萬威儀品中已廣明此義

當嚴

佛告諸菩薩等者此吾佛世尊召告現前在會三

賢十聖四衆八部等受戒諸菩薩言也已說句結前十重已說竟也四十句起後四十八輕戒今當說也

○第一不敬師友戒

師有開導之恩友有切磋之德所當敬重倘居慢慢一生福種慧芽不得滋長故戒之也

若佛子欲受國王位時受轉輸王位時百官受位時應先受菩薩戒一切鬼神救護王身百官之身諸佛歡喜既得戒已生孝順心恭敬心見上座和尚阿闍黎大德同學同見同行者應起承迎禮拜問訊而菩薩反生憍心慢心癡心瞋心不起承迎禮拜一一不如法供養以自賣身國城男女七寶百物而供給之若不爾者犯輕垢罪

若佛子欲受等者國王乃各邦之仁君轉輸王有因金銀銅鐵四輪王也乃即統攝四三二一天下主也百官文武大臣也如是聖君賢臣欲受王位官位之時應當先受菩薩戒以慈悲利濟孝順爲懷君聖臣賢自感一切鬼神救護王身百官之身

以綿國祚以永壽榮不但鬼神如此即感十方諸佛歡喜護念國界安寧人民快樂也既蒙師友開導切禱而得戒已應當知恩報恩尊重戒師如父母生孝順心而不敢違尊重善友如兄長生恭敬心而不敢慢也見上座等者即當孝順恭敬之意上座即尊長有道有德之美稱和尚梵語此云力生因師力而生法身慧命即戒師也阿闍黎梵語此言軌範即羯磨教授三師七證師也大德謂以上諸師無德人決不能爲俱是福慧二備而有德者見之皆當生孝順如父母之心也同學同一師學者同見同一師訓而得戒理者同行同一清白梵行者謂上諸友俱是三賢法器見之皆當生恭敬如兄長之心也如是師友毋論遠來近來當起身承迎至心頂禮拜跪問訊如法供養方得名爲念戒持戒人也而菩薩等者言是菩薩倘或是見師友不唯不敬而反生高倨自尊之憍心生藐視前人之慢心生見賢聖不親候之癡心生厭惡師友嚴訓之瞋心以生如是心已便不起承迎禮

拜問訊身口意三業不善乃至飲食衣服臥具湯藥一一皆不次第如法供養也夫供奉師友之法應實自身之內財國城男女七寶百物之外財營辦所須以供給之詎可不如是供養而反生憍慢等心不起承迎供養者乎菩薩若不如是者是菩薩必犯輕垢罪此罪比前十重減一等非輕細之謂也

○第二飲酒戒

律云飲酒之人墮燒養地獄五五百世初五五百世在鹹糟地獄中二五百世在沸屎三五百世在曲蛆四五百世在蠅蝨五五百世在癩熱無知地獄中業報如此故戒之也

若佛子故飲酒而酒生過失無量若自身手過酒器與人飲酒者五百世無手何況已飲亦不得教一切人飲及一切衆生飲酒況自飲酒一切酒不得飲若故自飲教人飲者犯輕垢罪

若佛子故飲酒等者律中開有重患醫師言瘥以酒引藥權用不犯無故而飲或借病飲是爲故飲

而酒過失無量者。乃明決不得飲也。以酒迷心亂性。無量過失從酒而生。是以決不得飲也。若自身手等者。言不但不得自飲。生過而已。且自身手過酒盃器皿與人飲酒者。亦招感五百世無手足之報。在何況無故而自飲酒也。此言飲既不得。教一切人飲亦不得。既一切人不得。及一切衆生飲酒亦不得也。既教人飲。尚不得。何況自飲。酒一切米麥所作。及楊梅菓子葡萄所作。酒俱不得。此乃反覆丁寧。言斷斷手決不可故飲。教人飲也。若不遵此戒。故自飲。教人飲。自誤誤人者。是菩薩犯輕垢罪。

○第三食肉戒

若佛子。故食肉。一切肉不得食。夫食肉者。斷大慈悲佛性種子。一切衆生見而捨去。是故一切菩薩不得食一切衆生肉。食肉得無量罪。若故食者。犯輕垢罪。若佛子。故食肉者。昔佛在世時。年逢饑饉。草菜不生。佛神力故。以五指端化五淨肉。一時權現。以活人。實非血肉。豈有持戒菩薩而故食衆生肉乎。是

故一切衆生身肉不得食也。夫食肉者。斷大慈悲佛性種子。言凡有血氣者。必有知。有知即佛性種子。凡有知者。必同體。若食同體肉。是斷大慈悲。故云食肉者。斷大慈悲佛性種子也。一切等者。言食肉人衆生見而生怖。不遠離不止也。如鷄去海鷄。鷄搖搖漢影是也。以是之故。一切受戒菩薩。切不得食一切衆生身肉。形異體同。其佛性種子亦無差別也。食肉得無量罪者。如楞嚴經云。有無量因緣。故不應食肉。爲一切衆生。從本以來。常爲六親。故不淨氣分所生。長故衆生。聞香悉生恐怖。如旃陀羅及譚婆等。狗見驚吠。故乃至空閑林中。虎狼聞香。是故不應食衆生肉。若故食者。是菩薩犯輕垢罪。

○第四食五辛戒

若佛子。不得食五辛。大蒜。葱。慈蔥。蘭葱。興渠。是五種一切食中不得食。若故食者。犯輕垢罪。若佛子。不得等者。言五辛。卽五葷。非五腥。乃一大蒜。一名蒔。卽蒔葱。是二葱。卽蘆菜。是三葱。卽

葱是四蘭葱即小蒜是五興渠即蔥蒜此方無此種所言不得食者以此五辛熟食發姪生食增悲更有五不應食一生過二天遠三鬼近四禍稍五魔集是五辛一切食中若有一毫相雜于其間即不得食若放食者是菩薩犯輕垢罪

○第五不教悔罪戒

若佛子見一切衆生犯八戒五戒十戒毀禁七逆八難一切犯戒罪應教懺悔而菩薩不教懺悔同住同僧利養而共布薩同一衆住說戒而不舉其罪不教悔過者犯輕垢罪

若佛子見等者見一切衆生兼在家受戒言八戒即優婆塞八戒五戒即八戒中前五戒十戒有一一沙彌十淨戒二菩薩十重戒毀即破毀禁即止滅謂如來所立止惡滅罪正戒盡情犯而破壞之也七逆即弑父弑母弑和尚弑阿闍黎破羯磨轉法輪僧惡心用佛身血弑阿羅漢是也賣佛形像菩薩形像及經律印是出佛身血弑比丘僧即是弑阿羅漢八難即淨名疏言界外八難也有餘中

三十心爲三惡道住無我法即北洲地前法愛如長壽天未有初地十種六智名諸根不具地前智淺如世智辨聰不窮中理如佛前佛後此界外八難持大乘戒有犯當教懺悔不教者亦犯垢罪若見此一切犯戒之人應當生慈悲心教其懺除前愆悔後莫作可也而菩薩不教懺悔事不自犯得不教悔罪耶況又同住一處同僧飲食利養而又共同布薩同一清淨海衆住坐一同誦說大戒而不舉揀彼僧罪過而不教誡令其懺悔過犯者是菩薩犯輕垢罪

○第六不供給請法戒

若佛子見大乘法師大乘同學同見同行來入僧坊舍宅城邑若百里千里來者即起迎來送去禮拜供養日日三時供養日食三兩金百味飲食牀座醫藥供事法師一切所須盡給與之常請法師三時說法日日三時禮拜不生嗔心患惱之心爲法滅身請法不懈若不爾者犯輕垢罪

若佛子見等者言大乘法師非是小乘獨善乃是

具大信解通達佛理悲智雙運自利利他之法師也。大乘同學是同。師學大乘戒律者同見同一見解明了心地戒者同行同行菩薩心地清淨戒行者言若見如是師友來入僧坊舍宅城邑等處無論遠近若百里千里來者而為主菩薩應起至敬之心來必迎去必送至誠禮拜如法供養應當日日三時不令乏少用何供養每日所食可用三兩金以作百味飲食供養敷好牀座臥具供養衣服醫藥四事供事法師。凡法師一切所須盡給與之而勿吝惜也。常謂等者言如是供養豈是求人天小果福報而已耶。正為求般若大法以清淨口業。請法師日日三時演說妙法傳慧命不絕故也。以清淨身業日日三時禮拜以清淨意業不生一念瞋恚憂患煩惱之心不特三業虔誠而已實為大法之人焚身斷臂亦所不惜而請求說法不生疲厭心也。若不如是者是菩薩犯輕垢罪。

○第七懈怠不聽法戒

若佛子一切處有講法毗尼經律大宅舍中講法處

是新學菩薩應持經律卷至法師所聽受。若山林樹下僧地房中一切說法處悉至聽受。若不至彼聽受者犯輕垢罪。

若佛子一切等者承前不但師來我所應當供養請法而已。即凡有說法之處應當至彼聽受也。一切處有等者講法講演大乘毗尼經律滅惡生善之大法毗尼梵語此云調伏謂調三業伏六根除惡增善也。經證性相理律止性業遮業故云毗尼經律也。大宅舍中者是佛在世時常受國王大臣請在家中安居說法。是為大宅舍中講法處。也是新學菩薩見有如是講法之處應自手持經律卷本直到講演法師之所至心諦聽領受教法。如有未解咨詢請問而決疑焉。若山林等者以遠況近不但居家如此設或在山間林下幽隱僻地孤野房中一切有師說法之處悉皆到彼聽受其教也。童子南詢百城偏歷祠山九上投子三登可為法更可憚勞而不往聽耶。若不至彼聽受者是犯輕法懈怠。懈怠終則無惡不造人也是菩薩犯輕垢罪。

罪

○第八背大向小戒

若佛子。心背大乘。常住經律。言非佛說。而受持二乘聲聞外道惡見。一切禁戒。邪見經律者。犯輕垢罪。

若佛子。心等者。背即違背不相向也。大乘常住經律。即大備常住金剛寶戒。心地無相法品經律。言根氣狹劣者。畏其難行。心便乖違。反背大法。而不趨向。是背大也。而反趨向受持二乘聲聞權小之法。外道偏邪諸惡邪見禁戒。邪見有相經律者是向小也。大乘當向不向而反背小乘。當背不肯而反向者。是菩薩所以犯輕垢罪也。

○第九不看病戒

若佛子。見一切疾病人。常應供養。如佛無異。八福田中。看病福田第一福田。若父母師僧弟子病。諸根不具。百種病苦。惱皆供養。令差。而菩薩以瞋恨心不看。乃至僧房中。城邑曠野山林道路中。見病不救濟者。犯輕垢罪。

若佛子。見等者。謂上自父母師長。下自子女徒衆。

中至兄弟六親外至冤家。一切凡有疾病者。常當

恭敬供養。如佛一樣。無以異也。如癯老窮處癆坊

賈公與歸病者。咸可爲法。益八福田中。看病爲第

一福田也。八福田者。一諸佛。二聖人。三父母。四母五

和尚。六阿闍黎。七衆僧。八病人。此八中。惟病爲患

有能救苦。因自得受樂果。故看病福田爲第一也。

若是上而父母師長中而衆僧下而弟子有病。或

諸根殘廢不具。足種種四百四病。諸苦惱患。當毋

論上中下一味以平等心。悉皆以四事如法供養。

令病痊愈。皆如佛一般。無以異也。而菩薩等者。言

菩薩或以父母師長平時督訓。心生厭嫌。起瞋恨

心。捨去而不顧者。乃至僧坊城邑曠野山林道路

之中。如是一切病患。至疏不相識之人。亦應盡心

而爲救濟。況父母師長至親而不看者乎。若見病

人不作方便救濟而捨去者。是菩薩犯輕垢罪也。

○第十畜殺具戒

若佛子。不得畜一切刀杖弓箭鋒斧鬪戰之具。及惡

羅網殺生之器。一切不得畜。而菩薩乃至殺父母尚

下六度中
第七

不加報。況殺一切衆生。不得畜殺衆生具。若故畜者。犯輕垢罪。

若佛子。不得等者。言爲佛弟子者。應當畜截魔斬。愛之智慧刀。勇猛杖大勢弓。精進箭。忍辱鋒。定力。斧。及張大法羅網。以羅三界衆生。出愛欲河。如是。具者可也。又德山護生。棒石。羣救死。弓正當畜也。而不應畜一切刀杖弓箭。鋒。斧。關。戰。兇。殺之具。至于惡羅網。殺生之器。非佛子所宜有者。一切皆不得畜也。而菩薩人。乃至殺父母之響。應皆報復。尙不得加報。況殺一切衆生。而得加報者乎。殺具尙不得畜。不使有一念殺機。萌動于心。況身行之者乎。若故畜此不祥殺具者。是菩薩犯輕垢罪也。如是十戒。應當學敬心奉持。

如是十戒者。總結前十戒也。應當二句。總勸修學。此戒。應當頂戴敬心奉行持守。勿忘勿失也。

○第十一國使戒

佛言。佛子。不得爲利養惡心。故通國使。命軍陣。合會。與師相伐。殺無量衆生。而菩薩尙不得入軍中往來。

況故作國賊。若故作者。犯輕垢罪。

佛言。佛子。等者。言爲佛子。當作佛使。命傳佛心印。如鄧隱峯。飛錫解。關。陳尊。者。擲。解。團。能。爲。衆。生。除。煩。惱。賊。息。刀。兵。苦。可。也。若。苟。求。名。聞。利。養。圖。功。受。賞。惡。心。籌。謀。成。一。家。敗。一。家。而。爲。國。使。命。通。約。戰。期。等。斷。不。可。也。軍。陣。等。者。言。萬。二。千。人。爲。軍。師。旅。成。列。爲。陣。合。戰。會。兵。興。舉。師。衆。彼。此。相。伐。傷。殺。無。量。衆。生。如。是。等。惡。聲。菩。薩。人。之。所。爲。乎。而。新。菩。薩。尙。不。得。入。軍。營。之。中。往。來。豈。容。作。國。使。乎。決。言。兇。地。兇。器。尙。不。可。近。況。故。作。國。賊。以。害。衆。生。乎。若。故。作者。是。菩。薩。犯。輕。垢。罪。

○第十二販賣戒

若佛子。故販賣良人。奴婢。六畜。市易。棺材。板木。盛死之具。尙不應自作。況教人作。故若自作。教人作者。犯輕垢罪。

若佛子。故販等者。以賤爲貴。曰。販。出。物。得。財。曰。賣。良人。乃。好。人。家。之。子。女。也。六畜。卽。牛。馬。猪。羊。雞。犬。也。棺材。板木。乃。盛。死。之。具。也。如。販。賣。者。是。不。仁。也。

● 卷上
● 十

于慈悲心大有乖損。所以不得賣也。尚不應等者。言自己一人作。尚且不可。何況教多人作。此不仁之事耶。若故自作。并教人作。如是事者。是菩薩犯輕垢罪。

○第十三蕩毀戒

若佛子。以惡心。故無事。謗他人。善人。法師。師僧。國王。貴人。言犯七逆十重。父母兄弟六親中。應生孝順心。慈悲心。而返更加於逆害。隨不如意處。者。犯輕垢罪。若佛子等者。惡心者。明謗。雖從口。乃意地使之。即忌心。貪心。瞋心。故名惡心也。無事。謗者。無親事。而謗他。也。溫良人。善柔人。大乘三七法師。六和僧侶。及受大乘戒之聖主。賢臣。咸于三寶。有大利益。應當供養恭敬可也。而反無事。作是謗言。說犯七逆十重。且夫師僧國王。有父母。善人。善人有兄弟。義人。有六親。義于其中。應生孝順之心。慈悲之心。讚歎。敬揚。成彼名德。令其一如意。而反更加逆害。害意。壞彼名德。隨不如意處。者是菩薩犯輕垢罪。

○第十四放火焚燒戒

若佛子。以惡心。故放火。燒山林。曠野。四月乃至九月。放火。若燒他人家。屋宅。城邑。僧房。田木。及鬼神宮物。一切有主物。不得放燒。若故燒者。犯輕垢罪。

若佛子以等者。惡心者。言或忌瞋。或逞情。皆是不仁。念頭放火。猛火。燒山林曠野。多傷虫類。所以四月至九月。大而鳥獸卵。細而昆蟲。轉化一夏一秋之間。若乃放火。其傷損物。命。寧有窮耶。猶不特此。或者延燒他人家。屋宅。城邑。並僧房。田木。鬼神官物。凡一切有主物。其損更多。失德更大。毋論物命。有損無損。皆不得放燒也。若故燒者。犯輕垢罪。

○第十五僻教戒

若佛子。自佛弟子。及外道惡人。六親一切善知識。應一教受持。大乘經律教解義理。使發菩提心。十發趣心。十長養心。十金剛心。於三十心中。一一解其次第。法用而善。隨以惡心。瞋心。橫教二乘。聲聞經律外道邪見論等。犯輕垢罪。

若佛子自等者。自佛弟子。是三寶內。眾外道惡人。

是心遊外道之邪見人以邪故名惡人也。六親卽父母兄弟子女也。一切善知識卽相知相識中有大乘根性好善友也。如是若內若外一切親友應當一一開導令其受持大乘經律訓教信解通達義理使發無上菩提之心。並一住十行十回向心于三賢心中一一令其解入先後次第觀想法用信滿入住住滿入行行滿入向一一觀行等如是教誡方名正教利己利人也。而爲菩薩若以惡心嫉妬輕視人而不教或以瞋心懷恨教未從而棄捨或橫教二乘聲聞經律一切外道邪見論等所謂良材曲使美器惡用遺誤學人斷佛慧命如是憐教實非菩薩用心故結過犯輕垢罪橫僻也。

○第十六爲利倒設戒

若佛子應好心先學大乘威儀經律廣開解義味見後新學菩薩有從百里千里來求大乘經律應如法爲說一切苦行若燒身燒臂燒指若不燒身臂指供養諸佛非出家菩薩乃至餓虎狼獅子一切餓鬼悉應捨身肉手足而供養之然後一一次第爲說正法

使心開意解而菩薩爲利養故爲名聞故應答不答倒說經律文字無前後謗三寶說者犯輕垢罪。

若佛子應等者言好心者謂先以大乘清淨法行自利利他爲心先學大乘菩薩戒制度範圍身心之法廣博開通心地法品解了一一義味方可規模後學自利而後利他也。見後等者言我既爲先學見後新學大乘法律菩薩有遠從百里千里而來求此大乘經律此實好心當如法次第開導爲伊先說一切苦行法云何苦行或燒身燒臂燒指供養諸佛如喜見菩薩燃身藥王菩薩燃臂世尊燃燈威可爲證若不如是燒身臂指供養諸佛者卽爲著相凡夫身相未空豈成出家菩薩故云非出家菩薩也乃至等者言不但燒身等供養諸佛而應爲之乃至見餓虎狼獅子一切餓鬼悉應捨此身肉手足而供養之不揀諸相然後一一次第爲說大乘正法甚深理趣使彼心開而無所拘意解而無所縛如是爲說是名正說是名好心次第而說而菩薩等者言若菩薩爲利養故爲名聞放

求無所得。便生當答不答之心。設或答時亦不次第爲說。當正說而反倒說。于大乘經律文字義理前無所起。後無所歸。上違諸佛意。是謗佛。中背經律旨。是謗法。下乖來者求。是謗僧。如是謗三寶說者是菩薩犯輕垢罪。

○第十七恃勢乞求戒

若佛子。自爲飲食錢財利養名譽。故親近國王王子大臣百官。恃作形勢。乞索打拍。牽挽。橫取錢財。一切求利名爲惡。求多求教他人求。都無慈愍心。無孝順心者。犯輕垢罪。

若佛子。自等者。言自爲者。何棟非爲衆非爲求護。法是乃爲求好飲食錢財利養。好名譽。以安樂自。已故也。親近等者。言因斯之故。相親愛。相近隣。而朝夕依依于彼國王王子大臣百官之家。以爲親厚。恃彼豪貴之力。做作體態。仗勢貪圖乞索。不得則行打拍打拍不得。則乃牽挽。橫取人之錢財。不由人願。乃至一切貪求名爲不善。是惡法求名爲不。是貪多求。若自未得。又教他人求。如是

等求。令人生怨。生恨。都無慈愍之心。無孝順之心者。也。故結過犯輕垢罪。

○第十八無解作師戒

若佛子。應學十二部經。誦戒。日日六時持菩薩戒。解其義理。佛性之性。而菩薩不解一句一偈。及戒律因緣。詐言能解者。卽爲自欺。誑亦欺誑他人。一一不解一切法。不知而爲他人作師授戒者。犯輕垢罪。

若佛子。應等者。應學應當習學般若也。般若有三。一文字般若。十二部經是。二觀照般若。持菩薩戒是三實相般若。若解佛性之性是也。言佛子必當先學十二部經。而起解慧。有解慧而不修行。忍成狂慧。應當誦戒以固定慧。基本必須日日六時無少懈怠。誦持大乘菩薩心地戒品。依法修行菩薩實行。既有戒行。若不明其指歸。不能究竟佛果。故當解其義味道理。通徹佛性之性之底蘊。自明不惑。方可明人爲人師範也。而菩薩等者。言菩薩若于十二部經意一句一偈。不曉菩薩心地戒律因緣。不通反詐言能解了者。寧非自欺誑亦欺誑他人。

也耶。可謂大膽犯重無恥之人也。于佛性之性一義理毫無解會。教行理果一切法不知而乃妄爲人作師。承傳授戒法者。是菩薩犯輕垢罪。

○第十九兩舌戒

若佛子。以惡心故。見持戒比丘。手捉香爐。行菩薩行。而闕擲兩頭。謗欺賢人。無惡不造者。犯輕垢罪。

若佛子。以惡心者。言見持戒者。或與已異。爲人稱美。心生嫉忌。障礙等惡心也。見持戒比丘者。非名字沙門。乃有德行賢聖僧。賢手提起信香爐。行菩薩真實之行。非賢聖僧。而而爲菩薩人。應成人之美。共勸法化。可也。豈得與闕擲引唆。哄兩頭于中。取樂取利。以壞自己心。謂耶欺謗等者。言此比丘本是賢聖。而起無根之謗。以欺之。反說無惡不造。令彼不安。如是謗欺賢人者。是菩薩犯輕垢罪。

○第二十不行放救戒

若佛子。以慈心故。行放生業。應作是念。一切男子是我父。一切女人是我母。我生無不從之受生。故六道衆生。皆是我父母。而殺而食者。即殺我父母。亦殺

我故身。一切地水是我先身。一切火風是我本體。故當行放生業。生生受生。若見世人殺畜生時。應方便救護。解其苦難。當教化講說菩薩戒。救度衆生。若父母兄弟死亡之日。應請法師講菩薩戒經律。福資亡者。得見諸佛。生人天上。若不爾者。犯輕垢罪。

若佛子。以慈等者。言修菩薩萬行。以慈爲根本。有慈者。自行仁愛。有仁愛者。于一切將死苦惱衆生。定行救護。此即菩薩行慈本業也。既行斯業。更當作觀。堅其放生念。頭作何等念耶。念一切男子。即是我父。一切女人。即是我母。何以知然。以我生生無不從之受生。故而知之也。若乃擴而推之。即六道衆生。皆是我之父母。若今而殺其身。而食其肉者。豈非殺我多劫多生父母乎。亦即是殺我多劫多生之故身何也。一切地水是我多生血肉。一切火風是我多生本體。煖氣如是父母之至親。已身之至愛。彼此咸同。佛與衆生。本無差別。庸可不急急常行此放生業乎。生生等者。言不但一生兩生。行放生業。應當常生生世世受生而來。恒行是放

生業若見世人殺傷大小畜生之時當善巧方便
委曲婉轉以救護之使其離苦得安隱樂如此止
救一命之苦不能廣偏救護當應廣設教化講說
菩薩戒經救度一切衆生永離諸苦得安隱樂也
若父母等者言或父母兄弟氣絕魂消於世無與
死亡之日果爲孝子賢弟應當恭請大乘法師講
演菩薩戒經律以此福利資助亡者俾其得見十
方諸佛罪滅福生天人上脫三塗苦如是救護
是名菩薩報恩若不爾者是菩薩犯輕垢罪
如是十戒應當敬心奉持如滅罪品中廣明一一
戒相

如是十戒是結前應當學是勸修敬心奉持是教
以恭敬心奉重持守而勿忘勿失也以上十重二
十輕戒乃出家菩薩全遍在家菩薩有開有遮凡
爲師者當深研之下二十八輕亦復如是

○第二十一瞋打報仇戒

佛言佛子不得以瞋報瞋以打報打若殺父母兄弟
六親不得加報若國主爲他人殺者亦不得加報殺

生報生不順孝道尚不畜奴婢打拍罵辱日日起三
業口罪無量況故作七逆之罪而出家菩薩無慈心
報仇乃至六親中故作報者犯輕垢罪

佛言佛子者標名次第十戒十戒而召告之也不
得二句正欲菩薩心空境寂人我雙忘不得懷不
仁心以瞋打報仇也若殺等者言若父母兄弟六
親至親骨肉不得加報若國王之至尊爲他人殺
者亦不得加報言君臣父子之仇不共戴天是理
皆報復而佛教尚不許加報況其餘耶佛何故不
許蓋殺生報生使諸衆生生世世互殺不已菩
薩人觀一切男女是我父母而殺之者即殺我父
母若如此豈順孝道之理哉倘不得等者言修道
人尚不畜奴婢打拍罵辱日所起打拍身業
罵辱口業瞋怒意業此三業中惟口是福門生過
極多況身犯殺父母七逆不孝之罪耶更重可知
矣而出家等者言出家菩薩正當冤親平等人我
兩忘何得懷報乃似俗類之人我見乎若是出家
菩薩以無慈心而爲自己報仇乃至爲父母兄弟

中下一有
大細二字

六親作報仇者犯輕垢罪

○第二十二憍慢不請法戒

若佛子。初始出家。未有所解。而自恃聰明。有智。或恃高貴。年宿。或恃大姓。高門。大解。大富。饒財。七寶。以此憍慢。而不諮受先學法師經律。其法師者。或小姓年少。卑門。貧窮。下賤。諸根不具。而實有德。一切經律。盡解。而新學菩薩。不得觀法師種姓。而不來諮受法師。第一義諦者。犯輕垢罪。

若佛子。初等者。言此佛子。自初發心。出家。離俗之時。于第一義諦。無我法中。義味。理趣。未嘗解了。而自恃聰明。有智。不知此世智辯聰。為障。正知正見者。或恃其名位。高貴。或恃身營耆年。或恃其家大姓。高門。學識。大解。資產。大富。饒財。七寶。如是所有皆俗所尚。俱非修行人之所重。而初出家。佛子。恃此憍慢。故而不虛心。咨問。領受先學法師所說經律。所謂飲了。毒藥。真藥。現前而不能下。此也。其法師者。或小姓。而非大家。年少。而非耆宿。卑而不高。貧而不富。賤而不貴。諸根不具。而無相好。是法師。

雖對世一一不如于出世品。位其實有德。又其學通一切經律。咸悉解了。堪為人師。而新學菩薩。故不得觀此法師種姓。卑劣。生憍慢心。而究竟不來咨問。領受法師所演第一義諦者。犯輕垢罪。

○第二十三憍慢辭戒

若佛子。佛滅度後。欲以好心。受菩薩戒。時於佛菩薩形像前。自誓受戒。當七日。佛前懺悔。得見好相。便得戒。若不得好相。時應三七。乃至一年。要得好相。得好相已。便得佛菩薩形像前受戒。若不得好相。雖佛像前受戒。不得戒。若現前。先受菩薩戒。法師前受戒。時不須要見好相。何以故。是法師。師師相授。故不須好相。是以法師前受戒。即得戒。以生至重心。故便得戒。若千里內。無能授戒師。得佛菩薩形像前。自誓受戒。而要見好相。若法師。自倚解經律。大乘學戒。與國王太子百官。以為善友。而新學菩薩。來問若經義律義。輕心惡心。慢心。不一一好答問者。犯輕垢罪。若佛子。佛等者。言佛滅度者。揀非佛在世。以佛為師。今乃佛滅度後。即以戒法為師。以戒師為佛也。

欲以好心等者言佛既不在現前無師欲以好心
乘受菩薩大戒只得于佛菩薩形像之前而自立
誓願卽十種大願并四弘誓願復立十三誓卽下
不發願戒中之誓願也既發願已更當于佛前七
日懺悔滅除罪障既滅罪已得見好相卽便自知
已得戒矣設若一七日中不得好相之時應當二
七三七乃至一年之久而必要得好相既得好相
已便得于佛菩薩形像前自誓受戒方得戒也若
不得好相之時縱然于佛菩薩形像前受戒必不
得戒徒有受名而無實得一生虛妄體仍白衣也
若佛滅後現前有先受戒菩薩法師當卽于是師
前乘受戒法之時不須要見好相所以者何以是
說者受者二俱現前則非逾受代受及像前受故
也是法師原從過去七佛師師相授而來有源有
本故不須要見好相是戒師卽是過去諸佛住世
一般是以法師前受戒卽得戒也以戒戒弟子于
本說戒前生至重心觀戒師如佛故所以卽便得
戒也若千里等者言若千里之內無能授戒法師

欲好心求受戒法可于佛菩薩形像前自誓受戒
一得好相已可以得戒而無過若千里內有能授
戒法師不從法師而從形像不唯不得戒而且自
招僞慢僞說僞受罪也若法師等者言若法師內
自恃能解經律求受大乘學戒外又恃倚所交
國王太子百官以爲善好之友而見新學菩薩遠
來請問經義律義時乃以所交自恃倚者而生輕
心藐視惡心嫉妬慢心忽略如不——一好回答他
來問者是法師得僞慢僞說之過犯輕垢罪

○第二十四不習學佛戒

若佛子有佛經律大乘法正見正性正法身而不能
勤學修習而捨七寶反學邪見二乘外道俗典阿毗
曇雜論一切書記是斷佛性障道因緣非行菩薩道
者若故作者犯輕垢罪

若佛子等者言有清淨佛寶可歸有清淨經律大
乘法寶可崇有清淨正見正性正法身僧寶可依
應當精勤好學修習如是等寶而反不能學習而
捨棄如是佛寶經寶律寶大乘法寶正見寶正性

寶正法身寶之七寶背覺合塵不學正知正見反學邪知邪見不學大乘法反學小乘法不學經藏律藏論藏反學外道俗典阿毗曇雜論一切書記如此等輩所謂捨却甜挑菓沿山摘酸梨誠可惡也是斷等者言是等二乘焦芽外道敗種皆是自迷之人斷佛種性障蔽正道之因緣豈成大乘正性種子眞行菩薩正道者耶若不習學佛乃至不學正法身而故作如是者犯輕垢罪

○第二十五不善知衆戒

若佛子佛滅度後爲說法主爲僧房主爲教化主坐禪主行來主應生慈心善和鬪諍善守三寶物莫無度用如自己有而反亂衆鬪諍恣心用三寶物者犯輕垢罪

若佛子等者佛滅度後指末世而言也爲說法主卽主張法道者爲僧房主卽住持叢林者爲教化主卽方便教化導利衆生者爲坐禪主卽通徹禪理能分別了知正定邪定者行來主卽善知遠近賓客迎送之事者言佛滅度之後既爲如是衆中

中若一作後

之主應當生起仁慈愛衆之心善語調和俾無鬪諍未諍者令不起已諍者令息滅也更當善爲護守三寶財物不使交互漏失侵損常住也莫無度用者言佛物佛用法物法用僧物僧用莫如自己所有任意濫用如能善和善守是眞佛子其或不能而反亂衆鬪諍不調和恣心用三寶物不守護者犯輕垢罪

○第二十六獨受利養戒

若佛子先在僧坊中住若見客菩薩比丘來入僧坊舍宅城邑若國王宅舍中乃至夏坐安居處及大會中先住僧應迎來送去飲食供養房舍臥具繩牀木牀事事給與若無物應賣自身及男女身應割自身肉資供給所需悉以與之若有檀越來請衆僧客僧有利養分僧坊主應次第差客僧受請而先住僧獨受請而不差客僧者僧坊主得無量罪畜生無異非沙門非釋種姓犯輕垢罪

若佛子等者言先在僧坊中住者自然是主宜主盡主道也若或見客菩薩比丘來入僧坊住處或

入居士宅舍住處或入城邑住處或入國王舍宅之中乃至結夏坐禪安居之處及大眾中如是住處凡先住僧當盡主道異于尋常見來則迎見去則送湯飲飯食如法供養房舍臥具糲米木牀凡諸所用事事給與不得吝惜也設若無物不能供養行菩薩行者應當賣自己之身及賣男女等身而爲供養不特賣身而已應當割白身肉賣供給所需悉以與之況身外物而不供給生憍惜心耶若有等者言主人無物賣身割肉尙忍爲而供養之豈有檀越請齋而不次第差客僧受請歟是故若有來請衆僧者客僧有利養分而先住僧坊主應次第差客僧赴請若獨受齋主請而不差客僧受請者則先住僧坊主人自得無量罪過也畜生等者言下不合人情與畜生無異中無六和故非沙門上乖佛心則非釋迦種姓故獨受者犯輕垢罪也

○第二十七受別請戒

若佛子一切不得受別請利養入已而此利養屬十

●即上一者
及字〇八上

方僧而別受請即取十方僧物入已八福田中諸佛聖人一一師僧父母病人物自己用故犯輕垢罪

若佛子等者言凡一切檀越請僧齋不得私受別請令此利養只入已身不與人共而此利養祇屬十方僧一切有分若先住僧私受別請不與客僧共即如取十方僧物入已私用一樣其罪爲容道耶八福田者一諸佛果人二聖人因人三和尚四闍黎五衆僧六父七母八病人已上自諸佛至父母七者名爲敬田病人一種名爲悲田此八者總皆植福修慈之良田也言此八福田中物乃十方僧物公用獲福私用得罪私受別請自己用故所以犯輕垢罪也

○第二十八別請僧戒

若佛子有出家菩薩在家菩薩及一切檀越請僧福田求願之時應入僧坊問知事人今欲請僧求願知事報言次第請者即得十方賢聖僧而世人別請五百羅漢菩薩僧不如僧次一凡夫僧若別請僧者是外道法七佛無別請法不順孝道若故別請僧者犯

輕垢罪

若佛子等者。言有剃髮染衣出家菩薩。有受六重二十八輕戒之在家菩薩。并及一切好行惠施之檀那。或有祈禱或願生天生人。生西方來三寶。福田中。請僧求願之時。應入僧坊中。問知事人曰。我某甲。今欲請僧。幾名。祈禱求願。而知事人。應當報言。汝欲請僧。合遵次第。請儀。以其凡聖難辨。不可擇故。所以次第者。即得十方賢聖僧也。若乃世人。以分別心。要請五百羅漢菩薩僧。如是。揀名別請。不如隨于衆僧。次第差。謂中所請一凡夫僧之功。德也。所以者。何以有住相心。故若是別請僧者。且是外道之法。我佛法中。無揀擇心。以不著相故。而且七佛以來。無別請之法。蓋別請求法者。即是不順孝道。謂上違七佛教誡。道中乖菩薩平等心。下失衆生利益。德所以若故。別請僧者。犯輕垢罪。

○第二十九邪命自活戒

若佛子。以惡心。故爲利養。販賣男女色。自手作食。自磨自舂。占相男女解夢吉凶。是男是女。呪術工巧。調

鷹方法和合百種毒藥。千種毒藥。蛇毒。生金銀毒。蟲毒。都無慈悲心。無孝順心。若故作。者。犯輕垢罪。

若佛子等者。言若佛子。不以好心行菩薩道。而以惡心。故爲求財利。奉養自己。作諸邪命自活之事。一販賣男女色。離他骨肉。玷人門風。二自手作食。自磨自舂。比丘食法。淨人授受。豈聽自作生活。失儀表耶。或發心行菩薩行。以力供養人。庶幾可也。三占相男女。斷禍福。判窮通。四解夢吉凶。解人夢兆。以定吉凶。是男是女。妄定男女。六甲之故。五呪術工巧。驅遣鬼神。種種幻術。精工匠作。巧手書畫。六調鷹方法。善調鷹犬。能使取物。七和合百種毒藥。毒藥有百千種。茲略出二三。蛇毒。害人亦害蛇。故生金銀毒。言和合毒藥。乃使鋼鐵生金銀。故盡毒諸蟲。和合成藥。而爲盡毒。毒人及生靈。故以上七種。違而故作。者。都無一念。視人如子。如女之慈。惡心。無一念。視人如父。如母之孝順心也。若違而故作之者。犯輕垢罪。

○第三十不敬好時戒

●篇上一有
字經海內衣四

若佛子以惡心故自身謗三寶許現親附口便說空行在有中爲白衣通致男女交會姪色作諸縛著於六齋日年三長齋月作殺生劫盜破齋犯戒者犯輕垢罪

若佛子以惡心等者言不以好心行菩薩道而以惡心之故自身謗三寶身業不淨許現親附意業不淨口便說空行在有中口業不淨如是三業不淨全是惡心通達致意男女交會合姪姪美色作諸凡夫縛著等事全不解脫真口謗意謗身謗二寶人也於六齋等者言以此之故所以不敬好時也月六齋日年三長齋月此乃好時善日善月儘好作福修善勝于餘時月六齋日者每月初八二十三乃是毗沙門天王分鎮南洲之日十四二十九如月小二十八乃是天王太子十五之與三十乃天王自身也年三長齋月者每年正五九此二月名三善月是帝釋天巡狩之月此天殿中有大寶鏡從年正月則照南瞻部洲二月則照西牛賀洲三月則照北俱盧洲四月則照東勝神洲五

月復照南瞻部洲如是三番照察人間善惡凡人舉心動念自然于鏡中顯現分明是故於此日月宜當勸人齋戒放生作諸福德而反于此時作殺生劫盜破齋犯戒者所以犯輕垢罪也

如是十戒應當學敬心奉持制戒品中廣明

如是十戒總結前文應當學以勸其修敬心奉持令時時恭敬遵奉持守而毋失也大部中有制戒品更是廣明此義

○第三十一不行救贖戒

佛言佛子佛滅度後於惡世中若見外道一切惡人劫賊賣佛菩薩父母形像及賣經律販賣比丘比丘尼亦賣發心菩薩道人或爲官使與一切人作奴婢者而菩薩見是事已應生慈悲心方便救護處處教化取物贖佛菩薩形像及比丘比丘尼一切經律若不贖者犯輕垢罪

佛滅度後者言佛在世時無此等事佛滅度後于此惡世之中有此等事耳若見不達自心邪見外道常毀三寶一切惡人并抄劫盜賊等賣佛形容

菩薩形容佛如父孝。薩如母形容而壞佛寶并賣經律而壞法寶及賣比丘比丘尼而壞僧寶。不特三寶而已。亦賣發心菩薩道俗四衆有道之人。或賣與官人之家。以爲下使。或賣與一切人以作奴婢。而此菩薩若見有如是苦難事。已應生拔苦與樂之慈悲心。設種種權巧方便。急急救護。處處向諸檀越教化。取彼財物而贖佛菩薩形像。如法供養。救護佛寶。贖諸經律。如法流通。收護法寶。及贖比丘比丘尼。令離苦難。安隱修道。而護僧寶。如是救護方名佛子。若見是事。不行救贖者。犯輕垢罪。

○第三十二損害衆生戒

若佛子。不得蓄刀杖弓箭。販賣輕秤小斗。因官形勢。取人財物。害心繫縛。破壞成功。長養貓狸。猪狗。若故養者。犯輕垢罪。

若佛子。不得等者。言佛子。當以慈爲根本。不得蓄藏刀杖弓箭。傷害生命之惡器。不得販賣賣使。用輕秤小斗。明暗騙惱害衆生。不得因依官威。挾持勢力。強求貪取他人財物。不得復假官威。以

行惡害繫縛其人。不得損害衆生。已成功業。不得畜養貓狸。捕鼠。惡畜并養猪。謀利養狗。食物。此皆恩中之仇。養生害生。失慈悲心。非佛子所當爲也。若故養者。犯輕垢罪。

○第三十三邪業覺觀戒

若佛子。以惡心故。觀一切男女等。鬪軍陣。兵將劫賊等。鬪亦不得聽。吹貝鼓角。琴瑟箏笛。簫篳篥。吹奏樂之聲。不得博蒲團棋。波羅塞戲。彈棋。六博。拍毬。擲石。投壘。牽道。八道。行城。爪鏡。背草。楊枝。鉢盂。鬪驢。而作卜筮。不得作盜賊。使命。一一不得作。若故作者。犯輕垢罪。

若佛子。以惡等者。言初發心菩薩。于心念觀。照未得純熟。心逐境生。情而起惡心。故也。以此之故。放意觀一切男女戲舞等。鬪觀一切鬪軍相戰。兵丁將帥抄劫竊盜等。鬪以上。乃佛子者之所不應觀者。更不得放意聽吹螺貝杖鼓。鬪角君臣民庶物之五絃琴。帝舜所作二十五絃之瑟。蒙恬所作十三絃之箏。七孔之竹笛。并節延所作二十四絃之

雙篋如是樂器歌唱叫喊一切妓樂音聲以上乃佛子之所不應聞者更不得博滿賭博圍棋共奕波羅塞戲而下象棋彈碁而作棋戲六博而打雙陸拍毬而蹴圓毬毬石入窩投壘拋箭牽道走馬入道賣械行城乃西域劇戲爪篋藥指而光現覆草下斷休咎楊枝即報災祥鉢盂照水定是非觸機呪之說福禍以上作卜筮等乃佛子之所不應爲者不得爲盜賊之所差使命令乃至畢命必不可爲如上一不得作非佛子所應爲者若故作者犯輕垢罪

○第三十四雙念小乘戒

若佛子護持禁戒行住坐臥日夜六時讀誦是戒猶如金剛如帶持浮囊欲渡大海如草繫比丘常生大乘善信自知我是未成之佛諸佛是已成之佛發菩提心心念不去心若起一念二乘外道心者犯輕垢罪若佛子護持等者言大乘菩薩防護堅持禁約五根戒止意地于行住坐臥四威儀中白日夜晚二六時內常常熟讀誦持是菩薩戒本

如金剛能壞一切一切不能壞伊如此堅固念頭又如昔有商人持囊渡海羅刹從乞浮囊其人不與乞一錢乃至一絲亦不與何以故命在浮囊故以險持戒人欲渡生死苦海設遇愛欲羅刹假求一願終不從之何以故命在戒故是故護戒若此也又如昔有比丘被賊所抄以草繫此比丘比丘持戒不傷生草忽遇王過始得釋脫小乘持戒尙且如此況大乘菩薩乎是故常生大乘善信之人念念自信念念自知決定信知我是未成佛現前當來決定成佛諸佛已得三身圓滿德足五住盡二死亡是已成之佛也發菩提心者即是此決定信知而發此心也以此菩提心堅固之故而自念茲在茲永無忘失決無捨離去志安有退墮二乘之理哉設若有起一念小乘外道等心者即非佛子必犯輕垢罪

○第三十五不發願戒

若佛子常應發一切願孝順父母師僧願得好師同學善知識常教我大乘經律十發趣十長養十金剛

●十一
有

十地使我開解如法修行堅持佛戒寧捨身念念不去心若一切菩薩不發是願者犯輕垢罪

若佛子常應等者言佛子發願不難惟恐不恒所以常應發願以是一切衆生煩惱報障無有窮盡故菩薩發一切願亦無盡也一常願孝順父母二常願孝順師僧師即三師僧即七證亦應如同父母一般孝順也三常願得好師指點得好同學輔資四願得好善知識常開導我通曉大乘經律五願入十住得修空觀六願入十行得修假觀七願入十迴向得圓中道觀八願得入十聖地位一切圓修早入佛界九願使我一一開解如法修行而速證佛果十願堅固持守諸佛戒法設遇惡緣寧捨身命至于死地念念不敢去此堅持佛戒之心也若菩薩不發如是等願者犯輕垢罪

○第三十六不發誓戒

若佛子發十大願已持佛禁戒作是願言寧以此身投熾然猛火大坑刀山終不毀犯三世諸佛經律與一切女人作不淨行復作是願寧以熱鐵纏網千重

●成上
有
惡有二

周而纏身終不以此破戒之身受於信心檀越一切衣服復作是願寧以此口吞熱鐵丸及大流猛火經百千劫終不以此破戒之口食於信心檀越百味飲食復作是願寧以此身臥大猛火羅網熱鐵地上終不以此破戒之身受於信心檀越百種牀座復作是願寧以此身受三百鉗刺身經一劫二劫終不以此破戒之身受於信心檀越百味醫藥復作是願寧以此身受熱鐵鑊經百千劫終不以此破戒之身受於信心檀越千種房舍屋宅園林田地復作是願寧以鐵錘打碎此身從頭至足令如微塵終不以此破戒之身受於信心檀越恭敬禮拜復作是願寧以百千熱鐵刀鋒挑其兩目終不以此破戒之心視他好色復作是願寧以百千鐵錐刺耳根經一劫二劫終不以此破戒之心聽好音樂復作是願寧以百千刀割去其鼻終不以此破戒之心貪嗅諸香復作是願寧以百千刃刀割斷其舌終不以此破戒之心食人百味淨食復作是願寧以利斧斬斷其身終不以此破戒之心貪著好觸復作是願願一切衆生成佛

菩薩若不發是願者犯輕垢罪

若佛子不發等者此奉上言既發是十種大願已復能堅守持佛禁戒念念不捨更當作後如是等十三種願言也云何作願耶一作是誓願言以堅之口寧以此身投熾然猛火至不淨行此一種堅誓不作非梵行也二復作是誓願以堅之曰寧以熱鐵至恭敬禮拜其中一衣服二飲食三床座四醫藥五房屋田園六恭敬禮拜此六種堅誓不虛受供養也八復作是誓願以堅之曰寧以百千主貪善好觸一目二耳三鼻四舌五身此五種堅誓不染汚六根也以上十二種自利下一種利他十三復作是誓願以堅之曰願一切衆生成佛者言非獨自爲一已清淨解脫而已本爲普度有情咸得清淨解脫悉皆成佛故也如是立誓發願是名菩薩若不發此四科十三種誓願者犯輕垢罪

○第二十七胃難遊行戒

若佛子常應二時頭陀冬夏坐禪結夏安居常用楊枝澡豆三衣鉢鉢坐具錫杖香爐澆水囊手巾刀子

火燒鑊子繩牀經律佛像菩薩形像而菩薩行頭陀

時及遊行時行來百里千里此十八種物常隨其身頭陀者從正月十五日至三月十五日八月十五日

至十月十五日是二時中十八種物常隨其身如鳥

二翼若布薩日新學菩薩半月半月布薩誦十重四

十八輕若誦戒時於諸佛菩薩形像前誦一人布薩

卽一人誦若二及三人至百千人亦一人誦誦者高

聲聽者下座各各披九條七條五條袈裟結夏安居

一如法若頭陀時莫入難處若國難惡王土地高

下草木深遠獅子虎狼水火風劫賊道路毒蛇一切

難處悉不得入若頭陀行道乃至夏坐安居是諸難

處亦不得入若故人者犯輕垢罪

若佛子常應等者言常當如是也二時卽春秋二

時頭陀此云抖擻言抖擻客塵煩惱求無上道也

冬夏等者言冬時隆寒夏時酷暑正宜習定坐禪

結冬休夏安居處以精勤佛道也常用等者言

楊枝至菩薩形像此十八物是佛子之所常用者

不特冬夏安居常用卽春秋二時而菩薩行頭陀

遠遊他方時往來百里千里之遙此等物亦常隨其身以備用也。頭陀者至二翼一段正明二時頭陀常用之事。從正二句是明春時八月二句是明秋時是春秋二時中此十八種物常備用隨身就如鳥之二翼一般一任高飛遠舉自無所礙也。若布薩等者布薩此云作法辦事亦云相向說罪對佛像前悔其過故言新學菩薩智劣識強應當黑白半月半月布薩當誦十重四十八輕戒。倘誦時必定要恭潔已身心于諸佛菩薩形容像貌前誦戒也一人至袈裟等者此明誦戒之儀必要依法也。結夏二句乃珍重之意言二時頭陀尚乃如此至于結冬休夏安居之事一一更是要如法也。若頭陀等者重明二時頭陀不得冒難遊行之意。言何等爲難而莫入耶若國難至毒蛇等諸難一切難處或不得入也不特無事遊行不得入若頭陀行持佛法仗道而往乃至結冬休夏亦不宜近是諸難處更是不得入也。若佛子不聽佛戒而故入者犯輕垢罪一切一是普及之言切是盡際之

語以國難至毒蛇等難分爲八難恐不足以盡之也。

○第三十八重尊卑次序戒

若佛子應如法次第坐先受戒者在前坐後受戒者在後坐不問老少比丘比丘尼貴人國王王子乃至黃門奴婢皆應先受戒者在前坐後受戒者次第而坐莫如外道癡人若老若少無前無後坐無次第如兵奴之法我佛法中先者先坐後者後坐而菩薩一不如法次第坐者犯輕垢罪

若佛子應如等者言如法者謂依佛訓而坐也。誦先戒應當坐前後戒理宜坐後不同在俗老少生年但依先後受戒次第而坐也。比丘至奴婢叙明受戒各有類羣分皆字即各各義言比丘類有次第比丘尼類亦有次第貴人國王王子乃至黃門奴婢類亦各各咸皆當有先後受戒次第而坐也。莫如至之法等者明乖尊卑次序之義正所當戒者言莫如此等外道無智癡人無老少無前後坐無次第就如兵奴法一般也。我佛法等者言我

佛正法中必定是先戒臘老者先坐後戒臘少者後坐有老少有前後坐有次第一一如法也而菩薩若不一一次第如法坐者犯輕垢罪

○第三十九不修福慧戒

若佛子常應教化一切衆生建立僧房山林園田立作佛塔冬夏安居坐禪處所一切行道處皆應立之而菩薩應爲一切衆生講說大乘經律若疾病國難賊難父母兄弟和尙阿闍黎亡滅之日及三七日四五七日乃至七七亦應講大乘經律一切齋會求福行來治生大火大水焚漂黑風所吹船舫江河大海羅刹之難亦設誦講說此經律乃至一切罪報三惡八難七逆種種枷鎖繫縛其身多姪多順多愚癡多疾病皆應講此經律而新學菩薩若不爾者犯輕垢罪

若佛子常應教化一切至皆應立之此勸修福也言常當教導開化一切有衆衆生使其建樹起院廣治山林園圃田地造立佛塔聚十方僧結制參禪設戒定處施智慧所一切廣行智道之處咸當

立之如是真實修福不昧因果以滿自他檀波羅蜜故而菩薩應爲至多疾病皆應講此經律此修慧也言菩薩當爲一切衆生講演宣說大乘經律不特此也若人疾病時或國家大難賊盜之難及父母兄弟和尙阿闍黎死亡之日及一七二七乃至七七之日亦當講演敷宣此大乘經律或一切修齋設會求福利者遊行來往治生產業大火所焚大水所漂黑風吹起船舫江河大海羅刹之難亦應看讀背誦講解敷說此大乘經律乃至一切惡業因果報應三惡八難七遮手拊足械刃戰枷鎖五處繫縛多姪多病多疾病一一難皆當講演此大乘經律如是真實修慧利益無邊以滿自他般若波羅蜜故而新學菩薩若不如是修福修慧二種莊嚴者犯輕垢罪此八難與頂位八難中淨名疏言界內八難也三惡道北洲根不具佛前佛後世智辯聰無想天是

如是九戒應當學敬心奉持梵壇品當說如是九戒結前應當學勸修敬心奉持珍重謹守

佛子
上二有

而勿失也。末句言大部內有梵壇品後當詳說也。
○第四十揀擇授戒戒

佛言佛子與人授戒時不得揀擇一切國王王子大臣百官比丘比丘尼信男信女姪男姪女十八梵天六欲天子無根二根黃門奴婢一切鬼神盡得受戒。應教身所著袈裟皆使壞色。與道相應皆染使青黃赤黑紫色一切染衣乃至臥具盡以壞色。身所著衣一切染色。若一切國土中國人所著衣服比丘皆應與其俗服有異。若欲受戒時應問言現身不作七逆罪耶。菩薩法師不得與七逆人現身受戒。七逆者出佛身血殺父殺母殺和尚殺阿闍黎破羯磨磨轉法輪僧殺聖人若具七逆即現身不得戒。除一切人盡得受戒。出家人法不向國王禮拜不向父母禮拜六親不敬鬼神不禮但解法師語有百里千里來求法者而菩薩法師以惡心瞋心而不即與授一切衆生戒者犯輕垢罪。

佛言佛子等者言與一切人授戒之時不得生揀擇人之心但一切國王王子至一切鬼神無有受

不得戒者不可揀擇威當與授戒也。應教身所至俗服有異者言既與戒當作何形儀。當教身著壞色袈裟像個道人與道相應故皆使染五色相雜之色不特袈裟使染壞色。即一切禪衣禪裙臥具凡身所衣皆可壞色。若一切國土中國人所著衣服自是用俗五色各染一色者多我比丘佛子等皆當與他不同俗有俗服僧有僧衣威儀與其有異也。若欲至不得戒言上雖不揀而不揀中亦有所當揀者云何當揀耶。受戒時應問言汝等現世今生不曾作七逆等罪耶。若答云無則不揀也。若答云有法師不得與七逆人授戒。七逆者一出佛身血二殺父三殺母四殺和尚五殺阿闍黎六破羯磨轉法輪僧七殺聖人若具此七逆即不得戒。是所當揀。除此之外餘一切人盡得受戒故不得揀也。出家人等者言既爲佛子迫出世法之外不宜向國王向父母行世間禮拜之事也。非見國王父母而生憍也不敬六親不相顧頻往來也不敬鬼神不行齋齋之事也。非向六親鬼神而生慢也。言

爲佛子當超然物表不爲世俗之禮所拘忌也但
解法師語者但解廣該一切但能通曉法師語言
憑他百里之近千里之遙來茲乞求戒法者而苦
薩法師應當與授若以惡心嫉妬瞋心恨悔而不
卽與一切衆生戒者犯輕垢罪

○第四十一爲利作師戒

若佛子教化人起信心時菩薩與他人作教誡法師
者見欲受戒人應教請二師和尚阿闍黎二師應問
言汝有七遮罪否若現身有七遮罪者師不應與授
戒若無七遮者得與授戒若有犯十重戒者教懺悔
在佛菩薩形像前日夜六時誦十重四十八輕戒苦
到盡三世千佛得見好相若一七日二三七日乃至
一年要見好相好相者佛來摩頂見光華種種異相
便得滅罪若無好相雖懺無益是人現身亦不得戒
而得增長受戒益若犯四十八輕戒者對首懺悔罪
便得滅不同七遮而教誡師於是法中一一好解若
不解大乘經律若輕若重是非之相不解第一義諦
習種性長養性性種性不可壞性道種性正覺性其

中多少觀行出入十禪支一切行法一一不得此法
中意而菩薩爲利養爲名聞故惡求多求貪利弟子
而詐現解一切經律爲供養故是自欺詐亦欺詐他
人故與人授戒者犯輕垢罪

若佛子教化人等者言菩薩欲教導開化一切人
起信心之時菩薩與他人作如是教誡與人爲開
導法師者見欲要受戒人法師應教受戒人先請
和尚阿闍黎二師二師應問受戒者言汝有七遮
罪否若受戒人現身有七遮罪者師不應與授戒
若無七遮者得與授戒此以上明與人授戒不得
自專必同二師授也若有犯等者言既受戒已設
有犯戒又當云何不可爲利作師不明輕重懺悔
之儀或濫同七遮捨棄而不教省不可也設若有
犯十重教懺悔時對佛菩薩形像前日夜六時誦
十重四十八輕戒發至誠心苦苦懺悔禮
拜三世千佛求得好相若一七日見或二三七乃至
七七一年畢竟要見好相好相者或行懺處或
坐禪處或睡夢中卽或感動佛親摩頂或見光華

種種奇相。以此證知。便得知自己罪花凋卸。業障消除。還復戒體。若無如是好相之時。徒勤懇禱心。不專一無所感動。儀亦無益也。是人現身亦不得復戒。而僅能得增長將來受戒利益耳。此明犯十重懺法也。若犯四十八等者。言四十八輕設或有犯。只對十師頭首。人前懇禱求哀懺悔其罪過。即便滅除。此明犯四十八輕懺悔法也。不同七遮者。言此犯重犯輕。俱可懺悔。不同七遮之不通懺悔也。而教誡師。于是一一懺悔法中。應當一一好好思惟解了。明白諦當。方可與人作師也。若不解等者。言若或與人為師。只圖利養。故而不解了大乘經律。以輕作重。以重作輕。以是為非。以非為是。等相亦復不解。中道第一義諦實相之理。不解初賢十住中習種性中賢十行中長養性上賢十迴向中增上性聖位十地中不可壞性等覺中道種性妙覺中正覺性。不解如是六性。子其三賢十聖二覺中間多少觀行。如十住中空觀多假觀。少十行中假觀多空觀。少十迴向中中道觀多空假觀。少

十地位中。自初地至六地。前無相觀。少有相觀。多五地已後。七地已前。有相觀。少無相觀。多自八地後。并等覺。純無相觀。妙覺則一切智觀。故云多少觀行也。出入即出入。定入定。十禪支解見。前即四禪中所修觀法。言出入此十種觀法。十禪定支之中。如是一切觀行法門。一一不通不曉。不得此等法中意味。詎可為人師法哉。而菩薩等者。言不解如是等法之菩薩。苟且與人為師者。何為利養。故名聞故。而生惡求多求之心。師既唱之。徒乃和之。師及弟子。俱以貪利之故。而俱詐現不解言。解不通曉。經律言通曉。經律為衣食供養。故自瞞瞞人。故與人授戒者。犯輕垢罪。

○第四十二為惡人說戒戒

若佛子。不得為供養。故於未受菩薩戒者。前若外道惡人。前說此千佛大戒。邪見人前。亦不得說。除國王餘一切。不得說是惡人。雖不受佛戒。名為畜生。生生不見三寶。如木石無心。名為外道。邪見人。輩木頭無異。而菩薩於是惡人前。說七佛教誡者。犯輕垢罪。

若佛子不得等者言能解法者不得以貪利而濫說也。渴而與飲則水之味甘。暗而思明則燈之用大。是以未受大戒人及外道惡人前皆不得說此千佛大戒。不特于此。即邪見人更是不得為說也。除國王者。謂如來曾以佛法付囑國王。宰臣掌護。俾令久住世間。滅惡生善。更王道教。莊嚴。凡所行佛事。不宜隱諱。故除國王也。餘一切外道邪見人前。不得為說者。何謂是一切人乃惡人之輩。不受諸佛大乘戒法。有眼如盲。有耳如聾。就如畜生一般。無有智慧。不通人理。應墮三塗。生生世世不聞三寶名字。又如木石一般。不識不生不滅之心。金剛不壞之體。故所以名為外道邪見人。輩與木頭石塊無以異也。如龍聽法而悟。道憐聞懺以生。天生公說法。頑石為之點頭。可以人而不如畜與石乎。而菩薩若于是諸惡人前說此七佛千佛大戒者。犯輕垢罪。

○第四十三無慚受施戒

若佛子。信心出家受佛正戒。故起心毀犯聖戒者。不

得受一切檀越供養。亦不得國王地上行。不得飲國王水。五千大鬼常遮其前。鬼言大賊人。房舍城邑宅中鬼復常掃其腳跡。一切世人皆罵言佛法中賊。一切衆生眼不欲見犯戒之人。落生無異木頭無異。若故毀正戒者。犯輕垢罪。

若佛子。信心等者。言佛子最初信心出家。能捨邪見。來受諸佛正大光明寶戒之時。其心本正。理合受人天供養。及其日久歲深。懈于守戒。便生慢心。故起不信之心。偏邪之念。而毀犯諸佛大戒者。豈可仍前得受一切國王王子大臣居士長者檀越飲食衣服臥具醫藥種種供養耶。亦不得等者。言不特不宜受供養已也。而亦不得踐國王土。在此地上行。無他。善足處不得飲國王水一滴也。難消也。五千等者。言五根本戒若精而不犯。則五千善神為之護祐。若懈而有毀。則五千惡鬼為之障祇。故常遮其前。轉禍成福也。鬼言大賊至腳跡等者。言神惡之之極。即蹤跡亦有所不容。況其形耶。一切世人至不欲見等者。言人惡之之極。即其

◆第一節

形相且不欲眼見。況與共行止耶。故所以犯戒之人。神人咸惡。惡其非人。人道難容。應墮三塗。與畜生一般。木頭一般。無以別也。若故捨正信。而毀破正戒。無慚愧心。受人供養者。犯輕垢罪。

○第四十四不供養經典戒

若佛子。常應一心受持讀誦大乘經律。剝皮爲紙。刺血爲墨。以髓爲水。析骨爲筆。書寫佛戒。木皮。穀紙。絹素。竹帛。亦應悉書。持當以七寶。無價香華。一切雜寶。爲箱囊盛。經律卷若不如法供養者。犯輕垢罪。

若佛子。常應等者。言佛子恒當專一其心。將此大乘經律受而持持而讀讀而誦。如法流通。此甚深妙法也。云何流通耶。流通有二。一應捨身命。剝皮爲紙。刺血爲墨。以髓爲水。析骨爲筆。一書寫此大乘經律以流通之也。二應捨財寶。變易木皮。穀紙。絹素。竹帛。亦當書寫受持以流通之也。云何供養耶。當恒以金銀珊瑚。磲磔。琥珀。玫瑰。瑠璃。七寶。無價最貴香華。一切雜寶。間錯莊嚴。爲箱囊盛。貯經律卷本以供養之也。如是流通供養。是真佛

子。若不如法流通供養者。犯輕垢罪。

○第四十五不化衆生戒

若佛子。常起大悲心。若入一切城邑舍宅。見一切衆生。應唱言。汝等衆生。盡應受三皈十戒。若見牛馬。猪羊。一切畜生。應心念口言。汝是畜生。發菩提心。而菩薩入一切處。山林川野。皆使一切衆生發菩提心。是菩薩若不教化衆生者。犯輕垢罪。

若佛子。常起等者。言佛子常起大悲拔苦心。時爾入一切城邑舍宅之處。見諸衆生。應當唱言。汝等衆生。各各具有佛性。戒體由汝。無始至于今生。以不持戒。故而輪迴諸趣。今既覺知。前非捨惡從善。盡應受持三皈五戒。十戒。禁止將來。永不再起。如是惡業也。若見牛等者。言不但人所當教。卽牛馬猪羊等之畜生。亦當心中作念。口中發言。汝雖是畜生。咸具佛性。戒體當發。無上菩提覺心。毋使再迷。故也。而菩薩等者。言不止近人六畜。如此教化。卽遠而山林川野。一切之處。凡見一切衆生。咸使發無上菩提覺心。毋使再迷。故也是菩薩見一切

衆生若不教化便發心者犯輕垢罪

○第四十六說法不如法戒

●入上一有

若佛子。常行教化起大悲心。入檀越貴人家。一切衆中不得立爲白衣。說法應在白衣衆前高座上。坐法師比丘不得地立。爲四衆白衣說法。若說法時法師高座香華供養。四衆聽者下坐。如孝順父母敬順師教。如事火婆羅門。其說法者若不如法。說犯輕垢罪。若佛子。常行等者。言佛子恒行菩薩行。教化一切衆生。起此大悲拔苦心。時或入一切好施檀越行捨貴人之家。于一切廣衆四衆人中不得立地。自輕爲白衣人。說法當云何。說當在白衣衆前高設法座。尊重法師。師理宜隨座。如法而說法。師比丘切不得立地。自卑爲四衆白衣等說法。使彼生慢也。若果欲爲衆說法之時。爲法師者理宜高座上坐。聽法者當陳設香華如法供養。三業虔誠。法師乃可應機而說也。四衆聽者各分其類。次第下坐。如孝順父母一樣敬師而不慢。順師而不違也。又如事火婆羅門一般精勵而不忘恭謹。而不忽

也如是說者聽者人已兩利。功不唐捐。若其說人不如法爲說者犯輕垢罪

○第四十七非法制限戒

●安上一有

若佛子。皆以信心受戒者。若國王太子百官四部弟子。自恃高貴。破滅佛法戒律。明作制法。制我四部弟子不聽出家行道。亦復不聽造立形像。佛塔經律立統制衆安籍記。僧菩薩比丘地立白衣高座。廣行非法。如兵奴事主而菩薩應受一切人供養。而反爲官走使非法非律。若國王百官好心受佛戒者。莫作是破三寶之罪。而故作破法者犯輕垢罪

●前一作若

若佛子。皆以等者。言僧俗佛子。午飯三寶皆咸以正信實心受佛大戒者。悉佛界內之人。非局外人也。若國王太子百官四部弟子。理宜護助令其入道修行。倘自恃位高尊貴。生我慢心。破壞斷滅佛法戒律。明彰作用。制限法度。制我四部弟子。使三寶不得興隆。不許出家行道。而斷僧寶。亦復不聽造立佛菩薩形而斷佛寶。不聽修建佛塔印寫經律而斷法寶。而更立官屬統轄裁制四衆安排薄

如字上一看

籍記載僧名傳一。不得自在也。菩薩比丘理應高座。而反立地。白衣理應立地。而反使高座。如是顛倒。廣行非法。不如意事。就如兵之事。帥奴之事。主一般。制我四部弟子。有不忍見聞者。而菩薩比丘。理當受國王太子百官一切禮。那供養是正理也。而反為俗家官家走使。如是非法。如是非律。豈理也哉。若國王百官既好心。入此法門。受佛大戒者。切莫作如是等破滅三寶罪過。而招未來無盡惡果也。若違而故作破法因緣者。犯輕垢罪。

○第四十八破法戒

若佛子。以好心出家。而為名聞利養。於國王百官前說佛戒者。最與比丘比丘尼菩薩戒弟子作繫縛事。如獄囚。囚之之法。如獅子身中蟲。自食獅子肉。非餘外蟲。是佛子自破佛法。非外道天魔能破。若受佛戒者。應護佛戒。如念一子。如事父母。不可毀破。而菩薩聞外道惡人以惡言。誘佛戒之聲。如三百鉞刺心。千刀萬杖。打拍其身。等無有異。寧自入地獄。經於百劫。而不聞一惡言。破佛戒之聲。況自破佛戒。教人

破法因緣。亦無孝順之心。若故作者。犯輕垢罪。

若佛子。以好等善言。佛子最初發心出家。心未有不正念。未有不端。是何等好心。及其法久生弊。漸相染習。故亦轉成為名為利人也。既貪名利好心。即無乃于國王百官之前。而說佛戒。仗彼威力。壓已同行。橫與比丘比丘尼出家二眾及菩薩戒弟子在家二眾。作諸繫累。纏縛不解脫等事。如獄囚法。不得離苦。如兵奴法。不得自便。又如獅子身中之虫。自食獅子之肉。非餘外虫。能食獅子肉也。獅子獸中王。何虫敢近以食獅子肉者。還是獅子自己身中虫。自食獅子身中肉。非餘外虫而食之也。如是等者。正說破法。以明獅子喻。義言如是佛子。自己破滅佛法。豈是三寶之外。外道天魔能破。茲佛法。還是佛法中人。自破佛法。如獅子身中虫。自食獅子肉一般耳。若受佛等者。言受佛戒人。當保護佛戒。靠之猶如一子。祖宗血脉相關。是極要緊事。詎可失耶。失則無靠也。護戒又如父母一樣。若毀若破。即是不孝其罪。可勝言也。而菩薩一聞外

道惡人說一惡言誘佛戒之菩薩即如三百鋒刺

心其痛難忍一鐵千刀萬杖打拍其身其痛難受

一機無以異也寧可承當自入地獄中受百劫千

劫長遠極苦不願聞佛音聲之苦何況自己破

滅佛法及教人破滅佛法因緣也耶此更是不孝

順道無孝順之心者也若故作者犯輕垢罪

如是九戒應當學敬心奉持

如是九戒結前應當學敬心奉持勸敬慎奉

行持守而勿失也以上釋四十八輕文竟下總結

戒相

諸佛子是四十八輕戒汝等受持過去諸菩薩已誦

未來諸菩薩當誦現在諸菩薩今誦

諸佛子結告其人是四十八句總舉其法以勸受

持也過去數句引同行以勸誦也謂四十八輕戒

非我獨勒汝等新學誦持乃是過去諸菩薩已誦

未來諸菩薩當誦則汝等現在諸菩薩今誦也以

上正宗分文竟即人間說戒中二總結戒相也下

通

諸佛子聽十重四十八輕戒三世諸佛已誦當誦今

誦我今亦如是誦汝等一切大眾若國王王子百官

比丘比丘尼信男信女受持菩薩戒者應受持讀誦

解說書寫佛性常住戒卷流通三世一切衆生化化

不絕得見下佛佛授手世世不墮惡道八難常生

人道天中我今在此樹下略開七佛法戒汝等大眾

當一心學波羅提木叉歡喜奉行如無相天王品勸

學中一一廣明三千學士時坐聽者聞佛自誦心心

頂戴喜躍受持

諸佛子聽等者言諸佛子汝等聽我所說十重四

十八輕之戒法者實乃三世諸佛相傳而誦過去

諸佛已誦未來諸佛當誦現在諸佛今誦是故我

今亦隨諸佛亦如是誦也則汝等一切大眾豈可

不如是誦耶若國王王子之仁君文武百官之良

臣比丘比丘尼之清淨衆信男信女之淨信人凡

受持此菩薩十重四十八輕戒法者悉應受領于

心持守毋失朝朝習讀日日誦誦解義轉說或書

十
上
一
有

或寫此佛性常住戒。存俾其廣演流通。令過現未三世一切衆生展轉化化。不令斷絕者。何益欲使一切衆生得見千佛。佛佛授手。決定不墮三惡八難之處。決定恒于人道天道中。生滅罪福。得大饒益。自利利他。也。我等者。言我釋迦。今在此菩提樹下。示現成道轉大法輪。此乃聊且略爲開闢過去七佛所傳妙善戒法。汝等大衆應當專一斯心。習學此波羅提木叉。保解脫戒。以是勸汝歡喜奉行。勿自怠耳。此但略說如大部內無相天王品勸學中方乃一一廣明此義也。三千學士。卽在會諸菩薩。總該天龍八部道俗。而當時坐中聽者。聞佛自誦十重四十八輕戒法。悉皆信心頂戴。其喜躍受持善護勿失也。此初流通本戒也。

爾時釋迦牟尼佛。說上蓮華臺藏世界盧舍那佛心地法門品中十無盡戒法品。竟千百億釋迦。亦如是說。摩羅首羅天王宮。至此道樹下。住處說法品爲一切菩薩。不可說大衆。受持讀誦解說其義。亦如是千百億世界。蓮華藏世界。微塵世界。一切佛心藏地。

藏戒藏無量行願藏。因果佛性常住藏。如是一切佛說無量一切法藏。竟千百億世界中一切衆生受持歡喜奉行。若廣開心地。相如佛華光王七行品中說。

爾時者。卽上繫付大衆聽受心地戒法之時也。言釋迦婆婆教主化身如來。說上蓮華臺藏世界盧舍那佛所傳心地法門品中十無盡戒法品。如是行布圓融。一一事理已說究竟。而千百億釋迦化佛亦悉如婆婆教主所說不異也。然而威從摩羅首羅天王宮中。至此菩提樹下。及諸住處所說法品。而爲一切菩薩及不可說之大衆。如是大衆各各受持讀誦。各各解了傳說其中義味。亦如婆婆大衆受持解說不異也。不特此也。卽千百億世界中。佛乃至微塵世界中。佛此之一切諸佛所說三十心藏。十地藏。十重四十八輕戒藏。寶聖所行無量行藏。無量願藏。百劫修行因藏。成等正覺果藏。一切衆生本覺佛性之常住藏。如上八種俱言藏者。言此八藏廣博包含圓融偏攝。如是一切諸

佛所說此心。地等無量一切法藏究竟。而百千億世界之中。一切衆生受持歡喜。一一奉行亦如此。界衆生等無有異也。如是本佛。迹佛迹迹之佛。說法度生。大略如此。若廣開心地。一一相相之義。則又在大部之中。如佛華光王七行品中。詳其所說。一一心地相及無量行願相。無不備足矣。此二總結本品也。

明人忍慧強 能持如是法 未成佛道間

安獲五種利 一者十萬佛 愍念常守護

二者命終時 正見心歡喜 三者生生處

爲諸菩薩友 四者功德聚 戒度悉成就

五者今後世 性戒福慧滿 此是諸佛子

智者善思量

明人等者。此乃讚獎持戒利益之義。言明人即超越凡夫之類。乃有忍力慧力二種強力之德。能護戒體者。所以能持如是法也。此人當來決定成佛。且未成佛道間。先已安然自獲五種殊勝利益。何名五利。一者謂有忍慧持戒人。即感十方諸佛愍

念加護。使其進道無魔得紹佛種。故二者有忍慧持戒人。臨命終時。得正知見。心生歡喜。遠離惡境。故三者有忍慧持戒人。生生世世同行同住。恒爲菩薩益友。遠離惡黨。故四者有忍慧持戒人。無量功德品聚。一切戒度悉能成就。無一法不充足。故五者有忍慧持戒人。從今向後。自性戒體福慧圓滿。稱兩足尊。故前四因。後一果。此五種利。是持戒諸佛子有忍慧強力智者。應當善爲思惟。籌量體會而修行之也。

計我善相者 不能信是法 滅壽取證者

亦非下種處 欲長菩提苗 光明照世間

應當靜觀察 諸法真實相 不生亦不滅

不常復不斷 不一亦不異 不來亦不去

如是一心中 方便勤莊嚴 菩薩所應作

應當次第學 於學於無學 勿生分別想

是名第一道 亦名摩訶衍 一切戲論惡

悉從是處滅 諸佛薩婆若 悉由是處出

計我等者。言計我之外道善相之凡夫如是等人。

不能信是無持而持無受而受清淨戒法不特凡外不能即耽空滅守寂取證諸緣聞二乘人亦非是下菩提種處所謂焦芽敗種不善思量故皆無分設或欲要長養菩提根苗而使智光慧明照祭世間者應于此心地戒中靜觀靜察諸法之中真而無妄實相戒體之理此個實相戒體不屬緣生亦不屬緣滅不同凡夫生滅不屬于常亦不屬于斷不同外道斷常顛殊難合而不同一體難分而不異迎之莫知所從而本不來追之莫知所至而本不去不同二乘修證等法也如是實相戒體一心之中應當起種種巧妙方便勤修種種萬行福莊嚴如是福慧二嚴非凡外二乘所能作乃是發大乘心受大乘戒諸菩薩之所應作也更應當次第如法修學研窮斷惑有法可學不生分別之想心研窮盡盡無法可學亦不生分別之想心既不分有亦不別無是則名為中道第一義諦之道亦名摩訶衍之大乘法也如此則一切凡外小乘戲論惡法入茲一道摩訶衍大治之中不第

而化咸皆滅盡無餘諸佛智慧神通三昧薩婆若妙果咸從此一道摩訶衍大法之中豁然顯現無少欠缺也此心地戒法能善思量其即滅罪生善得大利益有如此者

是故諸佛子

宜發大勇猛

於諸佛淨戒

護持如明珠

過去諸菩薩

已於是中學

未來者當學

現在者今學

此是佛行處

聖主所稱歎

我已隨順說

福德無量聚

回以施衆生

共向一切智

願聞是法者

疾得成佛道

是故等者言既滅惡生善有如是益所以諸佛子等宜當發大心奮勇猛力于諸佛清淨戒法善爲保護持守猶如明珠一般貴重莫令損污方是真佛子持心地中光明金剛寶戒也過去等者言此大戒經乃過去諸菩薩已證果者已于是中學而未來諸菩薩未證果者當于是中學此現在諸菩薩者今于是中學此實是三世諸佛之所行處本師舍那聖主之所稱揚讚歎也我已等者言我亦

隨順諸佛所說稱揚心地戒中廣大福無量聚廣大德無量聚也。應當同向布施三世一切衆生。令向一切法界。如妙智更顯。凡聞如是大乘妙善戒者。咸得疾速證真。早成佛道。圓滿果海也。此三總讚流通也。

三十七輕中八難

若國難等者。言若邦國中有此八難。惡王不信。三寶是一土地。高下遷變。不常是。二草木深遠。師子虎狼惡獸。難是三水有漂沒之難。是四火有焚燒之難。是五瓶有鼓擊之難。是六劫賊有謀財奪命之難。是七道路毒蛇惡蟲。難是八一切難等者。言上八難。此但略言耳。若廣則多。一切難處悉不可入也。

佛說梵網經順頌卷下終